



FR. THOMÆ MARIÆ
CERBONI

ORDINIS PRÆDICATORUM,

SACRÆ THEOLOGIÆ MAGISTRI,

ET PROFESSORIS IN URBANO COLLEGIO
DE PROPAGANDA FIDE

DE JURE, ET LEGUM
DISCIPLINA
TOMUS TERTIUS.



ROMÆ MDCCLXXVII.

TYPIS SACRÆ CONGREGATIONIS
DE PROPAGANDA FIDE.

PRÆSIDII FACULTATE.

THE
JOURNAL OF THE
ROYAL ANTHROPOLOGICAL INSTITUTE
OF GREAT BRITAIN AND IRELAND
PUBLISHED BY THE
LONDON AND WINDSOR PRINTING CO. LTD.
LONDON AND WINDSOR



SANCTO JOANNI APOSTOLO, ET EVANGELISTÆ

TRANSFIGURATIONIS DOMINI NOSTRI JESU CHRISTI SPE-
CTATORI, ET TESTI BEATISSIMO, SUPRA PECTUS
DOMINI OB PRÆCIPUAM DILECTIONEM OLIM IN Cœ-
NA RECUMBENTI, JESU CHRISTI DIVINITATIS EXIMIO
PRÆCONI, AC PRINCIPI THEOLOGORUM, MUTUI
AMORIS EXEMPLARI PRÆSTANTISSIMO, VIRGINITA-
TIS AMATORI, CUI CHRISTUS IN CRUCE POSITUS
SUAM MATREM VIRGINEM COMMISIT.



UO hæc primum tempore *De Ju-
re, & Legum Disciplina* litteris
mandare, ac totius Operis fundamenta ponere
institui, ejus unum Tibi volamen, SANCTISSIME
APOSTOLE, a me vovendum, dicandumque esse
decrevi. Id nunc tota animi alacritate præsto, at-
que reverentia, qua maxima erga Te mea pos-
sum, sub Tuo nomine illud emitto. Quod Tibi
a 2 offe-

offero, id non solum præcellenti illa gloria, qua nunc uti Apostolus, Evangelista, Martyr, Doctor, Propheta, atque Virgo præfulges in cœlis, longe inferius, sed etiam pro eo, quod a me Tibi pro Tua singulari gratia rependi deberet, prorsus impar, & novi, & profiteor: verumtamen si aliqua in re exteriori, quæ palam esset, manifestare poteram, quam sublimiter, licet nunquam satis digne, de Tua præcellentissima Sanctitate sentirem, quamque pro insigni beneficentia in me Tua omnino me Tibi devinctum cognoscerem; nullo modo negligendum putavi. Nam si omnibus testatum velle, quam quispiam de altero sententiam, & eam quidem plenam sublimioris existimationis, præconceptam habeat, quæque ab eo beneficia receperit, ipsa per se affectio interior, reverentia, gratique animi officium hominem cogit; cur nunc ego hoc meo munusculo, quum aliud majus non habeam, non publice prodam, Tua præclarissima merita profundiori obsequio mentis, cordisque sinceriori affectione me colere, ac singularem bonitatem, & beneficentiam erga me Tuam prædicare? Nosti Tu sane, quanta ego Tibi debeam: præcellentissimam vero Tuam Sanctitatem ne commemorare quidem pro merito possum. Nam Dei Verbum ante secula & apud Patrem, & Deum esse, non solum cognoscere, atque videre, sed profundiori sublimitate explicare didicisti, atque ita quidem Divinæ in Christo naturæ præcipuus

pro-

v

promulgator divinitus effectus, tam a Græcis, quam a Latinis non alio sæpe, quam *Theologi* nomine, vocatus fuisti. Theologus sane, verissimeque Theologus, quia quo non Propheta, non Patriarcha, non quilibet alius potuerat (1), Tibi datum fuit, ut pertingeres, & instar aquilæ, quæ suos oculos in lucem hujus solis acutius intendit; Tua acie mentis ipsum Divinum Solem proprius conspiceres. At vero non solum Divinæ Sapientiæ thesauri sublimiores Tibi refferati, quam tenerioris charitatis dulciora principia communicata fuerunt. Dum enim ad se mutuo diligendos omnes adhortaris, non tam suavissima monita charitatis tradere videris, quam amantissimi Tui cordis, singularisque benignitatis, atque amoris erga omnes certissima argumenta præferre. Nam non filios tantum, sed & *Filiolos*, atque *Charissimos*, eos sæpe vocas, quos in Divina charitate suscipis instituendos, & modo patres, modo adolescentes, modo infantes, modo juvenes singulariter dulcissime compellas, cunctosque ad se mutuo diligendos tanta non minus efficacia, quam mansuetudine, suavitate, & quadam profusione amoris adhortaris, ut utrum corde, an lingua loquaris, dubium esse videatur. Ejus ergo tum Divinæ cognitionis, tum mirificæ charitatis, quam super Jesu Christi pectus recumbens, uberime ex eo hausisti, obtine mihi, AMANTISSIME

APO-

(1) Vide S. Petrum Damianum serm. 63. De S. Joanne.

APOSTOLE , ut aliqua ratione particeps sim , atque ita pleniorē cognitionem Dei assequutus , vere , & non prout usque modo mea infirmitate feci , Deum ex toto corde amare , & in Deo alios omnes diligere possim . In Tuo patrocinio confido plurimum , meque totum repono ; atque interim non minus verbis , quam devotiori obsequio S. Cyrilli Alexandrini (1) , qua humiliori veneratione possum , ita Te compello : “ Salve porro ,
 „ o ter BEATE JOANNES APOSTOLE , ET EVANGELISTA , virginitatis decus , pudicitiae magister ,
 „ diabolicæ fraudis exterminator , templi Dianæ everfor , Ephesinæ urbis portus , & propugnaculum ,
 „ pauperum nutritor , afflictorum perfugium , eorum , qui vicini sunt , & qui longinqui , refectio . Salve purissimum vas , castitate plenum . Tibi enim & Dominus noster
 „ Jesus Christus , quum in cruce efferretur , Sanctam Dei Genitricem , semperque Virginem , tradidit “ .

IN-

(1) Apud Combefisium tom. 1. *Biblioth. Patrum* in Festo S. Joannis Apostoli .

I N D E X

C A P I T U M .

L I B E R XXI.

D e auctoritate Romani Pontificis supra Concilia <u>Œcumenica.</u>	<u>Pag. 1</u>
CAPUT I. De jure convocandi Œcumenica Concilia, quod est penes Summum Pontificem.	2
II. De jure præsidendi Œcumenicis Conciliis, quod est penes Summum Pontificem.	53
III. De jure confirmandi etiam decreta Conci- liorum Œcumenicorum, quod est penes Summum Pontificem.	122

L I B E R XXII.

De appellationibus.	199
CAPUT I. De natura ipsarum appellationum.	201
II. De appellationibus factis ad Sedem Apostoli- cam ante tempora Concilii Sardicensis.	205
III. De iis, quæ, habita ratione appellationum, in Concilio Sardicensi decreta fuerunt.	245
IV. De eo usu, in quo appellationes ad Apostoli- cam Sedem fuerunt apud Orientales Eccle- sias a celebrato Concilio Sardicensi.	268
V. De usu appellationum in Ecclesia Occidentali ad Sedem Apostolicam post Synodum Sar- dicensem, & ante tempora Concilii Trul- lani.	312
VI. De eo fundamento, quod appellationes ad Se- dem Apostolicam in jure Divino habent.	363
VII. De eo fundamento, quod appellationes ad Se- dem Apostolicam habent in jure civili prio- rum seculorum.	378
	L I.

De infallibilitate Romani Pontificis.	384
CAPUT I. De ea diversitate , quæ inter judicia Romanorum Pontificum intercedit , deque iis judiciis , quæ infallibilitatem habere tue- mur .	385
II. De infallibilitate Pontificiorum de fide judicio- rum , ejus fundamenti habita ratione , su- pra quod Ecclesia a Christo extructa fuit .	403
III. De infallibilitate Pontificiorum de fide judi- ciorum , habita ratione eorum , quæ <i>Luca</i> cap. 22. v. 31. & seq. Christum ad Petrum dixisse legimus .	412
IV. De infallibilitate Pontificiorum de fide judi- ciorum , habita ratione eorum , quæ <i>Joan- nis</i> cap. 21. v. 11. & seqq. leguntur .	427
V. De ea distinctione , quæ a nonnullis ponitur inter Sedem , Cathedram , vel Ecclesiam. Romanam , & Pontifices , ut suam falsam opinionem tueantur .	431
VI. De consensu Ecclesiæ Romanæ , quem nonnul- li requirunt ad infallibilitatem Pontificio- rum de fide judiciorum .	456
VII. De consensu totius Ecclesiæ , quem nonnulli ad infallibilitatem Pontificiorum de fide judiciorum requirunt .	472

I M P R I M A T U R ,

Si videbitur Rmo Patri Sacri Palatii Apostolici Magistro .

F. A. Marcucci Episcopus Montisalti Vicegerens .

I M P R I M A T U R .

Fr. Thomas Augustinus Ricchini , Ordinis Prædicatorum ,
Sacri Palatii Apostolici Magister .

D E



DE JURE, ET LEGUM DISCIPLINA

LIBER XXI.

DE AUCTORITATE ROMANI PONTIFICIS
SUPRA CONCILIA ŒCUMENICA.



UM suprema legislativa potestate , quam Summus Pontifex super universam Ecclesiam habet , simplex , absolutum , & cujusvis Aristocraticæ contemperationis expers Monarchicum regimen conjungi debere , in superiori libro jam confecimus . Ex hoc autem consequitur , ut quævis tandem in Ecclesia optimatum simul in unum coeuntium congregatio habeatur , in suis definitionibus subiecta esse debeat judicio Romani Pontificis , qui in Ecclesia & Supremam legislativam potestatem habet , & Monarchicum regimen tenet . Si de Ecclesiæ Hierarchico ordine loquamur , congregatio optimatum simul in unum coeuntium , & quidem præcellentissima omnium , quæ dari possint , tunc

Tom. III.

A

habe-

habetur, quando universæ Ecclesiæ Præfules ad Œcumenicum Concilium celebrandum simul conveniunt. Judicia ergo etiam istorum ut sint Summi Pontificis judicio subiecta, & Suprema illius legislativa potestas, & simplex, atque absolutum Monarchicum regimen, quod super universam Ecclesiam habet, secundum legem connexorum requirit. Nam semel ac potestas legislativa sit Suprema, eo in ordine, in quo ipsa talis est, altera neque superior, neque etiam æqualis dari posse debet: simili ratione regimen, quod absolute, atque simpliciter Monarchicum sit, quale illud est, quod Summus Pontifex super universam Ecclesiam habet, nullam Aristocratix contemperationem paritur, quemadmodum jam ostendimus. Quapropter ex Suprema legislativa potestate Romani Pontificis illud consequitur, quod regimen illius simpliciter, & absolute Monarchicum sit; ab utroque autem, hoc est, tum a suprema legislativa potestate, tum a regimine simpliciter, & absolute Monarchico, hoc alterum derivatur, quod nunc explicandum aggredimur, scilicet judicia Patrum in Concilio Œcumenico congregatorum subiecta esse debere judicio Romani Pontificis. Quum vero tota ratio Conciliorum, habito respectu ad Romanum Pontificem, tria complectatur, hoc est, convocationem, præfidentiam, & confirmationem illorum, quæ in eisdem Conciliis decernuntur; ideo ad Summum Pontificem spectare Concilia Œcumenica indicare, præsidere illis, & confirmare, quæ decreta fuerint, in tribus capitibus ostendemus. Hæc enim tria, sicuti a primo principio, proficiunt ab illa Suprema legislativa potestate, quam undequaque explicare nobis proposuimus.

C A P U T I.

DE JURE CONVOCANDI ŒCUMENICA CONCILIA;
QUOD EST PENES SUMMUM PONTIFICEM.

§. I. **Q**uando agitur de potestate convocandi Œcumenica Concilia, jus a facto distingui debet.

Quan-

Quandoque contingit, ut aliquis non solum faciat, quod sibi proprio jure convenit, sed etiam quod habet, ut faciat, ex permissione alterius, aut ex suæ tantum arbitrio voluntatis. Ex quo consequitur, ut si quispiam ex facto certum judicium de jure ferre semper velit, procul dubio fallatur. Quapropter quando de potestate disputatur, non tam quærendum est, quid factum sit, quam utrum jure factum illud fuerit. Hoc vero est, quod in hac nostra quæstione nunc adverti volumus. Unde, quamvis ab aliis, quam a Romano Pontifice, nonnulla Œcumenica Concilia indicta fuisse legamus, colligi inde non debere contendimus, non esse solius Romani Pontificis Œcumenica Concilia convocare. “ Ergo discernenda sunt facta, & jura: (inquit Thomassinus *Dissert. 3. in Synodum Nicenam* num. 5.) & ubi sexcentis legis etiam in ipsa Conciliorum fronte, in Patrumque monumentis identidem audis, convocatas ab Imperatore Synodos, hæc facta quidem, sed non statim jura interpretare: aut si jura, non stricta, & prima, sed indulgentiæ, & œconomix plurimæ accommodata. Hac enim in re, sicut in aliis, in quibus de jure agitur, contingere potuit, immo revera contigit, ut Imperatores non secundum eam potestatem egerint, quæ proprio jure illis conveniebat, sed qua utebantur vel concessione Summi Pontificis, vel ejus œconomica assensione, qualem conditio temporum requirebat. Quando itaque agitur de potestate convocandi Concilia Œcumenica jus a facto distinguatur oportet.

§. II. Non suo jure, sed concessione, seu permissione sibi facta Principes usos fuisse, quando Concilia indixerunt, plura sane ostendunt.

Quemadmodum ergo Thomassinus in citata Dissertatione num. 1. monet, ac simul etiam ostendit, “ Non Nicæna tantum, sed & complures alias Synodos a Constantino Imperatore indictas, convocatasque fuisse, eandemque potestatem a reliquis deinceps Imperatoribus per diu usurpatam, passim loquuntur Ecclesiastica Patrum, & Conciliorum monumenta. Verum suo jure id eos non fecisse, multa sane evincunt. Quandoquidem id juris vel in ipsa illorum Politica

potestate continebatur, vel singulariter a Deo receperant: neutrum vero dici potest: non quidem prius. Nam, ut incipiam a tempore Apostolorum, semel orta disputatione, utrum circumcidi, & jugo legis subjici deberent, qui ex gentibus Christi fidem amplexi fuerant, *Actuum* cap. 15. legimus, quod *convenerunt Apostoli, & Seniores videre de verbo hoc*. Hanc vero disciplinæ rationem Ecclesia deinceps sequuta fuit. Montanitas namque, habito conventu Fidelium, qui in Asia erant, ab Ecclesia expulsos fuisse lib. 5. *Ecclesiast. Histor.* Eusebius tradit. Ejusdem lib. cap. 23., habita mentione ejus controversiæ, quæ de die celebrationis Paschatis in Asia orta fuerat, affirmat, quod *Synodi ob id, catusque Episcoporum convenire* in Palæstina, Romæ, in Ponto, in Galliis, in Osdroenæ provincia. atque Corinthi. Lib. 6. cap. 43. De Novato ejusque hæresi agens, inquit: “ Ob quam rem quum Romæ congregata esset Synodus, in qua sexaginta quidem Episcopi, Presbyteri vero, & Diaconi multo plures convenerunt, quumque provinciæ Antistites quid agendum esset, seorsim consultassent, hujusmodi decretum cunctis promulgatum est: Novatum, & eos, qui cum ipso sese insolentius extulerant alienos ab Ecclesia habendos esse “. Cap. 46. citati Libri ab eodem Eusebio traditum accepimus, Dionysium scripsisse ad Cornelium Pontificem se ab Heleno Tarfi Ciliciæ Episcopo, & a ceteris, qui cum illo convenerant, invitatum fuisse, ut ad *Synodum Antiochenam occurreret*; & cap. 27. quod adversus Paulum Samosatenum “ Reliqui Ecclesiarum Pastores undique exciti simul omnes Antiochiam convenerunt, tamquam adversus gregis Domini vastatorum rem “. Tandem quam multa ab Ekiberitano Concilio, quod anno Christi 305. celebratum fuit, quoad Ecclesiasticam disciplinam sancita fuisse legimus? Hæc quidem Concilia dici Œcumenica non possunt; tamen si æquo jure Episcopi unius provinciæ, aut regni ulla sine Principis non modo jussione, sed etiam consensione, aut permissione, ad decernenda quæ ad fidem, aut disciplinam spectant, in unum simul convenire potuerunt, & revera convenere; haud dissimili ratione omnes

Epi-

Episcopi Christiani orbis idem præstare potuissent . Modo vero ita . Quæ sunt politici juris , Principibus semper æque conveniunt , siue Christianam Religionem profiteantur , siue non profiteantur : aliunde vero Antistites Ecclesiarum ante Constantinum Ethnicorum Principum jura invasisse , dum ullo sine imperio , concessione , aut permissione eorum Concilia celebrarunt , sine maxima temeritate dici non potest . Illud ergo superest , ut dicamus , etiamsi agatur de Principibus , qui Christianam Religionem profiteantur , jus convocandi Concilia in eorum politica potestate nullo modo contineri .

Sed neque etiam a Deo id juris receperunt . Nam illud quidem ex Dei verbo tum scripto , tum tradito perspectum habemus , obtemperandum esse Principibus , atque solvenda tributa : illos esse Dei ministros in bonum , & vindices iram ei , qui male egerit (1) : ceterum spectare ad Principes regere Ecclesiam Dei , pascere gregem Christi , rectæ fidei , ac Christianorum morum definitiones promere , ritus Ecclesiasticos præscribere , ceteraque omnia constituere , quæ disciplinam respiciunt , nullo sane utriusque Divini verbi testimonio ne levissime quidem , aut omnino apparenter , comprobari potest (2) . At vero ideo Concilia convocantur , ut in eis Ecclesiarum regimini prospiciatur , provideaturque gregi Christi , prout conditio temporum requirit , contra fidem , & bonos mores amputentur insurgentes errores , atque constituentur , quæ ad disciplinam pertinent : Concilia itaque indicere nullo modo ad eos spectare potest , qui ab hac tota ratione munerum , cujusmodi sunt Principes , excluduntur . Si enim spectaret ; tum eisdem tota ratio ejus principii subesset , a quo pendent regimen Ecclesiarum , cura gregis Christi , condemnatio errorum , qui insurgunt contra fidem , aut bonos mores , atque ordo Ecclesiasticæ disciplinæ . Principes ergo nullum jus habent convocandi Concilia , tam si ad eorum potestatem politicam , quam si ad Divinam institutionem attendamus .

§. III. Si de Conciliis Œcumenicis loquamur , eorum

COR-

(1) *Roman.* cap. 13. v. 1. & seqq. (2) *Lib.* 18. toto cap. 3. & 4.

convocandorum potestatem penes Principes esse non posse, singularis ratio demonstrat.

Hujusmodi ergo potestatem penes Principes esse non posse præter ea, quæ diximus, etiam ex illorum dominii ratione evidenter ostenditur. S. Leo loquens de duobus Apostolis Petro, & Paulo *Sermone* 72. (1) in Natali eorumdem Apostolorum cap. 1. "Isti sunt, (inquit) qui te ad hanc gloriam provexerunt, ut gens sancta, populus electus, civitas Sacerdotalis, & regia per sacram B. Petri sedem caput orbis effecta, latius præsideres religione Divina, quam dominatione terrena. Quamvis enim multis aucta victoriis jus imperii tui terra marique protuleris, minus tamen est, quod tibi bellicus labor subdidit, quam quod pax Christiana subjecit". Quamvis ergo tempore S. Leonis Imperatores latissime dominarentur; tamen Ecclesiæ regimen latius extendebatur, & in ea quoque loca pax Christiana penetraverant, quæ Imperatoribus non subdicebantur. Toto vero sequenti tempore ad hanc usque ætatem nostram non solum nullus Christianus Princeps præ Romano Imperio magis extensam dominationem habuit, sed cujuslibet dominatio fuit præ illa valde diminuta, ac propterea omnes illas regiones, quæ sub unico Ecclesiæ regimine ubique terrarum late extenso continentur, sub dominio plurimorum Principum Christianorum nunc esse, atque fuisse conspicimus.

Omnes quidem Episcopi, qui in Ecclesiæ unitate vivunt, quique in Petro, atque in Apostolis claves cum potestate ligandi, atque solvendi a Jesu Christo receperunt, ad Concilia Œcumenica convenire possunt, ita ut ab eis nemo illorum æquo jure excludi queat: verum quum fieri non possit, ut omnes ad Œcumenica Concilia conveniant, immo nec expediat, ut singulæ Ecclesiæ aliquo intervallo temporis suo capite hac ratione destituantur; ideo semper existimatum fuit, ad Concilium Œcumenicum sufficere, si ex pluribus Ecclesiæ provinciis ad illud non pauci conveniant, & ex nonnullis locis remotioribus, atque difficilioribus aliqui saltem, prout

(1) Juxta editionem Cacciaril.

prout rei, de qua est agendum, expedire censetur: nec unquam aliquis putavit, illud Concilium pro Œcumenico haberi non posse, cui ex aliquibus etiam valde extensis regionibus nullus Episcopus adfuerit. “ Non satis est quidem (inquit Melchior Canus *De Locis Theologicis* lib. 3. cap. 3.) ad Concilium generale, si evocatio generalis est, quando adeo pauci congregantur, ut major, meliorque provinciarum pars relicta esse videatur, præsertim si causa legitima sit, cur Episcopi Synodo non affuerint. At si per malitiam hominum, pessimorum una, & item altera provincia desit, non propterea Concilii generalis nomen amittitur. Sed ne si per negligentiam quidem, aut aliam occasionem quamlibet Episcopi aliquot desint, nominis sui jacturam generalis Concilium faciet, nisi in dubium vertimus, an Concilia illa quatuor, Nicænum, Ephesinum, Constantinopolitanum, Chalcedonense, generalia sint“. Quapropter ut ex pluribus Ecclesiæ provinciis non pauci Episcopi simul in unum conveniant, atque etiam aliqui saltem ex remotioribus locis, prout res disquirenda postulaverit, hoc esse dicimus, quod ad Concilium Œcumenicum requiritur. Nicæna autem, & Ephesina Synodus, aliæque etiam illorum priorum temporum, quamvis ex solis fere Orientalibus coaluerint, ut Œcumenicæ habitæ fuere, quia eisdem per suos Legatos præfuit Summus Pontifex, qui unus per se universæ Ecclesiæ personam gerens, quemadmodum S. Augustinus sæpius monet (1), ut caput ejus universam Ecclesiam repræsentat, atque etiam singulari ratione totam Occidentalem Ecclesiam uti Patriarcha Occidentis.

Modo ad rem nostram veniamus: intra confinia Imperii cujusvis Christiani Principis talis numerus Episcoporum non continetur, qui ad Concilium Œcumenicum celebrandum sufficiat: igitur licet Christianis Principibus tribuatur facultas Episcopos in unum convocandi, quæ certe iisdem non convenit, tamen nullum per eos Œcumenicum Concilium cogi potest. Nam unusquisque eorum illos tantum Episcopos ad Concilium evocandi auctoritatem haberet, qui intra sui

Impe-

(1) Vide loca ejus lib. 18. cap. 1. §. 5. & seq.

Imperii confinia sedem obtinerent. Neque enim unus Princeps pati posset, aut deberet, ut id auctoritatis supra Episcopos sui regni ab altero Principe exerceretur. Si ergo de Conciliis Œcumenicis loquamur, eorum convocandorum potestatem penes Princeps esse non posse, singularis ratio demonstrat.

» Non tam male consuluit Christus Ecclesiæ suæ (ita recte ad
 » rem nostram Thomassinus *Dissertatione* 3. in *Synodum Nica-*
 » *nam* num. 4.) ut ejus salutem ad terreni Imperii verticem
 » religaverit. Quid enim si nullus aliquando extiterit Impe-
 » rator? Quid si ab Ecclesia deficiat? quid si in plures scin-
 » datur Imperium? quid si Reges undique irruentes Impe-
 » rium dilanient, & in suo quisque tractu imperitet? Quid
 » si qua Imperii portio lacera, non regii, sed sequioris, ac
 » decoloris alicujus regiminis sortem experiri malit? Quid si
 » hæc omnia? Nam & hæc omnia post Constantinum laben-
 » tibus seculis contingere in variis Imperii Romani tractibus.
 » Ergo si horum quodlibet, si plura, si omnia eveniant, non
 » poterit congregari a seculari Principe Œcumenicum Conci-
 » lium. An igitur Ecclesia interim de summa rerum pericli-
 » tabitur? Minime vero. Nam ut fides, & disciplina Eccle-
 » siæ ad seculi usque suam perpetuanda ex Christi promissio-
 » ne non dubitatur; ita nec dubitatur ex ejusdem inexpugna-
 » bili sponse, & potestate æternandus in Ecclesia Episco-
 » patus unus, unus in unitatis suæ vertice Petri successor,
 » unus in universitate sua. Ita nunquam deerunt, a quibus
 » Concilia & convocentur, & frequententur. Ex his vero
 » omnibus, aliisque, de quibus in §. superiore disputavimus
 » constat, quam ulla sine ratione Febronius *De Statu Ecclesiæ* &c.
 » cap. 6. §. 2. affirmaverit, quod « Imperatorum hoc jus (sci-
 » licet convocandi Concilia Œcumenica) habet fundamentum
 » omnino solidum ».

§. IV. Jus indicendi Œcumenica Concilia est solius Romani Pontificis.

Suprema Præfectura, Suprema legislativa potestas, Suprema, atque absoluta, & cujusvis Aristocraticæ contemperationis Monarchica dominatio, quam Summus Pontifex su-
 per

per universam Ecclesiam ex Divina institutione habet, tria sunt, quæ jus indicendi Concilia Œcumenica ad solum Romanum Pontificem spectare posse, evidenter ostendunt. Quoniam vero de illis tribus arbitramur omnino constare ex iis, quæ jam pluribus disseruimus (1); modo prout ad rem nostram pertinet, de eo, quod ex illis consequi volumus, Semel ac ergo de Concilii Œcumenici convocacione agatur, 1. cujusdam certa auctoritate constituatur oportet, utrum, habita ratione multorum, quæ tantum negotium & præcedunt, & comitantur, communi Ecclesiæ bono expediat, ut Concilium Œcumenicum habeatur, vel non habeatur. Neque enim res tanta aut sine certa auctoritate, aut cum illorum consensione tantum peragi potest, qui Ecclesiæ universæ publico bono prospiciendi curam sibi commissam non habent. 2. Œcumenicorum Conciliorum convocatio fit, ut in eis ferantur leges, quibus omnes undique Fideles obstricti esse debent. 3. Universæ Ecclesiæ Præfulibus indicendum est, ut ad determinatum tempus in unum locum conveniant. Profecto decernere, utrum communi Ecclesiæ bono expediat, vel non expediat, cogi Concilium Œcumenicum, si ejus non sit, qui Supremam super universam Ecclesiam Præfecturam habet, estque illius visibile caput, quod Primatu auctoritatis, & jurisdictionis super eam præditum est; non video sane ad quemnam tandem spectare possit: immo vero ad hoc tantum visibile caput spectare posse, ipsa tota ratio illius auctoritatis, atque jurisdictionis, quam ex Divina institutione habet, necessario exigit. Pugnant enim hæc inter se duo, hoc est, omnium partium, quæ unum corpus componunt, esse Supremum caput, cujus virtute, auctoritate, atque potestate salutis totius corporis prospici debeat, & istius Supremi capitis non esse videre, & decernere illud, quod salutis, & incolumitati totius corporis convenit.

Ex eo autem quod Œcumenica Concilia fiant, ut in eis ferantur leges, quibus omnes undique Fideles subiecti esse debent, convocatio illorum ad eum tantum spectare potest,

Tom. III.

B

qui

(1) Lib. 18. cap. 1., & 2., lib. 20. cap. 4.

qui Supremam super universam Ecclesiam potestatem legis lativam habet. Nam semel ac ponantur fundamenta alicujus legislationis, quæ universam, qua late patet Ecclesia, complectatur, sine assensione, immo sine decreto illius, qui super universam Ecclesiam Supremam legislativam potestatem habet; hujusmodi legislatio ipsa sui institutione nullius momenti est, quia auctoritati illius adversatur, qui Supremam super universam Ecclesiam legislativam potestatem habet. Nam hæc quum Suprema sit, nulla alia independentem ab ea super universam Ecclesiam dari potest (1). Legislativam autem Supremam potestatem Summus Pontifex super universam Ecclesiam habet (2).

Tandem Ecclesiæ Antistitibus dum indicitur, ut in unum aliquem locum ad determinatum tempus simul conveniant; aliquis profecto jurisdictionis actus super eos exercetur: super omnes autem Ecclesiæ Antistites universe, ac generatim exercere actum jurisdictionis ille solus posse debet, qui simplex, absolutum, & cujusvis Aristocraticæ contemperationis expers regimen in Ecclesia habet: istud vero habet solus Romanus Pontifex (3): constat ergo esse solius Romani Pontificis Œcumenica Concilia indicere, si quæ necessario debet, ratio habeatur tum Supremæ Præfecturæ, tum Supremæ legislativæ potestatis, tum Supremæ Monarchicæ dominationis, quam ille super universam Ecclesiam habet. Hinc Hadrianus II. in epist. ad Basilium Imperatorem, quæ lecta fuit Actione 1. Synodi VIII. Œcumenicæ, loquens de hujus celebratione Concilii: " Volumus ergo (inquit) per vestræ pietatis industriam illic numerosum celebrari Concilium, cui nostri quoque missi præsidentes, & personarum culparumque differentias liquido cognoscentes, juxta quod in mandatis acceperunt, singulorum libere discretionem exercent " (4). Et Leo X. in V. Lateranensi Concilio sess. 11. " Quum etiam (inquit) solum Romanum Pontificem pro tempore existentem, tamquam auctoritatem super omnia Concilia habentem, tam Conciliorum indicendorum, " tran-

(1) Vide quæ disseruimus lib. 18. cap. 2. (2) Citato loco.

(3) Lib. 20. cap. 4. (4) Tom. 10. Concil. edit. Venet. colum. 490

„ transferendorum , ac dissolvendorum plenum jus , & potestatem habere , nedum ex Sacrae Scripturae testimonio , dictis Sanctorum Patrum , ac aliorum Romanorum Pontificum praedecessorum nostrorum , Sacrorumque Canonum decretis , sed propria etiam eorumdem Conciliorum confessione manifeste constat “ (1) . Rem vero istam pluribus ostendere deinde prosequitur . Hinc etiam Julius II. sess. 1. ejusdem Concilii ita adversus eos , qui contra potestatem ejus hac in re de convocacione Conciliorum agere moliebantur : „ Revolvant Sanctorum Patrum , & Romanorum vitas Pontificum , & antiquum morem indicendi , & convocandi , & celebrandi Concilium : traditiones , & leges super his editas a Patribus inspiciant : videbunt hujusmodi Concilia a solis Romanis Pontificibus esse indicta , & aliter indicta , rata non fuisse “ (2) . Ex his autem nemo non videt , Febronium *De Statu Ecclesiae &c.* cap. 6. *De Conciliis Generalibus* hoc de jure convocandi Concilia Oecumenica , quod Summis Pontificibus convenit , pro suo arbitrio ita pronunciasse : „ Hoc sane non probatur ex duobus Theologiae principiis , quae sunt *Scriptura* , in qua ea de re nihil ; & *Traditio* , quae manifeste repugnat “ . Nam cum utroque principio hujusmodi jus necessariam connexionem habet . Illud quidem ipse urget , non haberi in Sacris Litteris , Petrum indixisse Hierosolymitanum Concilium ; attamen habetur , Paulum , & Barnabam Hierosolymam ascendisse , in qua una cum aliis Apostolis erat etiam Petrus , ipsumque Petrum primum omnium de re controversa sententiam tulisse .

S. V. Spectare ad Principes convocare Concilia , frustra nonnulli contendunt probare exemplo praesertim Regum Christianissimorum .

Samuel Basnagius in *Annalibus Politico-Ecclesiasticis* ad an. Christi 325. num. 11. Concilium Aurelianense II. , & Toletanum III. jussu Regum convocatum fuisse , ex confessione Patrum , qui ad illa convenerunt , constare affirmare , at-

B 2

que

(1) Tom. 19. Concil. edit. Venet. colum. 967. (2) Cit. Tom. colum. 683.

que ex hoc deducit, id juris spectare ad Reges. Petrus autem de Marca *De Concordia Sacerdotii, & Imperii* lib. 6. cap. 18. num. 6. & seq. non solum Aurelianensis Concilii II. mentionem facit, sed & aliorum, quæ jussu Regum in Gallia celebrata fuisse leguntur, indeque infert jus convocandi Concilia convenire Regibus. Illud quidem non dissimulat, hoc Regium jus omnino sublatum alicui videri posse, si ad nonnulla Concilia celebrata in Galliis attendatur: verum id juris ab aliis Conciliis Regibus restitutum fuisse contendit. Unde postquam Patrum asserentium se jussu Principis congregatos repetita testimonia in medium protulit num. 10. ita concludit: "Sufficiunt, opinor, ista, quæ diximus, ut difficilibus, & morosis ingeniis persuaderi possit, magnam Regibus auctoritatem competere ad convocanda Concilia." Id confirmat auctoritate Gregorii Turonensis qui refert, Episcopos, quamvis injuria temporum, & difficultate viarum, quam maxime impedirentur, obsistere nequiverisse Childeberto Regi indicenti illis, ut ad urbem Viridunensem convenirent. Rursum cap. 19. num. 1. Gregorium Magnum agnovisse auctoritatem Regum Francorum in Conciliis convocandis, inde colligit, quia quum Synodum cogi vellet ad extirpandam pravam quandam consuetudinem, quæ in regnis Burgundiæ, & Austrasiæ invaluerat, Brunichildem Reginam exoravit, ut jussione Regia Synodum fieri constitueret. Tandem ejusdem libri cap. 20. num. 5. illud urget, Regem Sigebertum in epistola ad Desiderium Episcopum Cadurcensem constituisse, ne Synodale Concilium absque permissione Regis celebraretur. Etiam Natalis ab Alexandro in seculi 13. & 14. Dissert. 8. art. 2. §. 3. affirmat pluribus exemplis de promptis ex Conciliis celebratis sub 1. & 2. Dynastia Regum Christianissimorum, confirmari posse ab iisdem Regibus Concilia & convocata, & confirmata fuisse. Quæ de confirmatione habet, nunc omittimus, sequentique capite discutienus. Duo ergo tantum exempla quoad rem priorem affert: prius ex Concilio Aurelianensi I., alterum ex Concilio Parisiensi V., illo celebrato anno 511., isto anno 614. Patres Aurelianenses,

ses, inquit, in sua Præfatione se a Clodoveo congregatos, atque ab eo sibi proposita capita, de quibus decernerent, hisce verbis affirmant: " Sacerdotes, quos ad Concilium, „ venire iussistis secundum voluntatis vestræ consulta- „ tionem, & titulos, quos dedistis, ea, quæ nobis visum „ est, definitione respondimus ". Parisienses quoque se a Clotario II. congregatos ita testantur: " Quum in Dei nomi- „ ne secundum priscorum Sanctorum Patrum constitutionem „ in urbe Parisiis ex evocatione gloriosi Principis Domini Clo- „ tarii Regis in Synodali Concilio convenissemus " .

Verum enim vero isti Auctores non solum de his Conci- liis, sed etiam de aliis pluribus mentionem facere potuissent, quæ a Regibus indicta fuisse, nemo illis negaverit. Tamen, & ipsi quoque negare non possunt, ex Ecclesiastica Historia omnino compertum esse tum Hispaniarum, tum Galliarum Sacros Præfules ad deliberandum de rebus ad Ecclesiam per- tinentibus in unum simul sæpe convenisse non Principum au- thoritate evocatos, sed eorum, qui secundum Ecclesiasticam institutionem sibi præerant. Illud unum hic, quoad rem istam de Ecclesiis Hispaniarum commemorabimus in XII. Toletano Concilio capitulo 12. ita statutum fuisse: " Placuit huic ve- „ nerando Concilio, ut juxta priorum Canonum instituta, „ Episcopi singularum provinciarum annis singulis in una- „ quaque provincia Kalendis Novembribus Concilium cele- „ braturi conveniant " (1). In Regnis autem Hispaniarum, plura Concilia provincialia celebrata fuisse absque ulla Re- gum præcedente convocatione, immo eorum facta convoca- tione ab iis, qui ceteris Antistitibus juxta Ecclesiasticum or- dinem præerant, a nemine dubitari potest (2). De Conciliis autem Galliarum si loquamur, dubitari quoque non potest, multa eorum convocatione Regum habita fuisse, & multa etiam sine ulla hujusmodi convocatione, quemadmodum

De

(1) Aguirre tom. 4. Collect. Concil. Hispan. juxta edit. Catalani.

(2) Ex Aguirrio in citata Collectione hac de re constat. Vide inter alia, quid de convocatione Toletani Provincialis Concilii an. 1582., & Tarraconensis an. 1591. tom. 6. juxta citatam editionem tradat.

De Concord. Sacerd. & Imp. lib. 6. cap. 6. & seq. etiam Petrus de Marca concedit, atque perspectum quoque est, ut nonnulla tantum commemoremus, ex Aurelianensi III. an. 538., & IV. an. 541., ac Lugdunensi II. an. 567. (1). Aliunde autem etiam in Galliarum Conciliis constitutum legimus, quo tempore Concilia haberi debeant (2). Ex his autem hanc ratiocinationem instituo. Non minus convocantibus indigentibusque Regibus, quam ulla sine convocatione eorum, plura Concilia tam in Hispania, quam in Gallia habita fuisse legimus: sicuti ergo ex iis, quarum Reges convocarunt, spectare ad eos convocare Concilia nostri Adversarii inferunt; ita nos eodem jure ex aliis, quarum non a Regibus, sed ab Ecclesiarum Antistitibus, qui secundum Ecclesiasticum ordinem ceteris praeferant, convocata fuisse novimus, inferre possumus, jus convocandorum Conciliorum non spectare ad Reges, sed ad Ecclesiarum Antistites. Ex hoc ergo capite, ex quo Adversarii nostri certo se inferre posse arbitrantur, spectare ad Reges Concilia convocare, res ista nullo modo definiri potest, ac propterea dum in ea non distinguunt, quemadmodum debet (3), jus a facto, id pro certo assumunt, quod omnino dubium est. Illud ergo videatur oportet, cuinam tandem jus convocandorum Conciliorum revera conveniat. Concilia convocantur ad eas ferendas Ecclesiasticas leges, quas pro diversitate temporum Ecclesiarum utilitas exposcit: hanc vero legislativam potestatem a Christo Apostoli receperunt (4), ejusque una cum aliis omnibus, quarum ad regimen Fidelium sibi commissorum requiruntur, Episcopi sunt haeredes (5): si ergo ad Ecclesiarum Antistites spectat singulares ferre leges, quarum ad regimen Fidelium sibi commissorum utiles sint, eorum quoque esse debet Concilia indicare; quum in Conciliis leges hujusmodi ferantur. Deinde Ecclesiarum Antistites publica lege definierunt, quandonam, quibusque anni temporibus Concilia celebrari deberent: si autem non esset penes eos ipsum

(1) Vide Sirmondianam collectionem Conciliorum Galliarum tom. 1.

(2) Vide Concilium Arausicum I. can. 29., Agathense can. 7., Aurelianense II. can. 2., Aurelianense III. can. 1., Aurelianense IV. can. 37., & alia multa apud Sirmondum. (3) Hujus cap. §. 1.

(4) Lib. 18. cap. 2. §. 6. & seq. (5) Cit. loco.

ipsum jus Concilia convocandi , & non sine invasione alieni juris , & prorsus frustra tulissent hujusmodi legem . Nam publica lege constituissent , ut hoc , vel illo tempore Concilia indicerentur , quorum ipsi indicendorum nullam facultatem habuissent . Contra vero quamvis Reges Concilia indixisse legamus ; tamen ut id sibi juris tribuerint , quod Ecclesiæ Præsidum proprium erat , inde non consequitur . Nam , vel Patribus consentientibus , Concilia indixerunt , vel ad ea Regia sola auctoritate semel indicta , Patres , perspecta Ecclesiæ utilitate , libere convenerunt , atque in eis simul uniti sua potestate usi fuere . Quapropter ex eo jure , quo ex ratione sui muneris potiebantur , Ecclesiæ Antistites usos fuisse dicendum est , dum Concilia convocarunt : idem autem dum Reges fecerunt ; Sacrorum Antistitum tacita , vel expressa consensio semper intercessit .

Quod autem Episcopi ad Synodum a Childeberto vocati neque difficultate viarum , neque injuria temporum deterriti , simul in unum convenerint , argumento esse debet , eos de Ecclesiasticis negotiis quam maxime sollicitos fuisse , atque summa cum indulgentia Regi obtemperasse , non vero esse Regis indicere Concilia . Hac enim in re , sicuti in aliis , jus a facto distinguendum est .

S. Gregorius Magnus Epistol. lib. 9. Indict. 2. epist. 109. ad Reginam Brunichildem data , ipsam rogat , ut ad ea mala convellenda , quæ erant in Ecclesia , Synodum fieri constituat : “ Synodum (inquit) jussio vestra fieri constituat “ . At vero pro qua tandem Synodo habenda Reginam Brunichildem S. Gregorius rogabat ? Pro ea profecto , quam ipse fieri decreverat : superaddit enim : “ Curam vero , & sollicitudinem ejusdem Synodi , quam fiendam decrevimus , fratri ” Corépiscopoque nostro Syagrio , quem vestrum proprium ” novimus , specialiter delegare curavimus ; quem petimus ” ut & supplicanter libenter audire , & ope juvare dignemini : quatenus quod ad mercedem vestram respiciat , remoto hujus mali contagio in cunctis finibus juri vestro subje- ” ctis , pia , & Deo placita procedat ordinatio Sacerdotum “ .

Favor

Favor ergo, studium, atque etiam protectio, illa fuerunt, de quibus S. Gregorius Reginam Brunichildem obsecravit, nullo autem modo in ea agnovit Synodos indicendi potestatem. Nam eandem rogat, ut Synodum illam haberi jubeat, quam antea ipse constituerat, ut haberetur, ejusque curam Syagrio commiserat.

Verum quidem est, Regem Sigebertum in epistola ad Desiderium Episcopum Cadurcensem præcepisse, ut Synodale Concilium absque permissione Regis non celebraretur (1); at propter hoc, quod *testator fiat auctoritas Regum in convocandis Conciliis*, Petrus de Marca falso colligit: "Sic nobis (inquit Sigebertus) cum nostris proceribus convenit, ut sine nostra scientia Synodalis Concilium in regno nostro non agatur, nec ad istas Kalendas Septembris nulla conjunctio Sacerdotum ex his, qui ad nostram ditionem pertinere noscuntur, non fiat. Postea vero opportuno tempore, si nobis antea denuntiatur, utrum pro statu Ecclesiastico, an pro regni utilitate, sive etiam pro qualibet rationabili conditione, conjunctio esse decreverit, non abnuimus; si tamen, ut diximus, ut in nostri prius deferatur cognitio- nem". De habenda ergo Synodo se velle fieri certiore, hoc vero est, quod Sigebertus constituit: ceterum ad se pertinere Concilia indicere, nullo modo innuit. Sunt autem hæc duo longe inter se diversa, hoc est, sibi vindicare auctoritatem indicendi Concilia, & velle fieri certiore de iis, dum indicuntur. Immo vero ex eo quod Sigebertus voluerit, ut sine sua assensione Concilia non celebrarentur, ipsum pro certo habuisse, sui non esse Concilia convocare, evidenter consequitur. Nam non erat sane, cur decerneret, ut de Conciliis celebrandis ipse ab Episcopis moneretur, nullumque Concilium, se non monito, celebraretur, si ad eum convocatio Conciliorum pertinebat. Persuasum ergo illi erat, non esse sui juris Concilia convocare.

S. VL. Ex convocatione Concilii Nicæni Œcumenici I. nihil

(1) Tom. 1. *Capitularium* edit. Baluzianæ pag. 143.

hil evinci potest contra illud jus, quod Summus Pontifex habet Œcumenicorum Conciliorum convocandorum.

Ex convocatione potissimum octo primorum Conciliorum Œcumenicorum inter alios duo Basnagii, hoc est, Jacobus, & Samuel contendunt, spectare ad Imperatores Concilia Œcumenica convocare. Horum sententiæ Febronius ad stipulatur *De Statu Ecclesiæ* &c. cap. 6. *De Conciliis Generalibus* §. 2., in quo hoc sibi probandum statuit: "Octo priora Concilia generalia sola Imperatorum auctoritate convocata fuerunt." Nihil ergo minus, quam quod isti una cum aliquibus aliis vellent, ex horum convocatione Conciliorum colligi posse, octo distinctis paragraphis ostendendum nos aggredimur. In isto itaque de Concilio Nicæni Œcumenici I. convocatione videamus.

Launojus Epistolarum lib. 6. epist. 1. ad Habertum Mamorium solius Constantini auctoritate hujus Synodi convocationem peractam fuisse inde contendit, quia tam Veteres, quam Recentiores Constantino eam plerumque tribuere. Jacobus Basnagius in *Historia Ecclesiæ* lib. 10. cap. 2. num. 5. illud urget, nullius testimonio nobis perspectum esse, in hujus Synodi convocatione Summum Pontificem aliquam partem habuisse, adeoque Imperatori tantum eam tribui oportere. Quæstionem istam de jure convocandi Concilia Œcumenica Samuel Basnagius versat in *Annalibus Politico-Ecclesiasticis* ad an. Christi 325. num. 10. & 11. illudque non pertinere ad Romanum Pontificem ex convocatione Nicæni Concilii se colligere posse putat, quia Constantinus suo, nullo autem modo Sylvestri nomine, litteras convocationis ad Episcopos misit; indeque factum dicit, antiquos Scriptores hanc convocationem Constantino tantum acceptam referre. Rufinum affirmantem ex sententia Sacerdotum Constantinum Synodum convocasse, ita esse intelligendum tradit, ut, hortantibus Sacerdotibus, Constantinus id consilii cœperit, & hoc quidem sensu Gelasium Gyzicenum in *Hist. Concilii Nicæni* lib. 2. cap. 12. hanc Synodum fuisse *coactam per B. Osium*, & Epiphanium *Hæres. 68.* num. 4. *Alexandri Sanctissimi Alexandria Episcopi*
Tom. III. C *scopi*

scopi hortatu dixisse, interpretatur. Ad hæc superaddit Basnagius auctoritatem Hieronymi lib. 2. *Contra Rufinum* cap. 2. ita illum compellantis : " Responde , quæso , Synodus in qua ,
 „ urbe fuit ? Dic Episcoporum vocabula : doce quis eo anno
 „ Consul fuerit : qui Imperator jussit hanc Synodum con-
 „ gregari “. Alia quoque in medium adducit , ut iisdem sua-
 deat Imperatorum esse Concilia Œcumenica indicere : verum
 ea modo refellenda non sunt a nobis , quoniam ad Concilii
 Nicæni convocationem non spectant. Sequenti autem para-
 grapho 9. ostendemus nihil pro se Basnagium concludere pos-
 se ex iis , quæ S. Leonem inter atque Theodosium Imperato-
 rem hac de re intercesserunt .

Ut ergo ad rem nostram veniamus , " Aliquanto plus il-
 „ lum (Constantinum) sibi in negotiis Ecclesiasticis vindica-
 „ se , quam laico Principi conveniret " recte a Valesio in-
 cap. 51. lib. 3. *De Vita Constantini* observatum fuisse dicimus .
 „ Quod autem Constantino (sicut Thomassinus monet *Dissert.*
 „ 3. in *Synodum Nicenam* num. 5.) tanta audenti cederent , an-
 „ nuerentque Episcopi ; vel vis illa erat , vel voluntas : si vis ;
 „ ut in multis circa Arium , & Athanasium , nihil inde juris
 „ ei accrescebat : si voluntas , ut in longe pluribus aliis ; nec
 „ sic quidem jus Imperatorium condebatur , quum ex œco-
 „ nomia tunc necessaria id totum de jure Episcopali remitte-
 „ retur . Conducebat enim vehementer multa condonari
 „ Imperatori , qui primus omnium Christo nomen dedisset ,
 „ Ecclesiam tot persecutionibus tandiu jactatam liberasset ,
 „ ejus toto orbe propagandæ muniendæque , idolatriæ autem
 „ extinguendæ , certam spem faceret . Tali Imperatori non-
 „ sua tantum jura , justaque tribuenda erant , sed aliena-
 „ quoque tunc indulgenda . Sed jure suo non exuuntur Epi-
 „ scopi , quum ex necessaria dispensatione aliquam ejus par-
 „ tem remittunt “. Inde vero est , ut illud quidem a pluri-
 bus traditum habeamus (1) , Constantinum convocasse Nicæ-
 num Concilium , suo autem jure id eum fecisse , seu sibi pro-
 pria potestate in hanc rem usum fuisse , apud neminem legi-
 mus .

(1) Id Febr onius urget in citato loco .

mus. Unde illud semper argumentum recurrit, quod supra urgebamus: hoc est, non minus certum esse, plura Concilia Œcumenica tam ab Imperatoribus, quam a Romanis Pontificibus convocata fuisse: si ergo ex facto de jure judicium feramus, sicuti Adversarii nostri colligunt ex convocationibus facta ab Imperatoribus, istorum esse Concilia Œcumenica convocare: ita etiam nos eadem ratione ex convocatione facta a Romanis Pontificibus inferre possumus, spectare ad eos convocare Œcumenica Concilia. De jure ergo hujus rei videndum superest. Spectare autem illud posse ad solum Romanum Pontificem, est jam ostensum a nobis (1). Romani ergo Pontifices dum Concilia Œcumenica convocarunt, auctoritate sibi propria convocarunt; dum Constantinus Nicænum, nonnulli alii Imperatores quædam alia Concilia convocarunt, id fecerunt, annuentibus, vel consentientibus, aut etiam parientibus Romanis Pontificibus. Factum ergo a jure in hac re, sicut in aliis multis, distinguatur oportet, quod dum Adversarii non servant, jus convocandi Œcumenica Concilia contra logicæ regulas Imperatoribus inde tribuunt, quia ab iisdem Concilia hujusmodi convocata fuisse, a multis traditum habemus. Una autem eademque ratione contigit, ut Imperatores & Concilia Œcumenica convocaverint, & proprio nomine convocaverint. Immo semel ac ab eis Concilia Œcumenica convocata fuisse dicatur, ut ea proprio nomine convocaverint ex se consequitur; alioquin instrumentalis causa tantum convocationis ipsi fuissent, non vero principalis. Unde non est, cur Samuel Basnagius urgeat convocationem Conciliorum factam proprio nomine ab Imperatoribus.

Ruffinus lib. 1. *Hist. Ecclesiast.* cap. 1: in quo de Ariana hæresis ortu, & condemnatione agit: "Sermo (inquit) usque
 „ ad aures religiosi Principis, quippe qui omni studio, & diligencia curaret, quæ nostra sunt, pervenit. Tum ille ex Sacerdotum sententia ab urbem Nicæam Episcopale Concilium
 „ convocavit; ibique Arium trecentis decem & octo Episcopis
 „ residentibus, adesse jubet, ac de ejus propositionibus, & quæ-

C 2

„ stio-

(1) Hujus cap. §. 4.

„ stionibus judicari “. Ex his autem colligi debere hortatu
 Sacerdotum Constantinum statuisse Nicenam Synodum con-
 vocare, Samueli Basnagio non repugnamus. Verum anne in-
 de inferri debet, sua propria auctoritate in hanc rem Con-
 stantinum usum fuisse? Anne aliunde perspectum non habe-
 mus, Constantinum & Sylvestrum, non vero Constantinum
 & Sacerdotes ad condemnandos Arianos errores Nicenam Syno-
 dum convocasse? Nam Patres Concilii VI. Œcumenici in *Ser-
 mone Acclamatorio* ad Constantinum Imperatorem de Synodo
 Nicæna ita habent (1): “ Arius divisor, atque partitor Tri-
 nitatis insurgebat: & continuo Constantinus semper Augu-
 stus, & Sylvester laudabilis, magnam, atque insignem in
 Nicæna Synodum congregabant: per quam ipsa Trinitas
 tam fidei symbolum dictavit, quamque adversus Arianam
 malitiam sententiam promulgavit “.

Neque est, cur Launojus reponat: hæc non a Synodo,
sed in Synodo dicta ab illo fuisse, *qui acclamationem Synodi reci-
 tavit*, remque non esse, *de qua Synodi Patres singillatim pro-
 nuntiaverint*, atque novum, non vetus, quod de Sylvestro accla-
 mationi adjicitur, quia post annos CCCLV. a *hinc* fitur. Antequam
 enim hujusmodi Sermo Acclamatorius recitaretur (2), “ San-
 ctum Concilium dixit: Piiissime, & tranquillissime Domine,
 Sermonem Acclamatorium a Deo amabilem vestrum poten-
 tatum juxta morem composuimus: & si placuerit pietati ve-
 stræ, hunc perlegi jubete. Constantinus piissimus Impera-
 tor dixit: Acclamatorius Sermo, qui compositus est a san-
 cto vestro Concilio, deferatur, & legatur. Qui delatus est,
 & in his sermonibus relectus est “. Unus ergo fuit, qui
 eundem sermonem legit; verumtamen totius Concilii nomi-
 ne illum legit, atque non sui tantum, sed totius Concilii sen-
 tentiam in eo expressit. Novum autem, non vetus fuisse,
 quod de Sylvestro acclamationi adjectum fuit, eo tantum sen-
 su dici potest, ut VI. Œcumenicæ Synodi Patres, magis dis-
 tincte expresserint, quam a Majoribus factum fuerat, qua-
 ratio:

(1) Tom. 3. Concil. edit. Harduini colum. 1418., Concil. Con-
 stant. II l. Act. 18. (2) Cit. loco colum. 1415.

ratione Synodus Nicæna convocata fuisset : non vero novum dici potest , quod novam ipsi rem confinxerint , atque suorum Majorum traditioni contrariam . Qui enim id affirmari ausert , 174. Episcopos , qui ad hoc Concilium accesserunt , simul in hoc mendacio vel propter improbitatem , vel propter ignorantiam consensisse ? Quapropter quum Constantinus ille fuerit , qui , datis litteris , Episcopos ad Concilium vocavit ; mirandum non est , si hoc Concilium a Constantino convocatum fuisse , unanimiter traditum habeamus . Id enim ab eo factum recte dicitur , quod ut fieret , litteris ejusdem constitutum fuit . Quamvis ergo sua consensione , aut etiam adhortatione , Sylvester quoque Nicænam Synodum congregaverit ; tamen plerosque tradidisse memoriæ posterorum , a Constantino Nicænam Synodum convocatam fuisse , nulla ipsius Sylvestri habita mentione , argumento id esse nullo modo potest , Patres VI. Œcumenicæ Synodi , quod novum , & auctoritati majorum contrarium erat , affirmasse , dum in hoc negotio Sylvestrum Constantino conjungere .

Ruffinum autem calumniantem in quadam Synodo Hilariū excommunicatum fuisse , S. Hieronymus eum provocando ad designandam Synodum , in qua id peractum fuerat , lib. 2. contra eundem num. 19. refellit . Quia vero plura Concilia antea indixerant Imperatores ; ideo Hieronymus illud quoque a Ruffino expetiit , ut sibi Imperatorem indicaret , a quo ea Synodus , quam ipse jactabat , convocata esset . Profecto si nos negaremus , aliqua Concilia ab Imperatoribus quandoque indicta fuisse ; tunc sane Hieronymi auctoritas æquo jure nobis opponi posset : verum hoc non negamus si factum attendatur & non jus . neque ullus eorum negat qui Imperatorum proprium non esse tuentur , Concilia Œcumenica congregare .

S. VII. Ex Œcumenica II. Synodo , seu Constantinopolitana I. , jus convocandi Concilia Œcumenica proprium non esse Romani Pontificis , nullo modo colligi potest .

Quamvis ergo Jacobo Basnagio in *Hist. Ecclesie* lib. 10. cap. 3. num. 2. , & Samueli Basnagio in *Annalibus Politico-Ecclesiasticis* ad an. Christi 381. num. 3. , atque Natali ab

Ale-



Alexandro seculo 4. *Dissert.* 36. art. 1. , & Thomassino *Dissert.* 6. in Synodum Œcumenicam II. num. 1. consentiamus , in hujus Synodi convocatione Damasum nullam partem habuisse ; tamen nihil inde ejus auctoritatis deperire contendimus , quam Romano Pontifici convocandi Œcumenica Concilia esse omnino tribuendam tuemur . His autem argumentis inducor , ut in hujus Synodi convocatione Damasi auctoritatem nullo modo intervenisse putem . Tam a Socrate lib. 5. cap. 8. , quam a Sozomeno lib. 7. cap. 7. , & Theodorito lib. 5. cap. 7. , Theodosium *sue fidei Episcoporum Concilium* , *Episcoporum communionis sue Synodum* , *Episcopos dumtaxat imperii sui convocasse* accepimus , nullamque omnino partem in hoc negotio Damaso tributam . Hujus deinde Concilii Patres in epist. ad Theodosium *juxta litteras ejus* (1) Constantinopolim se convenisse testantur . Quod sane confirmat etiam Auctor anonymus vitæ S. Pauli , cujus excerpta Phorius suæ Bibliothecæ Codice 257. inseruit . His accedit , non Damasum per se , aut per suos Legatos huic Synodo præfuisse , sed alios , quibus id muneris Damasus non commiserat , tradunt Socrates lib. 5. cap. 8. , Sozomenus lib. 7. cap. 8. , arque ut alios omittam , Phorius in libro *De Synodis* , qui ita habet : “ Præsides (hoc Concilium) habuit Timotheus , qui
 „ Alexandriæ sedem , & admirabilem virum Meletium , qui
 „ sedem Antiochiæ , & Cyrillum , qui Hierosolymorum sedem obtinebat . Nestarium præterea , qui nuper ab initiatorum grege separatus , & ablutis Divino lavacro vitæ for-
 „ dibus , purus jam purissimam sacri principatus dignitatem
 „ ex communi Concilii consensu , & electorum suffragii simul , & regiæ civitatis Episcopus , & Concilii Præses declaratus est “ . Qui etiam , facta mentione Gregorii Theologi , hæc superaddit : “ Quibus haud mulo post & Damasus Episcopus Romæ eadem confirmans , atque idem sentiens accessit “ . Alii ergo præter Damasum , & non a Damaso deputati , huic Concilio præfuerunt , Damasusque nonnisi aliquo post tempore confirmavit , quæ in eo decreta fue-

(1) Tom. 1. Concil. edit. Harduini colum. 807.

fuerant. Esse autem hoc Concilium Damasi auctoritate aliquo modo convocatum, & simul ab eo aliquibus commissum, non fuisse, ut suo illi nomine præsiderent, aliorum Œcumenicorum Conciliorum institutioni omnino repugnat.

Illud sane reponi non potest, hoc Concilium, Damasus consentiente, a Theodosio ea ratione, qua Nicænum, consentiente Sylvestro, convocatum fuisse. Nam Nicæno Legati Sylvestri præsuerunt, uti sequenti capite ostendimus, Legatorumque sententiam Patres sequuti fuere. Deinde Sylvestri consensum in Concilium Nicænum perspectum habemus (1): de Damasi autem consensu in Synodum hanc Constantinopolitanam nihil ex antiquitate novimus.

Baronius ad annum Christi 381. num. 19. hoc de Concilio convocando Damasum egisse apud Theodosium, illiusque propterea sententia huiusmodi convocationem factam fuisse, ex Sermone Acclamatorio Synodi VI. se colligere posse putat: hæc enim in eo Patres habuerunt (2): "Macedonius, spiritus negabat Deitatem, & Dominum, eumque conferre vum prædicabat: sed maximus Theodosius Imperator, & Damasus fidei adamas obtiterunt". In pervetusto quoque Codice Bibliothecæ Vaticanæ, nec non in altero S. Mariæ Majoris, hæc scripta legi idem Eminentissimus testatur: "Sententiam de damnatione Macedonii, & Eunonii Damasus confirmari præcepit etiam in sancta secunda Synodo, quæ præcepto, & auctoritate ejus apud Constantinopolim celebrata est". Illud postremo assert a Nilo Metropolita Rhodiorum in Synoptica enarratione Conciliorum Generalium traditum esse, Damasum una cum aliis huic Synodo præfuisse, & ex Lucentio Vicario Apostolicæ Sedis in Chalcedonensi Concilio Aët. 1. haberi: "Sine auctoritate Apostolicæ Sedis Synodum nunquam factam esse, aut rite fieri non posse".

Vernum enim vero facile explicatur, quod a Patribus VI. Œcumenicæ Synodus in Sermone Acclamatorio traditum accepimus. Nam ex eo quod Damasus *haud multo post*, sicuti Pho-

(1) Præced. 6. (2) Tom. 3. Concil. edit. Harduini colum. 1418. Concil. Constantinop. III. Aët. 18.

Photius affirmat, quæ contra Macedonium antea in Constantinopolitana Synodo decreta fuerant, confirmaverit, eum obstitisse Macedonio VI. Synodi Patres dicere recte potuerunt, etiam si Damasus ad convocationem Synodi Constantinopolitanæ nullo modo concurrerit. Codices Mss., quos Baronius profert, quemadmodum Pagius animadvertit, “An-
 „ te octavum Ecclesiæ seculum exarati esse non videntur, &
 „ non potest esse suspecta, & dubia Codicum, licet perve-
 „ tustorum fides, quibus Veterum omnium historicorum, &
 „ ipsius epistolæ Synodicæ a Patribus Constantinopolitanis ad
 „ Theodosium Imperatorem datæ refragatur fides“. Ut au-
 „ tem cum eodem Pagio prosequar, “Regulæ quidem Ecce-
 „ siasticæ Synodos facere, & decreta in Ecclesiis sancire abs-
 „ que Romani Pontificis auctoritate vetant; sed non prohi-
 „ bent absque ejus auctoritate Nationales Synodos, vel to-
 „ tius etiam Orientis Concilia convocari, quæ Œcumenicæ
 „ quidem non erunt vi convocationis ab Imperatoribus, Pa-
 „ triarchis, vel Metropolitibus factæ; eorum tamen auctori-
 „ tem consequentur, si Romani Pontificis, & totius Occi-
 „ dentalis Ecclesiæ assensus accesserit“. Nilus autem hac quo-
 que in re, sicut in aliis multis, hallucinatus fuit.

Ut ergo ad propositum nostrum nunc veniamus, quamvis ad convocationem hujus II. Œcumenicæ Synodi Damasus nullo modo concurrerit, nihil tamen inde ea de potestate de-
 trahitur, quam Summus Pontifex in convocatione Œcumenicorum Conciliorum sibi propriam habet. Sui enim initio hæc Synodus Œcumenica non fuit. Ea namque jussu, & literis Theodosii Imperatoris ex solis Episcopis Orientis convocata fuit, uti ex testimonio Socratis, Sozomeni, & Theodori loco supra citato novimus: & si quis Orientalium ad illam accessit (sunt enim qui de uno, aut altero id contendunt) tamquam gerens vices totius Ecclesiæ Occidentalis non accessit. Œcumenica ergo hæc Synodus tunc evasit, quando hanc illi dignitatem auctoritatemque Damasus, & tota Ecclesia Occidentalis sua assensione tribuit. Quapropter non est, cur quispiam sicuti Febronius facit *De Statu Ecclesiæ*
 cap. 6.

cap. 6. *De Conciliis Generalibus* §. 2. num. 1. ex convocatione hujus Synodi, utpote quæ a Damaso facta nullo modo fuerit, esse sibi inferendum censeat, non spectare ad Romanum Pontificem Concilia Œcumenica convocare. Nihil ergo ob stare, quin absque auctoritate Romani Pontificis ab Imperatoribus per indulgentiam, quæ erga illos habeatur a Patriarchis, & Metropolitanis, Synodus Nationales convocentur, quæ tamen Œcumenicæ evadent, si iisdem Romani Pontificis Occidentalisque Ecclesiæ consensus accesserit, hoc sane est, quod ex convocatione Concilii Constantinopolitani L. inferri potest. Non est ergo, cur uterque Basnagius hanc nobis Concilii convocationem opponant, ut evincant, non esse Romani Pontificis Concilia Œcumenica convocare. Et sane nullo modo assequi possum, qua ratione Samuel Basnagius, qui concedit, immo & tueretur, hanc Synodum Œcumenicam non fuisse, ex ejus convocatione inferendum a se esse duxerit, jus convocandi Œcumenica Concilia non esse Romani Pontificis.

§. VIII. Ex Synodo Ephesina, Œcumenica III. jus convocandi Œcumenica Concilia proprium non esse Romani Pontificis, nullo modo inferri potest.

Hoc sane est, quod inferunt tum Jacobus Basnagius in *Historia Ecclesiæ* lib. 10. cap. 4. num. 7., tum Samuel Basnagius in *Annalibus Politico-Ecclesiasticis* ad an. Christi 431. num. 8. Nos ergo hanc Synodum a Theodosio convocatam fuisse eis damus; verum id præstitisse Theodosium, Cœlestino non consentiente, atque annuente, immo etiam id poscente, nullo modo concedere possumus. Id autem antequam evincamus, hic iterum monemus, facti, & juris rationem distingui oportere, & quod jure quidem sit, sed tamen, propter indulgentiam aliorum, confundendum cum eo non esse, quod sit jure proprio. Satis hac de re supra disseruimus. Est etiam advertendum, quemadmodum *De Conciliis, & Ecclesiæ* lib. 1. cap. 12, Bellarminus monuit, cum ea potestate, quam Summus Pontifex convocandi Œcumenica Concilia habet, stare posse, ut vel ipso consentiente, Concilium ab aliis indicatur, vel ab aliis semel indictum ipse ratum

Tom. III.

D

habeat.

habeat . De Cœlestini nunc mente inquiremus . Cœlestinum ergo in votis habuisse , ut Nestorius in cœtu Episcoporum damnaretur , si intra decem dies , quemadmodum a se illi præscriptum fuerat , suum errorem non abjiceret , ex ea epistola compertum est , quam idem Cœlestinus scripsit ad Joannem Episcopum Antiochenum (1) . Quum vero in epistola ad Synodum Ephesinam a se data Patres gravissime moneat , ut simul congregati annuntient , quæ ab Apostolis *intemerata permanserunt* , atque *Catholicam fidem* ; & *Ecclesiarum quietem* defendant , eaque de causa se ad illos dirigere dicat Arcadium , & Projectum Episcopos , & Philippum Presbyterum , *qui iis , quæ aguntur , intersint , & quæ antea statuta sunt , exsequantur* (2) , inde nemo non videt , Cœlestinum hujus Concilii convocationem omnino comprobasse . De eadem quoque re ex ea epistola constat , quam Cœlestinus ad Theodosium dedit (3) . In ea enim laudat sollicitudinem Theodosii in defensione Catholicæ fidei , quia hanc Synodum Ephesinam convocaverat . Tandem in epistola ad Cyrillum (4) :

„ Indifficulter est (inquit) Ecclesiarum , & Catholicæ fidei
 „ speranda tranquillitas , quando pro hac laborare Christianis-
 „ simos Principes videmus “ . Quid ? Nonne Basilii Diaconus , & Archimandrita , ac reliqui Monachi , qui pro defensione Catholici dogmatis adversus Nestorium cum Cœlestino , & Cyrillo pugnabant , in suis ad Theodosium litteris eundem rogarunt , ut Œcumenicam Synodum cogi curaret (5) ? “ Vestra proinde Majestas (inquebant) efficiet ,
 „ ut Sacra , & Œcumenica Synodus primo quoque tempore
 „ huc coeat ; quo , hac præsentè , Christus sanctissimam
 „ hanc Ecclesiam , uniat , populumque in unum reducat ,
 „ ac Sacerdotes sinceræ fidei prædicatores , priusquam impia
 „ illa doctrina latius serpat , loco suo restituar “ . Nonne Sanctum quoque Cyrillum rogasse Theodosium , ut Synodus Ephesi

(1) Tomo 1. Concil. edit. Harduini colum. 1326. Par. 1. Concil. Ephes. cap. 14. (2) Cit. loco colum. 1471. (3) Cit. loco colum. 1473 (4) Cit. loco colum. 1474. (5) Tomo 3. Concil. edit. Vener. Par. 1. Concil. Ephes. cap. 30. num. 4.

Ephesi cogeretur, Evagrius in sua Historia lib. 1. cap. 3. tradit? Nimis ergo manifestum est, tam Cœlestinum, quam eos omnes, qui Cœlestino adhærebant, de ea re quam maxime sollicitos fuisse, ut Œcumenica Synodus haberetur, ac propterea Cœlestino non solum consentiente, sed etiam plaudente, Synodum Ephesinam, Œcumenicam III., a Theodosio convocatam fuisse. Quia vero, uti supra dicebamus, factum a jure distinguendum est, & quod sit jure propter indulgentiam aliorum confundi cum eo non debet, quod proprio jure peragitur; propterea nihil deperit de eo jure, quod Summus Pontifex convocandi Concilia Œcumenica habet, dum consentit, ut alius ea convocet, iisdemque semel convocatis vel per se, vel per alios præsidet; ideo quum hæc habeamus in Ephesina Synodo, de qua nunc agimus, dicendum est ex convocatione ejus colligi non posse, jus convocandi Concilia Œcumenica proprium non esse Romani Pontificis. Quod ergo nullo modo debet ex convocatione Synodi Ephesinæ, Œcumenicæ III., uterque Basnagius infert, quia jus a facto non distinguunt, sicuti etiam Febronius facit (1).

§. IX. Etiam ex convocatione Synodi Chalcedonenſis, Œcumenicæ IV., nihil æquo jure colligi potest contra auctoritatem Œcumenicorum Conciliorum convocandorum, quæ est propria Romani Pontificis.

Illud nunc primo loco est refellendum a nobis, quod Samuel Basnagius in *Annalibus Critico-Ecclesiasticis* ad an. Christi 325. num. 11. ex Leone opponit; hoc est, Leonem rogasse Theodosium, ut Synodus in Italia haberetur; certe non rogaturus, sicuti ipse Basnagius inquit, si penes se Œcumenicorum Conciliorum convocandorum auctoritatem esse putasset.

Verum non hac de causa, sed alia sane, Leo a Theodosio petiit, ut Concilium in Italia fieret. Summus Pontifex intellexerat, Theodosium fraude aliquorum alienarum a veritate fuisse, atque circumventum suggestionibus improborum favere iis, quæ in Ephesina Synodo gesta fuerant: illud

D 2

quo-

(1) *De Statu Ecclesie cap. 6. De Conciliis Generalibus §. 2. num. 2.*

quoque noverat, hac in Synodo omnia sine ordine, immo cum vi peracta fuisse. Ut ergo qua faciliori, atque etiam leniori ratione fieri poterat, & Impetratorem Theodosium a pravis suggestionibus aliquorum extricatum ad rei veritatem cognoscendam adduceret, iisque simul malis occurreret, quæ non sine violentia illata in Ephesina Synodo contigerant, ut Concilium in Italia haberetur S. Leo Imperatorem Theodosium rogandum putavit, quod sicuti ipse inquitbat in epistola ad eundem Theodosium (1) omnes offensiones "Aut repellat, aut mitiget, ne ultra aliquid sit vel in fide dubium, vel in charitate divisum; convenientibus utique Orientalium provinciarum Episcopis, quorum si qui superati minis, atque injuriis a veritatis tramite deviarunt, salutaribus remediis integrum revocentur: ipsique, quorum est causa durior, sic consiliis melioribus acquiescant; ut ab Ecclesiæ unitate non excidant. . . . Favete Catholicis vestro more, parentumque vestrorum, date fidei defendendæ libertatem". Et in epistola ad Pulcheriam Augustam: (2) "Quia (inquit) dissensionis scandalum non abstulisset, sed auxisset Ephesina Synodus; habendo intra Italiam Concilio, & locus constitueretur, & tempus, omnibus querelis, & præjudiciis partis utriusque suspensis, quo diligentius universa; quæ offensionem generaverant, retractentur; & absque vulnere fidei, absque religionis injuria in pacem Christi redeant, qui per impotentiam subscribere coacti sunt Sacerdotes, & soli auferantur errores". Suo quidem jure utens in Italia Concilium Œcumenicum S. Leo cogere poterat, quemadmodum ipse necessarium esse ducebat, ut suus hoc in Concilio foret libertati locus: at facile inde valde timendum erat, ne Theodosius, qui impii Dioscori, & aliorum deceptione circumventus jam firmaverat, quæ per vim, atque summa cum impietate decreta fuerant in II. Ephesina Synodo, eaque propterea *latrocinium Ephesinum* vocari consuevit, timendum, inquam, erat, ne Theodosius Orientales impediret, ut ad hanc Synodum in Italia celebrandam acce-

de-

(1). Juxta editio: Cæciliarii 40. (2) Juxta eandem edit. 42.

derent, atque ita multi eorum, qui propter vim in errorem consenserant, salutaribus remediis in integrum non revocarentur. Ut ergo Sanctissimus Pontifex id mali impediret, atque non minus Theodosio prospiceret, quam aliis, qui in Ephesina Synodo deflexerant a tramite veritatis, & in Flaviani Sanctissimi Viri condemnationem consenserant, prout poterat, summo jure agere non voluit, sed Theodosium a se monendum putavit, ne Synodum in Italia convocari moleste ferret. His, quæ Chalcedonense Concilium præcesserunt, semel expositis, nunc de illius convocatione agamus.

Marcianus quidem fuit, qui IV. Synodum Œcumenicam Nicææ primo, deinde vero Chalcedone suis litteris congregavit (1); verum hoc, non solum annuente, & consentiente, sed etiam suadente S. Leone, fecit. Et re quædam vera Marcianum hanc Synodum convocasse ea *Sacra* dubitare non sinit, quam idem Marcianus dedit ad omnes Episcopos, ut ad Synodum convenirent: (2) " Quia igitur (in ea inquit) dubitationes quædam circa orthodoxam fidem motæ sunt, sicut indicant Sanctissimi Archiepiscopi Romæ Leonis, placuit nobis, proprie sanctum Concilium fieri in Nicæa Bythinix civitate. . . . Unde tua Sanctitas cum quantis approbaverit Reverendissimis Episcopis sub Sacerdotio constitutis Sanctarum Ecclesiarum expertas habentibus Divinas Scripturas, & in scientia, & in doctrina orthodoxæ fidei præcunctis eminentibus ad memoratam Nicænam civitatem proximis Kalendis Septembris advenire festinet. Idem constat ex epistola, quam Valentinianus, & Marcianus ad Anatolium Præfulem Constantinopolitanum dederunt (3). Quum vero inter hæc perturbari Illyricum ob metum imminentium barbarorum a Præfectis provinciarum Marcianus accepisset, Concilium esse Chalcedonem transferendum duxit, litterisque datis ad Patres Nicææ convocatos, eos monuit, ut Chalcedonem

(1) Id Febronius urget *De Statu Ecclesiæ &c.* cap. 6. *De Conciliis Generalibus* 4. 3. num. 9. (2) Tom. 4. Concil. edit. Venet. colum. 838. par. 1. Concil. Chalced. (3) Citato loco colum. 839.

nem sese conferrent (1). Unde suo, & Valentiniani nomine scribens, ita ad illos " Si placet pietati vestræ, ad Chalcedonensem civitatem transire dignemini. Illic enim ex-
 curremus, licet hic nos publicæ causæ retineant ". V-
 rum non est, cur rem istam pluribus suadeamus, quum Pa-
 tres in singulis pene Actionibus Concilii Chalcedonen-
 sis dicant: *Ex decreto piissimorum, & fidelissimorum Imperatorum Va-*
lentiniani, & Marciani: secundum sacram præceptionem: secun-
dum sacrum sanctionem: secundum constitutum piissimorum, &
Deo amantissimorum Principum se in unum simul convenisse, &
 Marcianus Chalcedone congregatos ita alloquutus fuerit (2):
 " Qua de re sanctam Synodum hoc videlicet proposito fieri
 studuimus, & vobis laborem indixisse videmur, quatenus
 omni errore, atque caligine deterfa, prout se Divinitas
 hominibus manifestare voluit, & doctrina Patrum ostendit,
 Religio nostra, quæ pura, atque sancta est, univerforum
 mentibus insinuata, suæ virtutis luce fulgeat ".

Non est tamen minus perspicuum, annuente, & con-
 sentiente, immo & suadente S. Leone, hanc Synodum a
 Marciano convocatam fuisse. Inquit enim S. Leo in epistola ad
 Marcianum: (3) " Poposceram a gloriosissima Clementia ve-
 stra, ut Synodum, quam ad reparandam Orientalis Eccle-
 siæ pacem etiam a nobis petitam necessariam judicatis, ali-
 quantisper differri ad tempus opportunius juberetis, ut li-
 berioribus ab omni perturbatione animis, hi quoque Epi-
 scopi, quos hostilitatis metus detinet, convenirent. Sed
 quia pro studio humanis negotiis Divina præponitis, &
 rationabiliter, ac religiose regni vestri viribus creditis
 profuturum, si nulla sit in Sacerdotum sensibus dissonan-
 tia, nulla sit in Evangelii prædicatione discordia, ego
 etiam vestris dispositionibus non renitor; optans ut in
 omnium cordibus Catholica fides, quæ non potest nisi una
 esse, firmetur ". Et in altera ad Marcianum: (4) " Sana-
 tum

(1) Citato loco colum. 846. (2) Citato tom. colum. 1473. par. 2.
 Concil. Chalced. Act. 6. (3) Secundum edit. Cacciatii 74. (4) Se-
 cundum eandem edit. 75.

„ tum (inquit) Clementiæ vestræ studium, quo ad repara-
 „ tionem pacis Ecclesiasticæ Synodum haberi voluistis, adeo
 „ libenter accepi, ut quamvis eam fieri intra Italiam popo-
 „ scissem, & aptius expectari tempus optassem, quo scili-
 „ cet plurimi possent Episcopi etiam de longinquioribus pro-
 „ vincijs evocari; mox tamen ut mihi Pietatis vestræ scripta-
 „ sunt tradita, & Bonifacium de compresbyteris meis ab
 „ urbe direxerim, & de Episcopis fratrem meum Palchasi-
 „ num de Sicilia fecerim navigare, qui vicem meam suffi-
 „ cienter implerent“. Tandem in epistola ad Patres in Sy-
 „ nodo Chalcedonenſi congregatos (1) affirmat, quod „ Ge-
 „ nerale Concilium, & ex præcepto Christianorum Princi-
 „ pum, & ex consensu Apostolicæ Sedis placuit congregari“. Quin ergo S. Leo in hujus Synodi convocationem consense-
 „ rit, nullo modo dubitari potest, atque etiam illius suasorem
 „ fuisse, æque certum est. Nam S. Leo ad prospiciendum iis
 „ malis, quæ in Ephesino latrocinio commissa fuerant, ut Sy-
 „ nodum in Italia haberi pateretur, Theodosium iterum ite-
 „ rumque rogavit (2). Ut ergo satisfaceret petitioni ejus Mar-
 „ cianus Synodum Nicææ congregari jussit, quemadmodum
 „ Liberatus in *Breviario* cap. 13. his verbis tradidit: „ Sed eo
 „ defuncto, (Theodosio) quum Marcianus imperii culmen
 „ fuisset adeptus, pro illa Papæ, & Principum Romanorum
 „ petitione universale Concilium in Nicæa celebrari jussit:
 „ ubi occurrentibus sexcentis triginta Episcopis, & eis se-
 „ dentibus, Legati Papæ Leonis Marcianum petierunt, ut
 „ suam præsentiam præstaret Concilio: alioquin, ipso ab-
 „ sente, ad Concilium non occurrerent: & ita jussit Impe-
 „ rator Synodum transferri Chalcedonem, ut de proximo
 „ ad Concilium veniens, eorum impleteret petitionem. “. Quod ergo Marcianus in hujus Concilii convocatione gef-
 „ sit, annuente, atque etiam suadente Sancto Leone, gessit,
 „ ac propterea Marcianus hanc Synodum æquo quidem jure
 „ convocavit, non tamen sibi proprio, sed aliunde ei aliena-
 „ con-

(1) Juxta eandem edit. 89. (2) Vide epist. ejus 40. 41. & 53.
 juxta eandem edit.

concessione, praeque consensione, hoc est, Sedis Apostolicae, tributo. Hinc S. Leo in epistola ad Marcianum: (1) " Unde
 » piissime sollicitudini vestrae, (inquebat) quam de indi-
 » cenda Synodo habere dignamini, per legationem, quae
 » confestim ad clementiam vestram, Deo annuente, perve-
 » niet, quidquid ad causae utilitatem arbitror pertinere,
 » plenius, atque opportunius suggeretur ". Consensum
 autem Apostolicae Sedis talem fuisse, qualis ab eo requiritur,
 qui concedit alteri potestatem ejus rei faciendae, quam suo
 ipse jure solus facere potest, inde constat, quia quum S. Leo
 factam Concilii convocationem ex Marciano audivisset, sta-
 tim, sicuti ex ejus epistola ad Marcianum habemus (2), non-
 nullos misit, qui suo nomine Concilio praesiderent. Nam ut
 unus sibi facultatem tribuat praesidendi ei coetui, qui ab al-
 tero est propria auctoritate convocatus, nulla ratio patitur;
 ut vero quispiam praesse velit illi coetui, qui est quidem
 convocatus ab altero, non tamen propria auctoritate, sed
 se annuente, atque consentiente, utpote qui in hanc rem,
 propriam jurisdictionem habet, non solum recta ratio pati-
 tur; sed etiam requirit; ac propterea semel ac id faciat, ar-
 guimento esse debet, sui auctoritate peractam convocatio-
 nem illius coetus; cui praesidet. Est ergo manifestum etiam
 ex convocatione Synodi Chalcedonensis, Oecumenicae IV.,
 nihil ex quo jure colligi posse contra illam auctoritatem Con-
 ciliarum Oecumenicorum convocandorum, quae est propria Ro-
 mani Pontificis.

§ X. Contra eandem auctoritatem non facit, quod in
 convocatione V. Oecumenici Concilii, Constantinopolitani II.,
 contigisse legimus.

Hanc Synodum Justinianum indixisse, ut in ea tria ca-
 pitula condemnarentur, nullus est dubitandi locus. Id enim
 ex *Sacra* Justiniani, quae in prima *Collatione* lecta fuit, omni-
 no perspectum habemus (3). Etiam ab Evagrio lib. 4. *Histor.*
Eccle-

(1) Juxta eandem edit. 63. (2) Vide locum ejus supra ex
 edit. 75. (3) Tom. 6. Concil. edit. Vener. colum. 19. *Collatione* 1.
 Concil. V. Generalis.

Ecclesiast. cap. 37. traditum accepimus, quod *Iustinianus V. Concilium convocavit*, & *Nicephorum lib. 17. Histor. Ecclesiast.* cap. 27. "Imperator Iustinianus (inquit) Sanctam Œcumenicam Synodum, Episcopis Ecclesiarum omnium convocatis, coegit". Non consentiente autem, sed renuente Vigilio Summo Pontifice, eam Iustinianus coegit. Primo quidem Vigilius consensit, ut hæc Synodus haberetur, sicuti constat ex ea epistola, quam ad Eutychium Patriarcham Constantinopolitanum, & Episcopos illi subiectos dedit (1). Id etiam Iustinianus in sua *Sacra* ad Synodi Patres aperte inunxit (2). Postea tamen repugnavit Vigilius, ut Synodus haberetur: nam tum Legatis sibi primo a Patribus Concilii, tum aliis deinde ab Imperatore missis, eumque rogantibus, ut Synodo adesse dignaretur, nullo modo annuere voluit (3). Inde vero Synodo sese interesse nolle Vigilius affirmavit, quia *plurimi essent Orientales Episcopi, pauci vero Occidentales cum eo* (4). Ex quo constat, ea antea conditione Vigilium in Synodum consensisse, si in illa Latinorum, & Orientalium Episcoporum æqualis numerus, vel saltem prope æqualis affideret. Sicuti vero Vigilius, ita etiam Episcopi, qui spectabant ad Patriarchatum illius, & tunc Constantinopoli degebant, Synodo adesse renuerunt. (5) "Porro (uti recte monet Petrus de Marca in *Dissertatione de Vigili decreto pro confirmatione V. Synodi* num. 10.) canonica Synodus esse non poterat, quæ juxta morem in aliis Synodis Œcumenicis observatum non constabat ex legatis omnium provinciarum Ecclesiasticarum. Neque esse quod objicerent, paucos ceteris Conciliis interfuisse Occidentales Episcopos, quum ex actis Synodicis constet, illos gessisse vices Romani Pontificis, & totius Concilii Diocesanos Occidentaliū. Qui mos tanto studiosius observari debebat in hac causa, quod de scandalo Occidentalibus illato agendum erat; eaque Tom. III. E "esset

(1) Cit. tomo colum. 31. *Collatione* 1. ejusdem Concil. (2) Cit. tomo colum. 24. *Collatione* 1. ejusdem Concil. (3) Cit. tomo colum. 31. & 38. *Collatione* 2. ejusdem Concil. (4) Cit. tomo colum. 32. *Collatione* 2. ejusdem Concil. (5) Cit. tomo colum. 40. *Collatione* 2. ejusdem Concil.

» esset Romanæ Ecclesiæ consuetudo , ut , vocatis iis , quo-
 » rum intererat , offensiones amoveret , quemadmodum do-
 » cent Leonis I. epistolæ ad Legatos in Orientem missos . Et
 » in hac causa sæpe Vigilius professus fuerat iis verbis , quæ
 » Cleri Romani epistola continentur : *Sine consensu omnium* ,
 » inquit Vigilius , *ista , quæ & Synodum Chalcedonensem in du-*
 » *bium venire faciunt , & scandalum fratribus meis generant , so-*
 » *lus facere nullatenus acquiescam* . Quare interpellatus iterum
 » a Patriciis , quos Imperator delegerat , & ab Episcopis no-
 » mine Synodi spondit : intra dierum aliquot spatium ,
 » quod sibi de controversia videretur , ad Imperatorem scri-
 » pto transmissurum . Non est ergo quod viri eruditi eam-
 » causam prætendant absentia Vigilii , quod Summi Ponti-
 » fices adesse non solerent in Conciliis Generalibus ; quum
 » vera causa petenda sit ex eo , quod conventum imperfectum
 » noluerit præsentia sua Œcumenicum reddere in offensionem
 » Occidentalium “ .

Synodus ergo V. neque Œcumenica in sui initio fuit ,
 neque consentiente Vigilio celebrata . Nam , uti in secunda
Collatione habetur , quum Legati ad Vigilium missi intellexis-
 sent , non velle illum simul cum aliis in unum convenire ad
 expediendam quæstionem de tribus capitulis , hæc ad eum
 habuisse leguntur : (1) “ Si non vultis secundum ea , quæ no-
 » bis in scriptis placuerunt , convenire , cognoscat vestra
 » Beatitudo , quod oportet nos in unum convenientes no-
 » stram manifestare voluntatem “ . Deinde in 2. *Collatione*
 expositum fuit ; quid tum ad priorem , tum ad alteram lega-
 tionem Vigilius respondisset : quumque constitisset , Vigilium
 Synodo interesse nullo modo velle ; tunc *Gloriosissimi Iudices*
 hæc ad Patres habuerunt : (2) “ Nos hoc , quod iussi sumus
 » a piissimo Imperatore , implevimus , & imus ad sacrum
 » ejus palatium in obsequium ejus permanfuri . Vos autem
 » Dei timorem præ oculis habentes , celerem finem cause
 » imponere dignamini , convenientem his , quæ a quatuor
 » san-

(1) Cit. tomo colum. 36. *Collatione* 2. ejusdem Concil. (2) Cit. to-
 mo colum. 36. *Collatione* 8. ejusdem Concil.

„ sanctis Conciliis de una eademque fide definita sunt “. Hinc vero est, quod Græci Patres simul uniti primo *Collatione* III. quatuor Œcumenicorum Conciliorum fidem, & definitiones professi fuerint, deinde *Collatione* IV. & seqq. de tribus capitulis examen instituerint. Nemo ergo non videt, repugnante Vigilio, hanc Synodum a Græcis Patribus habitam fuisse. Quid? Nonne Vigilius in suo *Constituto*, quod ad Justinianum misit, quodque Justinianus utrum ante Synodi finem acceperit, an vero acceptum occultaverit, ne propter illud trium capitulorum damnatio retardaretur, incertum est, inter alia edixit & Theodorum damnari non posse, quia in Ecclesiæ pace obiisset, & nihil in causa Theodoreti, & Ibæ innovandum esse (1), contra ac a Patribus in VIII. *Collatione* decretum fuit? Synodo itaque Vigilius assensum non fuisse, nimis multa suadent. Quoad usque ergo res Synodi istius in hoc statu perstiterunt, non solum illa Œcumenica non fuit, sed neque etiam auctoritatem habuit, quum in illius VIII. *Collatione* tria capitula damnata fuerint, contra ac Vigilius in suo *Constituto* decrevit. Verum res hujus Concilii non semper in eodem statu perstiterunt: nam Vigilius potestate, atque approbatione, sicuti etiam aliorum Romanorum Pontificum, factum postea fuit, ut ea Œcumenica evaserit, & auctoritatem apud universam Ecclesiam obtinuerit. Quo sane semper magis magisque comprobatur, quod nos modo volumus.

Synodum V. igitur deinde Vigilius approbavit, & quidem non exilii tædio fractus, aut post longum tempus, sed eodem anno, quo illa habita fuit. “ Vigilius (inquit Noris, sius in *Dissertatione Historica de V. Synodo* cap. 8.) nec statim approbasse Concilium, & ob id in exilium pulsum omnes Scriptores Latini Anastasium sequuti memoriæ prodiderunt, addentes eundem Romanæ Sedis repetendæ desiderio ad subscriptionem tandem inflexum “. Illud quidem ab Evario, qui Synodi Acta legerat, traditum habebatur lib. 4. *Ecclesiast. Hist.* cap. 36. quod “ Vigilius per litteras consensit Concilio, non tamen interesse voluit “; verum hæc sit-

E 2

teræ

(1) Eodem tomo colum. 1317.

teræ multorum spatio seculorum nemini innotuerunt, easque felici sane auspicio Petrus de Marca in Regia Bibliotheca adinvenit, fecitque publici juris, præmissa eis de Synodo V. dissertatione. In his ergo Vigiliis, quæ pro trium defensione capitulorum opinatus fuerat, omnino revocat, atque in hoc S. Augustini exemplum se sequi profitetur: " Si in omni negotio (inquit) sapientiæ ratio postulat, ut id, de quo quæritur, retractetur, neque pudori esse debet, quum ea, quæ ab initio omiſsa, studio deinde veritatis inveniuntur, in publicum eduntur; quanto magis Ecclesiasticis disputationibus convenit, eandem rationem in illis quoque observari; præcipue quum manifestum sit Patres nostros, & maxime Beatissimum Augustinum, qui in Divinis Scripturis claruit, Romanæ eloquentiæ magistrum, propria scripta retractasse, dictaque sua correxisse, atque illa, quæ omiserat, ac deinde invenerat, addidisse. Omnem se deinde diligentiam adhibuisse testatur, ut quid de tribus capitulis juxta Patres sentiendum esset, assequeretur. Demum plurimorum errorum Theodori facta commemoratione, nec non scriptorum Theodoreti contra S. Cyrillum, itemque epistolæ Iba Edesseni, ita statuit: " Quæ vero aut a me, aut ab aliis, ad defensionem trium prædictorum capitulorum facta sunt, præsentis hujus scripti nostri definitione evacuamus. Quum vero epistolæ subscriptio talis sit: "Data ante VI. Idus Decembres Imperii Domini nostri Justiniani Æterni Augusti anno XXVII. Post Consulatum Basilii V. C. anno XII. " ; consequens inde fit, ante finem anni Synodum a Vigilio fuisse confirmatam, quemadmodum Norisius sapientissime collegit, atque errorem tum Christiani Lupi in *Adnotationibus* ad V. Synodum, tum Sirmondi in *Synopsi Chronologica* ad libros Facundi, auctoritate Victoris Turonensis contendentium, Vigilium in exilio quinquennium degisse, detexit, & testimonio *Sanctionis* Justiniani, quæ post ejus *Novellas* legitur, sicut etiam plurimarum epistolarum Pelagii, successoris Vigili, ad Childebertum Regem Francorum, omnino confutavit.

Idem vir eruditissimus illud quoque præstitit auctoritate,
Scri-

Scriptorum tum Latinorum, tum Græcorum, Vigilium neque etiam spatio sex illorum mensium, qui ab absoluta Synodo usque ad tempus confirmationis ab eo factæ intercesserunt, exulasse, ac propterea historiæ veritati omnino opponi, Vigilium tandem exilii tædio fractum in trium capitulorum damnationem consensisse, quemadmodum nonnulli voluerunt (1).

Confirmata autem Synodus V. fuit non solum a Vigilio, sed etiam a Pelagio, atque ab aliis subinde Pontificibus. Hac in re ut diutius immoremur (semel ac enim de ea agere institueremus, non immorari diutius non possemus) instituti nostri ratio non patitur. Est ea multis a sapientissimo Norisio jam demonstrata in citata Dissertatione cap. 9. § 1. & seqq., ac locupletissime propugnata contra Garnerii oppositiones ab eruditissimis Balleriniis fratribus in *Defensione Dissertationis Norisiana* cap. 7.

Post hæc omnia duo animadvertenda censemus: prius spectat ad Vigilii prudentem dispensationem, dum contrarius erat condemnationi trium capitulorum, alterum vero respicit ejusdem Vigilii auctoritatem in condemnatione trium capitulorum. " Denique (sicuti Thomassinus recte habet
 „ differtatione 19. in V. Synodum Œcumenicam num. 6.) Vigili
 „ gili dispensationem, & incredibilem quamdam sapientiæ
 „ temperiem illud arguit, quod extremo *Constituto* suo etsi
 „ promat sententiam illam suam, cui medullitus semper in
 „ hæserat, de non damnandis capitulis; abstinet tamen ab
 „ anathemate vel intorquendo, vel interminando. Con
 „ scijs nempe nihil interesse, utram in partem declinetur,
 „ dum scandala sileant, & pax redintegretur Ecclesiæ ".
 Dum vero Græcos Patres simul congregatos fuisse comperiit ad damnationem trium capitulorum, eosdem monuit, ne ante suam sententiam quidquam hac de re ipsi definirent, & dum postea consensit in damnationem trium capitulorum, id se facere non ductum auctoritate Concilii, sed propria, manifeste prætulit " Sed & ipse Vigilius (æque semper re
 „ de

(1) Vide Norisium cit. loco.

» Et Thomassinus in citata Dissertatione num. 100. & seq.)
 » impetratis a Principe viginti dierum induciis, intra quos
 » sententiam suam scriptis explicaret, Pelagium Diaconum
 » ad Episcopos misit, ut eos moneret, ne ante promulga-
 » tionem sententiæ suæ quidquam ipsi præverterent defini-
 » re, *Antiquum, & regularem custodientes ordinem, ne ante*
 » *nostræ, hoc est, Sedis Apostolicæ, cui per Dei gratiam præside-*
 » *mus; promulgationem sententiæ quidquam proferre tentarent,*
 » *unde scandali rursus, quæ sopita fuerat, oriri posset occasio:* uti
 » in ejus *Constituto* habetur. Quid quod in epistola per illu-
 » strissimum Petrum de Marca evulgata nec verbulo quidem
 » saltem uno Synodum V. commemorat, quod nempe non
 » exæquato, ut conventum fuerat; Occidentalium cum
 » Orientalibus numero habita esset, eique ea de causa ipse
 » nec accessisset, nec consensisset? At tria capitula Vigilii
 » suo decreto, & suæ sedis auctoritate condemnat, Synodi
 » vitia dissimulans, & ulciscens hoc suo silentio. Nec fra-
 » ctum se auctoritate Synodi cessisse, sed veritatem, quæ
 » prius latebat, sibi illuxisse sæpius testificatur. Sed quum
 » damnationi trium capitulorum, & Synodo adversaretur
 » cum Romano Pontifice totus occidens, nondum ea utique
 » tunc poterat Œcumenica Synodus existimari, a qua tanta
 » Ecclesiæ portio & abfuisset, & dissideret. Quum ergo in-
 » duerit illa tum demum Œcumenici Concilii auctoritatem,
 » quum Occidentalis Ecclesiæ accevit ei consensus, quis
 » hujus vel signifer, vel auctor fingi potest alius, quam Ro-
 » manus Pontifex? Testatum id faciunt epistolæ Romanorum
 » Præfulum quoquoversus sparsæ, quibus denique ii etiam,
 » qui secessionem fecerant; recollegerunt se in matris suum
 » Catholicum. Ex his autem omnibus esse illud, quod
 » modo volumus, omnino perspicuum arbitramur, hoc est, ex con-
 » vocatione V. Œcumenici Concilii nihil colligi posse contra
 » auctoritatem convocandorum Œcumenicorum Conciliorum,
 » quam Summus Pontifex sibi propriam habet. Id tamen *De*
Statu Ecclesiæ &c. cap. 6. *De Conciliis Generalibus* §. 2. num. 3.

Febro-

Febronius colligit, indeque colligit, quia Justinianum hanc Synodum convocasse legimus.

§. XL. Idem iudicium ferendum est de convocazione *Œcumenicæ VI. Synodi*, *Constantinopolitanæ III.*

Synodum VI. *Œcumenicam* Constantinus Pogonatus quidem convocavit, attamen re communicata cum Romano Pontifice, eoque consentiente. Nemo enim melius novit, a quo hæc Synodus indicta fuerit, quam ii Patres, qui eidem interfuerunt: at vero Patres in omnibus Actionibus Synodi *secundum Imperialem sanctionem* se congregatos dicunt: & in epistola Synodica ad Agathonem hanc inscriptionem posuerunt: (1) " Sanctum, & universale Concilium, quod per Dei
 „ gratiam, & piam sanctionem piissimi, ac fidelissimi Magni
 „ Imperatoris Constantini congregatum est in hac a Deo conservanda,
 „ & Regia Constantinopoli nova Roma in secreto
 „ sacri palatii, dicto Trullo, Sanctissimo, ac Beatissimo Patre
 „ senioris Romæ Agathoni in Domino salutem ". Patres ergo, indicente Constantino Pogonato, in hanc Synodum convenisse, dubitari non potest.

Neque est etiam de eo dubitandum, utrum hæc Synodus, consentiente Romano Pontifice, a Constantino Pogonato convocata fuerit. Hæc enim leguntur in *Sacra* Imperatoris, quæ ad Donum Papam missa fuit (2): " Postquam igitur
 „ tempus non recipit perfectam congregationem fieri, ad
 „ hortamur vestram paternam Beatitudinem per præsentem,
 „ nostram piam sacram, dirigere viros utiles, ac modestos,
 „ notitiam habentes totius a Deo inspiratæ doctrinæ, & peritiam
 „ irreprehensibilem habentes dogmatum, indutos personam
 „ vestræ Apostolicæ Sedis, ejusque Concilii ". Nam, uti animadvertit Christianus Lupus *Dissertatione de VI. Synodo Generali* cap. 6. " Saraceni omnem Ægyptiacam, Africanam,
 „ ac Syriacam Diœcesim obtinebant: adesse perinde non poterant
 „ omnes Patriarchæ, ac Episcopi, & plena fieri Synodus,
 „ ideoque Princeps ex Occidente, & Septentrione rogabat

(1) Tom. 7. Concil. edit. Venet. colum. 1110. (2) Citato tomo colum. 618.

„ gabat mitti Episcopos , & doctos multos . Mitti rogat Le-
 „ gatos duplices : alios solius Domini Papæ , seu Apostolicæ
 „ Sedis , alios Synodi ejus Patriarchalis , habentes auctori-
 „ tem totius Ecclesiæ Occidentalis , Meridionalis , & Septen-
 „ trionalis “. Unde Imperator in sua *Sacra* ita pergit : “ Per-
 „ sonas , quæ dirigentur a paterna vestra Beatitudine ita de-
 „ cernat : ex vestra quidem sancta Ecclesiâ , si utique videtur
 „ ei , tres personæ sufficient ; quod si & plures , quantæ ei
 „ placuerint , dirigat : de Concilio vero usque ad duodecim.
 „ Metropolitans , & Episcopos , de quatuor vero Monasteriis
 „ Byzantinis ab utroque Monasterio Monachos quatuor “. *Alteram*
 „ quoque *Sacram* idem Imperator dedit ad Georgium
 „ Constantinopolitanum Archiepiscopum , in qua licet eum ad-
 „ hortetur , ut congreget Metropolitans , qui ad Sedem illius
 „ pertinerent , tamen etiam jussionem simul adjungit (1) : “ Ne-
 „ cessarium judicavimus (inquit) præsentî nostra pia sacra ad
 „ vestram Beatitudinem uti , per quam adhortantes eum , san-
 „ ctum congregare paternam vestram Beatitudinem omnes ,
 „ qui ad ejus sanctissimam Sedem pertinent , sanctissimos Me-
 „ tropolitanos , & Episcopos in hanc a Deo conservandam no-
 „ stram Regiam urbem , quatenus , cooperante omnipotente ,
 „ & misericordî Deo nostro , diligentissima inquisitio dogma-
 „ tis fiat Innotescet quoque super hoc & Macario Ve-
 „ nerabili Archiepiscopo Antiochenæ magnæ civitatis , qua-
 „ tenus & ipse de propria Synodo amabiles Metropolitanos ,
 „ & Episcopos præparatos faciat pro hoc ipso huc congrega-
 „ ri “. Post hæc vero eundem monet , Romanum Pontificem
 „ suis obsequiis precibus , & misisse vice sui ad Synodum Theo-
 „ dorum , & Georgium Presbyteros , & Joannem Diaconum :
 „ Jam enim (ait) super hos adhortati sumus per nostros pios
 „ apices adhuc inter vivos existentem Donum sanctissimum .
 „ Apostolicæ Sedis antiquæ Romæ Præsulem ; & illo de hoc
 „ seculo migrante , Agatho sanctus nuper ordinatus Papa in
 „ Apostolica Sede prædictæ antiquæ Romæ , hujusmodi no-
 „ stros pios suscipiens apices , destinavit in præsentî propriam
 „ ejus

(1) Cit. tomo colum. 612.

„ ejus indutos personam , Theodorum , & Georgium Deo
 „ amabiles Presbyteros , & Joannem Diaconum : ex persona
 „ vero rotius ejus Concilii Joannem , & Abundantium , &
 „ & Joannem venerabiles Episcopos , cum ceteris Clericis ,
 „ & Monachis “. Consentiente ergo Romano Pontifice VI.
 Synodum Œcumenicam Constantinus Pogonatus indixit, ac
 propterea , quemadmodum supra est jam ostensum a nobis ,
 ob hujusmodi convocationem ab Imperatore factam nihil eo
 de jure detrahitur , quod in rem istam habet Summus Ponti-
 fex . Quando enim unus id facit , quod licet sibi proprio jure
 non conveniat , facit tamen , altero consentiente , qui id ju-
 ris habet , ipse non invadit jus alterius , atque istud integrum
 factumque servatur .

Jacobus Basnagius in *Historia Ecclesie* lib. 10. cap. 7. §. 8.
 contendit , in hujus Synodi convocatione Imperatorem instar
 supremi moderatoris sese habuisse , præscripsisseque uti Do-
 minum Romano Pontifici eos , quos ad Concilium ipse mitte-
 re debebat . Illud quoque contendit , eandem ab Imperatore
 rationem tum cum Summo Pontifice , tum cum Patriarcha
 Constantinopolitano fuisse servatam , immo illi determinasse
 numerum deputatorum , non vero isti , utrosque autem appel-
 lasse Episcopos Œcumenicos . Verum enim vero hæ loquendi
 rationes : *Adhortamur Paternam vestram Beatitudinem : super
 hoc adhortati sumus per nostros pios apices adhuc inter vivos existen-
 tem Donum Sanctissimum : Agatho Sanctus hujusmodi nostros pios
 suscipiens apices destinavit in presenti &c.* non sunt profecto do-
 minantis , sed exorantis , adhortantis , atque ejus , qui rem-
 sibi gratam fuisse ostendit , consequutum fuisse , quod pete-
 rat . Simili ratione dum aliquid alicui sub ea conditione præ-
 scribitur , *si utique videtur ei* , illique optio relinquitur , ut
 quoad præscripta faciat , quod *quod sibi placuerit* ; tunc sane
 quidquid præscribitur , non tam præscribitur , quam consula-
 tur . Ita vero Imperator deputatos ad Synodum mittendos
 Summo Pontifici præscripsit . His autem illud quoque acce-
 dit , Imperatorem rogasse Pontificem , ut ad Synodum non so-
 lum Legatos mitteret , qui Concilii Occidentalis , sed etiam

Tom. III.

F

qui

qui *induti personam Apostolicæ Sedis*, vices illius agerent: ita vero agerent vices, quemadmodum factam comprobavit, & nos in sequenti capite ostendimus, ut Synodo præessent. Quo sane constat, Imperatorem rationem supremi capitis, habito respectu ad Patres simul congregandos, in Summo Pontifice agnovisse, a quo propterea etiam hujusmodi convocatio jure quodam proprio penderet. Diverso autem modo Imperator cum Constantinopolitano Patriarcha sese gessit. Nam, eum adhortatus quidem fuit, *faciendo* tamen, ut congregaret omnes, qui pertinerent ad Sedem illius, neque optioni ejus aliquid reliquit.

Quod vero de Œcumenici Episcopi nomine Basnagius opponit ab Hadriano refutatum fuit in epistola data ad Imperatores: (1) " Et unde (inquit) mirati sumus, quod in vestris Imperialibus jussis pro Patriarcha regie urbis, scilicet Tarasio, directis, universalem ibi reperimus exaratum; sed utrum per imperitiam, aut schisma, vel hæresim iniquorum, scriptum est, ignoramus. Sed deinceps suademus vestræ clementissimæ, imperialique potentie, ut minime in suarum exarationum serie universalis describatur, quia contra sanctorum Canonum instituta, & sanctorum Patrum traditionem decreta esse videntur. In secundo enim ordine si non per sanctæ nostræ Catholicæ, & Apostolicæ Ecclesiæ auctoritatem (sicut in omnibus patet) nunquam valuit nomen habere: quod nimirum si universalis super prælatam sibi Romanam Ecclesiam, quæ est caput omnium Ecclesiarum, describatur, tamquam sanctorum Synodorum rebellem, atque hæreticum manifestare se certum est. Quod si universalis est, etiam Ecclesiæ nostræ Sedis primatum habere dignoscitur: quod ridiculum omnibus Fidelibus Christianis apparet: quia in toto orbe terrarum ab ipso Redemptore mundi B. Petro Apostolo Principatus, & potestas data est, & per eundem Apostolum, cuius vel immeriti vices gerimus, sancta Catholica, & Apostolica

(1) Tom. 8. Concil. ejusdem edit. colum. 764.

„lica Romana Ecclesia hætenus, & in ævum tenet principatum, ac potestatis auctoritatem“.

§. XII. In convocatione VII. Œcumenicæ Synodi, Nicænæ II., nihil contigit, quod opponatur illi auctoritati Œcumenicorum Conciliorum convocandorum, quam Summus Pontifex sibi propriam habet.

Non secus ergo, ac alia Œcumenica præcedentia Concilia, istud quoque VII. nomine Imperatoris convocatum fuit. *Actione* namque I., in qua describitur ordo Episcoporum hæc leguntur: (1) “Conveniente sancta, & universali Synodo, quæ per Dei gratiam, & piam sanctionem eorum Deo confirmatorum Imperatorum, congregata est in Nicænsium Metropoli“. Ibidem *Sacra* jussio lecta fuit, in qua ita habetur: (2) “Igitur beneplacito, & nutu ejus (Dei) congregavimus vos sanctos Sacerdotes ipsius, qui disposuistis testamentum ejus super incruenta Sacrificia, & definitionibus Synodorum, quæ recte dogmatizarunt, judicium vestrum simile fiat“. Etiam *Actione* IV. convocatio tribuitur Imperatoribus.

Eam tamen, Romano Pontifice consentiente, Constantinus, & Irenes Augusti fecerunt. Anno enim Christi 785., imperii Constantini, & matris ejus Irenes 4., miserunt Constantinus, & Irenes *Divalem* ad Hadrianum I. per Constantinum Leontinum in Sicilia, & Dorotheum in Campania Episcopum Neapolitanum. In ea vero postquam Hadrianum *Sanctissimum Caput* appellarunt, reddunt illi suæ fidei rationem, unaque eundem adhortantur, ut *tamquam verus primus Sacerdos, & is, qui in loco, & sede Sancti, & superlaudabilis Apostoli Petri, præsidet, ascendat*, hoc est ad Synodum celebrandam conveniat (3): “Certificetur, (inquirebant) & confirmetur a Deo magno, & Domino nostro Jesu Christo, & nobis Servis ejus, quod huc ascendentem Paternam vestram, & sacram Beatitudinem cum omni honore, & gloria habemus suscipere, & quæ opportuna sunt, impartiri;

F 2

„ & ite-

(1) Cit. tomo colum. 683. (2) Cit. tomo colum. 695. (3) Cit. tomo colum. 677.

„ & iterum, expleto capitulo, quod beneplacito Dei Christi
 „ speramus fieri cum honore, & magnitudine, præire illam.
 „ habemus ad remeandum ad propria “. Quia vero difficile
 „ futurum esse cognoscebant, ut Pontifex ad Synodum veni-
 „ ret; ideo statim hæc alia superaddiderunt: “ Si non potuerit
 „ ascendere huc (quod putamus non fieri: scimus enim esse
 „ studiosum circa Divina) eligat viros honorabiles habentes
 „ scientiam, & dirigat una cum syllabis, & inveniantur hic
 „ ex persona sacræ, & paternæ Beatitudinis vestræ “. Perie-
 „ re, vel adhuc latent responsa Pontificis ad has litteras. Conji-
 „ cere tamen possumus ad Synodum Nicææ habendam sese con-
 „ ferre non posse, Hadrianum reposuisse. Alteram sequenti anno
 „ Constantinus ad Pontificem Legationem misit: hæc vero legatio
 „ commissâ fuit Theodoro Caranensi in Sicilia Episcopo, & Dia-
 „ cono Epiphanio, qui, sicuti in *II. Actione* (1) dixit Joannes Lego-
 „ theta Principis: “ Ambo per jussionem piorum Imperatorum,
 „ nostrorum profecti sunt Romam cum Reverendissimo Apocri-
 „ sario sanctissimi Patriarchæ “. Quidnam vero Imperator
 „ in hac legatione ad Hadriano petierit, perspectum ex iis ha-
 „ bemus, quæ ad Legationem consequuta fuisse novimus ex
 „ testimonio Theodori Episcopi in eadem *II. Actione* ita ad Tha-
 „ rasium Patriarcham Constantinopolitanum habentis (2):
 „ Beatissimus Papa audiens dixit: quia si in diebus imperii
 „ eorum factum fuerit hoc, magnificare habet Deus impe-
 „ rium eorum super priora regna. Hinc suggestionem (hoc
 „ est dogmaticam epistolam) transmisit una cum litteris ad
 „ Sanctitatem vestram, & Vicariis suis, qui hic præsidentes
 „ adsunt “. Hæc vero omnia, consentiente Romano Ponti-
 „ fice, Constantinum, & Irenem VII. Œcumenicam Synodum
 „ convocasse, evidentissime ostendunt, Non est ergo, cur pro
 „ more suo Jacobus Basnagius in *Historia Ecclesiæ* lib. 10. cap. 8.
 „ num. 12. hanc quoque Concilii convocationem nobis oppo-
 „ nat. Semper enim ille falsam argumentationem adhibet, quia
 „ ex facto de jure quoque constare contendit, atque quoad
 „ hoc Febronius in sæpius citato loco cum semper imitatur.

S. XIII.

(1) Cit. tomo colum. 766. (2) Cit. tomo colum. 767.

§. XIII. Ex convocatione VIII. Œcumenicæ Synodi, Constantinopolitanæ IV., constat, Imperatores in convocatione Conciliorum ea auctoritate usos fuisse, quam nos usque modo defendimus.

Præcedentia Œcumenica Concilia, excepto V., ab Imperatoribus convocata ita fuisse, ut in hanc rem usi fuerint non proprio, sed sibi concessō, atque tributo jure, hoc est, annuente Apostolica Sede, usque modo ostendimus. Hoc vero est, quod ex convocatione VIII. Œcumenicæ Synodi aperte confirmari, nunc contendimus. Igitur Hadrianus II. Synodum VIII. Œcumenicam haberi jussit, eam autem Basilius Augustus indixit. De priori quidem nullo modo nos dubitare sinit epistola Pontificis ad Basilium Augustum data, quæ *Actione I.* hujus Concilii legitur (1): “ Volumus ergo (inquit
 „ Summus Pontifex) per vestræ pietatis industriam illic numerosum celebrari Concilium, cui nostri quoque missi
 „ Præsidentes, & culparum personarum differentias liquido
 „ cognoscentes, juxta quod in mandatis acceperunt, singulorum libere discretionibus exerceant “. Unde Anastasius Bibliothecarius in hujus Synodi Præfatione Hadrianum ita alloquitur: “ Missis cum auctoritate Apostolica Vicariis, ac
 „ epistolis decretalibus, jussisti fieri Constantinopoli Synodum pro multis quidem necessitatibus Ecclesiæ, sed pro
 „ his præcipue, quæ huc usque adnotata sunt, quæque in
 „ hujus Synodi gestis inveniuntur, in qua scilicet Photius
 „ ob id etiam specialiter condemnatur, quoniam depositiōnem, vel anathema præsumpsit in sanctæ memoriæ Pontificem Nicolaum nominare “.

Basilius tamen Augustus ille fuit, qui hanc Synodum indixit. Nam Synodi Patres *Actione I.* ita habuerunt (2):
 „ Ministrante videlicet, & obsequente Divinæ voluntati, atque decreto Christi amico, & divinitus gubernato . . . Basilio Deo amicissimo Imperatore nostro, qui universalem
 „ Synodum congregans, quæ visa sunt Spiritui Sancto, pie
 „ pere-

(1) Tom. 10. Concil. edit. Venet. colum. 490. (2) Tom. 10. Concil. edit. Venet. colum. 486.

” peregit “. Unde & Metrophanes *Actione VI.* ita Imperatorem alloquutus fuit (1): “ Hæc itaque sancta, & universalis
 ” Synodus arca salutis est . . . Et tu es amice Christi Domine,
 ” Noe justus inventus in conspectu Dei, in veneratione tua,
 ” quia talem arcam fabricasti . . . Hæc sancta, & universalis
 ” Synodus est benignus, & bonus puteus, quem fodisti tu,
 ” Deo amantissime; Abraham servus, & amicus Dei excelsi “. Quin immo Synodus ipsa tota hac de re testimonium dedit, in ea definitione, quæ *Actione X.* edita fuit, in qua hæc leguntur (2) “ Sancta, & magna, & universalis Synodus, quæ
 ” per Divinam voluntatem, & gratiam, & sanctionem amicorum Christi, ac Deo confirmatorum Imperatorum nostrorum Basilii, & Constantini congregata est in hac Deo
 ” conservanda Regia urbe, & famosissimo Templo sanctæ, & ” & magni nominis Sophiæ, definitivè subter annexa “. De utroque ergo capite constat, quemadmodum est propositum a nobis, hoc est, jussisse Hadrianum II., ut Synodus VIII. haberetur, & Basilium Augustum eam indixisse.

Hoc alterum Jacobus Basnagius in *Historia Ecclesiæ* lib. 10. cap. 9. num. 4. potissimum urget, indeque esse Imperatoris convocare Concilia Œcumenica, pro suo more infert. At latum discrimen intercedere inter convocationem, & proprium jus convocandi, jam ostendimus. Etsi vero Imperator illud Concilium indixerit, quod Hadrianus II. præceperat, ut haberetur, inde non consequitur, sicuti Basnagius vellet, Imperatorem, veluti servum (quod sane Imperatoriæ majestati repugnat) Summi Pontificis obtemperasse mandatis: non hoc, inquam, inde consequitur, sed illud solum, Imperatorem sua auctoritate Ecclesiæ negotia curasse, atque promovisse. Falso etiam opponit idem Basnagius, hoc Concilium jam indictum ab Hadriano probatum fuisse, ex eo colligi, quia suos Legatos Hadrianus ad illud misit: nam Hadrianus, quemadmodum constat ex epistola ejus, duo simul fecit; & suam de Synodo habenda voluntatem Imperatori significavit, eaque ut haberetur, illi præcepit, & de suorum missione Legatorum,

(1) Cit. tomo colum. 554. (2) Cit. tomo colum. 651.

rum, eorumque in Concilio munere eundem Imperatorem monuit. Aliena ergo, non autem sibi propria auctoritate Imperatores usos fuisse in Œcumenicorum convocatione Conciliorum ex convocatione VIII. Œcumenicæ Synodi constat.

§. XIV. Quod ab Imperatoribus in convocatione Conciliorum Œcumenicorum gestum fuit, ad factum referatur oportet, nullo autem modo ad jus.

Non est sane, cur alia Concilia Œcumenica excurramus, ut ex convocatione illorum nihil de eo jure detractum fuisset ostendamus, quod hac in re soli Romano Pontifici competit, ac propterea ad factum referri oportere evincamus, quod Imperatores in convocatione Conciliorum Œcumenicorum peregrisse legimus. Nam octo prima Œcumenica Concilia sunt illa, ex quibus inter alios uterque Basnagius esse colligendum contendunt, spectare ad Imperatores Concilia Œcumenica convocare. *Ad fidem ergo tuendam*, non vero *ad potentiam offendendam*; qua sane de causa piissimus Marcianus Chalcedonensis Concilio se interesse voluisse affirmavit (1), Imperatores, consentiente Romano Pontifice, Œcumenica Concilia aliquando convocarunt, atque ita id juris sibi non arrogarunt, quod est proprium Romani Pontificis, sed qua ipsi potestate ex sui dominii ratione præditi erant, in Ecclesiæ utilitatem usi fuere. Eorum enim ope factum fuit, ut tantum negotium, cujusmodi est omnium Ecclesiæ Præsulum in unum congregatio, ad felicem exitum perduceretur. Ad hæreticos deinde comprimendos, tumultusque sedandos plurimum quoque profuit hac in re Imperatoria majestas, & incitamento fuit Ecclesiæ Præsulibus, ut facilius, atque promptius ad Concilia convenerint. "Attendat, (2) clementia vestra (ita Nicolaus I. Michaellem Imperatorem epist. 8. monabat) quanta fuerit erga Sedem Apostolicam reverentia Antecessorum vestrorum, piorum dumtaxat Imperatorum & præcipue quos longe superius memoravimus, amor, & studium... qualiter etiam legibus suis pro adunandis ei
„ Eccle-

(1) Tom. 4. Concil. edit. Venet. colum. 1473. (2) Tom. 9. Concil. edit. Venet. colum. 1343.

„ Ecclesiis promulgaverunt , pro colligendis Conciliis , ac
 „ proferendis sententiis , non imperaverint , sed precati ,
 „ & hortati solum extiterint : & quæ illi decreverunt , ipsi
 „ consenserint , & quæ illi damnaverunt , ipsi respuerint “ .

Et re quidem vera quod Constantinus Nicænam I. ,
 Theodosius Constantinopolitanam I. , & Ephesinam , Œcu-
 menicam II., & III., Marcianus Chalcedonensem , Œcumenicam
 IV. , Justinianus Œcumenicam V. , Constantinus Pogonatus
 Œcumenicam VI. , Constantinus , & Irenes Œcumenicam
 VII. , Basilius Œcumenicam VIII. convocaverint , facta quæ-
 dam sunt , & quidem talia , quæ jus eis proprium in hanc rem
 non solum non ostendunt , sed etiam alieno jure , & sibi com-
 municato , rem hanc illos fecisse declarant . Nam Concilia , quæ
 in sui initio Œcumenica fuerunt , assentiente , annuenteque ,
 atque etiam jubente , sicuti de VIII. Œcumenica Synodo
 constat , Romano Pontifice , ea Imperatores convocarunt :
 quæ vero sua auctoritate Imperatores coegere , sicut contigit
 in convocationibus Œcumenicæ II. a Theodosio , & Œcume-
 nicæ V. a Justiniano factis , ex profecto in sui initio Œcume-
 nicæ non fuere , & tunc solummodo tales evaserunt , quando
 Romanus Pontifex in eas consensit . Hæc vero omnia supra-
 jam ostensa sunt a nobis . Verum , sicuti Thomassinus *Differ-
 tatione 3. in Synodum Nicænam* num. 9. recte animadvertit :
 „ Quod Synodus Romana vociferetur , non Regis fuisse , sed
 „ Papæ Synodum convocare ; quod Rex acquiescat ; quod
 „ voluntatem Papæ litteris demonstratam ostendat ; quod a
 „ se nihil de rebus Ecclesiasticis præter reverentiam pertine-
 „ re confiteatur (1) , hæc non facta sunt tantum , sed jura .
 „ Quod Valentinianus Imperator , se utpote laicum negotiis
 „ Ecclesiasticis inferi non debere agnoscat , & copiam faciat
 „ Epi-

(1) Vide quid Patres in Synodo III. Romana congregati ad Sym-
 machi causam discutiendam jussu Theodorici Regis , eidem Theodo-
 rico , quoad hujus Concilii convocationem opposuerint , & qua ra-
 tione Theodoricus quoad rem istam eis satisfecit , dum “ Ipsum quo-
 „ que Papam in colligenda Synodo voluntatem suam litteris demon-
 „ strasse significavit “ . Tom. 5. Concil. edit. Venet. colum. 458.
 Verum hac de re magis distincte in sequenti §.

„ Episcopis convenire , ubi libuerit ipsis , quorum curæ cau-
 „ sa fidei , & Ecclesiæ demandata est (1) : non facti tantum ,
 „ sed juris ista sunt . Quod Athanasius , Hosius , Liberius Im-
 „ peratorem hortentur res imperii curare , negotiis Ecclesiæ
 „ abstinere ; Imperium enim ipsi , Ecclesiam a Deo Episco-
 „ pis commendatam : ad jura pertinent hæc , non ad facta .
 „ Quod iidem Synodus optrent , sed vere Ecclesiasticas , ubi
 „ nec Comes adfuturus sit , nec satellites præ foribus excu-
 „ bent , nec ex præscripto Imperatoris gerantur omnia , &
 „ ex Imperatoris in Synodos potestate labem omnem Eccle-
 „ siarum prorupisse ingemiscunt (2) ; non facta hinc , sed ju-
 „ ra splendent “ . De jure agitur , non de facto , superadde-
 „ re nos possumus , dum quæritur , utrum Œcumenicorum
 Conciliorum convocandorum potestas penes Principes esse
 possit . At vero hanc eis potestatem tribui nullo modo
 debere , singularis ratio demonstrat (3) . Tandem est de jure
 perspectum , semel ac potestatem in hanc , vel illam rem ali-
 cui convenire singularibus rationibus ostendatur , quæ ab
 ipsa ratione personæ , quam sustinet , & muneris , quod gerit ,
 desumptæ fuerint . Hoc autem modo de ea auctoritate com-
 pertum est , quam Romani Pontifices Œcumenicorum Conci-
 liorum convocandorum habent . Ad factum ergo referri opor-
 tere , non vero ad jus , quod Imperatores gesserunt in convo-
 catione Conciliorum Œcumenicorum , tam manifestum est ,
 quam quod maxime .

§. XV. Ad factum referri oportere , quod Imperatores
 gesserunt in convocatione Conciliorum Œcumenicorum , in-
 de quoque constar , quia Summi Pontifices Imperatoribus pe-
 tentibus , ut Concilium Œcumenicum haberetur , non semper
 annuerunt .

Ut Synodus Œcumenica haberetur , Leo Isaurus a Gre-
 gorio II. petiit ; verum Gregorius illi annuere recusavit , quia
 tunc id non expedire perspexerat (4) : “ Concilium Christi

Tom. III.

G

„ aman-

(1) Vide Sozomenum lib. 6. *Histor. Ecclesiast.* cap. 7. (2) Vide
 Athanasii epist. *ad Solitarios* num. 15. 36. 44. (3) Hujus cap. §. 3.

(4) Tom. 8. Concil. edit. Venet. colum. 662.

„ amantium Imperatorum, (ita Gregorius ad Leonem) &
 „ piorum Pontificum virtus est una, quando cum pace, &
 „ charitate res administrantur. Scripsisti, ut Concilium Uni-
 „ versale cogeretur. Tu persequitor es imaginum, & hostis
 „ contumeliosus, & everfor. Cessa: nobis hoc largire, ut
 „ taceas; tunc mundus pace perfruetur, & scandala tace-
 „ bunt. Finge nos te audisse, & ex universo terrarum orbe
 „ Pontifices congregatos esse, Senatumque, ac Consilium
 „ confedissee. Ubi est Christi amator, ac pius Imperator, qui
 „ de more in Senatu sedere debet?... Non animadvertis
 „ hunc tuum conatum, quo adversus imagines insurrexisti,
 „ facinus esse turbulentum, & insolens, & superbum? Quum
 „ Ecclesie Dei alta pace fruerentur, tu pugnas, & odia, &
 „ scandala suscitasti. Cessa, quiesce, tunc Synodo minimū
 „ opus erit“. Antea vero Imperatorem ita monuerat: „Scis,
 „ Imperator, sancta Ecclesie dogmata non Imperatorum esse,
 „ sed Pontificum, quæ tuto debent dogmatizari. Idcirco
 „ Ecclesiis præpositi sunt Pontifices a Reipublicæ negotiis ab-
 „ stincentes: & Imperatores ergo similiter ab Ecclesiasticis ab-
 „ stineant, & quæ sibi commissa sunt, capeffant“. In hac
 „ autem responsione, quam Gregorius II. ad Leonem Isaurum
 „ dedit, duo animadvertenda esse putamus: 1. Leonem Isau-
 „ rum, quamvis contra auctoritatem, atque majestatem Romani
 „ Pontificis multa tentaverit, & effecerit, licet summa cum im-
 „ pietate cultui sacrarum Imaginum, obistente sibi potissimum
 „ Romana Ecclesia, bellum apertum indixerit; tamen indigen-
 „ di Œcumenica Concilia potestatem in Summo Pontifice agno-
 „ visse, indeque ab eo petiisse, ut Concilium Œcumenicum
 „ convocaretur: 2. Summum Pontificem non acquievisse petiti-
 „ oni hujusmodi Imperatoris, qui ad quævis sane patranda para-
 „ tum animum habebat, voluisseque uti suo jure, prout ad uti-
 „ litatem Ecclesie conducere videbat, quamvis voluntati Impera-
 „ toris inde repugnandum esset.

Quemadmodum vero Gregorius II. Leoni Imperatori af-
 „ sentiri non voluit, ut Concilium Œcumenicum celebraretur;
 „ ita etiam Patres Concilii III. Romani habiti in caussa Symma-
 „ chi,

chi, quod a Theodorico Rege indictum fuerat, obstitit, ne in eo Concilio aliquid decerneretur, antequam illud indictum fuisset, consentiente Romano Pontifice, perspectum sibi fieret (1): " Sancta Synodus apud urbem Romam ex præcepto gloriosi Regis Theodorici diversis e regionibus congregata in Christi nomine dixit: quum ex diversis provinciis ad urbem Romam convenire Sacerdotes Regia præcepisset auctoritas . . . Memorati Pontifices suggesserunt, ipse, qui dicebatur impetratus, debuisse Synodum convocare, scientes, quia ejus Sedi primum Petri Apostoli meritum, vel Principatus, deinde sequuta jussionem Domini Conciliorum venerandorum auctoritas, singularem in Ecclesiis tradidit potestatem . . . Sed potentissimus Princeps ipsum quoque Papam in colligenda Synodo voluntatem suam litteris demonstrasse significavit. Unde & a mansuetudine ejus pagina postulatæ sunt, quas ab eo directas constabat. Præcipienti ergo Theodorico, ut Romæ simul in unum convenirent, Ecclesiæ Præsules obtemperarunt, verum simul uniti, antequam de re proposita quidquam ageretur, de eo certiores fieri voluerunt, utrum in eam Synodum, in quam convenerant, accessisset consensus Summi Pontificis. Ex his autem illud consequi, ut non ad jus, sed ad factum referri debeat, quod Imperatores gesserunt in convocatione Conciliorum Œcumenicorum, nemo non videre non potest.

§. XVI. Plura mala consequuta fuerunt, quando Imperatores in convocatione Synodorum adhibuere eam potestatem, quam nullo modo habere poterant; contra vero plura bona ab iis Synodis profluxerunt, quas vel Imperatores, consentiente Romano Pontifice, vel ipsum Pontificem per se indixisse legimus.

Et primo illud omnibus compertum est, eas Synodus, quas ante Constantini, & ceterorum deinde Imperatorum tempora in Ecclesia habitas legimus, longe feliciores pacatoresque fuisse præ aliis, in quarum convocatione Constantinus, aut filii ejus, vel subsequentes Imperatores, eam pote-

G 2

statem

(1) Tom. 3. Concil. edit. Venet. colum. 457.

statem adhibuerunt, quam æquo jure non poterant, & sibi concessam non habebant. Quandoquidem in prioribus illis Synodis licet Patres inter se aliquando dissenserint, non tamen quoad ea, quæ fidei sunt, dissenserunt, sed quoad alia, quæ disciplinam spectabant, atque in istis ita quidem, ut unitatis, & ejusdem fidei nexu semper sibi invicem uniti persisterint. " At ubi Constantinus (sicuti Thomassinus animadvertit in *Dissertatione 3. in Synodum Nicenam* num. 4.) occupavit, & successoribus refudit cogendarum Synodorum potestatem, quis sub ipso, & post ipsum maxime ortas inde clades Ecclesiæ mente, aut calamo valeat comprehendere? Quis Hierosolymitanæ, quis Tyriæ sub ipso Synodi labores? Quis sub Constantio Mediolanense, Syrmienſe, Ariminense flagitium? Quis fidei formulas toties, & tam perfidioſe fixas, & reſixas? Quis Episcoporum infaticabiles diſcursationes, proſcriptiones, exilia, cruces? Ubi ita Synodis illuſum, & de Synodis illuſum fidei, & majestati Ecclesiæ ante Constantinum? Et unde hæ clades niſi ex uno capite, quod Imperatores nutu, & arbitrio ſuo Synodos cogeant Episcoporum, & pro ſua libidine ageant? " E contrario autem, ſicut pergit idem Thomassinus in citata *Dissertatione* num. 28. poſtquam " Magnificencia etiam, & pompa convolutionis Synodorum penes Pontifices fere ſolos fuit, num prædatoria uſquam graſſata eſt Synodus in fidem Ecclesiæ, in vitam Pontificum? Num quæ Tyriæ ſimilis, aut Mediolanenſi, aut Ariminenſi, aut Epheliſinæ II., aut, ut ceteras taceam innumeras, tot Constantinopolitanis adverſus duas Chriſti voluntates, adverſus ſacras Imagines? Nuncubi carceres, aut vincula crepuere? Num exilia, aut neces? Num Cyrillus quiſquam carceratus, num interemptus Flavianus, ne Martinus, ne Stephanos, ne Theodoros commemorem? " Maximam utilitatem in Ecclesiæ bonum ea quoque Concilia in ſe habuiſſe, quæ dum Imperatores indixerunt, ſibi ſibi conſeſſæ poteſtatis limites prætergreſſi non fuerunt, a nemine negari poteſt. Quia vero a principio recte non ordinato ex ſui natura nihil ordinatum conſequi debet; ideo miran-

mirandum non est, si aliis Conciliis, in quibus Principes ea, quam non habebant, potestate usi fuere, plura mala in Ecclesiam profluxerint.

CAPUT II.

DE JURE PRÆSIDENDI ŒCUMENICIS CONCILIIS, QUOD EST
PENES SUMMUM PONTIFICEM.

§. I. **C**œtui hominum inter se congregatorum, ut aliquo de negotio agant, atque definiant, quemdam præesse oportet.

Si nullus sit, qui hujusmodi cœtui præsit, tunc sane hoc politicum corpus sine capite erit. Quemadmodum ergo si physicum corpus suo capite destitutum sit, inanimis potius truncus dici debet, quam corpus; ita etiam cœtus hominum simul unitorum ad rem aliquam agendam, vel deliberandam, cui politici corporis ratio convenit, si nullum sui moderatorem, rectoremque habeat, non erit verum politicum corpus, sed illius imago quædam informis. Non est, cur hac de re multis agamus, quum ipsa per se perspiciatur ab omnibus, atque in confesso sit etiam apud illos, qui Conciliis Œcumenicis præesse, Imperatori convenire volunt (1).

§. II. Duplex præsidendi ratio distingui debet: una est ordinis, seu honoris, & dignitatis, altera potestatis, atque auctoritatis.

Ea præsidendi ratio dicitur honoris, & dignitatis, quæ unus inter alios simul congregatos, & in tota judicii ratione æquales, primum locum tenet, primusque sententiam dicit, atque etiam ea proponit, de quibus consultatio adhibenda, & judicium ferendum in illo cœtu sit, quem ipse habendum indixerit. Ceterum si attendatur tum ad consultationem, quæ haberi, & ad judicia, quæ ab hujusmodi cœtu ferri debeant, eadem est potestas, atque auctoritas illius, ac cujusvis alterius ex eodem cœtu hominis. Præsidendi vero ratio, quæ est auctoritatis, & potestatis, aut respicit quæ sunt exteriora tum consultationi faciendæ, tum judicio ferendo a multis simul

(1) De his vide Bellarminum *De Concil.*, & *Ecclesia* lib. 1. cap. 19.

mul in unum congregatis, vel ad ipsam consultationem faciendam, judiciumque ferendum refertur. Prior ratio præsidendi suum locum habet, quando auctoritas illius, qui præest, in eo suam vim exerit, ut omnia ordinate, atque sine tumultu in hujusmodi cœtu peragantur, atque etiam ut quæ in eo definita fuerint, suam executionem habeant. Suus vero est alteri locus, quando qui præest, tum consultationem, tum judicia regit, atque moderatur, supremamque judicii rationem ipse retinet. Prior præsidendi modus habita ratione tum faciendæ consultationis, tum judiciorum ferendorum in exteriori quadam potestate, atque actione consistit, quum circa ea versetur, quæ consultationem, vel judicia exterius aut præcedunt, aut comitantur, aut sequuntur: alter vero in interiori tum potestate, tum actione posita est, quæ, ut ita dicam, tam consultationem, quam ipsa judicia tangit, atque tum in illam, tum in ista influit. Unde hanc præsidendi rationem, quæ dicitur potestatis, in exteriorem, & interiorem distinguimus: illam, quæ non attingit consultationem, faciendam, vel judicia ferenda in cœtu hominum simul congregatorum, exteriorem vocamus; interiorem vero eam, quæ tum consultationem faciendam, tum judicia ferenda respicit.

§. III. Vera, atque potissima præsidendi ratio interiori potestati convenit, exteriori autem latiori sensu, & per quamdam similitudinem.

Cœtus hominum congregatorum in eo potissimum suam potestatem exerit, ut de aliquibus, quæ in controversiam veniunt, consultationem ineat, initaque consultatione, suum judicium ferat: qui ergo cœtui hominum simul congregatorum ita præest, ut consultationes, determinationesque ejusdem cœtus regat, atque moderetur, revera illi præesse dicendum est, quia id potissimum attingit, circa quod hujusmodi cœtus ex sui natura, & institutione versatur. Hoc vero non habet ille alter, cujus præsidendi ratio circa exteriora tantum versatur. Nam iste sua auctoritate id solum facit, ut nihil exterius consultationem perturbet, aut judiciorum ordinem pervertat, nullusque sit tumultui locus, atque etiam execu-

quu-

quationi mandentur, quæ decreta fuerint: quæ sane omnia neque ipsam consulendi potestatem respiciunt, neque decretis semel editis aliquam obligationem interiorē tribuunt. Quum ergo præsidendi modus interior superius recensita in se habeat, exterior autem alia tantum secundo loco posita (1), est sane inde consequens, ut interiori vera, & propria ratio præsidendi conveniat, exteriori autem minus proprie, & quasi per quamdam similitudinem.

§. IV. Imperatores in Conciliis Œcumenicis habuerunt aliquando eam præsidendi rationem, quæ est ordinis, seu honoris, & dignitatis sine ulla tamen potestate una simul cum Patribus discutiendi, aut decernendi ea, de quibus agendum erat.

Constantinum Nicænæ Synodo præfuisse a nemine negatur: ita tamen præfuit, ut ejus hac de re prærogativa honoris tantum cujusdam fuerit, atque dignitatis, non vero potestatis, quæ judicii rationem in se contineret. Quandoquidem, sicuti Eusebius refert *De Vita Constantini* lib. 3. cap. 10. „ Postquam Imperator ad caput subselliorum venit, primum „ medius stetit. Positaque ante eum humili sella ex auro fabricata, non prius assedit, quam Episcopi ei innuissent. „ Idem omnes post Imperatorem fecere“. Primum autem locum honoris tantum, & dignitatis, nullo autem modo auctoritatis, cum qua judicii potestas conjungeretur, se in Synodo tenere hoc facto Constantinus manifeste declaravit. Nam uti refert Gelasius Gyzicenus in *Histor. Concilii Nicæni* lib. 2. cap. 8., quum a quibusdam Episcopis aliqui libelli contra alios Episcopos illi oblati fuissent, ipse „ Acceptos libellos, & annulo suo obsignatos servari præcepit: & quum tantum Episcoporum mutuam contentionem perspiceret, dixit oportere omnes simul certo die ad res eas disceptandas convenire. Præstitutus autem dies quum venisset, confedit in medio Imperator, & silentio opportune facto, omnium libellos asserri jussit: quos quum accepisset, & in sinu suo posuisset, nec voluisset in eas delationes incumbere, ita

ad

(1) Præced. §.

„ ad Episcopos loquitur : posteaquam Deus vos Sacerdotes,
 „ & Judices designavit ad disceptandas , & judicandas populi
 „ controversias, vosque Deos scribendos censuit , tamquam
 „ hominibus ceteris longe præstantiores (dictum est enim :
 „ *Ego dixi : Dii vos estis , & Filii Altissimi omnes : & Deus ste-*
 „ *tit in Synagoga Deorum*) vere vulgaria ista negligere oportet ,
 „ omnique cura , & studio in res Divinas incumbere .
 „ Quumque jussisset ignem afferri , libellos omnes exuri præcepit “ .
 „ Sibi ergo supra Episcopos delatum judicium Constantinus ferre recusavit , affirmavitque ad dijudicandas controversias populi se a Deo designatum . Hinc vero est, quemadmodum a Gelasio Gyziceno in eodem libro cap. 7. traditum habemus , quod “ Sapientissimus Imperator dum doctrinæ
 „ Catholicæ consensum stabilire moliretur . . . Episcopis , &
 „ Sacerdotibus velut Patribus proposuit “ .

Qua ratione Constantinus Magnus Nicænæ , etiam Constantinus Pogonatus VI. Synodo Œcumenicæ præfuit , sicuti Acta ipsius Synodi neminem dubitare sinunt . Hæc enim *Actio-
ne I.* leguntur (1) : “ Præsidente eodem piissimo , & Christo
 „ dilecto Magno Imperatore Constantino in Secretario Sacri
 „ Palati , quod cognominatur Trullus “ idem etiam in aliis *Actio-
nibus* repetitum legimus , quam ratione præfederit , ea in epistola explicatum habemus , quam Gregorius II. ad Leonem Isaurum dedit , in qua hæc habentur (2) : “ Quum enim
 „ Dominus Germanus , quique tunc temporis Patriarcha
 „ erat , Dominus Georgius suggestissent , persuasissentque
 „ Constantino Constantis filio , Justiniani patri , ut Romam
 „ ad nos scriberet , sic interposito jurejurando , scripsit ad
 „ nos , & nobiscum egit , ut ad universalem Synodum congregandam viros utiles mitteremus : neque cum illis , inquit , tamquam Imperator sededo , aut imperiose loquar ,
 „ sed tamquam unus ex illis , & prout statuerint Pontifices ,
 „ ego exequar . Si pater meus quidpiam ex intemerata , pura-
 „ que fide perverterit , ego primus illum anathematizabo :
 „ tum

(1) Tom. 7. Concil. edit. Venet. colum. 617. (2) Tom. 8. Concil. ejusdem edit. in antea dictis Concil. Nicæni II. epist. 1. colum. 662.

„ tum nos , Deo bene volente , misimus ; & cum pace VI. Sy-
 „ nodus celebrata est “.

Synodo quoque VII. Irenes cum filio Constantino præfuit , sicuti ejusdem Synodi *Actione VIII.* legitur (1) : verum non ut suffragium ferrent , sed ut sua præsentia ad dammandos errores , ferendumque judicium illud , quod veritati Catholicæ prorsus consonum esset , magis magisque Patres excitarent . Quapropter in sua *Sacra* ad Synodi Patres (1) postquam eisdem exposuerunt , eo se consilio in unum illos convocasse , ut *definitionibus Synodorum , que recte dogmatizarunt , judicium eorum simile fieret* , ita illos alloquuntur : “ State stantes biles pietatis propugnatores , & omnem novitatem vocum ,
 „ & noviter apparentem seditionem recidere procurate ,
 „ quemadmodum & Petrus primus Princeps Collegii Apostolici , qui , servilis deceptionis amentia percussa , Judaicæ
 „ seditionis sensum gladio abstulit . Extendite securim spiritus , & omnem arborem germinantem fructum contentio-
 „ nis , & dissensionis , ac introductæ novitatis , aut magisterialibus vocibus transplantate , aut canonicis increpationibus concidite , & in ignem futuræ gehennæ transmittite :
 „ ut integrum Ecclesiæ corpus compactum , & conveniens ,
 „ atque paterna traditione corroboratum pax spiritus custodiat , & totius Romanæ Reipublicæ nostræ constitutio simul
 „ tranquilla cum fidei tranquillitate consistat “ . Judicium ergo de re proposita faciendum Imperator nullo modo sibi tribuit , sed Episcopis : ab iisdem esse transplantandum , & succidendum declarat *omnem arborem germinantem fructum contentionis , & dissensionis , ac introductæ novitatis* : per illos vult , ut integrum Ecclesiæ corpus compactum , & conveniens , atque paterna traditione corroboratum pax spiritus custodiat . Totam ergo judicii rationem Episcopis tribuit Imperator , pro se autem quendam tantum præsidendi honorem assumit .

Tandem ex *Actione VII.* (3) , & aliis , compertum habemus , Imperatorem Basilium Synodo VIII. Œcumenicæ præfuisse ,
 Tom. III. H disse ,

(1) Cit. tomo colum. 239. (2) Cit. tomo colum. 694. (3) Tomo 10. Concil. ejusdem edit. colum. 883.

disse, ea tamen ratione, ac alii antea Imperatores præfederant, quemadmodum ex ea epistola certi esse possumus, quam Hadrianus Papa gratulabundus ad Imperatores dedit (1) " In quo illud mirabilius (inquit Summus Pontifex) & laudabilius sublimitatis vestræ prædicatur insigne, quod non judicum, vel assertorum, sed consociorum tantum, & obscuratorum persona usi fuisse cognoscimini: ita ut per humilitatis arcem ad culmen virtutum pervenire dilexeritis potius, quam per imperialis altitudinis fastum ad inanis gloriæ ima delabi consenseritis ".

§. V. Hujusmodi etiam titulo honoris Conciliis Œcumenicis Imperatores aliquando præfuerunt, ut ea convocaverint, tempus, quo habenda essent, præscripserint, & quæ in iisdem discutienda, & decernenda forent, determinaverint, nunquam tamen judicii rationem sibi tribuerunt.

Ad factum referri oportere, non vero ad jus, quod Imperatores gesserunt in convocatione Conciliorum Œcumenicorum, jam ostendimus (2). Ex eo autem quod datum illis vel aperta concessione, vel tacita consensione fuerit, ut Œcumenica Concilia indicere, inde quoque consequeretur, ut tribueretur eis etiam potestas constituendi tempus, quo eadem Concilia haberi deberent: sicuti etiam semel ac indictis a se Conciliis quadam præcellentia honoris, & dignitatis Imperatores præessent, inde fiebat, ut ab eis determinaretur, de quibusdam doctrinæ capitibus, & consultatio a Patribus ineunda foret, & judicium ferendum. Sicuti enim ad eam præsidendi rationem, quæ dicitur honoris, atque dignitatis, refertur convocatio; ita etiam præscriptio eorum, de quibus in hujusmodi cœtu agendum sit (3). Postquam ergo in superiori §. ostendimus quamdam præminentiam honoris, & dignitatis in Conciliis Œcumenicis Imperatores aliquando habuisse sine ulla tamen judicii ferendi potestate, in hoc §. hujusmodi judicii potestatem sibi non tribuisse demonstrandum aggredimur, quamvis Patribus simul congregatis rem, de qua

(1) Cit. tomo colum. 678. (2) Cap. præced. §. 2. (3) Hujus cap. §. 2.

qua agerent , atque definirent , quandoque præscripserint . Quoniam vero ex Œcumenica Ephesina Synodo potissimum , constat, Imperatorem Patribus simul unitis præscripsisse id , de quo agere deberent , ex ea nunc videamus , utrum Theodosius una simul cum hujusmodi a se facta determinatione iudicii rationem circa ea sibi tribuerit , quæ in Synodo definienda erant . In sua itaque *Sacra* Theodosius , quam ad Cyrillum , & Episcopos Metropolitanos misit , tum tempus , tum locum Synodi determinavit , atque æquo animo sese passurum non esse edixit , si quispiam ad eam Episcopus non conveniret (1) . In *Sacra* quoque missa ad Synodum per Candidianum Comitem , postquam præcepit , ne quispiam , re infecta , a *constituto disquisitionis loco abiret* , simul unitis Patribus constituit , quæ de re , aliis sepositis , primo loco agere deberent (2) . Ex his autem si quispiam inferret , quamdam in hac Synodo iudicii rationem Theodosium sibi tribuisse , ille profecto longe a vero aberraret . Nam in hac altera *Sacra* , quam ad Synodi Patres Candidianum Comitem reddidisse diximus , ea de causa Candidianum ad Synodum misisse affirmat , ut tumultibus occurreret , non vero ut disquisitioni eorum , quæ ad fidem pertinerent , sese immisceret (3) “ Igitur (inquit) Candidianum ,
 » præclarissimum sacrorum domesticorum Comitem ad sacram
 » vestram Synodum abire iussimus , sed ea lege , & conditio-
 » ne , ut cum quæstionibus , & controversiis , quæ circa fidei
 » dogmata incidunt , nihil quidquam commune habeat . Ne-
 » fas est enim , qui sanctissimorum Episcoporum catalogo ad-
 » scriptus non est , illum Ecclesiasticis negotiis , & consulta-
 » tionibus sese immiscere “ . Quapropter ita se disposuisse dicit ,
 ne aliquis tumultus oriretur , “ Ut iis , quæ dicuntur , singuli
 » (Episcopi) inoffense , quod visum fuerit , in medium pro-
 » ponere , vel ab aliis propositum refutare queant : ut ea tan-
 » dem ratione , ubi per singulas propositiones , exceptiones-
 » que inquisitio citra ullam omnino turbam contentionem-

H 2

que

(1) Vide hanc *Sacram* tom. 3. Concil. edit. Venet. colum 986. par 1. Concil. Ephes. cap. 32. (2) Cit tomo colum. 990. (3) Vide cit. locum .

» que habita fuerit, quod omnibus placitum probatumque
 » erit, communi vestræ Sanctitatis sententia constituatur,
 » decernaturque “. Est ergo perspectum, quod nos modo
 volumus, hoc est, Imperatores in Conciliis Œcumenicis ju-
 dicii rationem sibi non tribuisse, quamvis aliquando illa con-
 vocaverint, tempus præscripserint, quo haberi deberent, &
 quæ in iisdem discutienda, & decernenda forent, determi-
 naverint.

§. VI. Eam quoque præsidendi rationem, quæ dicitur
 potestatis, Imperatores in Conciliis Œcumenicis quandoque
 habuerunt; hujusmodi ea tamen fuit, ut ad tumultus impe-
 diendos, & semel ortos comprimendos referretur.

Hac de causa Theodosium imperatorem misisse ad Syno-
 dum Ephesinam Candidianum Comitem, modo vidimus.
 Marcianus autem Synodo Chalcedonensi ipse per se præfuit;
 tamen præfuisse ob eum finem, quem nos modo volumus, a
 Patribus Chalcedonensibus in ea *Relatione*, quam ad Leonem
 Papam miserunt, explicatum habemus (1): “ Tu (inquiunt)
 » vocis B. Petri omnibus constitutus interpretes Tu sicut
 » membris caput præeras in his, qui tuum locum tenebant,
 » benevolentiam tuam præferens. Imperatores vero fideles
 » ad ornatum præerant: sicut Zorobabel, & Jesus, Ecclesiæ
 » tamquam Hierosolymæ ædificationem renovare circa dog-
 » mata enitentes “. Quapropter tum Leo, tum Marcianus
 Synodo præfuerunt, attamen ille ea ratione, qua caput præ-
 est membris, iste vero ad ornatum, & eum quidem non inu-
 tilem, sed qui in Synodi maximum bonum cederet. Nam ad
 seditiones præcavendas Synodo se adesse velle, Patres primum
 Nicææ congregatos idem Marcianus monuit (2). “ Ut, no-
 » stra pietate præsentem, (inquit) decernantur, quæ omnem
 » discordiam, quæstionemque summoveant “. Nam post Ephe-
 sinum latrocinium, in quo Dioscori impietas crudeliter do-
 minata fuerat, vix ac ne vix quidem fieri posse videbatur, ut,
 absente Imperatore, nullus in Synodo foret tumultui locus,
 & Mo-

(1) Tom. 4. Concil. ejusdem edit. colum. 1775. par. 3. Concilii
 Chalcedon. (2) Cit. tomo colum. 839. 1. par. Concilii Chalcedon.

& Monachi Nicææ excitare turbas jam incœperant . Qua de causa Legati S. Leonis Imperatorem rogarunt , ut Synodo adesset : quod si facere ille recusaret , se quoque ad Synodum accessuros non esse protestati fuere (1) : “ Nam & Episcopi ” (inquit Marcianus Episcopis , dum e Nicæa Chalcedonem illos evocat) qui vice Leonis Archiepiscopi urbis Romæ venerunt , a nostra tranquillitate petierunt , quatenus nos omnino adesse debeamus sancto Concilio , affirmantes , quoniam non paterentur , illic , absente nostra pietate , venire “. Hinc *Actione VI.* Marcianum ita Patres alloquutum fuisse legimus (2) : “ Nos enim ad fidem confirmandam , non ad potentiam ostendendam , exemplo religiosissimi Principis Constantini interesse Synodo volumus “. Ad tumultus itaque impediendos , & semel ortos comprimendos referebatur ea præsidendi ratio , quæ dicitur potestatis , quæque penes Imperatores in Œcumenicis Conciliis quandoque fuit .

§. VII. Præsidendi ratione , quæ dicitur potestatis , ad eum quoque finem Imperatores in Conciliis quandoque usi fuere , ut decreta Conciliorum facilius executioni mandarentur , nulloque modo inde factum fuit , ut decreta in se spectata novam auctoritatem acceperint .

Constantinus in epistola data ad omnes Ecclesias Nicænam Synodum probavit , atque ab omnibus eam esse suscipiendam indixit , quia ad Divinam voluntatem referendum est , quod in sanctis Conciliis Episcoporum constitutum habetur : “ Plane Divinum mandatum (inquit apud Eusebium , lib. 3. *De Vita illius* cap. 20.) libenter suscipite : quidquid enim in sanctis Episcoporum Conciliis geritur , id omne ad Divinam referendum est voluntatem “. Ita etiam Theodosius , postquam in sua *Sacra* ad Cyrillum , & Episcopos Metropolitanos in id se potissimum incumbere affirmavit , ut ex concordia , & consensione omnium maxima tranquillitate respublica frueretur , *eorumque vita , qui inter Clericos censentur , vel magno quoque inter illos Sacerdotio funguntur , omni prorsus novo , & culpa vacares* , id sibi valde cordi esse superaddit ,

(1) Cit. tomo colum. 843. (2) Cit. tomo colum. 1475.

dit (1), *ut turba rite secundum Ecclesiasticos Canones consopiantur*. Et in altera priori *Sacra* ad Cyrillum (2) " Etenim religionem (inquit) jam inde a primis usque temporibus non imperantis
 „ cujuscumque, aut certe imperium usurpantis interminatio-
 „ nes, vel proterviæ, sed sanctorum Patrum, sacrarumque
 „ Synodorum decreta nobis constituerunt ". Sua ergo opera illud Imperatores non contenderunt, ut Conciliorum decretis aliquid auctoritatis superadderent, sed ut ea exequutioni mandarentur, atque in hanc rem, qua pollebant auctoritate, usi fuerunt. Hinc Synodi Ephesinæ Patres in sua *Relatione*, ad Theodosium, facta mentione eorum, quæ ipsi decreverant, ita eundem Theodosium rogant (3): " Verum jubeat,
 „ ut ea, quæ a sancta, & Œcumenica Synodo ad pietatis præ-
 „ sidium contra Nestorium, impiamque ejus doctrinam san-
 „ cita sunt, vim suam obtineant, accedente ad eorum robur
 „ nutu, & consensu pietatis vestræ ". Haud dissimili ratione Patres Concilii Chalcedonenſis in *Alloquutione* ad Marcianum, habita ratione eorum, quæ simul uniti definierant, ita obsecrant Imperatores (4): " Sed o vos Christi amantes, & impe-
 „ rio superno nutu vobis concessio dignissimi, compense ei
 „ fidem, qui beneficia tanta concessit; studioque circa pu-
 „ rissimam confessionem pro concessis honoribus præstantiam
 „ vestræ devotionis ostendite, malignorum quidem molimina
 „ refrænant, omnibus vero piæ confessionis declarantes in-
 „ unitate concordiam, ac velut signaculum sacræ doctrinæ,
 „ Concilii hujus a nobis congregati prædicationem Petri sedis
 „ auctoritate roborantes ". Precibus Patrum Imperatores obsequuti fuerunt. Nam Valentinianus, & Marcianus publice edixerunt, & ne ullus postea de iis disputare auderet, quæ a Patribus Chalcedonenſibus definita fuerant, & contra facientes a se quoque pœnam esse laturos (5): " Universi er-
 „ go (inquiunt) quæ a sancta Synodo Chalcedonenſi statuta
 „ sunt

(1) Tom. 3. Concil. edit. Venet. colum. 986., par. 1. Concil. Ephesini cap. 32. (2) Cit. tomo colum. 979. (3) Cit. tomo colum. 1187. (4) Tom. 4. Concil. ejusdem edit. colum. 1767., par. 3. Concil. Chalcedon. cap. 1. (5) Cit. tomo colum. 1783.

„ sunt , custodire debebunt , nihil postea dubitaturi . Hoc
 „ itaque commoniti nostræ serenitatis edicto , abstinete a
 „ prophanis vocibus , & ulterius definite de Divinis disputa-
 „ re : quod nefas est : quia non solum Divino iudicio pecca-
 „ rum hoc , prout credimus , punietur ; verum etiam legum ,
 „ & iudicum auctoritate coercebitur “. Et Marcianus in al-
 „ tero edicto (1) , inquit : “ Iterata hac sancientes nostræ cle-
 „ mentiæ iussione , ut in futurum a prohibitis omnes absti-
 „ neant , nec conventicula colligant super Religione certan-
 „ tes : quia in huiusmodi perversitate , & vanitate detecti ,
 „ & starutas dudum suscipient pœnas , & iudiciario motu ,
 „ prout religiosis temporibus convenit , punientur . Oportet
 „ enim Chalcedonensem Synodum sequi , in qua , omnibus
 „ diligenter quæsitis , ea definita sunt , quæ pridie tres præ-
 „ dicti cœtus , Apostolicam fidem sequuti , omnibus obser-
 „ vanda tradiderunt “. Plura alia in rem istam adducere in-
 „ medium possemus ; verum ex iis , quæ usque modo disserui-
 „ mus , nemini non esse manifestum debet , præsidendi ratione ,
 „ quæ dicitur potestatis , ad eum quoque finem quandoque Im-
 „ peratores in Conciliis usos fuisse , ut decreta Conciliorum fa-
 „ cilius , atque promptius executioni mandarentur , nulloque
 „ modo inde factum fuisse , ut decreta in se spectata novam au-
 „ thoritatem acceperint , quum observationem eorum indur-
 „ geant Imperatores , quia a Patribus simul unitis sancita
 „ sunt .

§. VIII. Sive spectetur præsidendi ratio , quæ ordinis , si-
 ve quæ potestatis appellatur , Imperatores latiori quodam mo-
 do Œcumenicis Conciliis præfedissee dicuntur .

Vera præsidendi ratio , quam diximus (2) honoris , at-
 que dignitatis , non solum in se includit , ut qui præest , cœ-
 tum habendum indicat , in eo sedeat primo loco , illa consti-
 tuat , de quibus in huiusmodi cœtu agendum est , sed etiam
 ut non secus , ac alii simul congregati , suum suffragium de
 re proposita ferat ; alioquin aliquid minus , & illud quidem
 tale , quod in hominibus simul congregatis ad rem aliquam
 desi-

(1) Cit. tomo colum. 1786. (2) Hujus cap. §. 2.

definiendam potissimum spectatur, in eo foret, qui præsideret, quam in aliis. At Imperatores licet quandoque in Conciliis Œcumenicis eam præsидendi rationem habuerint, quæ dicitur honoris, atque dignitatis; nunquam tamen una simul cum Patribus vel discussionem inierunt, vel judicium tulere de iis, quæ definienda proponebantur (1): si igitur attendamus ad eam præsидendi rationem, quæ est ordinis, seu honoris, atque dignitatis, dicendum est Imperatores latiori quodam modo Conciliis Œcumenicis præfuisse.

Idem affirmandum est, si respiciamus alteram præsидendi rationem, quæ vocatur potestatis. Est enim duplex hæc præsидendi ratio: una quidem exterior, quatenus complectitur ea, quæ sunt exteriora tum consultationi faciendæ, tum judicio ferendo; altera interior, quæ ad consultationem faciendam, & judicium ferendum refertur. Interiori autem veræ, & propria præsидendi ratio competit, exteriori autem latiori sensu, & per quamdam similitudinem (2). Imperatores autem quamvis eam quoque præsидendi rationem, quæ dicitur potestatis, in Conciliis Œcumenicis habuerint, hujusmodi tamen ea fuit, ut comparata esset vel ad tumultus impediendos, & semel ortos comprimendos, vel ad faciliorem exequutionem eorum, quæ a Patribus definita fuissent (3); quæ sane omnia ad exteriorem præsидendi rationem spectant (4), neque ipsam consultationem, aut definitionem attingunt, vel semel definitis auctoritatem adjiciunt: igitur si eam quoque præsидendi rationem spectemus, quæ potestatis appellatur, Imperatores latiori quodam modo Conciliis Œcumenicis præfuisse dicendum est.

§. IX. Nomen Sacerdotis a Conciliis Œcumenicis, atque a Summis Pontificibus aliquando tributum fuit Imperatoribus, quia suam isti operam in convocationem Conciliorum Œcumenicorum impenderunt, multaque tum ad eorumdem faustum felicemque exitum, tum universe, atque generatim in utilitatem Ecclesiæ gesserunt.

Ea

(1) Hujus cap. §. 4. & 5. (2) Hujus cap. §. 2. & 3. (3) Hujus cap. §. 6. & 7. (4) Hujus cap. §. 3.

Ea in *Alloquutione*, quam Marcianus Imperator in Synodo Chalcedonenſi habuit, Patres Imperatori ſæpius plauſiſſe legimus. *Actione* itaque VI. ita plaudentes Imperatorem compellati fuerunt (1): “ Chriſtus, quem colis, ipſe te ſervet. ” Hæc fide digna ſunt. Sacerdoti Imperatori multos annos. ” Eccleſias tu erexiſti, victor bellorum, doctor fidei “. Verum enim vero quo tandem ſenſu talia de Imperatore, ipſo præſente, Patres Chalcedonenſes prædicaverint, nunc inſpiciamus. Illud quidem primo Marcianus in huiusmodi *Alloquutione* proteſtatus fuit, ſe non ad potentiam oſtendendam, ſed ad fidem confirmandam, ſeu proteſtandam Synodo aſſeſſe vo-
luiffe; deinde autem manifeſtare, atque decernere, quæ ſunt veræ fidei, ad Synodi Patres ſpectare affirmavit (2): “ Noſtræ ” autem ſerenitatiſ pretium eſt, (inquit) omnes populos ” unam eandemque circa Divinitatem habentes ſententiam, ” veram, & Catholicam Religionem fidemque colere. Hoc ” ergo operis ſit Sanctitatis veſtræ . . . Et nunc per veſtrum, ” Concilium omnis quidem ambiguitas pravitate, cupiditateque quorundam, ſicut diximus, in hoc parvo medio ” tempore nata; amputetur; in perpetuum autem, quæ a vobis terminata fuerint, ſerventur “. Ad hæc prima vice Patres Imperatori plauſus dederunt, quia opera ejus Synodus illa congregata fuerat, quæ veram fidem ſanxerat. Poſt huiusmodi plauſum Concilii definitionem coram Imperatore, *Ætius* legit, eamque ſua omnes Patres ſubſcriptione firmarunt. A Patribus tunc Imperator quæſivit, utrum *ſecundum omnium Sanctorum Episcoporum expoſitionem definitio relata prolata eſſet*: cui Patres ſe conſentientes illi ſubſcripiſſe dixerunt, poſteaſque Imperatorem publicis præconiis denuo proſequuti fuere, quia fidem orthodoxam amplectendo roboraveſſet. Imperator Patrum apud Deum precibus pacem ubique reſtituendam eſſe, ſeſe ſperare tunc adjecit, & Patres tertio cum plauſibus Imperatori acclamarunt, ex eo quod fidem orthodoxam invictæ ſuſtinuiſſet, hæreſim extinxiſſet, hæreticoſque

Tom. III.

I

fugaſ.

(1) Tom. 4. Concil. edit. Venet. colum. 1511. (2) Cit. tomo colum. 1475.

fugasset. Post hæc Imperator pœnas statuit in illos, qui contra declarationem fidei in Synodo factam disputationes instituire auderent: quod sane decretum cum gaudio Patres probaverunt. Tandem Imperator nonnulla capitula Patribus definienda proposuit: " Quæ (inquit) ad honorem vestræ reverentiæ vobis servavimus, decorum esse judicantes a vobis hæc regulariter potius formari per Synodum, quam nostram lege sanciri ". Hæc ergo capitula quum perlegi jussisset coram Synodo; tunc sane Patres in eam acclamationem proruperunt: " Christus, quem colis, ipse te servat. Hæc fidei digna sunt. Sacerdoti Imperatori multos annos Vestrum imperium Deus conservet. Hæreticos vos destruxistis, fidem vos custodistis ". Quo ergo istæ omnes Patrum acclamationes sæpius repetitæ tenderent, quem ob finem Patres Imperatorem tam multis laudibus prosequuti fuerint, atque etiam Sacerdotem vocaverint, nemo non videt. Quia ergo sua in Ecclesiæ utilitatem potestate utebatur, Synodos ad hæreticos compescendos cogebat, eorumque decreta tuebatur, aliisque servanda mandabat, volebatque, ut auctoritate Patrum definirentur, quæ dubia erant; ideo Patres ei tantopere plauserunt.

Etiam S. Leo Sacerdotium cum Imperio in Marciano quodammodo consociavit (1): " Quod sæpissime multa jam, experimenta docuerunt, sanctum pietatis vestræ studium circa Religionem Christianam gloriosis perseverat, & crescit augmentis: & hæc fides vestræ clementiæ non solum me, sed & omnes Domini Sacerdotes consolatur, & roborat, dum in christianissimo Principe Sacerdotalem experimur affectum ". Eorum tamen habita ratione, quæ in utilitatem Christianæ Religionis gesserat Imperator, atque gerebat, S. Leo affirmavit, tum se, tum alios Sacerdotes, in eo Sacerdotalem animum experiri. Haud dissimili ratione idem S. Leo in Imperatore Leone *animum Sacerdotale*, & *Apostolicum* deprædicavit (2), quia sua potestate utebatur ad Ecclesiam

(1) Juxta editionem Cacciaril 167. (2) Juxta eandem editionem 129.

nam Constantinopolitanam tuendam, & avellendum illud in-
lum, quod eam obscurabat.

In parte 3. (1) ejusdem Synodi Chalcedonenſis ea epi-
ſtola legitur, quam Agapitus Rodi Episcopus ad Leonem Im-
peratorem dedit, in qua inter alia hæc habentur: " Ver-
", namque Sacerdos, & natura Imperator exiſtis ". *Actione*
XVIII. Synodi VI. Œcumenicæ Leo II. Summus Pontifex Con-
ſtantino Imperatori gratulatur, quod (2) " Regali faſtigio de-
", poſito, unum ſe de collegio Sacerdotum pro zelo Dei ad-
", numerari concupiſceret ". At Sacerdotem Agapitus indu-
vocat Imperatorem, quia Eccleſiæ maximam ſollicitudinem
gereret, atque ad procurandum bonum ejus ſaluberrimas, &
utiles litteras Sacerdotibus daret, & quibus ligare, & ſolvere
peccata conceſſum eſt, communionis ſacra ſollicitudinem committe-
ret. Leo quoque ea de cauſa dixit, Imperatorem concupiſce-
re ſe adnumerari in collegio Sacerdotum pro zelo Dei, quia-
dum Divina rebus humanis præponebat, & orthodoxam fidem cu-
ris ſecularibus incomparabiliter anteferebat, judicium rectum Dei
cultu venerabatur, & ſacrificium puriſſimum, atque holocauſtum
Divina ſuavitatis odore ſagrans in ara ſui pectoris ejus inviſibili
majeſtati macſtabat. Tandem, ut multa alia omittamus, de eo
quidem Leo II. Summus Pontifex Leonem Iconomachum non
redarguit, quod Imperatorem, & Sacerdotem ſeſe vocaſſet;
verum id opere, hoc eſt, in Eccleſiæ utilitatem, non ſecus
ac alii Imperatores fecerant, ab eo comprobandum eſſe, il-
lum ſimul ita monuit (3): " Scripſiſti Imperator ſum, & Sa-
", cerdos. Enimvero qui ante te fuerunt Imperatores, hoc
", opere, & ſermone demonſtrarunt. qui curam geſſerunt Eccle-
", ſiarum, una cum Pontificibus cupiditate zeloque incenſi, re-
", æque fidei veritatem perveſtigantes. Conſtantine Magnus,
", Theodoſius Magnus, Valentinianus Magnus, & Conſtanti-
", nus Juſtiniani pater, qui VI. Synodo interfuit. Imperatores
", iſti religioſe imperarunt, & cum Pontificibus uno conſilio,

I 2

ac

(1) Tom. 4. Concil. edit. Venet. colum. 1891. (2) Tom. 7. Con-
cil. ejusdem edit. colum. 1147 (3) Tom. 8. Concil. ejusdem edit.
colum. 670.

» ac sententia Synodos congregantes , atque veritate dog-
 » matum perquirentes , sanctas Ecclesias constituerunt , &
 » ornarunt . Hi sunt Sacerdotes , & Imperatores , qui id
 » opere demonstrant « . Propter ea itaque , quæ Imperatores
 in Ecclesiæ utilitatem quacumque ratione exterius gerebant ,
 factum fuit , ut aliquando illos nomine Sacerdotum a se ap-
 pellandos esse censuerint .

§. X. Ut Summus Pontifex in Conciliis Œcumenicis po-
 tissimam præsidendi rationem habeat , quæ est veræ potestatis,
 omnino postulat ea suprema Præfectura , qua super universam
 Ecclesiam potitur .

Quænam sit potissima præsidendi ratio veræ potestatis ,
 jam explicavimus (1) . Supremam vero Præfecturam auctori-
 tatis , potestatis , & jurisdictionis super universam Ecclesiam
 in Summo Pontifice agnoscendam esse , abunde est jam con-
 fectum a nobis (2) . Modo vero ita : consultationes , & defini-
 tiones , quæ fiunt in Synodis Œcumenicis , universam Eccle-
 siam respiciunt , omnes undique Fideles complectuntur , &
 nulla est Ecclesiâ singularis , nullusque populus Fidelis , a qui-
 bus credi , & servari non debeant , quæ sunt fidei , & morum ,
 prout ea credenda , & servanda in hujusmodi cœtibus omnium
 præstantissimis constitutum fuerit . Semel ac ergo consulta-
 tiones , & definitiones , quæ fiunt in Conciliis Œcumenicis ,
 Summus Pontifex non regat , atque moderetur , inde fiet , ut ,
 si ad singularem quædam præsidendi rationem attendamus ,
 quæ sit veræ potestatis , & consultationes incantur , & defini-
 tiones universam Ecclesiam afficientes edantur independentem
 ab eo , qui toti Ecclesiæ præest . Hoc autem si non opponitur
 illi supremae Præfecturæ auctoritatis , potestatis , & jurisdic-
 tionis , quam Summus Pontifex super universam Ecclesiam obti-
 net , non video sane quidnam opponi possit . Nam suprema
 Præfectura potestatis , auctoritatis , & jurisdictionis semel ac
 vere suprema sit , vereque etiam sit potestatis , auctoritatis ,
 & jurisdictionis , ac tandem universam Ecclesiam vere etiam
 complectatur , nullo modo patitur , ut , ipsa non regente , at-
 que

(1) Hujus cap. §. 3. (2) Lib. 19. cap. 1. §. 8. & seq.

quæ moderante, ea fieri instituuntur, & revera fiant, quæ tamquam quædam decreta ab omnibus, qui sibi subduntur, suscipi, & servari debeant.

§. XI. Solus Summus Pontifex Œcumenicis Conciliis cum potestate præesse debet, si ad eam supremam legislativam potestate attendamus, quam ipse super universam Ecclesiam habet.

Supremam potestatem legislativam super universam Ecclesiam Summo Pontifici tribui oportere, jam confecimus (1). Cum ea igitur necessario conjungi, ut Summus Pontifex Conciliis Œcumenicis eam præsidendi rationem habeat, quæ est veræ potestatis (2), nunc contendimus. Nam in Conciliis Œcumenicis de iis legibus ferendis agitur, quæ totam Ecclesiam, qua late patet, complectuntur. Leges autem, quæ ad universam Ecclesiam extendantur, eo non præsidente, ferri, qui supremam in universam Ecclesiam potestatem legislativam habet, omnino repugnat. Hoc enim si fieret, & a suprema ille potestate legislativa, quam in universam Ecclesiam habet, deturbareretur, (nam ea potestas suprema dici non potest, quæ alteram sibi superiorem, aut etiam æqualem habet) & eam sibi usurparent, qui supremæ legislativæ potestati subiecti esse deberent. Ex eo quod ergo suprema legislativa potestas in uno Summo Pontifice sit, cum potestate Œcumenicis Conciliis revera præesse, Summi tantum Pontificis esse potest.

§. XII. Non minus suprema legislativa potestas Summi Pontificis, quam illius Monarchicum regimen in universam Ecclesiam ostendit, Summi tantum Pontificis esse debere, Conciliis Œcumenicis cum potestate præesse.

Proprium esse Monarchici regiminis, ut unus tum singulis, tum universis suprema potestate præsit, & Ecclesiæ regimen perfecte Monarchicum esse, ac proinde pati non posse, ut independentem a supremo imperante sit in Optimatibus simul etiam unitis legum ferendarum auctoritas, jam evincimus (3). Ex hisce autem duobus illud tertium necessario sequi-

(1) Cit. lib. cap. 2. § 3. & seqq. (2) Hujus cap. § 3. (3) Lib. 20. cap. 3. & 4.

sequitur, hoc est, Summi Pontificis tantum esse debere, Conciliis Œcumenicis cum potestate præesse. Quandoquidem in Œcumenicis Conciliis simul uniti Optimates condunt leges, quæ in totum Ecclesiæ corpus Monarchico regimini subjectum extenduntur: si ergo rationi Monarchici regiminis repugnat, ut Optimates simul uniti absque auctoritate supremi imperantis leges condendi potestatem habeant, quia in eo unus non minus singulis, quam omnibus præest, aliundeque Ecclesiæ regimen perfecte Monarchicum est; inde necessario consequi nemo videre non potest, Summi tantum Pontificis esse debere, Conciliis Œcumenicis cum auctoritate præesse.

§. XIII. Nicænæ Synodo Summum Pontificem cum potestate præfuisse, a nemine negari potest.

Hic illud monemus, necesse non esse, Pontificem Conciliis Œcumenicis per se præfuisse, ut re vera hoc munere dignitatis, atque auctoritatis eum perfunctum esse, dici possit. Omnibus namque consentientibus, ad rem istam solummodo requiritur, ut Summus Pontifex alicui vice sui Conciliis Œcumenicis præsidendi potestatem contulerit. Nunc ergo rem istam, de qua agimus, octo primorum Œcumenicorum Conciliorum habita ratione, expendamus. Nicænæ itaque Synodo Sanctum Sylvestrum in persona Hosii, Bitonis, & Vincentii præfuisse a Gelasio Gyziceno traditum habemus lib. 2. *Hist. Concilii Nicæni* cap. 5. " Ipse etiam Hosius (inquit) ex
 „ Hispanis, nominis, & famæ celebritate insignis, qui Syl-
 „ vestri Episcopi maximæ Romæ locum obtinebat, una cum
 „ Romanis Presbyteris Bitone, & Vincentio, cum aliis mul-
 „ tis in consessu illo adfuit ". Hæc Gelasius ex Eusebio refert lib. 3. *De Vita Constantini* cap. 7. Quamvis autem citato loco Eusebius omnia non habeat, quæ apud Gelasium leguntur, & ista de re, quæ ab Eusebio, eadem etiam a Socrate lib. 1. *Ecclesiast. Hist.* cap. 8., Sozomeno lib. 1. cap. 16., Theodorito lib. 1. cap. 7. tradita habeamus; tamen Gelasii relationi standum est. Hæc ergo apud Eusebium lib. 3. *De Vita Constantini* cap. 7. leguntur: " Ab ipsa quoque Hispania vir ille mul-
 „ to omnium sermone celebratus, una cum reliquis aliis con-
 „ sedit.

„ fedit . Aberat quidem regis urbis Antistes ob senilem at-
 „ tem , sed præsto erant Presbyteri , qui vices ejus imple-
 „ rent “ . Verum , ita recte Petrus de Marca *De Concordia Sacer-*
 „ *dotii , & Imperii* lib. 5. cap. 3. num. 6. “ Ut sine ullo partium
 „ studio loquar , quod sentio , locus Eusebii in vulgatis edi-
 „ tionibus mutilus esse omnino mihi videtur : quod ante me
 „ professus est vir eruditissimus Joannes Morinus (1) . Illam
 „ vero labem nolim audaciæ Græculi cujusdam adscribere ,
 „ qui a Socrate , & Eusebio verba illa eraserit ; quum e Theo-
 „ doreto , & Sozomeno constet , illorum ætate Codices Eu-
 „ sebio , & Socratis vitio illo laborasse , ut statim dicam : Pro-
 „ livis error ex Amanuensium incuria , qui unum , aut alter-
 „ rum verbum excribendum omiserunt . Neque enim in ver-
 „ borum immutationibus , sed in pericopæ unius omissione
 „ error iste versatur . Fatendum quidem est absque subsidio
 „ melioris Codicis labem illam deprehendi non posse ; ita ut
 „ de negligentia Socratis , Sozomeni , & Theodoreti nemo
 „ conqueri possit , neque de illorum bona fide aliquid sinistra
 „ suspicari : qui , si Codices integriores nacti fuissent , veram
 „ lectionem non dissimulassent , quemadmodum neque Gela-
 „ sius Gyzicenus eam dissimulavit . Sed profiteri ausim , ex
 „ indicio Gelasii facillimum esse cuique non obtusi omnino
 „ ingenii viro hiatum illum apud Eusebii Codices vulgatos
 „ deprehendere . Quis enim non statim advertit , aliquid de-
 „ esse in his Eusebii verbis : *Ex Hispanis celebratus ille* adfuit
 „ cum ceteris ? Quis tandem erit ille Hispanus , licet famæ
 „ celebritate conspicuus , si nomen ejus taceatur ? Hoc lo-
 „ quendi genus aliquo pacto ferri posset in oratione panegy-
 „ rica : quod tamen sine vitio usurpari non potest in historia ,
 „ quæ virorum illustrium nomina posteritati commendare de-
 „ bet . Si consulatur Gelasii Codex , statim labes illa depre-
 „ henditur . Verbis enim illis generalibus Eusebii subjungi-
 „ tur Hosii nomen , & legatio “ .

Hæc autem sapientissimi Viri conjectura non solum inde
 confirmatur , quia quod de Hosio apud Gelasium legitur , alii
 quo-

(1) Lib. 1. Exercit. 20.

quoque subinde Auctores tradiderunt (1), sed etiam de veritate illius inde esse omnino perspectum contendimus, ex eo quod Hosium una cum Bitone, sive Vito, & Vincentio Nicænæ Synodi Actis ceterorum omnium Patrum primo loco subscripsisse, plura in monumenta antiquitatis neminem dubitare sinant (2). Id enim certo argumento esse debet, Hosium vice Romani Pontificis Nicænæ Synodo præfuisse. Nam multos in ea Synodo fuisse Hosio superiores, quibus habita ratione sedis, quam retinebant, subscriptio priori loco omnino debebatur, nullus dubitare potest. Nam, ut de jure Patriarcharum sileamus, sicuti observat Natalis ab Alexandro (3). " Quomodo
 " Theognis Nicænæ civitatis, in qua celebrabatur Synodus,
 " Antistes, & Eusebius Nicomedienfis, totius Bythinæ Metropoli-
 " ta, & Imperatoriæ urbis Episcopus, homines ambicio-
 " sissimi, & Ariani, sese non opposuissent præsentia
 " Hosii, quem suæ insensissimum hæresi noverant, si legatio-
 " ne Sylvestri functus non fuisset? Quomodo, inquam, non
 " intercessissent eadem ratione, qua Metropolitanarum Se-
 " dium Patriarchæ Constantinopolitano subjacentium Anti-
 " stites reluctati sunt Fortunio, Carthaginensium Episcopo,
 " & totius Africæ Primati, qui ante ipsos in Concilio Œcu-
 " menico sexto sedere contendebat? Quomodo tandem,
 " quum hi, tum alii Episcopi Ariani, qui post Constantinum,
 " & Constantis obitum, imperante Constantio Arianorum,
 " fautores, nullum non moverunt lapidem, ut Conciliorum
 " Nicæni, & Sardicenis auctoritatem infringere, eam non
 " objecissent nullitatis causam, quod Hosius irregulari plane
 " modo, & Ecclesiæ moribus repugnante, illis Synodis præ-
 " fuisse, si alia ratione extitisset illarum Præses, quam ut
 " gerens vices Sylvestri, ad quem præsidendi jus attinebat? Si
 " autem ad merita attendamus, quorum tamen a Patribus
 " simul congregatis rationem habitam non fuisse novimus,
 " ut singulari prærogativæ meritorum primum locum tribuerint,
 " adfue-

(1) Vide Natalem ab Alexandro *Dissert.* 12. in *Hist. Ecclesiast.* seculi 4.

(2) Vide tom. 2. Concil. edit. Venet. colum. 55. & seqq. (3) Mox citato loco.

adfuertunt sane in Nicæna Synodo plures, qui hac in re Hosio non solum æquales, sed etiam superiores fuerunt (1). Reliquum est ergo, quod ob solum munus legationis, quo Hosius in Synodo Nicæna nomine Romani Pontificisungebatur, supra ceteros Patres primum locum tenuerit.

Neque solam præsidendi rationem, quæ est honoris, sed etiam alteram, quæ dicitur potestatis, & refertur ad directionem eorum, de quibus consultatio ineunda, & sententia ferenda est, in Nicæna Synodo Hosius habuit. Quum enim de eo distincte explicando in Nicæna Synodo ageretur, "Quomodo oporteat tres personas intelligere indivise in una illa, ineffabili Patris, & Filii, & Spiritus Sancti Divinitate", ut refert idem Gelasius supra memoratus lib. 2. cap. 12., "Sancta, & magna, & generalis Synodus Sanctorum Patrum Nicææ congregatorum per Beatum, & Sanctum Hosium, Episcopum civitatis Cordubæ in Hispania, tenentem locum Episcopi Romani cum prædictis ejusdem Sedis Presbyteris, altero ipsum interpretante, dixit: Divinitas non est una persona, ut Judæi existimant, sed tres personæ vere subsistentes, & non solum nomine: & hoc &c." Quamvis ergo dum de refellendis objectionibus cujusdam Philosophi ageretur, modo unus, modo alter Episcopus, modo etiam ipse Hosius responderit, quemadmodum a Gelasio in sequentibus capitulis traditum habemus; tamen quando agitur de fide omnium Patrum consensione profitenda, id universa Synodus per Beatum Hosium facit. Etiam ex confessione Ariarum rem eandem compertam habemus. Ita enim Ariani ad Constantium, sicuti apud Athanasium in epist. ad Solitarios num. 42. legimus: "Nihil non egimus. Romanum Episcopum in exilium ablegavimus, & ante illum permultos alios Episcopos: omnia loca formidine replevimus. Sed nihil nobis tanta tua gesta juvabunt, nihil dudum a nobis recte factum, quandiu Hosius illæsus remanserit. Nam dum apud suos ipse degit, omnes in suis Ecclesiis remanent: potest quippe ille verbo fideque sua omnes adversum nos inducere.

Tom. III.

K

re.

(1) Vide Natalem ab Alexandro citato loco.

» re. Hic & Synodis præesse solet, ejusque litteris omnes
 » obtemperant. Hic Nicænam fidem edidit, Arianosque ut
 » hæreticos ubique traduxit“. His ergo ita sese habentibus,
 quum Hosius in sua subscriptione præcesserit omnes Patres,
 quum Hosium sequuti Patres quid de Trinitate sentiendum,
 firmiterque tenendum esset, unanimi consensione statuerint,
 atque definierint, evidenti argumento id esse debet, Hosium
 tum honore, tum auctoritate in Nicæna Synodo præfuisse.

§. XIV. Nicæna Synodo Hosium non præfuisse, uterque
 Basnagius ostendere frustra contendunt.

Samuel Basnagius in *Annalibus Politico-Ecclesiasticis* ad
 an. Christi 325. num. 19. Eustachium Antiochenum Nicæna
 Synodo præfuisse arbitratur, quia a Theodorito lib. 1. *Eccle-*
siaf. Hist. cap. 7. traditum habemus, illum, Patribus consi-

» dentibus, in laudem Constantini verba fecisse. Suam asser-

» tionem Basnagius confirmat tum ex Synodo Orientali in Sy-

» nodica ad Proclum, tum auctoritate Felicis III. in epistola 5.
 ad Zenonem Augustum, in qua tradit Eustathium CCCXVIII.
 Nicæna congregatis præfedis, tum etiam testimonio Facundi
 lib. 11. cap. 1. asserentis, Eustathium præfuisse omnibus. Ex
 loco etiam, quem Eustathius in Synodo habuit, illum Syno-

» do præfuisse, idem Basnagius contendit. Nam in dextera parte

» primum omnium Eustathium consedis lib. 3. *De Vita Constanti-*
nini cap. 11. apud Eusebium legitur. Unde num. 22. illud si-

» bi in animo inducere non posse Basnagius affirmat, “ Episco-

» pos ignobiliore loco esse voluisse dextram, quam & Eccle-

» siæ honoratiorem vel ex ore Christi didicimus, agnos suos

» ad dextram collocantis“. Quatuor subinde monumenta
 ex Historia Ecclesiastica in hujus rei confirmationem depro-

» mit. Primum petit ex Chronico Marcellini, in quo de Joanne

» Papa, qui Constantinopolim venerat, dicitur, quod

» Dexter dextrum Ecclesiæ infedit solium“. Alterum ex Syno-

» do Constantinopolitana, in qua ad Memnæ dextram Episcopos,

» & Legatos sedisse legitur. Tertium ex veteri ordine

» Romano, in quo hæc habentur: “Sedebunt ea locali dispo-

» sitione, ut intrantibus Ecclesiam Episcopi sint ad sinistram,

Pre-

„ Presbyteri vero ad dextram : ut quando Pontifex sederit ,
 „ & ad eos respexerit ; Episcopos ad dextram , Presbyteros
 „ contucatur ad sinistram “. Quartum ex *Actione I. Synodi*
Chalcedonenſis , in qua traditur , Legatos Pontificis in læva
 parte , in dextra autem Iudices , atque Senatū ſediſſe :
 „ Pars enim (inquit Baſnagius) in qua Leonis Legati , Ana-
 „ toliusque , & Maximus ſedebant , Altaris dextræ obverte-
 „ batur , quo caſu læva fuit honoratior “ .

Num. 19. aliquam quidem Hoſio præminentiam tribuit,
 ſed *Sapientia* ſolummodo , non vero *muneris* , nullamque fuiſ-
 ſe cauſam dicit , “ Cur Hoſius in magna Synodo , cui com-
 „ plures aderant Metropolitanis , eo honoris proveleretur , ut
 „ iſtis Metropolitanis præſeſſet contra Eccleſiæ conſuetudi-
 „ nem “. Quia ergo , ille proſequitur , “ Quasi doctor , &
 „ rector moderabatur , dirigendo non auctoritate capitis , ſed
 „ ſapientia ſermonis “ ; ideo apud Athanaſium Ariani con-
 querebatur , Hoſium verbo , & fide omnes contra ſe in-
 ducere .

Tandem illud opponit , hac de legatione Hoſii altum
 eſſe ſilentium apud Euſebium , Socratem , Sozomenum , &
 Theodorum , qui locum Romani Episcopi Presbyteros qui-
 dem tenuiſſe dixerunt , non vero Hoſium . Quin etiam , in-
 quit , Julius in ſua epiſtola ad Orientales (1) loquens de Nicæ-
 na Synodo hæc habet : “ Noſtri Presbyteri , qui tunc in Ni-
 „ cæno Concilio aderant , de ipſius recta fide conteſtabantur “ .
 Superaddit & illud etiam , duos Presbyteros munus legationis
 in ſua ſubſcriptione expreſſiſſe , non vero Hoſium .

Horum multa etiam Jacobus Baſnagius in *Hiſtoria Eccle-
 ſiæ* lib. 10. cap. 2. num. 6. & 7. opponit , atque urget ſilen-
 tium Euſebii de præfectura Hoſii , nulloque modo alicui pro-
 babile fieri poſſe affirmat , Socratem , Sozomenum , atque
 Theodorum Euſebii exemplaria tantum mutila habuiſſe , in
 quibus nulla de legatione Hoſii , & nomine ejus mentio fier-
 ret , in Gelafii autem Gyziceni manus exemplar integrum in-
 cidiffe , in quo illa duo haberentur . Animadvertit etiam ,

K 2

apud

(1) Apud Athanaſium *Apologia* 1.

apud Athanasium legi quidem, ab Hosio fidei formulam conditam in Nicæna Synodo fuisse, non vero Synodo præfuisse: quod sane muneris in Synodo Alexandrina, & Sardicensi Hosium obtinuisset, idem Athanasius commemorat. Simili ratione, inquit, quod Hosius magnam existimationem in Nicæna Synodo sibi comparaverit, quodque Synodo Sardicensi præfuerit, Theodorus lib. 2. cap. 15. tradidit memorie posterorum: ex quo esse colligendum putat, Hosium Nicæna Synodo revera non præfuisse.

Nihil horum tamen tale est, ut iis evincatur, quod Basnagii vellent: & quoniam Samuel Basnagius nullam causam fuisse dicit, & recte quidem dicit, cur Hosius, si spectetur quatenus erat Cordubensis Episcopus, „ In magna Synodo, „ cui complures aderant Metropolitani, eo honoris provehatur, „ retur, ut ipsis Metropolitanis præfesset contra Ecclesiæ consuetudinem “; illud nos quoque ei reponimus, nullam nos sane videre rationem, ob quam contra Ecclesiæ consuetudinem potius Eustathius Antiochenus, quam Alexandrinus Præsul huic Synodo præfuerit, quum Alexandrinæ Sedi secundus a Romana locus deberetur, & hujus Concilii Canone 6. cautum fuisse legamus, ne de jurisdictione Alexandrinæ Sedis aliquid detraheretur. Unde Basnagii sententiam sequentes dicere cogimur, Eustathium, non quia ille omnibus præfuerit, sed quia in Constantini laudem coram cunctis Patribus verba fecit, dixisse nonnullos, Synodo præfuisse. Est illud quoque advertendum, quemadmodum Natalis ab Alexandro *Dissertatione* 12. in *Hist. Ecclesiast.* seculi 4. monuit, a quibusdam Auctoribus traditum nos habere, omnes Episcopos primarum Sedium huic Synodo præfuisse, quamvis in eo Alexandrinus ante Antiochenum, & Antiochenus ante Hierosolymitanum & sederit, & suum suffragium tulerit, atque etiam subscripserit. Ita Cedrenus in *Compendio Historiarum*: „ Præerant eis (inquit) Sylvestri Papæ Romani locum tenentes Vitus, & Vincentius Presbyteri, Metrophanes Bizantii, Alexander Alexandriæ, Eustathius Antiochiæ, & Ma-

„ cha-

„charius Hierosolymorum Episcopi“. Eadem ratione Nilus Metropolitæ Rhodius in libello *De Synodis*, loquens de Concilio Nicæno ait: „Præerant Synodo Sylvester Romæ, Alexander Constantinopolis, Alexander Alexandriæ, Eustathius Antiochiæ, & Macharius Hierosolymorum Episcopi“. Ex his vero constat, eo sensu dixisse nonnullos, primarum Sedium Episcopos Nicæne Synodo præfuisse, non quatenus singularem præsidendi rationem supra omnes Patres haberent, sed quia inter primos, prout sedes eorum postulabat, locum tenuerunt. Quamvis in eo inter se non conveniunt, dum illum ordinem referunt, quem Antistites primarum Ecclesiarum in Synodo tenuerunt: quod sane contra Basnagium facit volentem Eustathium omnibus præfuisse. Quapropter quum illud omnino compertum habeamus (1), Hosium primo omnium loco in hac Synodo subscripsisse, aliundeque ex sui ratione Episcopatus id juris nullo modo habere posset; dicendum sane est, quia Sylvestri nomine Synodo præfuit, id ab eo peractum fuisse, neminemque in hac re illi contradixisse.

Non erat vero, cur Basnagius in eo demonstrando adlaboraret, dextram præ læva parte digniorem semper habitam in Ecclesia fuisse. Nam tum Judæos, tum Græcos, tum Latinos lævam dextera potiore esse nunquam putasse, multis sane Ecclesiasticæ Historiæ monumentis *Antiquit. Christian.* lib. 4. par. altera cap. 2. Mamachius ostendit. Quid ergo? Anne Eustathium totius Synodi præsidem fuisse censendum erit, quia in dextera parte primum locum tenuit? In Synodo Chalcedonensi ad lævam Legati Leonis Pontificis, & Constantinopolitanus Antistes, ad dexteram vero Dioscorus Episcopus Alexandrinorum, alique *Actione I.* sederunt: non tamen propter hoc existimandum est, Legatos Leonis, & Antistitem Constantinopolitanum præ ceteris in parte dextera sedentibus inferiorem locum tenuisse. Quum enim, sicuti inquit Basnagius, „Pars, in qua Leonis Legati, Anatoliusque, & Maximus sedebant, altaris dexteræ obverteretur; quo casu læva fuit honoratior“. Quapropter ut Basnagius id, quod

vult,

(1) Præced. §.

vult , assequatur , ab eo demonstrandum erat , talem fuisse dispositionem locorum in Synodo Nicæna , in quibus Patres confederunt , ut qui in dextera parte erant , digniorem , qui vero in sinistra , locum inferiorem tenerent . Quemadmodum ergo propter dispositionem loci , in quo Patres Chalcedonenses congregati erant , factum fuit , ut qui in læva sedebant , digniorem locum obtinuerint ; ita etiam ob eandem rationem idem in Nicæno Concilio usuyenisse dicendum est . Nam si ad subscriptiones attendamus , Hosius , aliique duo Legati Romani Pontificis primum locum in iis semper habent , quamvis habita ratione subscriptionis ceterorum , non unus semper locus iisdem tribuatur (1) . Ne ergo , sicut ait Basnagius , ad hunc honorem in magna Synodo , cui plures Metropolitani aderant , Hosium contra Ecclesiæ consuetudinem provectum fuisse dicamus ; ideo cum omnium primo loco subscripsisse dicendum est , quia Sylvestri vice omnibus præsideret .

Iis autem , quæ diximus , de Hosii præsidendi ratione , & ea quidem dignitatis , atque auctoritatis , non vero *Sapientia* , quemadmodum Basnagius vellet , non est , cur nunc alia superaddamus (2) . Illud ergo tantum urgemus , ob sapientiæ laudem , qua unus super alios præfulgebat , nunquam factum fuisse , ut ille ceteris Patribus simul congregatis præesset , primum inter eos locum teneret , omniumque primo loco subscriberet . Hæc ergo omnia si Hosius fecit , neque Patres repugnarunt , quum ea facere aliunde non potuerit , quam , quia legatione fungeretur , hac revera functum fuisse dicendum est , quamvis de legatione ejus apud nonnullos Scriptores mentio non habeatur .

Deinde , quemadmodum Natalis ab Alexandro in supra citata Dissertatione monuit , una cum sapientissimo Cardinali Perronio distingui potest duplex genus Legatorum , quos ad Orientalia Œcumenica Concilia Romani Pontifices mittere consueverunt : alii ex Patriarchatu Ecclesiæ Romanæ , ut Arcadi-

(1) Vide Socratem *Hist. Ecclesiast.* lib. 1. cap. 13. , Codicem Arabicum a Seldeno vulgatum in *Comment. ad Origenes Eurychii* , & tom. 2. Concil. edit. Venet. colum. 55. & seqq. (2) Vide præced. §.

cadius, & Proiectus in Concilio Ephesino, & Paschasius in Chalcedonensi, alii ex ipsa Romana Ecclesia assumebantur, ut Vitus, & Vincentius in Nicæno Concilio, Philippus in Ephesino, Bonifacius in Chalcedonensi. Quia ergo tota Ecclesia Occidentalis Conciliis Œcumenicis, quæ extra Patriarchatum Occidentis habebantur, adesse non consueverat; Romanus Episcopus Concilium Occidentalium Episcoporum Romanæ convocabat, dirigebarque per Legatos relationem ejus ad Concilium Orientis. Unde Legatorum, qui ad Concilia Orientalia a Summo Pontifice mittebantur, alii erant veluti interni, & domestici Ecclesiæ Romanæ, qui Legati Romani Pontificis dicebantur, ejusque personam singulari quadam ratione gerebant; alii externi, qui corpus Ecclesiæ Occidentalis representabant, atque tum vice Romani Pontificis, tum Episcoporum Occidentis suffragium ferebant. Quando ergo ad Vitonem, & Vincentium nonnulli Auctores legationem restringunt, de solis Legatis internis a Summo Pontifice missis loquuntur: quando vero alii legationem Hosio quoque tribuunt, tum internos, tum externos Legatos commemorant. Hosius autem ex mandato Pontificis, & Synodi Occidentalis legationeungebatur.

Neque est, cur quispiam dicat, illam distinctionem Legatorum in VI. Œcumenica Synodo suum initium habuisse. Nam sicuti una cum Cardinali Perronio Natalis ab Alexandro animadvertit, duplex modus in commissione hujusmodi legationis olim servatus fuit. Aliquando enim non solum diversis personis, sed etiam diversis electionibus, atque mandatis munus utriusque legationis deferebatur: quod sane in VI. Œcumenico Concilio factum primo fuit: aliquando iidem utraque legatio demandabatur, iidemque vices tum Romani Pontificis, tum Concilii Occidentalis gerebant, sicuti in Concilio Chalcedonensi, Ephesino, & Nicæno usuvenit.

Munus quidem legationis in sua subscriptione Hosius non expressit, alii vero duo expresserunt; verum istis quoque se Hosius in subscriptione prætulit: quod sane nullo alio jure facere potuit, nisi quia & ipse legatione fungeretur. Est illud

illud etiam animadvertendum ea tantum de causa Victorem, & Vincentium, utpote Presbyteros, hac in Synodo subscribere potuisse, quia legatione fungebantur, ac propterea ejus mentionem in subscriptione fecerunt. Hosius autem ob munus tum Episcopatus, tum legationis hoc jure potiebatur: unde in subscriptione prius expressit, alterum vero tacuit quidem verbis, factis vero significavit, comprobavitque semper magis, quia non solum Patriarchis, sed aliis duobus Legatis, nemine repugnante, sese prætulit.

Ut autem alteri Basnagio respondeamus, dicimus, omnino ignorari a nobis, qua ratione factum fuerit, ut in Gelasii manus talis Eusebii Codex inciderit, in quo de legatione ejus, & nomine mentio fieret, hujusmodi vero Codex Socrati, Sozomeno, atque Theodorito, incognitus evaserit: illud sane, quod ad rem nostram attinet, certo scimus, ea Hosio tribuenda esse, quæ Gelasius tribuit, si ad munus attendamus, quod in Nicæna Synodo, consentientibus omnibus Patribus, obiit (1). Sive ergo ex non interpolato Eusebii Codice, sive ex aliquo veteri Scriptore noverit Gelasius, quæ de Hosio posterorum memoriæ tradidit, nihil ad nos refert, eaque sequimur, quia cum iis consentiunt, quæ Hosius gessit.

Duo autem Athanasius in epistola *ad Solitarios* num. 42. in persona Arianorum, qui Constantium assantur, refert, hoc est, Hosium & Synodis præesse consuevisse, & fidem Nicænam edidisse. Nicæna ergo Synodo Hosium præfuisse, Ariani singillatim non constituunt; tamen sub nomine Synodorum, quibus Hosium præfuisse dicunt, etiam Nicæna venire potest, immo & singulari quadam ratione debet, tum quia ea inter illas, quibus Hosius præfuit, primum locum habet, tum quia affirmant, Hosium hac in Nicæna Synodo fidei symbolum condidisse. Id autem ejus sane potissimum est, qui Patribus simul congregatis non solum ordine, & dignitate, sed etiam auctoritate præest. His autem illud quoque superaddi debet, Athanasium in sua 1. Apologia num. 5. ita de Hosio absolute pronunciasse: *Quæ Synodus enim, cui ille non præfuerit?*

(1) Vide præced. §.

re? Nullam sane excludit, & multo minus Nicænam, quæ ceteris præferenda erat. Inclaruiffe Hosium in Nicæna Synodo Theodorus lib. 2. *Ecclesiast. Historia* cap. 15. tradit, non vero distincte affirmat illi præfuisse, sicuti facit, Synodi Sardicenis habita ratione: " Porro hic Hosius (inquit) Cordubensis erat Episcopus; qui & in magna Synodo Nicæna inclaruerat, & postea inter eos, qui Sardicæ congregati fuerant, primum locum tenuit ". Quapropter Hosium in Nicæna Synodo inclaruiffe, Theodorus tradit, quomodo vero inclaruerit, utrum ex eo quod illi præfederit, an vero propter doctrinæ laudem non determinat. Inclaruiffe cum tamen, quia illi præfederit, positiva argumenta suadent, sicuti ex iis constat, quæ usque modo hac de re disseruimus. Irrito ergo conatu uterque Basnagius ostendere contendit, Hosium Nicæna Synodo non præfuisse.

§. XV. Ephesino Concilio, Œcumenico III., Summus Pontifex Cælestinus per suos Legatos præfuit.

De II. Œcumenica Synodo non est, cur disputemus, quum nullus nomine Occidentalium illi interfuerit, atque auctoritatem Synodi Œcumenicæ ea adepta sit, postquam Damasi Papæ, atque consensione Synodi Occidentalis probata fuit (1), sicuti fateretur etiam Bossuetius *Defensionis &c.* lib. 8., alias 13., cap. 3. Quod ergo nunc tuemur, hoc est, in Synodo III. Œcumenica nomine Cælestini Romani Præfûlis Legatos ejus præfedissee, & primum locum tenuisse. Nam VI. Synodus in *Prophphetico* ad Constantinum Imperatorem *Actiōne XVIII.* (2) ita habet: " Iterum Nestorius, & iterum Cælestinus, & Cyrillus: ille quidem Christus dividebat, & partiebat, hi vero cum Domino conspirantes, una cumceptorum Domino diviforem dejiciebant, ut Ephesus, & ibidem gestorū tabulæ per litterariam vocem dum ipsi sileant, causas ipsas loquuntur ". Et Nicolaus I. epist. 9. (3) Primo etenim loco (inquit) sancta Synodus apud Ephesum congregata, sanctæ memoriæ Cælestini Papæ prius epistola

Tom. III.

L

, lam

(1) Cap. præced. §. 7. (2) Tom. 7. Concil. edit. Venet. colum. 1086. (3) Tom. 9. Concil. ejusdem edit. colum. 1350.

„ iam legit, & ita demum ad alia exequenda vocavit, ita ut
 „ jubente S. Cyrillo, qui idcirco in præfata Synodo ante
 „ omnes sedit, quia & ipse locum jam memorati Papæ ibi-
 „ dem (sicut gesta ejusdem Synodi testantur) obtinuit “. *Evagrius lib. 1. Histor. Ecclesiast. cap. 4.* Ephesinam Synodum
 „ habitam affirmat, “ *Divino Cyrillo Cælestini Romanæ urbis*
 „ *Episcopi vices gerente* “. *Liberatus cap. 5. sui Breviarii :*
 „ Porro (inquit) *Cyrillus cum suis habens vices Sedis Apo-*
 „ *stolicæ, evocato Concilio 209. Episcoporum, Nestorium*
 „ *vocaverunt* “. *Photius in libro De Synodis Concilii Ephesi-*
 „ *ni præsidem scribit fuisse* “ *Cyrillum celeberrimum inter Pa-*
 „ *tres, qui propter virtutum, sapientiæque divitias magnæ*
 „ *civitatis Alexandriæ sedem tenebat, & Cælestini Romani*
 „ *Pontificis implebat sedem, atque personam gerebat* “. *Balsamon apud Photium in Nomocanone tit. 8. cap. 1.* “ *Habuit*
 „ (inquit) *hanc facultatem S. Cyrillus Alexandrinus a Roma-*
 „ *no Papa Cælestino, quando facta est Ephesina Synodus*
 „ *contra Nestorium; visum est, ut S. Cyrillo a Cælestino*
 „ *permitteretur, præsidere huic Synodo. Ut itaque consta-*
 „ *ret, eum habere jus, & auctoritatem Papæ, sedit cum*
 „ *Phrygio, & condemnavit Nestorium* “. *In eandem rem ita*
 „ *scribit Marcellinus Comes in Chronico Indict. 13. (1)* “ *Cæ-*
 „ *lestinus Romanæ arcis Pontifex Nestorio pravitatis Episcopo*
 „ *per epistolam suam, datis eidem decem dierum induciis,*
 „ *vel pœnitenti veniam, vel dissentienti damnationem de-*
 „ *nuntiat. Idem Nestorius apud Ephesum ducentorum San-*
 „ *ctorum Patrum Synodo condemnatus est, Cælestino Cy-*
 „ *rillum Alexandriæ civitatis Episcopum pro tempore Vica-*
 „ *rium denuntiante* “.

At vero quamvis multa alia possemus, non est tamen,
 cur ab exteriori auctoritate alia hujus rei argumenta petamus,
 quum de ea ex Concilii Ephesini Actis convincamur. Quum itaque
 Cælestinus de Nestorii hæresi monitus a S. Cyrillo fuisset (2), nihil cunctatus statim ad eum rescripsit, illi-
 que

(1) Tom. 9. Biblioth. Patrum. (2) Tom. 3. Concil. edit. Venet.
 colum. 890. Concil. Ephes. par. 1. cap. 14.

que dedit in mandatis, ut si Nestorius monitus suum intra decem dies errorem non anathematizaret, ipse sua vice, atque auctoritate Sedis eundem a communione Fidelium segregaret (1). Id præstitit Cyrillus, & data epistola ad Nestorium, ita eum monuit (2): " Quod sane nisi juxta tempus in litteris
 „ Cælestini sacratissimi reverendissimique fratris, & commi-
 „ nistri nostri Romanorum Episcopi expressum, præfinitum
 „ que præstiteris, certo scias nullam tibi deinceps cum Epi-
 „ scopis, & Sacerdotibus Dei sortem, nullam tui rationem,
 „ nullum denique inter eos locum futurum esse ". Nunc ergo videamus, quamnam rationem Synodi Ephesinæ Patres tum decreti ipsius Cælestini, tum exequutionis ejusdem decreti a Cyrillo factæ habuerint. *Actione I.*, sedentibus Patribus, & S. Cyrillo in primo loco præ omnibus, atque obeunte Cælestini vices (3), de Nestorii erroribus examen institutum fuit. Multis itaque perlectis scriptis Sanctorum Patrum, coram omnibus, & Nestorii obstinatione perspecta, tandem sententiam condemnationis contra Nestorium in hæc verba Patres protulerunt (4): " Coacti per sacros Canones, & epi-
 „ stolam sanctissimi Patris nostri, & comministri Cælestini
 „ Romanæ Ecclesiæ Episcopi, lacrymis subinde perfusi ad
 „ lugubrem hanc contra eum sententiam necessario veni-
 „ mus ". Latæ vero sententiæ Cyrillus primus omnium subscripsit, deinde vero quotquot aderant.

Actione II. una cum aliis Patribus, & S. Cyrillo Alexandrino (5), " Qui & Cælestini quoque sanctissimi, ac beatissimi
 " mi Romanorum Ecclesiæ Archiepiscopi locum regebat ", Legati Apostolicæ Sedis, Arcadius, & Proiectus Episcopi, & Philippus Presbyter, qui dudum advenerant, interfuere. Tunc Legatis, atque etiam S. Cyrillo, petentibus, tam Latine, quam Græce lectæ coram omnibus Patribus ex litteræ fuerunt, quas iidem Legati a Cælestino sibi datas ad Synodum detulerunt. Earundem vero lectione peracta (6): " Omnes

L 2

Re-

(1) Cit. tomo colum. 895. (2) Cit. tomo colum. 943. (3) Cit. tomo colum. 994. (4) Cit. tomo colum. 1078. (5) Cit. tomo colum. 1139. (6) Cit. tomo colum. 1147.

„ Reverendissimi Episcopi simul acclamaverunt : hoc justum
 „ judicium . Novo Paulo Cælestino , novo Paulo Cyrillo :
 „ Cælestino custodi fidei , Cælestino cum Synodo concordī ,
 „ Cælestino universa Synodus gratias agit . Unus Cælestinus ,
 „ unus Cyrillus : una fides Synodi , una fides orbis terrarum¹.
 Ut autem confirmare possent , quæ *Actione I.* contra Ne-
 storium a Patribus decreta fuerant , Legari Apostolicæ Sedis ,
 qui supervenerant , ea coram se legi deinde petierunt (1) , *se-*
quentes formulam Sanctissimi Papæ Cælestini , posteaque publicè
 pronuntiarunt , Nestorium “ A gradu Episcopalis honoris , &
 „ ab omnium præterea Sacerdotum orthodoxorum commu-
 „ nione alienum esse “ . Tandem , ut aliâ omittamus , quid
 sancta Synodus de iis Legatis , qui a Summo Pontifice missi fue-
 rant , retulerit Imperatoribus , attendendum est (2) : “ Et hæc
 „ quidem (scilicet quæ contra Nestorium decreverat) etiam
 „ antequam sanctissima hæc Synodus conveniret , Cælestinus
 „ sanctissimus magnæ Romæ Episcopus per litteras suas indi-
 „ caverat , Cyrilloque sanctissimo , Deoque dilectissimo ma-
 „ gnæ civitatis Alexandrinæ Episcopo , ut suas vices subiret ,
 „ commiserat . Sed & nunc denuo aliis etiam litteris sanctæ
 „ Synodo , quam vestra Majestas in Ephesiorum Metropoli
 „ convenire præcepit , hæc significavit . Misit autem has lit-
 „ teras per Arcadium , & Proiectum sanctissimos Episco-
 „ pos , & Philippum religiosissimum Presbyterum ma-
 „ gnæ Romæ , qui Cælestini sanctissimi , Deoque dilectissimi
 „ Episcopi præsentiam suppleant . Quia ergo viri isti , qui ve-
 „ nerunt , totius Occidentalis sanctæ Synodi sententiam no-
 „ stræ huic Synodo per litteras exposuerunt , sensumque d-
 „ fide , & pietate nobis consonum declararunt , & eadem ,
 „ quæ nos , decreverunt , tum per litteras , tum per ea , quæ
 „ in mandatis acceperant “ . Hæc vero omnia Legatos Apo-
 stolicæ Sedis in Synodo Ephesina præfedissee , atque ita quidem ,
 ut , quoniam agebant partes Summi Pontificis ; dignitatis ,
 atque auctoritatis primum locum tenuerint , ita manifeste de-
 monstrant , ut id a nemine non videri possit .

§. XVI

(1) Cit. tomo colum. 1151. (2) Cit. tomo colum. 1159.

§. XVI. Legatos Apostolicæ Sedis Synodo III. Œcumenicæ non præfuisse, nullo modo uterque Basnagius evincit.

Jacobus Basnagius in *Hist. Ecclesiæ* lib. 10. cap. 4. num. 8. Cyrillum Cælestini nomine huic Synodo præfuisse, ductus hisce momentis negat: 1. Id solum Cælestinus Cyrillo commisit, ut in Nestorium sententiam a se jam latam exequeretur: 2. Cælestinus tres Legatos præter Cyrillum ad Synodum misit, nulla Cyrilli legationis facta commemoratione: 3. Legati postquam Ephesum advenerunt, potiusquam cum Cyrillo sese conjungerent, sibi exponi petierunt, quæ *Actione I.* gesta fuerant, seque uti Synodi Præsides semper habuerunt, atque ipsi, non vero Cyrillus, in sua subscriptione munus legationis expresserunt. Samuel Basnagius in *Annalibus Politico-Ecclesiasticis* ad an. 431. num. 10. hisce omnibus hæc alia superaddit: Cyrillum in *Actione IV. & V. supplicis personam induisse*. Hisce autem in *Actionibus* neque etiam Projectum, & Arcadium locum Cælestini tenuisse sustinet, sed Juvenalem Hierosolymitanum, quia iste *Actione IV.* illum libellum, quem Cyrillus, & Memnon obrulerant Patribus, legi iussit dicens (1): "Li-
bellus a sanctissimis sacratissimisque Episcopis Cyrillo Alexandrinis, & Memnone Ephesino, oblatus recitetur, & inter Acta referatur". Hæc vero (inquit Basnagius) sunt *Præsidis officia*. Illud quoque Basnagius animadvertit, *Actione V.* eundem Juvenalem in subscriptione præcedere Arcadium, Projectum, atque Philippum (2).

His tamen omnibus nullo modo evincitur, quod uterque Basnagius vellet. Illud quidem primo Cælestinus Cyrillo mandavit, ut suo nomine contra Nestorium ageret: id tamen muneris Cyrillus retinuit, etiam dum una simul Ephesi congregati Patres contra eundem Nestorium sententiam tulerunt. Nam Cyrillum in *Actione I.* Concilii Ephesini tenuisse locum Cælestini nullus est dubitandi locus (3): "Confidentibus (ita in citata *Actione*) in Sanctissima Ecclesia, quæ appellatur Maria, religionissimis, & sanctissimis Episcopis,
Cy-

(1) Tom. 3. Concil. edir. Venet. colum. 1166. (2) Cit. tomo colum. 1183. (3) Cit. tomo colum. 994.

„ Cyrillo Alexandriæ, qui & Cælestini quoque sanctissimi, „ sacratissimique Romanæ Ecclesiæ Archiepiscopi locum obti- „ nebat; & Juvenali“. Ad hæc Jacobus Balsnagius opponit, quod de loco Cyrilli legitur, traditum esse memoriæ posterorum a Notariis, vel fortasse adjectum ab aliquibus, quia potius quam *locum tenebat*, scriptor dicere debuisset: *locum tenet*. At vero Balsnagius, ut quod vult, assequatur, futilibus sane momentis adhærescit. Nam sæpius in *Actionibus* Conciliorum hac eadem ratione expressum legimus, quod in eis peractum traditur. Illud quoque accedit, omnium consensione Codicum de loco, quem supra ceteros *Actione I.* Cyrillus tenuit, esse eodem loquendi modo perspectum. Quapropter quum a Cælestino commissum fuisset Cyrillo noverimus, ut in sui persona contra Nestorium sententiam ferret; quum eam, quam semel dedit, auctoritatem sustinendi suas vices in causa Nestorii, Cælestinum a Cyrillo revocasse non legamus; quum Cyrillum, confidentibus Patribus, Archiepiscopi Romanæ Ecclesiæ locum tenuisse noverimus, atque in subscriptione ceteros præcessisse; quum tandem Synodi VI. Patres in suo *Prospbenetico* ad Imperatorem, Nicolaus I., Evagrius, Liberatus, Photius, Balsamon, Marcellinus Comes (1), & alii, Synodo Ephesinæ, Œcumenicæ III., Cyrillum præfedissem dicant, quonam tandem jure ob fiduciam conjecturam id in dubium revocari potest?

Subesse autem plures rationes Cælestino potuerunt, ob quas tres postmodum Legatos ad Synodum miserit. Est ergo attendendum, munus repræsentandi Occidentalem Ecclesiam in Œcumenicis Conciliis, quæ in Oriente habebantur, iis committi consuevisse, quemadmodum ex Concilio Nicæno, & aliis subinde Conciliis novimus, qui ad ipsam Occidentalem Ecclesiam spectarent, atque ex ejus gremio essent. Quum ergo Cyrillus ad Ecclesiam Occidentalem non spectaret, eos ad Synodum mittendos esse Cælestinus putavit, qui e corpore essent Ecclesiæ Occidentalis, quique tum sui, tum Ecclesiæ Occidentalis nomine fungerentur in Synodo munere legationis. Deinde Nestorianorum malo dolo effectum fuerat,

ut

(1) Vide loca eorum in præced. §.

ut Cyrillus apud Theodosium in suspicionem venisset, quod invidia, & odio agitatus, contentionisque æstu abreptus, Nestorium insequeretur. Unde Cælestinus, ut omnem mali occasionem, quæ ex hujusmodi suspicione facile oriri poterat, omnino amoveret, alios Legatos ad Synodum Ephesinam mittendos a se putavit. Tamen, sicuti recte monet Christianus Lupus Dissert. *De Concilio Ephesino* cap. 6. “ Lau-
 „ dati Legati principalem locum dumtaxat tenuere, quous-
 „ que in inflicta per Orientales Episcopos contumelia, &
 „ quasi reatu fuit Cyrillus; in integrum restituto, mox cess-
 „ sere locum, utique ex sui Pontificis mandato. Memnas
 „ Constantinopolitanus, & trium Diocæseon Episcopi ill-
 „ „ professione facta Vigilio Papæ ad Sanctam Euphemiam in
 „ civitate Chalcedonenſi, diserte dicunt, præfuisse Cæle-
 „ stinum in Legatis Cyrillo, Arcadio, & Projecto Episcopis,
 „ & Philippo Presbytero. Quotque meminerunt nostræ Sy-
 „ nodi, uno ore donant primo vicis Apostolicæ loco “.

Quapropter mirandum non est, si Legati, quoniam eam suspensionem amovere debebant, quæ de Cyrillo orta erat, dum Ephesum pervenerunt, ipsi per se sine Cyrillo suæ legationis munus implevere, exquisieruntque, ut illa sibi manifestarentur, quæ ante suum adventum in Concilio gesta fuerant.

Verum quidem est, a Legatis, non autem a Cyrillo, mentionem de legatione factam fuisse; at etiam illud negari non potest, eodem modo, quo *Actione I.* S. Cyrillum Cælestini locum tenuisse legitur, *Actione* quoque *II. IV. & VI.* retinuisse perspectum esse, subscripſisseque in eadem *Actio-
 ne VI.* decreto fidei ante Arcadium, Juvenalem, & Projectum, Legatos Apostolicæ Sedis. Quapropter Natali ab Alexandro in *Historia Ecclesiastica* seculi 5. *Dissert.* 7. quæst. 2. arbitranti post Legatorum adventum Cyrillum Synodi præsidem Cælestini loco esse defiisse, nullo modo assentiri possum. Quamvis enim ipse Cyrillus una cum Memnone, sicuti ipse animadvertit, supplicem libellum Synodo obtulerit contra Joannem Antiochenum, atque conciliabulum ejus;
 tamen

tamen Cyrillus in sua causa actor simul, & præses non fuit. Nam Cyrillus in eo libello obsecrat Patres, ut Joannem ejusque socios coram se simul congregatos vocent, atque ita de merito causæ ipsi cognoscant (1): "Nos enim (inquit) parati sumus evidenter ostendere, ipsum impie, & illegitime hanc nobis contumeliam inferre molitum esse". Omnium ergo Patrum judicio volebat, ut ea quæstio discuteretur, quæ ad ejus præsidendi munus non spectabat, sed ad illius personam referebatur. Unde absque ullo præjudicio ejus loci, quem tenebat, quoad rem istam Cyrillus judicio Patrum sese subjicere potuit.

Quod autem Samuel Basnagius de Joanne Hierosolymitano opponit, ridiculum est. Nam si Chalcedonensis Concilii Acta expendamus, sæpius in iis *gloriosissimos Judices, & amplissimum Senatum*, postulasse comperiemus, ut hæc, vel illa legerentur, eaque lecta revera fuisset, sicut postulaverant. Anne hac de causa illos Synodo præfedis dicendum erit? Nimis multa hujus rei exempla habemus, quibus constat Patrum simul congregatorum in Œcumenicis Conciliis modo unum, modo alterum postulasse, ut hæc, vel illa legerentur.

In *V. Actione* Juvenalis tres Legatos Apostolicæ Sedis in sua quidem subscriptione præcedit: verum non omnium Patrum distinctæ subscriptiones in ea *Actione* leguntur, sed trium solummodo Legatorum Apostolicæ Sedis, atque Juvenalis. Quo sane constat, colligi ex ea non posse, quem unusquisque Patrum supra alterum locum teneret. Quavis autem alia ratione, quam præsidendi jure factum fuisse, ut in hac *Actione* Juvenalis primo loco subscriptus legatur, inde colligitur, quia in aliis *Actionibus* nunquam eum hujusmodi locum in subscriptione tenuisse legimus.

§. XVII. Chalcedonensi Concilio Œcumenico IV. S. Leo per suos Legatos præfuit.

Hoc juris Valentinianus, & Marcianus in eo agnoverunt, dum de Concilii convocatione agentes, hæc ad illum scri-

(1) Cit. tomo colum. 1167.

scripserunt (1): " Tuam Sanctitatem Principatum in Episcopo-
 " patu divinæ fidei possidentem, sacris litteris in principio
 " justum credidimus alloquendam, invitantes, atque rogan-
 " tes . . . quatenus omni inipio errore sublato per celebran-
 " dam Synodum, te auctore, maxima pax circa omnes Epi-
 " scopos fidei catholicæ fiat ". Et Marcianus in altera ad
 " eundem Leonem epistola (2): " Superest, (inquit) ut si pla-
 " cuerit tuæ Beatitudini in has partes advenire, & Synodum
 " celebrare, hoc facere religionis affectu dignetur . . . si vero
 " onerosum est, ut tu ad has partes advenias; hoc ipsum
 " nobis propriis litteris tua Sanctitas manifestet, quatenus in
 " omnem Orientem, & in ipsam Thraciam, & Illyricum sac-
 " cræ nostræ litteræ dirigantur, ut ad quemdam definitum
 " locum, ubi nobis placuerit, omnes sanctissimi Episcopi
 " debeant convenire, & quæ christianorum religioni, atque
 " catholicæ fidei prosint, sicut Sanctitas tua secundum eccle-
 " siasticas regulas definierit, sua dispositione declarent ".
 Auctore itaque S. Leone, qui principatum in Episcopatu Di-
 vinæ fidei possidebat, pacem inter Episcopos per Synodum
 celebrandam restitui, Patresque in unum congregatos decla-
 rare oportere, quæ Christianorum Religioni, & Catholicæ
 Fidei prosint, prout S. Leo secundum ecclesiasticas regulas
 definierit, hoc vero est, quod Imperatores affirmant. Ista
 autem cum ea præsidendi ratione, quæ etiam consultationes,
 atque definitiones Patrum regat, & moderetur, necessariam
 connexionem habere, nemo est, qui non videat.

Ufus autem S. Leo ea potestate in concilio revera fuit,
 quam in ipso Imperatores agnovcrunt. Nam in epistola data
 ad Synodi Patres, postquam eosdem monuit, se ad Synodum
 venire non posse, ita habet (3): " Tamen in his fratribus
 " Paschasino, & Lucentio Episcopis, Bonifacio, & Basilio
 " Presbyteris, qui ab Apostolica Sede directi sunt, me Sy-
 " nodo vestra fraternitas existimet præsidere, nec adjuncta
 " vobis præsentia mea, qui nunc in Vicariis meis adsum ".
 Tom. III. M Unde

(1) Tom. 4. Concil. edit. Venet. colum. 831. 1. par. Concil Chalcedi/
 cap. 23. (2) Cit. loco colum. 834 (3) Cit. tomo colum. 842.

Unde initio Synodi *Actione I.* Paschasinus, quæ circa Dioscorum S. Leo servanda præcepisset, Patribus simul congregatis exposuit (1): "Beatissimi, (inquit) atque Apostolici viri Patrum urbis Romæ, quæ est caput omnium Ecclesiarum, præcepta habemus præ manibus, quibus præcipere dignatus est ejus Apostolatus, ut Dioscorus &c." Patres vero, quæ S. Leo decreverat, atque constituerat, religiose amplexi, & sequuti fuere. Nam *Magnificentissimis Judicibus, & Amplissimo Senatu* eos rogantibus, ut fidei expositionem facerent, *Actione II.* clamaverunt (2): "Expositionem alteram nullus facit: neque tentamus, neque audemus exponere... Cecropius reverendissimus Episcopus Sebastopolitanus dixit: emerferunt, quæ ad Eutychem pertinebant, & super iis forma data est a sanctissimo Archiepiscopo Romanæ urbis, & sequimur eam, & epistolæ omnes subscripsimus. Reverendissimi Episcopi omnes clamaverunt: ista omnes dicimus: sufficiunt, quæ exposita sunt: alteram explicationem non licet fieri." Hinc in *Relatione*, quam Patres, peracta Synodo, ad Leonem Summum Pontificem dederunt, sibi Divinæ legis, vocisque B. Petri eum interpretem fuisse testantur, atque, sicut caput membris, sibi præfuisse illos, qui locum ejus tenebant (3): "Quam (scilicet agnitionem Dominicam) veluti auro textam seriem (inquiunt) ex veste Christi, & præcepto legislatoris venientem usque ad nos ipse servasti, vocis B. Petri omnibus constitutus interpres, ejus fidei beatificationem super omnes adducens. Quibus (hoc est nobis) tu quidem sicut caput membris præeras in his, qui tuum tenebant ordinem, benevolentiam præferens." Præfuit ergo S. Leo in persona suorum Legatorum Chalcedonensi Concilio, atque ita quidem, ut non solum honore, & dignitate, sed etiam rerum decernendarum auctoritate, ac potestate, omnibus, sicut caput membris, præfederit.

S. XVIII. Synodo Chalcedonensi, Œcumenicæ IV., Legatos

(1) Cit. tomo colum. 863. (2) Cit. tomo colum. 1206. (3) Cit. tomo colum. 1774.

gatos S. Leonis non præfedisſe, futilibus conjecturis uterque Baſnagius oſtendere conatur.

Jacobus Baſnagius in *Hiſtoria Eccleſiæ* lib. 10. cap. 5. n. 6. Leonem quidem a Marciano petiſſe dicit, ut Chalcedonenſi Synodo præſidendi facultatem ſibi faceret, verum id Marcianum paſſum non fuiſſe, voluiſſeque, ut Senatores, quos ad Concilium miſit, in ſui abſentia Concilio præſiderent. Hoc primo colligit ex iis, quæ *Actione I.* in cauſa Dioſcori geſtaſſe fuere. Quamvis enim, ipſe ait, Legati Romani Pontificis vellent, ut Dioſcorus in Concilio una cum aliis Patribus non ſederet, atque ad id facilius aſſequendum, quæ a Summo Pontifice quoad rem iſtam in mandatis haberent, expoſuiſſent; tamen Senatus in id non conſenſit, præcepitque Legatis, ut iudicum perſona depoſita, ſuſciperent accuſatorum, ſi Neſtorium e Synodo eiectum vellent. Neque hac vice ſolum (ipſe pergit) Iudices ſeſe oppoſuerunt ſententiæ Legatorum, atque Legati Iudicibus obtemperarunt: quandoquidem dum Legati petierunt, ut Epifcopi Ægyptii ſubſcriberent, atque id urgerent, quamvis Epifcopi cauſarentur, ſine ſuo Patriarcha id ſe facere non poſſe, Iudices petitioni Legatorum reſtiterunt, illorumque ſententiæ Paſchaſinus ſeſe ſubjecit.

Illud quoque Baſnagius opponit, quod peractum legitur in *Actione V.*, quando fidei definitio edita fuit. Hac enim propoſita Patribus, mutilam eam eſſe nonnulli Patres una cum Legatis cenſuere. Iudices quoque in hanc ſententiam deſcenderunt, quamvis minor numerus Patrum pro ea ſtaret: quare propoſuerunt cunctis Patribus, ut facta fidei confeſſio reformaretur, eique hæc verba adjicerentur, quæ Eccleſiæ doctrinam clare exponerent, hoc eſt „ Jeſum Chriſtum natum e Virgine Matre Dei, habere duas naturas unitas inconvertibiliter, inſeparabiliter, & inconfuſe “. Per eos autem hæc reformatio definitionis fidei facta fuit, præſentibus Iudicibus, & Senatu, quibus illi rem huiusmodi commiſerunt. Quamvis autem major multitudo Patrum alteram fidei definitionem fieri antea repugnaret; tamen poſtea de-

n timer conditæ acquieverunt. Ad hæc id etiam Basnagiùs animadvertit, neque obsequium obedientiæ, quam Summò Pontifici præstare debebant, neque Legatorum obrestationem, qua se ab ea Synodo recessuros, aliamque in Occidente coacturos comminabantur, a Patribus, qui antea fidei definitionem mutandam non esse tuebantur, tanti facta fuisse, ut propter ea in alteram denuo editam fidei definitionem consentirent, sed solummodo Judices sua dexteritate effecisse, ut in illam postea consenserint. Unde Judices ab Imperatore deputatos iis *Actionibus* præfuisse, in quibus de fide agebatur, Basnagius confidenter affirmat.

In sola ergo *Actione III.* Legatos Apostolicæ Sedis Synodo præfuisse, idem auctor concedit, quia in ea Nestorius juxta sententiam illorum damnatus fuit. Ideo autem Legatos in hac *Actione* præfuisse affirmat, quia Imperator, & Senatus in illa non aderant, & de Patriarchæ Alexandrini, qui primo loco post Judices sedere consueverat, depositione agebatur. Hinc est, concludit Basnagius, ut postea Senatus quum rediisset, Legatis objecerit, esse illos rationem Deo de eo reddituros, quod in sui absentia egerant, atque ita iisdem exprobarunt, illam jurisdictionem, quam non habebant, sibi tribuisse.

Samuel Basnagius in *Annalibus Politico-Ecclesiasticis* ad an. Christi 451. num. 11. *Actioni XII.* non Legatos Leonis, sed Anatolium præfuisse arbitratur. Ita vero sentit, quia quærentibus Judicibus, utrum Bassianus, vel Stephanus pro Episcopo Ephesino esset habendus, primus omnium Anarolius sententiam dixit. Judicium autem Anatolii Legati Apostolicæ Sedis sequuti fuere. Unde etiam Judices Anatolium iisdem Legatis per hæc verba præposuisse, Basnagius colligit: "Quoniam placuit universis interloquutio Dei amantissimi Archiepiscopi Regiæ Constantinopolis Anatolii, & Reverendissimi Episcopi Paschasini obtinentis locum Leonis &c." Inde vero Basnagius putat, præfecturam hac in *Actione* Anatolio traditam fuisse, "Quia Ephesus ad Dioecesium ipsius pertinebat... & incongruum fuisset, Legatos Leonis in Constantin-

„Constantinopolitani Præsidis jura involare: neque ad Chalcedo-
 „nem missi fuerant, ut Ecclesiæ consuetudines perfringe-
 „rent“.

Fallitur sane hac in re uterque Basnagius. Præsidum-
 ergo duplex genus in hac Synodo fuisse, Samueli Basnagio
 damus, hoc est, Politicos, atque Ecclesiasticos: penes illos
 fuit efficere, ut omnia ordinate, & sine perturbatione fie-
 rent, penes istos autem regere, & moderari consultationes,
 definitionesque faciendas. Illi rei *Gloriosissimi Judices*, & *Ma-
 gnificientissimus Senatus*, absente Imperatore, præfuerunt; isti
 autem Legati Apostolicæ Sedis. Ad turbas ergo omnes com-
 pescendas, atque vim prohibendam, ne hac in Synodo idem
 eveniret, ac in latrocinio Ephesino contigerat, voluit Impe-
 rator, ut, absente se, Judices, atque Senatus Synodo in-
 teressent, atque ob eandem rationem *Ælioni VI.*, & sequen-
 tibus ipse interfuit (1). “Nos omnino (inquit Imperator in
 „Alloquutione ad Concilium habita) ad fidem confirman-
 „dam, non ad potentiam aliquam exercendam, exemplo
 „Religiosi Principis Constantini, Synodo interesse volumus,
 „ne vel ulterius populi pravis suasionibus separentur. Facile
 „enim simplicitas quorundam hætenus nonnullorum inge-
 „niiis, atque superflua verborum decepta est, & constat
 „diversorum pravis insinuationibus dissensiones, & hæreses
 „natas. Studium autem nostrum est, ut omnis populus per
 „veram, & sanctam doctrinam unum sentiens, in eandem
 „religionem redeat, & veram fidem catholicam colat, quam
 „secundum institutionem Patrum exponere concordantibus
 „æque animis religio vestra festinet“. Munus ergo expo-
 nendi veram fidem Catholicam Marcianus tribuit Patribus,
 curandi autem, ne diversorum pravis dissensionibus hæreses
 orirentur, sibi adjudicat. Eum autem voluisse, dum ipse
 abesset, ut Senatus, & Judices illam in Synodo potestatem
 exercerent, quam Patrum propriam esse confessus fuerat,
 quisnam unquam dixerit?

Superiori autem §. quum ostensum fuerit a nobis, Valen-

(1) Tom. 4 Concil. edit. Venet. colum. 1473. *Atione VI.*

lentinianum, & Marcianum jus præsidendi hac in Synodo in Leone agnovisse, ipsumque Leonem eo revera usum, atque Concilii Patres Divinæ legis, & vocis B. Petri interpretem. S. Leonem habuisse, ac sicut caput membris, sibi præfuisse testatos esse; non est, cur nunc respondeamus Basnagio confingenti, Leonem a Marciano repulsam tulisse, dum ab eo petiit, ut Synodo præsideret. Fundamentum ergo expendamus, ex quo id se colligere posse, Basnagius falso putat. Illud ergo Paschasius Vicarius Apostolicæ Sedis petiit *juxta præceptum Papa urbis Roma, quæ est caput omnium Ecclesiarum*, ut Dioscorus non federet in Concilio, sed audiendus intromitteretur: quod si ille non egrederetur, una cum aliis Legatis a Synodo se abcessurum dixit. Ad hæc Judices, & Senatus, quid *specialiter Dioscoro ingereretur*, quæsierunt. Urgere tamen Legati perstitere, se nullo modo pati posse, ut Dioscorus una cum aliis in Concilio federet. Tunc sane Judices, & Senatus Lucentio Legato Apostolicæ Sedis dixerunt, non debere eum, agere personam accusatoris, si judicis sustineret. Verumtamen post hæc Dioscorus *secundum jussionem* Judicum, & Senatus *in medio residens* describitur, *in propriis autem locis residentibus Romanis, & Reverendissimis Episcopis* (1). Factum id ergo fuisse, quod Legati petierant, hoc est, ut una simul cum aliis Patribus Nestorius non resideret, dubitari non potest. Quod sane inde magis magisque confirmatur, quia Nestorio *in medio residente, in propriis autem locis residentibus Romanis, & Reverendissimis Episcopis* in illa omni *Actione* de causa Nestorii, atque eorum, qui eidem adhæserant, actum fuit. Fingit ergo Basnagius Judices, & Senatum Legatis Apostolicæ Sedis contradicendo obstitisse.

Quod vero spectat ad subscriptionem Episcoporum Ægyptiorum, Judices restitisse petitioni Legatorum, & Paschasium Legatum Apostolicæ Sedis sententiæ illorum sese subjecisse, unde nam tandem Basnagius novit? *Actione IV.* hujus Concilii Patres ab Episcopis Ægyptiis petiisse legimus, ut, omni tergiversatione seposita, & Euthychem damnarent, & epistolæ

Lco-

(1) Cit. tomo colum. 866.

Leonis subscriberent. In illud quidem post multas contentiones Episcopi Ægyptii consenserunt, non vero in istud, atque ita Patres alloquuti fuere (1): “Sciunt omnes Sanctissimi Patres nostri, quia in omnibus expectamus sententiam B. nostri Archiepiscopi, & petimus clementiam vestram expectare Præsidis nostri sententiam, quia cum in omnibus sequemur”. Illud quoque causati fuerunt, Episcopos suæ regionis esse nimis multos, se vero paucos, & non posse *personas illorum suscipere*. Quapropter superaddebant: “Petimus autem vestram sublimitatem, ut misereamini nobis, ut expectetis nostrum Archiepiscopum, ut secundum antiquam consuetudinem illius sequamur sententiam. Quia si extra voluntatem Præsidis nostri aliquid faciamus, sicut præsumptores, & non servantes secundum canones antiquam consuetudinem, omnes Ægyptiæ regionis insurgent in nos”. Ad hæc Acacius Episcopus Ariarathiæ incongruum esse reposuit, eos: “Universalem Synodum prætermittere, & in unam personam attendere, quæ susceptura est Episcopatum Alexandrinæ magnæ civitatis”; eorum intentionem propterea esse, “Sicut in Epheso perturbaverunt omnia, & scandalis compleverunt universum mundum, & nunc istam sanctam, & magnam Synodum perturbare”. Cecropius vero Episcopus Sebastopolis: “Universalis hæc Synodus (inquit) Ægyptiaca regione major est, & fide dignior: & non est justum decem hæreticos audiri, & prætermitti mille ducentos Episcopos. Non enim nunc nos exigimus, ut pro aliis suam fidem ostendant, sed dicimus, ut ipsi pro sua persona rectæ fidei consentiant”. His Episcopi Ægyptii non acquievere, sed perorare perstiterunt, ne sine sui Archiepiscopi consensione ad subscriptionem adigerentur. At tunc eorum obstinatione perspecta: “Omnes Reverendissimi Episcopi clamaverunt: isti hæretici sunt: subscribant damnationi Dioscori”. Tunc sane Iudices, & Senatus suam auctoritatem in eo interposuerunt, ut mitius a Patribus cum Episcopis Ægyptiis ageretur, atque expectaretur, prout iidem petebant, ut Episcopus Alexan-

(1) Cit. tomo colum. 1402. & seqq.

xandrinus eligeretur, antequam ii ad subscriptionem compellerentur. Quibus Paschasinus Legatus Apostolicæ Sedis: "Si præceperit (inquit) gloria vestra, & jubetis illis aliquid præstari humanitatis, fidei jussoribus datis, non exeant de ista civitate, quando Alexandria Episcopum accipiat. Magnificentissimi, & gloriosissimi Judices, & amplissimus Senatus dixerunt: sanctissimi Paschasini sit firmum judicium. Unde permanentes in proprio habitu Reverendissimi Episcopi Ægyptiorum, aut dent fidejussores, si hoc illis est possibile; aut per sacramentum eis credatur, quia expectant ordinationem futuri Episcopi magnæ civitatis Alexandriae". Quam Basnagius oppositionem agnoscit inter Legatos, & Judices, atque Senatum, nullam sane video. Nam Judices, & Senatum Legatis, immo omnibus Patribus, sese opposuisse, simpliciter dici non potest, quum suam apud eos auctoritatem solummodo interposuerint, ut mitius, quam statuerant, cum Ægyptiis Episcopis agerent. Paschasinus annuit quidem postulationi Judicum, & Senatus; verum voluit, ut fidei jussores darentur, ejusque hac de re *judicium* Judices, & Senatus *firmum* esse constituerunt. Nihil ergo a veritate magis alienum est ea subjectione, quam hoc in negotio Basnagius se deprehendisse putavit.

Neque minus aberrat a vero in his omnibus, quæ ex hoc toto negotio definitionis fidei ipse colligit. Quamvis enim ei demus, *Actione V.* Senatus, Judicumque consilio factum fuisse, Imperatore quoque postmodum in id consentiente, ut ex quibusdam provinciis nonnulli Episcopi eligerentur, qui una cum Archiepiscopo Anatolio, & Legatis Apostolicæ Sedis in Oratorio S. Euphemie separati ab aliis, de illa fidei definitione viderent, quam nonnulli Orientales una cum Legatis mutilam esse contendebant, contra vero sentiebat reliqua multitudo Patrum; licet concedamus, Senatum, atque Judices de eo hos Patres monuisse, ut adderent definitioni (1): "Secundum judicium Sanctissimi Patris nostri Leonis duas esse naturas unitas in Christo inconvertibiliter, & insepa-

,, rabi-

(1) Cit. tomo colum. 1451.

„rabiliter, & inconfuse“; etsi ei assentiamur, præsentibus Senatu, & Iudicibus privatim hac de re actum fuit in Oratorio S. Euphemie ab Episcopis designatis una cum Anatolio, & Legatis Apostolicæ Sedis; tamen & (1) „Rogati ab omnibus „gloriosissimi Iudices intraverunt in Oratorio Sanctissimæ „Martyris Euphemie“ una cum aliis, & decretum de definitione fidei non a Iudicibus; sed a Patribus editum fuit. Nam (2) „Postquam tractaverunt (Patres supra recensiti) de „sancta fide, & exierunt, & federunt omnes, magnificen- „tissimi, & gloriosissimi Iudices dixerunt: dignetur sancta „Synodus fidem continens, cum taciturnitate audire, quæ „decreta sunt in præsentia nostra a congregatis sanctissimis „Patribus, qui & definitionem fidei interpretati sunt“. Tunc sane (3) „Post lectionem definitionis omnes religiosissi- „mi Episcopi clamaverunt: Hæc fides Patrum. Metropoli- „tani modo subscribant: quæ bene definita sunt, dilatio- „nem non suscipiant. Hæc fides Apostolorum: huic omnes „consentimus: ita sapimus“. Quapropter Iudices, & Senatus Legatis potius Apostolicæ Sedis, nonnullisque Orientalibus cum iisdem sentientibus, quam majori multitudini Patrum assensu fuere, & suam in eo operam impenderunt, ut, quemadmodum Legati Apostolicæ Sedis faciendum esse contendebant, fidei definitio secundum iudicium sanctissimi Patris Leonis fieret: rogati interfuerunt quidem, nullo autem modo incubuerunt disquisitioni, quæ hac de re a Legatis Apostolicæ Sedis una cum Anatolio, nonnullisque aliis facta fuit: quod isti decrevere, curarunt, ut omnibus Synodi Patribus proponeretur: id autem semel sibi propositum, uti decretum a congregatis sanctissimis Patribus, qui & definitionem fidei interpretati fuerant, omnes unanimi consensione susceperunt. Hac vero ratione factum fuit, ut quod Legati una cum nonnullis huius initio contentionis a ceteris Patribus obtinere non potuerunt, postea obtinuerint, quemadmodum sæpe contingit, dum de re aliqua disputatur: illudque semper animadverti debet, ex sententia Legatorum, aliorumque Epi-

Tom. III.

N

sco-

(1) Cit. loco. (2) Cit. loco. (3) Cit. tom. colum. 1461.

scoporum hac de re definitum, & judicium istorum totum, demum concilium fuisse sequutum. Quod ergo nullo modo potest, Basnagius colligit ex iis, quæ *Actione V.* quoad disputationem exortam de definitione fidei contigerunt; immo omnia illa contra ipsum faciunt.

Ea vero de causa, quam Basnagius commemorat, Legatos Apostolicæ Sedis *Actioni III.* præfuisse, non est, cur nunc falsum esse ostendamus. Satis enim evidenter de hujus rei falsitate constat ex iis, quæ supra disseruimus (1), & ex Sinodi gestis habemus, Legatos in omnibus *Actionibus* & eundem semper locum tenuisse, & vices S. Leonis obisse. Initio quidem *Actionis IV.* (2) "Magnificentissimi, & gloriosissimi Ju," dices, & amplissimus Senatus dixerunt: manifestatis iis, "quæ jam pridem constituta sunt, quod placuit reverendo "Concilio de sancta fide, ipsum nos doceat"; verumtamen ubi intellexerunt, quid Patribus de sancta fide placuerat, & de eorum unanimi consensione compererunt, non suo illud judicio subjecere, quemadmodum convenisset eis, si hac in re præsentis personam sustinuissem, neque quidpiam a Patribus præter jura gestum, definitumque exprobarunt, sed omnia Dei judicio reliquere (3). Post multa vero alia, de quibus, in hac *Actione IV.* disputatum fuit, statuerunt, ut (4) "Ex sententia Synodi in aliis quoque omnibus provinciis regulæ tenerent". Nullum ergo hic quoque vel levissimum argumentum eorum habemus, quæ Basnagius sibi videre visus fuit.

De eo, quod opponit alter Basnagius nunc videamus. *Actione* itaque XII. illud quidem a sancta Synodo Judices petierunt, ut decerneret, utrum Bassianus, an vero Stephanus, pro Episcopo Ecclesiæ Ephesinæ esset habendus: neutrum eorum haberi debere, si tamen id Concilio placeret, tunc Anatolius omnium primus dixit, quia uterque, contra ac ferunt canones, sibi Episcopatum usurpaverat. Ejusdem sententiæ Paschasius, & Lucentius Legati Apostolicæ Sedis fuerunt.

(1) Vide præced. §. (2) Cit. tomo colum. 1362. (3) Cit. tomo colum. 1396. (4) Cit. tomo colum. 1442.

fuerunt. Verum Julianus, & ipse Legatus Apostolicæ Sedis contra obstitit, dixitque (1) *non debere ambos projici*. Suasione Judicum re deinde melius expensa, iterum Anatolius primus omnium, quam jam dixerat, sententiam confirmavit, idemque post eum etiam Pascasinus fecit. Tunc sane in sententiam illorum omnes Patres consenserunt, atque ob id Judices executioni mandari jusserunt, quod ab universa Synodo decretum fuerat. At vero illud nos Samueli Basnagio ex hisce inferenti Anatolium *Actiōi XII.* præfuisse, observandum proponimus, etiam in *Actiōe IV.* ad postulata Judicum. Anatolium primum omnium respondisse (2): *Actiōe V.* Joannem Episcopum Germanicæ ante Anatolium, & Pascasinum, lecta definitione fidei, eam mutilam esse pronutiasse (3). Ex his tamen ipse Basnagius non solum non infert, Anatolium. *Actiōi IV.*, Joannem vero Episcopum *V. Actiōi* præfuisse, sed etiam aperte confitetur, Legatos Apostolicæ Sedis omnibus *Actiōibus*, excepta XII., præfedissee. Verum si non obstat, IV., & V. *Actiōi* eos præfedissee, quamvis ante illos Anatolius, & Joannes in iisdem loquuti fuerint, neque etiam obstarè debet, quin XII. præfederint, et si Anatolius omnium primus suam sententiam dixerit.

§. XIX. Œcumenicæ V. Synodo Constantinopolitanæ II. Vigilius Summus Pontifex non præfuit, quia illi adesse renuit; præfuisset tamen, si adesse voluisset.

Huic ergo Synodo neque per se, neque per suos Legatos Vigilius præfuit, immo ea, repugnante Vigilio, habita fuit. Verum contra illud jus, quod Summus Pontifex Conciliis Œcumenicis præsidendi habet, nihil ex hac Synodo evincitur. Quandoquidem V. Synodus ut Œcumenica haberetur ab Ecclesia, Romanorum Pontificum auctoritate factum, fuit (4). Quo sane constat, Concilia neque dici, neque haberi uti Œcumenica posse, quæ, non præsidente Romano Pontifice, vel per se, vel per suos Legatos, habita fuerint. At vero V. Œcumenicæ Synodo, si ei Vigilius interesse voluisset,

N 2

fu-

(1) Cit. tomo colum. 1623. (2) Cit. tomo colum. 1362. (3) Cit. tomo colum. 1446. (4) Cap. præced. §. 10.

futurum fuisse, ut illi præsideret, hoc vero est, quod modo volumus. Eutychius enim Patriarcha Constantinopolitanus in Epistola ad Vigilium data, postquam eum certiores fecit de fide, quam ipse una cum aliis Orientalibus profitebatur, simul rogavit, ut ad sententiam ferendam de tribus Capitulis huic Synodo præesse dignaretur (1): "Quum igitur (inquit) » prædicta omnia & servavimus, & servamus, & in his nobis » ipsis invicem consentimus, necessarium est conferri de tri- » bus Capitulis, unde quibusdam quæstio nata est. Et ideo » petimus, præsidente nobis vestra Beatitudine, sub tran- » quillitate, & sacerdotali mansuetudine, propositis sanctis » Evangeliiis, communi tractatu eadem Capitula in medio » proponenda quæri, & conservari, & finem quæstioni im- » poni Deo placitum, & convenientem his, quæ a sanctis » quatuor Conciliis definita sunt". Ei autem respondit Vi- gilius (2): "Poposcit vestra fraternitas, (inquit) ut nobis præ- » sidentibus de tribus Capitulis, ex quibus quæstio nata est, » sub tranquillitate, & sacerdotali mansuetudine, sanctis pro- » positis Evangeliiis, conferatur". Fuit ergo huic Concilio præsidendi jus Vigilio tributum, Vigiliiusque huic Concilio præesse annuit, dum ut illud haberetur, in sententia mane- bat (3).

§. XX. Jacobus Basnagius falso putat, Patres V. Œcumenici Concilii nullam rationem habuisse ejus juris, quod est penes Summos Pontifices, præsidendi Conciliis Œcumenicis.

Historia Ecclesiæ lib. 10. cap. 6. num. 13. hæc in suam rem animadvertit. Patres *Collatione I.* Vigilium vocasse ad Concilium, non uti supremum Ecclesiæ caput, sed ut una secum conferret de tribus Capitulis: *Collatione II.* & eas excusationes depulisse, ob quas Concilio sese interesse non posse Vigilium causabatur, & indixisse illi, se in unum, eo licet absente, simul conventuros: *Collatione VIII.* declarasse, se edituros illas definitiones, quæ necessariae erant, quia "Absentia » unius peculiaris non præjudicat definitionibus Ecclesiæ, » &

(1) Tom. 6 Concil. edit. Venet. colum. 26. (2) Cit. tomo colum. 30.

(3) Vide quæ disseruimus cap. præced. §. 10.

„ & veritas manifestari non potest nisi hujusmodi Conciliis ,
 „ atque unusquisque ab alio illuminari indiget “. Quapro-
 pter, inquit Basnagius, quum Patres sub Vigiliis oculis in-
 unum revera convenerint, fideique definitiones ediderint,
 consequens inde est, in Vigilio neque Ecclesie caput cognovisse,
 neque in eo admisisse illam potestatem, qua Œcumenicis Conciliis præsideret.

At licet Patres, repugnante Vigilio, in unum simul convenire cum eis, inter se convenerint, atque, edito decreto, tria Capitula damnaverint; tamen in ea sententia non fuerunt, quam Basnagius eisdem affingit. Quid enim Eutychius Patriarcha Constantinopolitanus senserit de jure præsidendi Conciliis Œcumenicis, quod est in Summis Pontificibus, omnino perspectum ex ea epistola habemus, quam ad Vigilium dedit (1). Neque alterius sententie sese esse, Patres in *I. Collatione* prætulere. Nam legatio, quam ad Vigilium communi nomine miserunt, sicuti etiam Samuel Basnagius animadvertit, licet ejusdem, ac alter Basnagius, falsæ opinionis defensor & ipse quoque sit in *Annalibus Politico-Ecclesiasticis* ad an. Christi 553. num. 13., *honorificentior esse non poterat, ut ex numero præsidumque dignitate liquet*. Deinde quum Legati missi ad Vigilium ad eum inducendum, ut Synodo interesse vellet, Patribus retulissent, Vigilium sibi respondisse, postero die manifestaturum, *quod ei de tali conventu placuerit* (2), rem totam in diem sequentem differendam esse, Patres censuerunt: “ In postero autem die (dixerunt) pollicitus est manifestare, quod ei de tali conventu placuerit. Oportet igitur præsentem diem differre “. Profecto neque tam celebris legatio, neque tantæ reverentiæ argumentum hac in dilatione exhibitum in illum cadit, qui cum ceteris Patribus in Conciliis eandem potestatem habeat. *Collatione II.* Legati quidem de eo Vigilium urgere non destiterunt, ut ad Synodum accederet, atque Patres in unum simul conventuros, etiam illo absente, dixerunt; verum ad id Vigilium inducere nitebantur, ut quæstio communem in scriptis definitionem reci-

(1) Vide præced. §. (2) Tom. 6. Concil. edit. Venet. colum. 31.

reciperet (1): "Nihil est, (inquirebant) quod prohibeat con-
 „ venire vos una nobiscum secundum ea, quæ inter nos in
 „ scriptis facta sunt: & melius est cum charitate decente Sa-
 „ cerdotes convenire, & unam pro causa sententiam statue-
 „ re, ut tunc quæstio communem in scriptis definitionem
 „ suscipiat“. Unius profecto absentia Episcopi, qui æqua-
 „ lem cum aliis Episcopis simul congregatis auctoritatem ha-
 „ beat, firmitati definitionum, quæ in Concilio fiant, nihil
 „ officit. Quapropter si repetita legatione Patres, & Impera-
 „ tor Vigilium rogarunt, ut ad Synodum accederet, evidenti
 „ argumento id esse debet, habitum non fuisse Vigilium a Pa-
 „ tribus, uti alterum quemdam Præfulem, qui secum non ali-
 „ ter, ac alii Præsules, de tribus Capitulis conferret, sed uti
 „ cum, per quem faciendæ definitioni singulare robur, atque
 „ auctoritas accederet. Hac vero de causa non contenti Patres
 „ Concili (2) *sapius in scriptis, & sine scriptis*, ut ipsi ajebant,
 „ tria a Vigilio Capitula condemnata fuisse, ad quorum & ipsi
 „ condemnationem in unum cogebantur, volebant Vigilium se-
 „ cum una convenire (3), "Ut percommunem consensum omnium
 „ finem susciperet causa trium Capitulorum". Unius autem
 „ alteriusve privati Præfulis præsentia communem consensum
 „ non inducit, aut absentia tollit: utrumque vero propter præ-
 „ sentiam, aut absentiam ejus contigit, qui ceteris omnibus
 „ præesse debet.

Collatione VIII. in Labbeana quoque editione, quam
 Basnagius citat, ita Patres habent: "Sed & sancti Patres, qui
 „ per tempora in sanctis quatuor Conciliis convenerunt, an-
 „ tiquis exemplis utentes, communiter de exortis hæresibus,
 „ & quæstionibus disposuerunt, certo constituto, quod in
 „ communibus disceptationibus quum proponuntur, quæ ex
 „ utraque parte discutienda sunt, veritatis lumen tenebras
 „ expellit mendacii. Nec enim potest in communibus de fide
 „ disceptationibus aliter veritas manifestari, quum unusquis-
 „ que proximi adjutorio indiget". Hæc vero omnia Patres
 non

(1) Citato tomo colum. 36. (2) Citato tomo colum. 38.

(3) Citata colum.

non eo quidem sine habent, ut præferant, sicuti Basnagius vellet, se in Vigilio neque Ecclesie primum caput agnoscere, neque jus præsidendi Conciliis Œcumenicis, (contrarium enim tum Eutychius Patriarcha Constantinopolitanus, tum alii Patres præferulerant) sed ut ostenderent eam rationem, quam possent, una cum aliis Vigiliis Synodo adesse, non prætermittere debuisse. Ob quam causam illud quoque in Vigiliis memoriam se revocasse testantur, Apostolos, quamvis Spiritus Sancti gratia abundarent, atque ad ea, quæ agenda erant, alieno consilio non indigerent; tamen nihil prius de propolita quæstione circumcisionis definire voluisse, quam simul congregati ea de re vidissent. Hæc vero omnia ostendunt, Patres, dum ad condemnationem trium Capitulorum Concilium habere instituerunt, licet Vigiliis ad illud intervenire repugnaret, de eo fuisse sollicitos, ut suam deliberationem haud irrationabilem esse prætexerent, non vero ut quam debebant, Vigiliis rationem non haberent.

Tandem illud quoque animadvertendum esse censeo, Justinianum, dum Patres Constantinopoli congregatos ad condemnationem trium Capitulorum adhortatus fuit, eodem de eo etiam monuisse, Vigiliis (1) "Non semel, nec bis, sed etiam sæpius in scriptis anathematizasse tria Capitula". Simili ratione dum Constantinus Quæstor sacri palatii *Collatione VII.* suasit Patribus, ut quæstioni de tribus Capitulis finem imponerent, de eadem re illos monuit (2). Profecto neque Justinianus, neque Constantinus de hoc monere Patres tam solliciti fuissent, si Vigiliis iudicium eodem in pretio, ac alterius Præfulis habuissent, immo si non illud a Patribus simul congregatis magni faciendum esse putassent. Habuerint ergo sane Patres concilium, cui Vigiliis interesse noluit, ut Imperatori obtemperarent: ipsi in unum congregati tria Capitula damnaverint; tamen nullam eos habuisse rationem ejus juris, quod est in Summo Pontifice, præsidendi Conciliis Œcumenicis, probare Basnagius frustra laboravit.

§. XXI.

(1) Cit. tomo colum. 23. (2) Cit. tomo colum. 178.

§. XXI. Œcumenicæ Synodo VI., Constantinopolitanæ III. Summus Pontifex Agatho per suos Legatos præfuit.

Id Patres in *Sermone Prophanetico* ad Imperatorem aperte testantur: inquit enim (1): "Proinde inspiratione Sancti Spiritus conspirantes, & ad invicem omnes consonantes, atque consentientes, & Agathonis Sanctissimi Patris nostri, & Summi Papæ dogmaticis litteris ad vestram fortitudinem missis consentientes, nec non & suggestioni sanctæ, quæ sub eo est, Synodi CXXV. Patrum concordantes, unum de Sancta Trinitate Dominum nostrum Jesum Christum etiam incarnatum prædicamus in duabus naturis indivise, inconfuse laudandum". Et infra: "Summus autem nobiscum concertabat Apostolorum Princeps: illius enim imitatore, & Sedis successorem habuimus fauorem, & Divini Sacramenti mysterium illustrantem per litteras. Confessionem tibi a Deo scriptam illa Romana antiqua civitas obtulit, & dogmatum diem a vespertinis partibus extulit charta, & atramentum videbatur, & per Agathonem Petrus loquebatur". Ita sane VI. Œcumenici Concilii Patres ad Imperatorem. Quid vero ad Agathonem Summum Pontificem scripserint, nunc videamus (2): "Itaque tibi, ut primæ Sedis Antistiti universalis Ecclesiæ, quid agendum sit, relinquimus, stanti super firmam fidei petram, libenter perlectis veræ confessionis litteris a vestra paterna Beatitudine ad piissimum Imperatorem missis; quas ut a summo Apostolorum vertice divine præscriptas agnoscimus, per quas exortam nuper multiplicis erroris hæreticam sectam depulimus... Anathematibus interfecimus, ex sententia per sacras vestras litteras de iis prius lata, Theodorum Episcopum Pharan &c. ... Sic nos Sancto Spiritu illustrati, vestraque instituti doctrina, infesta dogmata impietatis depulimus". Præstitit fane Patres, quod Agatho una cum Romana Synodo in litteris ad Imperatorem datus ab omnibus præstandum esse significavit (3): "Personas
,, aut

(1) Tom. 7. Concil. edit. Venet. colum. 1086. (2) Citato tomo colum. 1110. (3) Cit. tom. colum. 1714.

„ autem (inquit) de nostræ humilitatis ordine prævidimus di-
 „ rigere ad vestræ a Deo protegendæ fortitudinis vestigia ,
 „ quæ omnium nostrum, id est, univrsorum per septentrio-
 „ nales, vel occiduas regiones Episcoporum suggestionem,
 „ in qua & Apostolicæ nostræ fidei confessionem prælibavi-
 „ mus, offerre debeant, non tamen tamquam de incertis
 „ contendere, sed ut certa, atque immutabilia compendiosa
 „ definitione proferre, simpliciter obsecrantes, ut a Deo
 „ coronato vestro imperio favente, hæc eadem omnibus præ-
 „ dicari, atque apud omnes vim obtinere jubeatis“. Et post
 „ alia: „ Quicumque proinde Sacerdotum hæc, quæ in hac
 „ nostræ humilitatis confessione continentur, nobiscum sin-
 „ cere prædicare desiderat, ut nostræ Apostolicæ fidei con-
 „ cordes, ut confacerdotes, ut comministros ejusdem fidei,
 „ & (ut simpliciter dicamus) ut spirituales Fratres, & Coe-
 „ piscopos nostros suscipimus. Qui vero hæc confiteri no-
 „ luerint, ut infestos Catholicæ, atque Apostolicæ confessio-
 „ ni, perpetuæ condemnationis reos esse censemus: nec
 „ aliquando tales in nostræ humilitatis collegio, nisi corre-
 „ ctos suscipere patimur“. Ii ergo, quos Pontifex misit,
 „ ut vice sui Concilio præsiderent, quosque primo loco omnium
 „ in singulis hujus Concilii Actionibus revera præfuisse legi-
 „ mus, quæ ab eodem Summo Pontifice in Romano Concilio
 „ definita fuerant, *ut certa, atque immutabilia compendiosa defi-*
 „ *nitione proferre* in VI. Synodo debebant, eaque ut ab omni-
 „ bus recipere, Imperatoris opera postulabatur. Ex tunc
 „ autem illud quoque ab Agathone decretum fuerat, esse eos
 „ omnes in Ecclesia, qui juxta ea, quæ definiverat, una secum
 „ sentirent, perpetuæ vero condemnationis reos esse alios, qui
 „ Apostolicæ confessioni adversarentur. His ergo mandatis Aga-
 „ thonis VI. Œcumenicæ Synodi Patres obsequuti Imperatorem
 „ in suo ad eum *Prosphnetico* sermone certior fecerunt, do-
 „ gmaticis litteris Agathonis in sua fidei professione consen-
 „ sisse, atque eorum, quæ decreverant, Agathonem habuisse
 „ *factorem, & Divini Sacramenti mysterium illustrantem per lit-*
 „ *teras*. Agathonem autem scripserunt, se recepisse litteras ejus

ut a summo Apostolorum vertice divine præsriptas, per quas exortam nuper multiplicis erroris hæreticam sectam depulerant: anathematibus interfecisse ex sententia per sacras litteras ejus, de eis prius lata, Theodorum Episcopum Pharan &c.: demum ejus doctrina institutos sese impia dogmata repulisse. Illud ergo jus in Synodo præsidendi Agatho sibi tribuit, quod non solum primatum honoris contineret, sed consultationes, & definitiones in Synodo faciendas regeret, atque moderaretur: Patres autem hujusmodi potestatem in Agathone simul in Concilio congregati venerati fuere.

§. XXII. Synodo Œcumenicæ VI. Imperatorem præfuisse, ductus falsis conjecturis Jacobus Basnagius propugnat.

Historia Ecclesiæ lib. 10. cap. 7. num. 9. his momentis suadere contendit, Imperatorem huic Synodo præfuisse. 1. Præsidente Imperatore, sessiones habitas fuisse legimus, Imperatoremque constituisse, de quibus rebus agendum esset, atque revera nihil non actum secundum jussionem ejus. 2. Locum superiorem Episcopis Imperator in Concilio tenuit, ac sæpe in concilii Actis repetitum legimus: *Imperator, & Concilium dicunt*. Ante Legatos vero Agathonis, atque Patriarchas Imperatori acclamatum fuit, eoque absente, delegati ab ipso Judices tenuerunt locum illius, sessiones habendas constitucere, atque in editis decretis eos ante Legatos Pontificis nominatos invenimus. 3. In latina versione hujus Concilii, quam Leo II. faciendam curavit, Imperatorem ei præfuisse ubique traditur, & absente Imperatore, sedem illius præsidere dicitur. Quo sane Imperatorem huic Concilio revera præfuisse, evidenter adstruitur: nam tunc sedem præsentis in aliquo cœtu relinqui vacuam, consuevisse novimus, quando auctoritas ejus, qui præest, alteri non communicatur.

At vero antequam statuamus, qua ratione Imperator VI. Œcumenicæ Synodo præfuerit, plura advertantur oportet, quibus semel compertis, etiam de illa ratione omnino compertum erit. 1. Imperator in *Sacra Divali* directa ad Dandum Summum Pontificem, ab eo petit, ut Constantinopolim mitteret aliquos viros *indutos personam Apostolica Sedis*, qui
una

una cum Patriarcha Constantinopolitano, atque Macario Patriarcha Theopolitana civitatis, omnem controversiam componerent, simulque etiam Summum Pontificem certiore fecit, eis, quos missurus esset, futurum, ut nulla necessitas *in quovis capitulo* inferretur (1). 2. In epistola Agathonis, & Romanae Synodi 125. Episcoporum, qua Legati missi ad Concilium instituuntur, qua ratione in eo sese gerere debeant, iisdem in mandatis datum fuisse legimus, ut *Apostolicae fidei confessionem* offerrent, & non *tamquam de incertis contenderent*, sed *ut certa, & immutabilia compendiosa definitione proferrent*, quae acceperant (2). 3. Agatho etiam ante ullum Synodi decretum ut consacerdotes, & comministros ejusdem fidei illos agnovit, qui una secum profiterentur, quae in sua confessione fidei, quam ad Patres direxerat, continebantur: contra vero alios, qui hoc facere recusarent, uti infestos Catholicæ, atque Apostolicæ confessioni, esse reos perpetuæ condemnationis statuit (3). 4. Patres in *Sermone Prophonético* ad Imperatorem aperte testati fuerunt, non in eo, sed in Agathone Principem Apostolorum secum decertasse, quia successorem Sedis Principis Apostolorum sibi *factorem* habuerant, & *Divini Sacramenti mysterium illustrantem per litteras* (4). 5. Eodem in sermone Imperatorem monuerunt, confessionem scriptam a Deo a Romana civitate ei oblatam, & diem dogmatum a vespertinis partibus illa charta extractum fuisse, in qua Petrus per Agathonem loquebatur (5). 6. Judicio Agathonis, *ut prima Sedis Antistitis universalis Ecclesiae*, quid agendum esset, Patres reliquerunt (6). 7. Epistolas Agathonis uti a *summo Apostolorum vertice divine praescriptas* agnoverunt, & per eas exortam nuper multiplicis erroris sectam depulsam protestati fuerunt (7). Ad hæc alia quoque superaddi possent; verum non est, cur in hoc ultra laboremus. Nihil sane eorum, quæ usque modo doctrinam advertimus, ei praesidendi rationi non repugnat; quam Basnagius Imperatori tribuit? Repugnat profecto, Im-

O 2

pera-

(1) Tom. 7 Concil. edit. Vener. eolum. 618. (2) Citato tomo eolum. 714. (3) Vide locum in super. 5. (4) Vide locum in super. 5. (5) Cit. loco. (6) Cit. loco. (7) Cit. loco.

peratorem a Dono petiisse viros, qui una cum duobus Patriarchis, & aliis rem propositam definirent: repugnat hos viros, ut certa, & immutabilia proferre compendiosa definitione in Concilio debuisset, quæ ab Agathone acceperant: repugnat ab Agathone ante Concilii definitionem statutum fuisse, quinam recipi in Ecclesia deberent, quinam vero non deberent: repugnat, Patres Imperatori testatos fuisse, Petrum non in eo, sed in Agathone secum decertasse, atque eundem Imperatorem de illo quoque monuisse, confessionem a Deo scriptam ab Ecclesia Romana ipsum recepisse, in qua Petrus per Agathonem loquebatur: repugnat eosdem Patres Agathonis judicio reliquisse, quid agendum esset: repugnat tandem, eos exortam hæresim depulsam agnovissimum per litteras Agathonis, & non per Imperatorem.

Est ergo advertendum, quemadmodum jam monuimus (1), illum alicui cœtui revera præesse, qui consultationes, determinationesque ejusdem cœtus regit, atque moderatur; qui autem cœtui adhsit, ut in eo cuncta ordinate procedant, vel ut sua potestate illorum, quæ in eodem cœtu decreta fuerint, executionem faciliorem reddat, revera cœtui præesse dici nullo modo posse, sed per quamdam similitudinem. Secundum hanc vero rationem Constantinus VI. Œcumenicæ Synodo præfuit. Nam hujus Synodi *Actiones præsentis Imperatore*, vel illo absente, *proposito venerando sessu illius, & ex persona ejus præsentibus, & resistentibus Judicibus* habitas quidem fuisse legimus: hæc quoque verba; *Constantinus, & Concilium dixerunt: Judices, & Concilium dixerunt*, sæpe occurrunt in *Actionibus* hujus Concilii: verum ut hæc omnia referantur ad eam præsidendi rationem, quæ dicitur honoris, & dignitatis, non vero ad alteram, quæ est potestatis (2), illa omnia cogunt, quæ modo animadvertimus. Hinc vero est, ut licet etiam *Actioni XVIII.* Constantinus præfuerit; tamen definitioni fidei editæ a Patribus *Actione XVII.*, & lectæ in *Actione XVIII.* primos omnium Apostolicæ Sedis subscripsisse comperimus, deinde ceteros juxta suum ordinem Præsules,

(1) Hujus cap. §. 2. & 3. (2) Cit. cap. §. 2.

sules, ac postremo Constantinum Imperatorem (1). Fidei definitio ultimum profecto Synodi complementum fuit, ad quam omnia, de quibus diu, ac multum in pluribus Synodi *Actiōibus* disputatum fuerat, reiecerantur: huic ergo quum Legati Apostolicæ Sedis primi omnium subscripserint, Imperator vero ultimus, illos, non Imperatorem eam præsidendi rationem habuisse dicendum est, quæ Concilii definitiones regeret, atque moderaretur. Quod ergo Imperatorem omnium primo loco in Concilio confedissee legamus: eo absente, vacuum relictam fuisse sedem, in qua assidebat, primum in dicendo locum illi, aut Judicibus tributum: Imperatori antea acclamatum, quam Legatis Apostolicæ Sedis, aliaque nonnulla, quæ Basnagius commemorat; argumenta sunt ejus præsidendi rationis, quæ dicitur honoris, & dignitatis, atque etiam exterioris cujusdam potestatis; (qua quidem præsidendi ratione Imperatores in Conciliis Œcumenicis aliquando usos fuisse (2), jam animadvertimus) non vero ejus potestatis, & auctoritatis, quæ Concilii consultationes, ac definitiones regat, & moderetur: quæ sane Summo tantum Pontifici tribui potest (3).

§. X XIII. Synodo VII. Œcumenicæ, Nicenæ II., Hadrianus I. per suos Legatos præfuit.

Petrum Romanæ Ecclesiæ Presbyterum, & Petrum Abbatem Monasterii S. Sabæ in singulis hujus Synodi *Actiōibus* primum locum tenuisse, præcessisseque in sua subscriptione etiam Tarasium Patriarcham Constantinopolitanum, quia Hadriani locum ipsi tenebant, ex ipsius Synodi Actis perspicuum habemus. Gesta deinde Synodi neminem dubitare sinunt, Patres Hadrianum agnovisse uti supremum caput, ac rectorem, & moderatorem omnium, quæ definienda erant. Nam *Actiōne II.* Patres petierunt, ut tum ea, quam ad Imperatores, tum altera, quam ad Tarasium Patriarcham Constantinopolitanum Hadrianus miserat, Epistola legeretur (4).

Le-

(1) Tom. 7. Concil. edit. Vener. colum. 1063. (2) Hujus cap. §. 4. & seqq. (3) Cit. cap. §. 7. & seqq. (4) Tom. 8. Concil. edit. Vener. colum. 746.

Lecta itaque coram Patribus utraque epistola fuit, earumque lectione peracta, Legati Apostolicæ Sedis a Tarasio exquisierunt, utrum consentiret *litteris Sanctissimi Papæ senioris Romæ Hadriani, an non*. Tum præter alia Tarasius hæc habuit (1): „ Sic quod confessi sumus, confitemur, & confitebimur, „ consonamus, & confirmamus, atque permanebimus in „ significatione litterarum, quæ lectæ sunt “. Synodus vero universa clamavit: „ Tota sacratissima Synodus ita credit, „ ita sapit, ita dogmatizat “. Ventum deinde fuit ad singulares subscriptiones Episcoporum. In his autem nonnulli sese credere protestantur, *sicut honorabiles litteræ Sanctissimi Papæ continent*: alii *secundum litteras Sanctissimi Papæ senioris Romæ Hadriani*: nonnulli Hadriani epistolas *Nitidissimum Orthodoxia terminum* vocant. Monachi vero post Episcopos rogati subscribere, & se credere professi fuerunt juxta id, quod in Hadriani litteris continebatur, quæ, sicuti inquebant, *illustraverunt, & fulguraverunt mentes nostras*. Hæc vero omnia demonstrant, Patres instar cujusdam canonis, cui suam fidem conformarent, Hadriani epistolas suscepisse, atque habuisse. Obtinuit ergo hac in Synodo Hadrianus eam præsidendi rationem, quæ est potestatis, atque auctoritatis, & Patrum simul congregatorum consultationes, ac definitiones regit, & moderatur.

§. XXIV. Tarasium Constantinopolitanum Patriarcham huic Synodo VII. Œcumenicæ præfuisse Jacobus Basnagius falso putat.

Historia Ecclesiæ lib. 10. cap. 8. num. 14. illud quidem fatetur, Legatos Apostolicæ Sedis hac in Synodo & primum locum tenuisse, atque subscripsisse omnium primos; vult tamen Tarasium Constantinopolitanum Patriarcham cunctarum *Actio- num* fuisse directorem, atque moderatorem, ac propterea dicendum, Legatos id juris illi concessisse. Hoc mirandum non esse affirmat, quia Patriarchæ loco cedere nunquam voluerunt Legatis Apostolicæ Sedis. Unum affert, quo suam de præsidendi prærogativa, quam Tarasius habuit, sententiam

(1) Cit. tomo colum. 774. & seqq.

riam confirmat, atque ejusmodi est. Græci in suo Synodico libro Tarasium ponunt Synodi *Primum, Caput, & Præsidentem*.

In hoc itaque libello Photii *De Synodis* (1) non solum Tarasio ista omnia tribuuntur, sed etiam duobus Petris Legatis Apostolicæ Sedis, quamvis Tarasius primo loco ponatur. Cur ergo hoc monumento fretus Tarasium tantum huic Synodo præfuisse, & saltem non simul etiam Legatos Apostolicæ Sedis, Balsagius velit; sane non video. Legati, inquit, id juris Tarasio concesserunt; ergo, ipso consentiente, jus præsidendi Conciliis Œcumenicis Legatis Apostolicæ Sedis ex sui natura convenit: quod tamen ipse semper negat. Qua se vero ratione Tarasius in hac Synodo gesserit, quidve sibi muneris sumpserit, & quam una cum alijs Hadriano reverentiam uti supremo omnium capiti exhibuerit, quamque subjectionem iis, quæ idem Hadrianus jam sanciverat, professus fuerit, ex ea epistola constat, quam ad Hadrianum dedit (2):

„ Et quum (inquit) perlatæ primitus vestræ fraternitatis litteræ legerentur, præstolabantur omnes spiritalibus edulsiis, tamquam in regalibus cœnis fruētes, quæ Christus per litteras tuas epulantibus præparabat; & sicut oculus totum corpus ad rectitudinis, & veritatis semitam ostendebas. Sic ergo dirupta membra in unum conveniebant; sic vero consonantia confirmabatur; sic Catholica Ecclesia unitatem recipiebat. Cum quibus, & earum, quæ de Orientali Diœcesi missæ sunt nobis litteræ, lectione facta, integra paternæ traditionis pulchritudo demonstrabatur, ac vis veritatis roborabatur, propositis videlicet lectioni plurimis testimoniis Patrum. His itaque gestis prædicabatur a nobis omnibus, qui beneplacito Dei congregati eramus, recta, & irreprehensibilis confessio, quæ nobis missa est a vobis, & per relationem etiam pijs Imperatoribus nostris. Non consuevisse autem Patriarchas Legatis Sedis Apostolicæ loco cedere, manifeste falsum est, uti ex iis omnino constat, quæ usque modo disseruimus.

§. XXV.

(1) Tom. 8. Concil. edit. Venet. colum. 1306. (2) Citato. tome colum. 275.

§. XXV. Synodo VIII. Œcumenicæ Constantinopolitanae IV. , Hadrianus II. per suos Legatos præfuit .

Donatum ergo Ostiensem Episcopum , Stephanum Episcopum Ephesinum , & Marinum Diaconum ad hanc Synodum Legatos Hadrianus misit , ut ei sua vice præficerent . Nam quemadmodum Anastasius in vita Hadriani II. tradit : “ Eis
 „ præcepit Pontifex , ut scandalum Ecclesiæ Constantinopolitanae solerter sopirent , consecratisque a Methodio , &
 „ Ignatio sub satisfactione Libelli , quem de scrinio susceperant , proprias Ecclesias redderent . Photianis vero sub eadem , ac districtiori satisfactione communicarent quidem ,
 „ Sacerdotum judicium usque ad Sedis Apostolicæ sententiam , manente Sanctissimi Papæ Nicolai judicio , protellerent “ . Hos Legatos Basilius Augustus honorificentissime excepit , & exosculatus epistolam , quam a Summo Pontifice sibi datam reddiderunt , sequenti die eos ita alloquutus fuit , quemadmodum apud eundem Anastasium Bibliothecarium in vita Hadriani II. legimus : “ Nos cum omnibus Orientalibus
 „ Patriarchis , Metropolitibus , atque Episcopis censuram sanctæ matris nostræ Ecclesiæ Romanæ prætolantes , propter
 „ Deum petimus , ut Dei negotium viriliter peragatur , ac tandem aliquando auctoritate vestri sacri collegii tam pestifera Photianæ tergiversationis scandala propellantur , quatenus unitas , & tranquillitas optatæ diutius juxta decretum Sanctissimi Papæ Nicolai restaurentur “ . Legati vero ad hæc : “ Et nos ideo venimus , ideo missi sumus : sed non minime Orientalium vestrorum unquam in nostram Synodum suscipere possumus , nisi oblato Libello , cujus formam de Sanctæ Sedis Apostolicæ desumpsimus , nobis fuerit satisfactum “ . Ad moderanda ergo Concilii negotia Legatos missos fuisse , dubitari non potest , tam si ad ea attendamus , quæ eisdem Hadrianus mandavit , quam ad alia , quæ Imperator , & Legati sibi mutuo dixerunt . Nunc videamus , utrum id muneris revera sustinuerint .
Actioe I. illud quidem a Legatis Apostolicæ Sedis quæsitum fuit , ut de commissa sibi legatione rationem redderent , ejusque ,

quæ, a quo missi erant, mandata exponerent. Bahanes Patrius nomine Episcoporum, atque Senatus rem istam a Legatis postulavit. Id primo Legatis indignum visum fuit; postea tamen quum comperissent, hoc fieri cum eis non iniuriam, & contemptum Apostolicæ Sedis, sed quia Radoaldus, & Zacharias Nicolai I. mandata transgressi fuerant, atque ita Orientales deceperant, acquieverunt (1). " Ergo
 » (dixerunt) ut omnem dubitationem emittamus e cordibus
 » vestris, & verbis, & operibus certificemus vos, quia secundum ea, quæ mandata, & iussa sunt nobis, ita disponemus . . . præ manibus habemus epistolam, quam transmissit Imperatori Sanctissimus Papa Hadrianus, qui etiam
 » potestatem dedit nobis, ut, secundum quod Sanctissimus
 » Papa Nicolaus disposuit de sancta Constantinopolitanorum
 » Ecclesia, ita ordinemus, ut moderemur, atque firmemus,
 » ut nullus adversus eam pugnare possit, & ut quæ ipse Sanctissimus Hadrianus edidit, confirmemus. Cujus enim suscepit honorem, suscepit & laborem; quia propter hoc
 » Deus posuit eum in Ecclesia sua. Ecce epistola Sanctissimi
 » Papæ Hadriani, & si vultis, secundum quod prædiximus;
 » legatur. Omnibus consentientibus, tum ista, quam ad Imperatorem, tum altera, quam ad Ignatium Patriarcham Hadrianus dederat, lecta fuit. Tunc vero Legati qua erant jurisdictione præditi, uti cœpere. Nam ut legeretur *libellus, quem Sancta Romanorum Ecclesia exposuit*, & cui omnes subscribere deberent, petierunt. In eo autem expressum erat, ut illum profitentes anathema Photio dicerent, & iis conventiculis, quæ sub Michaelle Imperatore iterum iterumque contra Ignatium Patriarcham, & semel adversus Sedis Apostolicæ Principatum conspiraverant; amplecterentur vero tum eam Synodum, quam Nicolaus, tum alteram, quam Hadrianus habuerat, reciperentque, aut damnarent eos, qui eisdem in Synodis recepti, aut damnati fuerant: demum sequeretur *in omnibus Apostolicam Sedem, & observarent ejus omnia constituta, ut in una communione, quam Sedes Apostolica prædi-*

Tom. III.

P

cat,

(1) Tomo 10. Concil. edit. Venet. colum. 489.

cat, esse mererentur: " Quia non potest Domini nostri Jesu
 " Christi prætermitti sententia dicentis: *Tu es Petrus, & su-*
 " *per hanc petram edificabo Ecclesiam meam*. Hæc, quæ dicta
 " sunt, rerum probantur effectibus: quia in Sede Apostolica
 " immaculata est semper Catholica reservata religio, & sancta
 " celebrata doctrina " (1).

Hic autem non est prætereundum, quod ad subscriptiones hujus libelli factas, habita ratione nonnullorum Episcoporum, Anastasius in *Notis* ad Synodum VIII. consequutum fuisse commemorat (2). A se enim factæ subscriptionis nonnullos Episcopos, & Clericos poenituisse refert, eaque de causa tum Imperatori, tum Ignatio Patriarchæ clam obloquutos, " Non
 " bene factum fuisse, quod Ecclesiam Constantinopolitanam
 " tanta subjectione Romanæ Sedis Ecclesiæ permiserint, ita
 " ut hanc ei tamquam dominæ ancillam tradiderint ". His permotus Imperator jussit iis, quos ad obsequium Legatorum destinaverat, ut eisdem Legatis chirographa clam suffragarentur: quod & perfecerunt. Verum Legati fraudem statim detegentes, de ea graviter cum Imperatore conquesti fuere. Imperator tunc victus querimoniis eorum jussit, ut illis chirographa restituerentur, hisce eisdem verbis compellans: " Ego
 " quidem ut magistram Ecclesiasticorum negotiorum Apostolicam Sedem per meos Legatos adii; & ideo vestram præsentiam præstolatus sum, ut vestro Decreto, & solertia
 " Ecclesia nostra remedia sanitatis perciperet; & nos non
 " nostris motibus, sed vestræ sententiæ pareremus. Ergo
 " chirographa, quæ a nostris Sacerdotibus, & cunctis Clericis salubriter exegistis, recipite, & spiritali Patri nostro Sanctissimo Papæ nostro repræsentate: ita ut si quis eorum per abrupta vitiorum solito incedere more tentaverit, his quodammodo habenis ab eo refrænetur, & ad rectum
 " justitiæ tramitem revocetur ". Hæc vero omnia Hadrianum in suis Legatis VIII. Œcumenicæ Synodo præfuisse, atque ita quidem, ut eorum, quæ facienda erant, normam, atque exem-

(1) Vide libellum in cit. tomo colum. 497. (2) Cit. tomo Concil. colum. 498.

exemplar dederit , quod Patres sequuti fuere , adeo evident-
ter ostendunt , ut ad id comprobandum alia a nobis afferri ne-
cesse non sit . Quapropter non est , cur modo commemoré-
mus , *Actiōe II.* quosdam Episcopos , qui ad Photium defe-
cerant , postquam suum errorem coram Patribus confessi fue-
re , a Legatis Apostolicæ Sedis in communionem per hæc ver-
ba fuisse receptos (1) : “ Suscipimus vos secundum præceptio-
nem Sanctissimi Papæ nostri Hadriani per confessionem li-
belli pœnitentiæ vestræ “ . Quibus Episcopi pœnitentes :
“ Et nos adoramus vos , & suscipimus vos Iudices , & judi-
cium vestrum tamquam ex persona Filii Dei habemus “ .
Postea vero , prout eisdem Legati præceperunt , ei libello
subscripserunt , quem Legati ab Hadriano acceperant . Neque
est etiam , cur mentionem faciamus , in *Actiōe III.* Theodo-
lum Metropolitam Ancyranum , & Nicephorum Metropoli-
tam Nicænum ab universa Synodo , & *Actiōe IV.* Zachariam ,
& Theophylum a Legatis Apostolicæ Sedis fuisse rejectos , ex
eo quod illi subscribere renuissent libello a Sede Apostolica
transmisso , isti autem eum ne audire quidem voluissent : & in
Actiōe III. quum Theodorum Carix Metropolitam , qui *Actiōe I.*
ad communionem jam admissus erat , esse unum ex iis de-
prehensum , qui una cum Photianis depositioni , & anathe-
mati Nicolai Papæ subscripserat , causam illius fuisse Romani
Pontificis iudicio reservatam . Tandem neque in memoriam
revocabimus , in hac Synodo Legatos Apostolicæ Sedis
omnium Episcoporum , & eorum quoque , qui Patriarcha-
rum Orientis vices gerebant , primo loco subscripsisse . Illud
ergo tantum monebimus , hujus Concilii Patres in epistola ad
Hadrianum aperte fuisse testatos , vicem ejus in Concilio egisse
Donatum Episcopum Ostiæ , Stephanum Episcopum Nepesi-
num , & Marinum Diaconum , atque ab iis , quæ antea a
Nicolao , postea ab eodem Hadriano constituta erant , nomine
eorum in Concilio annuntiata fuisse (2) : “ Sicut enim (inquiunt)
ille Beatissimus , (Nicolaus) & veraciter homo Dei primi-
tus definivit , & promulgavit , & synodice roboravit ; ita
P 2 & ipsi

(1) Cit. tomo colum. 511. (2) Cit. tomo colum. 673.

„ & ipsi hæc annuntiaverunt , & egerunt amborum vestrum
 „ sanctissimorum , videlicet senioris Romæ Pontificum , no-
 „ men , & memoriale , instantibus temporibus , & cunctis
 „ generationibus , quæ deinceps futuræ sunt , laudabile .
 Quod ergo nos contendimus , negari a nemine potest , semel
 ac eorum , quæ in hoc Concilio gesta fuisse legimus , rationem
 habere velit .

§. XXVI. Synodo VIII. Œcumenicæ alios , præter Lega-
 tos Romani Pontificis , præfedis , Jacobus Basnagius falso
 tuctur .

Quamvis ergo *Historia Eccles.* lib. 10. cap. 9. num. 7.
 ipse fateatur , Legatos Apostolicæ Sedis in hoc Concilio plu-
 rimum auctoritate valuisse , judiciumque Romæ a Nicolao Pa-
 pa latum Patres in suis definitionibus , uti quamdam regulam ,
 fuisse sequutos ; tamen huic Synodo tum Imperatorem , tum
 Orientales Patriarchas præfedis tuctur . Num. 6. illud 1. ob-
 servat : Imperatorem hac in Synodo & primum locum habuisse
 , & dignitatem *Præsidis* obtinuisse : scripta , quæ Legati
 Apostolicæ Sedis detulerant , eo præcipiente , lecta coram
 Patribus , atque eundem etiam in fine Synodi ab Episcopis
 exquisivisse , utrum libere ea decreta , quæ condiderant , edi-
 dissent , atque illa revera probarent . 2. Imperatorem duo-
 decim Senatoribus commississe , ut , se absente , Synodo præ-
 siderent . 3. Legatos Apostolicæ Sedis , quamvis ægre , in id
 consensisse , ut munus sibi creditæ Legationis , litteris Ha-
 driani probarent , sicuti Bahanes Patritius nomine Episcopo-
 rum , & Senatus ab eis petierant . Num. 8. pro communi præ-
 sidendi ratione , quam Patriarchas in hac Synodo habuisse
 contendit , hæc animadvertenda esse tradit : 1. Theodosium
 Hierosolymitanum habuisse S. Jacobum uti primum omnium
 Archiepiscoporum . 2. Archiepiscopum Tyri una cum Lega-
 to Hierosolymitano de Photii causa judicasse , eosque censu-
 isse ad cunctos Presbyteros illa verba Christi referri oportere :
Quodcumque ligaveritis super terram , eris ligatum & in cælis ,
 atque hanc sententiam eorum ab universo Concilio probatam
 fuisse . 3. Legatum Alexandrinum id quidem prædicasse de
 Vica-

Vicariis Summi Pontificis: *Gratia Dei, atque inspiratione Spiritus Sancti duci eos sine errore in via veritatis*; verum in hoc illis etiam Legatos Orientalium sedium sociasse. 4. De æquali dignitate, & potestate omnium Legatorum, qui personam Patriarcharum repræsentabant, ex ea oratione perspectum esse, quam Metrophanes Episcopus Smyrnæ coram Imperatore, & Concilio habuit. In ea enim Patriarchas illis luminaribus, quæ Deus ad illustrandam terram, & distinguenda tempora initio creationis produxit, Metrophanem comparasse, æqualemque eis illuminandi terram, præsidendi nocti dieique, & separandi lumen a tenebris potestatem tribuisse, Basnagius observat. Ex quibus esse sibi colligendum arbitrat, Synodo VIII. Œcumenicæ omnes Patriarchas præfuisse.

At illud nos ab eo primo quærimus, qua ratione Imperator, quæ Patriarchæ huic Synodo præfuerint: vult enim ipse, ut tum ille, tum isti præfuerint. Dum de ea præsidendi ratione agit, quam habuit Imperator, talem illam fuisse contendit, ut etiam Legatos Apostolicæ Sedis Imperator sibi subjecerit. Ex quo sane constat, Patriarchæ Occidentis, cuius illi personam gerebant, ac propterea etiam aliis; quum omnes sibi æquales Basnagius faciat, Imperatorem præfuisse, multoque magis aliis Concilii Patribus. Quando vero lequitur de illa præsidendi ratione, quam Patriarchæ omnes, sicuti ipse contendit, æqualiter habuerunt, cunctis Patriarchis æqualem in Concilio, & in his, quæ in Concilio discutienda, & definienda erant, præfecturam tribuit. Quare, ipso sentiente, Imperator præfuit sane omnibus Patribus, ne Patriarchis quidem exceptis, ac propterea toti Concilio præfuit: eidem tamen Concilio etiam omnes Patriarchæ præfuerunt, quamvis tum illis, tum aliis Patribus Imperator præfuerit. Igitur ne Patriarchas præfuisse, & non præfuisse simul dicere cogatur, ipse quoque fateri debet, ea omnia, quæ quoad præsidendi rationem Imperatori tribuit, referri oportere ad exteriorem quamdam dignitatem, & auctoritatem, quæ in Concilio discutienda, & definienda non respiceret, sed circa alia omnino exteriora consultationibus, atque defini-

tionibus.

tionibus faciendis omnino versaretur (1). Quo semel posito, nihil contra nos Basnagius concludit, quum hanc præsidendi rationem Imperatoribus convenire posse fateamur (2). Revera autem omnem eam præsidendi rationem, quæ Imperatori tribui potest, referri oportere ad exterius quoddam regimen comparatum ad rectum ordinem servandum, tumultus amovendos, & curandum felicem exitum illius cœtus, qui a Patribus simul unitis habebatur, inde constat, quia Imperator & censuram Sanctæ Matris Ecclesiæ Romanæ præstolabatur, & juxta Decretum Sanctissimi Papæ Hadriani voluit, ut a Patribus & pestiferæ Photianæ tergiversationis scandala propellerentur, & diutius optata tranquillitas restauraretur (3). Illud quidem Imperator a Patribus quæsit, utrum in ea omnia consentirent, quæ in Synodo constituta fuerant; verum id non fecit, quasi judicium super Episcopos sibi tribuerit, sed ut (4) " Qui in mente haberet (quemadmodum ipse
 „ inquit) quid ambiguum de his, quæ decreta fuerant ab
 „ hac sancta Synodo, hoc in medium exhiberet, & susci-
 „ ret satisfactionis salubre remedium ". Nam peracta Synodo, cum, qui adhuc contradicere ausert, poenas a se latu-
 rum esse his verbis, uti sacrorum Canonum defensor, prote-
 status fuit: " Nam soluta sancta, & universali Synodo, qui
 „ apparuerit Ecclesiæ Dei contradicens, aut non communi-
 „ cans ei, sive Episcopus sit, sive absolute Sacerdos, sive
 „ dignitate aliqua præditus, vel aliter conversatus, veniam
 „ ab imperio nostro minime consequetur; sed iuste condem-
 „ nabitur, & a civitate nostra pelletur, ut corruptor, &
 „ pestilens, & membrum putridum, & inutile, & commune
 „ corpus Ecclesiæ violans ". Semper tamen Imperator *judi-
 cium Synodicum*, uti proprium illorum jure Divino, Episco-
 pis tribuit: quemadmodum ex ejus Epagnotico habemus,
 quod *Actione I.* lectum fuit, in quo ita inquit (5): " At
 „ vero

(1) Vide §. 2. & seqq. hujus capituli. (2) Cit. loco, & ejusdem cap. §. 21. (3) Vide in præced. §. Anastasii locum. (4) Tom. 10. Concil. edit. Venet. colum. 659. (5) Cit. tomo colum. 488.

„ vero & ad vos ipsos acclamationem imperii nostri pro-
 „ ponimus, quippe qui potestatem Synodici iudicii divinitus
 „ accepistis “.

Quod vero Basnagius superaddit de petitione facta Legatis, ut commissi sibi muneris certa monumenta proferrent; nullius momenti est. Nam, sicuti jam monuimus (1), id ab eis petatum fuit, non in contemptum auctoritatis Apostolicæ Sedis, sed sicuti inquit Christianus Lupus tom. 3. *Synodorum General. Dissert.* de VIII. Synodo cap. 10. “ Ad evadendos nuperos Rhadoaldi, & Zachariæ Episcoporum a Nicolao Pontifice missorum dolos, & de præsentis Synodi legitimitate, certificandam omnem Ecclesiam fieri protestatus “ fuit Bahanes Patritius. Hinc vero est, ut Legati in id assentiri, quod ab eis petebatur, primo restiterint, inquietantes (2): “ Hoc nos usque nunc non invenimus in Universalì Synodo factum, ut Vicarii senioris Romæ a quolibet perpendantur, utrum talem existimationem habeant “. Verum quum postea perspexissent, id peti ab eis non in contemptum Apostolicæ Sedis, sed ut omnis prorsus suspicio ejus mali, quod paulo ante contigerat, a cunctorum animis averteretur, petitioni acquieverunt. Quid vero ex hac petitione facta Legatis colligere pro se Basnagius possit, sane non video. An ex ea fortasse consequitur, ut Synodi Patres in Legatis eam personam, quam gerebant, agnoscere noluerint? ut Hadriani auctoritatem vel non in eo, quo debebant, vel non in alio, ac ceterorum Patriarcharum, pretio habuerint? At eo semel perspecto, quod volebant, eam, quæ in Legatis inerat, potestatem agnoverunt, atque venerati fuere. Cetera prosequamur.

Theodosius Patriarcha Hierosolymitanus in epistola ad Ignatium (3) Jacobum primum Archiepiscoporum dixit, non quasi ille super omnes Præfules dignitate, atque auctoritate præfulserit; alioquin Patriarcha Hierosolymitanus totius Ecclesiæ caput esse debuisset, sed habita ratione eorum, qui Ecclesiæ

(1) Præced. §. (2) Tom. 10. Concil. edit. Venet. colum. 489.

(3) Cit. tomo colum. 496.

cleriæ Hierosolymitanæ præfuerant, sicuti ex ea ratione constat, ob quam Jacobi mentionem fecit. Nonnulla enim Sacra insignia B. Apostoli, quibus tum sui Prædecessores, tum ipse, Sacerdotio fungentes, uti consueverunt, ad Ignatium se transmisisse testatur, ut *sanctificæ suavitatis* etiam ille perfrueretur. Ad se ergo, suosque prædecessores Theodosius respexit, dum Jacobum primum Archiepiscoporum vocavit.

In definitione autem Thomæ Metropolitæ Tyrîi lecta *Actione I.* Concilii hæc habentur (1): " Quisquis ergo a notitia præceptorum Beatissimi Papæ Nicolai, & hoc se judicio nostro ausus fuerit reprobare aliquid eorum, quæ hic proferuntur, vel molestiam asserre auditibus potentum ad aliqujus reprobationem, vel receperit hujusmodi; iste, quisquis sit, sive Sacerdos, sive Laicus, sive quicumque Monachus, sive cujusvis Ordinis Clericatus, anathema sit a Patre, Filio, & Spiritu Sancto, & privatus gloria Dei, & hæres æterni tormenti, & cohæres diaboli, atque alienatus a Christianorum gratia, tamquam qui irridet Christi veri Dei nostri munificentiam, quam dedit Sacerdotibus dicens: *Quemcumque ligaveritis super terram, erit ligatus & in cælis; & quemcumque solveritis super terram, erit solutus & in cælis.* Qui enim verax esse Christi verbum existimat, & annuntiat, creditque quod ea, quæ super terram ligata sunt, ligantur & in cælis, quæ a Sacerdotibus ligata sunt, quomodo putas audebit solvere, aut solutum ligare"? Legebat sane Thomas Metropoli Tyrus, legerat cum eo Legatus Hierosolymitanus decreta, quæ a Nicolao Papa edita fuerant. Quia vero non putabant, ut ab Ecclesia Romana contra Photianum schisma Constantinopolim Legati mitterentur; idcirco antequam ad hanc ipsi civitatem advenirent, hujusmodi definitionem ediderunt, omnino sequenti decretum, quod Nicolaus fecerat. Hac vero de causa præcepta Beatissimi Papæ Nicolai in sui decreto primo loco ponunt, & suum judicium deinde subjiciunt, atque anathema dicunt iis, qui obtem-

(1) Tom. 8. Concil. colum. 993. editionis Labbeanz, quam Basnagius citat.

obtemperare recusaverint. Ad eos autem Sacerdotes prædicta Christi verba referunt, qui Apostolis in Episcopali jurisdictione succedunt: nam de eo agunt, quod sua auctoritate ligaverant. Thomas autem erat Metropoli Tyrus, Elias autem Presbyter; tamen hoc in judicio Patriarchæ Constantinopolitani vices gerebat.

Joseph autem Monachus, & Archidiaconus, ac Vicarius Alexandrinæ Sedis, quæ in Concilio decreta fuerant, dum se amplecti, atque venerari proficitur, Legatis tum Sedis Apostolicæ, tum aliarum Sedium Divinum lumen affulsi tradit in definitionibus, quas ediderunt. Anne fortasse omnibus Divinum lumen non affulserat, semel ac omnes in veritate consenserant? De Legatis tamen dum loquitur, Legatos Apostolicæ Sedis aliis semper præponit.

In *Actione VI.* Concilii duobus prædictis luminaribus quinque Patriarchas Metrophanes quidem comparavit (1), eisdemque datum dixit, ut suum lumen effunderent super omnes: verum hac in oratione Metrophanes eos Patres, qui primum locum in Concilio tenuerunt, nulla eorum distincta habita ratione, qui inter primos superiorem locum habuerunt, laudibus celebrare sibi proposuit, idque dum faceret, illud solummodo observavit, ut Legatos Apostolicæ Sedis ante alios recenseret. Quamvis autem ab omnibus Patribus simul congregatis lumen affulgeat, si tamen illud potiori quodam modo ab eis affulgere dicatur, qui magis dignum in Concilio locum tenent, nihil rectæ rationi contrarium dicitur. Quapropter mirandum non est, si Metrophanes in oratione habita coram Patribus, atque Imperatore, quinque Patriarchis munus effundendi lumen super alios, singulari quadam ratione tribuerit, neque distinxerit, quinam inter eos primum locum teneret. Ex hac ergo omissione Theophanis tunc fortasse colligere quispiam posset, omnes Patriarchas huic Synodo eodem modo præfuisse, quando aliunde multum non suppetere nobis, quæ de suprema præsidendi ratione, quam in ea Legati habuerunt, neminem dubitare sinerent.

Tom. III.

Q

At

(1) Cit. tomo colum. 553.

At hujus generis multa sane habemus, deque iis etiam Basnagius, uti in præcedenti §. monuimus, mentionem fecit. Nimis ergo futilli argumento ille utitur, dum ex prædicto testimonio Metrophanis omnes Patriarchas Synodo VIII. Œcumenicæ præfuisse colligit.

C A P U T III.

DE EO JURE CONFIRMANDI ETIAM DECRETA CONCILIORUM
ŒCUMENICORUM, QUOD EST PENES
SUMMUM PONTIFICEM.

§. I. **C**onfirmationis varia divisio aperitur.

Quadruplex genus confirmationis attendi potest, semel ac sermo sit ea de confirmatione, de qua nunc loquimur, hoc est, de illa, qua lex, aut decreta semel edita comprobantur. Alia est ergo confirmatio, quæ super legem, aut decreta cadit, eorumque firmitatem respicit; alia, quæ super executionem decretorum: rursus alia est confirmatio legis, seu decretorum, quæ habetur a subditis, dum sibi propositæ legi, aut editis decretis, prout debent, morem gerunt, alia, quæ ab æquali potestate profiscitur, ac illa sit, a qua lex, vel decreta prodierunt. Primum genus confirmationis in eo positum est, ut potestate confirmantis plenam auctoritatem ipsa lex, aut decreta acquirant, ultimumque complementum quoad vim obligandi assequantur: alterum vero genus confirmationis auctoritatem legis, aut decretorum non solum non attingit, sed etiam uti certam præsupponit, indeque ad illud tendit, ut quæ lege, vel decreto constituta fuerint, executioni mandentur. Confirmatio, quæ habetur a subditis in quodam testimonio ejus obedientiæ consistit, seu in quadam assensione, quam ipsi præstare debent: confirmatio autem, quæ profiscitur ab æquali potestate, ac illa sit, a qua lex, vel decreta prodierunt, legi, vel decretis semel latis, jam in se habentibus omnem vim ad obligandum, totamque plenitudinem auctoritatis, approbatio quædam adjungitur.

§. II.

§. II. Ea est vere, & proprie dicta confirmatio, qua fit, ut lex, vel decreta plenam auctoritatem acquirant, ultimumque complementum quoad vim obligandi assequantur.

Confirmatione proprie dicta fit, ut firmetur, quod semel constitutum est, atque id stabilitatis acquirat, quod in se antea non habebat (1). Hoc vero est, quod confirmatio illa facit, qua ipsa lex, vel decreta plenam auctoritatem acquirunt, ultimumque complementum quoad vim obligandi assequuntur, uti ex se manifestum est: hæc ergo est vera, & proprie dicta confirmatio.

§. III. Confirmatio respiciens executionem eorum, quæ lege, vel decretis sancita sunt, vera, & proprie dicta confirmatio non est, dici tamen potest confirmatio secundum quamdam similitudinem.

Dum quispiam sua potestate, atque auctoritate in id an nititur, ut servantur, quæ lege, vel decretis jam sancita fuerint, omnem in eis vim ad obligandum inesse supponit. Nam si hoc non præsupponeret, injuste procul dubio ageret, dum observationem legis, aut decretorum sua auctoritate apud alios urgeret. Quum ergo tunc alterius auctoritate lex, aut decreta confirmari vere, & proprie dicantur, quando fit ex jure, & auctoritate confirmantis, ut ea veram, & completam obligandi vim habeant (2), consequens inde est, eam confirmationem, quæ super executionem illorum, quæ lege, aut decretis constituta sunt, solummodo cadit, veram, & proprie dictam non esse. Habet ea tamen quamdam similitudinem confirmationis, quatenus dum urgetur observatio eorum, quæ semel constituta fuerunt, ea magis magisque confirmari, æquo jure dici potest.

§. IV. Confirmatio legis, & decretorum, quæ habetur a subditis, in quodam debita obedientia obsequio revera consistit; tamen latissimo quodam sensu etiam in hujusmodi obsequio quædam confirmatio continetur.

Prout debent, subditi obsequuntur, dum servant, quod sui Principis legitima auctoritate sibi præcipitur: sua ergo ob-

Q 2

serva-

(1) Præced. §. (2) Præced. §.

servatione legum illud obedientiæ obsequium præstant, a quo sese retrahere nullo modo possunt : in hujusmodi ergo obsequio revera posita est confirmatio legis, & decretorum, quæ habetur a subditis. Quia tamen negari non potest, quin aliquo modo firmetur, quod decretum est, semel ac illud servari consuevit; ideo latissimo quodam sensu etiam in hujusmodi obsequio quædam confirmatio legis, & decretorum, continetur.

§. V. Confirmatio, quæ ab æquali potestate profisciscitur, ac illa sit, a qua lex, vel decreta prodierunt, dici quidem aliqua ratione eorundem decretorum confirmatio potest, ad id tamen ipsa non tendit.

Ut ergo hac in re utamur exemplis, in Synodis Œcumenicis Ephesina, Chalcedonensi, & aliis subsequentibus, Nicæna decreta confirmata fuisse recte dicitur: simili ratione quæ priores Summi Pontifices sanxerunt, a posterioribus confirmata fuisse, dum idem, ac illi, credendum, vel servandum constituere, omnes fatentur. Verum enim vero neque Concilia subsequentia decreta priorum, neque posteriores Summi Pontifices eorum, qui sibi præcesserunt, definitiones ita confirmarunt, quasi illa non omnem antea auctoritatem haberent, eamque plenam; & completam per advenientem acquirerent, sed ut magis magisque adversus hæreticos Ecclesiæ decreta urgerent, eisque repetitum Ecclesiæ judicium opponerent, ut tandem aliquando resipiscerent. Quandoquidem unius Œcumenici decreta Concilii, æque obligant omnes Fideles, vel sint illa aliorum Œcumenicorum Conciliorum auctoritate confirmata, vel nullam talem confirmationem habeant: idemque judicium de definitionibus Summorum Pontificum ferendum est. Quia tamen Ecclesiæ judicio iterum iterumque idem constitutum habetur, quando a sequentibus Conciliis Œcumenicis, vel Summis Pontificibus confirmatur, quod antecessentia Œcumenica Concilia, prioresque Pontifices statuerant; ideo quando hoc fit, suus est confirmationi locus, quæ tantum eo tendit, ut de sua pertinacia magis convincantur, qui in errore sunt. Confirmatio ergo,

ergo, quæ ab æquali potestate proficiscitur, ac illa sit, a qua lex, vel decreta prodierunt, dici quidem aliqua ratione eorumdem decretorum confirmatio potest, ad id tamen ipsa non tendit. Non erat ergo cur Bossuetius *Defensionis &c.* lib. 8., alias 13., cap. 2., ut vim confirmationis, absolute elevarêt, illud opponeret, a posterioribus Conciliis Œcumenicis confirmata fuisse, quæ in prioribus sancita fuerant, indeque concluderet, *confirmationis vocem ad argumentum superioris potestatis trahi non posse.*

§. VI. Jus veræ, & proprie dictæ confirmationis Imperatores quoad ad ea non habent, quæ in Conciliis Œcumenicis constituuntur.

Œcumenica Concilia indicendi nullo jure Imperatores ex se potiuntur, eamque Patribus simul congregatis præsendi rationem non habent, quæ consultationes, & definitiones eorum æquo jure regere, atque moderari possint (1): igitur neque etiam jus veræ, & proprie dictæ confirmationis quoad ea habere possunt, quæ in Conciliis Œcumenicis a Patribus simul unitis constituuntur: Nam singularis quædam potestas supra Patres ab illo exercetur, qui ut in unum simul conveniant, proprio jure, atque auctoritate eisdem indicit; longe potior, dum eorum simul unitorum consultationes, & definitiones regit, atque moderatur; potissima sane, quando quæ Patres simul uniti decreverint, ita confirmat, ut illa ex hujusmodi confirmatione plenam auctoritatem acquirant, ultimumque complementum quoad vim obligandi assequantur: quod sane vera confirmatio, & proprie dicta facit (2): si ergo ad illa duo potiora nullum jus est penes Imperatores, neque etiam quoad hoc tertium potissimum omnium esse potest.

Et re quidem vera undenam tandem habemus ex Divino verbo vel scripto, vel tradito Imperatoribus Ecclesiæ negotia commissâ fuisse? Anne Constantinus, qui primus fuit Imperatorum Christianorum, an reliqui deinde eandem, ac Sacerdotes, potestatem a Christo super Ecclesiam receperunt? anne superiorcm,

(1) In duobus præcedentibus capitibus utrumque evicimus.

(2) Hujus cap. §. 1. & seq.

rem, qua Successoribus Apostolorum simul etiam congregatis præessent, eorumque decretis auctoritatem firmitatemque tribuerent? De re nimis certa, & pervulgata loquimur, neque est, cur de ea diutius differamus. S. Theodorus Studita epist. lib. 2. epist. 129. (1) contendens coram Imperatore disputandum non esse de sacris Imaginibus: "Non enim (inquit) de rebus seculi carnisque sermo est, de quibus judicandi penes Imperatorem potestas est, & judicium seculare; sed de Divinis, ac coelestibus dogmatibus, quæ aliis commissa non sunt, quam iis, quibus Deus ipse verbum dixit: *Quaecumque ligaveritis super terram, erunt ligata & in celo: & quaecumque solveritis super terram, erunt soluta & in celo.* Quinam autem hi sunt, quibus hoc iussum est? Apostoli, & eorum Successores..... Penes hos Divinorum dogmatum judicia. Imperatorum vere, & Præsidum est opem ferre, & comprobare, quæ decreta sunt, & reconciliare, qui carnaliter discrepant, & dissident". Si autem dubium sit, utrum aliquis Successor Apostolorum a veritate deflexerit; "Mittenda est (ait) ad Romanum (Pontificem) ex utraque parte legatio, & inde fidei accipienda certitudo".

§. VII. Ecclesiæ valde utile, atque etiam Politico regimini salutare est, ut Imperatores decreta Conciliorum Œcumenicorum ea confirmatione corroborent, quæ ad eorumdem exequutionem refertur.

Hanc non esse veram, & proprie dictam confirmationem, sed per quamdam similitudinem, supra monuimus (2). Nunc quod volumus. Inest quidem in Concilii Œcumenici decretis, quæ Summi Pontificis auctoritate confirmata fuerint, omnis ea auctoritas, quæ in Ecclesiasticis legibus desiderari possit: sunt enim illorum communi iudicio constituta, quos posuit Deus Ecclesiam suam regere, ejusque sanctione comprobata, quem Christus universæ Ecclesiæ præfecit. Quare si agatur de ea obligandi vi, quæ inest in hujusmodi decretis, nihil amplius desiderari potest. Quamvis autem nonnulli ducti amore virtutis præcepta sibi proposita servant; tamen lon-

ge

(1) Apud Sirmondum *Opera Variorum* tom. 5. (2) Hujus cap. §. 3.

ge plures ad id adiguntur timore pœnarum, atque ea ratione aliqui eorum, ut primo quidem timore solummodo pœnarum concussi, deinde vero etiam amore iustitiæ permoti iisdem præceptis cervicem subiciant, quidam vero propter unicum timorem pœnarum id semper faciant. Utile autem, quam maxime esse Ecclesiæ, ut hi, qui ex se ultro, ejus præcepta non servarent, ad præstandam iis illam obedientiam, quam debent, pœnis sensibilibus adigantur, nullus sane negaverit. At vero dum Imperatores in id quoque sua auctoritate, atque potestate utuntur, ut quæ ab Ecclesia decreta fuerint, servantur, tunc ii quoque ad id præstandum compelluntur, qui aliunde ex se ultro amore iustitiæ non præstarent. Est ergo dicendum, Ecclesiæ quam maxime utile esse, ut Imperatores Œcumenicorum decreta Conciliorum per hoc confirment, quod ea servari sua auctoritate, atque potestate faciant (1). “ Principes seculi (sicuti ex S. Isidoro habent
 „ Patres Concilii VI. Parisiensis lib. 2. cap. 2.) nonnunquam
 „ intra Ecclesiam potestatis adeptæ culmina tenent, ut per
 „ eandem potestatem disciplinam Ecclesiasticam muniant.
 „ Ceterum intra Ecclesiam Potestates necessariæ non essent,
 „ nisi ut quod non prævalet Sacerdos efficere per doctrinæ sermonem, potestas hoc imperet per disciplinæ terrorem “. Hinc S. Leo ad utendum ea potestate, quam muniti erant, in defensionem decretorum Ecclesiæ, Imperatores suis adhortationibus sæpius excitavit (2): “ Quantum
 „ præsidii (inquit ad Pulcheriam Augustam) Dominus Ecclesiæ suæ in vestra clementia præparavit, multis sæpe probavimus documentis. Et quidquid nostris temporibus contra
 „ impugnatores Catholicæ veritatis industria Sacerdotalis obtinuit, ad vestram maxime gloriam redundavit: dum, sicut Spiritu Sancto docente, didicistis, illi per omnia potestatem vestram subjecitis, cujus munere, & protectione regnatis “. Et ad Marcianum (3) inquit: “ Profectus charitatis, & fidei utrorumque armorum potentiam insuperabili
 „ lem

(1) Tom. 9. Concil. edit. Venet. colum 751. (2) Epist. 28. juxta editionem Cacciarii. (3) Epist. 63. juxta eandem edit.

„ lem facit, ut, propitiato per unam confessionem Deo, fi-
 „ mul & hæretica falsitas, & barbara destruatür hostilitas “. Tandem ad Leonem Augustum (1): “ Quum clementiam,
 „ tuam Deus tanta Sacramenti sui illuminatione ditaverit,
 „ debes incunctanter advertere regiam potestatem tibi non,
 „ solum ad mundi regimen, sed maxime ad Ecclesiæ præsi-
 „ dium esse collatam, ut ausus nefarios comprimendo, &
 „ quæ bene sunt statuta, defendas, & veram pacem his,
 „ quæ turbata sunt, restituas Nec hæreticos homines,
 „ & merito suæ perversitatis damnatos, uti sua persuasione,
 „ patiamini: quum sive impietatem eorum aspicias, sive opus
 „ perpetrati furoris attendas, non solum ad Sacerdotii ho-
 „ norem admitti nequeant, sed ab ipso Christiano nomine
 „ mereantur abscindi. Nam (quod exorata pietatis vestræ
 „ venia dixerim) quodam contagio splendorem vestræ sere-
 „ nitatis obscurant, quum sacrilegi parricidæ id audeant pe-
 „ tere, quod non innocentes liceat obtinere “. Leo au-
 „ tem II. epist. 2. ad Pogonatum (2) errorem sublatum esse gra-
 „ tulatur tum synodali sententia, (inquit) & imperiali edicto: “ Sy-
 „ nodali igitur sententia, (inquit) & imperialis edicti censura
 „ tamquam ancipiti Spiritus Sancti gladio, error expunctus
 „ est O Sancta Mater Ecclesia, exurge: depone pal-
 „ lium moeroris: ecce filius tuus, defensor tuus, adjutor
 „ tuus, accinctus est gladio &c. “ Dubitari ergo non potest,
 „ quin Ecclesiæ valde perutile sit, ut Imperatores decreta Con-
 „ ciliarum Œcumenicorum ea confirmatione corroborent, quæ
 „ ad executionem illorum refertur.

Est id etiam politico regimini valde salutare. Nam ut
 subditi omnes in rebus potissimum gravioribus inter se con-
 sentiant, ad imperii felicitatem quam maxime conducit; sub-
 ditorum enim inter se consensus imperia firmat, discordia au-
 tem aliquo saltem modo nutare facit. Profecto cuius homini
 nihil iis gravius esse debet, quæ religionis sunt, vel ad reli-
 gionem pertinent: dum ergo Imperatores in observationem
 Eccle-

(1) Epist. 129. juxta eandem edit. (2) Tom. 7. Concil. edit. Ve-
 net. colum. 1151.

Ecclesiæ decretorum sua potestate incumbunt, efficiunt sane, ut omnis de re gravissima inter subditos dissensio tollatur: id ergo quum ad bonum politici regiminis quam maxime conducatur, inde consequitur, ut illud promoveant, dum Œcumenicorum Conciliorum decreta servari curant.

Per hoc etiam, quæ sibi debetur, subjectioni prospiciunt. Quum enim Œcumenicorum decreta Conciliorum sint Optimatum Ecclesiæ consensione constituta, & Supremi ejus capituli auctoritate roborata; ex se patet dum hæc decreta contemnuntur, quidquid altioris sublimiorisque potestatis in Ecclesia excogitari potest, contemni. Hoc autem si Imperatores patiantur, quid aliud natum est sequi, quam ut eorum etiam supremæ potestatis subditi eam, quam deberent, rationem revera non habeant; atque ita ipsi suam potestatem in aliquod periculum conjiciant. Nam semel admissa facinora ad alia saltem ejusdem generis perpetranda homines non tardiores, sed alacriores faciunt. Est igitur dicendum, etiam politico regimini quam maxime expedire, ut Imperatores decreta Conciliorum Œcumenicorum ea confirmatione corroborent, quæ ad executionem illorum tendit.

§. VIII. Principibus jus veræ, & propriæ dictæ confirmationis quoad disciplinæ canones non minus falso, quam aliquo modo sibi contradicens, Petrus de Marca tribuit.

De Concordia Sacerdotii, & Imperii lib. 2. cap. 10. num. 9. ea, quæ sunt fidei, recte distinguit ab aliis, quæ ad disciplinam spectant: illa omnem suam auctoritatem a Patribus in Concilio congregatis habere affirmat, eorumque definitione fieri concedit, ut iisdem nemo non assentiri debeat. At vero, inquit ipse, " Quod attinet ad Canones, qui non quidem
 „ de fide, aut Sacramentorum ritibus, sed de reliqua discipli-
 „ plina feruntur, quia legum perpetuarum vires obtinere
 „ debent, & Clericorum, immo etiam sæpissime Laicorum,
 „ personas respiciunt, ex quibus reipublicæ corpus componitur, novamque aliquando disciplinæ formam constituunt,
 „ quam plurimi Principum interest, ut ea decreta mature discuti-
 „ antur, antequam executionem publicam, & forensem

Tom. III.

R

lege

„ lege sua indulgeant , ne fortassis aut publicæ utilitati , aut
 „ tranquillitati adversentur . Confirmati autem a Principe
 „ Canonès vim legis publicæ adipiscuntur : quæ necessaria
 „ est , ut per omnes imperii provincias exequutioni tradi
 „ possint , & si qui contradicant , auctoritate publica coer-
 „ ceantur . Confirmatis de fide decretis , contumacia qui-
 „ dem refragantium legibus plectitur , ac si in leges Impera-
 „ torias peccatum fuisset , sed non indigent ea decreta im-
 „ perio Principis , ut Christianos adstringant , quum jure Di-
 „ vino nitantur , quod ceteris omnibus præcellit “ . Num. 10.
 „ & seqq. , nulla distinctione facta inter Canones fidei , & di-
 „ sciplinæ , plura ex Ecclesiastica Historia monumenta in me-
 „ dium adducit , quibus etiam decreta Conciliorum Œcumeni-
 „ corum ab Imperatoribus confirmata fuisse tradit . Eo tamen
 „ in sensu hujusmodi confirmationem accipiendam esse num. 14.
 „ affirmat , quo nos supra (1) docuimus , & locum Facundi Her-
 „ mianensis ex libro ejus 12. cap. 3. in medium adducit , in quo
 „ idem Auctor Principes , canonicas quæstiones ad suum judi-
 „ cium revocare tentantes , reprehendit , eisque Marciani Im-
 „ peratoris exemplum proponit , inquires : “ Sciens igitur ille
 „ modestissimus Princeps Ozix Regi non impune celsisse , quia
 „ sacrificare præsumpsit , quod licitum est singulo cuique
 „ etiam secundi ordinis Sacerdoti , multo magis sibi impune
 „ cedere non posse cognovit , vel , quæ de fide Christiana
 „ rite fuerant constituta , discutere , quod nullatenus licet ,
 „ vel novos constituere Canones , quod nonnisi multis , &
 „ in unum congregatis primi ordinis Sacerdotibus licet . Ob
 „ hoc itaque vir temperans , & suo contentus judicio , Ec-
 „ clesiasticorum Canonum exequutor esse voluit , non condi-
 „ tor , non exactor “ . Quibus ipse Petrus de Marca hæc su-
 „ peraddit : “ Hic est certus limes , quem regis auctoritati
 „ in his negotiis præfigere oportet , ne inconsulto trahamur
 „ ad eam adulationem , qua Principibus suis totius disciplinæ
 „ Ecclesiasticæ summam Græci deferebant “ .

Lib. 6. cap. 2. num. 1. rursus illud urget , definitiones
 fidei

(1) Hujus lib. §. 6.

fidei confirmari non posse a Principibus, deinde vero hæc superaddit: " Quantum autem ad Canones; quum in legum, loco sint, & instituta perpetua, quæ spectant ad subditos Principum, sive Clericos, sive Laicos, novamque politiam introducant in dispositionem civilem, valde interest Principum, ne eorum ante executionem permittant, quam eos consideraverint. . . . Quare confirmatio horum Canonum decernenda est a Principe cum cognitione causæ. Num. 2. *hanc veterem consuetudinem* probari dicit edictis Constantini, Theodosii, Marciani, & Justiniani Imperatorum, qui confirmaverunt decreta Concilii Nicæni, Constantinopolitani, Ephesini, Chalcedonensis, & Constantinopolitani sub Agapeto, & Menæ. Hac etiam de re satis comperitum esse posse dicit ex epistola synodica Concilii Constantinopolitani, Œcumenici II., ad Theodosium Imperatorem, in qua Patres ex sui officii ratione, relationem eorum, quæ in Synodo gesta erant, ad eundem sese mittere affirmant, illorumque confirmationem ab eo petunt. Num. 3. hac de re *quoad praxim Ecclesiæ Gallicanæ* illustrius exemplum proferri non posse tradit, quam epistolam synodicam Concilii I. Aurelianensis, in qua Patres a se conditos canones Clotarii Regis judicio submitunt, eorundemque confirmationem ab eo petunt. Num. 4. ad Concilium Constantinopolitanum sub Patriarchatu Menæ redit, atque pro se illud in medium adducit, Patriarcham Constantinopolitanum, quamvis ab Episcopis Patriarchatus Antiocheni, nonnullisque aliis rogatum, noluisse in Concilio a se congregato ferre sententiam damnationis in Severum Episcopum Antiochenum, & aliquos alios, quia in litteris Justiniani pro convocatione Concilii datis solius Anthimi causa discutienda proponebatur, ideoque petitionem illorum Principi referendam esse dixisse. Num. 7. edictum, Clotarii Regis profert, in quo & canones Concilii Parisiensis an. 614. confirmantur, & quoad aliqua etiam corriguntur.

Petro itaque de Marca & nos utique damus, quæ sunt fidei, distingui oportere ab iis, quæ ad disciplinam spectant; verum ista non ab auctoritate Patrum, sed a confirmatione,

Principum suam obligandi vim desumere, hoc vero est, quod ei nullo modo dare possumus. Eas rationes nunc primo expendamus, ob quas in hac ipse sententia versatur. Plurimi ergo Principum interesse dicit, ut in Conciliis de disciplina edita decreta mature discutiant, antequam observationum eorum induci patiantur, " Quia legum perpetuarum vires, obtinere debent, & Clericorum, immo etiam sapissime Laicorum personas respiciunt, ex quibus reipublicæ corpus componitur quia novam politiam aliquando introducunt in politiam civilem ". At vero quod de hujusmodi decretorum perpetuitate tradit, id ei nemo unquam concesserit. Est enim omnium consensione receptum, & perpetuo Ecclesiæ usu confirmatum, mutari ea posse, temporum, aliorumque circumstantiarum habita ratione, quæ ad disciplinam spectant. Ex hac ergo parte ratio illa evanescit, ob quam Principum plurimum interesse Petrus de Marca dicit, ut disciplinæ decreta maturius expendant, antequam eorumdem executionem patiantur. Non solum autem Clericos, sed etiam Laicos iis decretis affici concedimus, quæ ad disciplinam spectant. Verum quotquot sunt undique Fideles fidei decretis afficiuntur: si ergo quia decreta, quæ circa disciplinam versantur, Clericorum, immo etiam sapissime Laicorum personas respiciunt, Principum plurimum interest, ut ea mature discutiant, antequam executionem illorum patiantur; multo potiori jure ob hanc eandem rationem Principum quam maxime intererit, ut fidei decreta discutiant, antequam executionem illorum patiantur. Fidei enim decreta nemo non tenere, & quidem semper, debet. Ob nova autem decreta disciplinæ civile regimen non perturbatur, aut quidquam ei juris detrahitur. Sunt enim illa pro temporum, locorum, & personarum conditione comparata ad informandos homines in iis, quæ ad Dei cultum referuntur. Per hoc autem fieri, ut in civili regimine aliqua perturbatio facile oriatur, vel ei aliquid juris adimatur, quisnam unquam dixerit? Quæ ergo novitas hujusmodi decretis introducit, politico regimini officere non potest, sicuti etiam

ea revera non officit, quam fidei decreta secum afferunt.

Non erat ergo, cur Petrus de Marca etiam lib. 6. cap. 22. num. 1. rem eandem urgeret, atque in comprobationem ejus id assumeret, quod sine aliqua sui contradictione non poterat. Nam lib. 2. cap. 10. num. 14. postquam mentionem fecit, a Constantino, Theodosio, & Marciano hæc Concilia, Nicænum, Constantinopolitanum, & Chalcedonense, confirmata fuisse, id referendum dicit ad executionem decretorum, quam Imperatores faciendam curarunt: quod sane auctoritate Facundi Hermaniensis recte confirmat, atque hac ratione certum limitem Regiæ Majestati præfigendum esse, non minus recte dicit. Attamen in hoc libro 6. cap. 22., semel ac constituit, confirmat onem Canonum disciplinæ decernendam esse a Principe *cum cognitione causæ*, statim num. 2. superaddit, *hanc veterem consuetudinem* probari edictis Constantini, Theodosii, & Marciani, qui confirmarunt decreta Concilii Nicæni, Constantinopolitani, Ephesini, Chalcedonensis, & Constantinopolitani sub Agapeto, & Mena. Ipso itaque sentiente & ad executionem decretorum confirmatio facta ab Imperatoribus referri debet, ut certus limes in his negotiis Regiæ auctoritati præfigatur, atque non trahamur ad eam adulationem, qua Græci totius disciplinæ Ecclesiasticæ summam suis Principibus deferrebant, & non ad executionem decretorum referatur oportet, sed ad confirmationem Canonum disciplinæ decernendam a Principe *cum cognitione causæ*. Nam hæc vetus consuetudo, sicuti ipse dicit, probatur edictis Constantini, Theodosii, & Marciani. Rursum: fidei Canones auctoritate Imperatorum confirmari non posse, ipse quoque assentitur. Nunc ergo ab eo quaero, utrum fidei Canones in Nicæno, Constantinopolitano, Ephesino, & Chalcedonensi Concilio editi fuerint? Quis id unquam negaverit? Igitur ea confirmatio, quam sua potestate Imperatores hisce Canonibus adjecerunt, etiam juxta ipsum veram confirmationem non erat, qua iisdem Canonibus aliquid auctoritatis superadderetur: erat quoque simul etiam juxta ipsum veram confirmationem, ob quam auctoritas ad obligandum super-

veni-

veniret Canonibus, quia ex ea vetus illa consuetudo ostenditur, sicuti ab eo præfertur, qua confirmatio Canonum disciplinæ decernenda est a Principe cum cognitione causæ. Manifestum ergo est, quod Petrus de Marca aliquo modo sibi contradicens tucatur, confirmationem proprie dictam quoad disciplinæ Canones tribuendam esse Principibus. Reliquæ, quæ in hanc rem affert, modo prosequamur.

Constantinopolitani Concilii, Œcumenici II., Patres, tum fidei definitionem a se editam, tum decreta ad Theodosium miserrunt, ut constat ex epistola *Synodica* ad eundem (1). Verum an ne ut quæ ipsi decreverant, Imperatoris auctoritate confirmarentur, suamque inde vim ad obligandum acciperent? "Rogamus igitur (inquiunt) tuam clementiam, ut per litteras quoque tuæ pietatis ratum habeatur Concilii decretum: ut sicut litteris, quibus nos convocasti; Ecclesiam honore prosequutus es, ita etiam finem eorum, quæ decreta sunt, obsignes". Nulla autem alia ratione obsignandus erat finis eorum, quæ decreta fuerant, quam eorumdem executione. In hanc ergo Imperator ut incumberet, Patres eum rogandum consueverunt, non vero ut quæ ipsi constituerant, sua ille auctoritate confirmaret. Etiam Petrus de Marca id concedere debet, semel ac ipse sibi consentire voluerit. Nam Macedoniana, Eunomiana, & Apollinaristarum hæresis in hoc Concilio damnata fuit, & contraria Catholica veritas asserta, atque definita (2); symbolum quoque editum, Constantinopolitanum propterea dictum, quod uti fidei tesseram semper Ecclesia recepit, atque in eo plura superaddita ad varias hæreses retundendas, quæ in Nicæno non habebantur (3). At, Petro de Marca consentiente, semel ac de fidei Canonibus agatur, non confirmatio eorum, sed executio spectat ad Imperatores: executionis ergo, non confirmationis Constantinopolitani Patres rationem habuerunt, dum Imperatorem rogarunt, ut finem illorum, quæ ipsi decreverant, obsignaret. Ex his autem

(1) Tom. 2. Concil. edit. Venet. colum. 1124. (2) Vide Christianum Lupum *Dissertat. De Synodo Constantinop.* cap. 2. (3) Vide Naldum ab Alexandro sec. 4. *Dissertat.* 37. art. 3.

tem iterum constat, quod de contradictione ipsius Petri de Marca supra dicebamus.

Aurelianensis I. Concilii Patres dum a se constituta, atque definita in epistola synodica ad Clodoveum retulerunt, ea quidem illius iudicio subiecere, atque ut confirmaret, eundem rogarunt; verum Patres Concilii Agathensis habiti sub eodem Clodoveo quinque annos ante Aurelianense I. hanc officii rationem cum Clodoveo non servant. Ultimo enim Canon hunc finem imponunt (1): "Et quia in nomine Domini omnibus salubriter constitutis, Synodus cum pace dimittitur, gratias Deo primum, & Domino nostro Regi agamus, orantes Divinam clementiam, ut hæc eadem facere, & docere per multos annos in honorem Domini possimus". Deinde vero subscriptiones sequuntur. An fortasse dicendum, Patres Synodi Agathensis suo erga Regem muneri defuisse? aut sibi tribuisse, quod non poterant? Aurelianensis ergo I. Concilii Patres plus, quam par erat, inde fortasse Regi tribuerunt, ut cum magis magisque accenderent ad promovendam observationem eorum, quæ ipsi decreverant. Illud sane certum est, non exemplum eorum, sed Agathensium Patrum, alios postea fuisse sequutos. Nam Arausicani II. Concilii Patres suorum decretorum confirmationem non a Childeberto, sed a Bonifacio II. petierunt (2). Aurelianensis II. Concilii Patres, nulla habita ratione confirmationis a Childeberto expetendæ, ita statuere (3): "Sane qui post hanc diligentissimam sanctionem non observaverint, quæ sunt superius comprehensa, reos se Divinitatis pariter, & fraternitatis iudicio futuros esse cognoscant". Eandem rationem, ut alios omittamus, etiam Patres III. Aurelianensis Concilii sequutos fuisse legimus (4).

Citati lib. 6. cap. 23. num. 1. etiam in Hispania a Regibus Concilia confirmata fuisse, Petrus de Marca contendit, excun-

(1) Apud Sirmondum tom. 1. Concil. Galliz an. Christi 506.

(2) Apud Sirmondum cit. tomo ad an. Christi 530. (3) Eodem tomo apud Sirmondum ad an. Christi 553. (4) Eodem tomo apud Sirmondum.

exemplumque Riccaredi Regis proponit. Eodem libro cap. 24. num. 2. & 3. tradit Concilium Liptinense a Carlomanno congregatum, & confirmatum, sicut etiam a Pipino fratre Carlomanni anno sequenti Concilium Sveffionense eodem modo convocatum, & confirmatum fuisse. Utrumque autem indè colligit, quia Carlomanni Liptinensia decreta, Pipini autem nomine Sveffionensia decreta edita legimus.

At Riccaredus illud quidem sua sanctione præcepit, ut quæ in Toletano III. Concilio decreta fuerant, servarentur; verum res definiendas Episcoporum judicio reliquit, voluitque, ut *immobili constitutione* ab iisdem firmarentur, quæ agenda essent, & quæ non agenda, *firmiori disciplina* prohiberentur. Suam enim ad Episcopos alloquutionem ita concludit (1): “ De cetero autem pro inhibendis insolentium, moribus, mea vobis consentiente clementia, sententiis terminare districtioribus; & firmiori disciplina, quæ facienda sunt, prohibere; & ea, quæ fieri debent, immobili constitutione firmate “. Quum vero quæ sunt immobili constitutione firmata, & firmiori disciplina constituta, eo sensu confirmari dicantur, ut eorum executio urgeatur; ideo Riccaredi confirmatio quoad decreta Concilii Tolertani III. ad quamdam executionem eorundem referri debet.

Acta Synodi Liptinensis, & Sveffionensis Papebrochius in *Propyleo Antiquario* ad Tom. 2. mensis Aprilis par. 1. num. 30. fictitia esse putavit, quia Principem laicum, sicut ipse inquit, “ Faciunt conventui Ecclesiastico præsidere, eaque ordinare, quæ disciplinam, & correctionem Cleri, ac Monachatus concernunt “. Verum nimis multa sunt, quæ de veritate horum Actorum dubitare non sinunt, ut Mabillonius *De Re Diplomatica* lib. 2. cap. 25. num. 11., & Pagius ad an. Christi 744. num. 7. animadvertit. Est ergo primo attendendum, Reges in Conciliis non præfuisse judiciis, sed *ordini judiciorum*, sicuti etiam Petrus de Marca lib. 6. cap. 25. num. 7. concedit. Hinc est, ut Liptinensi Concilio S. Bonifacius præfue-

(1) Tom. 6. Concil. edit. Venet. colum. 704

fuerit (1), quamvis etiam Carlomannus ei præfuisse legatur. Sicuti autem Imperatores Conciliis Œcumenicis eo titulo honoris aliquando præfuerunt, ut constituerint, quæ in iisdem discutienda, & decernenda forent (2); ita etiam eandem prærogativam dignitatis Reges in Conciliis Nationalibus habere potuerunt. Ad hanc autem prærogativam referri debent, quæ in Liptinensi, & Sveffionensi Concilio Carlomannus, & Pipinus constituisse dicuntur. Horum ergo duorum Conciliorum Acta vera, & genuina esse, non erat, cur Papebrochius negaret.

Carlomanni quidem nomine Liptinensia, Pipini autem Sveffionensia decreta edita fuerunt; vera id referri debet ad quemdam honorem, quem Patres illis Principibus detulerint, non vero ad confirmationem proprie dictam, ob quam decreta Conciliorum, quam non habebant, auctoritatem acquisiverint. Nam Carlomannus in Præfatione Concilii Liptinensis Episcopos, & eorum Presbyteros se in unum simul congregasse dicit, ut sibi consilium darent (3), „ Quomodo lex Dei, „ & Ecclesiastica religio recuperetur, quæ in diebus præteritorum Principum dissipata corruit “. Zacharias autem Papa epistola 3. ad Francos, & Gallos (4), affirmat Synodum congregatam juxta suam *commonitionem* a Principibus Pipino, & Carlomanno, *peragente* etiam in ea *vicem suam* Bonifacio. In Sveffionensi autem Concilio canone 10. decretum latum fuisse dicitur non a Pipino, sed a 23. Episcopis cum aliis Sacerdotibus, & Servis Dei (5). Cujusdam ergo tantum causa honoris, vel etiam ut promptius executioni mandarentur, quæ constituerant, Patres passi fuere, ut sua decreta Carlomanni, & Pipini nomine ederentur.

In Synodo Constantinopolitana sub Mena anno Christi 536. habita multa occurrunt, quæ contra Petrum de Marca faciunt, nihil vero, ex quo colligi possit, quod ipse vel

Tom. III.

S

let.

(1) Vid. epist. 3. Zachariæ ad Francos, & Gallos, & epist. 14. ad Bonifacium Archiepiscopum apud Sirmondum tom. 1. Concil. Galliæ ad an. Christi 743. & 751. (2) Superiore cap. §. 5. (3) Apud Sirmondum tom. 1. Concil. Galliæ ad an. Christi 743. (4) Cit. loco.

(5) Apud Sirmondum cit. tomo ad an. Christi 744.

let. Non negamus ergo post condemnationem Anthimi, qui in Sedem Constantinopolitanam irreperat, *Actione IV.* (1) eos, qui de Oriente erant, & nonnullos alios Episcopos, sicut etiam Monachos, & Clericos a Mena petiisse, ut Petrum, Zoaram, & Severum anathematizaret, eisque Menam ita respondisse: " Putamus charitatem vestram non ignorare vobis, & zelum pii Imperatoris nostri, quem habet ad orthodoxam fidem nostram, & nihil eorum, quæ in Sanctissima Ecclesia moventur, convenit fieri præter opinionem, & jussu ejus. Rogamus itaque vestram charitatem in præsentiarum quiescere, & nos tempus accipiemus adducere ad ipsas suas aures ea, quæ a vobis exclamata fuerunt. Verum aliud est Imperatorem, Patribus aliquando ea determinasse, de quibus ipsi simul uniti agerent, aliud vero semel definita a Patribus sua auctoritate confirmasse. Illud factum fuisse legimus, & quidem citra ullam usurpationem ejus potestatis, quæ Summis Pontificibus, atque Episcopis solummodo convenit (2): istud autem neque factum, neque fieri posse novimus, semel ac Imperatores Episcopis, dum suo munere, & auctoritate funguntur, præesse nolumus. Quapropter mirandum non est, si Menas, ut Imperatori complaceret, nihil aliud præter id, quod Imperator ipse proposuerat, a Patribus discutiendum censuit, & tunc solum consensit, ut in Concilio de Petro, Zoara, & Severo judicium institueretur, quando Imperatori id placere intellexit. Est tamen advertendum, Menam, dum repugnavit de Petro, Zoara, & Severo in Concilio judicium fieri, ne plus quam par erat, in hoc negotio Imperatori tribuere videretur, se in causa illorum stare judicio Apostolicæ Sedis hisce verbis declarasse: " Nos enim, sicut scit vestra charitas, Apostolicam Sedem sequimur, & obedimus: ipsius communicatores habemus, & condemnatos ab ipsa & nos condemnamus. Quod ergo nullo modo debet, ex iis, quæ in hoc negotio Mena gessit, Petrus de Marca colligit.

Id

(1) Tom. 3. Concil. edit. Vener. colum. 1055. (2) Præced. §. 3. & seqq.

Id autem magis magisque constat ex *Sacra* Justiniani, habito Concilio, edita contra Anthimum, Severum, Petrum, & Zoaram. Ita ergo Justinianus in illius initio habet (1): "Rem non insolitam imperio & nos facientes ad
 „ præsentem venimus legem. Quoties enim Sacerdotum sententia quosdam indignos Sacerdotio de sacris sedibus deposuit toties imperium ejusdem sententiæ, & ordinationis cum Sacerdotum auctoritate fuit. Sicque Divina, & humana pariter concurrentia unam consonantiam rectis, sentiis facere". Postea vero sententiam in Anthimum, Severum, Petrum, & Zoaram in Concilium latam confirmat indicendo illis, ut a regia civitate, & confinibus illius exularent: "Hæc (superaddit) pro communi pace Sanctissimarum Ecclesiarum statuimus, hæc decernimus, sequentes
 „ Sanctorum Patrum dogmata, ut omne Sacerdotium imperturbatum de cetero nobis maneat". Hæc vero omnia ostendunt, sententiam Imperatoris niti decreto a Patribus jam facto, hujusque executionem ab ea urgeri etiam institutione poenarum, atque Imperatorem sequi dogmata Sanctorum Patrum, non vero sua confirmatione efficere, ut ea auctoritatem habeant.

Fatemur autem, nonnulla eorum, quæ Patres in V. Parisiensi Concilio constituerant, mutata a Clotario in eo edito fuisse, quod post habitam Synodum edidit. At quamvis ex jure aliquid recte factum fuisse deducatur, non tamen ex facto jus inferendum est: alioquin etiam quæ præter omnem rationem facta fuerunt, æquo jure facta fuisse, contendere posset. Quod ergo hac in re Clotarius fecit, æquo jure eum fecisse, ostendendum erat. Verum hac in re Clotarium regulas juris prætergressum non fuisse, defendi potest. Nam suam deliberationem Clotarius edidit in *Synodali Concilio* una cum Episcopis, Optimatibus, atque aliis Fidelibus (2): "Qui-
 „ cumque vero (inquit) hanc deliberationem, quam cum Pontificibus, vel tam magnis viris Optimatibus, aut Fide-
 S 2 „ libus

(1) Tom. 5. Concil. edit. Venet. colum. 1239 (2) Apud Sirmondum tom. 1. Concil. Galliarum ad an. Christi 615.

„ libus nostris in Synodali Concilio instituimus , temerare
 „ præsumpserit , in ipsum capitali sententia judicetur “ .
 Cur ergo non dicendum , quod erat in Parisiensi V. Concilio
 constitutum a Patribus , subinde ab aliis Patribus sublatum
 fuisse , Clotariumque , quod isti decreverunt , non vero quod
 illi , mandasse , ut servaretur ?

§. IX. Patres Conciliorum Œcumenicorum talem confir-
 mationem suorum decretorum ab Imperatoribus petierunt ,
 ipsique Imperatores promulgarunt , quæ ad executionem
 eorumdem decretorum referretur , quemadmodum ex Conci-
 lio Nicæno Œcumenico I. novimus .

De hoc ergo , quod modo volumus , auctoritate Nicæ-
 ni Concilii in isto §. agimus , in sequentibus autem de aucto-
 ritate aliorum Conciliorum Œcumenicorum usque ad octa-
 vum . Hæc ergo apud Gelasium Gizycenum leguntur in *Hist.
 Concil. Nicæni* lib. 2. cap. 26. “ Referuntur igitur ad piū ,
 „ & illustrissimum Imperatorem quæcumque a Synodo fue-
 „ rant judicata , & sententia contra Dei hostes lata , & or-
 „ thodoxæ fidei expositio : quam ut divinitus oblatam liben-
 „ ter , & magna cum reverentia excepit , hostes autem ejus ,
 „ tanquam Deo adversantes , exilio multandos censuit “ .
 Hinc est , ut , a Concilio lata semel sententia contra Arium ,
 & fidei Symbolo constituto , hæc ad Episcopos , & populos
 Constantinus scripserit apud Gelasium citato libro cap. 36.
 „ Si quod autem scriptum ab Ario compositum reperiatur ,
 „ igni tradatur , ut non modo improba ejus doctrina tolla-
 „ tur ; verum etiam ne monumentum quidem ejus aliquod
 „ relinquatur . Illud equidem prædictum volo ; si quis libel-
 „ lum aliquem ab Ario conscriptum occultasse deprehensus
 „ sit , nec continuo prolatum igne absumpserit , morte mul-
 „ tabitur . Illico namque in tali crimine deprehensus poenam
 „ capitis luet “ . In hisce autem omnibus , quæ apud Gela-
 sium leguntur , illud observatione dignum occurrit , Patres
 tum judicium contra Arium a se jam prolatum , tum exposi-
 tionem fidei factam Imperatori obtulisse uti rem jam finitam ,
 de qua amplius ultra querendum non esset : Imperatorem vero

magna

magna cum reverentia excepisse, quod definitum a Patribus sibi offerebatur, & contradicentes exilio multandos mandasse, atque decrevisse, ut Arii libri comburerentur, punirenturque poena mortis, qui ejusdem librum aliquem occultarent. Ex iis ergo, quæ tum a Patribus, tum ab Imperatore gesta fuisse legimus, constat Patres, quæ decreverant, eo, quo nos contendimus, genere confirmationis a Constantino comprobari voluisse, ipsumque Constantinum revera rata habuisse.

§. X. Hoc genus confirmationis, etiam Synodi Constantinopolitanæ, Œcumenicæ II., Patres ab Imperatore petierunt.

Dum hujus Synodi Patres de iis, quæ a se decreta fuerant, Imperatorem certiore faciant, una simul eundem rogant, in id anniti, ut suum ea finem consequantur (1): „ Rogamus igitur (inquiunt) clementiam tuam, ut per litteras quoque tuæ pietatis ratum habeatur Concilii decretum: ut sicut litteris, quibus nos convocasti, Ecclesiam honore prosequutus es; ita etiam finem eorum, quæ decreta sunt, obsignes“. Finis ergo eorum, quæ decreverant, ille sane erat, quem Patres auctoritate Imperatoris obsignatum volebant. Hoc autem tum profecto habebatur, semel ac Imperator executionem decretorum sua auctoritate urgeret, ac propterea hoc genus confirmationis Patres ab Imperatore petierunt.

§. XI. Confirmationem, quæ respicit executionem decretorum, etiam Patres Ephesinæ Synodi, Œcumenicæ III., ab Imperatore petierunt.

Hujus Synodi Patres dum in *Actione I.* Nestorium condemnasse, Imperatorem certiore faciant, simul eundem obsecrant, ut universam Nestorii doctrinam a Sanctissimis Ecclesiis sua auctoritate amoveri faciat, & comburi libros ubicumque locorum repertos (2): inquiunt enim: „ Vestram, itaque majestatem iterum, atque iterum rogatam cupimus, „ ut

(1) Tom. 2. Concil. edit. Venet. column. 1124. (2) Tom. 3. Concil. ejusdem edit. column. 1102.

„ ut universam illius doctrinam e Sanctissimis Ecclesiis sub-
 „ moveri, ejusdemque libros ubicumque locorum repertos
 „ flammis tradi jubeat, per quos Dei gratiam, propter suam
 „ in nos benignitatem hominis facti, abolere contendit,
 „ quam ille non benignitatem, sed Divinitatis ignominiam
 „ censuit. Quod si quis vestras sanctiones spreverit, ille
 „ vestræ dominationis indignationem formidet. Sic enim
 „ Apostolica fides per vestram pietatem munita persistet illa-
 „ sa“. Clarius ne manifestare poterant, quam tandem sui
 „ judicii confirmationem ab Imperatore postularent? *Actione V.*
 „ Joannem Antiochenum una cum ejus aëclis a Catholica
 „ communione excluderunt, quæque in conciliabulo habito
 „ cum suis contra Cyrillum, & Memnonem ab illo statuta fue-
 „ rant, irrita esse declararunt. De his ergo a se constitutis ita
 „ ad Imperatorem habent (1): „ Quæ igitur constituta sunt, ad
 „ vestram pietatem necessario præscripsimus; quam obnixè
 „ quoque rogamus, ne hominum criminibus obnoxiorum
 „ conventiculum Synodus esse jubeatur. . . . Verum jubeat,
 „ ut ea, quæ a Sancta, & Œcumenica Synodo ad pietatis
 „ præsidium contra Nestorium, impiamque ejus doctrinam
 „ sancita sunt, vim suam obtineant, accedente ad robur eo-
 „ rum nutu, & consensu pietatis vestræ“. De eadem re Pa-
 „ tres in altera sua epistola ad Imperatorem iterum rogarunt,
 „ petieruntque; ut quæ per dolum, & fallaciam contra
 „ Cyrillum, atque Memnonem gesta fuerant, irrita esse
 „ juberet, quum ea *nullam vim ex Sacris Canonibus* obtine-
 „ rent (2). Preces ergo Patrum ad Imperatorem eo semper
 „ tendunt, ut quæ ipsi decreverant, sua ille potestate exequu-
 „ tionis mandari jubeat. Id vero præstitit Imperator, dum, de-
 „ tectis fallaciis, Synodum ab eis canonico ordine habitam
 „ fuisse perspexit (3): „ Quare quum Nestorius (ita Imperator
 „ in decreto missò ad Isidorum Præfectum Prætoriorum) Ca-
 „ tholicæ Ecclesiæ quondam Sacerdos, nunc vero fidei pro-
 „ ditor, tantorum scelerum mole oppressus teneatur; neces-
 „ sarium

(1) Cit. tomo colum. 1187. (2) Cit. tomo colum. 1318. (3) Cit.
 tomo colum. 1578.

„ farium est , ut nostræ serenitatis sententiæ subjiciatur
 „ Tua proinde celebris dominatio hac pragmatica sanctione ,
 „ sive peculiari auctoritate ostensa , prædictum Nestorium ob
 „ admissam a se impietatem in perpetuum exilium petras de-
 „ portari jubeat , omniaque illius bona Ecclesiæ Constantino-
 „ politanæ addicat “. Hæc sane ultima confirmatio fuit , qua
 Imperator decreta Concilii Ephesini executioni demandari
 jussit .

§. XII. Quod ex Ephesino , idem etiam ex Synodo Chal-
 cedonensi , Œcumenica IV. , constat .

Postquam Patres , ut multa alia prætereamus , in *Alloquu-*
tione habita ad Marcianum plura retulerunt de ea fide , quam
 contra hæreticorum errores exposuerant , ita Imperatores ad-
 hortantur (1) : “ Sed , o vos Christi amantes , & imperio su-
 „ perno nutu vobis concessio dignissimi , compensate ei fidem ,
 „ qui beneficia tanta concessit ; studioque circa purissimam
 „ confessionem , pro concessis honoribus præstantiam vestræ
 „ devotionis ostendite , malignorum quidem molimina refræ-
 „ nantes , omnibus vero piæ confessionis declarantes in uni-
 „ tate concordiam , ac velut signaculum sacræ doctrinæ , Con-
 „ cilio hujus a vobis congregati prædicationem Petri sedis
 „ auctoritate roborantes “. Quo tendant preces Patrum ,
 etiam me tacente , nemo non videt . Quid conformiter ad
 eas Marcianus egerit , nunc attendamus . In eo sane edicto ,
 quod Constantinopoli promulgavit , aliquam amplius de reli-
 gione quæstionem haberi prohibuit , atque pœnæ subjecit il-
 los , qui id facere auderent , quum nihil esset amplius ultra
 post ea quærendum , quæ in Synodo Chalcedonensi definita
 fuerant (2) : “ Iterata (inquit) hac sancientes nostræ clemen-
 „ tiæ jussione , ut in futurum a prohibitis omnes abstineant ,
 „ nec conventicula colligant super religione certantes : quia
 „ in hujusmodi perversitate , & vanitate detecti , & statutas
 „ dudum suscipient pœnas , & judiciario motu , prout reli-
 „ giosis temporibus convenit , punientur . Oportet enim .
 „ Chal-

(1) Tom. 4. Concil. cit. edit. colum. 1767. (2) Cit. tomo co-
 lum. 1786.

„ Chalcedonensem Synodum sequi, in qua omnibus diligen-
 „ ter quæsitis, ea definita sunt, quæ pridem tres prædicti
 „ cœtus, Apostolicam fidem sequuti, omnibus observanda
 „ tradiderunt“. Pœnæ autem in altero præcedenti edi-
 „ cto constitutæ hæ erant (1): „ Igitur si Clericus erit, qui pu-
 „ blice de religione tractare ausus fuerit; a Consortio Cleri-
 „ corum removebitur: si vero militia præditus sit; cingulo
 „ spoliabitur: ceteri autem hujus criminis rei de hac regia-
 „ urbe pellentur, pro vigore judiciario etiam competentibus
 „ suppliciis subjugandi“. Imperator ergo Synodum Chalce-
 „ donensem ea ratione confirmavit, ut sua auctoritate, atque
 „ potestate quam maxime contenderit, decreta illius exequutio-
 „ ni mandari.

§. XIII. Idem quod ex præcedentibus ex VI. Œcumenica Synodo, Constantinopolitana III., perspectum est.

De V. Œcumenica Synodo non est, cur verba faciamus: eam enim, quamvis in se spectata revera non esset, uti Œcumenicam auctoritate Romanorum Pontificum, eorumdemque confirmatione habitam subinde fuisse, jam monuimus (2). Ex sermone itaque *Prophœtico* Patrum Synodi VI. ad Imperatorem Constantinum est de eo perspectum, quod nos modo volumus. In hoc itaque sermone, postquam veræ orthodoxæque fidei juxta decreta Summorum Pontificum, præcedentiumque Conciliorum rationem exposuerunt, ita Imperatorem alloquuntur (3): „ Sed, o benignissime Domine, & amator
 „ justitiæ, ei, qui tibi potentiam largitus est, hanc gratiam.
 „ recompensa: & his, quæ a nobis definita sunt, signaculum
 „ tribue, vestram in scripto imperialem ratihabitionem, &
 „ per edicta divalia, atque per pias constitutiones, ex more
 „ eorum omnium firmitatem, quatenus nullus his, quæ gesta
 „ sunt, aut contradicat, novamque quæstionem machine-
 „ tur“. Sua ergo potestate, ut Imperator ageret, ne quis-
 „ piam contradiceret iis, quæ a se definita fuerant, hoc vero
 „ est, quod Patres ab eo quærebant, atque hac de causa vole-
 „ bant,

(1) Cit. tomo colum. 1782. (2) Hujus lib. cap. 1. §. 10.

(3) Tom. 7. Concil. edit. Venet. colum. 1091.

bant, ut, lata lege, a se decreta confirmaret. Votis eorum annuit Imperator, atque hoc dum fecit, petitionem Patrum eo spectasse, ut Imperator sua auctoritate urgeret exequutionem decretorum a se editorum, magis magisque declaravit. Nam in edicto, quod affigi iussit in tertio atrio magnæ Ecclesiæ, facta commemoratione eorum, quæ tam juxta hujus, quam quinque præcedentium Synodorum decreta unusquisque orthodoxus credere, firmiterque tenere debet, in fine illius ita statuit (1): " Si quis igitur Christi amator est, & meruit Dominum, optatamque salutem desiderat, hanc fidem orthodoxam teneat. Nec enim est per aliam fidem, savori. Si quis vero hominum personis gratiam exhibet, charitatis autem in Deum se æmulatorem non demonstret, præsentemque nostram piam constitutionem non recipit; si quidem Episcopus est, vel Clericus, aut Monachico circumdatus est habitu, deportationis poenam exsolvet (2). Si vero in ordine dignitatum insertus est, supplicio proscriptionis multabitur, eique cingulum adimetur. Si autem idioticæ fortis est, ex hac regia, omnique penitus nostræ civitate extorris addicetur: & super hæc omnia etiam terribilis, atque inexpiabilis iudicii non effugiet cruciatum, Quemadmodum ergo eum Patres rogaverant, in id Imperator suam auctoritatem, atque potestatem impendit, ut executioni mandarentur, quæ a Patribus definita fuerant, atque ut hoc facilius assequeretur, certas poenas iis infligendas constituit, qui Patrum definitioni sese submittere recusarent.

§. XIV. Etiam ex Actis Synodi Nicænæ II., Œcumenicæ VII., constat, ab Imperatoribus decreta Ecclesiastica inde confirmata fuisse, quia sua auctoritate in executionem eorum incubuerunt.

Hadrianus ea in epistola, quam ad Imperatores dedit, quamque Synodi VII. Patres una cum altera missa ab eodem Pontifice ad Tarasium Patriarcham Constantinopolitanum, uti

Tom. III.

T

suz

(1) Cir. tomo colum. 1135. (2) Poenam sancitam a Patribus Concilii A& 18. contra Episcopos, & Clericos, qui suis definitionibus resisterint, Imperator omnibus denunciavit.

suæ fidei normam sequuti fuerunt, eis primo quidem exposuit, quid de sacris Imaginibus fides orthodoxa doceret, deinde ut illos moneret, hujus dogmatis non judices, sed exequutores esse debere, orando, & deprecando constituit, ut sacras Imagines in pristinum statum restitui facerent (1): „Tamquam præsentialiter humi prostratus (inquit), & vestris Deo dilectis vestigiis provolutus, quaeso, & coram Deo deprecor, & adjuro, ut easdem sacratissimas Imagines in ipsa a Deo conservata regia urbe, & ceteris Græciæ partibus in pristinum statum restituere, & confirmare jubeatis, observantes traditionem hujus Sacrosanctæ nostræ Romanæ Ecclesiæ, abjicientes, & respicientes iniquorum, atque hæreticorum calliditates“. Tarasius vero Patriarcha Constantinopolitanus, omnesque Synodi Patres in epistola ad Imperatores Spiritus Sancti operatione, & paternis, atque Ecclesiasticis traditionibus munitos, anathema iis se dixisse dicunt, qui aliter, ac ipsi exposuerant, de sacris Imaginibus sentirent (2): „Quisquis (inquiunt) sic se non habuerit, sed disceperit, vel etiam clanguerit erga venerabilium Imaginum adorationem; hunc anathematizat sancta nostra, & universalis Synodus, quæ munita est Divina Spiritus Sancti operatione, ac paternis, & Ecclesiasticis traditionibus“. Patres ergo post suam definitionem nihil amplius desiderari posse, propter quod suis decretis unusquisque præstare fidem deberet, Imperatoribus denunciant, ac propterea id unum tantum pones eos reliquum esse simul ostendunt, ut curent, quemadmodum ab Hadriano moniti fuerant, executioni mandari, quæ decreta fuerant.

§. XV. Habemus tandem Concilii Constantinopolitani IV., Œcumenici VIII., auctoritate confirmatum, quod alia priora Œcumenica Concilia hac de re tradiderunt.

Qua itaque ratione sese gesserint Imperatores in hujus Concilii confirmatione, nunc videamus: ex ea enim perspicua fiet, quamnam ejus decreta confirmandi auctoritatem

sibi

(1) Tom. 8. Concil. ejusdem edit. colum. 762. (2) Cit. tomo colum. 1234.

sibi tribuerint . Hac de re ex ea epistola constat , quam per-
 acto Concilio , ad omnes Sedes Patriarchales Imperatores mi-
 serunt . In hac ergo Basilius , Constantius , & Leo Imperato-
 res postquam suæ lætitiæ argumenta manifesta præferulerunt ,
 quia pax Ecclesiæ restituta foret , ita habent (1) : “ Incorr-
 » ptæ enim columnæ Ecclesiarum , Sanctissimi videlicet Sum-
 » mi Pontifices senioris Romæ multo ante arripientes labo-
 » rem pro Ecclesiastica ordinatione debitam facultatem no-
 » stris contulerunt negotiis , ita ut honoratissimi Vicarii San-
 » ctæ Romanæ Ecclesiæ , cum reverendissimo loci Servatore
 » Sanctitatis tuæ , & aliarum Patriarchalium Sedium , Dei gra-
 » tia , & cooperatione facilius evellerent nequitix zizania
 » Nam condemnationis dignos , & turbationis auctores cum
 » horum acephalo capite regulariter , atque synodice irre-
 » prehensibili iudicio condemnaverunt , & reprobaverunt : ei
 » autem , qui patenter injustitiam passus est , legitimo scilicet
 » Summo Sacerdoti , & iis , qui circa ipsum sunt , de-
 » creverunt , & contulerunt triumphum . Subtilitatem præ-
 » terea eorum , quæ acta sunt in superius declarata sancta ,
 » & universali Synodo Sanctitati tuæ expressius exhibebit ge-
 » storum ejusdem Synodi series . Gratias ergo agentes Omni-
 » potenti Deo pro Ecclesiastica constitutione , ac idonea Sy-
 » nodi terminatione , beatificantesque , & suscipientes sinceram
 » nobis a Christo Deo collatam Divinorum Canonum
 » custodiam &c. “ Ejus ergo , quod in Concilio peractum
 fuerat , a Summis Pontificibus facultatem tributam Imperato-
 res affirmant : decreta Concilii *irreprehensibili iudicio* edita
 tradunt : ex Actis cogniturum unumquemque Patriarcham
 monent ejusdem Concilii decreta : gratias Deo agunt & de
Ecclesiastica constitutione , & de idonea Synodo terminatione : tan-
 dem æquo animo suscipiunt *sibi a Deo collatam Divinorum Ca-*
nonum custodiam . Hæc vero omnia illud sane demon- strant , in
 eo sibi tribuisse Imperatores auctoritatem confirmandi Ca-
 nones , ut eorum custodiam sibi a Deo demandatam agnove-
 rint , ac propterea ad se spectare viderint , sua potestate effi-

T 2

cire,

(1) Tomo 10. Concil. ejusdem edit. colum. 675.

cire, ut exequutioni mandarentur, quæ essent in Conciliis Œcumenicis constituta.

§. XVI. Decretorum quoque Concilii Œcumenici confirmatio, quæ in assensione consistit, ab Episcopis singulariter, Clero, & Catholica plebe haberi potest.

Hoc genus confirmationis spectare ad subditos, dum, quod debent, obedientiæ obsequium præstant, & latissimo quodam modo confirmationem vocari posse, jam animadvertimus (1). Episcoporum ergo est decreta Conciliorum Œcumenicorum, iisdem assentiendo, confirmare, atque ita ut Ecclesiæ Doctores ipsius Ecclesiæ doctrinam publice profiteri, eamque suis ovis sequendam proponere. Hac vero de causa Synodum Chalcedonensem numero, auctoritate, & consensione Patrum celeberrimam, ut subscriptione omnium Orientalium Episcoporum confirmaretur, Leonem Imperatorem curasse apud Facundum Hermianensem *Pro defensione trium Capitulorum Concilii Chalcedonensis* lib. 12. cap. 3. legimus. Quod sane illi fecerunt, dicentes: "Neque jota, vel unum apicem possumus aut commovere, aut commutare eorum, quæ apud illam definita sunt". Triginta septem epistolæ datæ ab Episcopis in confirmationem Concilii Chalcedonensis in parte 3. ejusdem Concilii leguntur. Episcopi quoque Hispaniarum a Leone II. quæsi VI. Œcumenicæ Synodi auctoritatem in Concilio Toletano XIV. cap. 3. hisce verbis confirmarunt (2): "Licet in unum generaliter colligi per idem, tempus Hispanorum omnium Præsulum societas nequivisset, sparsis tamen sedibus, atque locis, præfatas gestorum regulas pertractandas suscepimus, susceptas perlegimus, approbantes in his, de utrarumque Jesu Christi Filii Dei naturarum, qua gemina in eo voluntas, & operatio prædicatur, recti dogmatis sensum, inculpandæ disputationis editum, Apostolicæ traditionis stylum". Qua autem ratione Leo II. Hispaniæ Episcopos monuit; ut quæ in VI. Synodo decreta fuerant, consentiendo confirmarent, idem ab Episcopo-

(1) Hujus cap. §. 1. & 4. (2) Tom. 7. Concil. edit. Venet. col. 1490.

scopis Gallix Martinus I. petiit quoad hæresim Monothelitarum, quæ in Synodo Lateranensi *Apostolico mucrone*, & *Patrum definitionibus uno ore, unoque spiritu* condemnata fuerat (1): “ Idcirco (inquit Summus Pontifex) studeat fraternitas tua omnibus eadem innotescere, ut tam abominandam hæresim nobiscum execrentur, & Synodali conventionione, scripta una cum suscriptionibus veltris, nobismet destinanda concelebrent, confirmantes, atque consentientes eis, quæ pro orthodoxa fide statuta sunt “. Hæc autem Concilia Episcoporum ea confirmatione profecto non indigebant, qua iisdem ad obligandum auctoritas conciliaretur. Uti enim recte habet Thomassinus *Dissertatione 6. in Synodum Constantinopolitanam* num. 7. “ An Chalcedonenſis Synodus a sexcentis amplius Episcopis habita, a Leone Papa confirmata, Occidenti, Orientique universo approbata, in suspendio tamen adhuc per aliquot annos fuit, donec Leo Imperator Orientalium Episcoporum novis sejunctim suscriptionibus confirmari curaret. Cui nisi vehementer insano tam delira in mentem venient? Quæ enim posthac Synodus Œcumenica non nutabit, si retractari a posteris, si novis semper suffragiorum corrogationibus confirmari indigeat? Idem de VI. Synodo, & aliis id genus pronuncian- dum. Ergo peractæ semel Synodo ceteri per orbem Episcopi suæ magis confessionis, quam approbationis, vel confirmationis testimonium subscribebant “. Id vero constat ex ipsis suscriptionibus Episcoporum, quibus decreta Synodi Chalcedonenſis se amplecti protestati fuere (2): profitentur enim iisdem decretis nihil addi, aut demi posse, eorumque discutiendorum nullum locum esse. Hinc Leo II. in epistola 2. ad Episcopos Gallix eosdem monet, ut VI. Synodo subscribant, non quidem ut illi auctoritatem adjiciant, sed ut sibi consulant (3): “ Ab omnibus reverendis Episcopis (inquit) una vobiscum suscriptiones in eadem definitione ”

” VC.

(1) Cit. tomo colum. 391. epist. ad Amandum Episcopum Trajectensem. (2) Vide Facundum supra citatum. (3) Tom. 3. Concil. edit. Vener. colum. 1456.

» venerandi Concilii subnectantur, ac sit profecto in libro
 » vitæ properans unusquisque Christi Ecclesiarum Antistes
 » suum nomen adscribere; ut in unius Evangelicæ, & Apo-
 » stolicæ fidei consonantia, nobiscum, & cum universali
 » sancta Synodo per suæ subscriptionis confessionem, tam-
 » quam præsens spiritu conveniat: quatenus Christo quum-
 » ad judicandum venerit, cum titulo orthodoxæ confessionis
 » occurrens, confortem se traditionis Apostolicæ per manus
 » suæ demonstraret signaculum“. Ad eundem modum etiam
 Martinus I. quæ *Apostolico mucrone*, & *Patrum definitionibus*
uno ore, *unoque spiritu* condemnata fuerant, vult Galliæ Præ-
 sulibus innotescere, non quidem ut ea expendant, sed ut tam
 abominandam hæresim execrentur, atque hujus rei subscri-
 ptiones ad se mittant (1). Est igitur semper magis magisque
 manifestum, sicuti inquit Thomassinus, peractæ semel Syno-
 do ceteros per orbem Episcopos suæ magis confessionis, quam
 approbationis, vel confirmationis testimonium subscripsisse,
 ac propterea decretorum quoque Œcumenici Concilii eam
 confirmationem iisdem tribuendam, quæ in assensione consistit.

Hujusmodi autem confirmatio spectat etiam ad Clerum,
 & Laicos. Ab Evagrio enim *Histor. Ecclesiast.* lib. 2. cap. 9.
 & 10. traditum habemus, Leonem Imperatorem, ut magis
 magisque eos refelleret, qui Chalcedonensi Concilio contra-
 dicebant, pro confirmatione ejus scripsisse non solum ad Epi-
 scopos, sed etiam ad Monachos, & præ ceteris ad Simeonem
 Stylitam, qui quidem rescripsit, se *confirmatum* in fide aucto-
 ritate Patrum Chalcedonensium. Joannes II. in epist. ad Sen-
 atores (2), in qua fidem de Christi Divinitate, & Incarna-
 tione confirmat, Monachosque Nestorii sectatores vitandos
 monet, ita habet: “Olim quidem illustres, & magnifici fi-
 » lii, ab hoc sententiæ meæ summa constiterat, ut ante jus-
 » sionem vestram, postquam epistolæ, vel dogmatis tenorem
 » cuncta Ecclesia, hoc est, Sacerdotum, Senatus, & populi
 » probavit adensus, sub paginali alloquio vestris etiam sensi-
 » bus

(1) Vide locum ejus supra. (2) Tom. 5. Concil. edit. Venet. co-
 lum. 896.

„bus intimanda dirigerem“. Non solum ergo Episcoporum, sed etiam Monachorum, immo & Laicorum confessio, atque expressa quoque subscriptio requirita fuit, non quidem ad confirmationem, sed ad confessionem decretorum jam editorum etiam ab Œcumenicis Conciliis, illaque etiam confirmationis aliquam imaginem præferebat. „Hæc est enim, Ecclesia Catholica (inquit Thomassinus in citata Dissertatione num. 8.) toto orbe diffusa, hoc semen Abraham stellis cœli, & arenis pelagi numerosius, huic Christus inconcusam stabilitatem, puramque ab errorum sordibus fidem, pollicitus est. Ergo consensus ille Ecclesiæ Catholicæ explicatissimus, & a Monachis etiam, Laicisque veluti ad redundantiam quamdam veritatis elicitus, non aspernandæ confirmationis instar habet. Ita Chrysostomus adversus quartodecimanorum reliquias supra urgebat consensum orbis universi. Ita Leo Imperator per sanctissimorum etiam Monachorum subscriptiones sperabat suffundi posse Chalcedonenſis Synodi allatratores“. Unde post nonnulla alia, quem in rem eandem in medium adducit, hoc recte colligit: „Ita ergo confirmatur, & authoratur fides ab iis, qui authoritatis expertes quum sint, contestantur tamen hanc esse avitam, & sibi a majoribus instillatam fidem“.

Non erat ergo sane cur Bossuetius *Defensionis &c.* lib. 8., alias 13., cap. 2., ut vim, & auctoritatem confirmationis absolute elevarer, atque ostenderet, *ex approbatione, confirmatione, corroboracione etiam validissima, quantaque verbis exprimi potest, inferri non posse superiorem potestatem*, plura ex Ecclesiastica Historia deprompta in medium adduceret, atque inter illa etiam nonnulla eorum, quorum nos mentionem modo fecimus, quibus compertum habemus, a potestate cum ea æquali a qua condita erant, aliquando jam antea decreta confirmata fuisse, & quandoque etiam a minori. Nam confirmatio, quæ ab æquali potestate proficiscitur, ac illa sit, a qua decreta prodierunt, dici quidem aliqua ratione eorundem decretorum confirmatio potest, ad id tamen ipsa non-

ten-

tendit (1) : quæ autem ab inferiori potestate prodit , in quodam debita obedientiæ obsequio revera consistit , quamvis latissimo quodam sensu etiam in hujusmodi obsequio , quædam confirmatio contineatur (2) , eamque etiam ad Episcopos singulariter , Clerum , & Catholicam plebem pertinere posse , modo ostendimus . Quæ est ergo confirmatio proprie dicta , quaque sit , ut lex , vel decreta plenam auctoritatem acquirant , ultimumque complementum quoad vim obligandi assequantur (3) , ea profecto in confirmante superiorem potestatem inesse convincit . Jus autem hujusmodi confirmationis in Summo Pontifice inesse , habita etiam ratione Conciliorum Œcumenicorum , nunc ostendemus .

§. XVII. Summo Pontifici tribui jus veræ, & proprie dictæ confirmationis in ea debet , quæ in Conciliis Œcumenicis decreta fuerint , semel ac ad supremam Præfecturam attendamus , quam ipse super universam Ecclesiam habet .

Quænam sit vera , & proprie dicta confirmatio , jam explicavimus (4) . Ostendimus quoque (5) , & Catholici omnes fatentur , auctoritatis , & jurisdictionis eam supremam Præfecturam esse , quam Summus Pontifex super universam Ecclesiam habet . Quare Summus Pontifex universam Ecclesiam sub sua auctoritate , & jurisdictione continet . Patres autem in Concilio Œcumenico congregati non constituunt aliquod corpus , quod sit extra universam Ecclesiam , sed quod universa Ecclesia complectitur : igitur etiam hujusmodi corpus Summi Pontificis auctoritati , atque jurisdictioni subest : quod ergo ab hoc corpore agitur , & decernitur , auctoritati , & jurisdictioni Summi Pontificis subesse debet . Quandoquidem Concilium Œcumenicum vel quid supremum est , quod universam Ecclesiam sub sua potestate , & jurisdictione continet , vel ipsum quoque est Ecclesiæ pars , ea quidem præstantissima , atque potissima omnium , quæ dari possint : si prius dicamus ; tunc Ecclesia duo suprema capita habebit , hoc est , Summum Pontificem , & Œcumenicum Concilium : quod sane nemo unquam

(1) Hujus cap. §. 5. (2) Hujus cap. §. 4. (3) Hujus cap. §. 2.

(4) Hujus cap. §. 2. (5) Lib. 18. cap. 2.

umquam affirmare auferit : si alterum ; igitur etiam Œcumenicum Concilium in Ecclesia continetur : igitur qui universæ Ecclesiæ cum auctoritate, & jurisdictione præest, etiam Concilio Œcumenico cum auctoritate, & jurisdictione præesse debet. Hæc vero auctoritas, & jurisdictio complectatur oportet, quæ a Concilio Œcumenico decernuntur : sunt enim ista ejus generis, ut obligent omnes Fideles, quibus universa Ecclesia componitur : illa ergo auctoritati, judicio, atque confirmationi ejus subesse debent, qui supremam Præfecturam super omnes Fideles, universamque Ecclesiam habet.

Et re quidem vera quæ pro aliquo cœtu, populo, atque republica leges feruntur, nunquam profecto, quam debent, vim ad obligandum ex ipsa legislatione habent, quousque ad confirmationem earum non accedat auctoritas illius, qui supra cœtum, populum, aut rempublicam Supremam Præfecturam pro diverso regimine cum jurisdictione habet : alioquin hanc simul haberet, & non haberet. At vero Summus Pontifex super universam Christianam Rempublicam Supremam Præfecturam cum jurisdictione habet : ejus ergo auctoritas accedat oportet ad illas leges confirmandas, quæ pro universa Christiana Republica conduntur.

§ XIII. Si eam Supremam legislativam potestatem spectemus, quam Summus Pontifex super universam Ecclesiam habet, omnino constat illi tribui debere jus veræ, & propriæ dictæ confirmationis in decreta Conciliorum Œcumenicorum.

Repugnat poni decreta, quæ universam Ecclesiam obligent, eo licet non confirmante, qui Supremam in universam Ecclesiam potestatem legislativam habet. Ea enim Supremi ratio est, ut in eo genere, in quo est Supremum, & supra se nihil habeat, sibi que omne, quod est inferius, subjectum, sit (1). Œcumenicorum autem decreta Conciliorum pro tota, qua late patet, Ecclesia feruntur : ergo, eo confirmante, ferantur oportet, qui Supremam super universam Ecclesiam legislativam potestatem habet. Hujus ergo Supremæ legislati-

Tom. III.

V

væ

(1) Lib. 20, cap. 3. §. 1. & seqq.

væ potestatis, quæ est penes Summum Pontificem (1), si ratio habeatur, Œcumenicorum Conciliorum decreta ab eo confirmantur oportet.

§. XIX. Ipsa quoque ratio Monarchici regiminis, quod Summus Pontifex super universam Ecclesiam habet, ejus esse Œcumenicorum decreta Conciliorum confirmare, omnino suadet.

Formam Monarchici regiminis talem esse debere, ut unus tantum præsit omnibus, sive scorsim acceptis, sive simul unitis, abunde jam confecimus (2): atque illud etiam ostendimus, perfecte Monarchicum esse illud regimen, quod Summus Pontifex super universam Ecclesiam habet (3). Semel ac autem admittatur, Œcumenicorum decreta Conciliorum, etiamsi a Summo Pontifice confirmata non fuerint, vim obligandi omnes Christiani fideles in se habere, hujusmodi Supremum Monarchicum regimen omnino pervertitur. Tunc enim cum Suprema regendi potestate, quæ una tantum esse potest, ex eo quod Suprema sit, altera vel omnino æqualis, vel inferior quidem nomine, non tamen auctoritate, simul conjungitur, atque Ecclesiæ regimen in duas potestates æque dividitur. Supremum ergo, atque absolute Monarchicum regimen, quod Summus Pontifex super universam Ecclesiam habet, necessario exigit, ut ejus auctoritate sint confirmata Œcumenicorum decreta Conciliorum, atque ita hæc vim obligandi omnes Christiani fideles in se contineant.

§. XX. Ex Concilio Nicæno perspectum est, spectare ad Summum Pontificem decretorum in Conciliis Œcumenicis editorum eam confirmationem, quæ ad firmitatem, & auctoritatem eorundem referatur.

Triplici ratione hujusmodi confirmatio a Summis Pontificibus haberi potest, atque revera habita fuit: 1. Dum ipse Summus Pontifex Concilio præsens ea confirmat, quæ, se præsentem, a Patribus decreta fuerint: 2. Dum decreta, absente se, semel edita a Patribus, sibi oblata, sua expressa auctori-

(1) Lib. 19. cap. 3. §. 1. & seq. (2) Lib. 20. cap. 3. §. 1. & seq.

(3) Cit. lib. cap. 4. §. 1. & seqq.

auctoritate probat, atque confirmat: 3. Dum ad Concilium
 Legatos mittit, qui vice sui præsideant, suamque sententiam,
 atque definitionem de re controversa coram Patribus profe-
 rant. Nam uti monet Cl. Orsius *De Romani Pontificis Auctori-
 tate* lib. 1. cap. 3. art. 1. juxta communem Theologorum opi-
 nionem, atque doctrinam " Si Legatis certam habentibus,
 „ & sequentibus Romani Pontificis instructionem Synodus
 „ universa consentiat; non est opus nova Pontificis confir-
 „ matione, ut edita in hac Synodo definitio firma sit, & in-
 „ concussa fidei Catholicæ regula. Quod tamen (sicuti ipse
 „ inferius ostendit) minime prohibet, quin Pontifex Supre-
 „ ma sua auctoritate ejusmodi Concilii Acta examinet, & re-
 „ tractet, ut illi constet, an omnia adamussim Apostolicæ do-
 „ ctrinæ fuerint exacta: idque ubi ipsi constiterit, eadem
 „ rursus Apostolica auctoritate confirmet ".

Dicitur autem nullo modo potest Acta Concilii per suos
 Legatos a Summo Pontifice confirmata fuisse, semel ac Lega-
 ti una cum Patribus decernant de iis, quæ sibi a Romano Pon-
 tifice constituta non fuerint, multoque minus si aliquid sta-
 tuant, contra ac Romanus Pontifex iisdem præscripserit.
 Nam si prius contingat; certa firmitas in Concilii decretis
 esse non potest. Quandoquidem, sicuti Bellarminus ait *De
 Concil. Auctoritate* lib. 2. cap. 11. " Firmitas Concilii nascitur
 „ ex consensione, & conjunctione corporis cum capite: at
 „ caput nondum aperuit sententiam suam: etsi enim Legati
 „ præsumt nomine Pontificis, tamen non sunt revera Pontifi-
 „ ces, nec sciunt, quæ sit mens Pontificis, nec habent illud
 „ privilegium non errandi, quod habet Pontifex ". Si autem
 alterum accidat; tunc Legati, uti Melchior Canus monet
 lib. 5. *De Locis Theologicis* cap. 5. " Non censentur ex potesta-
 „ te delegata agere, atque adeo non est, cur eo modo acta
 „ superioris auctoritate probata esse credantur ". Quare,
 „ sicuti inquit Bellarminus (1), " Tunc Legati non agunt,
 „ ut Legati, quum non agant nomine Pontificis: diserte
 „ enim Leo in epistola 45. ad Pulcheriam, & Agatho in epi-

V 2

„ stola

(1) Cit. loco.

„ stola ad Imperatorem , quæ lecta est in VI. Synodo Actio-
 „ ne 4., affirmant se non dare auctoritatem Legatis , nisi
 „ agant secundum sibi traditas regulas “. Tamen, uti mo-
 „ net Melchior Canus (1), “ Nullum hujusmodi exemplum
 „ proferetur, nisi forte ex Concilio sub Michael Imperato-
 „ re, ubi Radoaldus, & Zacharias Michaeli, & Photio con-
 „ senserunt adversus Nicelai instructionem, atque mandata,
 „ ut videre est in epistola Nicolai ad Patriarchas, Metropo-
 „ litas, & reliquos Episcopos “. Est enim advertendum cum
 „ eodem Auctore, sicuti rerum gestarum experimento constat,
 „ Summi Pontificis Legatos non solere ad Concilium accede-
 „ re, ubi quæstio de fide agitando est, nisi instructos prius,
 „ & monitos de Ecclesiæ Romanæ fide circa ea, quæ sunt in
 „ Concilio finienda. Solere, inquam, non item oportere.
 „ Nam Legati in Concilium Tridentinum non potuerunt com-
 „ mode de quæstionibus differendis ante instrui, quoniam
 „ erant propemodum infinitæ. Sed cetera fere Concilia ad
 „ unam, aut alteram fidei tractandam causam coacta sunt;
 „ ideoque Legati de Apostolicæ Ecclesiæ fide prius instructi ac-
 „ cesserunt “.

Hiscæ præmissis, nunc de Synodo Nicæna quoad rem
 istam, de qua agimus, videamus, de reliquis postea visuri
 non aliter, ac fecimus, dum disputaremus de ea auctoritate,
 quam habet Summus Pontifex Concilia Œcumenica indicen-
 di, eisdemque præsidendi. “ In primo illo Concilio (sicuti
 „ inquit Bossuetius *Defensionis &c.* lib. 8., alias 13., cap. 3.)
 „ tres maxime quæstiones, quæ Ecclesiam conturbarent,
 „ communi decreto terminatæ: 1. Arianorum de consubstan-
 „ tiali Filio: 2. Paschatis: 3. Rebaptizationis “. At vero,
 „ quemadmodum Cl. Orsius *De Romani Pontificis Auctoritate*,
 „ lib. 1. cap. 7. art. 2. recte animadvertit, “ De his tribus quæ-
 „ stionibus quænam esset Ecclesiæ Romanæ mens, atque tra-
 „ ditio, non modo Sedis Apostolicæ Legati, sed nemo ex
 „ Patribus ignorabat. Nam & Pascha non more Judaico, sed
 „ Dominica post lunam decimamquartam primi mensis esse
 „ cc-

(1) Loco supra cit.

„ lebrandum ; & ratum esse habendum , ac validum hæreti-
 „ corum baptisina ; & Filium esse , ac dici debere Patri con-
 „ substantialem , longe ante Nicænum Concilium Romani
 „ Pontifices constituerant : notaque erant , & in Oriente
 „ perinde , atque in Occidente pervulgata , Victoris ad Aria-
 „ nos , Stephani ad Africanos , & Dionysi ad cognominem
 „ Alexandrinum Episcopum hisce de rebus rescripta “ . Quin
 ergo Legati Apostolicæ Sedis circa hæc doctrinæ capita instru-
 cti juxta Romanæ Ecclesiæ præcedentes definitiones ad Nicæ-
 nam Synodum accesserint , dubitari non potest . Modo vero
 ita : Nicæno Concilio S. Sylvester in persona suorum Legato-
 rum cum auctoritate præfuit (1) : Legati igitur Sylvestri per-
 sonam in Concilio Nicæno egerunt : ita autem egerunt , ut
 ab eo receperint *potesatem assentiendi Actis* , quemadmodum a
 Theodorito traditum accepimus lib. 1. *Histor. Eccles.* cap. 6.
 Actis autem , quæ consensione multorum edita sunt , cum
 peculiari quadam sibi collata potestate assentiri , est tantum
 agentis vices alterius , qui confirmandi facultatem habet ,
 quod ab illis multis constitutum fuerit . Nam si de assensione
 communi loquamur , non solum nulla ad eam peculiaris po-
 testas requiritur , sed etiam eandem nullus iusta sine causa
 denegare potest . Si autem ii , quos Sylvester ad Synodum
 Nicænam misit , in se , atque omni sibi singulariter collata
 potestate destituti spectentur , quam maxime sane æquum
 erat , ut tantorum , tamquam multorum Patrum decretis as-
 sentirentur . Dubitari ergo non potest , quin Legati S. Sylve-
 stri , & quidem Ecclesiæ Romanæ sequuti doctrinam , de qua
 instructi erant , Synodi Nicæni Acta confirmaverint : quo se-
 mel posito , uti supra monuimus , a S. Sylvestro Nicænam Sy-
 nodum confirmatam fuisse , dicendum est . Hinc Damasus , &
 Patres Romani Concilii in epistola Synodica ad Episcopos Il-
 lyrici fidei formulam Nicænam *Apostolorum* , sive *Apostolica au-*
thoritate firmatam tradunt , ex eo quod auctoritate Legatorum
 Sedis Apostolicæ stabilita fuerit . Nam formulam Ariminensem ,
 & Nicænam invicem conferunt ; priorem , quamvis multorum
 Epi-

(1) Hujus lib. cap. 2. §. 13.

Episcoporum auctoritate probatam, ideo potissimum rejiciunt, quia absque sententia Romani Pontificis condita foret; Nicænam autem perpetuo retinendam inde statuunt, quoniam τῶν Ἀποστόλων *Apostolorum*, id est Apostolicæ Sedis, seu Romani Pontificis sententia, atque auctoritate probata fuerat: „ Siquidem (ita apud Theodorum *Histor. Ecclesiast.* lib. 2. „ cap. 22.) numerus Episcoporum, qui erant Arimini in „ unum congregati, præjudicii vim habere non debet; præ- „ fertim quum formula illa composita sit, neque Episcopo „ Romano, cujus sententia præ ceteris expectanda erat, ne- „ que Vincentio, (Legato Romanæ Sedis) qui tot annis Epi- „ scopatum integre gesserat, neque aliis eidem consentienti- „ bus Itaque vestra integritas manifesto videt, hanc fi- „ dem solam, quæ auctoritate Apostolica Nicææ stabilita est, „ firme perpetuo tenendam esse “.

§.XXI. Bossuetius falso putat Nicænam Synodum ab Apostolica Sede confirmatam non fuisse.

Defensionis &c. lib. 3., alias 7., cap. 7. hunc titulum apposuit: “ Concilii Nicæni I. decreta adversus Arianos, ipsa „ Patrum consensione valuerunt, nullo ante gestam, nullo post „ gestam Synodum Sedis Apostolicæ speciali decreto &c. “ Hoc autem, quod sibi proponit, inde probat, quia falsa esse constat, quæ de Nicæno Concilio confirmato acta referuntur (1), deinde vero quia tum a Rufino *Histor. Ecclesiast.* lib. 1. cap. 5., tum ab Eusebio *De Vita Constantini* lib. 3. cap. 14., traditum habemus, Constantinum *Sacerdotalis Concilii sententiæ* acquievisse, atque esse acquiescendum Alexandrinæ Ecclesiæ scripsisse, sicuti apud Socratem *Histor. Ecclesiast.* lib. 1. cap. 9. legimus, atque ex Severo Sulpitio lib. 2. didicimus, a Patribus Arianam hæresim damnatam fuisse.

Defensionis &c. lib. 8., alias 13., cap. 3. iterum affirmat, hac in Synodo *De Romani Pontificis confirmatione nihil actum esse*. Denovo hoc loci reponit, falsas esse eas litteras, quæ sacræ Synodi, & S. Sylvestri nomine circumferuntur de hujus Synodi con-

(1) Id urget etiam Febronius *De Statu Ecclesiæ* cap. 6. *De Conciliis Generalibus* §. 5. num. 2.

confirmatione , atque a se jam ostensum commemorat (1), „ Prolatam a Patribus sententiam , nullo alio expectato decreto , statim apud omnes cœlestis instar oraculi valuisse “.

At vero licet ob inopiam veterum monumentorum distincte non habeamus , quæ S. Sylvestri in Nicæna Synodo partes fuerint , quaque singillatim ratione ille confirmaverit decreta ejus ; tamen , quemadmodum nunc superius ostendimus , Synodum Nicænam a S. Sylvestro per suos Legatos confirmatam fuisse , abunde perspectum habemus , quamvis , sicuti revera sunt , supposititias esse admittatur illas epistolas , quæ Synodi Nicænæ , & S. Sylvestri nomine hac de re circumferuntur . Si ergo ad probandam confirmationem Nicænæ Synodi a S. Sylvestro factam solæ hujusmodi supposititiæ epistolæ suppetere ; tunc sane quod vult Bossuetius , consequeretur : at alia suppetunt , quæ uti falsa rejici a nemine possunt . His accedit , aliunde perspectum esse (2) , jus confirmandi decreta Conciliorum Œcumenicorum cum ea auctoritate omnino conjunctum esse , quam Summus Pontifex ex Divina institutione super universam Ecclesiam habet .

Quamvis autem decreta Conciliorum Œcumenicorum Summi Pontificis auctoritate confirmata sint , ea tamen ab hoc , vel illo Concilio Patrum edita revera dicuntur ; tribuunturque hujus , vel illius Concilii Patribus . Rem omnibus manifestam , atque comprobaram loquimur . Ex quo sane nemo non videt , quam nullius momenti ea sint , quæ Bossuetius ex Rufino , Eusebio , & Severo Sulpitio ad ostendendum Nicænum Concilium a S. Sylvestro confirmatum non fuisse , in medium adducit .

§. XXII. Jacobus Basnagius Nicæni Concilii confirmationem Imperatori falso tribuit .

Historia Ecclesiæ lib. 10. cap. 2. num. 9. hanc a Constantino Synodum confirmatam existimandum esse dicit , quia , uti apud Eusebium legitur lib. 3. *De Vita Constantini* cap. 24. , ipse Constantinus ad Ægyptios scribens , ut ad communem

cos

(1) Loco supra citato . (2) Hujus cap. §. 10. & seq.

eos pacem revocaret, *confirmavit, & sancivit ea, quæ a Synodo decreta fuerant.*

Verum quo sensu dici debeat, Synodum Nicænam a Constantino confirmatam fuisse, est jam auctoritate Gelasii Gyzyceni explicatum a nobis (1). Constantini namque confirmatio non ad aliquam auctoritatem, quam ab ea Nicæna decreta acceperint, sed ad executionem eorumdem decretorum, referri debet. Id vero etiam ex Eusebio colligitur. Facta enim ab eo in citato libro cap. 16. commemoratione eorum munerum, quibus unumquemque Patrum *pro meritis, ac dignitate* Constantinus donavit, affirmat eos, qui Synodo non interfuerant, de rebus in ea gestis ab eodem Constantino certiores factos fuisse: “Eos quoque (inquit) qui huic Synodo „ minime interfuissent, de rebus in ea gestis certiores fecit „ per litteras, quas in hoc opere, tamquam in tabula quadam, incisas proponam“. Inter eas vero, & hanc quoque refert, quam ad Ægyptios dedit. Constantini ergo confirmatio executionem decretorum Nicæni Concilii spectabat, quum ea profecto de causa etiam illos, qui Synodo non adfuerant, de Synodi decretis Constantinus certiores fecerit, ut ea servarent. Et re quidem vera qua ratione Constantinus dixerit in epistola ad Ægyptios, se decreta Nicæni Concilii confirmare, aperte colligitur ex altera epistola, quam ad omnes dedit, de tempore in Synodo constituto celebrandi Paschatis: “Quæ quum ita sint, (inquit Constantinus apud „ Eusebium in citato libro cap. 20.) cœlestem gratiam, & „ plane Divinum mandatum suscipite. Quidquid enim in „ sanctis Episcoporum Conciliis geritur, id omne ad Divinam referendum est voluntatem“. Post hæc vero, & nonnulla alia, quæ sequuntur, ita Eusebius habet: “Hanc epistolam Imperator eodem exemplo scriptam in omnes provincias direxit, ut suæ erga Deum pietatis sinceritatem, „ tamquam in speculo quodam aspiciendam legentibus præberet“. Divini ergo ratione mandati, quod a Patribus simul congregatis manifestatum esset, voluit Constantinus, ut omnes

(1) Hujus cap. §. 9.

omnes Synodi decretis obtemperarent ; ea vero ita confirmando , suæ erga Deum sinceritatis pietatem omnibus prodidit .

§. XXIII. Cælestinus Summus Pontifex Synodum Ephesinam , Œcumenicam III., per Legatos sua auctoritate confirmavit .

De Synodo Œcumenica II. non est , cur verba faciamus : ea enim in sui institutione Œcumenica non fuit , sed Summorum consensione Pontificum , quæ subinde ad eam accessit , contigit , ut Œcumenica haberetur (1) . Actione itaque I. Synodi Ephesinæ sententia depositionis in impium Nestorium lata fuit . Huic Actioni Projectus , & Arcadius Episcopi , atque Philippus Presbyter , Legati Apostolicæ Sedis , maris jactati tempestatibus interesse non potuerunt . Hac ergo Actione peracta , pervenere Ephesum , atque in II. Actione una cum aliis Patribus confidentes , Cælestini Summi Pontificis locum tenuerunt . Tunc Projectus de eo , quod sibi , & aliis Legatis , Cælestinus commiserat , hoc est , ut definita *ad finem numeris omnibus absolutum* deducerent , Patres commonefecit (2) . Arcadius vero petiit , ut sibi exponerentur , quæ præcedenti Actione decreta fuerant : “ Quapropter (inquit) vestram
 „ Beatitudinem rogatam cupimus , ut quæ a vestra Sanctitate decreta sunt , ea nobis exponi jubeatis “ . Tandem Philippus Presbyter : “ Gratias agimus (ait) sanctæ venerandæque Synodo , quod , litteris Sancti Beatique Papæ nostri
 „ recitatis , sancta membra sanctis vestris vocibus sancto capiti sanctis etiam vestris exclamationibus vos adjunxeritis .
 „ Non enim ignorat vestra Beatitudo , totius fidei , vel etiam Apostolorum caput esse Beatum Apostolum Petrum . Proinde quum nostra mediocritas multis tempestatibus jactata ,
 „ & vexata serius accefferit , rogamus , ut ea nobis patefieri mandetis , quæ ante adventum nostrum in sancta hac Synodo acta sunt ; quo juxta B. Papæ nostri , presentisque hujus sancti cœtus sententiam , nos quoque confirmemus ,

Tom. III.

X

„ con-

(1) Hujus lib. cap. 1 §. 7. , & cap. 2. §. 15. (2) Tom. 3. Concil. edit. Venet. colum. 1147.

» conformiter eorum depositioni (1). Ad hæc Theodorus
 » Ancyræ Episcopus ita reposuit (2): « Quoniam vero iusta
 » ratione permota vestra Beatitudo, ex ipsis Actorum com-
 » mentariis intelligere quæsit de Nestorii depositione; ju-
 » stam sententiam, sanctæque Synodi zelum, & consensum
 » in fide, quam sanctissimus, & piissimus Cælestinus magna
 » voce deprædicat, vestra reverentia plane certoque cogno-
 » scet, quod fiet, ubi hoc etiam, quod vobis satisfactum
 » sit, præsentium Actioni addetur. Utraque deinde Cælestini
 » ad Theodosium, & Cyrillum epistola lecta fuit, atque ita
 » Actio II. finem accepit. Postera die eodem in loco considen-
 » tibus Patribus, Juvenalis Episcopus Hierosolymorum Legatos
 » Apostolicæ Sedis ita alloquutus fuit (3): « Hæsterna die,
 » confidente hac, & magna Synodo, quum vestra pietas
 » adesset, post lectas litteras sanctissimi, ac beatissimi ma-
 » gnæ Romæ Episcopi Cælestini, postulavit, ut commentarii
 » Acti in depositione hæretici Nestorii legerentur, idque
 » consequenter sancta Synodus fieri præcepit. Sanctitas igitur
 » vestra docere dignetur, num legerit, ac perceperit
 » vim eorum. Tunc Philippus *omnia canonice, & ex Ec-
 » clesiastica disciplina judicata esse* pronuntiavit, ac ista superad-
 » didit: « Ac nunc quoque petimus a corona vestra, quamvis
 » supervacaneum sit, ut quæ in vestra Synodo lecta sunt,
 » rursum nobis etiam eadem legantur; ut sequentes formu-
 » lam Sanctissimi Papæ Cælestini, qui hanc curam nobis
 » commisit, & vestræ etiam Sanctitatis judicia vestra confir-
 » mare possimus. Idemque etiam alii duo Legati petie-
 » runt. Ad hæc Memnon Episcopus Ephesiorum (4): « Nihil
 » prohibet, (inquit) quominus ex postulato sanctissimorum
 » Episcoporum Arcadii, & Projecti, & Reverendissimi, ac
 » Deo amabilissimi Philippi Presbyteri, Legatorum Aposto-
 » licæ Sedis magnæ Romæ, iterum etiam legantur in Nesto-
 » rii hæretici depositione. Rursus ergo legantur. Iis per-
 » lectis, Philippus sententiam latam a Patribus in Nestorium
 » per

(1) Cit. loco. (2) Cit. tomo colum. 1150. (3) Cit. tomo co-
 lum. 1151. (4) Cit. tomo colum. 1154.

per hæc verba confirmavit (1): " Firmum ergo est juxta-
 » omnium Ecclesiarum decretum quod in ipsum pro-
 » nuntiatum est, qui impio ore, & hostili spiritu blasphemias
 » voces depromere contra Dominum Nostrium Jesum Chri-
 » stum non est veritus ". Idem per hæc verba Arcadius fe-
 cit (2): " Cognoscat Nestorius se Episcopali dignitate exu-
 » tum, atque a tota Ecclesia, & communione omnium Sa-
 » cerdotum alienum esse ". Projectus vero (3). " Propterea
 » & ego quoque (inquit) auctoritate legationis Apostolicæ
 » Sedis, una cum fratribus sententiæ exequutor existens,
 » definitio memoratum Nestorium veritatis inimicum, fidei-
 » que corruptorem, tamquam iis, de quibus accusatus est,
 » obnoxium, a gradu Episcopalis honoris, & ab omnium,
 » præterea Sacerdotum Orthodoxorum communione remo-
 » tum esse ". Hisce peractis, Cyrillus Alexandriæ Episcopus
 petiit, ut eorum, quæ illa die, & antecedenti gesta fuerant;
 commentaria Actis præcedentibus conducerentur, atque
 subscribenda offerrentur Legatis Apostolicæ Sedis, ut de
 consensione illorum cum Patribus Synodi constaret (4):
 » Quare (inquit) quum ea, quæ a Cælestino Sanctissimo,
 » Deoque dilectissimo Episcopo dicta jam fuerant, exequu-
 » ti sint, (Legati Apostolicæ Sedis) sanctæque Synodi, quæ
 » in hac Ephesiorum Metropoli convenit, sententiæ contra
 » hæreticum Nestorium latæ adstipulati sint; consequens est,
 » ut eorum, quæ hesterno, hodiernoque die acta sunt, com-
 » mentarii superioribus Actis attexantur, ipsorumque pieta-
 » ti offerantur, quo propria obsignatione, ut moris est, pla-
 » nam faciant, & manifestam cum omnibus nobis canoni-
 » cam assensionem ". Quod sane præstitum fuit. Hæc vero
 si non ostendunt, Synodi Ephesini decretum contra Nesto-
 rium a Cælestino per suos Legatos confirmatum fuisse, atque
 ita quidem, ut illud ab hujusmodi confirmatione suum ulti-
 mum complementum acceperit, non video sane, quidnam
 tandem ad rem aliquam certam ostendendam afferri possit.

X 2

1. Le-

(1) Cit. tomo colum. 1155. (2) Cit. tomo colum. 1158.

(3) Cit. colum.

(4) Cit. colum.

1. Legati, quæ ante suum adventum gesta fuerant, ut illa confirmarent, sibi exponi petierunt. 2. Petitionem eorum Theodorus Episcopus Ancyranus coram omnibus Patribus, & eorum nemine reclamante, justam esse pronuntiavit, illudque simul cavendum censuit, ut Synodi Actiõni etiam hoc infereretur, quod illis satisfactum esset. 3. Legati quum rogati essent, quid de iis sentirent, quæ in depositione Nestorii peracta fuerant; omnia illa *canonice, & ex Ecclesiastica disciplina judicata* fuisse definierunt. 4. Quum illud quoque Legati petiissent a Patribus, ut quæ antequam ipsi advenirent in Synodo lecta fuerant, coram se quoque legerentur, ut suam eis confirmationem adjungerent, Memnon Episcopus Ephesiorum, nemine Patrum reclamante, in id consentit. 5. Tandem a Legatis sententia condemnationis, quam Patres in Nestorium tulerant, rata habita fuit, atque, confidentibus Patribus, iidem edixerunt, Nestorium & a gradu Episcopalis honoris esse dejectum, & omnium Sacerdotum Orthodoxorum communione privatum. Hæc autem quod volumus, tam manifeste ostendunt, ut quamvis alia in eandem rem afferre in medium possemus; omnino tamen ab eis supersedendum esse censeamus.

§. XXIV. Bossuetius frustra contendit ostendere Synodum Ephesiã, Œcumenicã III., a Sede Apostolica confirmatã non fuisse.

Defensiois &c. lib. 8., alias 13., cap. 3. quamvis fateatur, quæ hac in Synodo Actiõne I. gesta legimus, confirmata fuisse a Legatis Apostolicæ Sedis; tamen confirmationem eorum in quadam *consensione* reponendam esse contendit. Hæc vero, ut quod vult, suadeat, deinde superaddit: "Ephesini, Patres mittunt rei gestæ relationem ad Cælestinum, nulla unquam confirmationis petitæ mentione. Ita vero respondet Cælestinus, ut se nihil amplius de eo negotio desiderare significet, quum id tantum agat, ut de plena rei executione Patribus gratuletur".

At vero hic Præsul affirmat, non vero ostendit; confirmationem Legatorum in quadam consensione, & quidem

dem simplici, uti ipse putat, reponendam esse. Nam ille quoque in aliena decreta consentit, qui sua auctoritate ea confirmat; verum huiusmodi consensio non est simplex, quam inferior superiori, quam superior inferiori assentitur, sed rei, in quam quispiam assentitur, auctoritatem, firmitatemque tribuit. Talem autem consensionem fuisse Legatorum, quamque eorum tantum propriam esse, qui sua auctoritate firmant, atque muniunt, quæ ab aliis statuta fuere, evidenter ostendunt, quæ modo superius disseruimus. Ex iis enim constat, Legatos Apostolicæ Sedis auctoritate sibi a Cælestino demandata, quæ gesta erant a Patribus, suo iudicio confirmasse, atque sententiæ latæ a Patribus suam adjecisse, publice decernentes coram eis, Nestorium & a gradu Episcopalis honoris dejectum esse, & omnium Sacerdotum Orthodoxorum communione privatum. Hæc vero omnia ostendunt, confirmationem Legatorum non in quadam simplici assensione, sicuti Bossuetius vellet, sed in huiusmodi assensione reponendam esse, qua iudex superior sua auctoritate, atque potestate confirmat, quæ ab inferiori decreta fuerint. Id autem magis magisque confirmatur, si advertamus, Cælestinum de eo quoque suos Legatos monuisse (1), ut *Sedis Apostolicæ Auctoritatem* tuerentur, & *ad disceptationem si ventum* fuisset; *de eorum sententiis judicare* deberent, *non subire certamen*. Quapropter ita paucis: Summus Pontifex Cælestinus munus iudicis hoc toto in negotio suis Legatis commisit: Legati illud diligenter exequuti fuere, atque in persona iudicum ultimam sententiam tulerunt de iis, quæ a Patribus jam definita erant: ergo quum Summus Pontifex etiam per suos Legatos Œcumenicorum decreta Conciliorum confirmet, nullus subesse potest dubitandi locus, quin decreta Ephesini Concilii confirmaverit (2).

Mirandum ergo non est, si in ea *Relatione*, quam Patres, peracta Aëione V., ad Cælestinum miserunt, nullo modo ab eo petiere, ut confirmaret, quæ ipsi decreverant. Nam (3)

coacti

(1) In Commonitorio romo cit. colum. 560. (2) Hujus cap. §. 20.

(3) Tom. 3. Concil. edit. Venet. colum. 1078.

coacti per sacros Canones, & epistolam Cælestini sententiam condemnationis in Nestorium protulerant, latamque ab iisdem, sententiam Legati Apostolicæ Sedis tenentes Cælestini locum, agentisque personam judicis, confirmaverant. Non erat ergo, cur alteram Cælestini confirmationem requirerent. Multo erat minus, cur Cælestinus in sua epistola, quam, Synodo peracta, ad Patres dedit, novam confirmationem superadderet, sed suam in eo totam operam recte posuit, ut cum Synodi Patribus adgratularetur, quod fortes in vera confessione fidei errorem prostrigassent. Ex his vero constat, Febronium De Statu Ecclesiæ &c. cap.6. De Concil. Gener. §.5. num.3. falso putasse, suæ sententiæ, quam cum Bossuetio tuetur, illud favere, quod Synodi Patres nullam confirmationem a Summo Pontifice petierint, atque etiam Cardinali Orsio præter omnem rationem objecisse, quod ex auctoritate Commonitorii Cælestini Papæ ad suos Legatos, argumentum pro absoluta Romani Pontificis potestate in hoc Concilio exercita frustra collegerit.

Neque est, cur Bossuetius illud commemoret, de Charisio Presbytero, ac Messalianis condemnatis nullam mentionem fieri in sacra Synodi, ac Cælestini mutuis epistolis. Nam, utrum Charisius a Synodo damnatus fuerit, merito dubitari potest, quemadmodum etiam ipsius Bossuetii Adnotator in editione Amstelodamensi an. 1745. animadvertit. Quod vero spectat ad Messalianos Actione VII. Patres nihil aliud contra eos decreverunt, quam ut solida haberentur, quæ in Alexandria acta fuerant. De utroque ergo non erat, cur ad Cælestinum scriberent: & quamvis esset, cur scriberent, ex eo quod id facere omiserint, inde non consequeretur, ut quod Legati Cælestini auctoritate in Concilio revera gesserunt, nullo modo gesserint.

Ceterum si quid Patres decreverunt, de quo neque a Cælestino antea quæsierant, neque aliquid a Legatis nosse poterant, quia de eo nullam isti instructionem a Cælestino acceperant, & de sententia a se lata Cælestinum certiorem fecerunt, & eam judicio illius subjecere. Nam quoniam de
tur

turbis per Joannem Antiochenum, & Episcopos Orientales præter expectationem omnium concitatis, Legati nihil a Cælestino sibi constitutum habebant, atque Patres, ab eodem Cælestino intelligere non potuerant, qua ratione contra Joannem, & Orientales Episcopos agendum esset, Actione V. suum judicium de Joanne, & Orientalibus ad Cælestinum retulere, ejusque sententiæ per hæc verba subjecerunt (1):

„ Indignitate itaque rei commoti, ejusmodi in illum, & in
 „ alios sententiam legitime proferre deliberavimus, cujus-
 „ modi ille tulerat illegitime contra eos, qui de nullo crimi-
 „ ne condemnati fuerant. Verum, quo illius temeritatem
 „ longanimitate vinceremus, etiamsi illum iustissime legitime-
 „ que subivisset, pietatis tuæ judicio hoc reservavimus“.

§. XXV. Constat etiam ex Concilio Chalcedonensi, Œcumenico IV., id juris confirmandi decreta Conciliorum Œcumenicorum, quale nos contendimus, esse penes Summum Pontificem.

Hic de eo a nobis disputandum non est, utrum S. Leo omnes Canones Concilii Chalcedonensis, uno 28. excepto, probaverit, aut tacita consensione admiserit, sicuti inter alios Natalis ab Alexandro in *Histor. Ecclesiast. seculi 5. Dissert. 15. art. 4.* contendit; an vero 9., 17., & 28. solummodo Canonem reprobaverit, nullum vero de ceteris aliis judicium tulerit, uti Christianus Lupus in *Dissertat. de Synodo Chalcedonensi* cap. 4. contendit in tomo 2. *Synodorum Generalium &c.* Nam S. Leonem conceptis verbis confirmasse, quæ de fide in Synodo Chalcedonensi definita fuerunt, ad rem nostram sufficit. Hoc vero est, quod nunc ostendendum agredimur. Atque illud quidem primo animadvertendum esse puto, S. Leonem in epistola data ad Patres hujus Concilii, quando adhuc Nicææ morabantur, quod ab eis constituendum erat, uti rem certam a se antea definitam proposuisse (2). “ Unde, (inquit) Fratres charissimi, rejecta penitus
 „ audacia disputandi contra fidem divinitus inspiratam, va-
 „ na

(1) Cit. tomo colum. 1194. (2) Epistola 73. juxta editionem Cacciaril.

„ na errantium infidelitas conquiescat ; nec liceat defendi ;
 „ quod non liceat credi ; quum secundum Evangelicas au-
 „ thoritates , secundum Propheticas voces , Apostolicamque
 „ doctrinam , plenissime , & lucidissime per litteras , quas ad
 „ lætæ memoriæ Flavianum Episcopum missimus , fuerit de-
 „ claratum , quæ sit de Sacramento Incarnationis Domini
 „ Nostri Jesu Christi pia , & sincera confessio “. Qui autem
 „ alicui cœtui jus determinandi habet , quod , uti rem certam ,
 „ utpote a se antea definitam , sequatur ; confirmandi quoque
 „ jus habere debet , & sua auctoritate roborandi , quod ab eo-
 „ dem cœtu constitutum fuerit . Hoc autem jure S. Leonem
 „ usum fuisse in confirmanda definitione fidei edita a Chalce-
 „ donensibus Patribus , ea epistola dubitare non sinit , quam
 „ Synodo peracta , dedit ad eosdem Patres . Ita ergo in ea ha-
 „ bet (1) : “ Ne ergo per malignos interpretes dubitabile vi-
 „ deatur , utrum quæ in Synodo Chalcedonensi per unanimi-
 „ tatem vestram de fide statuta sunt , approbem ; hæc ad
 „ omnes fratres , & Coepiscopos nostros , qui prædicto Con-
 „ cilio interfuerunt , scripta direxi , quæ gloriosissimus , &
 „ clementissimus Princeps , sicut poposci , in notitiam vestram
 „ mittere pro Catholicæ fidei amore dignabitur ; ut & frater-
 „ na universitas , & omnium Fidelium corda cognoscant ,
 „ me non solum per fratres , qui vicem meam exequuti sunt ,
 „ sed etiam per approbationem gestorum Synodaliū pro-
 „ priam vobiscum iniisse sententiam in sola videlicet fidei
 „ causa (quod sæpe dicendum est) propter quam generale
 „ Concilium , & ex præcepto Christianorum Principum , &
 „ ex consensu Apostolicæ Sedis placuit congregari “. Hinc
 „ est etiam , ut in epistola ad Maximum Episcopum Antioche-
 „ num (2) se rescindere declaraverit , quod ad fidem non spe-
 „ ctans etiam a suis Legatis in Concilio gestum fuerat : “ Si
 „ quid sane ab his fratribus (inquit) quos ad sanctam Syno-
 „ dum vice mea misi , præter id , quod ad causam fidei per-
 „ tinebat , gestum esse perhibetur , nullius erit penitus fir-
 „ mi-

(1) Epistola 89. juxta eandem editionem . (2) Epistola 94. juxta
 eandem editionem .

„ mitatis : quia ad hoc tantum ab Apostolica Sede directi
 „ sunt, ut, excussis hæresibus, Catholicæ essent fidei defen-
 „ sores“. Quibus verbis a sui iudicii auctoritate pendere fir-
 mitatem eorum, quæ in Concilio decreta forent, Sanctissimus
 Pontifex evidentissime præsefert. His omnibus accedit, Pa-
 tres Concilii in sua *Relatione* ad Leonem, eum rogasse, ut
 suo iudicio confirmare dignaretur eas prærogativas, quas
 Constantinopolitanæ Sedi ipsi detulerant (1): „ Rogamus igitur
 „ tur (inquiunt) & tuis decretis honora nostrum iudicium,
 „ & sicuti nos capiti in bonis adjecimus consonantiam; sic &
 „ summitas tua filiis, quod decet, adimpleat“. Hoc vero
 est, cui suam confirmationem adjungere Leo semper renuit,
 uti ex ejus epistola ad Anatolium Constantinopolitanum Epi-
 scopum (2), ad Marcianum Augustum, & Pulcheriam Augu-
 stam (3), ad omnes Synodi Episcopos (4), & ad Maximum
 Episcopum Antiochenum (5) constat. Hisce vero omnibus
 desiderari argumenta loculentiora non possunt, quibus con-
 fecti etiam ex Concilio Chalcedonensi, Œcumenica IV.,
 id juris confirmandi decreta Conciliorum Œcumenicorum,
 quale nos contendimus, esse penes Summum Pontificem.

§. XXVI. Eam confirmationem, qua res fidei in Synodo
 Chalcedonensi constitutas Leo Summus Pontifex sua auctori-
 tate roboravit, in quadam assensione positam fuisse, Bossue-
 tius frustra probare nititur.

Defensionis &c. lib. 8., alias 13., cap. 5. tuetur, eam
 confirmationem, qua S. Leo fidei definitionem in Synodo
 Chalcedonensi editam sua auctoritate roboravit, haud aliam
 ab illa fuisse, quam Occidentales, peracta Synodo, adhibue-
 runt; quæ in quadam assensione posita fuit. Hoc, quod vult,
 inde adstruere contendit, quia Patres Chalcedonenses in sua
Relatione ad Leonem nullam confirmationem petierunt (6),

Tom. III.

Y

fatis

(1) Tom. 4. Concil. edit. Venet. colum. 1779. (2) Epistola 81.
 juxta editionem Cacciarrii. (3) Epist. 79. (4) Epist. 80. (5) Epi-
 stola 89 juxta eandem editionem. (6) Id opponit etiam Febionius
De Statu Ecclesiæ &c. cap. 6. §. 5. num. 2., qui etiam ex confirmatione
 petita a Patribus quoad 26. Canonem contrarium colligit, ac ipsa rei
 veritas præsefert, sicuti jam ostendimus.

fatis esse rati, " Quod Leonis epistolam prælucentem, ipsum-
 " que sibi, *ut membris caput, præsentem, ac spiritu præsen-*
 " *tem*, ac pene in Legatis visum habissent ". Quum ergo
 post hæc, prosequitur Bossuetius, nihil amplius desideraretur,
 Imperatores, absoluto Concilio, " Statim ut re explo-
 " rata. atque confecta, contentionem omnem de fide prohi-
 " bent: Clerus, ac plebs in ea fide, ac Dioscori condemna-
 " tione, ubique acquiescit ". Quum vero nonnulli sparsissent
 in vulgus, Chalcedonensem Synodum a Leone non probari,
 quia Canonem 28. ille rejecerat, hac occasione Leonem indu-
 ctum, Bossuetius animadvertit, ad confirmationem imper-
 tiendam rebus fidei in Synodo Chalcedonensi definitis, quam
 tamen nullus ab eo petierat. Istam autem confirmationem,
 non eo spectare arbitratur, " Ut incerta firmentur, sed ut
 " certa, summaque, & indeclinabili auctoritate facta, ma-
 " gis magisque asserantur, & inculcentur "; indeque illam
 ejusdem rationis facit, ac ea fuerit, quam Occidentales adhi-
 buerunt.

Verum illud a Bossuetio nos modo quærimus, qua de
 causa nullam eorum quæ contra Eutychetem definierant, Pa-
 tres Chalcedonenses a Leone confirmationem petierint, con-
 firmati autem ab eo illam prærogativam postulaverint, quam
 Patriarchæ Constantinopolitano ipsi derulerant. Hujus rei ra-
 tionem ipsi Patres per se produnt. Nam de Eutychetis causa
 dum agerent, Leo *B. Petri* illis erat *constitutus interpres*: Leo-
 ne *ut inchoatore bonorum ad utilitatem utentes Ecclesia filiis bene-*
ditatem, sortemque veritatis ostendebant: per litteras Leonis
Christus præparaverat illis invitatis spirituales delicias: Leo si-
cut membris caput illis præerat in iis, qui *ejus ordinem tenebant*:
 Leo *præsens spiritu* fuerat (1). Hæc ergo omnia quum in sua
 ad Leonem *Relatione* Patres habeant, inque ea protestentur,
 sibi illum præfedissee, sicut caput membris præest, spirituque
 sibi. præsentem fuisse in iis, qui ordinem ejus tenebant; non
 erat profecto, cur ulteriorem de fidei decretis a se editis con-
 firmationem ab eo peterent. Dum enim quispiam omnino
 sequi-

(1) Tom. 4. Concil. edit. Venet. colum. 1775.

Requitur ; quod sibi a superiori potestate constitutum , quodque est etiam confirmatum auctoritate ejus potestatis , quæ illius superioris vicem gerit , frustra alteram confirmationem ab eadem potestate quaerit . Quia vero Patres & nullum a Leone præceptum habebant , ut secundum Constantinopolitano Patriarchæ locum darent , atque hoc dum statuerunt , Legatos Apostolicæ Sedis sibi repugnantes experti fuere ; ideo in eadem Relatione Leonem rogarunt , ut confirmare dignaretur in favorem Patriarchæ Constantinopolitani illum gradum honoris , quem eidem ipsi tribuerant . Dum ergo quæ sunt a Pontifice antea sibi constituta , & per ejus Legatos confirmata , ipsi postea illius auctoritate ducti decernunt ; ulteriorem a Pontifice confirmationem non requirunt : neque enim erat , cur requirerent : dum vero ipsi sua auctoritate secundum inter ceteros Patriarchæ Constantinopolitano locum tribuendum constituunt ; hujus rei confirmationem a Summo Pontifice petunt . Ex ipsa ergo ratione , ob quam Patres de fidei definitione a se facta nullam a Summo Pontifice confirmationem petierunt , ab eodem autem confirmari rogarunt eam prærogativam , quam Constantinopolitano Patriarchæ tribuerant , esse unicuique perspectum potest , Patres existimasse , Supremo judicio Summi Pontificis , cuncta , quæ ipsi simul congregati decernerent , subjecta esse debere .

Quod autem , peracto Concilio , sententiæ illius omnes acquirerint , nihilque ultra expectandum esse putaverint , non est , cur Bossuetius opponat . Ea enim de definitione Concilii agebatur , quæ non tam Concilii , quam Summi Pontificis erat , quum in ea Patres B. Petri interpretem sequuti essent . Quapropter sicut ob hanc causam nulla ratio fuit , cur Patres Concilii de fidei definitione alteram confirmationem a Leone postularent ; ita multo minus omnes alii eandem a Leone confirmationem expectare debebant .

Ex eo tamen quod Bossuetius commemorat , certo colligitur , omnibus persuasum fuisse , decreta Œcumenici Concilii a Summo Pontifice confirmari oportere . Nam mentionem facit , nonnullos sparsisse in vulgus Synodum Chalcedonen-

fem a Leone non probari, quia ejus 28. Canonem ille rejecerat. Nisi enim certum fuisset apud omnes decreta Œcumenici Concilii a Summo Pontifice probari, & confirmari debere, frustra, & irrito prorsus conatu, sicuti etiam Cl. Orsius *De Romani Pontificis Auctoritate* lib. 2. cap. 5. art. unico animadvertit, Chalcedonensi Concilio defectum Apostolicæ confirmationis ipsius hostes objecissent.

Ea quidem ratione S. Leo ductus fuit ad confirmandam fidei definitionem in Synodo Chalcedonensi editam, quia nonnulli in vulgus sparserant, totam ab ea Synodum reprobari, idque inde effutierant, quia 28. Canonem ejus rejecerat. At S. Leo hoc dum fecit, tradidit, se per suos Legatos, in sola tamen causa fidei, approbasse, & confirmasse, quod in Synodo Chalcedonensi definitum fuerat (1). “Ne ergo (inquit) per malignos interpretes dubitabile videatur, utrum, quæ in Synodo Chalcedonensi per unanimi-
 ” tatem vestram de fide statuta sunt, approbem, hæc ad omnes fratres, &
 ” Cœpiscopos nostros, qui prædicto Concilio interfuerunt,
 ” scripta direxi ut omnium Fidelium corda cognoscant,
 ” me non solum per fratres, qui vicem meam exequuti sunt,
 ” sed etiam per approbationem gestorū Synodaliū, pro-
 ” priam vobiscum iniisse sententiam in sola videlicet fidei
 ” causa“. Falsum est autem, S. Leonem hujusmodi confir-
 ” mationem *etiam non petitam*, sicuti Bossuetius affirmat, misisse. De ea enim ipsum Marcianus in hunc modum rogaverat (2): “Idcirco pietas tua emittere litteras dignetur, quæ
 ” omnes & Ecclesiæ, & populi cognoscant, acta Synodi a
 ” Beatitudine tua approbari“. Et in fine epistolæ: “Quapropter veneranda dignitas tua istud quam primum per litteras
 ” ubique significet, quibus plenissime ostendat, Synodum
 ” Chalcedonensem te ratam habere, ne dissidiorum, discor-
 ” diarumque cupidis de judicio Sanctitatis tuæ ulla relinqua-
 ” tur suspicio“. Marciani petitioni S. Leo satisfecit, atque hæc ad eum scripsit, quibus magis magisque semper constat,
 esse

(1) Epistola 89. juxta editionem Cacciaril. (2) Juxta eandem editionem post epist. 90. S. Leonis.

esse a se jam confirmatam definitionem fidei in Synodo etiam S. Leonem professum fuisse (1): ° Quum vestro (inquit) præcipuo opere effectum sit, ut per Synodale Concilium, damnatis impii dogmatis defensoribus, omnes vires sacrilegus error amitteret; ad ejusdem devotionis pertinet palmam, si malum, quod in suis ducibus est oppressum, etiam in quibuscumque reliquiis deleatur. Quod facilius clementia vestra arbitratur implendum, si per universas Ecclesias definitiones sanctæ Synodas Chalcedonenſis Apostolicæ Sedi placuisse doceantur. De quo quidem ratio non fuit ambiendi, quum ei fidei omnium subscribendo consensum accesserit, quæ a me secundum formam Apostolicæ doctrinæ, ac paternæ traditionis emissæ est Quia vero omnibus modis obediendum est præcati vestræ, religiosissimæque voluntati, constitutionibus Synodalibus, quæ mihi de confirmatione fidei Catholicæ, & hæreticorum damnatione placuerunt, lubens adjeci sententiam meam: quæ ut in notitiam omnium Sacerdotum Ecclesiarumque perveniat, vestræ clementiæ præceptio ordinare dignabitur “.

Hac autem occasione S. Leonem confirmasse, quæ *certa, summa, & indeclinabili auctoritate* facta fuerant, Bossuetio assentitur, quamvis in ea ratione cum ipso non conveniamus, ob quam *certa, summa, & indeclinabili auctoritate* facta fuisse, censeri debet. Ea enim erant *certa, summa, & indeclinabili auctoritate* facta, tum quia Patres in iis condendis Romano Pontifici, veluti membra capiti, adhæserant, ejusque Catholicæ fidei formulam expresserant, tum quia S. Leo per fratres, qui vicem ejus exequuti fuerant, gesta Synodalia spectantia ad fidem jam probaverat. Unde certam, summam, & indeclinabilem auctoritatem ex Supremo Ecclesiæ capite, prout debet, nos repetimus, Bossuetius autem, contra ac etiam ipsa ratio suadet, ex membris.

Confirmationem autem a S. Leone adhibitam fuisse ejusdem generis, ac alteram, quam, peracta Synodo, Episcopi

(1) Juxta eandem editionem epist. 91.

scopi Occidentales adhibuerunt, qua tandem ratione Bossuetius affirmare potuit, si S. Leo ille fuit, qui Patribus regulam decretorum dedit, quid ab eis definiendum erat, præscripsit, eum Patres, uti suum caput, sequuti fuere? Si Marcianus, ut alia omittamus, ad tuendam auctoritatem Synodi Chalcedonenfis, omniaque diffidia comprimenda a S. Leone petiit, ut Synodus ab eo confirmaretur, datis in hanc rem litteris singularibus, quæ quidem juxta mandatum S. Leonis in notitiam omnium Sacerdotum, atque Ecclesiarum deducendæ erant? Anne quid simile in eam confirmationem cadit, quæ Episcopi Occidentales sicuti legitur in epistola Agapiti ad Leonem Imperatorem (1) Patribus Chalcedonenfibus sese assentiri declararunt? Sux quidem consensionis, uti par erat, certa quidem argumenta in ea præbent, auctoritatis vero ejus, qua hoc toto in negotio S. Leo usus fuit, omnino nulla.

§. XXVII. Est perspectum etiam ex Synodo Œcumenica VI., Constantinopolitana III., de eo jure confirmandi Œcumenica Concilia, quod nos Summo Pontifici tribuendum esse tuemur.

De V. Œcumenica Synodo non est, cur modo verba faciamus: eam siquidem, si in se ipsa spectetur, Œcumenicam non fuisse, sed confirmatione Romanorum Pontificum talem subinde habitam fuisse, est jam ostensum a nobis (2). Peracta itaque Synodo VI., de ea *Synodicam Relationem* ad Agathonem Summum Pontificem Patres dederunt, eamque una cum Synodi actis Summo Pontifici reddendam Legatis tradidere, atque illum, quæ a se decreta essent, ut confirmaret, hisce verbis rogarunt (3): « Orthodoxæ autem fidei splendendam lucem vobiscum clare prædicavimus: quam ut iterum » per honorabilia vestra scripta confirmetis, vestram oramus » Paternam Sanctitatem. Quod ergo una vice jam confirmata a Summo Pontifice fuissent, quæ ipsi simul congregati decreverant, Patres contenti non fuerunt, sed etiam voluere, ut *per honorabilia scripta ejus iterum confirmarentur*. Esse autem jam

(1) To. 4. Concil. edit. Venet. col. 189. (2) Hujus lib. cap. 1. §. 10.

(3) Tom. 7. Concil. edit. Venet. colum. 1109.

jam confirmata a Summo Pontifice, quæ ipsi petebant, ut confirmarentur, inde recte deducebant, quia Summus Pontifex suos Legatos ad Concilium miserat, qui a se una cum Occidentalibus Episcopis definita, *ut certa, atque immutabilia compendiosa definitione proferre deberent*, atque jam ex illo tempore Summus Pontifex declaraverat, *ut confacerdotes, ut comministros ejusdem fidei, ut spirituales fratres, ut Coepiscopos* se suscipere eos, qui amplecterentur, quæ ipse definiisset; contra vero alios, qui id facere renuerent, *ut infestos Catholicæ, atque Apostolicæ confessioni se habere* (1). Œcumenici autem VI. Concilii Patres *orthodoxæ fidei splendidam lucem* cum Agathone *predicaverant*, quatenus *fautorem, & Divini Sacramenti mysterium illustrantem per litteras* in suis definitionibus eum sequuti fuerant, eandemque litteras receperant, *ut a Summo Apostolorum vertice divine præscriptas, per quas exortam nuper multiplicis erroris scellam depulerant, atque anathematibus interfecerant ex sententia per sacras Litteras ejus de iis prius lata Theodorum Episcopum Pharan &c.* (2) Nullus sane, hisce semel positis, erat dubitandi locus, quin auctoritate Summi Pontificis jam confirmata forent, quæ Patres decreverant: ipsi tamen in argumentum suæ subjectionis erga Supremum Ecclesiæ Caput alteram de iisdem ab eo confirmationem postularunt.

Contigit mors Agathonis, dum Legati, qui litteras ei reddendas receperant, ob varia negotia in aula Imperatoris adhuc morarentur, ac propterea confirmationem, quam petierant, ab eo Patres obtinere non potuerunt. Attamen postea perlato nuntio Constantinopolim de inauguratione Leonis II. ad Summum Pontificatum, tunc Constantinus epistola ad ipsum data per Legatos deferenda, eundem rogavit, ut confirmaret, quæ in Concilio gesta fuissent. Id statim præstitit Leo II., atque in hunc modum Synodi de ceteris suam confirmationem adjecit (3): " Igitur gestorum Synodaliū seriem recensentes, curiosaque diligentia singula, quæ gesta sunt, flagitantes, eadem, quæ Apostolicæ Sedis Legati narra-

„ runt,

(1) Vide loca hujus libri cap. 1. §. 20. (2) Vide cit. §. cap. 2.

(3) Tom. 8. Concil. edit. Venet. colum. 1151.

„ runt , scriptis consonantibus convenire reperimus . Co-
 „ gnovimus enim , quod sancta , & universalis , & sexta Sy-
 „ nodus eadem , quæ universa Synodus sanctæ , & Apostoli-
 „ cæ huic Sedi adjacens senserit , atque decreverit sub or-
 „ thodoxæ fidei integritate , regulisque majorum , atque
 „ concorditer nobis confessâ est , unum esse de Trinitate
 „ Christum Per quæ revera probavimus , hanc sextam
 „ Synodum Apostolicam prædicationem inoffenso pede fuisse
 „ sequutam , sanctorumque , & universalium quinque Con-
 „ ciliarum definitionibus in omnibus consentientem “ . Et
 „ infra : “ Hanc rectæ , & Apostolicæ traditionis normam præ-
 „ decessor meus Agatho cum sua Synodo prædicavit : hanc
 „ scriptis percurrentibus in suæ suggestionis pagina vestræ
 „ pietati per suos Legatos misit quam sancta Synodus
 „ suscepit , & nobiscum amplexa est Idcirco & nos , &
 „ per nostrum officium hæc veneranda Sedes Apostolica , con-
 „ corditer , & unanimiter his , quæ definita sunt ab ea , con-
 „ sentit , & B. Petri auctoritate confirmat , sicut supra soli-
 „ dam petram , qui Christus est , ab ipso Domino adeptis fir-
 „ mitatem . Propterea sicut suscepimus , atque firmiter præ-
 „ dicamus sancta quinque universalia Concilia , Nicænum ,
 „ Constantinopolitanum , Ephesinum I. , Chalcedonense , &
 „ Constantinopolitanum ; quæ omnis Christi Ecclesia appro-
 „ bat , & sequitur : ita & quod nuper in regia urbe pio vestræ
 „ serenitatis annisu celebratum est , sanctum sextum Con-
 „ ciliium , ut eorum pedisequum , & ea interpretans , pari
 „ veneratione , atque censura suscipimus , & hoc cum eis
 „ digne connumerari , tamquam una , & æquali Dei gratia
 „ congregatum decernimus : & qui in eo convenerunt Chri-
 „ sti Ecclesiæ Sacerdotes , inter Sanctos Ecclesiæ Patres , at-
 „ que Doctores adscribendos æque censemus “ . Non poterat
 „ sane Leo II. majori efficacia verborum sua auctoritate con-
 „ firmare , quæ Patres decreverant : majorem quoque solli-
 „ citudinem de hac confirmatione Patres gerere non poterant .
 „ Tam vero ab illo , quam ab istis ejus quidem confirmationis
 „ habitam fuisse rationem , quæ vim , firmitatemque decreto-
 „ rum

rum respiceret, etiam me tacente, nemo non videt. Est ergo perspectum etiam ex Synodo Œcumenica VI., Constantinopolitana III., de eo jure confirmandi Œcumenica Concilia, quod nos Summo Pontificitribuendum esse tuemur.

§. XXVIII. Bossuetius præter historię veritatem contendit, Synodum VI. ea confirmatione, quam nos tuemur, a Summo Pontifice roboratam non fuisse.

Defensionis &c. lib. 8., alias 13., cap. 6. & ipse quoque concedit, V. Synodum, si in se ipsa spectetur, Œcumenicam non fuisse; *consensione* vero *Occidentalis Ecclesię, ac Sedis Apostolicę approbatione*, pro Synodo Œcumenica valuisse tradit. In quo sane ei consentimus, dummodo eam pro Œcumenica inde primum valuisse concedat, quia ab Apostolica Sede probata fuit. Nam intra eundem annum, quo habita fuit, eam Vigilius approbavit (1). Eodem in capite Bossuetius ad quamdam consensionem revocat eam confirmationem, qua Leo II. Synodi VI. definitiones firmavit. Observat ergo ipse, fidei definitionem semel editam, & Patrum Imperatorisque subscriptione signatam Actione VIII. missam fuisse ad quinque Sedes Patriarchales, utpote *quę certissima auctoritate constaret*. In eadem autem Actione Patres, in sua observatione Bossuetius ultra pergit, ad Agathonem Papam Relationem mittunt, in qua quidem illud asserunt: "Se Spiritu Sancto illustratos, & Agathonis doctrina institutos, infesta dogmata depulisse," subdunt tamen: "Et corde nos, & lingua, & manu convenientes, omnis erroris expertem, certamque, nec fallentem definitionem vivifici spiritus ope edidimus". Argumento autem esse hæc omnia debent, inquit Bossuetius, Patres existimasse, "Satis illustratam, roboratam, confirmatam fidem, quam ipsi tradidissent, & ad inculcationem majorem pertinere eam, quam postulabant, confirmationem novam". Hinc factum autumat, ut Imperator decreta Synodi, non expectata responsione Apostolicę Sedis, executioni mandari præceperit, & confirmationem, quæ postea Leo II. decreta Synodi roboravit, pro quadam con-

Tom. III.

Z

sen-

(1) Vide quæ hac re disseruimus hujus lib. cap. 1. §. 10.

fensione habendam dicit. Postremo illud a se omittendum, non esse tradit, Macarium Episcopum Antiochenum ob hæresim a Synodo depositum, non propterea, sicut nonnulli dicunt, ad Sedem Apostolicam missum fuisse, ut apud eam, sicuti Concilio superiorem, illius causa iterum ageretur, sed ut Sedes Apostolica in recta fide illum institueret, vel pœnitentem absolveret, sicuti ex litteris Leonis, & Imperatoris constare contendit.

Bosluetii observationes nunc expendamus. Mirandum ergo non est, definitionem fidei, semel ac edita fuit, & Patrum, ac Imperatoris subscriptione signata, ad quinque Sedes Patriarchales missam fuisse: illa namque, ut inquit Bosluetius, *certissima auctoritate* constabat, quia Patres, & quidem jure merito, tenuerunt, uti paulo ante ostendimus (1), auctoritate Summi Pontificis eam confirmatam esse, indeque *ut iterum per honorabilia scripta* eandem comprobaret, Summum Pontificem deprecari fuisse.

Satis quidem *illustratam, roboratam*, atque *confirmatam* eam fidem, quam ediderant, Patres esse putabant: verum, itane fortasse arbitrabantur de suo judicio consili, & non potius quia per litteras Agathonis, *ut a summo Apostolorum vertice perscriptas exortam nuper multiplicis erroris hæreticam sectam* depulerant (2)? Hinc Patres in sermone Prosphnetico ad Imperatorem (3) "Proinde (inquiunt) inspiratione Sancti
 „ Spiritus conspirantes, & Agathonis sanctissimi Patris nostri, & Summi Papæ dogmaticis litteris ad vestram fortitudinem missis consentientes, nec non & suggestioni sanctæ,
 „ quæ sub eo est Synodi CXXV. Patrum concordantes, unum
 „ de Sancta Trinitate Dominum nostrum Jesum Christum,
 „ etiam incarnatum prædicamus in duabus naturis indivise,
 „ inconfuse laudandum". Post hæc autem affirmant, successorem Principis Apostolorum se habuisse *fautorem, & Divini Sacramenti mysterium illustrantem per litteras*. Ad eam ergo fidem, quæ ab Agathone ibi manifestata, & constituta fuerat,

(1) Supet. §. (2) Vide locum hujus libri cap. 2. §. 21. (3) Tom. 7. Concil. edit. Venet. colum. 1086.

rat, suam Patres expressisse affirmant: Agathonem Divini Sacramenti mysterium sibi illustrasse profitentur: litteras ejus ut a Summo Apostolorum vertice divine scriptas agnoscunt. Pet hoc ergo *satis illustratam, roboratam*, atque *confirmatam* esse suam fidem Patres tenuerunt, quia doctrinæ Agathonis innixa erat, & ab ea profluxerat, Agathonisque auctoritate confirmata erat. Quare *ad inculcationem majorem*, seu *ad novam approbationem*, uti *De Statu Ecclesiæ* cap. 6. *De Concilii Generalibus* §. 5. num. 2. Febronius contendit, pertinebat ea nova confirmatio, quam petebant, quatenus id, quod Summi Pontificis auctoritate præeunte, atque confirmante, constitutum fuerat, ejusdem Summi Pontificis auctoritate iterum confirmari exorabant.

Qua vero ratione Patres, eadem etiam Imperator sibi persuasum habuit, fidei definitionem, quæ in Concilio edita fuerat, non tam Concilii esse, quam Agathonis. Id enim nosse necessario debebat tum ex litteris, quas Agatho ad ipsum dederat, tum ex sermone Prosphonetico Patrum, quem ad illum, peracta Synodo, habuerunt (1). Unde mirandum non est, si Imperator, non expectato responso Apostolicæ Sedis, curavit, ut Synodi decreta executioni mandari inciperent.

A Leone autem II. decreta Synodi VI. ita confirmata fuisse, ut nullus dubitandi locus super sit, quin auctoritatem, & robur, non vero simplicem assensionem sua confirmatione iisdem decretis adjecerit, modo ostendimus (2). Unde non video sane quomodo Bossuetius ad quamdam simplicem assensionem referri velit hujusmodi confirmationem Leonis II.

Missum Macarium Antiochenum Episcopum a Synodo jam depositum Romam fuisse, non quidem, ut Sedis Apostolicæ judicio subiceretur, ejusque causa Romæ iterum ageretur, sed ut errans instrui, & poenitens absolvi posset, ex litteris Imperatoris, & Leonis compertum esse, Bossuetius confidenter affirmat: "Quod (inquit) adeo clarum est ex Impe-

Z 2

„rato-

(1) Utrumque hac de re locum vide hujus libri cap. 2. §. 21.

(2) Superiori §.

„ ratoris, & Leonis litteris, ut his immorari pudeat“. Ita-
 ne vero? Hæc sane Imperator de Macario ad Leonem ha-
 bet (1): „ Sanctum, & universale Concilium insanum Ma-
 „ carium cum illius hæreseos sociis Pontificali habitu nuda-
 „ vit. Omnes vero, scriptis precibus, serenitatem nostram
 „ precati sunt, ut eos ad vestram Beatitudinem mitteremus.
 „ Sic igitur fecimus, eosque ad vos misimus, vestro Paterno
 „ iudicio omnem ipsorum causam permittentes“. Dum vero
 alicujus rei jam condemnati causa alterius *iudicio* permittitur,
 in arbitrio ejus reponi intelligitur quidquid jam decretum fue-
 rit. Leo autem II. in epistola ad Imperatorem de Macario
 aliisque cum eo sentientibus mentionem faciens, & eorum
 erroribus commemoratis, ait (2): „ Idcirco digne anathe-
 „ matis stylo percussi sunt, & æternis vinculis colligati, pœ-
 „ nitere nolendo, & insolubiliter tenentur obstricti: ne rur-
 „ sus in effrænatam præsumptionis audaciam concitati, suæ
 „ doctrinæ contagio quempiam fœdarent; qui etiam nunc
 „ usque in sua obstinatione pervicaciter perseverare malue-
 „ runt.... Nam quod per divalia scripta vestra pietas no-
 „ stram exiguitatem commonere dignata est, ut salutari do-
 „ ctrina, atque orthodoxæ fidei dogmatibus imbuerentur,
 „ quatenus ad sanæ fidei scientiam pervenirent, ut ægrotis,
 „ & naufragantibus circa fidem, sedulo eis manum spiritua-
 „ lis doctrinæ porreximus, ut ad portum veritatis pertinge-
 „ rent“. Illud ergo Leo de Macario sociisque ejus primo de-
 finit, .telo anathematis fuisse digne percussos, & eodem insol-
 ubiliter obstrictos teneri, quoniam a suo errore, non resi-
 puerant. Imperatorem deinde monet, sedulo eis manum
 spiritualis doctrinæ se porrexisse. Quapropter Imperator, pro-
 ut Patres petierant, Leonis paterno iudicio Macarium cum
 sociis remisit: Leo Macarium, & socios telo anathematis di-
 gne percussos pronuntiavit, & eodem insolubiliter teneri con-
 strictos definiivit. Cum his autem non pugnat, quod Leo or-
 thodoxæ fidei dogmatibus Macarium, & socios imbuere curave-
 rit.

(1) Tom. 7. Concil. edit. Venet. colum. 1139. (2) Cit. tomo colum. 1155.

rit . Ex his constat non fuisse , cur Bossuetius citato loco de hoc negotio ita absolute pronuntiaret : “ Macarium Antiochenum ad Sedem Apostolicam missum , non quem admodum nescio qui cavillantur , ut ejus causam tamquam superior retractaret , sed ut errantem instrueret , pœnitenti , si forte , indulgeret : quod adeo clarum est ex Imperatoris , & Leonis litteris , ut his inmorari pudeat “ .

§. XXIX. Fidei definitionem in Synodo Œcumenica VII., Nicæna II., editam Hadrianus I. sua auctoritate probavit , atque confirmavit .

Id constat ex Hadriani I. testimonio in epistola ad Carolum Magnum , in qua non solum refutat illos , qui fidei definitioni in hoc Concilio editæ sese opponebant , sed etiam & Synodum *secundum suam ordinationem* celebratam fuisse dicit , atque ipsam Synodum se suscipere . Narrat enim in ea (1), se duos Petros misisse Constantinopolim , qui , uti ipse inquit , “ Statim Concilium fieri jusserunt : sed ab hæreticis seditione facta , in Sicilia insula missi nostri sine responso reversi sunt : & demum post eos mittentes , iterum Constantinopolim eos ascendi fecere . Et sic Synodum istam secundum nostram ordinationem fecerunt , & in pristino statu sacras , & venerandas Imagines erexerunt “ . Ita factum dicit , ut hæretici sacrarum Imaginum eversores “ Ad fidem orthodoxam sanctæ Catholicæ , & Apostolicæ Ecclesiæ reversi sint . Et ideo ipsam suscepimus Synodum . Nam si eam minime recipissemus , & ad suum vomitum erroris fuissent reversi , quis pro tot millium animarum Christianarum interim habuit reddere rationem ante terribile tremendum Divini Judicii examen , nisi nos solummodo “ ? Affirmat ergo Hadrianus Synodum a se probatam , & confirmatam quoad definitionem cultus sacrarum Imaginum . “ Id ipsum (inquit Christianus Lupus tom. 3. *Synod. General. in Dissert. de VII. Synodo* cap. 14.) assidue successores ejus attestantur . Quod Leo IV. præsentem Synodum ut plene irrefragabilem , & authenticam , aliis sex Generalibus appingi in Ecclesia Vaticana

” cu-

(1) Extat tomo 8. Concil. edit. Venet. colum. 1553.

» curarit ; asserit in Benedicti III. vita Anastasius Bibliotheca-
» rius “.

Pro confirmatione tamen Synodi nullum adhuc respon-
sum se Imperatori Græcorum reddidisse in eadem epistola ad
Carolus Magnum testatur . Cujus rei , uti monet Christianus
Lupus , “ Adjungit causam agens de ablatis Romanæ Ecclesiæ
» patrimoniiis , & diocæsis : *Quæ tunc abstulerunt , quando*
» *sacras Imagines deposuerunt , & nec responsum quodlibet exinde*
» *dederunt* . Hac ergo de causa , ac item ob non relictum .
» *Episcopi Universalis* nomen indignatus Hadrianus quidem
» confirmavit Synodi fidem , & restitutas sanctorum Imagi-
» nes , attamen Apostolicis litteris noluit Principes honora-
» re “ . Huc usque Lupus , qui etiam observat , ab Hadriano
Synodi Canones fidem non respicientes confirmatos non fuisse
» , quia in illis quidam nævi inerant nullo sane modo confir-
» mandi , sicuti in scholiis ad prædictos Canones ipse ostendit .

§. XXX. Synodum Œcumenicam VII. ad Hadriano non
fuisse confirmatam , Bossuetius falso contendit .

Defensionis &c. lib. 8. , alias 13. , cap. 6. hæc habet :
» Septima Synodus , Nicæna II. , nullam ab Hadriano rebus
» gestis specialem confirmationem petiisse , nullam accepisse
» legitur ; neque eo confirmatio visa est aut Græcis , aut aliis :
» neque nostri , quum eam non susceperent , confirmationem
» defuisse causati sunt “ . Etiam Febronius *De Statu Ecclesiæ*
cap. 6. *De Conciliis Generalibus* §. 5. num. 2. illud opponit , nul-
lo modo probari , “ Concilium ab Hadriano rogasse suorum de-
» cretorum confirmationem “.

At a confirmatione petenda Patres abstinere poterant ,
quia *secundum ordinationem* Hadriani de colendis sacris Imagi-
nibus decretum ediderant ; quia lectis coram Synodo Hadriani
epistolis tum ad Tarasium Patriarcham Constantinopolita-
num , tum ad Imperatores , Patres clamaverunt : *Tota sacra-*
» *tissima Synodus ita credit , ita sapit , ita dogmatizat* ; quia de-
» mum in subscriptionibus nonnulli se credere potestati fuisse ,
» *sicut honorabiles litteræ sanctissimi Papæ continent* , alii *secundum*
» *litteras sanctissimi Papæ senioris Romæ Hadriani* , nonnulli de-
» mum

mum Hadriani epistolas *Nitidissimum Orthodoxie terminum* vo-
 carunt. Hinc Tarasius Patriarcha Constantinopolitanus illi
 epistola, quam, peracta Synodo, ad Hadrianum dedit, ita
 habet (1): " Et quum perlatae primitus vestrae fraternae San-
 citatis litterae legerentur, praestolabantur omnes, spiritua-
 libus eduliis tamquam in regalibus coenis frucentes, quae
 Christus per litteras suas epulantibus praeparabat: & sicut
 oculus totum corpus ad rectitudinis, & veritatis semitam
 ostendebat. His itaque gestis praedicabatur a nobis omni-
 bus, qui beneplacito Dei congregati eramus, recta, & ir-
 reprehensibilis confessio, quae nobis missa est a vobis (2).
 Fatemur autem, (ut cum Cl. Orsio loquar *De Romani Pon-*
tificis Auctoritate lib. 2. cap. 6.) per se valere, & nova, ac
 speciali confirmatione non egere, quae ad hanc normam
 exacta in Conciliis Oecumenicis decernuntur. Cum ipso
 in citato lib. cap. 9. " Addimus tamen, opus esse aliquando
 clara, & diserta Romani Pontificis confirmatione, ut con-
 tra malignos interpretes omnibus Fidelibus constet, Syno-
 dum & Oecumenicam, & legitimam fuisse, legesque ser-
 vasse, quae in definiendo servandae sunt; ac potissimum eam
 nequaquam in suis decretis ab Apostolicae Sedis regulis, &
 dogmatibus deflexisse.

Quum vero *Nostri* illi, de quibus loquitur Bossuetius,
 non opposuerint, Synodum VII. a Summo Pontifice confir-
 matam non fuisse; id argumento esse debet de confirmatio-
 ne Pontificis non dubitasse, alioquin id pro se in medium
 afferre non omisissent, quod ad suam agendi rationem tuen-
 dam valde conducebat.

§. XXXI. Auctoritate Hadriani II. Oecumenica VIII. Sy-
 nodus, Constantinopolitana IV., confirmata fuit.

Ea peracta, hujus Synodi Patres epistolam ad Hadria-
 num dederunt, in qua praeter alia illud commemorant, Deum
 per *solertiam ejus, interventionem, & judicium, seu Synodicam*
expositionem, tam magnam, & universalem Synodum congregare
 di-

(1) Tomi. 4. Concilii. edit. Vener. colum. 1275. (2) Vide §. 23.
 cap. 2. hujus libri.

dignatum fuisse, & *tantum opus ad finem prosperum perducere* (1). Ea propter ut quæ in Concilio decreverant, confirmare dignaretur, hisce cum verbis rogant: " Igitur libenter oppido, & gratanter, imitatrice Dei Sanctitate vestra, omnium nostrum conventuum, & universalis hujus, atque Catholicæ Synodi consensum, & consonantiam recipiente, prædica eam magis, ac veluti propriam, sollicitius confirmacoangelicis præceptionibus, & admonitionibus vestris, ut per sapientissimum magisterium vestrum etiam aliis universis Ecclesiis personet, & suscipiatur veritatis verbum, & justitiæ decretum ". Hadrianum vero II. id præstitisse, quod Patres ab eo petierant, ex illa responsione patet, quam ad epistolam ab Imperatore sibi missam dedit. Imperator itaque nomine Ignatii Patriarchæ Constantinopolitani, inter alia de eo Hadrianum rogaverat, ut laicorum numero non haberentur, qui a Photio ordinati fuerant. In hunc ergo modum Hadrianus ad Imperatorem respondit (2): " Ab illis sacratissimis Constitutis, quæ vel Apostolicæ memoriæ prædecessor noster Nicolaus ante salubriter sanxit, vel nos postea dispensatorie protulimus, nulla motione, vel mutatione discedemus, aut ad dexteram, aut ad sinistram quoquo modo declinabimus. Quæ videlicet jam dudum probavit Ecclesia, & immutata servanda nuper gestum universalis Concilium statuit. Neque enim nobis mos est, ut paternis sanctionibus pro libitu abutamur ". Et postea: " Nihil possumus ab eo, quod jam constitutum est, ordinare diversum, maxime de Photii consecratione. Non enim est in nobis est, & non est. Et si quæ destruximus, eadem reedificamus, prævaricatores legis nos esse constituemus ". Sua ergo auctoritate Hadrianus II. confirmavit, quod in VIII. Œcumenica Synodo juxta priora ejus decreta constitutum fuerat, quamvis ut contra faceret, tum Patriarcha Constantinopolitanus, tum Imperator anniterentur. Ex eo autem quod nomine Ignatii Patriarchæ Constantinopolitani Imperator

(1) Tom. 10, Concil. edit. Venet. colum. 674. (2) Cir. tomo colum. 679.

tor Hadrianum rogaverit , ut eos in numero laicorum haberi non vellet , qui a Photio ordinati fuerant , certum argumentum habemus ejus auctoritatis , quam inesse in Summo Pontifice nunc tuemur . Nam ut ii in numero laicorum haberentur , Actione X. constitutum fuerat . Si ergo Imperator nomine Ignatii Patriarchæ Hadrianum rogavit , ut non pateretur eosdem haberi in numero laicorum , evidenti argumento id esse debet , utrique persuasum fuisse , eam Summo Pontifici supra decreta Conciliorum Œcumenicorum auctoritatem convenire , quam nos tuemur .

Tandem ab Hadriano II. Synodus VIII. Œcumenicam confirmatam fuisse , testem habemus Gregorium VII. in epistola ad Hugonem Dionsensem Episcopum , & suum Vicarium in Galliis . In ea enim contra investituras laicas agens , ita habet (1) : “ Eadem sententia , & animadversionis censura ,
 „ quam B. Papa Hadrianus in VIII. Synodo (cui utique non
 „ interfuit , sed quam confirmavit) de hujusmodi præsumptio-
 „ ribus statuit , se adstrictum cognoscat „ .

§. XXXII. Falso contendit Bossuetius ad promulgationem , & executionem decretorum referendam esse eam confirmationem , quam Patres Synodi Œcumenicæ VIII. ab Hadriano II. petierunt .

Defensionis &c. lib. 8. , alias 13. , cap. 6. “ Octava Synodus (inquit) Constantinopolitana IV. , Nicolai I. , & Hadriani II. judicium exequuta adversus Photium , ut firmitatem obtineret , nulla procul dubio Sedis Apostolicæ nova confirmatione indigebat “ . Igitur ; ipso sentiente , ut ex ejus loquente ratione constat , indignisset , quum Œcumenica esset , si præcedens Nicolai I. , & Hadriani II. judicium non habuisset , quod sequeretur : igitur semel ac Œcumenica Concilia in suis definitionibus non habeant præcedens judicium Apostolicæ Sedis , confirmanda illa sunt ab Apostolica Sede : quod tamen Bossuetius non admittit .

Damus ei tamen , necesse non fuisse , ut hæc Synodus

Tom. III.

A a

ab

(1) Lib. 4. epist. 22. tom. 12. Concil. edit. Venet. colum. 398. ,

ab Apostolica Sede confirmaretur, quia ea Nicolai I., & Hadriani II. sententiam & sibi prælucentem habuit, & sequuta fuit (1). Tamen VIII. Œcumenicæ Synodi Patres, non secus ac Patres VI. Œcumenicæ Synodi cum Agathone fecerant, licet in iis, quæ decreverunt, eundem Agathonem *fautorem, & Divini Sacramenti mysterium illustrantem per litteras* habuissent (2), confirmationem suorum decretorum ab Hadriano II. ipsi quoque petendam censuerunt, ut de judicio Apostolicæ Sedis semper magis magisque constaret, & ab omnibus Ecclesiis susceperetur veritatis verbum, & justitiæ decretum. Nam hæc verba Patrum ad Agathonem: "Itaque Sanctitate vestra
 » omnium nostrum, & universalis Synodi consensum, &
 » consonantiam recipiente; prædica eam magis, ac veluti
 » propriam, ac sollicitius confirma coangelicis præceptionibus vestris; ut per sapientissimum magisterium vestrum,
 » etiam aliis universis Ecclesiis perfonet, & suscipiatur veritatis verbum, & justitiæ decretum": referenda esse ad *Conciliarium decretorum promulgationem, atque executionem*, sicuti Bossuetius opinatur, nihil magis ab ipso sensu verborum alienum esse potest. Nam Patres recipere Synodi consonantiam in Hadriani arbitrio reponunt, atque illam ideo coangelicis præceptionibus ejus confirmari rogant, ut per hujusmodi sapientissimum magisterium universis Ecclesiis perfonet, & suscipiatur veritatis verbum, & justitiæ decretum. Tam vero recipere, quam non recipere aliquis potest, quod sibi est ab inferiori auctoritate constitutum: sicut etiam decreta potestatis sibi inferioris quisquam recipiendo confirmare potest: ac eo magisterio, quo fit, ut veritas ubique perfonet, & ab universis Ecclesiis suscipiatur veritatis verbum, & justitiæ decretum, nullum superius fingi potest. Patres igitur non de promulgatione, & executione, sed de confirmatione, quæ decretis daret plenam auctoritatem, loquutos fuisse, nimis comperta res est.

Denum quum jam ostenderimus cujus generis, & in quo

(1) Vide superior. §. 30. (2) Vide superior. §. 27.

quo posita ea confirmatio sit , qua ab aliqua potestate ratum habetur , quod ab altera illi æquali constitutum fuit (1) ; non est , cur nunc alia Bossuetio respondeamus affirmanti , nihil valere , “ Ad vindicandam Papæ superiorem potestatem eam , confirmationem , quam in Actis primorum Conciliorum , invenimus “ , quia ex hoc sequeretur , unum Pontificem in potestate superare alterum ; quum unius decreta Pontificis ab aliis subinde confirmata fuisse legamus . Id ergo unum tantum ei reponimus , idem usuenisse etiam quoad decreta Conciliorum Œcumenicorum .

Quod spectat ad confirmationem VIII. Œcumenicæ Synodi cum Bossuetio Febronius consentit , & *De Statu Ecclesiæ* cap. 6. *De Conciliis Generalibus* §. 5. num. 2. in hunc modum refert ea , quæ ad Hadrianum II. Patres , peracta Synodo , scripsisse leguntur : “ Vos autem Conventum omnium , nostrum , & consonantiam hujus Synodi benevole recipite ; & precibus apud Deum vestris confirmate “ . Certe ex hac loquendi ratione colligi non posse videtur , Patres ab Hadriano petiisse , ut sua auctoritate confirmaret , quæ ipsi decreverant . At vero non ita sane scripserunt , sicut Febronius refert , sed ea ratione , quam nos in superiori §. expressimus . Nam quæ nos exscripsimus , non solum leguntur in cit. edit. Conciliorum Venetensi an. 1729. tom. 10. colum. 674. , sed etiam in edit. Pariensi Harduini an. 1714. tom. 5. colum. 935. , & in edit. altera Parisiensi an. 1671. tom. 8. colum. 1169. Patrum autem loquendi ratio , quæ exprimitur in his editionibus , nullum dubitandi locum relinquit , confirmationem eorum , quæ decreverant , Patres ab Hadriano petiisse , sicuti jam ostendimus .

§. XXXII. Summo ergo Pontifici convenit quidem jus confirmandi Œcumenica Concilia , non tamen juxta eam acceptionem , quam Natalis ab Alexandro , Bossuetius , & aliis omnes volunt , qui in hoc negotio sunt ejusdem opinionis cum illis .

A a 2

Na.

(1) Hujus cap. §. 3.

Natalis ab Alexandro in *Hist. Ecclesiast.* seculi 15. & 16. *Differt.* 4. art. 1. num. 45. hac de re Parisiensium Theologorum opinionem exponens, affirmat, quod "Tota auctoritas dans robur statutis Conciliorum generalium principaliter residet in Spiritu Sancto, & in Ecclesia Catholica, ut docet ab antiquo sacra facultas Parisiensis". Quapropter confirmationem Summi Pontificis in eo *solum* positam asserit, "Quod Synodi decretis consentiat, quod ea promulget, exequutioni mandari jubeat, ipsemet exequatur". Id confirmari contendit ex epistola S. Leonis 61., seu 87. Quenellianæ editionis, atque qua ratione S. Leo in causa fidei Synodi Chalcedonenfis gesta confirmavit, etiam ab Episcopis Concilia confirmari contendit, dum decretis illorum subscribunt (1). De illorum autem Episcoporum subscriptione loquitur, ad quos decreta Concilii mittuntur, uti constat ex illis exemplis, quæ hac de re in medium adducit.

Ne tamen auctoritatem Summi Pontificis nimis depresse videatur, eamque cum auctoritate Episcoporum coæquasse, hæc superaddit: "Quia conditiones quædam ad Synodum Œcumenicam necessario concurrunt, ut scilicet secundum sacras Scripturas, secundum Traditionem Patrum, secundum Ecclesiasticas regulas cum plena suffragiorum libertate, consentiente regulariter Summo Pontifice, & per se ipsum, vel per Legatos, si voluerit, prasidente, & suffragii prærogativa gaudente, celebretur ab Episcopis ex toto Christiano orbe convocatis, neminem, qui jus habuerit, excluso, aliquam in Ecclesia auctoritatem esse oportere, ad quam spectet judicare, & declarare, quod cum harum conditionum concursu Synodus gesta sit: qua ex declaratione Christianorum omnium obligatio ad ejus decreta quum de fide, tum de morum disciplina recipienda consequitur". Id ergo muneris a Summo Pontifice exerceri affirmat, "Quum Synodi Generalis decreta promulgat".

Bos-

(1) Hujus cap. §. 25. & 26. solutum est a nobis, quod Natalis ex S. Leone pro se in medium adducit.

Bossuetius *Defensionis &c.* lib. 7., alias 12., cap. 17. ex Ephesino Concilio totam vim confirmationis, quæ ab Apostolica Sede habeatur, vel a Legatis Apostolicæ Sedis, in eò repositam contendit, ut per illam *plana, & manifesta fiat consensio* Apostolicæ Sedis cum iis, quæ a Patribus decreta fuerint. Lib. 8., alias 13., cap. 2. *nihil vanius*, esse dicit, *quam confirmationis vocem ad argumentum superioris potestatis trahere*. Eiusdem autem libri 9. cap. ipse quoque concedit, esse " Illud haud absurdum, confirmatione declarari Synodum & legitime fuisse convocatam, & legitimo ordine processisse, neque quidquam intervenisse, quo nulla sit: qualia multa in Ariminensi, atque Ephesina II. Synodis evenisse legimus ". Paulo vero post hanc confirmationem esse positam in consensione Sedis Apostolicæ conjuncta cum approbatione totius Ecclesiæ hisce verbis tradit: " Hæc ergo est ultima adversus malignos interpretes Synodi bene gestæ testificatio: Sedis Apostolicæ conjunctus cum totius Ecclesiæ approbatione consensus, quam confirmationem dicimus Quare haud immerito affirmamus, ultimum, quo Synodi Œcumenicæ asserantur, esse Ecclesiæ universalis consensum cum Apostolicæ Sedis confirmatione conjunctum ".

Primo itaque de hoc consensu Ecclesiæ universalis, seu approbatione videamus, deinde de reliquis. Illud ergo ego quaero, undenam potissimum de consensione universalis Ecclesiæ in rem aliquam nobis constare possit. Ab iis sane, quos Deus posuit suam Ecclesiam regere, hoc est, ab Episcopis. " Nec inficias ibit quisquam tamen (ita recte Thomassinus *Dissert.* 6. in *Synodum Constantinopolitanam* num. 5.) hanc consensionem seu tacitam, seu loquacem Ecclesiæ universæ non plebibus, non Clericis minoribus, sed Episcopis adscribendam. Episcoporum est enim, Apostolis succedentium, & Ecclesiæ magistrorum præire Discipulis suis, & Synodalia statuta condere, autorare, promulgare ". At vero a quibusnam Episcopis hac in re, de qua agimus, Ecclesiæ consensus exquirendus?

Pro-

Profecto non ab illis, qui in unum simul convenientes, hæc; vel illa decreta ediderunt: nam horum sane judicium per Ecclesiæ consensionem suum ultimum complementum accipere debet. De hac ergo consensione Ecclesiæ constare oportebit ex aliis Episcopis (ad hos autem etiam Natalis ab Alexandro appellat) qui vocati ad Concilium venire vel renuerunt, vel ob aliquod impedimentum non potuerunt. Horum ergo judicium, quamvis ad rem expendendam inter se non convenerint, licet in Spiritu Sancto congregati simul non fuerint, etsi universam Ecclesiam non repræsentent, præferendum erit judicio omnium aliorum Episcoporum, qui simul in Œcumenico Concilio sub uno Supremo Ecclesiæ capite in Spiritu Sancto congregati, atque universam Ecclesiam repræsentantes rem definiendam maturius discussissent, & ut Ecclesiæ commodis prospicerent, ærumnas longioris itineris subire non detrectarunt. Convenerint ergo sane in Nicæna I., Constantinopolitana I., Ephesina I., Chalcedonensi, Constantinopolitana II., & III., Nicæna II., Constantinopolitana IV., atque in aliis subinde Synodis Œcumenicis, totius propemodum Ecclesiæ flos: Patres non minus doctrina, quam vitæ sanctitate celebres ad Synodos Œcumenicas accesserint, & in aliquibus earum numero quasi mille: maturius omnia discussissent, in errores hæreticorum diligentius inquisissent, ipsosque etiam hæreticos, dum hoc fieri potuit, ad causam dicendam coram se vocaverint, consuluerint diligentissimè sacras Litteras, Traditionem Patrum non minus accurate expenderint, vota, præcesque suas Supremo Patri luminum obtulerint, ut in suis definitionibus sibi præsto esset; ad hæc omnia illud quoque accedat, ut Summus Pontifex, qui Primatum auctoritatis, & jurisdictionis super universam Ecclesiam gerit, super quem Christus suam Ecclesiam ædificavit, eique in mandatis dedit, ut omnes fratres in fide confirmaret, decreta illorum sua auctoritate confirmaverit; tamen quod est a tanta multitudine Patrum simul in Spiritu Sancto sub Supremo Ecclesiæ capite congregatorum tam maturo judicio

dicio definitum , & ejusdem Supremi capitis auctoritate confirmatum , semper , saltem aliquo modo suspensum , & incertum remanebit , quoad usque reliquos orbis Christiani Episcopos in Spiritu Sancto nullo modo congregatos , sed a se longe disitos , quorum unusquisque proprio judicio ducitur , in id non consensisse constiterit , quod illi definierunt . Nullo sane modo persuadere mihi possum , vel quemquam sibi persuadere posse arbitror , Spiritum veritatis , quem suæ Ecclesiæ Deus promisit , in Patribus simul in unum in Spiritu Sancto sub Supremo Ecclesiæ capite in Concilio Œcumenico congregatis , quibus idem Supremum Ecclesiæ caput præfederit , & eorum definitiones confirmaverit , in suis decretis deficere posse ; non posse vero in quibusdam aliis Episcopis , qui neque in Spiritu Sancto cum aliis simul congregantur , neque sub Christi Vicario Ecclesiæ capite in unum conveniunt , sed unusquisque eorum proprium judicium sequitur . Quis ergo non videat , in quos tandem scopulos impingere illa nos propositio faciat : *Auctoritas dans robur statutis Conciliorum Generalium principaliter residet in Spiritu Sancto , & in Ecclesia Catholica* , quæ , uti tradit Natalis ab Alexandro apud suos , qui ejusdem , ac ipse , sententiæ sunt , communiter recepta est , atque propugnatur ? Hanc enim auctoritatem , de qua loquimur , principaliter residere in Spiritu Sancto , nemo dubitat . At vero auctoritas , quæ ex parte Ecclesiæ requiritur , ab Episcopis in Concilio congregatis repeti non potest , quum hic requiratur *Auctoritas dans robur statutis Conciliorum Generalium* : ea ergo ab aliis Episcopis , qui Conciliis Œcumenicis non interfuerunt , repetatur , istorumque judicium illorum judicio præferatur oportet .

Quapropter quoad usque de istorum Episcoporum privato judicio non constiterit , ea tota auctoritas deerit , quæ dat *robur statutis Conciliorum Generalium* . Habebunt sane decreta Conciliorum Generalium aliquid auctoritatis etiam juxta Adversarios nostros , tamen robur omne , quod habere possunt , & habere debent , profecto non habebunt . Nam
dec-

deerit, *quod dat illis robur*, deerit *ultima testificatio Synodi bene gesta*, uti sentit Bossuetius. Non est igitur, cur hoc intervallo temporis decreta Conciliorum Œcumenicorum, quamvis a Supremo Ecclesiæ capite confirmata fuerint, uti omnino certa, & infallibilia habeantur: hæreses in iis confixæ non omnino prostratæ erunt: hæretici damnati lato in se judicio non erit, cur se prorsus submittant: fidei definitiones non omnem certitudinem habebunt.

Immo si *tota auctoritas dans robur statutis Conciliorum Generalium principaliter residet in Spiritu Sancto* (de quo sane nemo dubitat) *ut docet ab antiquo sacra Facultas Parisiensis*; si, uti habet Bossuetius, *ultima Synodi bene gesta testificatio, ultimumque, quo Synodi Œcumenica asserantur, est Sedis Apostolica conjunctus cum totius Ecclesiæ approbatione consensus*; quum hæc auctoritas dans robur; quum approbatio totius Ecclesiæ, quæ cum consensu Apostolicæ Sedis jungatur, non sit expectanda, sicuti jam animadvertimus, ab Ecclesia Catholica, quam repræsentant Patres in Œcumenico Concilio congregati, sed a privato judicio quorundam Episcoporum, qui Concilio non interfuerunt; hæretici damnati in Conciliis Œcumenicis ad sententiam istorum appellare poterunt, atque ita latam contra se condemnationem ad longum tempus eludere. Ea namque tota auctoritas dans robur statutis Conciliorum, istis in Episcopis residet, ab istis totius Ecclesiæ approbatio expectanda est, quæ conjuncta cum consensu Apostolicæ Sedis est ultima Synodi bene gestæ testificatio: ergo hanc totam auctoritatem ea majorem esse oportet, qua statuta Conciliorum Œcumenicorum edita sunt: ergo qui ab hac se condemnatos sentiunt, ad illam appellare possunt, atque interea non omnem, quam deberent, latæ condemnationis habere rationem.

Quid vero sentiendum erit, si Episcopi, qui Concilio Œcumenico non interfuerunt, vel per longum tempus differant lata in Concilio Œcumenico decreta probare, vel in ea nullo modo se consentire velle significant? Anne tunc decre-

ta Concilii Œcumenici vel omnino suspensa remanebunt ? vel eo in pretio habenda erunt , ac si edita non forent ? Eis enim tunc deest illa tota auctoritas , ob quam iisdem robur accedit , deest totius Ecclesiæ approbatio , quæ simul unita cum consensu Apostolicæ Sedis est ultima Synodi bene gestæ testificatio . Decreta ergo Conciliorum Œcumenicorum tunc sine ea tota auctoritate erunt , per quam robur habent : suspensa ergo saltem aliqua ratione remanebunt ; quoad usque hæc tota auctoritas superaccedat ; irrita autem evadent , si hæc tota auctoritas contradicat . Quid enim esse unicuique magis obvium potest , quam decreta illa , saltem aliqua ratione , suspensa remanere , quibus deest tota auctoritas , a qua robur habent : vel omnino irrita evadere , si tota auctoritas , a qua robur habent , illis sese opponat ? Rursus : si Episcopi , qui Concilio non interfuerunt , vel per longum tempus probare differant lata in Concilio Œcumenico decreta , vel in ea nullo modo se consentire velle significant ; tunc decretis Concilii Œcumenici vel ad tempus , vel omnino deerit totius Ecclesiæ approbatio , quæ conjuncta cum consensu Apostolicæ Sedis est ultima Synodi bene gestæ testificatio : ergo deerit eis vel ad tempus , vel omnino prorsus ultima Synodi bene gestæ testificatio : suspensa autem remanere decreta Concilii Œcumenici , quoad usque eis deest Synodi bene gestæ testificatio ; irrita autem evadere , dum a quo haberi deberet , non habetur Synodi bene gestæ testificatio , sed contrarium ejus , nemo non novit . Quisnam vero unquam concefferit , Œcumenicorum decreta Conciliorum suspensa , aut irrita hac ratione evadere posse ?

Neque est , quod ad hæc omnia præcavenda Adversarii nostri reponant , hanc totam auctoritatem , quæ dat robur statutis Conciliorum Generalium in Spiritu Sancto principaliter residere . Id nullus sane negaverit . Verum quæ ex sententia eorum consequi jam ostendimus , tantum abest , ut tollantur , quin potius augentur . Spiritus Sancti virtutem in nobis agentem non videmus ; tamen tunc operari in nobis est

certissime tenendum, quando revera agimus in nomine ejus, atque ad agendum ea ratione simul convenimus, qua semel ac convenerimus, nobis congregatis sese adfuturum promiserit. Patres sane in Concilio Œcumenico legitime congregati in hunc censum veniunt, quemadmodum etiam Adversarii nostri profitentur, non vero Episcopi, seorsim accepti, qui ad Concilium Œcumenicum vocati venire renuerint: igitur hanc totam auctoritatem, quæ dat robur statutis Conciliorum Generalium, quæque principaliter in Spiritu Sancto residet, esse penes Patres in Concilio Œcumenico legitime congregatos, non vero penes aliquos Episcopos, qui Concilio Œcumenico non interfuerunt, firmissime tenendum est. Et tamen ex sententia nostrorum Adversariorum consequitur, totam auctoritatem, quæ dat robur statutis Conciliorum Generalium, etiam quatenus principaliter in Spiritu Sancto residet, non inesse in Patribus in Concilio Œcumenico legitime congregatis, independenter a quibusdam Episcopis, qui cum illis simul non convenerunt.

Verum enim vero nunc iterum paucis contra Adversarios nostros ex altero doctrinæ capite, quod ipsi tuentur. Ea ergo in opinione ipsi sunt, quam omni contentione defendunt, *Synodum Œcumenicam uti supremam, & ultimum Ecclesiæ tribunal esse* (1). Profecto Synodi Œcumenici nomine omnes Episcopi in eo congregati veniunt, non vero ceteri omnes quaquaversum suas singulares Ecclesias regentes, qui ad Synodum una simul cum aliis non convenerint. Episcopi ergo in Concilio Œcumenico simul uniti hoc *supremum, & ultimum Ecclesiæ tribunal* constituunt. Quomodo autem hujusmodi Ecclesiæ tribunal & *supremum*, & *ultimum* esse poterit, si ei deest auctoritas, quæ dat robur statutis Conciliorum Generalium; & hæc auctoritas, quemadmodum ex sententia Adversariorum consequi ostendimus, peti debet ab Episcopis, qui Concilio non interfuerunt? Quomodo, inquam, hujus-

(1) Vide Natalem ab Alexandro in citata Dissert. 4. art. 1., in quo suorum hac de re opinionem acriter propugnat.

huiusmodi Ecclesiæ tribunal & *supremum*, & *ultimum* esse poterit, si ultima Synodi bene gestæ testificatio, ultimumque, quo Synodi Œcumenicæ asserantur, est Sedis Apostolicæ conjunctus cum totius Ecclesiæ approbatione consensus; & hic consensus totius Ecclesiæ repetendus est ab Episcopis, qui Concilio non interfuerunt? Anne *supremi*, & *ultimi* iudicii ratio in Conciliis stare sine ea auctoritate potest, quæ dat robur statutis Conciliorum, starene potest, inquam, sine ultima Synodi bene gestæ testificatione, sine illo ultimo, quo Synodi Œcumenicæ asseruntur? Ex his autem quid consequatur, quoniam nimis perspectum est, nemo non videre potest.

Illud quidem ex Ecclesiastica Historia perspectum habemus, aliquando Œcumenici Concilii Patres, aliquando Summum Pontificem, aliquando etiam Imperatores encyclicas epistolas de iis, quæ in Concilio decreta fuerant, dedisse ad Episcopos, qui Concilio non intervenerant, ut suam isti confirmationem decretis Conciliorum adjungerent. Verum enim vero hanc confirmationem eorum neque talem habitam, neque revera fuisse, ut ab ea penderet illa tota auctoritas, quæ dat robur statutis Conciliorum, inde constat, quod a nemine dubitatum unquam fuit, utrum decreta Concilii Œcumenici a Summo Pontifice confirmata suam omnem vim ad omnes obligandum haberent. Nam statim pro hæretico illi habitus est, cui anathema a Conciliis, Summo Pontifice confirmante, propter ejus doctrinæ falsitatem dictum fuit: uti hæreticam illam sententiam statim explosam fuisse didicimus, in qua contineri hæresim, eodem iudicio declaratum fuit: uti Catholica illa definitio fidei statim habita fuit, quæ ex eodem principio prodiit. Ea ergo ab huiusmodi Episcopis confirmatio encyclicis epistolis petita fuit, quæ quamdam solummodo consensionem continebat. Hanc vero tantum ab Episcopis præstitam fuisse, dum Œcumenicorum decreta Conciliorum confirmasse leguntur, est supra jam animadvertum a nobis (1).

B b 2

Quas

(1) Hujus cap. §. 15.

Quas vero partes in confirmatione Conciliorum Œcumenicorum Adversarii nostri Summo Pontifici tribuendas velint, nunc expendamus. Esse ergo ejus volunt judicare, utrum omnia in Concilio Œcumenico juxta sacros Canones peracta fuerint: ejusmodi tamen judicium tunc ab eo ferri dicunt, quando, sicuti habet Natalis ab Alexandro, *Synodi Generalis decreta promulgat, eorumque executionem imperat*; vel quando, uti dicit Bossuetius, *Sedis Apostolica consensus cum totius Ecclesie approbatione conjungitur*. At hæc confirmatio, quæ Summo Pontifici tribuitur, est ejusdem omnino rationis, ac ea sit, quæ ab Adversariis nostris, sicuti jam ostendimus, tribuitur Episcopis, & quidem non in Concilio Œcumenico unitis, sed seorsim acceptis, & tantum iis, quibus se conferendi ad Œcumenica Concilia aut voluntas, aut potestas defuit. Nam omnia in Concilio secundum Canonicas leges peracta fuisse Summus Pontifex sua consensione declarat, eademque etiam urget executionem decretorum. Quid? Nonne & prædicti Episcopi sua consensione hæc utraque præstant? Quis enim unquam putaverit, in hujusmodi eos decreta consentire, quæ, non servatis Canonicis legibus, edita crederent? vel dum consentiunt, pro ea potestate, quam habent, executionem illorum non urgere?

Neque est, cur dicant, Pontificem sua consensione urgere in tota Ecclesia executionem decretorum, Episcopos autem in propriis solummodo diocæsis, ac propterea istorum, & illius non unam eandemque rationem esse. Nam, juxta Parisiensem Theologorum opinionem, quam refert Natalis ab Alexandro; *Tota auctoritas dans robur statutis Conciliorum Generalium principaliter residet in Spiritu Sancto, & in Ecclesia Catholica*; indeque, ut idem Natalis ab Alexandro tradit, confirmatio Pontificis in eo solum posita est, quod *Synodi decretis consentiat, quod ea promulget, executioni mandari jubeat, ipsemet exequatur*. Rursus dum Bossuetius ea de confirmatione agit, quæ habetur a Summo Pontifice quoad decreta Conciliorum Œcumenicorum, *nihil vanius esse affirmat,*
quam

quam confirmationis vocem ad argumentum superioris potestatis trahere ; ac propterea est ultima adversus malignos interpretes Synodi bene gesta testificatio , Sedis Apostolicæ conjunctus cum totius Ecclesiæ approbatione consensus , quam confirmationem dicimus . Modo ita . Si confirmatio Pontificis in eo solum posita est , quod Synodi decretis consentiat , quod ea promulget , executioni mandari jubeat , ipsemet exequatur ; si etiam dum de hujusmodi confirmatione agitur , nihil vanius est , quam confirmationis vocem ad argumentum superioris potestatis trahere ; si Ecclesiæ Catholicæ nomine , quemadmodum jam ostendimus , juxta acceptionem Adversariorum in hac re , de qua agimus , intelligi debent Episcopi seorsim accepti , qui ad Concilium Œcumenicum non convenerunt , & ab hac Ecclesia Catholica pendet ea tota auctoritas , quæ hîc in ter-
ris dat robur statutis Conciliorum Generalium ; si demum consensus Sedis Apostolicæ conjunctus cum approbatione totius Ecclesiæ , & quidem ita totius Ecclesiæ , ut habeatur tantum ratio illorum Episcoporum , qui Concilio Œcumenico non interfuerunt , sicuti evicimus , est ultima adversus malignos interpretes Synodi bene gesta testificatio , & in hujusmodi consensu confirmatio reponi debet ; profecto nemo non videre non potest , confirmationem , quæ Summo Pontifici ab Adversariis nostris tribuitur , esse omnino ejusdem rationis , ac eam , quam dant Episcopi , & quidem non in Concilio Œcumenico uniti , sed seorsim accepti , atque tantum ii , quibus se conferendi ad Œcumenica Concilia aut voluntas , aut potestas defuit .

Quum vero de decretis omnium gravissimis hîc agatur , hoc est de iis , quæ circa fidem , mores , aut disciplinam versantur , atque totam Ecclesiam obligant ; non-video sane , quomodo confirmandi hujusmodi decreta æqualis potestas tum in Summo Pontifice , tum in quibusdam Episcopis , & quidem seorsim acceptis , stare possit & cum Supremo absoluto Monarchico regimine , & cum Suprema legislativa potestate , atque ut gravius urgeam etiam juxta sententiam Adversariorum , & cum suprema præfectura non solum ordinis ,
& di-

& dignitatis , sed etiam auctoritatis , & jurisdictionis , quibus Summus Pontifex super universam Ecclesiam præditus est (1). Profecto si ita se res haberet , sicut Adversarii vel-
lent , Patres Conciliorum Œcumenicorum pro confirmatione
eorum , quæ decreverant , non Summum Pontificem rogare
debuissent , sed Episcopos ubique dispersos , qui secum non
adfuerant , aut saltem tum istos , tum illum æquali ratione .
Verum non ita sane fecerunt : sed a Summo Pontifice tantum
eam suorum decretorum confirmationem petierunt , qua iis-
dem robur , & auctoritas adjiceretur (2). At ista de re plus
quam satis .

L I-

(1) Hujus cap. §. 17. & seq. (2) Hujus cap. §. 20. & seqq.



LIBER XXII.

DE APPELLATIONIBUS.

Alterum in hoc libro explicandum aggredimur, quod ab ea Suprema Præfectura non solum ordinis, & dignitatis, sed etiam potestatis, & jurisdictionis, quam Summus Pontifex super universam Ecclesiam habet, nullo modo divelli potest. Hoc vero est jus Appellationum, quod Supremo Ecclesiæ capiti vindicandum aggredimur. Quemadmodum enim cum Suprema Præfectura tam dignitatis, & honoris, quam potestatis, & jurisdictionis, tum Suprema legislativa potestas, tum regimen absolute Monarchicum, tum auctoritas Œcumenica Concilia indicendi, præsidendi illis, atque confirmationem adjungendi conjunguntur; (de quibus doctrinæ capitibus jam disseruimus) ita etiam ad eandem Supremam Præfecturam, uti ad primum præcipuumque principium spectat jus Appellationum in eo positum, ut ultimum judicium de Ecclesiasticis causis Summo Pontifici semper reservetur. Eusebiani omnium primi fuerunt qui id juris Summo Pontifici denegarunt, contenderuntque, sicuti ex epistola eorum data ex Philippopolitano conventiculo constat apud Hilarium *Ex Opere Historico* Fragmento 3: immutabilia esse, atque irretractabilia, quæ in Conciliis Orientalibus decreta forent. Acaciani eos deinde sequuti fuere (1). Photius inuasor Ecclesiæ Constantinopolitanæ, & schismatis inter Latinam, & Græcam Ecclesiam parens infauitissimus, Balsamon, Meletius, Zonaras, in Florentino Concilio Marcus Ephesinus, atque Græci omnes Schismatici in eundem errorem impeerunt (2). Eisdem etiam Calvinus lib. 4. *Institut.* cap. 7. §. 9., & Marcus Antonius de Dominis *De Ecclesiast. Republ.* lib. 1. cap. 5. assensu fuere. Ex eo quod isti vel omnem Pri-

(1) Vide Christianum Lupum tom. 8. Operum ejus. *Dissert.* 1. *De Gallic. Eccl. Rem. Appellat.* cap. 29. (2) Vide Lupum cit. tomo *Dissert.* 2. cap. 16.

Primatum tam ordinis , & dignitatis , quam auctoritatis , & jurisdictionis , vel Primatum tantum auctoritatis , & jurisdictionis Summo Pontifici contra fidei Catholicæ veritatem denegaverint , in ejusmodi errorem prolapsi fuerunt . Etiam quidam Catholici , quamvis non eodem , ac illi principio , jus Appellationum rem esse defendunt , quæ cum Suprema Præfectura super universam Ecclesiam ex sui natura non conjungatur , sed quæ primum in Concilio Sardicensi instituta fuerit . Id tuentur Petrus de Marca *De Concordia Sacerdotii , & Imperii* lib. 7. cap. 1. & seqq. , Stephanus Baluzius in *Præfat.* ad Gratiani decretum ab Antonio Augustino emendatum num. 3. & seq. , & longe majori , quam par est , ut alios nunc omittam , animi contentione Palchafius Quæfnellus *Dissert.* 5. , seu *Apologia pro S. Hilario* , in editione Operum S. Leonis , quam ipse faciendam curavit .

Hanc ergo rationem ad istos omnes refellendos , qui contra hoc jus pugnant , quod Sedi Apostolicæ ex sui natura debetur , in ista disputatione servare institui . Capite hujus libri 1. de natura Appellationum agam . Deinde habita ratione facti , in quo sane potissimum Adversarii nostri confidere videntur , rem istam , de qua contra eos disputandum est a nobis , primo expendam , postea descendam ad jus . Quapropter in cap. 2. sermo erit de Appellationibus factis ad Sedem Apostolicam ante tempora Concilii Sardicensis : in 3. de iis , quæ , habita ratione Appellationum , in Sardicensi Concilio decreta fuerunt : in 4. de Appellationibus factis ab Orientalibus Ecclesiis ad Sedem Apostolicam post Sardicense Concilium : in 5. de Appellationibus factis ab Ecclesiis Occidentibus ad Sedem Apostolicam post Concilium Sardicense , & ante Trullanum : in 6. de eo fundamento , quod Appellationes factæ ad Sedem Apostolicam in jure Divino : in 7. quod in jure etiam Civili habent .

CAPUT I.

DE NATURA IPSARUM APPELLATIONUM.

§. I. **A**ppellatio est provocatio a iudicio unius ad iudicium alterius.

Appellatio tunc habetur, quando quispiam unius sententia iudicis, vel revera, vel secundum existimationem ejus, nimis, quam par est, gravatus ad iudicium alterius provocat, ejusque se decreto subiicit: appellatione ergo provocatio fit a iudicio unius ad iudicium alterius.

§. II. Appellatio res est, quæ ex principiis legis naturæ derivatur.

Naturæ lege unicuique datum est, ut suum jus debita ratione tueatur. Appellatio autem quoddam medium est, quo quis jus suum debita ratione tuetur: quum ea fiat, ut sibi illatum damnum ob sententiam contra justitiæ leges in se latam reparare possit. Nam a iudicio unius ad iudicium alterius appellatio instituta est, ut quod in priori iudicio defuit, in altero corrigatur. Appellatio ergo ex principiis legis naturæ profisciscitur.

§. III. Cum ipsa appellatione necessario conjungitur, ut ille, ad cujus iudicium provocamus, sua supra alterum, a quo provocatur, quoad illam iudicii rationem, de qua agitur, auctoritate valeat.

Dum a iudicio unius ad iudicium alterius provocamus, quod ab illo definitum est, istius sententiæ subiicimus. Frustra autem, & præter omnia jura id ageretur a nobis, semel ac ille, ad cujus iudicia, habita ratione rei ab altero iudicatur, provocamus, sua supra istum alterum auctoritate non valeret. Tunc enim contingeret, ut unum, qui alteri in sua iudicii ratione nullo modo subiectus est, ei subiiceremus. Hoc autem, & frustra omnino, & præter omnia jura fieri nemo non videt. Cum ipsa itaque appellatione necessario conjungitur, ut ille, ad cujus iudicium provocamus, sua supra alterum, a quo provocatur, quoad illam

Tom. III.

Cc

judi-

judicii rationem, de qua agitur, auctoritate valeat. Hinc recte Justinianus *Novella* 22. cap. 3. "Quum non oporteat (inquit) ad compares judices appellationes referri, sed » a minore judicio in majus tribunal ascendere".

§. IV. In sua ergo appellatione provocans ad sententiam ejus, qui nullam auctoritatem supra id judicii genus habet, quod ab altero latum præsupponitur, quantum ex se est, pervertit jura rationis.

Exigunt jura rationis, ut neque plus uni tribuatur, quam debetur, neque quidquam auferatur ab altero, quod illi proprium est: hoc vero est, quod non servatur, dum in appellatione provocatio fit ad sententiam illius, qui nullam auctoritatem supra id judicii genus habet, quod ab altero latum esse præsupponitur. Tunc enim id juris uni tribuitur, quod non debetur, hoc est, potestas supra judicium alterius; & alteri id juris subtrahitur, quod illi proprium est, quia in sui judicii ratione, cui non debet, subiicitur. Dubitari ergo non potest, quin in sua appellatione provocans ad sententiam ejus, qui nullam auctoritatem habet supra id genus judicii, quod ab altero latum esse præsupponitur, pervertit, quantum ex se est, jura rationis.

§. V. Multo magis pervertit jura rationis, qui suscipit hujusmodi appellationes ad se delatas.

Ille, qui revera facit contra jura rationis, eadem magis pervertit, quam alter, qui faciendum aliquid proponit contra ipsa jura rationis. Juribus namque rationis nullum vulnus revera infligitur, sed solummodo infligi tentatur, dum faciendum proponitur, quod eisdem opponitur: quando autem hoc ipsum fit; tunc sane jura rationis pervertuntur. Profecto qui ad eum judicem appellat, qui supra alterum, a quo appellatur, nullam quoad illius judicii rationem auctoritatem habet, vulnus quidem juribus rationis infligere tentat, revera autem non infligit: judex autem dum hujusmodi appellationes suscipit, juribus rationis vulnus revera infligit, quia contra agit, ac illa exigant. Qui igitur eas appellationes, de quibus nunc loquimur, suscipit, contra
ira

tra jura rationis magis præ altero agit, qui eandem defert.

§. VI. Sola etiam acceptatio hujusmodi appellationum opponitur juri rationis.

Duo ex sui natura ad appellationem consequuntur; hoc est, & suspensio executionis sententiæ illius, quam tulerit iudex inferior, & cognitio totius causæ superiori iudici deferatur. Hinc Canonistæ, & Jurisperiti appellationi tribui oportere affirmant effectum tum suspensivum, tum devolutivum, quatenus propter appellationem suspenditur executio illius sententiæ, a qua appellatur, & cognitio causæ ad superiorem iudicem devolvitur. Hæc sane duo ex sui natura appellationi conveniunt. In jure tamen cautum est, ut quoddam genus appellationis effectum suspensivo careat, habeatque solummodo devolutivum (1). Propter utrumque autem effectum consequitur, ut iudex, ad quem deferatur appellatio, quamdam super alterum iudicem, a quo appellatur, auctoritatem exercent. Neque enim quispiam sine exercitio auctoritatis aut suspensum reddere potest, quod alter decreverit, aut sententiam illius suo iudicio submittere. Semel ac ergo aliquis eas appellationes suscipiat, ad quas nullam auctoritatem habet, agit profecto contra principia rationis, quæ prohibent, ne supra alterum aliquid auctoritatis sine ullo certo jure sibi quispiam usurpet.

§. VII. Ipsa natura appellationum non exigit, ut ab uno iudice provocetur ad alterum, qui proxime sequitur secundum ordinem auctoritatis, deinde ad alios juxta eundem ordinem, quousque ad supremum iudicem perveniatur.

Cum natura appellationis illud necessario conjungitur, ut iudex ad quem appellatur, auctoritate, atque potestate iudicem alterum præcedat, a cujus sententia appellatio fit (2): ceterum ut iudex, ad quem appellatur, sit ipse quoque alterius iudicio subiectus, nullo modo requiritur. Dum enim,

C c 2

ser-

(1) Vide Concil. Trident. Sess. 22. *De reformat.* cap. 1., ac etiam Van-Espenium *Juris Canonici* par. 3. tit. 10. cap. 3., in quo plura genera appellationum refert, quæ saltem juxta statuta aliquarum regionum effectum suspensivum non admittunt. (2) Hujus cap. 5. 3. & seqq.

servato ordine auctoritatis, ab uno ad alterum judicem appellatur, tandemque ad supremum omnium judicum devenitur; tunc sane judicium, quod iste pronuntiat, nullius est amplius discussioni subiectum. Ex eo autem quod hujusmodi judicium discussioni alicujus subiectum non sit, tantum abest, ut factæ appellationi aliquid desit, quin potius ea suum ultimum complementum habeat, atque sit omnino firma, atque immutabilis illa sententia, quæ a supremo iudice pronuntiatur. Hoc autem nunquam haberi posset, semel ac in appellationibus exigeretur, ut iudex, ad quem appellatur, esset ipse quoque alterius iudicio subiectus. Ipsa igitur natura appellationum non requirit, ut ab uno iudice provocetur ad alterum, qui proxime sequitur secundum ordinem auctoritatis; deinde ad alios juxta eundem ordinem, quousque ad supremum iudicem perveniatur.

§. VIII. Naturæ ergo appellationum non adversatur, quod hac de re in jure Canonico constitutum habemus.

Ad Summum Pontificem appellari posse, priori intermissa appellatione ad iudices inferiores, in jure Canonico cautum habemus (1). Quum ergo ipsi naturæ appellationum non opponatur, ut intermissa priori appellatione ad iudices inferiores, ad supremum iudicem quispiam statim appellet (2); neque etiam opponi potest, quod hac de re in jure Canonico cautum habemus. In jure Civili illud quidem constitutum est (3). „A iudice, quem a præside provinciæ quis accepit, rit, non recte ad Imperatorem appellatum esse; idcircoque cum reverti ad præsidem debere;„ indeque interpretes communi suffragio concludunt, in jure civili cautum esse, ne quis ad supremum iudicem appellet, omissis iis, qui præ sunt tribunalibus inferioribus; verum etiam apud laicos causæ singulares occurrunt, in quibus, intermisso medio ordine judiciorum, ad tribunal supremum appellatur (4).

§. IX. Ap-

(1) *De appellat. cap. Ad hac 8. cap. sollicitudinem 54., & alibi.*

(2) *Præced. §. (3) Digest. lib. 49. tit. 1. De appellat. l. 21.*

(4) *Vide Van-Espennium Juris Ecclesiæ. univers. par. 3. tit. 10. cap. 2. num. 2.*

§. IX. Appellationes institutæ potissimum sunt in beneficium ejus, qui sententia judicis se gravatum sentit; hic tamen pro suo arbitrio iisdem tam uti, quam non uti potest.

Multa in lege tum Canonica, tum Civili sancita fuisse legimus, quibus ad propulsandam injuriam, vel damnum, quod accepit, uti quispiam potest; tamen ut utatur iis, nullo præcepto cogitur. Hujus profecto generis sunt appellationes. Ius enim provocandi a judicio unius ad judicium alterius illi tribuitur, qui judicio prioris aliquo modo se gravatum sentit: ceterum si iste ad alterum judicem provocare nolit, contra legem appellationum nullo modo peccat. Verum igitur est, quod nos nunc contendimus. Quare si quis in aliquo judicio nullum appellationi locum ad alterum tribunal fuisse inde contendat, quia nonnulli a judicio semel lato, licet eo gravati forent, ad hujusmodi superius tribunal non appellarunt, colligit sane, quod non potest, neque debet. Ex hoc ergo facto quempiam suum jus, median-
tibus appellationibus, persecutum non fuisse, inferri debet, non vero ad id jus non habuisse, sicuti Quesnellus *Dissert. 5. Apologetica* pro S. Hilario Arelatenſi par. 1. cap. 16. facit; atque inde falso colligit, post Nicænum, & Sardicense concilium appellandi ad Sedem Apostolicam jus in Gallia non obtinuisse, quia nonnulli Episcopi, licet immerito damnati in quibusdam Synodis, ad eam non appellarunt.

CAPUT II.

DE APPELLATIONIBUS FACTIS AD SEDEM APOSTOLICAM
ANTE TEMPORA CONCILII SARDICENSIS.

§. I. **C**irca Christi annum 142., mortuo Hygino Summo Pontifice, ad Romanam Ecclesiam Marcion appellavit.

Utrum ante synodum Sardicensem ad Sedem Apostolicam appellatum fuerit, quaestio est, quam nunc potissimum
con-

contra Petrum de Marca (1), ac Quesnellum (2) discutendam suscipimus. Ipsi enim tuentur appellationes ad Sedem Apostolicam a concilio Sardicensi suam originem duxisse. At sæpius ante Synodum Sardicensem ad Sedem Apostolicam appellatum fuisse, hoc vero est, quod nunc contra eos ostendendum aggredimur. Marcion ergo ad Romanam Ecclesiam appellavit. Quomodo gesta res ista fuerit, ex S. Ephiphanio *Hæresi* 42. num. 1. novimus. Ab eo enim traditum accepimus, Marcionem propter stuprum, quod commiserat, a patre suo Episcopo ab Ecclesia pulsum fuisse, & nunquam postea precibus obtinere potuisse, ut in eam reciperetur. Quare Marcion quum probra suorum concivium diutius ferre non posset, clam secedens Romam se contulit. Quid vero ibi egerit, hisce verbis S. Ephiphanius exponit: “Eo statim ac Marcion pervenit, ad Seniores adiens, qui ab Apostolorum discipulis edocti adhuc supererant, ut in communionem admitteretur, ab iis frustra petiit. Quamobrem extimulatus invidia, quod non principem illic locum, ac ne Ecclesiæ quidem aditum impetrasset, ad impostoris Cerdonis hæresim confugere in animum induxit.... Palam eos alloquens: cur me, inquit, recipere noluitis? Responderunt, nobis injussu venerandi Patris tui illud facere non licet. Una siquidem fides est, & animorum una consensus, neque contra spectatissimum collegam Patrem tuum quidquam moliri possumus”. Marcion itaque non ad alias Ecclesias, quæ procul dubio sibi erant viciniore, atque commodiores, sed ad Romanam, quamvis multis aliis remotiorem, accessit: ea igitur de causa, semel ac illum cum certa judicii ratione hac in re egisse dicamus, omittis aliis Ecclesiis vicinioribus, ad Romanam longe diffitam suum iter direxisse, merito coniicimus, quia auctoritate illius, ab ea se sententia solvi posse putavit, quam pater ejus Episcopus contra illum dixerat. Hyginus e vivis jam decesserat, quando Marcion Romam pervenit. Romanus autem clerus

in

(1) Vide lib. 7. *De Concordia Sacerd., & Imper.* cap. 3. num.(2) Vide *Dissert. Apologet.* pro S. Hilario par. 1. cap. 15.

in suam eum communionem recipere noluit, atque dixit, nihil se contra patrem illius statuere posse. Verum postea Marcion fraude, atque simulatione, uti coniecere licet, ab aliquo illorum Pontificum, qui Hygino proxime successerunt, consequutus fuit, quod petebat. Sicuti ex Tertulliano novimus in libro *De prescriptionibus* cap. 30.; in quo hæc leguntur: " Constat (Marcionem, ac Va-
 » lentium) neque adeo olim fuisse, Antonini fere princi-
 » patu, & in Catholicam primo Doctrinam credidisse apud
 » Ecclesiam Romanensem sub Episcopatu Eleutherii benedi-
 » cti. Ob inquietam illorum curiositatem, qua fratres quo-
 » que vitiabant, semel, & iterum ejeti, Marcion quidem
 » cum ducentis festeriis, quæ Ecclesiæ intulerat, novissime
 » in perpetuum discidium relegati, venena doctrinarum sua-
 » rum disseminarunt. Postmodum Marcion poenitentiam
 » confessus, quum conditioni sibi datæ occurrit, ita pacem
 » recepturus, si ceteras quoque, quos perditioni erudisset;
 » Ecclesiæ restitueret, morte præventus est ". Marcionem
 rogasse seniores Ecclesiæ Romanæ, ut ad suam communio-
 nem sese admitterent, ac *principem locum* sibi darent, apud
 Epiphanium citato loco testatum habemus, qui etiam affir-
 mat, Marcionem, quia obtinere non potuit, quod volebat,
 ad impostoris Cerdonis hæresim confugere, in animum sibi
 induxisse. Admissum tamen in Romana Ecclesia ad commu-
 nionem Marcionem fuisse, Tertullianus tradit. Nam eum &
in Catholicam primo doctrinam credidisse apud Romanensem Ec-
clesiam affirmat, deinde postmodum *ob inquietam curiositatem*
ejectum fuisse testatur una *cum ducentis festeriis, quæ Ecclesiæ*
intulerat. Hæc autem evidenti argumento esse debent, Mar-
 cionem tandem obtinuisse, quod petebat. Quandoquidem
 Catholicam fidem in ea Ecclesia quis profiteri dicitur, de
 cujus communionem gaudet; ab ejus deinde Ecclesiæ commu-
 nione ille non ejicitur, qui in ea ad communionem antea
 admissus non fuerit: postremo semel ac Ecclesia quam-
 dam pecuniæ quantitatem ab aliquo recipiat, illamque ei
 a se expulso restituat, dubitari non potest, hujusmodi ho-
 mi-

minem ab illa Ecclesia ad sui communionem admissum fuisse :

At, inquires, quomodo fieri potuit, ut Marcion in Romana Ecclesia ad communionem admissus fuerit, si seniores Ecclesiæ Romanæ, hoc se facere non posse dixerunt injussu Episcopi patris ejus ? Quæ post Synodales litteras Concilii Sardicensis subdit S. Hilarius *ex Opere Historico* Fragmento 2. num. 19. de Valente, & Ursacio, deque venia iisdem a Julio data, animadverti debent. Ita ergo habet : “ Quam opportunitatem nacti Ursacius, & Valens, Romanæ plebis Episcopum adeunt: recipi se in Ecclesiam deprecantur, & in communionem per veniam, admitti rogant. Julius ex consilio veniam, quam orabant, impertit, ut cum lucro Catholicæ Ecclesiæ vires quoque detraheret Arianis, quum eos, qui veritatem antea turbaverant, consilii hujus, & audaciæ pœnitentes, in communionem Catholicam per veniam reconciliatæ pacis admitteret “. Ex his autem Christianus Lupus suorum operum tom. 8. Dissert. 1. *De Romanis appellat*. cap. 18. animadvertit, “ Duplicem lapsi, etiam Clerici, ac Episcopi, reparandi formam esse antiquissimam: nempe reparationem per justitiam, & reparationem per dispensatoriam gratiam “. Reparationem itaque *per dispensatoriam gratiam* ab aliquo ex Pontificibus, qui Hygino successerunt, Marcion postea consequutus fuit. Unde vel Pius, vel Anicetus, vel Soter, qui Eleutherium, sub quo Marcion ab Ecclesia Romana ejectus fuit, præcesserunt, & Hygino succedere, hanc indulgentiam cum Marcione adhibuerunt.

Ex hoc autem constat, quam longe a vero sententia illorum abludat, qui Marcionem ideo a Romano clero rejectum fuisse affirmant, quia Ecclesia tunc temporis usque ad Zephyrinum hæc tria crimina, Idololatriam, Homicidium, & Mœchiam Christi Domini judicio remittebat, eosque, qui illa admisissent, neque in mortis periculo constitutos absolvet (1). Nam quamvis Marcion Mœchus esset, multo ante

Zc-

(1) Præter alios etiam Christianus Lupus supra citatus huic responsioni subscribit.

Zephyrini tempora pacem in Ecclesia Romana receperat. Id modo nos adnotasse sufficiat: neque enim instituti nostri ratio patitur, ut hac de re agamus. Nobis certe, quamvis nonnulli eruditi viri contra sentiant, omnino persuasum est, nullo unquam seculo in Ecclesia beneficium absolutionis denegatum fuisse iis, qui in extremo periculo mortis versabantur, quodcumque tandem crimen admisissent, quemadmodum Cl. Orsius pluribus jam ostendit (1).

§. II. Intra illud spatium annorum, quo S. Fabianus Ecclesie præfuit, hoc est, ab anno 236. usque ad annum 251., Privatus Lambesitanus in Numidia Episcopus ad Sedem Romanam appellavit.

» Per Felicianum significavi tibi, (inquit S. Cyprianus
» epist. 55. ad Cornelium) frater charissime, venisse Cartha-
» ginem Privatum, veterem hæreticum, in Lambesitana co-
» lonia ante multos fere annos ob multa, & gravia delicta
» nonaginta Episcoporum sententia condemnatum, anteces-
» sorum etiam nostrorum Fabiani, & Donati litteris severissi-
» me notatum; qui quum causam suam apud nos in Conci-
» lio, quod habuimus idibus Maiis, quæ proximæ fuerunt,
» agere se velle diceret, nec admissus esset, Fortunatum istum
» sibi Pseudoepiscopum dignum collegio suo fecit. De hoc
» Privato Lambesitano hæc habet etiam Romanus Clerus ep. 30.
» ad Cyprianum: "Quod autem pertinet ad Privatum Lambe-
» sitanum, pro tuo more fecisti, qui rem nobis tamquam
» sollicitam nunciare voluisti. Omnes enim nos decet pro
» corpore totius Ecclesie, cujus per varias quasque provin-
» cias membra digesta sunt, excubare: Sed hos etiam ante
» litteras tuas fraus callidi hominis latere non potuit. Nam
» quum antehac quidem ex ipsius nequitie cohorte venisset,
» vexillarius Privati futurus, & fraudulentè litteras a nobis
» elicere curaret, nec quis esse latuit, nec litteras, quas
» volebat, accepit". Privatus ergo Episcopus Lambesitanus
» ob sua gravia crimina in Lambesitana colonia a nonaginta
» Episcopis damnatus, ad Donatum Episcopum Carthaginen-

Tom. III.

D d

sem,

(1) Dissertatione Historica singulari.

fem, Primatem totius gentis, primo provocavit, deinde ad S. Fabianum Summum Pontificem : verum, sicuti inquit S. Cyprianus, *antecessorum nostrorum litteris gravissime notatus fuit*, hoc est, Donati, qui sui, & Fabiani, qui Cornelii, ad quem scribebat, antecessor fuit. At vero, sicuti Hallier *de Hierarchia Ecclesiastica* lib. 4. cap. 2. recte animadvertit : „ Ad quid Romani Pontificis judicio iterum damnarentur, „ qui ab Africanis damnati essent, nisi ejus sententia potuiss- „ sent absolvi “ ? Martyrio e vivis sublato S. Fabiano, & non- dum altero successore in locum illius, Privatus quod a Fabiano obtinere non potuerat, a Clero Romano extorqueré tentavit. Id vero quum Cyprianus prænovisset, de causa Privati eum certiorum fecit ; Clerus autem Romanus illi respondit, fraudes callidi hominis sibi esse perspectas. Quare semel ac iterum Privatus ad Romanam Ecclesiam appellavit, & quidem jam condemnatus judicio nonaginta Episcoporum, & Donati Episcopi Carthaginensis, Primatis totius illius gentis.

§. III. Ex iis, quæ in causa Fortunati, & aliorum Stephanum inter & Cyprianum contigerunt, Petrus de Marca, & cum eo Quesnellus falso contendunt, judicia ecclesiastica uniuscujusque provincie fuisse *suprema auctoritatis*.

„ Cyprianus (inquit Petrus de Marca *de concord. Sacerd., & Imper.* lib. 7. cap. 1. num. 3.) quum ex sententia Concilii sui e communione rejecisset quosdam Clericos, & quemdam Pseudoepiscopum hæreticorum, irascitur adversus „ Cornelium Romanum Episcopum, quod quum illi Romam accessissent, hæsitasset aliquantulum Pontifex, an eos in „ communionem reciperet. Hanc ob rem Cyprianus apud „ Cornelium aperte disserit jura Episcoporum uniuscujusque provincie, quæ in eo versantur, ut ad eos pertineat discussio, „ judiciumque causarum, & regimen gregis, rationem „ administrationis suæ Deo reddituros. Neque licere Romam, „ aliove appellare. Neque enim minorem esse auctoritatem „ Episcoporum Africanorum, quam reliquorum. Damnatos „ porro, si ad Cyprianum accedere voluerint, auditurum se „ lubenter, & pœnitentiam eorum amplexurum, si crimine

ullo.

„ ullo

ullo fuerint involuti“. Hæc vero ex epist. 55. S. Cypriani ad Cornelium in medium adducit. “ Post ista navigare audent & ad Petri Cathedram, & ad Ecclesiam principalem, unde unitas Sacerdotalis exorta est, a prophanis, & schismaticis litteras ferre. *Infra*. Nam quum statutum sit omnibus nobis, & æquum sit pariter, ac iustum, ut uniuscuiusque causa illic audiatur, ubi est crimen admissum, & singulis pastoribus portio gregis sit adscripta, quam regat unusquisque, & gubernet, rationem sui actus Domino redditurus, oportet utique eos, quibus præsumus, non circumcurfare, nec Episcoporum concordiam cohærentem sua subdola, & fallaci temeritate collidere, sed agere illic causam suam, ubi & accusatores habere, & testes sui criminis possint; nisi si paucis desperatis, & perditis minor esse videtur auctoritas Episcoporum in Africa constitutorum, qui jam de illis judicaverunt. *Infra*. Jam causa eorum cognita est: jam de eis dicta sententia est. *Infra*. Si iudicium nostrum voluerint experiri, veniant. Denique si qua illis excusatio, & defensio potest esse, videamus, quem habeant satisfactionis suæ sensum, quem afferant poenitentiae fructum“.

Nonnulla ex istis etiam Quæsnellus *Dissertat. 5. Apologética pro S. Hilario Arelaten.* par. 1. cap. 16. in medium adducit, ut evincat, saltem tacite, nullum jus Summo Pontifici inesse recipiendi eas appellationes, quæ ab aliis Ecclesiis ad ipsum factæ fuerint. Quemadmodum enim Ballerinii fratres in *Observationibus* in 1. par. citatæ Dissertationis cap. 4. num. 92 animadverterunt: “ Quisquis eam (hoc est istam Dissertationem) attente legerit, non pauca inspersa deprehendet, quibus, dum ille omnem consuetudinem in appellationibus Gallicanis Leoni defuisse ostendere suadet, nullum præterea jus Pontifici fuisse non obscure insinuat“.

At vero ex his, quæ intercesserunt Cornelium inter & Cyprianum in causa Fortunati, & aliorum, tantum abest, ut id quod Petrus de Marca, & Quæsnellus volunt, colligi possit, quin potius, si non omnino distincte, sicut nonnulli

volunt (1), saltem maxima cum probabilitate contrarium coniiciatur. Rem totam diligentius expendamus. Postquam Fortunatus, unus ex quinque Presbyteris, qui priori anno sententia Episcoporum damnati fuerant, a schismaticis, qui Felicissimo adhærebant, Episcopus Cârthaginensis ordinatus fuit, cum suis litteris Felicissimum Romam ad Cornelium misit. Cornelius autem primo quidem Felicissimum *vigore pleno* sicut inquit Cyprianus (2), ab Ecclesia eiecit: postea tamen *minis, atque terroribus eorum, qui venerant, aliquantum commotus fuit* (3). Duas ergo ipse ad Cyprianum epistolas dedit: in priori Felicissimum a se eiectum esse Cyprianum monebat, in altera vero se graviter *commotum minis, & terroribus eorum, qui venerant*, quoniam *cum summa desperatione* comminati fuerant, *quod si litteras, quas attulerant, non accepisset; publice eas recitarent, & multa turpia, ac probrosa, & ore suo digna proferrent*: ultimo tandem cum Cypriano conqueritur, quod de tota causa Fortunati se antea certiore non fecisset (4). Hic autem, antequam ultra progrediamur, est advertendum 1. Cornelium in duabus epistolis ad Cyprianum nunquam innuere hujus causæ judicium ad se non pertinere: 2. in altera epistola Cypriano significare timorem, qui ob minas sibi intentatas incutiebatur: 3. cum Cypriano conqueri, quod se antea de causa Fortunati certiore non fecisset. Si autem cognitio hujusmodi causæ ad Cornelium non spectasset; id ipse per se fateri debuisset, neque fuisset, cur aut aliquo timore concureretur ob minas sibi intentatas, aut Cypriano exprobraret, quod de Fortunati causa se antea certiore non fecisset. Hæc sane in personam illius cadere non poterant, cujus nullo modo erat ferre judicium de ea causa, de qua agebatur. Rursus: qua tandem ratione Fortunatus ad Cornelium scribendum censuit, si ferre judicium de illa sententia, quæ contra se in Africa lata fuerat, ad eum non spectabat? quomodo Felicissimus, & alii tam solliciti fuerunt, ut Cornelius Fortunati litteras reciperet? Nunc de Cypriano videamus.

Cypriā-

(1) Vide Christianum Lupum *Synod. General.* tom. 8. Dissert. 2. c. 17.

(2) Epist. 55. ad Cornelium. (3) Cyprianus cit. loco. (4) Ibid.

Cyprianus itaque in sua responsione ad alteram Cornelii epistolam, nequissimorum hominum audaciam nullo modo timendam esse pluribus Sacrae Scripturae locis confirmat: deinde quam ob causam de Fortunati condemnatione ad eum antea non scripserit, Cornetio exponit: postremo quæ sua in hoc toto negotio de Lapsis, quæ schismaticorum ratio fuerit, diligenter describit. His autem Cornelium non solum id iudicii, quod ei non conveniret, sibi usurpasse nullo modo præferebatur, sed etiam manifeste innuitur, in causa Fortunati illo jure usum fuisse, quo potiebatur (1). Post hæc Cyprianus illis verbis, quæ Petrus de Marca pro se in medium adducit, graviter carpit audaciam eorum, qui ad Petri Cathedram, & ad Ecclesiam principalem navigare auferant, atque ad eandem ferre litteras a prophanis, & schismaticis sibi datas: nam, uti ipse inquebat, *si quod fecerant, adhuc illis placebat, in suo scelere perseverabant: si autem non placebat, quo reverti deberent, non ignorabant*. In hoc quoque nihil occurrit, quod faveat adversariis. Nam quum schismatici illi, de quibus S. Cyprianus loquebatur, de suo crimine manifeste convicti fuissent, atque certo iudicio condemnati, præter omnem sane rationem ad Romanam Ecclesiam appellaverant. In his ergo, quæ sequuntur, tota difficultas posita esse videtur, hoc est in istis: *Nam quum statutum sit &c.* Verum ea ita accipi debere, ut Cyprianus apud Africanos statutum intellexerit, etiam exclusa Apostolica Sede, crimen illic tantum audiri oportere, ubi commissum fuerit, ea tota ratio non patitur, quam Cornelium, ad Cyprianum dum scriberet, quamque Cyprianum, ad Cornelii difficultates dum responderet, servasse usque modo animadvertimus. Id autem vel maxime inde colligi debet, quia, sicuti est jam explicatum a nobis (2), in hac eadem epistola ad Cornelium S. Cyprianus Privatum Lambesitanum condemnatum commemorat tum a Donato suo prædecessore, tum a S. Fabiano Cornelii prædecessore. Quapropter audacia schismaticorum Cyprianus graviter commotus, eorumque pervicacia vehementer

(1) Vide cit. epist.

(2) Præced. §.

ter exagitatus, quod licet de aperto suo crimine omnino convicti, non solum ad Ecclesiam Romanam appellassent, sed etiam, uti ipse inferius subdit, *foris per provinciam circumveniendo fratribus, & spoliandis pererrassent*; illic crimen audiendum esse, ubi commissum fuerit, absolute pronuntiavit: & hac quidem in causa id fieri oportere dixit, quia, uti inquitbat: " Si eorum, qui de illis priori anno judicaverunt, numerus cum Presbyteris, & Diaconibus computetur, plures tunc adfuerunt iudicio, & cognitioni, quam sunt iidem isti, qui cum Fortunato nunc videntur esse conjuncti ". Quemadmodum enim Ballerinii fratres in suis *Observationibus* ad t. par. 5. Dissertationis Quesnellii cap. 7. num. 10. animadverterunt, hunc Cypriani locum, de quo agimus, expedientes: „ Novum non est in disputationis „ actu aliqua verba excidere, quæ aliquanto excedunt, & nimis probant, quam deberent, a quibus illa adhibentur ". Hoc autem ab ingenio Cypriani alienum non fuisse, ex illa tota quaestione novimus, quæ de hæreticis rebaptizandis inter ipsum, & S. Stephanum fuit.

At quænam revera S. Cypriani sententia fuerit in hac re de qua agimus, adhuc diligentius expendamus. Quum Faustinus Lugdunensis Episcopus Cyprianum inonuisse, Marcianum Episcopum Arelatensem sese Novatiano conjunxisse, & *sine spe pacis, & communicationis* lapsos relinquendos, atque deserendos esse tueretur, ipse Cyprianus Stephanum rogandum a se esse duxit, ut Galliæ Episcopis scriberet, ne ultra in sua communione Marcianum retinerent, immo ad provinciam, atque plebem Arelatensem litteras daret, quibus Marciano ab Episcopatu deposito, in locum ejus alter substitueretur: " Quapropter (inquit Cyprianus epist. 67. ad Stephanum) facere te oportet plenissimas litteras ad Coepiscopos nostros in Galliis constitutos, ne ultra Marcianum pervicacem, & superbum, & divinæ pietatis, ac fraternæ salutis inimicum, collegio nostro insultare patiantur, quod necdum videatur a nobis abstentus Dirigantur & in provinciam, & ad plebem Arelate consistentem a te litte-

„ 12 „

„ ræ , quibus abstento Marciano , alius in locum ejus substituitur “. Esse ergo Romani Pontificis pro sua auctoritate Episcoporum judicia moderari , Cyprianum existimasse dicendum est ; alioquin non fuisset , cur Stephanum rogaret , ut in hanc formam ad Galliæ Episcopos , & provinciam , ac plebem Arelatensem scriberet , sed ipse per se rogare eos poterat , ut id facerent , quod faciendum esse putabat : eo vel maxime , quia sicuti in hac epistola ipse testatur , semel , ac iterum de hac Marciani Episcopi perversitate monitus fuerat .

Plura Novatores commentos fuisse , ut ex hoc Cypriani loco haud esse perspectam evincerent supremam illam auctoritatem Romani Pontificis , de qua nunc loquimur , me non latet , atque etiam Fellum in sua editione Operum S. Cypriani in Adnotationibus ad citatam epistolam contendisse , ex Cypriani verbis colligi oportere , Romanum Episcopum Carthagenensi subjectum fuisse : at quod volunt , fingere sibi possunt , non vero ejus , quod dicunt , ullam , vel levissimam conjecturam asserere . Nimis enim ex Cypriani verbis perspectum est , id eum in Romano Pontifice agnovisse potestatis , qua Episcoporum judicia moderaretur .

Id sane etiam Launojum perspexisse videtur ; indeque quem solvere non potuit , nodum secavit . In libello enim hac de epistola scripto id ostendere aggressus fuit , eam revera Cypriani non esse . Verum ejus commenta Pearsonius ad an. Christi 264. num.6. & seq. in *Annalibus Cyprianicis* solide refutavit ; & Stephanus Baluzius in Adnotationibus ad hanc epistolam Cypriani præclare diluit , quæ ille tum ex diversa loquendi ratione a Cyprianica , tum ex silentio veterum opposuit , atque multiplicitate Codicum ostendit , eam non esse Cypriani , nullo modo dubitari posse . Rem ergo ab aliis jam præclare actam , atque etiam ab instituto nostro alienam non est , cur modo agamus -

§. IV. Sub Pontificatu Stephani , hoc est , intra annum 253. , & 257. , Basilides Asturicensis in Hispania Episcopus ad Romanam Sedem appellavit .

Hujus

Hujus rei S. Cyprianum testem locupletissimum habemus in *Synodali Rescripto* ad Episcopos Hispaniæ, sicuti in epistola 68. ejusdem Cypriani legitur. "Quum in unum convenissemus, (inquit Cyprianus nomine ceterorum Episcoporum Africanorum) legimus litteras vestras, fratres dilectissimi, quas ad nos per Felicem, & Sabinum Coepiscopos nostros pro fidei vestræ integritate, & pro Dei timore fecistis, significantes Basilidem, & Martialem libellis idololatriæ commaculatos, & nefandorum facinorum conscientia victos, Episcopatum gerere, & sacerdotium Dei administrare non oportere; & desiderastis rescribi ad hæc vobis, & istam pariter, ac necessariam sollicitudinem vestram vel solatio, vel auxilio nostræ sententiæ sublevari." His autem significat Cyprianus Hispaniæ Episcopos certiores se fecisse de criminibus a Basilide, & Martiali patris, unaque exquisivisse, utrum illis permittendum esset; ut Episcopatum gererent, & sacerdotium Dei administrarent. Cyprianus itaque, facta prius mentione illorum criminum, ob quæ cum Martiali, & Basilide nulla communio habenda esset, approbat Sabini ordinationem in locum Basilidis, eamque ratam habendam esse dicit quamvis Stephanus malo dolo deceptus Basilidem in Episcopatum reposuisset: "Nec (inquit) rescindere ordinationem jure perfectam potest, quod Basilides post crimina sua detecta Romam pergens, Stephanum collegam nostrum longe positum, & gestæ rei, ac tacitæ veritatis ignarum fefellit, ut exambiret reponi se injuste in Episcopatum, de quo fuerat juste depositus. Hoc eo pertinet, ut Basilidis non tam abolita sint, quam cumolata delicta, ut ad illa superiora peccata ejus fallaciæ, & circumventionis crimen accesserit. Neque enim tam culpandus est ille, cui negligenter obreptum est, quam hic execrandus, qui fraudolenter obrepit. Obrepere autem si hominibus Basilides potuit, Deo non potest." Basilides igitur sententia suorum ab Episcopatu depositus Romam perrexit, ut Stephani decreto in eum Episcopatum restitueretur, a quo depositus fuerat. Quoniam

vero

vero id, iustitia sibi patrocinate, consequi non poterat, ad dolum, calumniasque confugit, iisque Stephanum in suam sententiam traxit. S. Cyprianus nullam quidem rationem huiusmodi restitutionis a Stephano factæ habendam esse dixit: verum ita putavit, quia fraudolenter a Basilide Stephano obreptum fuerat. Unde non tam Stephanum esse culpandum dicit, cui negligenter obreptum fuisset, quam Basilidem execrandum, quia fraudolenter obrepisset. Duo ergo ex hac epistola S. Cypriani simul habemus, hoc est, & Basilidem ab Hispanis Episcopis ab Episcopatu depositum ad Cornelium Romanum Pontificem appellasse, & neque ab Hispaniæ Episcopis, neque a S. Cypriano contra jus appellandi a iudicio Episcoporum ad Romanum Pontificem reclamatum, fuisse. Nam, sicuti ex citata S. Cypriani epistola novimus, plura sane sunt, de quibus Episcopi Hispani Basilidem, apud Cyprianum æquo jure accusarunt; crimini tamen ei dedisse nunquam legimus, quod ad Stephanum appellasset, atque ita iudicium eorum subterfugere contendisset. Immo quum Episcopi Hispani Basilidem ab Episcopatu jam deposuissent, elegissentque Sabinum in locum ejus, postea vero accepissent Basilidem a Stephano in pristinum Episcopatum fuisse restitutum, a Cypriano quaesierunt, quemadmodum ex Cypriani responsione constat, utrum Sabini facta ordinatio rescindi oporteret. Id autem evidenti argumento esse debet, jus appellandi a iudicio Episcoporum ad Romanum Pontificem, Hispanos Episcopos admisisse, solumque de eo dubitasse, utrum sententiæ Stephani acquiescendum esset; quia illi a Basilide obreptum esse constaret. Simili ratione Cyprianus Basilidi nunquam crimini vertit, quod ad Stephanum appellasset, sed solum propter fraudes, quibus in huiusmodi appellatione usus esset, nullam ejus rationem habendam pronuntiavit. Quid vero Hispanis Episcopis & ad retinendam audaciam Basilidis, & ad magis magisque semper probandam ordinationem Sabini in locum ejus a se faciam; quid etiam S. Cypriano, & ad comprobandam tum depositionem Basilidis, tum ordinationem Sabini in locum ejus,

*Tom. III.**E c**magis*

magis obvium, atque etiam simul efficax occurrere poterat, quam recogitare, atque simul etiam Basilidi exprobrare: eum in Episcopatum esse illius auctoritate restitutum, qui nulla ad hanc rem contra præcedens judicium auctoritate valebat? Hoc ergo quum non fecerint, sed & facinora Basilidis, & propterea ejus ad deceptionem Stephani semper respexerint, ne id eos non vidisse dicamus, quod nullus non videre non poterat; est sane existimandum, tum Episcopos Hispanos, tum S. Cyprianum, ut rem certam habuisse illud jus, quo & a judicio Episcoporum ad Sedem Apostolicam Basilides appellavit, & judicium Episcoporum auctoritate Apostolicæ Sedis, quamvis injuria propter fraudes ipsius Basilidis, rescissum fuit. Unde etiam ex hac appellatione constat, tum Hispanos Episcopos, tum ipsum Cyprianum, quemadmodum supra ostendimus, Sedi Apostolicæ tribuisse jus recipiendi appellationes a judicio Episcoporum.

S. V. In causa Athanasii sub Julio Romano Pontifice, antequam Sardicense concilium celebraretur, ad Sedem Apostolicam appellatum fuit tam ab iis, qui innocentiam Athanasii calumniabantur, quam ab aliis, qui eam defendebant.

Antequam nunc, & in sequentibus evincere aggrediamur, in causa Athanasii ex Oriente ad Sedem Apostolicam appellatum fuisse, est illud advertendum a nobis, ad veram appellationem necessarium esse, ut in ea a judicio inferiori ad superius judicium provocetur: ceterum, si hæc provocatio ab eo fiat, qui ab inferiori iudice injuriam passus est, passumve se esse arbitratur, vel a duobus iudicibus inferioribus contra se invicem ad iudicem superiorem, nihil ad veram appellationem refert. Immo hoc alterum dum contingit, præstantioris appellationis certum argumentum habemus. Tunc enim ad judicium alterius iidem ipsi provocant, quibus iudicandi est concessa potestas, ac propterea appellatio præstantior est, appellantium habita ratione. Hinc vero est, ut si plures Ecclesiæ Præsules ex una parte judicium de re aliqua tulerint, atque ex altera alii Præsules iudicio illorum in sua definitione sese opposuerint, tum isti, tum illi ad superiorem iudicem pro-

vocent, ut ultimam ipse sententiam ferat; talis profecto appellatio tunc habetur, quæ propter appellantium personarum dignitatem, atque auctoritatem ceteris sit præcellentior. Hujusmodi vero est ea appellatio, de qua nunc agimus.

Quæ, & quanta sint, de quibus Eusebiani in Tyrio conciliabulo Athanasium insinulaverint, quaque temeritate illum ab Episcopatu deposuerint, ex ea epistola *Synodica* perspectum habemus, quam Alexandrina Synodus congregata ex Ægypto, Thebaide, Lybia, & Pentapoli, scripsit ad omnes Episcopos Ecclesiæ Catholicæ, quam legere est apud Athanasium in 2. *Apologia*. Sicuti vero ex hac epistola constat Synodum Tyriam, solus Constantinus, suadentibus Eusebianis, convocavit, uti etiam Socrates *Ecclesiast. Hist.* lib. 1. cap. 20., Theodorus lib. 1. cap. 28. & 29., & Sozomenus lib. 2. cap. 24. referunt; ita etiam certo compertum habemus, Episcopos Ægypti, Thebaidis, Lybiæ, & Pentapolis, Alexandriæ simul in unum convenisse, ut Eusebianorum calumnias contra Athanasium refutarent.

Tam vero Eusebiani, quam Synodi Alexandrinæ Patres post judicium, quod illi contra Athanasium, isti pro Athanasio tulerant, ad Julium scripserunt, eumque de illis, quæ a se decreta fuerant, nulla alia profecto de causa certiore fecerunt, nisi ut ipse suo judicio ultimam de Athanasii causa sententiam ferret. Eusebiani quidem fucum Julio facere contenderunt, indeque Julius eisdem exprobravit, litteras, quas ad se dederant, pugnare inter se, & priores cum secundis nulla ratione consentire; verumtamen & ipsi quoque ad Julii judicium appellarunt; alioquin nulla causa fuisset, cur hac de re ad Julium scriberent in defensionem eorum, quæ gesserant. Appellarunt & Alexandrini Patres, & quidem tum isti, tum illi contra se invicem, seu contra oppositum judicium a se latum. Hæc constant ex epistola 1. Julii data ad Eusebianos⁽¹⁾; nam in ea num. 9. ita Julius habet: "Quod autem, non temere, vel injuste Episcopos nostros Athanasium, & Marcellum ad communionem susceperimus, tametsi ex su-

E c 2

pra-

(1) Apud Constantium in collect. epist. Rom. Pont. epist. 1.

„ prædictis id satis planum est; operæ tamen pretium fuerit
 „ paucis verbis vobis demonstrare. Contra Athanasium scri-
 „ pserunt primo Eusebiani, & socii, scripsistis & vos modo.
 „ Pro Athanasio autem complures Episcopi ex Ægypto, &
 „ aliis provinciis scripserunt. Primo igitur observandum est,
 „ vestras adversus illum litteras inter se pugnare, & priores
 „ cum secundis nulla ratione consentire; sed in multis pri-
 „ mas a secundis confutari, & secundas a primis falsi ar-
 „ gui. Dehinc si vestris litteris fidem haberi postulatis; con-
 „ sentaneum est & iis, qui pro illo scripserunt, fidem non
 „ negare: maxime quia vos de iis, quæ quidem procul a vo-
 „ bis gesta sunt, scribitis; illi vero quum in ipsis essent lo-
 „ cis, ubi & virum ipsum, & res illic gestas viderunt, scri-
 „ bant, & vitæ ejus probitatem testentur, affirmantes eum
 „ calumniam in omnibus passum esse“. Alia deinde plura
 recenset, quibus Athanasii innocentiam sibi omnino perspe-
 ctam esse, & perfidiam accusatorum probe cognitam testa-
 tur, posteaque num. 13. ita concludit: “Hæc quum ita di-
 „ cerentur, & tot testes pro illo starent, torque ipse affer-
 „ ret innocentix suæ argumenta, quid, quæso, nobis agen-
 „ dum fuit? aut quidnam aliud postulabat Ecclesiastica re-
 „ gula, nisi ut virum non damnaveremus, sed potius recipe-
 „ remus, & pro vero Episcopo haberemus, quemadmodum
 „ & habuimus?“ Julius igitur postquam mature discussit,
 quæ ab utraque parte & contra Athanasium, & in favorem
 ejus afferebantur, Athanasium damnandum non esse cen-
 suit, sed recipiendum, & pro vero Episcopo habendum, id-
 que reverà fecit. In causa ergo Athanasii ad Julium ii ap-
 pellarunt, qui judicium de illa tulerant, & tam qui in suo
 judicio pro Athanasii innocentia steterant, quam alii, qui
 illam oppugnaverant, suas apud Julium rationes experti fue-
 re. Julius utriusque partis momentis expensis, Athanasium
 non condemnavit, sicuti Eusebiani fecerant, sed pro vero
 Episcopo habuit, sicuti Alexandrini Patres habuerant, ac
 propterea damnavit, quod Eusebiani, approbavit autem,
 quod Alexandrini Patres in causa Athanasii decreverant.

Quid

Quid ad veram appellationem ultra requiri possit, sane non video, nulloque modo queinquam videre posse arbitror.

§. VI. Quod in Athanasii causa Julius fecit, referri oportere ad quoddam obsequii genus comparatum ad retinendam communionem, non vero esse argumentum Supremæ ipsius Julii jurisdictionis, qua judicia conciliorum Orientalium irrita fecerit, Petrus de Marca contra evidentem historiæ veritatem falso putavit.

Petrus de Marca *De Concord. Sacerd. & Imper.* lib. 7. cap. 4. num. 41. contendit factum Julii nihil aliud esse, quam velut quoddam obsequii genus ad retinendam communionem, non vero a suprema ejus jurisdictione profectum esse, atque illum ea auctoritate cassasse judicia Conciliorum Orientalium. At in confirmationem eorum, quæ diximus, contra Petrum de Marca, faciunt hæc, quæ leguntur apud Sozomenum *Ecclesiast. Hist.* lib. 3. cap. 7. "Quæ quum Eusebius iniquo animo ferret, (hoc est Athanasium benigne exceptum fuisse) scripsit ad Julium, ut ipse judex esse vellet eorum, quæ contra Athanasium decreta fuerant Tyrri. Verum ille priusquam Julii sententiam competisset, paulo post Synodum Antiochiæ celebratum ex hac luce migravit". Sozomeno consentit Socrates *Ecclesiast. Hist.* lib. 2. cap. 11. inquit: "Eusebius vero quum quæcunque voluerat, perfecisset, legationem misit ad Julium Romanæ Urbis Episcopum, rogans, ut causæ Athanasii judex ipse esse vellet, & cognitionem negotii ad se traheret". Non solum autem Sozomenus, & Socrates tradiderunt, judicium causæ Athanasii ab Eusebio tributum Julio fuisse; sed etiam ipsum Julium hac in causa Athanasii, & aliorum judicis personam sustinuisse. Nam Sozomenus *Hist. Ecclesiast.* lib. 3. cap. 7. Athanasii, Pauli, Asclephæ, Marcelli, & Lucii facta mentione, ita habet: "Quorum criminationes quum Episcopus Romanus intellexisset, & omnes fidei Concilii Nicæni consentientes reperisset, in communionem recepit: & quum propter sedis dignitatem cura omnium ad ipsum spectaret, singulis suam Ecclesiam

„ ecclesiam restituit, scripsitque ad Episcopos Orientis, eos-
 „ que incusavit, quod, eo inconsulto, de hisce viris judi-
 „ cassent, Ecclesiasque perturbassent, quum decretis Nicæ-
 „ ni concilii stare nollent“. Socrates lib. 2. *Hist. Ecclesiast.*
 cap. 11. „ Athanasius (inquit) post diuturnos labores in Ita-
 „ liam pervenit. . . . Eodem tempore Paulus Episcopus Con-
 „ stantinopolis, Asclephas Gazæ, Marcellus Ancyra, & Lu-
 „ cius Hadrianopolis alius ob aliam causam accusati, & Ec-
 „ clesiis ejecti, Romæ omnium civitatum facile principis ver-
 „ santes, Julium Episcopum Romanum de suo ipsorum sta-
 „ tu certiores faciunt. Ille vero, quoniam Ecclesiæ Roma-
 „ næ privilegium præter ceteras obtinebat, litteris suis ad
 „ Episcopos Orientis liberius perscriptis, illorum partes tueri
 „ studet. In orientem litteras mittit, quo & suis cuique lo-
 „ cus restitueretur, & eos, qui illos tenere abjudicaverant,
 „ graviter reprehendit. Illi decedunt Roma, litterisque Julii
 „ Episcopi confisi ad suas ipsorum Ecclesias redeunt“. Ju-
 „ dicio ergo de Athanasii causa ab Orientalibus Julio dela-
 „ tum fuisse, ipsumque Julium personam judicis in causa Atha-
 „ nasii, & aliorum Episcoporum revera exercuisse, rescidisse-
 „ que judicia Orientalium, quatenus Supremi Ecclesiæ capitis
 „ jurisdictione pollebat, nimis compertum est.

Quid? Nonne S. Athanasius a Julio vocatus Romam ve-
 nit, ut suam causam contra Eusebianos, & ipsos quoque a Ju-
 lio vocatos, ibidem tueretur, idque revera præstitit? Hac sane
 de re ex Theodorito perspectum est *Ecclesiast. Hist.* lib. 2.
 cap. 4., in quo ita habet: „ Is vero (Julius) Ecclesiasticam,
 „ legem sequutus, & ipsos (Eusebianos) Romam venire ius-
 „ sit, & Athanasium ad dicendam causam evocavit. Et A-
 „ thanasius quidem citationi obtemperavit, statim iter arri-
 „ puit“. Id etiam ipse Julius testatur in citata epist. nam. 13.
 his verbis: „ Non enim suo motu, sed accersitus, & litteris
 „ nostris acceptis, huc accessit, quemadmodum & vobis li-
 „ teris nostris indicavimus“. Ab ipso autem Julio & illud
 quoque hoc eodem in loco traditum habemus, Athanasium
 Romæ degentem strenue suam causam defendisse, ita ut ad-

ver-

versarii ejus maximo pudore afficerentur. Profecto non alio jure, quam Supremi Ecclesiæ capitis, tum Athanasium, tum Eusebianos ad causam coram se dicendam Julius vocare potuit: atque hoc quidem jure compulsi Athanasius, & Eusebiani fecerunt, quod sibi Julius constituerat. Quis ergo Febronium *de Statu Ecclesiæ*, cap. 5. §. 9. num. 1. ita absolute pronunciantem feret? "Julius tamquam Judex a partibus
 „ electus, potuisset Eusebianos ad se vocare, detrectantes
 „ damnare, atque Athanasium absolvere: neutrum tamen fecit, nec ullum judicium tulit, sed tantum, audita Athanasii
 „ Apologia, suam cum eo communionem confirmavit, & pro
 „ Episcopo ipsum habuit". Mirandum ergo non est, si in hoc Judicio Julius ea potestate, qua pollebat, usus fuerit. Ita enim in fine citatæ epistolæ num. 22. habet. "Nam si
 „ omnino, ut dicitis, aliqua fuit eorum culpa, judicium
 „ secundum Ecclesiasticum canonem, nec eo pacto fieri
 „ oportuit. Oportuit omnibus nobis scripsisse ut ita ab
 „ omnibus, quod iustum esset, decerneretur; Episcopi
 „ enim erant, qui patiebantur, nec vulgares Ecclesiæ,
 „ quæ vexabantur, sed quas ipsi Apostoli per se gubernarunt.
 „ Cur autem de Alexandrina potissimum Ecclesia nihil nobis scriptum est? An ignoratis hanc esse consuetudinem,
 „ ut primum nobis scribatur, & hinc, quod istum est, decernatur?
 „ Sane si quæ hujusmodi suspicio in illius urbis Episcopum cadebat,
 „ ad hanc Ecclesiam scribendum fuit. Nunc autem illi, re nobis non indicata, postea,
 „ quam, quod libuit, egere, nos, quibus ea crimina explorata non sunt,
 „ sibi demum suffragatores esse volunt. Nequaquam talia sunt Pauli statuta: non hæc fratres tradiderunt,
 „ sed aliena est ista forma: novum hoc institutum. Obsecro, bono animo ferte: quæ enim scribo ad publicum
 „ bonum conferunt. Nam quæ accepimus a B. Petro Apostolo, ea vobis significo,
 „ non scripturus tamen, quod nota apud omnes ea esse existimem,
 „ nisi quæ gesta sunt, nos conturbassent". Anne hic loquendi modus, quo Julius
 ad

ad Orientales scribendo utitur, arbitri est, & non illius, qui causæ cognitionem, & judicium non minus ex consuetudine, quam ex certo jure sibi vindicat ?

Duo Petrus de Marca in citato loco num. 8. reponit r. affirmasse Julium, scribendum fuisse omnibus, *ut ita ab omnibus, quod justum esset, decerneretur*, ac propterea censuisse causam judicandam fuisse ab omnibus, non a se solo : 2. verba illa Julii : “ An ignoratis hanc esse consuetudinem, ut
” primum nobis scribatur, & hinc quod justum est, de-
” cernatur “ ? Ad Alexandrinam Ecclesiam tantum referri posse, quia quum in ea antea clerici suum Episcopum Dionysium de hæresi insinulassent, atque apud Apostolicam Sedem accusassent ; ipse Dionysius, scripta epistola ad Romanum Pontificem, ab hujusmodi se nota purgavit. Unde illud hic observandum Petrus de Marca monet : “ Satis au-
” dacter Julium tribuere consuetudini exemplum semel
” usurpatum “.

At vero si ab omnibus, quod justum erat, decerni oportebat ; hisce omnibus, quibus judicium causæ delatum fuit, Julius quoque accensendus est. De hoc nemo unquam dubitaverit ; alioquin Supremus universæ Ecclesiæ Præsul deterioris conditionis efficeretur, ac Præsules Ecclesiarum particularium : Julius igitur in hac causa non fuit arbiter, sed judex.

Quia ergo ea ætate plerumque Romani Pontifices de negotiis ad se relatis ex sententia cleri, aut Synodorum judicium ferebant⁽¹⁾ ; hac de causa Julius dixit, scribendum fuisse ad omnes, ut ab omnibus judicium ferretur. Ob Julii tamen sententiam Athanasium in suam sedem restitutum, hujusque rei judicium Julio delatum fuisse, & satis est ostensum a nobis, & infra ulterius contra Dupinium ostendimus.

Ad Alexandrinam autem tantum Ecclesiam referri oportere eam consuetudinem, de qua Julius loquitur, tam falsum

(1) Vide Coustant. in *Præfat.* ad Collect. epist. Rom. Pont. num. 33.

sum est, quam quod maxime. Id autem constat ex non interrupto contextu verborum Julii. "Oportuit (inquit) omnibus nobis scripsisse, ita ut ab omnibus, quod justum esset, decerneretur: Episcopi enim erant, qui patiebantur, nec vulgares Ecclesiæ, quæ vexabantur, sed quas ipsi Apostoli per se gubernarunt. Cur autem de Alexandrina potissimum Ecclesia nihil nobis scriptum est? An ignoratis, hanc esse consuetudinem, ut primum nobis scribatur, & hinc quod justum decernatur?" Primo ergo Julius scribendum fuisse ad omnes absolute affirmat, quia Episcopi erant, qui patiebantur, nec vulgares Ecclesiæ, quæ vexabantur. Hos autem Episcopos in eadem epistola num. 18. commemorat dicens: "Non enim Athanasius duntaxat, & Marcellus Episcopi huc se contulerunt, ac secum injuste actum esse conquesti sunt: sed etiam complurimi alii Episcopi ex Thracia, Cælesyria, Phœnicia, & Palæstina". Quapropter si juxta sententiam Julii scribendum fuit omnibus, quia Episcopi erant, qui patiebatur, hujus obligationis rationem habendam esse dicit, tam si Alexandrina Ecclesia spectetur, cui Athanasius præerat, quam si aliæ Thraciæ, Cælesyriæ, Phœniciæ, & Palæstinæ, attendantur. Secundo Julius conqueritur, quod de Alexandrina *potissimum* *μάλιστα* scriptum non fuerit ad omnes. At hujusmodi adverbio *potissimum* hoc in loco non significari, de aliis Ecclesiis non oportuisse, ut scriberetur, sed de Alexandrina tantum Ecclesia scribendum fuisse, & quæ modo ex Julio superius dicta exposuimus, & ipsa communis, atque obvia omnibus loquendi ratio, nullo modo patiuntur. Dum ergo Julius ita habet: "Cur autem de Alexandrina potissimum Ecclesia nihil nobis scriptum est?" Significat, singularem fuisse rationem, cur de Alexandrina Ecclesia scriberetur. Si autem alia Julii verba: "An ignoratis, hanc esse consuetudinem, ut primum nobis scribatur?" cum illis præcedentibus, quamvis non proximis, conferantur: "Oportuit omnibus nobis scripsisse, ita ut ab omnibus quod justum esset, decerneretur: Episcopi enim erant, qui patiebantur, nec vulgares Ecclesiæ, quæ vexabantur", per

Tom. III.

F f

fe

se manifestum est, non ad Ecclesiam tantum Alexandrinam, sed etiam ad alias Ecclesias referenda esse. Et re quidam vera ista, "An ignoratis, hanc esse consuetudinem, ut primum, nobis scribatur"? Julius adjecit, postquam Ecclesiæ Alexandrinæ mentionem habuit, & de ea ob quamdam singularem rationem scribendum fuisse dixit; verum quum absolute pronuntiaverit: "An ignoratis hanc esse consuetudinem, ut primum nobis scribatur"? de singulari Ecclesiæ Alexandrinæ nulla facta mentione, atque supra, uti modo dicebamus, absolute definierit, scribendum fuisse, & quia Episcopi erant, qui patiebantur, & non vulgares Ecclesiæ, quæ vexabantur; est sane dicendum, Julium illam consuetudinem, de qua loquebatur, voluisse, ut ad omnes Ecclesias referretur. Id autem jure meritoque voluisse ex iis etiam constat, quæ de appellationibus aliarum Ecclesiarum ad Sedem Apostolicam nos in præcedentibus §§. jam disseruimus. Non erat ergo sane, cur Petrus de Marca tanta confidentia affirmaret: "Satis audacter Julium tribuere consuetudini exemplum semel usurpatum". Quid? anne Julii maxima probitas, summa peritia Divini juris, atque legum Ecclesiasticarum in ejus epistolis sese quam maxime non prodat? Anne Julio res erat cum viris quibusdam imperitis, qui Ecclesiarum Orientalium consuetudinem non nossent? Anne licet cum viris imperitis ab eo agendum esset, in re tam manifesta, quæ ob illorum oculos obversabatur, eisdem illudere potuisset? At nimius contentionis æstus etiam viros maximos, atque gravissimos, quo ipsi quoque non vellent, quandoque trahit.

§. VII. Is fuit finis appellationis in causa S. Athanasii ad Sedem Apostolicam, ut Eusebiani condemnati fuerint, absolutus vero S. Athanasius, & in sua sede restitutus.

"Quod autem non temere, (inquit Julius in citata epist. num. 9.) vel injuste Coepiscopos nostros Athanasium, & Marcellum, ad communionem susceperimus, tamen ex supradictis id satis planum est; operæ tamen pretium fuerit, paucis verbis vobis demonstrare". Posteaquam

quam vero Eusebianis falsitatem, & fallaciam, quibus sibi ipsis contradicebant, exprobravit, num. 13. hæc superaddit :
 „ Quidnam aliud postulabat Ecclesiastica regula, nisi ut virum
 „ non damnaveremus, sed potius reciperemus, & pro ve-
 „ ro Episcopo haberemus, quemadmodum & habuimus “ ?
 Athanasius in *Apologia* 2. *contra Arianos* num. 1. “ Enimvero
 „ quod ad nos spectat (inquit) iudicio nullo opus est: judi-
 „ catum enim jam est, non semel, neque bis, sed saepe-
 „ numero. Primum quidem in nostra Provincia in unum-
 „ coacta ab Episcopis prope centum. Secundo Romæ, quum
 „ post missas illuc ad Eusebio litteras, quum ipsi, tum nos
 „ etiam in iudicium vocati sumus, congregatique sunt ibi
 „ Episcopi plus quam quinquaginta. Tertio in magna Syno-
 „ do Sardicæ coacta jussu religiosissimorum Imperatorum,
 „ Constantii, & Constantis: ubi adversarii nostri quasi sy-
 „ cophantæ damnati sunt “. Eiusdem *Apologiæ* num. 20.
 „ Congregati demum Episcopi plusquam quinquaginta, quo
 „ loco Vito presbyter conventus agebat, nos, quum nostram
 „ defensionem audivissent, ad communionem, & agapen-
 „ admittendos statuerunt: tum adversus illos vehementer in-
 „ indignati, Julium rogarunt, ut hæc, quæ sequuntur,
 „ Eusebianis, qui ad se litteras miserant, rescriberet “. Hinc
 vero est, ut Julius in sua epistola num. 8. aperte moneat Eu-
 sebianos, quæ scribit non sui tantum nomine, sed etiam
 omnium Episcoporum Italiæ scribere: “ Attramen necessum
 „ est (inquit) notum vobis facere, etiamsi solus scripserim,
 „ non ideo mei solius, sed omnium Episcoporum, qui in
 „ Italia sunt, & qui in his partibus degunt, esse illam sen-
 „ tentiam. Et ego quidem nolui omnes ad scribendum in-
 „ ducere, ne complurimis id grave, & molestum foret.
 „ Certe jam ad præfinitum tempus Episcopi convenere, &
 „ ejusdem sententiæ fuerunt, quam denuo his litteris vobis
 „ significo “. Nihil ultra desiderari posse videtur, quo com-
 pertum sit, appellationis in causa Athanasii ad Sedem Apo-
 stolicam eum finem fuisse, ut Eusebiani damnati fuerint,

Athanasius vero absolutus, atque in suam Sedem restitutus.
 §. VIII. Auctoritate Julii Romani Pontificis, non vero Concilii, Athanasius absolutus fuit, ac in suam sedem restitutus, contra ac Dupinius putavit.

Ipsę ergo *De Antiqua Ecclesia Disciplina* dissert. 2. §. 2. contendit, Athanasium non ipsius Julii, sed concilii auctoritate in suam Ecclesiam restitutum; ac propterea dum quod debetur, Romano Pontifici denegat, concilio tribuit, quod non debetur. "Deinde (inquit) non suam (Julius), sed
 „ concilii a se ad illorum preces congregati jactat auctorita-
 „ tem, nec dicit, sibi licuisse causam in Synodo termina-
 „ tam iterum tractare, sed Synodi alicujus acta posse in alia
 „ Synodo examinari; quum præsertim Athanasius contra for-
 „ mam judiciorum foret damnatus absens“.

Illud nunc ergo a Dupinio ergo quæro, quamnam tandem auctoritatem Italiæ Episcopi (nam Eusebiani ad Synodum non convenire: quod sane eis Julius sæpius exprobrat) ex se habere potuerint ad sententiam de eo judicio ferendam, quod a plurimis Episcopis Orientalibus latum fuerat. Profecto semel ac canonicas hac de re leges pervertere non velimus, sicuti Episcopi Orientales nullam ex se auctoritatem super ea habent, quæ a plurimis Episcopis Occidentalibus definita fuerint; ita etiam Episcopi Occidentales nulla ex se auctoritate potiuntur suo judicio ea subiiciendi, quæ plures Orientales Episcopi decreverunt. Quod ergo nullo modo debetur, illis quinquaginta Episcopis in Athanasii causa simul congregatis Dupinius tribuit, dum auctoritate eorum Athanasium absolutum, restitutumque in suam sedem esse contendit. Rem ergo totam, quam fieri poterit, paucioribus, expendamus. Ad Julium igitur de causa Athanasii Eusebiani primo scripserunt: ita enim Julius suam Epistolam ad Eusebianos auspicatur (1): "Legi litteras a presbyteris meis, Elpidio,
 „ & Philoxeno mihi allatas, miratusque sum, quum nos ex
 „ dilectione, & veritatis conscientia scripserimus, a vobis
 „ con-

(1) Apud Constantium cit. epist. num. 1.

contentioſe , nec , ut decebat , ſcriptum eſſe “. Ex his vero illud etiam conſtat , ſolum Iulium , utpote illum , cui Athanaſianæ cauſæ iudicium ab Euſebianis delatum fuerat (1) , ad Euſebianos antea ſcripſiſſe , ſummaque cum dilectione eos fuiſſe cohortatum , ut Romam ſe conferrent , quo facilius omnia componi , & recte conſtitui valerent : “ Decebat enim ” (proſequitur Iulius) quæ cum dilectione ſcripta erant , ” parem cum dilectione , & non cum contentione , reſponſionem obtinere . An non charitatis indicium eſt , preſbyteros miſiſſe , qui cum dolentibus condolerent , & eos , ” qui ſcripſerant , adhortarentur , ut venirent , quo quam ” primum omnia tandem componi , ac recte conſtitui valerent , nec diutius fratres noſtri vexarentur “ ? Una vero cum ſuis litteris ad Iulium Romam Euſebiani miſerunt Macarium Presbyterum , Martyrium , & Heſychium diaconos , ut ibi ſuam cauſam adverſus Athanaſium tuerentur . Verum hi Athanaſii Presbyteris , qui Romam advenerant , reſiſtere non potuerunt , ſed reſutati , & conviſti fuere , indeque poſtularunt , ut Synodus indiceretur , atque ad eam tum Euſebiani , tum Athanaſius convenirent : “ Nam (inquit Iulius cit. ” epiſt. num. 2.) qui a vobis Euſebianis cum litteris miſſi ſunt , ” Macarius videlicet Presbyter , ac Martyrius , & Heſychius ” Diaconi , huc advenientes quum non valerent Presbyteris ” Athanaſii , qui huc ſe contulerant , obſiſtere , ſed in omnibus reſutarentur , atque convincerentur , tum a nobis id ” poſtularunt , ut Synodus indiceretur , litteræque ad Athanaſium Episcopum Alexandriam , nec non ad Euſebianos ” mitterentur , ut coram omnibus juſtum poſſet proferri iudicium “. Quapropter illi ipſi , qui cauſam Euſebianorum agebant , Iulium rogarunt , ut Synodum convocaret , atque ad illam faceret , ut tum Euſebiani , tum Athanaſius convenirent . Quo ſane conſtat , eos quoque id juris in Julio agnoviſſe , de quo nos modo contendimus . Iulius ergo illorum petitioni conſenſit , & tum Euſebianos , tum Athanaſium vocavit ad eam Synodum , quam indixit . Verum Athanaſius quidem

(1) Hujus cap. §. 7.

dem venit, tamen Eusebiani venire detrectarunt, quin immo se ad Synodum vocatos fuisse, moleste tulere: " Jam vero » (pergit Julius) quum ii iidem, quos vos ipsi Eusebiani » fide dignos censuistis, nos rogarint, ut Synodus convoca- » retur; decuit vocatos non indigne ferre, sed potius ala- » criter occurrere. Quapropter indignatio eorum, qui hoc » iniquo animo ferre visi sunt, proterva est: detrectatio vero » eorum, qui venire noluerunt, inhonesta, & suspecta hinc »prehenditur". Refutat deinde Julius omnes cavillationes, quas Eusebiani in sui excusationem adduxerant, pergitque obiicere illis, quod ad Synodum non venissent, quam *accuratoris disquisitionis causa* ipse indixerat. Hac ergo Synodo habita, ad quam venire Eusebiani recusarunt, quum, quinquaginta Episcopis decernentibus, Athanasius absolutus fuisset, atque in suam sedem restitutus; ideo Julius ad Eusebianos de innocentia Athanasii scribens, inquit (1): » Attamen » necesse est vobis notum facere, etiamsi solus scripserim, » non ideo mei solius, sed omnium Episcoporum, qui in Italia sunt, & qui in his partibus degunt, esse illam sententiam. Et ego quidem nolui omnes ad scribendum inducere, ne complurimis id grave, ac molestum foret. Certe » jam ad præfinitum tempus Episcopi convenere, & ejusdem » sententiæ fuerunt, quam denuo his litteris vobis significo. Quare quum de innocentia Athanasii etiam Episcopi in Synodo simul congregati testimonium reddidissent; ideo non sui solius, sed omnium Episcoporum, qui in Italia sunt, & qui in his partibus degunt, esse illam sententiam, Julius dixit. Quia tamen Julius eam probaverat; ideo æquo jure eadem sententia, & judicium Orientalium contra Athanasium rescissum, & ipse Athanasius absolutus, atque in suam sedem restitutus fuit. Hinc vero est, ut Eusebiani non cum Episcopis, sed cum Julio, quamvis non sine evidenti injuria, conquesti fuerint, quod Athanasii, & Alexandri innocentiam probasset, sicuti constat ex initio epistolæ Julii ad Eusebianos, & ex aliis multis locis ejusdem epistolæ. Si autem, quemadmodum

Dupi-

(1) Cit. epist. num. 8.

Dupinius contendit, Athanasius non Julii, sed Episcoporum fuisset auctoritate restitutus, tunc sane, cur cum Episcopis conquererentur, sibi aliquam rationem esse, Eusebiani, licet falso, putare poterant, nullam vero, ob quam cum Julio idem facerent.

Ex his vero constat, quam nullius sit momenti, quod Petrus de Marca superaddit lib.7. *de Concord. Sacerd., & Imper.* cap.4. num.8., hoc est, Julium in fine epistolæ num.22. dixisse: "Oportuit omnibus nobis scripsisse, ut ita ab omnibus, „ quod justum esset, decerneretur“. Nam, uti jam contra ipsum animadvertimus (1). suam eo loci Julius auctoritatem opponit, ejusque testem ipsam consuetudinem appellat, & habita ratione eorum, quæ supra proxime dixerat, scribendum ad omnes fuisse dicit, atque ab omnibus ferendum judicium. Ita vero habuit præcedenti num.22. "Quod si arbitramini „ posse quædam adversus illos probari, & coram eos convin- „ ci; veniant quibus id placuerit... Certiores igitur nos, „ dilectissimi, ea de re facite, quo & illis, & Episcopis huc „ rursus conventuris scribamus: ut, præsentibus omnibus, „ qui rei sunt, convincantur, nec ulterius perturbatio in Ec- „ clesiis existat“. Loquitur hoc loci Julius de Italiæ Episcopis, qui jam simul convenerant. An fortasse Petrus de Marca, qui Romano Pontifici denegat, quod debetur, Italiæ Episcopis jus proprium concedendum arbitratur, quo judicia Episcoporum Orientalium suæ sententiæ submittere possint?

§. IX. Ea auctoritate, qua neque potest, neque debet, Petrus de Marca contendit, putasse Orientales in causa Athanasii potestatem Romani Pontificis sua non esse superiorem.

„ In antecessum autem (inquit ipse *de concord. Sacerd., & Imper.* lib.7. cap.4. num.1.) adnotandum est, iniquum „ omnino visum fuisse Orientalibus, si Occidentales Episcopi „ etiam in plenario Concilio tentarent retractare judicia „ in Synodis Orientalibus facta, quod eo pacto harum Syno- „ dorum auctoritatem violari manifestum esset. Itaque vix „ credi potest, eos ita comparatos fuisse, ut solius Romani „ Ponti-

(1) Præced. §.

„ Pontificis auctoritatem sua superiore esse confiterentur ,
 „ præsertim quum schisma adversus illum fecissent , eumque
 „ ob hoc excommunicassent , quod caput esset eorum , qui
 „ leges ecclesiasticas pessumdederant : *Ut ducem , & prin-*
 „ *cipem malorum , qui primus januam communionis sceleratis ,*
 „ *atque damnatis aperuit , ceterisque aditum fecit ad solvenda*
 „ *Divina jura* “.

At vero auctoritatem istorum , quos vir , ceteroquin eruditus , hoc in loco commemorat , qua ratione tanti facere potuerit , & pro Orientalis Ecclesiæ traditione eam venditare , ut ingenue fatear , numquam assequi potui . Et mihi enim perspectum est , & omnibus Catholicis viris esse debet , schismaticos nullam justam causam sese subtrahendi a subjectione Supremi Ecclesiæ capitis umquam habuisse , ac propterea quæ simul uniti schismatici Præsules contra decreta Conciliorum , statuta Patrum , atque ipsum jus Divinum , impie , ac temere decreverunt , non solum nullo in pretio haberi oportere , sed etiam uti impia , & blasphema , rejicienda . Utrum talia sint , quæ Petrus de Marca pro Orientalium communi sententia venditat , nunc paucis expendamus .

Quemadmodum ex Ecclesiastica historia compertum habemus , Sardicensi Concilio occasionem dederunt calumniæ Eusebianorum contra S. Athanasium , Marcellum Ancyranum , & Asclepam Gazensem toties repetitæ , & lata ab illis judicia contra istos : variæ quoque querelæ Eusebianorum , quas adversus Julium ipsi spargebant , quia Athanasium absolvisset , causa fuerunt , cur Synodus Sardicensis celebraretur . Consistentibus ergo Imperatoribus tum Orientis , tum Occidentis , hoc est , Constantio , & Constante , indicta Synodo , ad eam cum Orientalibus non solum Athanasius , & ceteri omnes ab Eusebianis primo damnati , postea a Julio absoluti , convenerunt , sed etiam Orientales Eusebianæ factionis , ut suas accusationes contra Athanasium , & ceteros alios proponerent coram omnibus . Quamvis Eusebiani nihil magis , quam Synodum averfarentur (1) ; tamen quum a Constantio obti-

(1) Præced. §.

obtinuissent, ut Comitem Musonianum, & Eutyrium Castrensem sibi socios adungerent, eorumque potentia freti se in Synodo dominari posse confiderent, ad illam convenere (1). Verum quum postea comperiissent, nullum violentiæ locum futurum in hac Synodo, omniaque secundum ecclesiasticas leges pertractanda esse, atque contra se paratos testes vidissent, quibus de suis calumniis convincerentur; tunc sane in id intenderunt, ut subtrahendi se ab hujusmodi judicio occasionem aliquam captarent. Quum ergo Hosius, & alii Episcopi una secum in Concilio, atque etiam ad celebrationem Divinorum mysteriorum, Athanasium, Marcellum Ancyranum, Asclepam Gazensem, ceterosque ab Eusebianis in Synodo Tyria damnatos, admisissent; hoc satis fuit Eusebianis, ut quod meditabantur, exequerentur. Nulla ergo ratione se cum hujusmodi hominibus communicare posse causati fuere, indeque nocte Philippopolim Thraciæ urbem se contulerunt (2). Sardicensis tamen Synodus habita fuit, suam in ea innocentiam Athanasius vindicavit, vindicarunt qui cum eo accusati fuerant, indeque factum fuit, ut de falsitate calumniarum, quas Eusebiani eisdem affinxerant, omnino constaret. Quapropter decrevere Patres, ut judicia, quæ contra Athanasium, ceterosque Eusebiani tulerant, veluti non lata haberentur, singulique in suum locum restituerentur: Theodorum vero, Narcissum, Stephanum, Georgium; Acacium, Menophantum, Ursacium, & Valentem, primos inter Episcopos Eusebianos, quique post Eusebium fuerant auctores omnium malorum, ab Episcopatu deposuerunt, edixeruntque eos indignos communione, & societate Fidelium (3).

Eusebiani autem numero 80. Philippopoli simul uniti conventiculum celebrarunt, quod Concilium Sardicense dictum.

Tom. III.

G g

ctum

(1) Vide Athanasium *Hist. Arianorum* num. 15. (2) Vide Athanasium *Apolog. 1. contra Arianos* num. 37. & 41., & S. Hilarium ex *Opere Hist.* i. agmento 3. num. 15. & seq. (3) Vide epistolam Synodicam ad Ecclesiam Alexandrinam, & alteram ad omnes Episcopos, quæ a S. Athanasio in *Apologia 2.* referuntur.

ctum voluere. In eo sane totum virus suæ impietatis evomuerunt, uti ex ea Synodica epistola constat, quam dederunt ad Donatistas, quamque apud Hilarium *ex Opere Historico* fragmento 3. legere est. Hac ergo in epistola præter alia, quæ nonnisi a schismaticis hominibus prodire potuerunt, illud quoque sancitum legimus, rata haberi oportere, quæ in Tyrio conciliabulo contra Athanasium decreta fuerant, atque a Catholica communione repelluntur Hosius, Protogenes, Athanasius, Marcellus, Asclepas, Paulus, Julius, eisque anathema dicitur. Julium autem impii homines traducunt (1): “ Ut principem, & ducem malorum, qui primus „ januam communionis sceleratis, atque damnatis aperuit, „ ceterisque aditum fecit ad solvenda jura Divina “. Hi sane sunt pulchri illi Orientales, quibus iniquum visum fuit, ut etiam in plenario Concilio retractaretur, quod in Synodis Orientalibus definitum foret: sunt sane illi, quos credi non potest, ita fuisse comparatos, ut auctoritatem solius Romani Pontificis sua superiore esse confiterentur. Horum sane audacia eo usque processit, ut non contenti in Synodo Tyria Sanctissimum Athanasium, atque alios Præsules, & Sacerdotes sese impudentissime fuisse calumniatos, impiamque sententiam in eos dixisse; parum habentes, sese temere aliis Patribus restitisse, qui ad Concilium Sardicense convenerant; nihili facientes in unum contra totam Ecclesiam schismaticæ convenisse, confirmasseque quæ antea ab eis contra omnia jura impudentissime constituta fuerant; sua hæc omnia scelera hoc altero nequiore insuper cumularunt, ut in Julium, quem Athanasianæ causæ judicem antea constituerant (2), sicuti in principem, & ducem malorum, anathema dicere ausi fuerint. Ab his sane viris testimonium consuetudinis Ecclesiæ Orientalis Petrus de Marca petit: hujusmodi hominum facta in medium adducit, ut de traditione Ecclesiæ Orientalis quoad rem istam, de qua agimus, statuatur: ab exemplo istorum, quæ de appellationibus ad Sedem Apostolicam Ecclesiæ Orientalis sententia fuerit, determinare non dubitat. Quisnam umquam credi-

(1) Apud Hilarium cit. Fragmento 3. n. 27. (2) Hujus lib. §. 6.

crediderit, hæc in tantum Præfulem cadere potuisse? Sed cetera prosequamur.

§. X. Qua non potest, neque debet, Petrus de Marca uti auctoritate pergit, ut evincat, certam, & indubitatam Ecclesiasticæ disciplinæ regulam fuisse apud Orientales, res in Oriente judicatas judicio Occidentalium non esse subiectas.

Ipse ergo *de Concord. Sacerd., & Imper.* lib. 7. cap. 4. num. 2. ut evincat: "Orientales per illas tempestates regulam
 „ hanc certam, & indubitatam Ecclesiasticæ disciplinæ esse
 „ contendisse, res in Oriente judicatas retractari non posse
 „ in Occidente“, appellat ad epistolam Antiocheni Concilii ad Julium, atque in hunc modum prosequitur: "Ita namque
 „ affirmavit Concilium Antiochenum in epistola ad Julium
 „ Papam: in qua Episcopi afferunt damnationem Pauli Samosatani ab Episcopis Orientalibus decretæ, quam Occidens recepit, consensuque suo firmavit absque novo examine; sicut etiam Oriens recepit, & approbatione sua confirmavit damnationem a Synodo Occidentali decretam adversus Novatum. At Julius Papa respondens huic epistolæ
 „ Concilii Antiocheni, non contradicit absolute, supremam
 „ esse Conciliorum Orientalium auctoritatem, sed Athanasii
 „ tantum facto inhæret, explicandoque judicio, quod adversus eum latum fuerat in Synodo Tyria“.

Verum enim vero & Eusebiani idem semper opponere non destiterunt, semperque etiam in auctoritate illorum Petrus de Marca contra omnem rationem plurimum reponit, atque ex ea de consuetudine Ecclesiæ Orientalis decernere frustra conatur. Sicuti apud Hilarium *ex Opere Historico* fragmento 3., in quo epistolam Philippopolitani Concilii exscriptam habemus, num. 26. legitur, Eusebiani Philippopoli congregati hæc quoque pro se contra Julium, & Romanam Synodum quinquaginta Episcoporum reponebant: "Non
 „ enim Ecclesiis consulunt, qui leges, juraque Divina, ceterorum decreta dissolvere percontantur. Propterea hanc
 „ novitatem moliebantur inducere, quam horret vetus consuetudo Ecclesiæ, ut in Concilio Orientales Episcopi quid-

„ quid forte statuissent, ab Episcopis Occidentalibus refrica-
 „ retur; similiter quidquid Occidentalium partium Episcopi,
 „ ab Orientalibus solveretur. Sed hoc ex illo suo pravissimo
 „ sensu tractabant. Verum omnium Conciliorum juste, le-
 „ gitimeque actorum decreta firmanda majorum nostrorum
 „ gesta consignant. Nam in urbe Roma sub Novato, & Sa-
 „ bellio, & Valentino hæreticis factum Concilium ab Orien-
 „ talibus confirmatum est: & iterum in Oriente sub Paulo
 „ Samosatis quod statutum est, ab omnibus est signatum.
 „ Rem vero eandem Eusebiani Antiochiæ simul in unum con-
 „ gregati Julio opposuerunt, postquam ex ejus litteris accepe-
 „ runt, Athanasio, & aliis proprias sedes restitutas fuisse: „ Quas
 „ epistolas (inquit Sozomenus lib. 3. *Ecclesiast. Hist.* cap. 8.)
 „ quum illi permoleste ferrent, Antiochiæ in unum congre-
 „ gati, scripserunt vicissim ad Julium epistolam exquisita ver-
 „ borum elegantia, & oratorio more compositam, plenam
 „ tamen cavillationis, nec expertem gravissimarum mina-
 „ rum. Nam in litteris suis fatebantur, Romanorum quidem
 „ Ecclesiam apud omnes magnificam esse, quippe quæ jam
 „ inde ab initio domicilium Apostolorum, & pietatis origo,
 „ ac metropolis extiterit; licet fidei doctores ad eam ex
 „ Orientis partibus advenissent. Non tamen æquum cense-
 „ bant, idcirco se inferiori loco haberi, quod magnitudine
 „ Ecclesiæ, & multitudine superarentur: quippe qui virtu-
 „ te, & animi proposito superiores essent. Deinde criminis
 „ loco obiicientes Julio, quod cum Athanasio communicas-
 „ set: indignabantur perinde ac si ipsorum Synodus contum-
 „ elia affecta esset, & judicium abrogatum. Idque faci-
 „ nus, ut injustum, & ab ecclesiasticis legibus alienum, re-
 „ prehendebant. His de rebus ita conquesti, gravique inju-
 „ ria se affectos esse testati, pacem quidem, & communica-
 „ tionem Julio polliciti sunt, si depositionem eorum, qui
 „ ab ipsis fuerant expulsi, & ordinationem illorum, qui in
 „ priorem locum restituti fuerant, admittere voluisset. Si
 „ vero decretis ipsorum resisteret, contraria annuntiabant.
 „ Nam & Episcopos Orientis, qui ipsius ætate antecessissent,
 „ neutri-

„neutiquam contradixisse affirmabant, tum quum Novatianus Ecclesia Romana ejectus est“. Hæc autem epistola, quam Eusebiani Antiochiæ simul uniti ad Julium scripserunt, illa sane est, cui Julius ea respondet (1), de qua supra mentionem fecimus, & in qua nonnulla nunc a nobis observanda occurrunt, quæ inferius expediemus.

Idem ergo ipsi, qui contra Athanasium acta Mareotica confinxerunt, qui in Synodo Tyria eundem Athanasium contra omnia jura tum humana, tum Divina condemnarunt, modo Antiochiæ, modo Philippoli simul uniti quod antea inique gesserant, summa pertinacia tuentur, impiumque suum facinus adhuc impiori semper cumulant. Nam Antiochiæ dum simul convenerunt, non solum confirmarunt, quæ in Synodo Tyria a se decreta fuerant, sed etiam ad Julium litteras impudentiæ plenas dederunt: Philippopoli autem simul congregati eo quoque temeritatis progressi fuerunt, ut ipsi Julio anathema dicere ausi fuerint. Suam tamen hisce hominibus fidem Petrus de Marca præstare pergit, ab eis testimonium consuetudinis Ecclesiæ Orientalis petere perseverat, eos uti recte tuentes jura Ecclesiæ Orientalis in medium adducit, indeque illorum agendi rationem probare ipse videtur, & rationem, quam Julius tenuit, saltem tacito carpere. Nam Julius foret reprehendendus ex eo quod judicium hujus causæ sibi sumpserit, si verum esset, Eusebianos recte contendisse, judicium ab Occidentalibus de iis causis nullo modo ferri posse, quæ ab Orientalibus judicatæ essent. Quos ergo in scopulos Petrus de Marca suam ut opinionem tueretur, inciderit, nemo, etiam me non monente, non videt.

Neque quispiam putaverit, hanc epistolam, de qua loquimur, ad Julium datam, ab eo Antiocheno Concilio perfectam fuisse, cujus Canones univérse ab Ecclesia recipiuntur. Non ita sane: iidem enim ipsi eam ad Julium dederunt: (quemadmodum tum ex citato loco Sozomeni, tum maxime ex epistola S. Julii, quæ in 2. Apologia S. Athanasii legitur:) qui

(1) Vide Athanasii *Apologiam* 1. contra *Arianos* num. 21.

qui in Synodo Tyria Athanasio, atque aliis non minus injuste, quam temere anathema dixerant. Quapropter recte est animadversum a duobus Balleriniis fratribus in Appendice ad Opera S. Leonis Magni tom. 3. editionis, quam ipsi faciendam curarunt, par. 25. §. 2., duo Antiochena Concilia distingui oportere: unum habitum ab Arianis occasione Encæniorum, quæ Antiochiæ celebrata fuerunt in dedicatione augustissimi templi cura Constantii absoluti, de quo Concilio Athanasius in lib. *de Synodis Arimini, & Seleucia* num. 25. hæc habet: " Porro qui ad Encæniam convenerunt Episcopi, nonaginta numero erant, Consulibus Marcellino, & Probi-
no, Indictione 4., quum ibi esset impiissimus Constantius. Alterum autem celebratum fuit anno 332. dum Episcopi Antiochenæ diœcesis sese Antiochiam contulerunt, ut communi consensu illius Metropolitanæ provinciæ Episcopum consecrarent. Huic Synodo ea omnia conveniunt, quemadmodum ab iisdem duobus sapientissimis fratribus observatum est, quæ adscribuntur Antiochenæ illi Synodo, quæ universe ab Ecclesia recipitur. Ab hac ergo Synodo illa epistola non prodiit, quam Petrus de Marca commemorat: bene vero ab altera, in quam Eusebiani convenerant. Non est ergo dubitandum, quin Eusebiani tantum eam Orientalis Ecclesiæ consuetudinem præsetulerint, ad judicium Occidentalium ea pertinere non posse, quæ in Oriente definita forent.

At enim quales quidem erant, sese Eusebiani cum Julio gesserunt; verumtamen in hoc, quod consuetudine prætere-
dere perstiterunt, non est, cur illis fides detrahatur. Verum illud primo, ego quæro, qua ratione hac in re Eusebiani sibi constiterint: Nam Athanasianæ causæ sententiam, Julio antea ipsi remiscerant, quamvis de ea in Synodo Tyria iudicium jam tulissent (1). Quid? Anne soli Eusebiani id fecerunt? " Contra Athanasium (inquit Julius in ea epistola, in qua responderet ad hanc alteram Eusebianorum Antiochiæ congregatorum, ad quam Petrus de Marca provocat) scripserunt primo Eusebiani, & Socii; scripsistis, & vos mo-
do.

(1) Hujus lib. cap. 6.

„ do . Pro Athanasio autem complures Episcopi ex Ægypto,
 „ & aliis provinciis scripserunt (1)“. Duo vero simul ind-
 constant, hoc est, & Eusebianos, contra id, quod ipsi fe-
 cerant, Julio opposuisse consuetudinem Ecclesiæ Orientalis,
 & Episcopos quoque Ægypti, atque aliarum provinciarum,
 ad Julium in causa Athanasii appellasse. Quomodo ergo fides
 hac in re adhibenda Eusebians, si ipsi quoque contra se ge-
 serant, ac ea consuetudo ferret? si contra præsentiam con-
 suetudinem Episcopi Ægypti, & aliarum provinciarum ege-
 runt? Deinde nonne, & illud quoque ex epistola citata Ju-
 lii num. 2. novimus, Macarium Presbyterum, & Martyrium,
 atque Hefychium Diaconos, quos Eusebiani Romam ad Ju-
 lium pro se miserant, ut illud iudicium tuerentur, quod ipsi
 de Athanasio tulerant, quum Athanasii Presbyteris, qui pro
 innocentia ejus contra pugnabant, resistere non potuissent,
 petiisse, ut Synodus, & quidem Romæ, haberetur? “Nam
 „ qui a vobis Eusebians (inquit Julius) cum litteris missi
 „ sunt, Macarius, & Hefychius Diaconi, huc advenien-
 „ tes, quum non valerent Presbyteris Athanasii, qui huc
 „ se contulerant, obistere, sed in omnibus refutarentur,
 „ atque convincerentur, tum a nobis id postularunt, ut Sy-
 „ nodus indiceretur, litteræque ad Athanasium Episcopum
 „ Alexandriam, nec non ad Eusebianos mitterentur, ut co-
 „ ram omnibus justum posset proferri iudicium“. Idem ergo
 ipsi Eusebians, qui jactabant esse contra consuetudinem Ec-
 clesiæ Orientalis, ut iudicia ab ea edita in Occidente examini
 novo subiicerentur, in causa Athanasii, de qua licet omnino
 impiam, & injustam sententiam tulerant, non solum ad Ju-
 lium Romanum Pontificem appellarunt, sed etiam ut Syno-
 dus Romæ haberetur, petierunt. Ab hisce tamen testimo-
 nium contrariæ consuetudinis Petrus de Marca petit.

Tandem quamvis de numero Patrum, qui Sardicenses
 Synodo interfuerunt, certo non constet; tamen ex ea Syno-
 dica epistola, quam, peracta Synodo, Patres Sardicenses ad
 omnes

(1) Epist. 1. num. 9. apud Constantium in Collect. epist. Roman. Pontif.

omnes Episcopos miserunt, omnino perspectum habemus; plures sane Orientales Episcopos ad Synodum Sardicensem convenisse (1). A Sancto autem Athanasio in 2. Apologia num. 1. traditum habemus, plures Episcopos Orientales sibi fuisse suffragarios, & inter ceteros, etiam Ursacium, & Valentem, qui, uti ipse inquit, "Antea quidem me calumniati fuerant, sed postea resipuerunt. Non solum enim quæ pro nobis decreta fuerant, approbarunt, sed etiam se, ceterosque, qui nobis adversarii fuerant, sycophantas fuisse, confessi sunt".

Verum Julius Papa, inquit Petrus de Marca, "Respondens huic epistolæ Concilii Antiocheni, non contradicit absolute, supremam esse Conciliorum Orientalium auctoritatem, sed Athanasii tantum facto inhæret". Non ita sane. Julius in citata epistola num. 1. Eusebianis exprobravit, eos *contra se* agere: num. 2. quoad rem istam Nicæni Concilii auctoritatem primo opponit: "Quocirca (inquit) Episcopi in magna Synodo Nicæna congregati, non citra Dei consilium prioris Synodi acta in alia Synodo disquiri permiserunt, ut qui judicarent, præ oculis habentes secundum futurum esse judicium, cum omni cautela rem expendere, in magna Synodo memoratam, descriptamque, apud vos valere nolitis, indecora fuerit hujusmodi recusatio". Num. 3. ita contra eos hac eadem de re habet: "Si enim, ut scribitis, quælibet Synodus firmam habet auctoritatem, & contumeliose agitur cum iudice, si ejus judicium ab alio examinetur; considerate, dilecti, quinam sint, qui Synodum inhonorent, & quinam ea, quæ prius judicata sunt, rescindant. Et ne singulorum acta expendens, quosdam gravare videar, sane quod postremo gestum est, quum sit horrendum auditu, sufficit ad cetera, quæ a me omituntur, comprobanda. Ariani a beatæ memoriæ Alexandro,

(1) Vide epist. Tom. 2. Concil. edit. Venet. colum. 699.

(2) Ad 3. canon. concil. Nicæni Julius appellat, quemadmodum hoc loci Constantius animadvertit.

„dro, quondam Alexandria Episcopo ob impietatem eiectionis,
 „non solum a singulis civitatibus expulsi sunt, sed & ab
 „omnibus pariter, qui ad Nicænam magnam Synodum simul
 „convenerant, anathemate sunt damnati.... Attamen qui
 „a toto terrarum orbe reiecti fuerant, & apud universam
 „Ecclesiam infamati, nunc recepti dicuntur.... Quinam
 „igitur sunt, qui Synodum dedecore afficiunt? nonne qui
 „trecentorum Episcoporum suffragia pro nihilo habent, &
 „impietatem pietati anteponunt?... Athanasius vero, &
 „Marcellus Episcopi plures habent, qui ipsos verbis, scri-
 „ptisque defendunt“. Num. 4. de quodam Carpone hæc
 eis opponit. „Nam Carpones quidam ab Alexandro ob Aria-
 „nam hæresim pulsus, simul & nonnulli ejusdem hæresis
 „causa eiectionis, a quodam Gregorio missi huc venerunt“. Num. 5.
 Eusebianis opponentibus exemplum Novati, & Pauli Samosatensis
 ea, quæ contra Concilii Nicæni decreta in causa Arianorum in Oriente
 gesta fuerant, iterum iisdem, qui Arianorum fautores erant,
 obiicit: „Si igitur (inquit) ut scribitis,
 „eorum, quæ in causa Novati, & Pauli Samosatensis
 „gesta sunt, exemplo, Synodorum dogmata vigere oportet;
 „certe multo magis decuit trecentorum Episcoporum decreta
 „non irrita fieri: decuit universalem synodum a paucis
 „non contemni“. Non est ergo verum, quod, Eusebianis
 asserentibus, supremam esse conciliorum auctoritatem, Julius
 non contradicat. „Nunc vero id (ita recte Constantius
 „in Adnotatione ad nunc exscriptum a nobis Julii locum)
 „quod in Novatiani causa gestum est, frustra obtendunt Euse-
 „biani, ut quod ab uno concilio statutum est, ab altero
 „minime discutiendum esse approbent. Ipso Eusebio teste:
 „Quum Romæ (hac de causa) congregata esset Synodus, quum-
 „que in provinciis antistes quid agendum esset, seorsim consul-
 „tassent, hujusmodi decretum cunctis promulgatum est, Nova-
 „tium (lege Novatianum) quidem, & eos, qui cum ipso sese
 „insolentius extulerunt, alienos ab Ecclesia habendos esse. Quo-
 „circa Cyprianus ad Stephanum Papam epist. 1. num. 2. scri-
 „bit: Novatianum nuper refutum, & refutatum, & per totum

Tom. III.

H h

77 or-

„ orbem a sacerdotibus Dei (qui , ut mox dicebat Eusebius ,
 „ seorsim in conciliis consultarant) absentum . Neque illud ma-
 „ jori fide dignum , quod ajunt , Antiocheni concilii senten-
 „ tiam adversus Paulum Samosatensem nullo examine
 „ prævio fuisse admissam . Nempe , ut Eusebius idem lib. 7.
 „ Hist. cap. 30. narrat , Paulus a concilio damnatus , quum
 „ ex Antiochenæ Ecclesiæ domo excedere nollet , eamque
 „ ob causam Imperatorem interpellasset , præcepit Aurelianus ,
 „ ut iis domus traderetur , quibus Italici Christianæ Religionis
 „ Antistites , & Romanus Episcopus scriberent : quod Eusebius
 „ ipse rectissime judicatum testatur “ .

§. XI. Julium Summum Pontificem non directè , sed per
 consequentiam Athanasio , & ceteris Episcopis suas Ecclesias
 restituisse , Petrus de Marca falso tuctur .

Statuit ergo citatus auctor lib. 7. De Concord. Sacerdotii,
 & Imper. cap. 4. num. 3. “ Restitutionem illam Ecclesiarum.
 „ non fuisse factam directè , sed per consequentiam , eo quod
 „ Episcopi illi a Julio in communionem recepti fuerint , ve-
 „ luti Episcopi hujus , & hujus sedis “ . Veluti Episcopi , in-
 „ quam , hujus , & hujus sedis , a qua tamen eos Eusebiani de-
 „ pulerant , a Julio in communionem recepti fuerunt . Neque
 „ enim Julius alia in sede , ac antea haberent , Athanasium ,
 „ aut ceteros Episcopos collocavit , sed in ea restituit , a qua
 „ antea decreto Eusebianorum dejecti fuerant . Duo sane
 „ Athanasii causa complectebatur , & Athanasii separatio-
 „ nem a Catholica communione , & ejus ab Episcopatu de-
 „ jectionem : quod utrumque facinus contra ipsum Eusebia-
 „ ni perpetrare auferant . Judicium eorum , quæ contra
 „ Athanasium Eusebiani tulerant , Julio remissum fuit (1) , de-
 „ que eo ipse Julius sententiam tulit , Athanasiumque omnium
 „ illorum criminum , quæ contra eum confecta fuerant , omni-
 „ no expertem pronuntiavit , & in sua sede restituit (2) . “ Quid-
 „ nam aliud postulabat Ecclesiastica regula (inquit Julius
 „ rescribens ad Eusebianos) nisi ut virum (Athanasium) non
 „ damnaremus , sed potius reciperemus , & pro verò Episco-
 „ po

(1) Hujus cap. §. 6. (2) Cit. cap. §. 7. & seq.

„ po haberemus , quemadmodum , & habuimus “ (1) ? Post suam sententiam Eusebiani volebant , ut Athanasius pro vero Episcopo non haberetur , pro vero tamen Episcopo eum Julius habuit , postquam de innocentia ejus sibi constitit . Quidnam vero ad *directam* restitutionem amplius desiderari possit , sane non ideo , & a quovis videri non posse arbitror .

§. XII. Quod vellet Petrus de Marca , nullo modo colligi potest ex canone 15. Concilii Antiocheni .

Lib.7. *De Concord. Sacer. , & Imper.* cap.2. non solum auctoritate canonis 15. Antiocheni concilii contra nos pugnat , sed etiam canonis 5. concilii Nicæni , & Patrum Africanorum in epistola ad Cælestinum : verum nos , tum de vero sensu Nicæni canonis , tum de sententia Patrum Africanorum infra cap.5. agemus , atque evincemus auctoritati illorum Petrum de Marca frustra niti . Nunc de 15. canone concilii Antiocheni . Ita vero in illo statutum fuisse legimus (2) : “ Si quis
 „ Episcopus de certis criminibus accusatus , condemnatur
 „ ab omnibus Episcopis ejusdem provinciæ , cunctique con-
 „ sonanter eandem contra eum formam decreti protulerint ,
 „ hunc apud alios nullo modo judicari , sed firmam concor-
 „ dantium Episcoporum provinciæ manere sententiam “ . Verum enim vero Provincialibus Conciliis supremam auctoritatem ab Antiochenis Patribus hoc Canone vindicatam non fuisse ex altero Canone , hoc est 12. , ejusdem Concilii compertum habemus : in eo enim ita sancitum fuit (3) : ut “ Si a Sy-
 „ nodo quilibet Episcopus fuerit exauctoratus , molestiam
 „ imperialibus auribus inferre non præsumat , sed ad majorem Episcoporum Synodum se convertat ; & quæ putat ,
 „ se habere justa , in eorum Concilio alleget , atque ab his de
 „ se expectet , quæ fuerit deprompta sententia “ . Eam ergo esse auctoritatem concilii Provincialis , ut quæ judicio illius definita forent , amplius subesse non possent sententiæ illorum , qui majori auctoritate præditi essent , Antiocheni Patres Can. 15. non sanxerunt , sed illud solummodo eos vo-

H h 2

luisse ,

(1) Vide hunc locum supra §. 5. (2) Tomo 1. Concil. edit. Harleianæ colum. 600. (3) Cit. tomo colum. 558.

luisse, dici debet, standum esse judicio Synodi-provincialis,
 semel ac Episcopi in illo inter se consensissent, nec alterum
 ejusdem provinciæ judicium expetendum. At Van-Espenium,
 qui sane adversariis nostris displicere non potest, quum in
 hoc doctrinæ capite cum eisdem consentiat, hac de re au-
 diamus. Ita ergo ille habet *Juris Ecclesiast. Universi* par. 2.
 cap. 1. §. 11. explicans canonem 15. Antiocheni concilii :
 „ Hunc Canonem pro adstruenda suprema Conciliorum Pro-
 „ vincialium in decidendis Episcoporum causis auctoritate ur-
 „ get Petrus de Marca lib. 7. cap. 2. *De concordia Sacerdotii*,
 „ & *Imperii*, aliique eum sequuti. Verum quum Cano-
 „ ne 12. permittatur Episcopo à Synodo Provinciali deposito
 „ ad majorem Synodum se convertere, non videtur qua ra-
 „ tione hic Canon consentiat 12., si per illum sit ademptum
 „ Episcopo a Synodo Provinciali condemnato omne appella-
 „ tionis remedium. Quare credunt alii hoc Canone solum
 „ decerni, firmam manere debere Episcoporum sententiam
 „ eo sensu, quod per Episcopos e vicina Provincia evocan-
 „ dos judicium instaurari non debeat : quemadmodum in
 „ causa dissensus Episcoporum Provinciæ Canone 14. decre-
 „ tum erat : sed tamen Episcopo condemnato manere jus po-
 „ stulandi majorem Synodum juxta Canonem 12., idque la-
 „ tius prosequitur Schelstratus in suo concilio Antiocheno
 „ ad hunc canonem“. Huic autem sententiæ, sicuti idem
 Auctor advertit, etiam Gratianus suffragatur, qui facta men-
 tionem hujus Canonis *Causa* 6. q. 1. can. 5. ita habet : “ Subin-
 telligendum vero est, nisi ad judicem majoris auctoritatis
 fuerit provocatum. Tunc enim per appellationem soluta
 sententia firmitatem non obtinet “.

CAPUT III.

DE IIS, QUÆ, HABITA RATIONE APPELLATIONUM,
IN CONCILIO SARDICENSI DECRETA FUERUNT.

§. I. **C**onsensus Episcoporum Orientalium in Sardicensi Concilio desideratus non fuit.

Qui pugnant contra illud jus, quod est penes Sedem Apostolicam, recipiendi appellationes ab omnibus aliis Ecclesiis, non solum pervertere conantur sensum Sardicensium Canonum, sed etiam ut hujus concilii auctoritatem extenuent, Œcumenicum illud fuisse inficiantur. Hoc autem inde affirmant, quia in eo consensum Episcoporum Orientalium desideratum fuisse putant. "Si hic ad propositum (inquit Richerius in *Hist. concil. general.* cap. 3. num. 4.) & mentem Imperatorum, & Julii Pontificis, atque aliorum Episcoporum attendamus, Synodus Sardica fuit quidem Œcumenica, & universalis; si ad eventum, & effectum nequaquam". Idem tuetur etiam Petrus de Marca *De Concord. Sacerd. & Imper.* lib. 7. cap. 3. num. 5., Samuel Basnagius in *Annalibus Politico-Ecclesiast.* ad an. 347. num. 3. & 4., atque in eandem sententiam concedunt ii, qui decertant contra illud jus appellationum, quod nos propugnamus. Contra istos ergo hoc in §. ostendemus, in Sardicensi Concilio consensum Episcoporum Orientalium desideratum non fuisse, in sequenti autem separationem Eusebianorum a ceteris Patribus Sardicæ congregatis non officere, quin Concilium Sardicense Œcumenicum dici possit, atque revera fuerit.

Plures ergo Orientales diversarum Ecclesiarum Episcopo Synodo Sardicensi interfuisse, ejusque decreta probasse, nullus est dubitandi locus. Nam S. Athanasius in *Historia Arianorum* postquam de dolis, & fallaciis Eusebianorum, & fugacorum a Synodo Sardicensi egit, num. 17. hæc habet: "Sæpe vero Synodus ex plus triginta quinque Provinciis coacta, animadversa Arianorum malignitate, Athanasium, sociosque admisit, ut se purgarent de allatis criminationibus,

bus, quarum causa tot fuerant calamitatibus, afflicti. Postquam autem illas repulissent, eo, quo supra retulimus, modo, a Synodo admissi, ac summæ venerationi habiti sunt, adeo ut eorum communionem amplecterentur: ac missis ubique litteris, missis item in unamquamque parociam, maximeque Alexandriam, in Ægyptum, & in Lybias, Athanasium, & socios puros, omnisque criminis expertes esse, declararunt. Eas vero Provincias, de quibus hic mentionem facit, in *Apologia* 1. cont. *Arianos* num. 1. distinctius in hunc modum recenset: "Iis vero, quæ nostri gratia decreta fuerunt, suffragati sunt plusquam trecenti Episcopi, ex Provinciis Ægypti, Lybiæ, Pentapoleos, Palestinæ, Arabiæ, Isauriæ, Cypri, Pamphylæ, Liciæ, Galatiæ, Daciæ, Mysiæ, Thraciæ, Dardaniæ, Macedoniæ, Epirorum, Thessaliæ, Achaïæ, Cretæ, Dalmatiæ, Siscie, Pannoniarum, Norici, Italiæ, Piceni, Tusciæ, Campaniæ, Calabriæ, Apuliæ, Bruttæ, Siciliæ, totius Africæ, Sardinia, Hispanarum, Galliarum, Britannicarum. Quando ergo S. Athanasius in *Hist. Arianorum* num. 15. hæc habet: "Conveniunt quum ex Oriente, tum ex Occidente in Sardica urbe Episcopi plus minus centum septuaginta", Occidentium Episcoporum rationem illum habuisse dicendum est. Nam in Syodica Concilii Sardicensis ad Ecclesiam Alexandrinam hujusmodi inscriptionem legimus (1): Sancta Synodus per gratiam Dei Sardicæ congregata, ex urbe Roma, ex Hispaniis, Galliis, Italia, Africa, Sardinia, Pannoniis, Mysiis, Dacia, Norico, Tuscia, altera Dacia, Macedonia, Thessalia, Achaïa, Epyro, Thracia, & Rhodope, & Palestina, & Arabia, & Creta, & Ægypto, Presbyteris, & Diaconis &c. In altera autem Synodica ejusdem Concilii data ad omnes Episcopos Ecclesiæ Catholicæ, quam S. Athanasius in sua 1. *Apologia contra Arianos* inferuit, & Provinciæ, & Episcoporum nomina recensentur, qui, uti inquit S. Athanasius in citata *Apologia* num. 50., si uniantur iis, "Qui etiam ante hanc Synodum nostri gratia scri-

(1) Tom. 2. Concil. Edit. Venet. colum. 694.

„ scripsere, ex Asia scilicet, Phrygia, & Isauria, quorum
 „ nomina in propriis eorum epistolis circumferuntur, prope
 „ sexaginta tres, una omnes trecenti quadraginta quatuor
 „ sunt “. Hoc eodem in loco & illud quoque S. Athanasius
 „ monet, quod “ Hoc suum rescriptum Sardicenfis Synodus ad
 „ illos misit, quibus accedendi facultas non esset, qui & ipsi
 „ suffragiis suis decreta Synodi approbarunt “. Ex his vero
 „ omnibus constat, quam falso Samuel Basnagius citato loco
 „ num. 8. pro certo assumat, Orientales, hoc est, sicuti ipse
 „ accipit, Eusebianos fuisse *Sardicenfibus numero non multum in-*
fiores .

Neque est, cur quispiam eorum auctoritate moveatur,
 quæ apud Hilarium *Ex Opere Historico* Fragmento 2. num. 15.
 leguntur, hoc est, Episcopos sexaginta & unum huic Syno-
 do subscripsisse. Non solum enim maximæ Athanasii probi-
 tatis, & peritiæ hac de re, de qua scribebat (illi enim inter-
 fuerat) habita ratione, sed etiam temporum, quibus scri-
 bebatur, & personarum, cum quibus res illi erat, Athanasio
 fides nullo modo subtrahi debet: eo vel maxime, quia ipsi
 Patres Sardicenses in sua Synodica ad Ecclesiam Alexandri-
 nam illi consentiunt. Testimonium Vigilii Tapsensis Episco-
 pi hic superaddemus, qui in lib. 5. *Cont. Eutychetem* num. 3.
 loquens de Sardicensi Concilio ita habet: “ Item apud Sar-
 „ dicam omnium Provinciarum Orientis Episcopi congrega-
 „ ti, id est, Thebaida, Palestina, Phœnice, Mesopotamia,
 „ Ægypto, Arabia, Syria, Cilicia, Cappadocia, Ponto,
 „ Paphlagonia, Galatia, Bithynia, Hellesponto, Asia,
 „ Phrygiis duabus, Pisidia, Cycladum insularum, Pam-
 „ phylia, Caria, Lydia Europæ, Thracia, Æmimonto, My-
 „ sia, Pannoniis duabus “.

Neque est etiam, cur opponatur, sicuti Samuel Basna-
 gius citato loco num. 4. una cum Petro de Marca facit, tum
 a S. Hilario lib. *Cont. Constantium* num. 25., tum a S. Epipha-
 nio *Hæresi* 71. num. 1. Synodum Sardicensem Occidentalem
 vocatam fuisse. Nam S. Hilarius ad Constantium Imperato-
 rem hæc habet: “ Damnas quoque & substantiæ nomen,
 „ quo

” quo te & Sardicensi Synodo, & Syrmienſi pium eſſe Oc-
 ” cidentalibus mentiebaris “ ? Loquitur ergo Hilarius de
 Pſeudo-Sardicensi Synodo, hoc eſt, Philippopolitano, ſicut
 & de Syrmienſi, quæ Orientalium conventicula fuerunt,
 idque Conſtanti Hilarius exprobravit, ut pium Occidenta-
 libus ſe præferre voluiſſe, quia ſubſtantix nomen una cum
 hiſce conventiculis damnaret. S. Epiphanius vero de Sardi-
 cenſi quidem legitima Synodo loquitur, eam tamen Occi-
 dentalem vocat, ut a Pſeudo-Sardicensi diſtinguat. Sardica
 enim urbs erat, quæ ad Occidentale, Philippopolis, quæ ad
 Orientale imperium ſpectabat. Aliunde vero Philippopolita-
 num conciliabulum conſtatum erat ex Episcopis Antiocheni
 Patriarchatus, qui quidem Orientis proprie dicebatur.

§. II. Separatio Euſebianorum a ceteris Patribus Sardi-
 cæ congregatis non facit, quin Sardicenſe Concilium Œcu-
 menicum dici poſſit, atque revera ſit.

Quia ergo a ceteris Patribus Sardicæ congregatis ſeſe
 Euſebiani ſeparaverunt, contuleruntque ſe Philippopolim.
 Thraciæ urbem, Adverſarii noſtri arbitrantur Sardicenſe Con-
 cilium non eſſe Œcumenicum. At proſus falſo ita putant.
 ” Non ſatis eſt quidem (ut cum Melchiori Cano loquar lib. 5.
 ” *De Locis Theologicis* cap. 3.) ad Concilium generale, ſi evo-
 ” catio generalis eſt, quando adeo pauci congregantur, ut
 ” major meliorque Provinciarum pars relicta eſſe videatur:
 ” præſertim ſi cauſa legitima ſit, cur Episcopſi Synodo non
 ” adfuerint. Ac ſi per malitiam hominum peſſimorum una,
 ” & item altera provincia deſit, non propterea Concilii ge-
 ” neralis nomen amittitur “. Euſebiani ſane huic Concilio
 non interfuerunt, hoc eſt, ii, qui licet primo ſubſcripiſſent
 Decretis Synodi Nicænæ, poſtea tamen *ad proprium impietatis*
vomitum redire, ſicuti *De Decretis Nicænæ Synodi* num. 4.
 S. Athanaſius affirmat. Hac vero de cauſa ſibi obſiſtentem
 Achanafium modis omnibus oppugnare inſtituerunt, & poſt
 multa contra ipſum conſicta crimina, & tentatas inſidias,
 Tyrii ſimul congregati Sanctum virum una cum aliis Nicænæ
 fidei defenſoribus & a communione Catholica ſepararunt,
 & ab

& ab Episcopatu deiecerunt. Ad hæc ad Synodum a Julio vocati venire renuerunt, quamvis, ut Synodus haberetur, ipsi antea petiissent (1). Postea vero quamvis Macario presbytero, Martyrio, & Hefychio diaconis, quos pro se Romam miserant, jam refutatis, & convictis, causa omnino cecidissent, ac propterea Athanasius, quem de tantis criminibus accusaverant, etiam iudicio quinquaginta Episcoporum absolutus fuisset, atque in suam sedem restitutus (2); Antiochiæ simul congregati litteras impudentiæ, & audaciæ plenas ad Julium miscrunt, quibus absolutum ab eo Athanasium, & pro Episcopo habitum conquerebantur (3). Tandem quum ad indicatum Sardicense Concilium simul cum aliis convenissent, quia in eo se dominaturos sperabant, quando spe sua se frustratos viderunt, nec consequi posse animadvertere, quod sibi præstituerant, causari, quod ab Hosio, & aliis, Athanasius una cum ceteris (ille, inquam Athanasius, qui primo in Concilio Alexandrino, postea in Romano, in quo suam causam dixerat, absolutus fuerat) ad communionem, admissus esset, noctu aufugerunt, & Philippopolim Thraciæ urbem sese contulere, ubi simul congregati Julio anathema dixerunt (4). Hæc ergo quum ita sese habeant, si profecto non sit schismaticorum factione, ut Synodus aliqua esse Œcumenica desinat; alioquin improbitate nonnullorum semper impediri posset, ne ulla unquam Œcumenica Synodus in Ecclesia haberetur; quis non videat, quam præter omnem rationem Sardicensem Synodum a numero Œcumenicarum expunctam Adversarii nostri inde velint, quia ab ea sese Eusebiani separaverunt?

Et re quidem vera anne absentia multorum Orientalium Episcoporum effecit, ne VI. Synodus dici Œcumenica posset, & revera esset, quamvis illi Episcopi ad Synodum non accesserint propter mala, quæ a Saracenis sibi imminabant? Non ita sane. Nam Sacerdotes Orientis in sua epistola ad Tarasium Patriarcham Constantinopolitanum, qua Actione III.

Tom. III.

Ii

Con-

(1) Vide locum Julii c. p. præced. § 8. (2) Vide citat. §.

(3) Vide §. 10. cap. præced. (4) Vide §. 9. cap. præced.

Concilii Œcumenici VII. lecta fuit, in memoriam illius revocant, nullum eorum, uti ipsi inquirunt, *quæ per idem tempus in his partibus Episcopi erant*, convenisse ad VI. Synodum Œcumenicam, ut eum inducant ad habendam Synodum, quamvis tres Patriarchæ, & Episcopi illis subiecti ab ea abfuturi essent (.) : “ Illud autem (inquirebant) tamquam necessarium penes pontificalem apicem vestrum commonendum, ducimus, ut si de beneplacito cunctorum Regis, Christi, videlicet Dei nostri, & eorum, qui cum eo regnare meruerunt, Dei scilicet amicorum, & triumphatorum nostrorum, volueritis celebrare Synodum: ne molesta vobis appareat trium Apostolicarum Sedium aliorum Patriarcharum, & sanctissimorum Episcoporum, qui sub ipsis degunt, absentia, non ex proprio eorum accidens proposito, sed ex tenentium, seu dominantium illis terribilibus minis, & mortiferis pœnis. Hoc autem subtilius est considerandum etiam ab ipsa sancta, & universali VI. Synodo, in qua nullus eorum, qui per idem tempus in his partibus Episcopi erant, convenisse inventus est ob obscenorum obtinentiam. Sed nullum ex hoc sanctæ adhæsit Synodo præjudicium, neque vires habuit prohibitio aliqua statuendi, & manifesta faciendi recta dogmata pietatis, præcipue quum sanctissimus, & Apostolicus Papa Romanus concorderit, & in ea inventus sit per Apocrisarios suos. Et nunc, Sanctissime, hoc cum consilio Dei similiter fiat. Nam sicut tunc illius fides in orbis terræ personavit fines; ita & Synodus, quæ nunc per gratiam Dei congreganda est per interventionem vestram, & ejus, qui moderatur Apostolorum Principis Sedem, prædicabitur in omni loco, qui sub Sole est “. Si ergo quamvis inviti, & non volentes, plures Episcopi Orientales a Synodo VI. abfuerint; ea tamen uti Œcumenica habita fuit: si eodem modo in censum Synodorum Œcumenicarum etiam VII. Synodum relatum habemus. quamvis tres Patriarchæ Orientis una cum pluribus Episcopis spectantibus ad Patriarchatum eorum, & ipsi quoque
inviti

(1) Tom. 8. Concil. edit. Venet. colum. 823.

inviti ad eam non accesserint; quis non videat, Sardicensis Œcumenici Concilii habita ratione, quam nihili facienda sit schismaticorum Eusebianorum spontanea secessio? Eo vel maxime, quia licet ipsi abfuerint; tamen, sicuti jam ostendimus (1), consensus Ecclesiarum Orientalium desideratus non fuit.

§. III. Exponitur sensus tertii Canonis Concilii Sardicensis.

Tres sunt Canones, in quibus de hoc negotio appellationum Patres suam sententiam protulerunt, hoc est, tertius, quartus, & septimus juxta Dionysii Exigui ordinem, vel tertius, quartus, & quintus juxta textum græcum. Horum interpretationem nunc damus, ut antequam cum Adversariis nostris hac de re congregiamur, quid Patres Sardicenses, habita ratione appellationum, definierint, unicuique exploratum esse possit: inde enim planum per se fiet, quam ipsi interpretationem hisce Canonibus appingunt, omnino alienam esse & ab obvio sensu Canonum, & a sententia Patrum Sardicensium. Canonis itaque tertii ea parte omissa, quæ ad rem nostram non facit, ita apud Dionysium Exiguum in eo statutum legimus: (1) " Si aliquis Episcoporum judicatus fuerit in aliqua causa, & putat se bonam causam habere, ut iterum Concilium (aliæ latinæ collectiones enim græca *judicium*) renovetur; si vobis placet, S. Petri Apostoli memoriam honoremus, ut scribatur ab his, qui causam examinarunt (Græca versio *judicarunt*: Isidorus vero addit: *vel etiam ab aliis Episcopis, qui in Provincia proxima morantur*.) Julio Romano Episcopo: & si judicaverit renovandum esse judicium, renovetur, & det judices. Si autem probaverit, talem causam esse, ut non refricentur ea; quæ decreverit, confirmata erunt. Si hoc omnibus placet? Synodus respondit: placet."

Hic Canon, sicuti alii duo, de quibus nunc agimus, contra Eusebianos conditi esse videntur. Nam, sicuti ex epistola Julii, & ex altera epistola Eusebianorum ad eundem.

I i 2

Ju.

(1) Præced. §. (2) Tom. I. Concil. edit. Harduini. col. 638.

Julium constar (1), de eo cum Julio Eusebiani conquesti fuerant, quod Synodorum Orientalium jura violasset, quia Athanasii, & aliorum Episcoporum Orientalium, quos ipsi jam damnaverant, causas judicandas suscepisset. Hoc ergo in Canone de eo judicio agitur, quo aliquem Episcopum depositum fuisse præsupponitur, sicuti ex sequenti Canone 4. compertum est. Quapropter quid faciendum sit in eo decernitur, si hujusmodi Episcopus suas apud alterum judicem rationes experiri velit. Si ergo Episcopus depositus id petebat, putaus *se bonam causam habere*, & nulla apud Apostolicam Sedem appellatio expressa intercesserat; hoc alterum judicium a finitimis Episcopis simul in unum convenientibus instituebatur. Antequam ergo id perageretur, ut ii Episcopi, qui primo judicium tulerant, juxta Dionysii versionem, vel etiam alii, qui in proxima Provincia morabantur, juxta alias Latinas collectiones, quique de depositione Episcopi iterum judicare debebant, ad Summum Pontificem hac de re scriberent, ut si ipse judicium renovandum esse putaret, judices illius causæ constitueret; sin vero nihil ulterius discutiendum esse arbitraretur, quæ in priori judicio decreta erant, firma consisterent; hoc vero est, quod Hosius ad honorandam memoriam S. Petri a Patribus decerni petiit, Patresque decreverunt. Ecclesiastica enim lege jam constitutum habebatur, sicuti ex Canone 14., & 15. Antiocheni Concilii novimus (2), ut si sententiæ Episcoporum in condemnatione alicujus Episcopi discordantes inter se fuissent, novum a Metropolitano cum quibusdam alterius provinciæ Episcopis de ea causa judicium haberetur. Quum ergo Sardicenses Patres non ob jus, quod cogeret, sed in suæ erga Apostolicam Sedem observantiæ argumentum, constituerint, ut novum judicium non fieret de re jam judicata, antequam Summus Pontifex de eo certior redderetur, ipseque judices constitueret, si judicium renovandum esse censeret; mirandum sane non est, Hosium, dum Patribus rem istam definiendam proposuit, dixisse: *Si vobis placet: S. Petri Apostoli me-*

(1) Vide præced. §. (2) Tom. 1. Conc. edit. Harduini col. 597.

memoriam honoremus. Nam quum in Provincia novum iudicium de huiusmodi Episcopis institui posset, modo ad Sedem Apostolicam provocatum antea non fuisset, sancientes Patres Sardicenses, ne, inconsulto Romano Pontifice, immo ipso consentiente, atque etiam dirigente, tale iudicium fieret, suæ erga Sedem Apostolicam observantiæ, & honoris argumentum profecto amplissimum dederunt. Hinc vero est, ut in duobus aliis Canonibus, in quibus actum fuit de iis, quæ certo jure propria erant Apostolicæ Sedis, nullam de hac sua erga illam singulari observantia mentionem fecerint. Non est ergo, cur Febronius *De statu Ecclesiæ &c.* cap. 5. §. 6. n. 1. illud nobis pro se opponat, verba Canonis *ad ipsum Petri Primum, aut jus aliquod ei per se cohærens referri non posse*: id enim illi damus, quia, uti diximus, hoc in Canone Patres suam observantiam erga Sedem Apostolicam singulariter testatam voluere.

§. IV. Exponitur sensus quarti Canonis Concilii Sardicensis.

Instar cuiusdam appendicis ad priorem hic Canon haberi debet. Nam (1) “ Gaudentius Episcopus dixit: addendum, si placet, huic sententiæ, quam plenam sanctitate protulisti, ut quum Episcopus aliquis depositus fuerit eorum Episcoporum iudicio, qui in vicinis locis commorantur, & proclamaverit agendum sibi negotium in urbe Roma: alter Episcopus in ejus Cathedra post appellationem ejus, qui videtur esse depositus, omnino non ordinetur, nisi causa fuerit in iudicio Episcopi Romani determinata “. In hoc itaque Canone decernitur, quid servari debeat, non quidem post prius iudicium, quod ab Episcopis factum fuerit de crimine alicujus Episcopi, damnatusque Episcopus contra iudicium in se factum reclamaverit, sed post alterum, cujus faciendi normam in præcedenti Canone constitutam fuisse observavimus. Sermo enim in eodem habetur *de eorum Episcoporum iudicio, qui in vicinis locis commorantur*, hoc est, spectant ad provinciam viciniorem illi, cujus est Episcopus prior

(1) Cit. tom. colum. 739.

priori suorum comprovincialium judicio damnatus. Erat enim Canone 15. Antiocheni Concilii constitutum, quemadmodum jam animadvertimus, ut alterum a Metropolitano una cum vicinæ Provinciæ Episcopis de eo Episcopo judicium haberetur, de cujus innocentia, aut crimine in judicio comprovincialium Episcoporum non constiterat. Quapropter si illud advertamus, in præcedenti Canone sancitum fuisse, ut quando contingeret, Episcopum reclamare a judicio suorum comprovincialium Episcoporum, certior hac de re Summus Pontifex fieret, & si novum judicium institui vellet, judices ipse daret; inde consequitur, in hoc Canone præsupponi, a Summo Pontifice in secundo judicio non alios constitutos, qui sententiam ferrent, quam Episcopos vicinæ Provinciæ. His autem positis, illud animadvertimus, de quocumque tandem judicio, & quovis modo factæ Sardicenses Patres in hoc quarto Canone loquantur, nihil de jure appellationum ad Sedem Apostolicam in eo constitui, sed hujusmodi jus uti certum præsupponi, simulque decerni, quid propter illud servari debeat. Nam ab Episcopo, qui depositus fuerit eorum Episcoporum judicio, qui in vicinis locis commorantur, proclamari posse, & suum negotium agi in urbe Roma, hoc vero est, quod Sardicenses Patres uti certum, & jam constitutum habent: ne vero in cathedra illius, postquam ad Sedem Romanam appellaverit, alter ordinetur, antequam causa fuerit in judicio Episcopi Romani determinata, sanciant, atque constituunt. Quo sane jus appellationum ad Sedem Apostolicam, quod uti rem certam habent, magis magisque confirmant. Id cum appellationibus necessario conjungitur, ut ille, ad cujus judicium appellatio fit, sua supra alterum, a cujus sententiâ appellatur, habita ejus judicii ratione; de quo agitur, auctoritate, atque potestate valeat (1). Inde vero consequitur, ut quod judicio prioris determinatum fit, suum effectum habere non possit, semel ac ad judicium alterius provocatum fuerit. Hoc vero est, quod Sardicenses Patres decernunt: jus ergo appella-

tio-

(1) Hujus lib. cap. 1. §. 3.

tionum ad Apostolicam Sedem uti certum supponunt, decernuntque tantum id, quod ad hujusmodi jus ex sui natura consequitur.

S. V. Exponitur sensus quinti Canonis Concilii Sardicenis.

Hic ergo Canon ita habet (1): "Hosius Episcopus dixit: placuit autem, ut si Episcopus accusatus fuerit, & judicaverint congregati Episcopi regionis ipsius, & de gradu suo eum deiecerint; si appellaverit, qui dejectus est, & confugerit ad Episcopum Romanæ Ecclesiæ, & voluerit, se audiri; si iustum putaverit, ut renovetur iudicium, vel discussionis examen, scribere his Episcopis dignetur, qui in finitima, & propinqua Provincia sunt, ut ipsi diligenter omnia requirant, & juxta fidem veritatis definiant. Quod si is, qui rogat causam suam iterum audiri, deprecatione sua moverit Episcopum Romanum, ut de latere suo presbyterum mittat; erit in potestate Episcopi, quid velit, & quid æstimet. Et si decreverit mittendos esse, qui præsentibus cum Episcopis judicent, habentes ejus auctoritatem, a quo destinati sunt, erit in ejus arbitrio. Si vero crediderit, Episcopos sufficere, ut negotio terminum imponant; faciet, quod sapientissimo consilio suo judicaverit". Inter hunc quintum canonem, & tertium maxima sane differentia intercedit. In canone namque tertio de nova petitione iudicii agitur, nullamque appellationem ad Apostolicam Sedem factam fuisse præsupponitur. Hoc autem in canone quinto sermo est de vera, & genuina appellatione. Quandoquidem eum, *qui dejectus est*, dejectus, inquam, a simul *congregatis Episcopis ipsius regionis* ad Sedem Romanam appellasse, confugisseque ad Episcopum Romanæ Ecclesiæ, ut ab eo audiretur, indubitanter affirmatur. Nihil aliud autem ad veram appellationem ultra requiri præter ista posse, unicuique perspectum est (2). Tantum vero

(1) Tom. 1. concil. edit. Harduini colum. 639. (2) Vide quæ hujus lib. cap. 1. discevimus.

vero abest, ut Sardicenses Patres hujusmodi Episcopi factum improbent, illudque uti contrarium vel Divinis, vel Ecclesiasticis legibus, aut ipsi consuetudini damnent; quin potius uti rem planam, atque pervulgatam, quæ in usu esset, dejectum Episcopum suas hoc modo rationes experiri potuisse, præsupponunt. Id autem inde magis magisque confirmatur, quia non solum hunc dejectum Episcopum ad Sedem Romanam appellantem a Summo Pontifice repelli, inauditumque dimitti debere non existimarunt, sed etiam constituere, quid sit in arbitrio Summi Pontificis quoad hujusmodi causæ disquisitionem decernere, semel ac judicium, vel discussionis examen renovandum esse putaverit. Nam esse in illius potestate tradunt, ad novam discussionem causæ vel *scribere his Episcopis, qui in finitima, & propinqua Provincia sunt, ut ipsi diligenter omnia requirant, & juxta fidem veritatis definiant*: quæ sane ratio quamdam speciem delegationis continet, eaque est tum magis obvia, tum etiam faciliior; vel *e latere suo Presbyterum, aut ex Græco, Presbyteros mittat*; qui *presentes* cum Episcopis finitimæ Provinciæ, *judicent, habentes* ejus auctoritatem, a quo destinati sunt. In hoc autem delegantis Pontificis potestas magis effulget, quum auctoritate ejus una cum aliis Episcopis ille, aut illi assideant, qui aliunde nullo modo assidere possent. Quapropter si tum ad ea respiciamus, quæ Patres Sardicenses de eo Episcopo scenserunt, qui a judicio Episcoporum suæ regionis ad judicium Romanæ Sedis appellavit; si tum alia advertamus, quæ habita ratione hujus appellationis, facere. vel non facere, in potestate Summi Pontificis positum esse sensere; iis solum, qui contra veritatem facti pugnare instituerunt, dubium esse potest, utrum in Concilio Sardicensi confirmatum fuerit jus appellationum ad Sedem Apostolicam.

Quamvis autem Patres in hoc Canone non definierint, illud quoque esse in potestate Summi Pontificis, ut cæ causæ, de quibus ad judicium ejus provocatum fuerit, coram se Romæ agerentur; tamen eosdem sensisse, id etiam auctoritatis penes

penes Summum Pontificem esse, nullo modo dubitari potest. Nam in epistola ad Iulium Summum Pontificem (1) Eusebianos inde etiam graviter redarguunt, quia "Conventi per
 „ Presbyteros tuos, (hoc est Iulii) & per epistolam, ad Syno-
 „ dum, quæ futura erat in urbe Roma, venire noluerunt". Et in epistola *ad omnes ubique Ecclesia Catholica Episcopos* in-
 „ quiunt (2), "Nam etsi ex eo quod vocati sunt (Eusebiani)
 „ a Julio Episcopo carissimo fratre nostro, claruit noluisse
 „ eos venire ex ipsis litteris, quibus eorum mendacia dete-
 „ cta sunt: (venissent enim, si habuissent fiduciam eorum,
 „ quæ gesserunt adversus Coepiscopos nostros) licet etiam
 „ ex ipsis, quæ fecerunt in isto sancto, & magno concilio
 „ manifestiora falsitatis suæ commenta prodiderunt". His
 „ autem Patres manifeste præstulerunt, esse in potestate Sum-
 „ mi Pontificis constituere, ut causa, de qua ad se appellatum
 fuerit, Romæ agatur, Romamque propterea ii evocen-
 „ tur, ad quos causa illa pertineret; alioquin æquo jure Eu-
 sebianos accusare non potuissent, quod a Julio Romam vo-
 „ cati, ut de iudicio a se facto rationem redderent, venire
 renuissent. Febronius *De Statu Ecclesia &c.* cap. 5. §. 6.
 num. 2. dicit; *quod iudices dati neque Romani sunt, neque*
Rome judicant. Prius affirmat contra apertam lectionem.
 secundæ partis ipsius canonis: Romani enim hoc in loco di-
 „ cendi sunt, non quatenus ex urbe sint, sed quatenus a Ro-
 mano Pontifice mittuntur. Postea tamen etiam ipse conce-
 dit, Summum Pontificem mittere potuisse suum Legatum.
ad secundum iudicium in Provincia agendum. Alterum vero tra-
 dit contra apertum testimonium Patrum Sardicensium in epi-
 stola ad Iulium, & altera epistola. *Ad omnes ubique Ecclesia*
Catholica Episcopos. Dum vero num. 3. affirmavit hoc in Ca-
 none non haberi rationem *vera* appellationis, quia Hosius di-
 „ xit tantum: *si appellaverit*; non vero superaddidit: *ad Roma-*
num Pontificem, subauditumque potius voluit aliud iudicium,
 ex ipsa lectione canonis refellitur.

Tom. III.

K k

§. VI.

(1) Tom. 1. Concil. edit. Harduini colum. 653. (2) Cit. Tomo
 colum. 662.

§. VI. Petri de Marca falsæ interpretationes horum Canonum Sardicensium refelluntur.

Mirum sane est, quam multa Adversarii nostri excogitaverint, ut prædictorum Canonum auctoritatem eluderent, vel saltem verum sensum obscurarent. Non solum enim omnes illud objecerunt, hanc Synodum in censum Œcumenicarum venire non posse: quod nos jam refutavimus, sed etiam ad subtiles cavillationes recurrerunt, ut nihil de hoc jure appellationum in iisdem canonibus constitutum fuisset evincerent. Illas ergo nunc expendamus, atque a Petro de Marca exordiamur, quia eum in hac re ceteri omnes, qui idem cum ipso opinantur, uti magistrum sequuntur.

Ipse ergo lib. 7. *De Concord. Sacerdotii & Imperii* cap. 3. num. 6. fatetur: "Hactenus universim persuasum fuisse, re-
pertam esse in Synodo Sardicensi legem de appellationi-
bus adversus Episcoporum judicia, eas a Summo Pontifice
judicandas esse ex præscripto hujus Concilii". Fatetur ergo, Patres, Præfules, Doctores, qui a medio seculo 4. usque ad sua tempora floruerunt, id persuasum habuisse, quod ipse oppugnare contendit, ac propterea vult illos lapsos fuisse in intelligentia eorum Canonum, de quibus nos modo agimus. Hoc autem unum sufficit, ut non dicam nobis, sed unicuique, qui de tantis viris sentiat, prout oportet, ut interpretatio ejus suspecta sit. Verum de hoc sane modo inquiramus.

Revisionem ergo ejus causæ, de qua Episcopi judicium tulerant, non vero *appellationem* Romano Pontifici Sardicensibus Canonibus vindicatam fuisse contendit (1). Id vero inter utramque discriminis ponit, ut ista ad judicem superiorem integra causæ cognitio transferatur, qui *questionem*, sicuti ipse inquit, *executit*, & *definit in suo tribunali*; illa autem *definitivum judicium relinquit priori jurisdictioni ea ratione, ut prioribus judicibus novi adjungantur*. Hoc semel constituto, quod ipse vult, 1. deducit: quia Synodus statuit, esse in potestate Summi Pontificis appellationem a condemnato Episcopo

(1) Id apponit etiam Febronius *De Statu Ecclesiæ* &c. cap. 5. §. 6.

po ad se factam, vel recipere, vel reiicere: prius si faceret; Episcoporum Provinciæ judicium confirmabatur: si alterum; integrum judicium ad Episcopos Provinciæ, vel finitimos remittendum erat, ut isti una simul cum Legato Summi Pontificis, si Pontifex suum Legatum mittendum putasset, ulterius judicium instituerent. 2. Eam esse vim appellationis affirmat, & recte quidem, ut propter eam sit interim a priori sententia supersedendum, contra ac in revisione servatur. „ Confugium illud ad Sedem Apostolicam non impediēbat, „ (ait ipse) quin interim sententia depositionis executioni „ mandaretur“. 3. Institutionem juris in Sardicensi Concilio factam novam esse, inde arguit, quia Hosius dum Patribus eam proponeret, dixit: *Si placet vobis, S. Petri Apostoli memoriam honoremus*. „ Non ait (inquit Petrus de Marca) confirmam mandam esse antiquam traditionem, quemadmodum fieri „ consuevit in negotiis, quæ renovatione tantum, aut explicatione juris antiqui indigent“. 4. Animadvertit in tertio Canone Summo Pontifici tribui, „ Supremam auctoritatem decernendi revisionem, aut eam denegandi, dato in „ super jure delegandi novos judices“: in quarto autem definitum quidem fuisse concedit, *ne in locum Episcopi dejecti alius substitueretur, donec causa fuerit in judicio Episcopi Romani determinata*; verumtamen hoc non obesse contendit, quin judicium jam latum in Episcopum semper valeret: „ Nihil tamē „ men (inquit) hujuscemodi vetat quoad depositionem „ damnati, quam nihilominus peragebant“. Tandem quinto Canone solam revisionem Summo Pontifici tributam fuisse affirmat, quia judicium non Romæ, sed in Provincia una cum Legato Romani Pontificis instituendum erat.

Nullius sane roboris hæc omnia sunt ad ea probanda, quæ Petrus de Marca vellet. Si enim de canone 3. sermonem habeamus, illo constitutum legimus, ut si *Summus Pontifex judicaverit renovandum esse judicium, renovetur, & det judices*. Hoc ergo alterum judicium auctoritate Summi Pontificis peragendum erat. Nam ut aliquod judicium auctoritate alicujus peractum fuisse dicatur, non oportet, ut ille vel per se

solus, vel cum aliis judicet, sed satis est, ut constituat judices, qui de re proposita sententiam ferant. Hac enim plerumque ratione omnia ea judicia sunt, quæ auctoritate suprema facta esse dicuntur. Unde Petrus de Marca pro certam falsam assumit, hoc est, jus tantum decernendi revisionem Summo Pontifici tributam fuisse. Nam & judicium, uti inquebat Hosius, Pontificis auctoritate faciendum erat, auctoritate Pontificis constitui debebant judices, auctoritate Pontificis semel ac statutum fuisset, ne refricarentur ea, quæ definita forent, eadem confirmata remanebant. Qua vero de causa Hosius dixerit: *Si placet vobis, S. Petri Apostoli memoriam honoremus*, jam explicavimus. At non dixit Hosius, confirmandam esse antiquam traditionem: id quidem Hosius non dixit, præsupposuerunt tamen, atque uti certum habuerunt Patres Sardicenses in 4. canone, quem hac de re ediderunt, quemadmodum in hujus explicatione canonis monuimus (1). In quarto canone decernitur, alterum Episcopum substitui non debere in locum depositi, *nisi causa fuerit in judicio Episcopi Romani determinata*. Romani ergo Episcopi hoc quoque in canone illud judicium esse constituitur, quod post primum jam factum judicium instituendum erat.

Dum vero Petrus de Marca concedit, quemadmodum verba 4. canonis manifeste præferunt, in locum Episcopi depositi, alterum substituendum non esse, *donec causa fuerit in judicio Episcopi Romani determinata*; negat vero judicium Episcopi depositi inde suspensum evasisse; illud ego ab eo quæro, qua tandem de causa ab electione alterius Episcopi superfedendum esset. Profecto non alia, nisi quia ob factam appellationem ad Apostolicam Sedem judicium jam latum de depositione Episcopi suspensum remanebat. Quid enim prohibebat, ut alter in locum Episcopi depositi eligeretur, semel ac judicium de depositione illius immortum constituisse præsupponatur? Nam ut in locum depositi Episcopi, alter substituatur, quidpiam est, quod ex sui natura ad judicium depositionis consequitur, dum hujusmodi judicium certum, atque

(1) Præced. §.

atque immutabile fuerit . Suam ergo sententiam dum Petrus de Marca ex canonibus Sardicenis adstruere conatur , & ipsos Sardicenses Patres sibi contradicentes facit , & ipse negat , quod cum eo , quod admittit , nullo modo stare potest . Contradicentes sibi , inquam , facit Patres Sardicenses , quia vult eos , uti firmum , atque ratum habuisse iudicium illud , quod de depositione Episcopi tulerant ejusdem provincie Episcopi , & simul statuisse , in locum Episcopi dejecti alium substituendum non esse , donec causa fuerit in iudicio Episcopi Romani determinata : implicat enim certum iudicium illud esse , de quo in altero iudicio determinari debet : repugnat , immotum consistere , atque mutari non debere iudicium de depositione alicujus Episcopi , & alterum in locum ejus substitui non posse . Opposita autem ratione Petrus de Marca sibi contradicit : nam confitetur a Sardicenis Patribus definitum , ne in locum Episcopi dejecti alius substitueretur , donec causa fuerit in iudicio Episcopi Romani definita , & simul negat iudicium de Episcopi depositione jam factum mutari potuisse , illudque semper firmum constituisse contendit . Implicat enim hujusmodi iudicium firmum , & immobile fuisse , & tamen non potuisse substitui alterum in locum Episcopi depositi , hujusque causam iudicio Episcopi Romani definiendam .

Nullius autem momenti ea esse , quæ Petrus de Marca ex 5. canone animadvertenda proponit , jam ostendimus (1) . Se non esse inventorem hujus interpretationis canonum Concilii Sardicensis Petrus de Marca in cit. lib. , & cap. num. 14. proficitur , sed illam hausisse *ex illustri quodam loco Hincmari Remensis Archiepiscopi* . Locus autem prout legitur in epistola ejusdem Auctoris ad Joannem VIII. cap. 11. est hujusmodi :
 „ Cujus sanctæ Synodi (Nicænæ) constitutionem Sardicenses canones non convellunt , qui cum Pontificis Romani
 „ Vicario , vel arbitrio causam Episcopi in provinciali Synodo
 „ iudicati etiam Episcoporum arbitrio , vel iudicio , qui
 „ eum judicaverunt cum Episcopis , qui in finitima , & pro-

„ pinqua

(1) Præced. §.

„ pinqua provincia sunt, præcipiunt terminari, quatenus si-
 „ ve in manenda, sive in immutanda sententia juxta Nicænos
 „ canones commune sit placitum “. Ita sane Hincmarus.
 Verum an ne fortasse dici potest, auctorem esse ejus interpre-
 tationis, quam Sardicenfibus canonibus Petrus de Marca
 dedit ? Id unum sane hoc loci Hincmarus contendit, Sardi-
 cenfibus canonibus illi legi Concilii Nicæni derogatum non
 fuisse, qua constitutum habebatur, ut causa Episcopi, de
 qua judicium latum fuerat in Synodo provinciali, terminaretur
 judicio Episcoporum, qui sunt in finitima, & propinqua
 provincia (1), ita tamen, ut hoc judicium alterum fieret juxta
 canones Sardicenses *cum Romani Pontificis Vicario, vel arbitrio*.
 Pendebat ergo illud juxta Hincmarum ab auctoritate Romani
 Pontificis, quamvis ab Episcopis finitimæ provinciæ exercen-
 dum esset. Nam ut illud exercerent, a Romano Pontifice eis
 demandandum erat, atque etiam idem Romanus Pontifex
 suum a latere Presbyterum, aut Presbyteros mittebat, qui
 præsentibus cum Episcopis finitimæ provinciæ judicarent (2).

At vero Petrus de Marca epistolæ Hincmari ad Joan-
 nem VIII. caput 11. tantum legit: si autem legisset etiam 12.,
 suæ profecto interpretationis habere illum auctorem non po-
 tuisset, vidissetque, qua ratione Hincmarus definitionem
 Nicæni Concilii cum canonibus Sardicenfibus auctoritate In-
 nocentii I. conciliaverit, atque statuerit esse servandum,
 quod de appellationibus, non vero de revisionibus, uti Pe-
 trus de Marca contendit, in Sardicensi Concilio decretum
 fuit. Totum caput 12. a nobis exscribatur oportet ut omni-
 bus hac de re omnino perspectum sit. “ Beatus quoque Inno-
 „ centius (3) ad Viâtricium Rotomagensem Episcopum duo
 „ capitula magni Concilii Nicæni *De his*, videlicet, qui
 „ communione privantur ex clero, & aliud, *Ut per singulas*
 „ *provincias suis privilegia serventur Ecclesiis*. Et capitulum.
 „ Sar-

(1) Tom. 1. Concil. edit. Harduini colum. 313. can. 5. Nicæni
 Concilii. (2) Vide hujus cap. 9. 5. (3) Innocentius I. epist. 2.
 ad Viâtricium num. 2. apud Constantium in collect. epist. Ro-
 man. Pont.

» Sardicenfis Concilii de Epifcoporum ad Apoftolicam Sedem
 » appellatione uno capitulo fagaciter , atque patenter expli-
 » cat , dicens : *Si qua autem caufa , vel contentiones inter Cle-*
 » *ricos tam fuperioris gradus , quam etiam inferioris exorta fue-*
 » *rint , placuit , ut fecundum Synodum Nicanam congregatis*
 » *omnibus ejufdem provincia Epifcopis judicium terminetur . Nec*
 » *alicui liceat , fine prajudicio tamen Romana Ecclefia , cui in*
 » *omnibus caufis debet reverentia custodiri , relictis his Sacerdo-*
 » *tibus , qui in eadem provincia Dei Ecclefiam nutu Divino gu-*
 » *bernant , ad alias convolare provincias . Quod fi quis forte pre-*
 » *fumpferit , & ab officio Cleri fubmotus , & injuriarum reus ab*
 » *omnibus judicetur . Si autem majores caufe in medio fuerint de-*
 » *volutæ ad Sedem Apoftolicam , ficut Synodus , ftatuit , & beata*
 » *confuetudo exigit , poft judicium Epifcopale referantur . In eo*
 » *enim quod dicit : Ut fecundum Synodum Nicanam congregatis*
 » *ejufdem provincia Epifcopis de exortis caufis judicium termine-*
 » *tur , capitulum Nicæni Concilii de excommunicatis expla-*
 » *nat . In eo , quod ad alias quemcumque de Ecclefiaftico*
 » *ordine prohibet convolare provincias , aliud capitulum Ni-*
 » *cæni Concilii explicat , quod jubet , ut per fingulas pro-*
 » *vincias fuis privilegia ferventur Ecclefiis , fine prajudicio*
 » *tamen Romanæ Ecclefia , ut fi majores caufæ , quarum una*
 » *eft de Epifcopi dijudicati appellatione , in medio fuerint de-*
 » *volutæ ad Sedem Apoftolicam , ficut Synodus Sardicenfis*
 » *ftatuit , & vetus confuetudo exigit , poft judicium Epifco-*
 » *pale referantur . Scilicet , ut aut juxta præmiſſum fepti-*
 » *mum Sardicenfis Concilii capitulum appellantis Epifcopi*
 » *caufa in provincia , in qua fuit exorta , definiatur , aut judi-*
 » *cium Epifcoporum provincia fecundum decreta Bonifacii*
 » *Apoftolicæ Sedis auctoritate confirmetur : & ficut Leo feri-*
 » *pfit , ejufdem Sedis ſententia roboretur . Quia vero S. In-*
 » *nocentius non Nicænam , fed Sardicenfem Synodum de*
 » *appellatione Epifcopi ad Sedem Apoftolicam in auctorita-*
 » *tem traxit , qui utraſque Synodos legit , aperte intelli-*
 » *get .* Hæc ſane omnia interpretationi Petri de Marca
 non ſolum conformia non ſunt , ſed omnino opponuntur .

§. VII. Aliorum quorundam interpretationes de hisce canonibus Sardicenfibus refelluntur.

Richerius in *Hift. Concil. General.* cap. 3. num. 4. præter cetera , quæ una cum aliis opponit ; illud potiffimum urget , Patres Sardicenfes in gratiam Cathedræ , & Primatus S. Petri *nominatim* decreviffe , ut Julius Romanus Pontifex de appellationibus cognofceret per Legatos miffos a latere , quia alia expeditiori via tunc confuli non poterat faluti Catholicorum contra perfidiam Arianorum : ex hoc autem infert , canones Concilii Sardicenfis de appellationibus ad Romanum Pontificem , & de facultate mittendi Legatos a latere , non effe *abfolutos* , & *Ecumenicos* , fed *tantum proviforios* . Samuel Bafnagius in *Annalibus Politico-Ecclefiafticis* ad an. 347. num. 11. appellationes non effe de jure ordinario inde arbitratur , quia Hofius dixit : *Si vestræ dilectioni videtur ; S. Petri Apostoli memoriam honoremus* . Cum Dupinio de *Antiqua Ecclefia Difciplina* differt. 2. opponit , illud ab Hofio dictum : *Si placet* : quod , inquit , *de difciplina perpetuo data perabfurdum dicere* . Num. 12. ftatuit cum Marca , & Dupinio can. 5. jus *revisionis* , non appellationis , Romano Pontifici tribui . Inter revisionem autem , & appellationem id difcriminis ponit , ut ifta *in ipfo Ecclefia Romana tribunali exerceri debeat* , non vero illa . Denique affirmat , non diffolvendi , aut confirmandi judicii jam facti potestatem ; fed decernendi folummodo , utrum judicium renovandum fit , penes Pontificem effe , Patres Sardicenfes voluiffe . Inde vero in confirmationem fuæ fententiæ animadvertit , neque Romæ , neque a Romano Pontifice novum judicium instituendum fuiffe , fed in provincia , ita ut “ Non
” Epifcopi Romani nomine Præfules judicarent , quæ perfona
” eft Presbyteri ab eo miffi , fed ut arbitri , judicesque in ea
” lite designati pronuntiarent , ex facultate conceffa Pontifici
” ei nominandi ad renovandum cauſæ examen alios etiam
” judices “ :

Van Espenius *Juris Ecclefiaft.* par. 3. cap. 1. §. 5. Richerii fententiam de *canonibus proviforiis* amplecti videtur , atque de jure tantum revisionis , non vero appellationis in Sardicenfibus

bus canonibus statutum esse affirmat . Ab aliis autem objecta in hanc rem opponit .

Richerii observatio acuta quidem primo aspectu esse videtur ; verum nullo ea fundamento nititur . Fatemur ergo , Synodum Sardicensem ad retundendos Eusebianorum temerarios ausus coactam fuisse : non negamus , quod Patres Sardicenses instituerunt , opportunum remedium fuisse , quo Catholici ab illorum impiis conatibus defenderentur : illud quoque ultro libenterque concedimus , quieti Ecclesiarum tunc recte consultum inde fuisse , ex eo quod , Summo Pontifice tantum probante , novum iudicium de Episcopo deposito a provinciæ Episcopis institui posset . Verum quisnam unquam dixerit , *provisorios* fuisse canones Nicænos , *provisorios* Constantinopolitanos , Ephesinos , & Chalcedonenses , ex eo quod Nicæna Synodus contra Arium , Constantinopolitana contra Macedonium , Ephesina contra Nestorium , contra Eutychetem Chalcedonensis coacta fuerit ? Quis , inquam , horum Conciliorum canones *provisorios* dixerit , quia ad repellendas ab Ecclesia Catholica huiusmodi pestes nullum promptius remedium tunc occurrere poterat , quam ut ista Concilia celebrarentur , conderenturque ii canones , quos in eisdem editos fuisse novimus ? Admissa profecto hac Richerii opinandi libidine , nullus erit Concilii Ecuæmenici canon , qui inter *provisorios* amandari non possit .

Canone autem 3. solummodo dicitur , scribendum esse *nominatim* ad Iulium Romanum Pontificem . Hoc autem in canone de appellationibus non agitur (1) . In aliis autem duobus canonibus , in quibus jus appellationum Romano Pontifici vindicatur , de Iulio *nominatim* nulla mentio fit , sed de Romano Pontifice (2) . Quid ? Nonne Patres de iudicio renovando ab Episcopis provinciæ ad Iulium scribendum esse decreverunt , quia erat Romanus Pontifex ? anne in ea tantum circumstantia temporum , in qua ipsi versabantur , scribendum esse definire ? anne canone 20. ab eis constitutum non legimus , esse illum *reum criminis* , & *defensioni obnoxium* ,

Tom. III.

L I

atque

(1) Vide hujus cap. 5. 3. (2) Cit. cap. 5. 4. & 5.

atque etiam *Episcopatus honorem*, & *dignitatem amittere* (1), qui a se constituta transgredi auderet? Nugatur ergo Richerius, dum ad canones provisorios recurrit.

Basnagius autem una cum aliis in eo errat, quod in canone tertio, in quo illa verba leguntur: *si placet*, vel, *si vobis videtur*, *S. Petri Apostoli memoriam honoremus*, de appellationibus agi arbitratur (1). Non est autem, cur miremur Hosium hac dicendi ratione usum fuisse. Patribus enim statuendum proponebat, quod ad disciplinam servandam spectabat, deque interposita appellatione ad Sedem Apostolicam non agebatur; unde nihil magis rationi congruum esse poterat, quam ut illa loquendi ratione cum Patribus uteretur (2). Una autem cum de Marca, & Dupinio Basnagius falso putat; si de appellatione agatur, *in ipso Ecclesia Romana tribunati* causam agitari debere. Non enim ex loco, in quo iudicium exercetur, definiendum est de ea auctoritate, qua illud exerceatur, sed ut hac de re nobis certo perspectum esse possit, videndum est, cujusnam imperio illud exerceatur, & a quonam potissimum iudices constituantur. In tribus autem Sardicenis Concilii canonibus, & in quinto potissimum, in quo de appellationibus singulariter agitur, iudicium tribui auctoritati Summi Pontificis, sicut etiam iudicium institutionem, dum Petro de Marca responderemus, jam ostendimus. Qui autem totam iudicii rationem in sua potestate habet, ea etiam per se uti posse, nemo sane negaverit. Verum & illud quoque nunc animadvertimus, de jure appellationum ad Romanam Sedem Basnagium, Marcam, & alios nullo modo dubitare posse, quamvis, ut iudicium Romæ fiat, ipsi ad veram appellationem requirant. Nam ut in hac causa, de qua agimus, solummodo sistamus, iudicium Athanasii, & ceterorum, Romæ cum Concilio quinquaginta Episcoporum sub Julio peractum fuit. Deinde nonne Patres Sardicenses tam in epistola ad Julium, quam in altera ad *omnes ubique Ecclesia Catholica Episcopos*, Eusebianos accusant, quod Romam a Julio vocati, ut coram eo suorum iudiciorum rationem redderent, venire renue-

runt?

(1) Vide hujus cap. §. 3. (2) Vide hujus cap. §. 3.

runt (1) ? Verum neque Julii , neque Patrum Sardicensium auctoritate Adversarii nostri moventur , ut suam falsam opinionem tueantur .

Contra apertam vero , atque omnino manifestam intellectionem canonum pugnat Bafnagius , dum non dissolvendi , aut confirmandi judicium jam factum , sed decernendi solummodo , utrum judicium renovandum sit , potestatem Summo Pontifici a Patribus Sardicensibus tributam fuisse tueretur . Nam *nisi causa fuerit in judicio Episcopi Romani determinata* , ne alter eligi possit , qui in Episcopi depositi locum succedat , in canone 4. constituitur . In canone autem 5. in arbitrio Summi Pontificis esse definitur , decernere , utrum renovandum sit judicium , semel ac Episcopus a sententia Episcoporum suæ provinciae ad illum appellaverit : quod si renovandum esse putaverit ; tunc Patres a Pontifice petunt , ut id muneris committere dignetur Episcopis , *qui in finitima , & propinqua provincia sunt* , vel etiam aliis , *qui praesentes cum Episcopis judicent , habentes ejus auctoritatem , a quo destinati sunt* . Profecto si de aliqua causa nullum judicium præcesserit , eam in judicio alicujus determinatam esse , dici non potest : at canon constituit , causam in judicio Romani Episcopi determinatam esse oportere , antequam alter in locum depositi Episcopi eligatur : verum ergo judicium ab Apostolica Sede de prædicta causa ferendum esse præsupponit . Hoc vero est , quod in canone 5. magis magisque confirmatur . Nam in eo statuitur , esse in potestate Romani Pontificis post judicium Episcoporum provinciae alterum judicium decernere : si non decernebatur , ratum sane ab Apostolica Sede habebatur , quod ab Episcopis provinciae latum fuerat , quamvis expressa confirmatione ad id non uteretur : si vero decernebat ; ad dignationem spectabat Romani Pontificis , ut id muneris ab eo committeretur finitimæ provinciae Episcopis , aut etiam aliis , qui fulti auctoritate illius una cum Episcopis provinciae finitimæ judicium exercerent , suspensumque interea remanebat judicium illud , quod Episcopi provinciae antea tulerant .

L. I. 2

Non

(1) Vide hujus cap. §. 5.

Non est autem, cur ad ea, quæ de judicio Romæ faciendo Basnagius opponit, nunc alia superaddamus. Est enim id jam solutum a nobis.

CAPUT IV.

DE EO USU, IN QUO APPELLATIONES AD APOSTOLICAM
SEDEM FUERUNT APUD ORIENTALES ECCLESIAS
A CELEBRATO CONCILIO SARDICENSI.

§. I. **S**ardicenses Canones, uti Œcumenici ab Ecclesia universali habiti fuere.

Patres Sardicenses Synodicam epistolam dederunt non solum Episcopis Lybiæ, & Ægypti, sed etiam *omnibus ubique Episcopis, & comministris Ecclesiæ Catholicæ*, quas apud Athanasium in Apologia contra Arianos legere est (1). In utraque autem tum illos, tum istos omnes adhortantur, ut sibi consentientes sint, cunctosque Ecclesiæ Catholicæ Episcopos rogant, ut sua confirmatione roborare velint, quæ a se statuta fuerant (2). “Quin potius (inquiunt) studete, fratres, & comministri, ut spiritu nostræ Synodo præsentēs, suffragium vestrum per vestram subscriptionem ipsi adiiciatis, ut ab omnibus ubique comministris nostris concordia ferretur”. Id autem Episcopi Ecclesiæ Catholicæ præstiterunt, quemadmodum ex Athanasii Apologia 1. num. 1. novimus. Illud quidem negari non potest, Sardicenses Patres in utraque *Synodica* causæ Athanasii, & aliorum mentionem facere, & rogare omnes, ut sibi consentiant in iis, quæ de illa decreverant: verum Athanasianam causam ii quoque canones respiciebant, quos de appellationibus contra Eusebianos ediderant (3).

Et re quidem vera apud antiquiores Græcos, etiam Orientales, canones Sardicenses plurimum auctoritatis habuisse, ex vetustissimo Orientali Concilio constat. Nam Patres Synodi Constantinopolitanæ an. 382. in epistola ad Damasum,

(1) Apolog. 2. num. 41. & seqq. (2) Apud Athanasium cit. Apolog. num. 49. (3) Vide cap. præced. §. 3.

masum, aliosque Occidentales a Theodorito lib. 5. *Hist.* cap. 9. descripta, Nicæni Concilii nomine Sardicensem canonem in medium hisce verbis protulerunt: „ De administratione autem singularum Ecclesiarum, quum vetus, uti nostis, lex obtinuit, tum Sanctorum Patrum in Concilio Nicæno decisis, ut videlicet singularum provinciarum Antistites una cum finitimis (modo ipsis ita visum fuerit) Episcopis ad Ecclesiarum commodum habeant ordinationes“. Est hic quintus canon Sardicensis, sicuti in editione Conciliorum Harduini recte adnotatum legimus. „ Nicæni Concilii (inquit Coustantius) canone quarto sancitur: *Episcopum convenit ab omnibus, qui sunt in provincia, Episcopis ordinari*: sed de finitimis Episcopis, ubi placuerit, convocandis, nihil habetur. Sardicensis vero canon quintus, seu secundum Græcos, sextus, *quando quis debeat a vicinis provinciis Episcopis ordinari*, explicat. Ad quem canonem si nunc respiciunt Orientales; dicendum erit, Sardicenses canones non modo in Occidente, sed & in Oriente pro Nicænis fuisse habitos“(1). Quum vero ante Sardicense Concilium nullibi decretum legamus, quod Patres Synodi Constantino-politani in Concilio Nicæno statutum dicunt de conveniendis simul provinciarum Antistitibus una cum finitimis ad ordinationes faciendas; nullus dubitandi locus relinquitur, quin ad quintum canonem Concilii Sardicensis respuerint. Nam quemadmodum sapientissimi Ballerinii fratres in sua editione Operum S. Leonis tom. 3. *De Antiq. Collect. can. & Collect. can.* par. 2. cap. 1. §. 3. animadverterunt, in multis sane antiquissimis exemplaribus canones Sardicenses Nicænis, & quidem sub eodem titulo Nicænorum canonum, subjunguntur. Hoc autem observant, non solum illorum codicum habita ratione, qui apud Latinam Ecclesiam in usu erant, sed etiam aliorum Græcorum codicum, quibus Ecclesiæ Orientales utebantur. Est autem hinc inferendum, quemadmodum eruditissimi Scriptores faciunt, cujusvis doli, atque fraudis eos omni-

(1) Tom. 1. *Collect. Epist. Roman. Pont.* colum. 566. Adnot. c.

omnino expertes fuisse eos, quos canones Sardicenses sub nomine Nicænorum laudasse legimus.

Ut ergo ad rem nostram redeamus, illud nunc animadvertimus, ob tam antiquum testimonium Orientalium, neminem non putare debere, canones Sardicenses a Græcis etiam Orientalibus fuisse receptos, atque habitos loco certæ regulæ, quam sequerentur. Nam post citata verba in eadem epistola hæc leguntur: " Ex cujus legis, & decisionis scripto
" scitote, tum alias quoque Ecclesias apud nos administrari,
" tum illustrissimarum Ecclesiarum Sacerdotes delectos ". Hinc est, ut illi ordinationes Nestarii Constantinopolitani, & Flaviani Antiocheni ad prædictæ Synodi normam *canonicæ* factas probaverint.

Nunc, quod volumus, de Latina Ecclesia videamus. Sardicenses itaque canones receptos ab ea fuisse, Innocentii I. auctoritas neminem dubitare finit. Ipse enim in epistola ad Clerum, & populum Constantinopolitanum (1) num. 3. ita habet: " Quod autem ad canonum auctoritatem attinet,
" solis illis parendum esse dicimus, qui Nicææ definiti sunt,
" quos solos sectari, & agnoscere debet Ecclesia Catholica.
" Sin autem a quibusdam alii proferantur, qui a Nicænis
" canonibus dissentiant, & ab hæreticis compositi esse arguantur; hi ab Episcopis Catholicis rejiciuntur . . . Hos
" igitur canones non solum non sequendos, verum etiam
" una cum hæreticis, & schismaticis dogmatibus condemnandos esse dicimus, quemadmodum etiam in Sardicensi Synodo jam condemnati sunt ab Episcopis, qui nos præcesserunt ". Theophilus enim, de cujus iniquitate iudicii contra Chrysostomum in sequentibus agemus, ut ostenderet, eundem Chrysostomum e sede Constantinopolitana iudicio Episcoporum jam depulsum, eam occupasse contra leges, quia non præcesserat iudicium alterius Synodi, Constantinopolim misit quartum canonem Concilii Antiocheni, in quo ab Eusebianis contra Athanasium ita statutum fuisse legitur:

" Si

(1) Apud Constantium 7. in *Collect. epist. Roman. Pontif.*

» Si quis Episcopus, aut Presbyter, jure, aut injuria depositus, per se redeat absque Synodo, talis non habeat amplius locum defensionis, sed absolute expellatur. Hunc ergo canonem Innocentius ab hæreticis constitutum dicit, & in Sardicensi Concilio refutatum, in quo judicium latum fuit pro innocentia Athanasii (1).

Neque est, cur quemquam moveat, dictum ab Innocentio I. fuisse, solis illis Canonibus, *parendum esse*, qui Nicææ definiti sunt: nam sub nomine Nicænorum Canonum etiam Sardicenses illa ætate, atque etiam sequentibus, veniebant, sicuti mox animadvertemus. Est ergo evidenti Innocentii I. testimonio comprobatur a nobis, Canones Sardicenses in Latina Ecclesia fuisse receptos, ac propterea quum rem eandem etiam quoad Orientalem Ecclesiam ostenderimus; concludendum est, haberi consensionem universalis Ecclesiæ in receptione hujusmodi Canonum.

S. II. Nonnullorum hac de re contrariæ conjecturæ refelluntur.

Canones Sardicenses in Concilio Trullano ab Orientalibus receptos fuisse, *De Concord. Sacerd. & Imper.* lib. 7. cap. 5. num. 11. Petrus de Marca tuetur. Richerius vero in *Hist. General. Concil.* cap. 3. num. 5., & cum ipso Samuel Basnagius in *Annalibus Politico-Ecclesiasticis* ad ann. 342. num. 5., illud potissimum urget, Dionysium Exiguum in epistola, quam codici Canonum Ecclesiæ Romanæ præfixit, testem esse, Sardicenses Canones inter Canones Græcos recensitos non fuisse, sed latine tantum editos, indeque eundem Dionysium Canonibus generalium Conciliorum Sardicenses subjecisse. Illud quoque Richerius animadvertit, apud Gratianum in tota *Distin.* 15., in qua Concilia Œcumenica recensentur, Sardicensis nullam mentionem fieri. *Distin.* 16. cap. 13. recenseri viginti Canones a Synodo Nicæna editos. *Distin.* 20. cap. 1. Leonem IV. Canones Synodorum eo ordine recensere, quo in codice Canonum Dionysii Exigui referuntur, hoc est, post Synodum Chalcedonensem subdi Sardicum.

(1) Vide Constantium in Adnotat. ad præfatam Innocentii epist.

dicum. Ad hæc Canones Sardicenses in Ecclesia Græca receptos non fuisse contendit ex iis, quæ Actione 10. Concilii Chalcedonenfis gesta fuere in causâ Bassi, & Stephani. Quesnellus *Dissert. 5. Apologetica* pro S. Hilario par. 1. cap. 15. sentit cum istis, atque affirmat, non fuisse tantæ auctoritatis apud Episcopos sive Orientales, sive Occidentales Synodum Sardicensem, ut definitioni ejus statim inhæserint.

Contra contigisse in sequentibus singillatim ostendimus, tum Orientalis, tum Occidentalis Ecclesiæ habita ratione, atque tum Quesnellum, tum Petrum de Marca longe a vero aberrasse evincemus, dum putarunt Orientales, & Occidentales ægre tandem, & post longum tempus, Sardicensibus Canonibus consensisse. Ex iis quoque, quæ in causa Bassi, & Stephani contigerunt, nihil minus colligi posse, quam quod Richerius vellet, infra ostendimus, dum usum appellationum post Synodum Sardicensem, in utraque Ecclesia frequentem fuisse evincemus. De Dionysii nunc codice, & de Gratiano videamus.

Jam est illud ostensum a nobis, Canones Sardicenses non minus ab Occidentali, quam ab Orientali Ecclesia fuisse receptos, atque id de ista comprobatur antiquissimo testimonio Patrum Constantinopolitanorum (1). Tam vero græce, quam latine Canones Sardicenses editos fuisse, pluribus argumentis sapientissimi Ballerinii fratres ostendunt in sua editione Operum S. Leonis tom. 3. *De Ant. Collect.*, & *Collect. Can.* par. 1. cap. 5. num. 1. & seqq.: qui etiam cap. 6. contra Justellum opinantem Canones Sardicenses in codice græco Canonum serius descriptos fuisse, atque id confirmanter, tum ex codice Dionysii Exigui, tum ex aliis codicibus, ostendunt, Canones Sardicenses in pluribus antiquissimis græcis codicibus desideratos non fuisse, quamvis in nonnullis ii defuerint, qualis fortasse codex ille fuit, quem Dionysius Exiguus in sua versione præ manibus habuit. "Sicut, autem (quemadmodum illi animadvertunt cit. cap. nu. 10.) "codex, ex quo ille latine traiecit Canones Apostolorum, "quin-

(1) Præced. §.

„ quinquaginta, imperfectus erat ; (iidem enim Canones
 „ jamdiu ante Dionysium recepti, erant multo plures, uti
 „ statuimus cap. 1. num. 4.) ita minus perfecto Canonum Sy-
 „ nodalium exemplo uti potuit, ut ne omnes codices simi-
 „ lem numerorum seriem præferentes, Canonibus Sardi-
 „ censibus caruisse dicendum sit “ : Est etiam animadverten-
 „ dum, ea fortasse de causa Dionysium Exiguum non solum
 Nicænis, sed etiam Ancyranis, Neocæsarensibus, Gangre-
 „ sibus, Antiochenis, Laodicensis, & Constantinopolitanis Ca-
 „ nonibus subjecisse Canones Sardicenses, quia illos omnes e
 Græco textu translatos in sua collectione complexus fuerat,
 „ istos latine jam editos suæ collectioni adjecit. Nam dum ea
 recenset, quæ ex Græco transtulerat, in Chalcedonensibus
 Canonibus finem facit: “ Ne quid præterea (Dionysius su-
 „ peraddit) notitiæ vestræ credar velle subtrahere ; statuta
 „ quoque Sardicensis Concilii, & Africani, quæ latine sunt
 „ edita, suis a nobis numeris cernuntur esse distincta “ .
 Ex quibus duo sane constant: unum est; etiam ex Dionysio
 colligi posse, Canones Sardicenses statim ab initio latine edi-
 „ tos fuisse: alterum vero; Dionysium sub uno ordine com-
 „ plecti voluisse, quæ ex Græco transtulerat, iisque superad-
 „ didisse Sardicenses Canones latine jam editos.

Quæ autem Richerius ex Gratiano opponit, nullam in
 se difficultatem habent. Nam ex Ecclesiastica historia omni-
 „ no perspectum habemus, Canones Sardicenses, qui in usum
 Latinorum latine editi fuerant, sub nomine Nicænorum ve-
 „ nisse, atque fuisse commemoratos. Nam duo Canones Sar-
 „ dicenses in Commonitorio Zosimi (1) Synodo Nicænæ tri-
 „ buuntur. S. Leo epist. 44. cap. 3. Canones Sardicenses de Ap-
 „ pellationibus citat sub nomine Nicænorum. Ante hos autem
 invenimus Canones Sardicenses laudatos sub nomine Nicæ-
 „ norum in Canonibus Synodi Romanorum ad Gallos, quos
 nonnulli Innocentio I., alii autem cum Constantio Pontifici
 Siricio tribuunt. In iis enim Canonibus apud Constantium
 in *Collect. epist. Roman. Pont. epist. 10. Siricii num. 13.* hæc le-

Tom. III.

M m

gun

(1) Tom. 2. Concil. edit. Vener. col. 1253.

guntur. " Nicænum Concilium, Divino Spiritu annuente,
 " dum fidei confessio fuisset jure firmata, etiam traditiones
 " Apóstolicas Episcopi in unum congregati ad omnium noti-
 " tiam pervenire voluerunt, definientes inter cetera neque
 " abscisum Clericum fieri, quoniam abscisus, & mollis non
 " intrabunt in sanctuarium Dei. Deinde post baptisimi gra-
 " tiam, post indulgentiam peccatorum, quum quis seculi
 " militia fuerit gloriatus, vel illum, qui purpura, & fasci-
 " bus fuerit delectatus, ad sacerdotium aliqua irruptione
 " minime admitti jusserunt ". In Nicæno quidem 1. cano-
 " ne habetur, ut abscisi a Clero arceantur: ne quis vero a
 " militia, vel foro *aliqua irruptione* admittatur; Sardicensi 13.
 " Canonibus tribuendum est. " Si illic (observat Coustantius)
 " *aliqua irruptio*, id est, quod præpropere festinatio, non
 " dubitabimus hic recenseri Canonem 13., quem & in Mor-
 " bacensis monasterii vetere codice Nicænum inscriptum ob-
 " servavimus ". Hæc Coustantius, qui illud quoque ani-
 " madvertit in supra citatis Canonibus num. 16. epistolæ Siricii
 " Canonem Sardicensem primum referri inter Nicænos. In plu-
 " ribus autem Codicibus Canones Sardicenses una simul cum
 " Nicænis unitos fuisse, nulla apposita distinctione finis Nicæ-
 " norum Canonum, qui primi præmittuntur, & initii Sardi-
 " censem, qui post illos subjiciuntur, non est, cur nunc de-
 " monstrandum aggrediamur. Id enim cum maxima copia eru-
 " ditionis Ballerinii fratres in sua edit. Operum S. Leonis to. 3.
 " *De Antiq. Collect.*, & *Collect. can.* par. 2. cap. 1. §. 3. præclare
 " præstiterunt. Petrus de Marca Dissert. 2. *De veteribus colle-*
 " *ctionibus canonum* hac habet cap. 1. num. 3. de veteri Christo-
 " phori Justelli Ms. collectione: " In ea collectione hoc erat
 " lemma: *Canones Nicæni*. Deinde sequebatur series qua-
 " draginta canonum numeris suis distinctorum; quorum prio-
 " res viginti erant veri, & genuini canones Nicænæ Syno-
 " di; reliqui autem viginti continebant unum & viginti ca-
 " nones Concilii Sardicensis. Non dubitandum, quin statim
 " post editionem adjecti fuerint canones illi Sardicenses prio-
 " ri collectioni (Nicænorum) consequentibus numeris sub
 " anti-

„ antiquo titulo “. Hinc post pauca recte hæc alia habet :
 „ Quare Innocentius , Zosimus , & Leo alieni sunt ab omni
 „ dolo in proferendis canonibus Sardicenfibus , ac si ad Ni-
 „ cænam Synodum pertinerent , quum auctoritate scrinio-
 „ rum suorum , & veteris collectionis freti essent “. Neque
 solus Petrus de Marca , sed etiam Quesnellus Dissert. 12. *De*
Codice can. Eccl. Romanæ cap. 4. num. 7. nobiscum consentit .
 Quapropter , ut ad id , quod modo volumus , tandem deve-
 niamus , est sane dicendum , eadem ratione , qua Innocen-
 tius , Zosimus , Leo , atque alii sub nomine Nicænorum ca-
 nones quoque Sardicenses complexi fuere , etiam illos au-
 ctiores , qui apud Gratianum dist. 15. & 16. leguntur , idem
 præstitisse . Quem vero ordinem Dionysius Exiguus tenuit ,
 etiam Leo IV. apud Gratianum dist. 20. servavit .

§. III. Ab Oriente appellatum fuit ad Sedem Apostoli-
 cam ante epocham constitutam a Petro de Marca .

Quoniam Petrus de Marca *De Concord. Sacerdotii , &*
Imperii lib. 7. cap. 4. & seq. tuetur , ante Concilii Trullani
 tempora , hoc est , ante an. 688. , vel 692. , in Ecclesia
 Orientali non vigisse usum appellationum Episcopaliū ad Se-
 dem apostolicam ; ideo nunc multa nos exempla in medium
 afferemus , quibus ante prædictum tempus ad Sedem Apostoli-
 cam ab Oriente appellatum fuisse constet , tam illorum quæ ad
 fidem , quam aliorum , quæ ad disciplinam spectabant , habita
 ratione . Nam idem Petrus de Marca cit. lib. cap. 6. n. 3. iudicium
 ultimum causarum fidei ad Sedem Apostolicam semper specta-
 se profitetur , de causis disciplinæ id negat , cuiusmodi , uti ipse
 inquit , fuit causa Athanasii , & aliorum Episcoporum Orien-
 tis , quæ examinata fuere , *tamquam ad disciplinam pertine-*
rent ; concedit tamen , *habitam quoque fuisse ab Occidentali-*
bus rationem oppressionis , quam Episcopi illi patiebantur ob cau-
sam fidei . Verum , si , ipso sentiente , Athanasii causa ad
 disciplinam spectabat , quum in ea ad Sedem Apostolicam ap-
 pellatum revera fuisse jam ostendimus (1) : est profecto con-
 tra illum confectum a nobis , etiam in iis , quæ ad disciplinam

M m 2

spe-

(1) Præced. cap. §. 5. & seq.

spectabant, ad Sedem Apostolicam appellatum fuisse, antequam
 Sardicenfis Synodus celebraretur. Verum nunc de appellatio-
 tionibus factis post Concilium Sardicense, & ante Trulla-
 num. Ab ea ergo appellatione exordiemur, quam ad Libe-
 rium, qui Julio in præfectura universalis Ecclesiæ an. 352. sta-
 tim successit, factam legimus. A S. Basilio epist. 34. memo-
 riæ posterorum traditam illam habemus. Nam de Eustathio
 Episcopo Sebasteno hæc refert: "Eustathius ex Sebastia in
 " minore Armenia, qui olim edoctus ab Ario, & quum is
 " floreret, Alexandrinæ pravas in Unigenitum contruens
 " blasphemias, eum sequutus, atque inter germanissimos il-
 " lius discipulos numeratus, postea quam rediit in patriam,
 " beatissimo Cæsaræ Episcopo Hermogeni, ipsum ob pra-
 " vam fidem condemnanti, confessionem sanæ fidei obtulit.
 " Atque ita ab ipso ordinatus post illius dormitionem statim
 " ad Eusebium Constantinopolitanum accurrit, qui & ipse
 " nemini concedebat in impio Arii dogmate tuendo. Deinde
 " ob aliquas causas, quæcumque illæ sint, expulsus, quum
 " ad suos populares venisset, iterum se purgavit, impiam qui-
 " dem occultans sententiam; in verbis autem recti aliquid,
 " & accurati præseferens. Episcopatum forte adeptus, illi-
 " co comperitur, anathematismum consubstantialis conscri-
 " pisse in Ancyrana Synodo, quæ ab ipsis habebatur. Hinc
 " autem quum Seleuciam venisset, ea gessit cum suæ sub-
 " stantiæ consortibus, quæ omnes norunt. Constantinopoli
 " autem iterum assensus est iis, quæ ab hæreticis proposita
 " fuerant. Atque ita ex Episcopatu ejectus, propterea quod
 " antea Melitinæ depositus esset; hanc sibi restitutioni viam
 " invenit, ut apud vos se conferret. Quænam autem ei pro-
 " posita fuerint a Beatissimo Episcopo Liberio, & quibus-
 " nam assensus fuit, ignoramus, nisi quod epistolam attulit,
 " quæ eum restituebat, eaque ostensa Concilio Tyanensi,
 " in suum locum restitutus est. Hic nunc depopulatur fidem
 " illam, ob quam susceptus est, atque una cum iis est, qui
 " consubstantiale anathematizant, seque ducem præbet hæ-
 " resis Pneumatomachorum. Quoniam igitur instinc cvenit
 " illi

„ illi facultas lædendi Ecclesias, ac data a vobis fiducia uti-
 „ tur ad subversionem multorum, necesse est, instinc quo-
 „ que venire & emendationem, ac per litteras Ecclesiis si-
 „ gnificari, quibusdam conditionibus susceptus sit, & quo-
 „ modo nunc immutatus irritum faciat beneficium sibi con-
 „ cessum a Patribus, qui tunc erant “. Plura autem ex hac
 Basilii narratione habentur, quæ conficiunt, quod nos mo-
 do volumus: 1. Eustathium de Episcopatu dejectum fuisse ob
 professionem hæresis, quam licet aliquo intervallo temporis
 occultasset, ea se tamen infectum esse, nullum dubitandi
 locum reliquit: 2. Romam se contulisse, ut in sua Sede re-
 stitueretur: 3. a Liberio Summo Pontifice epistolam accepisse,
 qua in ea restituebatur: 4. Patres Concilii Tyanensis, hac
 sibi epistola delata, Eustathium in suum locum restituisse: 5. Ni-
 hil antea contra Eustathium ad pristinam hæresim reversum,
 decernendum esse, Basilium putasse, quam Ecclesiis a Sede
 Apostolica significaretur, quibusnam tandem conditionibus
 Eustathius ad communionem receptus fuisset. Hæc vero
 omnia simul unita nihil sane amplius in hoc facto desiderari
 posse demonstrant, ut in eo veræ appellationis perfecta ratio
 habeatur.

§. IV. In causa S. Joannis Chrysostomi ad Innocentium I.
 Romanum Pontificem appellatum fuit.

Liberio successit Damasus, Damasus Siricius, Siricio
 Anastasius, Anastasio an. 402. Innocentius I. De ea celebri
 appellatione, quæ sub hoc Pontifice in causa S. Joannis
 Chrysostomi ad Apostolicam Sedem facta fuit, nunc est disse-
 rendum a nobis. Theophilus itaque Alexandrinus una cum
 Episcopis suæ factionis in Synodo ad Quercum prope Chal-
 cedonem congregata S. Joannem, uti reum multorum crimi-
 num, condemnavit. Non solum autem S. Joannes Chryso-
 stomus ab hoc iniquo, atque impio iudicio contra se lato ad
 Sedem Apostolicam appellavit, sed ad eandem pro defensione
 sui iudicii idem Theophilus provocavit, sicuti ex epistola
 Honorii Augusti missa ad Arcadium Principem Orientis com-
 per-

pertum habemus (1). " Miſſi (inquit) ad Sacerdotes urbis
 » æternæ, atque Italiæ ex utraque parte legati. Expectaba-
 » tur ex omnium auctoritate ſententia informatura regulam
 » diſciplinæ. Integrum nempe eſſe debuerat, nec quidquam
 » innovari, dum definitio deliberata procederet; quum in-
 » terea mirum quoddam feſtinationis præcipitium exarſit, ut,
 » non expectatis litteris Sacerdotum, qui fuerant mutua-
 » partium legatione conſulti, non examinatis rebus, in exi-
 » lium truderentur Antifites, animadverſioni prius addicti,
 » quam ſententiam judicii Episcopalis experti. Denique
 » quam immatura illa damnatio fuerit, res probavit. Nam-
 » que hi, quorum expectabatur auctoritas, (hoc eſt, In-
 » nocentius, & alii ab ipſo in conſilium ſuper hac re adhi-
 » biti) pacifica Joanni Epifcopo communionem permiſſa, fa-
 » ciendam concordiam cenſuerunt, nec quemquam puta-
 » runt ante judicium conſortio repellendum ". Hæc Hono-
 » rius. Ex his autem illud ſane conſtat, tum a S. Joanne Chry-
 » ſoſtomo, tum ab adverſariis illius ad Apoſtolicam Sedem ap-
 » pellatum fuiſſe. Utrum vero ſemel tantum, an vero ſemel
 » atque iterum pars utraque ad Innocentium appellaverit, ab
 » Honorio traditum non habemus. Verum Palladius in *Dialogo*
 » *de vita S. Joannis Chryſoſtomi* pluribus vicibus hac tota de re,
 » ad Innocentium provocatum fuiſſe retulit. Sicuti ergo in
 » cauſa Athanaſii contigit, ut Athanaſii oppugnatores omnium
 » primi ad Sedem Apoſtolicam appellaverint; ita etiam in cau-
 » ſa Chryſoſtomi Theophilus omnium primus ad Innocentium
 » de Chryſoſtomi deſiſtione a ſe facta in Synodo ſcripſit (2):
 » Primus omnium (inquit Palladius) ad nos venit Alexan-
 » drinus Leſtor cum Theophili Papæ litteris, in quibus re-
 » ferebat, ſe depoſuiſſe Joannem. Quibus lætis, B. Papa
 » Innocentius parum abſuit, quin temeritatem Theophili,
 » atque ſuperbiam condemnans exhorreſceret, quod & ſolus
 » ſcripſiſſet, & claram ejus notitiam non miſiſſet: aut cur,
 » aut quibus aſſumptis ſociis depoſuiſſet ". Hoc autem in-
 » ter-

(1) Tom. 3. Concil. edit. Venet. colum. 71. (2) Vide Tom. 13.
 Oper. S. Joan. Chryſoſt. edit. Maurinorum.

tervallo temporis etiam a S. Joanne Chrysostomo legati Romam pervenerunt, Summum Pontificem certiores facturi de iis, quæ contigerant, tresque ei litteras reddiderunt, Chrysostomi unam, alteram 40. Episcoporum, qui Chrysostomo adhaerebant, tertiam Cleri Constantinopolitani: " In-
terim (prosequitur Palladius) post triduum advenērunt
quatuor Episcopi e partibus Joannis, viri religiosi, Pan-
sophius Pisidiæ, Pappus Syriæ, Demetrius Galatiæ secundæ,
Eugenius Phrygiæ, qui tres epistolas reddiderunt;
unam quidem Joannis Episcopi, alteram quadraginta Episcoporum de communione Joannis, tertiam vero Cleri Joannis: omnes inter se consentientes, & imperitorum, quorundam tumultus significantes ". Solam autem Chrysostomi epistolam Palladius refert. In ea ergo Chrysostomus, postquam de sua agendi ratione, deque sibi adversantium temeritate, atque manifesta injustitia, immo & violentia, Innocentium certiores fecit, ita ipsum rogat: " Ne igitur
tanta confusio omnem, quæ sub cælo est, terram invadat,
rogo, ut per epistolas denuntietis ea, quæ tam inique
acta sunt, ab una parte, absentibus nobis, & non declinantibus judicium, nullum habere robur, sicut ex sua natura nullum habent; & ut, qui talia ausi sunt, Ecclesiasticarum legum pœnis subjiciantur ". Quid ad ista Innocentius? " Ad hæc B. Innocentius Papa (inquit Palladius) utrique parti pares litteras communionis misit, improbans
judicium, quod a Theophilo factum videbatur: dicens debere aliam cogi Synodum irreprehensibilem Orientalium, & Occidentalium ". Rursus alii a Theophilo legati ad Innocentium missi fuerunt, hoc est, Petrus presbyter, & Martyrius Constantinopolitanæ Ecclesiæ Diaconus, a quibus Theophili litteras, & quosdam Actorum Commentarios Innocentius accepit. At Innocentius " Theophili furorem exsibilare perstitit, quod contra absentem tam præcipitem, & abruptam sententiam effudisset... Modico post tempore
advenit presbyter Constantinopolitanæ Ecclesiæ Theotecnus nomine, reddens epistolas Synodi Joannis, viginti quin-

„ quinquè Episcoporum, aut paulo plus, quibus docebant,
 „ & Joannem militari manu urbe expulsum, & Cucufum in
 „ exilium esse missum, atque succensam esse Ecclesiam. Cui
 „ etiam dedit Innocentius communicatorias litteras, & ad
 „ Joannem Episcopum, & ad omnes ei communicantes Epi-
 „ scopos, quum opem ferre non posset, & quod ad malum
 „ potentes quidam obstarent “. Post hanc quoque legatio-
 nem ab utraque parte alteram ad Innocentium missam fuisse,
 ex eodem Palladio novimus. Pro Theophilo quidam *homun-
 cio* eam obivit, *quem usque adeo despexit Papa Innocentius, ut
 respondere dignatus non sit*: pro Chrysostomo autem plures Epi-
 scopi Orientis, atque presbyteri, qui etiam Innocentio re-
 tulerunt, quot, & quanta mala ad expulsionem Chrysostomi
 consequuta fuissent. Tunc sane, sicuti inquit Palladius, *non
 amplius sustinens Papa Innocentius* de tantis malis Imperatorem
 Honorium monuit, ut iisdem prospiceret. Coacta tunc sane
 fuit Synodus Occidentalium, istaque commonitorium edidit,
 in quo statuebatur, “ Joannem iudicium ingredi non debe-
 „ re, nisi prius ipsi restituta fuisset & Ecclesia, & commu-
 „ nio, ut, sublata causa detrectandi iudicium, sua sponte
 „ confessum iret “. Honorius vero Imperator, litteris datis
 juxta Innocentii sententiam ad Arcadium, Principem Orien-
 tis, eam rogavit, ut Synodum Œcumenicam Thessalonice
 haberi pateretur (1). Plura sane ex hisce omnibus observa-
 da occurrunt, quæ ad rem nostram pertinent. 1. Honorius
 Augustus Arcadium Principem Orientis monuit, nihil inno-
 vari oportuisse, *dum definitio deliberata procederet*, hoc est,
 haberetur *sententia informatura regulam disciplinæ* ab Ecclesia
 Romana, ad quam *ex utraque parte legati missi* fuerant; inde-
 que arguit Chrysostomi condemnationem *immaturam* fuisse,
 quia illi, *quorum expectabatur auctoritas, pacifica Joanni Episco-
 po communionem permissa, faciendam concordiam censuerunt*. Ni-
 hil hisce omnibus efficacius desiderari potest ad illud jus ad-
 struendum, quod nos Sedi Apostolicæ tribui oportere contem-
 dimus. 2. Nimis multi fuerunt ii, qui pro Chrysostomo ad

Lino.

(1) Vide Palladium citato loco.

Innocentium provocarunt : nam provocarunt sane prima vice non solum quatuor Episcopi , qui legatione fungebantur , sed etiam alii quadraginta Episcopi , & Clerus Constantino- politanus , quorum epistolas legatos ad Innocentium detulisse , ex Palladio novimus : appellavit deinde Theotecnus Ecclesie Constantinopolitane presbyter viginti quinque Episcoporum testimonium secum afferens : appellarunt denique plures Episcopi Orientis , atque presbyteri , qui & quanta mala ad Chrysostomi ejectionem consequuta fuissent , lugentes Innocentio repræsentarunt . Pro Theophilo autem primo Lector Alexandrinus , deinde Petrus presbyter , & Martyrius Constantinopolitane Ecclesie Diaconus , qui & quosdam *Actorum commentarios* , ut nullum de vera appellatione dubium esse possit , Innocentio detulerunt : appellavit tandem *quidam bomuncio* , sane dignus , qui & hujusmodi legatione fungeretur , dignusque etiam magis , qui ea , qua Innocentius usus erga eum ratione fuit , exciperetur . Orientales ergo , quamvis inter se mutuo dissidentes , in eo inter se conveniunt , ut ad judicium Apostolicæ Sedis ea controversia deferretur , quæ inter illos erat . 3. S. Joannes Chrysostomus in suis litteris ad Innocentium eundem rogavit , ut per epistolas denuntiaret , quod ea , *quæ tam inique acta essent* , nullum haberent robur , & *qui talia ausi essent* , Ecclesiasticarum legum pœnis subiicerentur . Quapropter vel præter rationem , Chrysostomus hac de re Innocentium exoravit , vel recte , & secundum leges : illud nemo sane dixerit : hoc ergo alterum affirmandum est : cum eo autem jus appellationum ad Sedem Apostolicam necessariam connexionem habet . 4. Innocentius , Theophili iniquitate statim perspecta , parum absuit , quin illum propter ea condemnaret , quæ in Chrysostomum inique gesserat ; judicium tamen ab eodem latum omnino rescidit , quum Chrysostomum , prima legatione accepta , ad suam communionem receperit , & post alteram legationem non solum cum Chrysostomo hoc idem servaverit , sed etiam cum omnibus aliis Episcopis , qui Chrysostomi partes tuebantur , atque iis , quos in Orientem misit , ut Synodo Thes-

Tom. III.

N n

salo-

salonicæ habendæ præfiderent, Commonitorium Synodi Occidentalis dedit, in quo statutum erat: " Joannem judi-
 „ cium ingredi non debere, nisi prius ipsi restituta fuisset
 „ & Ecclesia, & communio, ut, sublata causa detrectandi
 „ judicium, sua sponte confessum iret ". Quamvis ergo Ju-
 lius Theophilum cum suis asseclis non damnaverit, sed æque
 ipsi, ac S. Joanni Chrysostomo litteras communicatorias mi-
 serit; illius tamen, & aliorum Episcoporum judicium latum
 contra Chrysostomum in Synodo ad Quercum, omnino re-
 scidit, & sicuti rescissum voluit, ut ea quoque in Synodo ha-
 beretur, quam ad integram discussionem totius causæ cogi
 curavit. 5. Hæc Synodus, Arcadio impediente, habita qui-
 dem non fuit; tamen sententia Innocentii, qua Chrysosto-
 mum in suam communionem receperat, atque ei sedem re-
 stituerat, firma semper perstitit. " Ceterum (inquit Theo-
 „ dorus lib. 5. *Hist. Ecclesiast.* cap. 34.) hanc injustitiam (in
 „ Chrysostomum admissam) præcipue detestati sunt Episcopi
 „ Europæ. A communionem enim eorum, qui hæc fecerunt,
 „ se ipsos separaverunt. Illyriciani quoque omnes eorum,
 „ partibus sese adjunxerunt. Orientalium vero urbium quam
 „ plurimi communionem quidem sceleris refugerunt; cor-
 „ pus tamen Ecclesiæ haud quaquam disciderunt. Et post
 „ mortem magni Doctoris orbis terrarum Occidentales Epi-
 „ scopi Episcoporum Ægypti, & Orientis, & Bosphori, ac
 „ Thraciæ communionem non prius admiserunt, quam di-
 „ vini illius viri nomen in Tabulas, in quibus nomina Epi-
 „ scoporum mortuorum continebantur, una cum reliquis fa-
 „ to sanctis Episcopis consignassent. Et Arsacium quidem,
 „ qui post illum ordinatus est, ne salutare quidem dignati
 „ sunt. Atticum vero Arsacii successorem, qui multas ad
 „ ipsos legationes miserat, & pacem cum ipsis habere postu-
 „ laverat, tandem susceperunt, postquam is nomen illius in
 „ sacras Tabulas retulisset ". Si ergo hæc omnia, quæ in
 causa Chrysostomi contigerunt, simul unita accipiantur, jus
 appellationum ad Sedem Apostolicam adeo evidenter iisdem
 adstruitur, ut id nemini non perspectum esse possit.

§. V. Ex integra ratione hujus facti non constare de jure appellationum ad Sedem Apostolicam, Adversarii nostri ostendere frustra nituntur.

Petrus de Marca *De Concord. Sacerd. & Imp.* lib. 7. cap. 9. num. 2. & 3. hæc urget: Chrysostomum ad Synodum Œcumenicam appellasse, & Innocentium appellationem, quam suscepit, ad Synodum Œcumenicam detulisse. Nam Chrysostomus ad Innocentium scribens, sicut ex Palladio constat, ait: *Sed licet præsentem essemus, & ad Synodum appellarem.* Innocentius autem statuit: *debere aliam cogi Synodum irreprehensibilem Occidentalium, & Orientalium*, supra ex eodem Palladio & nos quoque animadvertimus. Urget hæc eadem & Samuel Basnagius in *Annalibus Politico-Ecclesiasticis* ad an. 404. num. 9. & 10., atque illud superaddit, verbum, *ἀσπίδας* verti debere apud Palladium *spernens*, quo sensu etiam accipitur a Paulo *Hebr.* cap. 10. v. 18., & *Joan.* cap. 12. v. 48. "Id Palladium (inquit) sibi voluisse, sequentia vincunt: *spernens, quod a Theophilo factum videbatur judicium, dixit aliam debere cogi Synodum irreprehensibilem Occidentalium, & Orientalium.* Quod si Theophili sententiam abrogasset Innocentius, cui bono voluisset, Synodum convocari? Tandem opponit in epistola Hononii mentionem fieri legatorum, qui non ad solum Innocentium missi fuerant, sed ad *Sacerdotes urbis æternæ*, atque ab his existimatum fuisse, neminem ante judicium consortio pellendum. A Dupinio quoque *De Antiq. Eccl. Disciplina Dissert.* 2. ista opponuntur, qui illud præterea animadvertit, scriptum a Chrysostomo de judicio suæ condemnationis non solum ad Innocentium, sed etiam ad Venerium Mediolanensem, & Chromatium Aquilejensem Episcopum, qui profecto rescindendi decreta Synodorum Orientalium auctoritatem non habebant. Id etiam Febronius *De Statu Eccl. &c.* cap. 5. §. 8. num. 2. rursus refrixit. Tandem illud ab eis objicitur, judicium contra Chrysostomum latum a Theophilianis irritum in se, atque inane fuisse, indeque non erat, cur de eo sententiam Innocentius proferret, sed veluti non latum illud haberet, solummodo

requireretur, sicuti, revera fecit, quum tam Theophilum; quam Chrysostomum ad sui communionem admiserit.

His omnibus antequam respondeamus, illud monemus, Petrum de Marca in citato libro, & capitulo num. 1. statuere, ad solam disciplinam pertinere hoc exemplum editum in magno viro, ac sanctissimo Joanne Chrysostomo, Episcopo Constantinopolitano. Senel ac ergo constet, nullius momenti esse, quæ contra veritatem hujus appellationis opponit, contra ipsum quoque constabit, etiam iis, quæ ad disciplinam spectant, ab Oriente ad Sedem Apostolicam appellatum fuisse: quod tamen ipse negat (1). Ad Synodum ergo Chrysostomus appellavit, seque, uti ex Palladio habemus, *coram centum, & mille Episcopis* suam causam defendere paratum dixit: at quandonam appellavit? Profecto quando a Theophilo opprimebatur: quando Theophilus, *collecta multitudine Ægyptiorum non paucorum*, Constantinopolim adveniens judicium depositionis contra ipsum tulit, sicuti apud Palladium ex epistola Chrysostomi ad Innocentium constat. Id autem una cum aliis multis, quæ contra se flagitiose commissæ fuerant, Chrysostomus ad Innocentium retulit, ut semper magis magisque de judicii contra se lati iniquitate illi compertum esse posset.

Innocentius autem judicium contra Chrysostomum a Theophilianis latum per se quidem rescidit; tamen contra Theophilianos nullam sententiam ferre voluit, quia facile inde futurum esse videbat, ut gravia schismata orirentur. Hæc de causa voluit, ut totum negotium non solum Occidentarium, sed istorum, atque Orientalium simul judicio subiceretur. Nam, uti recte animadvertit Natalis ab Alexandro *Hist. Ecclesiast.* sec. 5. cap. 5. art. 2. "Quum Orientalium pars
 » maxima Episcoporum, Arcadius Imperator, & Eudoxia
 » Imperatrix, Chrysostomum ut legitime depositum haberent, Arsaciumque, & deinde Atticum in ejus sedem intrusos, ut legitimos Antistites Constantinopolitanos venerationem cum Occidentali penitus abrumperet, si Roma
 » nus

(1) Vide hujus cap. 5.3.

„ nus Pontifex Arsacium , & deinde Atticum , invasores
 „ Constantinopolitanæ sedis in ordinem redegressi , ac in-
 „ Theophilum , aliosque Episcopos ipsi nequitia , & iniqui-
 „ tate consiliorum fœderatos , canonum , quos impune vio-
 „ laverant , severitatem distrinxisset : sed provisorio nihilo-
 „ minus decreto Synodum prædatoriam ad Quercum rescidit
 „ Innocentius. Ac tandem Commonitorio, quum Œcumenicæ
 „ Synodi celebrandæ nulla spes superesset , Orientales com-
 „ pellens ad memoriam Joannis Chrysostomi inter Episcopos
 „ Constantinopolitanos in Ecclesiæ dyptica restituendam , nec
 „ prius suspensam redintegrans cum Orientalibus communio-
 „ nem , quam id executioni mandassent “ . Hinc etiam
 Christianus Lupus suorum Operum tom. 8. *Dissert. 1. De Ro-*
manis Appellationibus cap. 15. non solum ab Innocentio cum
 Theophilianis hujusmodi œconomiam , prudentemque ra-
 tionem servatam fuisse animadvertit , sed ab aliis quoque Pon-
 tificibus in iis causis , in quibus ad eos appellatum fuerat .

Non est autem , cur in eo laboremus , quod de inter-
 pretatione græci verbi ἀδελφός Basnagius nobis opponit . Hoc
 enim verbum ἀδελφός aliquando contemnere , aliquando repel-
 lere , aliquando irritum facere significat . Lexicographi in
 hac re inter se consentiunt , & non est , cur nos de ea pluri-
 bus agamus post tam multa , quæ animadvertimus ad id com-
 probandum , quod volebamus .

Una vero eademque ratione solvitur , & quod de Lega-
 tis missis ad Sacerdotes urbis æternæ ab Honorio Imperatore
 traditum accepimus , & quod præfertur de inscriptione epi-
 stolæ S. Joannis Chrysostomi non solum ad Innocentium , sed
 etiam ad Venerium Mediolanensem , & Chromatium Aquile-
 jensem Episcopum . Honorius Imperator in litteris , quas
 dedit ad Arcadium Principem Orientis , ut juxta Innocentii
 suasionem illum ad id induceret , ut Synodum Thessalonicæ
 haberi pateretur , quia ad Synodum Italiæ , quæ jam habita-
 fuerat , potissimum appellabat , ideo Sacerdotum mentionem
 fecit . Non ea vero de causâ Chrysostomus de sua condemna-
 tione scripsit tam ad Innocentium , quam ad Venerium Medio-
 lanensem

lanensem, & Chromatium Aquilejensem Episcopum. Innocentio enim scripsit, ut factum contra se iudicium rescinderet, Venerio autem, & Chromatio, ut sibi auxilio essent. Hinc vero est, ut nullam ex tribus legationibus, quas ab utraque parte ex Oriente missas fuisse, supra commemoravimus, ad Venerium, & Chromatium, omnes vero ad Innocentium directas legamus. Deinde Innocentius sane ille fuit, non vero Venerius, & Chromatius, qui, teste Palladio, utrique parti litteras communicatorias misit, quique a Theophilo factum iudicium improbavit. Quid? annu ipsi Theophiliani ad alium, præter quam ad Innocentium, aliquando provocarunt? Quapropter tantum ad Innocentii iudicium in hac causa provocatum fuisse, ex ipsis etiam inter se dissentientium legationibus unicuique perspectum esse debet.

Esto sane non solum irritum, sed impium quoque fuerit iudicium illud, quod contra S. Joannem Chrysostomum Theophiliani tulerunt. Anne fortasse repugnat, ut ea quæque iudicia, quæ irrita sunt, & contra omnes leges facta fuere, superiori tribunali expendenda remittantur, ut sententiam de eis ferat? Nonne etiam apud laicos idem sæpe usus venit? Id vero dum contingit, propterea dicendum ne erit, nullum tunc a superiori potestate iudicium exerceri? Hoc tamen Adversarii nostri volunt, dum nobis opponunt, quod ad Innocentium pars utraque detulit, irritum fuisse.

De Bubalii etiam, & Tauriani, quos Rufus Episcopus Thessalonicensis, in Synodo Macedoniæ damnaverant, ad eundem Innocentium appellatione agere nunc possemus (1); verum ne in hoc tantum Pontifice sistamus, quid hac in re sequentibus quoque temporibus actum fuerit, videamus.

§. VI. Eutyches ad S. Leonem appellavit.

Impius ergo homo quum in Synodo Constantinopolitana sub Flaviano damnatus fuisset, a sententia contra se lata ad Leonem provocavit, deque lato contra se iudicio conquestus fuit, atque eum exoravit, ne permitteret, ut illud ali-

quo

(1) Vide apud Constantium 18. epist. Innocentii.

quo modo subsisteret (1). " Ad vos igitur (inquit in epistola ad
 " Leonem) religionis defensores, & hujusmodi factiones exe-
 " crantes confugio, nihil & nunc novum inducens contra fi-
 " dem, jam inde nobis ab initio traditam Et obsecro,
 " nullo mihi præjudicio facto ex his, quæ per insidias contra
 " me gesta sunt, quæ visa vobis fuerit super fidem proferrē
 " sententiam, & nullam deinceps permittere a factionis con-
 " tra me calumniam procedere, & non eximi, & excuti de
 " numero orthodoxorum, qui in continentia, & omni casti-
 " tate septuaginta annos vitam peregit, ita ut in ipso exitu
 " vitæ naufragium patiatur. Subjuncti autem his litteris meis
 " utrumque libellum, & eum, qui ab accusatore meo obla-
 " tus est Synodo, & qui a me gestus quidem est, non tamen
 " susceptus. Hæc ad Leonem Eutyches. Quid Leo de Eu-
 " tychete ad Flavianum scripserit, nunc videamus (2). " Ac-
 " cepimus etenim (inquit Leo) libellum Eutychetis Presby-
 " teri, qui se queritur, accusante Eusebio Episcopo, im-
 " merito communionē privatum, maxime quum evocatum
 " se adfuisse testetur, nec sui præsentiam denegasse, adeo
 " ut in ipso judicio libellum appellationis suæ se asserat ob-
 " tulisse, nec tamen fuisse susceptum; qua ratione compul-
 " sus sit, ut contestatorios libellos in Constantinopolitana
 " urbe proponeret. " Usque nunc S. Leo sistit in enarratio-
 " ne eorum, quæ Eutyches in sui defensionem ad eum deru-
 " lerat. Deinde vero pro sui officii ratione ita: " Quibus
 " rebus intercedentibus nondum agnoscimus, qua justi-
 " tia a communionē Ecclesiæ fuerit separatus, sed respicien-
 " tes ad causam facti tui nosse volumus rationem, & usque
 " ad nostram notitiam cuncta deferri. Quoniam nos, qui Sa-
 " cerdotum Domini matūra esse volumus judicia, non pos-
 " sumus, incognitis rebus, in cujusquam partis judicium
 " devenire, priusquam universa, quæ gesta sunt, veraciter
 " audiamus. Et ideo fraternitas tua per idoneam maxime,
 " aptam

(1) Apud Cacciarium post epist. 21. S. Leonis Magni. Consulatur
 præmonitio, quæ ad eam præmittitur. (2) Epist. 20. juxta edit.
 Cacciarii.

» aptamque personam plenissima nobis relatione significet,
 » quid contra antiquam fidem novitatis emerferit, quod se-
 » veriori sententia dignum fuerit judicari “ (1). Anne iudex
 superior verbis efficacioribus uti potest, dum a sententia ju-
 dices inferioris ad se provocatur, ipseque de ea iudicium fer-
 re aggreditur? Quid ad hæc omnia Flavianus, vir sane san-
 ctissimus, ac fidei catholicæ defensor acerrimus? Anne suam
 jurisdictionem violatam dolet? anne conqueritur, velle Leo-
 nem præter leges judicare de iis, quæ in Orientali Concilio
 definita fuerant? Nihil sane minus ea in epistola occurrit,
 quam de hac re ad Leonem dedit. In illa itaque postquam
 multos in vestimentis ovium lupos rapaces esse deploravit, hu-
 jus numeri Eutychetem esse affirmat, quia (1) “ Nestorii
 » impietatem confirmabat, & succingebatur pro Nesto-
 » rio militare in pugna, quæ contra ipsum parabatur; tre-
 » centorum vero decem, & octo Sanctorum Patrum de fide
 » confectam expositionem, & sanctæ memoriæ Cyrilli ad
 » Nestorium scriptam epistolam, & ejusdem similiter ad
 » Orientales, quibus omnes assenserant, tentavit evellere “. Omnes
 deinde recenset errores illius, quos *coram sancta Synodo*
 aperte protulerat. Postremo autem, ne quid ad eam
 subjectionem deesse videatur, quam superiori iudex inferior
 debet, *gesta*, quæ confecta fuerant in causa Eutychetis, se
 ad eum direxisse dicit: “ Sed ne multa dicens longam faciam
 » epistolam, de his, quæ de eo dudum egimus, misimus ad
 » Beatitudinem vestram litteras, quibus docuimus, & pre-
 » sbyterio illum esse nudatum, quia in talibus convictus est,
 » & iussimus eum in monasteriis nullam habere rationem,
 » & exclusimus eum a communione nostra: ut sanctitas ves-
 » tra hoc cognoscens, quod circa illum actum est, omnibus
 » Episcopis sub Beatitudine vestra degentibus manifestare di-
 » gnetur illius impietatem “. In altera vero epistola (2) eum-
 dem Leonem obsecrat, ut Eutychetem *iusta, & canonica de-
 positioni* subiectum esse constituat: “ Deposuimus, (inquit)
 » pro-

(1) In cit. edit. post epist. 21. S. Leonis.
 epist. 24. S. Leonis.

(2) In cit. edit. post

„ prout Sanctitatem vestram docebunt cuncta super eo con-
 „ fecta acta, quæ & misimus cum hisce nostris litteris . . .
 „ Dignare per proprias quidem litteras suffragari depositioni
 „ canonicæ adversus eum factæ “. Ob hæc damnationi in-
 Eutychete latæ S. Leo omnino consensit, ita tamen, ut etiam
 dum hoc fecit, personam judicis se sustinere demonstrave-
 rit (1). “ Lectis (inquit) dilectionis tuæ litteris, quas mi-
 „ ramur fuisse tam seras, & gestorum Episcopaliū ordine
 „ recensito, tandem quid apud vos scandali contigerit, at-
 „ que contra integritatem fidei exortum fuisset; agnovimus.
 „ Quibus Eutyches, qui presbyterii nomine honorabilis vi-
 „ debatur, multum imprudens, & nimis imperitus ostendi-
 „ tur, ut etiam a Propheta de ipso prædictum sit: *noluit in-
 „ telligere, ut bene ageret; iniquitatem meditatus est in cubili
 „ suo*. Quid autem iniquius, quam impia sapere, & sapien-
 „ tioribus, doctioribusque non credere “? Quapropter 1.
 Eutyches in Constantinopolitana Synodo damnatus ad Leo-
 nem confugit, ut, sicut ipse dicebat, eam, quæ illi vide-
 retur, sententiam proferret, & nullam calumniam procede-
 re a factiosis deinde permetteret. 2. Leo quum sub ipsius rei
 initium fallaciam, & dolum in Eutychete non metueret,
 aliandeque si vera essent, quæ ille retulerat, sententiam in
 eum præter omnes leges laram fuisse videret, a Flaviano pe-
 tiit, ut facti rationem sibi manifestaret, cunctaque ad sui
 notitiam deferenda curaret, quia, incognitis rebus, in cu-
 jusquam partis iudicium devenire non poterat. 3. Sine mora
 Flavianus obtemperat: de rota eum causa certiore facit,
 fraudes, erroresque Eutychetis illi detegit, Concilii quo-
 que gesta mittit, atque ultimo rogat Sanctitatem ejus, ut
 & suis Episcopis manifestam faciat impietatem Eutychetis, &
 declaret Eutychetem *iussæ, & canonicæ depositioni* subiectum
 esse. 4. Hisce lectis, & Gestorum Episcopaliū ordine re-
 censito, S. Leo latæ in Eutychetem sententiæ consensit, de-
 que eo Prophetam dixisse pronuntiavit: *Noluit intelligere, ut
 bene ageret: iniquitatem meditatus est in cubili suo*.

Tom. III.

O o

§. VII.

(1) Epist. 25. juxta eandem edit.

S. VII. Refutantur qui negant, Eutychetem ad Leonem appellasse.

Petrus de Marca *De Concord. Sacerd. & Imper.* lib. 7. cap. 6. num. 5. concedit quidem Eutychetem ad S. Leonem appellasse; verumtamen non ad eum tantum, sed etiam ad Synodos Romanam, Alexandrinam, Hierosolymitanam, & Thessalonicensem, *clanculum tamen in aurem Patricii Florentii, atque Synodo jam dissoluta*. Fundamentum autem hujus appellationis ad Synodos Romanam, Alexandrinam, Hierosolymitanam, & Thessalonicensem in eo ponit, quia Constantinus Diaconus in II. Constantinopolitano Concilio sub Flaviano ita dixit: "Eutyches, dum legeretur damnatio, appellavit sanctum Concilium Sanctissimi Episcopi Romani, & Alexandrini, & Hierosolymitani, & Thessalonicensis". Ad quæ Patritius Florentius ait: "Turba facta, & dissoluto conventu, dixit ad me silenter appellans Romanum, & Ægyptium, & Hierosolymitanum Concilium. Et ego arbitraturs indecens esse, latere hoc sanctissimum, & reverendissimum Archiepiscopum Flavianum, abscedens dixi ei (1). Ex his vero ideo Petrus de Marca infert, ad Synodos prædictas ab Eutychete appellatum fuisse, quia ipse putat, *appellationes factas ad Patriarchas censeri etiam factas ad eorum Synodos*. Richerius in *Hist. Concil. General.* cap. 8. num. 2. cum de Marca eandem appellationem urget, sicuti etiam Quæsnellius Dissert. 7. *De causa Eutychetis* num. 1., qui fidem hac in re æque Constantino, ac Eutycheti ad Romanam Sedem appellanti adhibendam esse dicit. Num. 3. ideo in litteris Flaviani de appellatione ad Leonem tantum mentionem fieri affirmat, quia Flavianus tunc solum Leonem alloquebatur, sicuti eum solum etiam Eutyches in epistola ad eundem data nominaverat. Leonem vero, uti *Primate*m inter ceteros a Flaviano de iis, quæ in causa Eutychetis gesta fuerant, voluisse fieri certiores tradit. Quapropter ea de causa Flavianus (prosequitur num. 9. Quæsnellus) acta ad Leonem transini-

(1) Vide Tom. 4. Concil. edit. Venet. A&S. 1. Concil. Chalcedonen. colum. 1086.

transmisit, non ut ea quidem probaret, vel confirmaret, sed ut suis Episcopis evulgaret. Fuerunt quoque aliæ rationes, quibus Flavianus ad id induceretur. 1. Futurum prævidebat, ut Eutyches ad Sedem præsertim Romanam suas querelas deferret. 2. In triviis regiæ urbis libellos famosos Eutyches affigi curaverat, quorum sane fama etiam occidentales regiones pervasura erat. 3. Videbat Flavianus, facile esse, ut propter favorem Chrysapii Eutyches contra se apud Imperatorem prævaleret, apud quem quum multum etiam Leo posset, eum pro communi fidei, ac disciplinæ causa sollicitandum existimavit. " Denique (inquit) quum rumor „ disseminaretur, Imperatorem de cogenda universali Synodo cogitare, in qua Eutychis negotium ad examen revocaretur, æquum erat, ut Flavianus primariam sedem & „ hujus consilii certiore faceret ". Num. 10. id Flavianum Leoni suasisse dicit, non quidem ut a se laram sententiam confirmaret, sed ut illam, non secus, ac suam, rueretur, atque curaret, ne pax Ecclesiæ perturbaretur. Unde postulasse Flavianum *Leonis non judicium, sed solatium, non sententiam, sed litteras; defensionem, non confirmationem; propria scripta, non Synodalia decreta*; hoc vero est, quod potissimum contendit.

Ad hæc 1. illud a Petro de Marca quærimus, undenam alii Patriarchæ, præter Romanum, habebant jus suo judicio subjicendi ea, quæ a Constantinopolitano definita forent. 2. Undenam constat, appellationes factas ad Patriarchas, etiam ad Concilia eorum factas fuisse intelligi debere. 3. Hujus causæ nullus finis aliquando futurus fuisset, si de ea in quatuor Conciliis agendum erat. Quapropter hæc appellatio nec canonica erat, neque talis, ex qua ultimum totius causæ judicium expectari posset. Jure ergo meritoque Flavianus quamvis secreto de ea monitus a Patritio Florentio fuisset, nihili faciendam illam esse putavit, neque etiam repellendam censuit, utpote quæ Patribus Concilii perspecta non esset, sicut ipsi aperte edixerunt (1). Hæc sane est illa præclara ap-

O o 2

pella.

(1) Vide to. 4. Conc. edit. Venet. Aët. 1. Conc. Chalced. col. 1086.

pellatio, quam adversarii nostri nobis opponunt, ut veras; legitimasque deprimant, cujus tamen neque ipse Eutyches aliquam postea rationem habuit. Nam ad Leonem sane appellavit: Leoni oppressionem sui, sicuti impie mentiebatur, aperuit: a Leone petiit, ut efficeret, ne a numero Orthodoxorum eximeretur: ad Leonem demum contra judicium Constantinopoli in se factum provocavit. Hinc Flavianus in epistola ad Leonem (1) inter alia hæc habet: " Litteræ nobis datæ sunt vestræ Sanctitatis, per quas sumus edocti, quia, Eutyches libellos direxit vobis plenos omni fallacia, atque calliditate dicens: judicii tempore libellos se dedisse appellationis & nobis, & sancto Concilio, & appellasse vestram Sanctitatem, quod nequaquam factum est ". Ex hoc autem magis magisque confirmatur, nullam Eutychetem ejus appellationis habuisse rationem, quam Adversarii nostri plurimi faciunt, quaque veram appellationem contra aperta testimonia Eutychetis, S. Leonis, & S. Flaviani obscurare contendunt. Neque enim est, cur nunc repetantur dicta a nobis §. superiori.

Nunc ad ea, quæ Quesnellus opponit. Hujus appellationis habita ratione, ideo in litteris Flaviani solius Leonis, non vero ceterorum Patriarcharum, mentionem fieri dicit, quia Flavianus ad Leonem scripsit, sicuti antea Eutyches scripserat. Verum quid ex hoc concluditur? anne fortasse ad solum Leonem appellatum non fuisse, sed æque etiam ad alios Patriarchas? Ah hoc sane requireretur, ut quas hac de re litteras ab Eutychete ad Leonem, a Leone ad Flavianum, a Flaviano ad Leonem datas novimus, etiam ad alios Patriarchas ab Eutychete, ab aliis Patriarchis ad Flavianum, a Flaviano ad alios Patriarchas datas novissemus. Ubi nam tandem istæ sunt? Scripsit quidem ad Leonem Flavianus, sicut scripsit Eutyches, & hac potissimum de causa inter istos, & Leonem de ea appellatione actum novimus, de qua nunc disputamus.

Quam vero ob rationem Leo certior fieri voluerit de iis, quæ

(1) Juxta editionem Cacciarii post epist. 34. S. Leonis.

quæ in causa Eutychetis gesta fuerant, ipse S. Doctor in epistola ad Flavianum exposuit (1), neque ad hoc inanibus Quæsnelli conjecturis indigemus. Nam ea in epistola rationem eorum, quæ gesserat in causa Eutychetis, a Flaviano quærit, cunctaque ad suam notitiam deferri postulat, quoniam ut sacerdotum judicia matura sint, ipse velle debet, nihilque pro utraque parte decernere potest, antequam universa, quæ gesta sunt, veraciter audiat. Unde Flaviano præcipit, ut per idoneam maxime, aptamque personam plenissima sibi relatione significet, quid contra antiquam fidem novitatis emerferit, quod severiori sententia dignum fuerit vindicari. In epistola autem ad Theodosium Imperatorem (2) non solum de hoc, quod Flaviano mandaverat, S. Leo eundem Imperatorem monet, sed etiam alia ista superaddit: "Ad prædictum autem Episcopum litteras dedi, quibus mihi displicere cognosceret, quod ea, quæ in tanta causa gesta fuerant, etiam nunc silentio detineret, quum studere debuerit primitus nobis cuncta referre: quem credimus; vel post admonitionem, omnia ad nostram notitiam relaturum; ut in lucem ductis his, quæ adhuc videntur occulta, id, quod Evangelicæ, & Apostolicæ doctrinæ convenit, judicetur". Hæc sane loquendi ratio in illum tantum convenire potest, qui est ea ex se potestate præditus, ut de iis, quæ jam decreta fuerint, iudicium instituere possit, sententiamque latam ab aliis suæ subijcere. Neque enim efficacioribus verbis superior iudex erga inferiorem uti potest, ut iudicii ab illo lati rationem sibi reddat, atque ita ipse postea vel confirmet, vel irritum declaret, quod ab illo definitum fuerit. Eam ergo S. Leo cum Flaviano in hoc negotio rationem servavit, quæ neminem dubitare finit, huiusmodi in se potestatem S. Leonem agnovisse, atque etiam exercuisse, quæ supra Orientalium judicia extenderetur.

Est vero Quæsnellus in suis conjecturis semper sibi similis, dum explicare aggreditur, quare Flavianus de tota causa

(1) Vide locum in præced. §. (2) Epist. 21. juxta editionem Cacciari.

sa Eutychetis S. Leonem certiorum fecerit. Ejus enim conjecturæ locum aliquem fortasse tunc habere possent, quando aliunde perspectum non esset, & Eutychetem ad Leonem appellasse, & Leonem in hac appellatione ad se facta personam judicis sustinuisse, & Flavianum sui judicii rationem Leoni reddidisse, unaque cum exorasse, ut per proprias litteras suffragari dignaretur depositioni canonicæ adversus Eutychetem jam factæ. De his vero omnibus constare jam ostendimus (1): igitur conjecturæ Quesnelli sunt omnino furiles, atque inanes.

Verum non est illud prætereundum, quod etiam Balleirini fratres tom. 2. Operum S. Leonis in Observat. ad 7. Dissert. Quesnelli num. 6. & 7. animadverterunt, hoc est, Flavianum Leoni spondidisse futurum, ut ad tranquillitatem, & pacem cuncta transferrentur, neque amplius oporteret, ut Synodus Œcumenica haberetur, si ipse per proprias litteras depositioni canonicæ adversus Eutychetem jam factæ suffragaretur. Neque enim erat, cur tanta ex iis litteris consequutura sperarentur, quæ neque judicii, neque sententiæ, neque confirmationis vim haberent; immo vero etiam ex litteris, quæ judicium, sententiam, & confirmationem in se continerent, tanta profecto expectanda non erant, si apud Orientales decreta, ac judicia Apostolicæ Sedis, & ea quoque, quibus decreta Synodorum Orientalium confirmarentur, cujusdam oraculi instar non haberentur. Quapropter quum Flavianus futurum sponderit ipsi Leoni, ut si sententiam in Eutychetem latam per modum judicii confirmaret, ut cuncta ad pacem, & tranquillitatem transferrentur, & necessarium esse desineret, cogi Synodum; evidenti argumento id esse debet, judicia Apostolicæ Sedis, & etiam ea, quibus decreta Synodorum Orientalium confirmarentur, instar cujusdam oraculi ab Orientalibus habita fuisse.

Ultimo tandem illud contra Quesnellum non urgere non possumus, S. Pontificem Leonem in percelebri sua epistola ad Flavianum non solum confirmasse sententiam contra Euty-

(1) Vide præced. §.

Eutychetem in Synodo Constantinopolitano laram, sed etiam Synodi iudicium suo subiecisse, reprehendisseque in eo duo, quorum unum ad dogma, ad disciplinam alterum spectabat. Mirari enim se in ea (1) dicit, qua ratione Constantinopolitani Patres hæc in Eutychete sine ulla censura præterissent:

„ Confiteor ex duabus naturis fuisse Dominum nostrum ante
 „ adunationem, post adunationem vero unam naturam con-
 „ fiteor “. Quum enim sermo nimis insipiens, nimisque blasphemus in ea contineretur; “ Miror (inquit S. Leo) tam
 „ absurdam, tamque perversam ejus professionem, nulla ju-
 „ dicantium increpatione reprehensam, & sermonem nimis
 „ insipientem, nimisque blasphemum ira omisum, quasi ni-
 „ hil offenderet, esse auditum; quum tam impie duarum
 „ naturarum ante incarnationem Unigenitus Dei Filius fuisse
 „ dicatur, quam nefarie postquam caro factum est, natura
 „ in eo singularis asseritur “. Talis deinde condemnatio in Synodo Constantinopolitana lata fuerat contra Eutychetem, ut etiam si ille resipisceret, in pristinum locum restituendum esse, non haberet, unde speraret. Hoc decretum S. Leo emolliendum censuit, atque statuit, erga Eutychetem miserationem adhibendam esse, si ab errore resipisceret. Quod ergo tum ad fidem, tum ad disciplinam spectabat, S. Leo in Synodo Constantinopolitana correxit. Id autem S. Leo ea in epistola fecit, quam Patres Chalcedonenses summa veneratione exceperunt, tamque solemnisi cujusdam iudicii loco habuere, quod a suprema potestate Summi Pontificis prodiret (2). Ex hoc autem nemini, si tamen luci veritatis suos oculos claudere nolit, non perspectum esse debet, S. Leonem iudicia lata ab Episcopis Orientalibus suo examini subiecisse, & ea quandoque confirmasse, quandoque etiam correxisse, aut emolliuisse, idque juris in Sancto Pontifice Patres Chalcedonenses, & totam Ecclesiam agnovisse. Suo ergo facto Leo ostendit, Patres quoque Chalcedonenses ostenderunt, tam falsum esse, quam quod maxime, Flavianum postu-

(1) Juxta edit. Cacciarj epist. 25. cap. 6.

(2) Lib. 21. cap. 3. §. 25.

postulasse Leonis non *judicium*, sed *solatium*; non *sententiam*, sed *litteras*; *defensionem*, non *confirmationem*; *propria scripta*, non *Synodalia decreta*. Huc usque contra Quenellum: nam nonnulla alia ejus, quæ sunt adhuc levioris momenti, quam superiora, non est, cur refutemus.

§. VIII. Etiam S. Flavianus ab impia Dioscori sententia in Synodo Ephesina contra se lata ad Leonem Summum Pontificem appellavit.

Quando Dioscorus Patriarcha Alexandrinus in Synodo Ephesina præsidendi sibi usurpata potestate, impiam sententiam depositionis contra Flavianum pronuntiavit, hic S. Præsul reposuit: *Appello a te*, & Hilarus Romanæ Ecclesiæ Archidiaconus, atque Legatus Summi Pontificis, contra judicium Dioscori superaddidit: *contradicitur*, sicuti ex Actis Synodalibus compertum habemus (1). Juxta id, quod ad hanc appellationem consequi debebat, deinde Flavianus, dato libello, a sententia Dioscori ad judicium S. Leonis provocavit. Hujus rei certissimos testes asserre sane possumus.

„ Flavianus (inquit Liberatus Diaconus in *Breviario* cap. 12.)
 „ contra se prolata sententia, per ejus Legatos Sedem Apo-
 „ stolicam appellavit libello. Imperator Valentinianus in
 ea epistola, quam, suadente S. Leone, scripsit ad Theodosium (2), „ Constantinopolitanus Episcopus (ait) eum (hoc
 „ est, Leonem) per libellos appellavit“. Inde vero ad Sanctum Leonem Flavianum appellasse dicit, quia illi „ Princi-
 „ patum Sacerdotii super omnes antiquitas contulit, & lo-
 „ cum habet, ac facultatem de fide, & Sacerdotibus judi-
 „ care“. Sed non est, cur externa hac de re testimonia queramus, quando Sanctum Leonem testem amplissimum habemus: quia, inquit in epist. ad Theodosium (3) „ Domini-
 „ cæ Incarnationis sacramento impie nunc a paucis impru-
 „ dentibus obviatur, omnes partium nostrarum Ecclesiæ,
 „ omnes

(1) Tom. 4. Concil. edit. Venet. Chalcedon. Concil. par. 2. ad. 1. Non solum autem Hilarum, sed etiam alios in legatione socios reclamasse, tradit S. Leo epist. 41. ad Theodosium, & 42. ad Pulcheriam Augustam. (2) Juxta edit. Cacciarri epist. post 43. S. Leonis.

(3) Juxta eandem edit. epist. 41.

„ omnes mansuetudini vestræ cum lacrymis , & gemitibus
 „ supplicant Sacerdotes , ut quia & nostri fideliter reclama-
 „ runt , & eisdem libellum appellationis Flavianus Episcopus
 „ dedit , Generalem Synodum intra Italiam jubeatis celebra-
 „ ri , quæ omnes offensiones ita aut repellat , aut mitiget ,
 „ nec ultra aliquid sit vel in fide dubium , vel in charitate
 „ divisum . Quam autem post appellationem interpositam hoc
 „ necessario postuletur , Canonum Nicææ habitorum de-
 „ creta testantur , quæ a totius mundi sunt Sacerdotibus
 „ constituta , quæque subter annexa sunt “ . Voce ergo pri-
 mum in ipsa Ephesina Synodo a sententia Dioscori Flavia-
 nus appellavit , deinde vero , vel antequam in carcerem
 conjiceretur , vel antequam in exilium iret , Legatis Apo-
 stolicæ Sedis libellum tradidit appellationis , ad Summum
 Pontificem Leonem procul dubio deferendum . Hoc enim de
 Libello & Liberatus Diaconus , & Valentinianus , & S. Leo
 apertam mentionem faciunt .

Sub nomine autem Nicænorum canonum intellexit San-
 ctus Leo canonem 5. Synodi Sardicensis . In eo enim consti-
 tutum habebatur , ut , si qui *dejectus erat a simul congregatis*
Episcopis suæ regionis , ad Sedem postea Romanam appellabat ,
 ulterius judicium faciendum de causa illius , habita etiam ra-
 tione modi , quo illud fieri debebat , a Romano Pontifice de-
 terminaretur (1) . Illa autem ætate sub nomine Nicæno-
 rum etiam Sardicenses canones venisse , est jam animadver-
 sum a nobis (2) . Qua vero de causa S. Leo canonum Sardi-
 censium mentionem fecerit , eorumque auctoritatem in men-
 tem Theodosii revocaverit , dum illi ostendebat necessitatem
 Concilii Œcumenici habendi , Ballerinii fratres in sua editio-
 ne Operum S. Leonis tom. 2. *Observat.* in Dissert. 9. Quænel-
 li recte animadverterunt : “ Observandum est , (inquirunt)
 „ hanc eorundem canonum allegationem inveniri tantum-
 „ in litteris ad eundem Imperatorem , qui Pseudosynodo
 „ Ephesinæ patrocinium præstabat . Cum tam magno hujus

Tom. III.

Pp

„ con-

(1) Vide explicationem Sardicensis Canonis hujus lib. cap. 3. §. 5.

(2) Hujus lib. cap. 4. §. 2.

» conciliabuli patrono, qui novum judicium ægrius tulisset ;
 » mollius , & suavius agendum erat , atque ut flecteretur
 » facilius , auctoritas ipsi etiam vene rabilis proponenda fuit .
 » Nicænos autem canones Eurychis quoque fautores maxima
 » observantia prosequerentur ; quumque pro Nicænis habe-
 » rentur canones Sardicenses ; unum ex his Leo in rem præ-
 » sentem allegavit , atque epistolæ etiam subjecit “. Non
 est ergo , cur Quæfnellus *Dissert.8. De Causa Flaviani* num.6.
 opponat, Leonem inde ostendisse, sibi judicii faciendi facul-
 tatem non esse, quia ad Sardicenses canones provocavit .

§. IX. S. Leo prosequutus fuit jura ad se factæ appella-
 tionis .

Ille enim appellationis ad se factæ jura prosequitur , qui
 suspendit judicium illius , a quo sibi appellatum fuerit : hoc
 vero est , quod S. Leo in causa Flaviani præstitit . Nam Hila-
 rus Romanæ Ecclesiæ Archidiaconus in epist. ad Pulcheriam
 Augustam , postquam impiissimum judicium Dioscori contra
 Flavianum , & Flaviani contra illud protestationem exposuit ,
 ita prosequitur (1) : “ Vestra itaque veneranda clementia co-
 » gnoscat , a præfato Papa cum omni Occidentali Concilio
 » reprobata omnia , quæ in Epheso contra canones , per tu-
 » multus , & odia secularia a Dioscoro Episcopo gesta sunt ,
 » & nulla ratione hæc in his partibus suscipi posse , quæ per
 » potentiam prædicti non sine læsione fidei , & præjudicio
 » sanctissimi viri , innoxique , commissa sunt “. Postquam
 ergo Summus Pontifex , quæ mala in latrocinio Ephesino pa-
 trata forent , reduce Hilario , intellexit , atque libellum ap-
 pellationis a Flaviano ad se factæ recepit ; mox Episcoporum
 vicinarum civitatum , vel eorum tantum , qui tunc ad ccle-
 brandam anniversariam diem assumptionis ejus ad Pontificatum ,
 in urbem convenerant , coacto Concilio , Synodum dictam
 latrocinium Ephesinum damnavit , S. Flaviani appellationem
 admisit , irritam depositionem ejus declaravit , vetuitque , ne
 quispiam in locum illius superordinaretur , & in plena Epi-
 scopali communione apud omnes Flavianum confirmavit . Sua
 hæc

(1) Juxta edit. Cacciarlii post epist. 48. S. Leonis .

hæc omnia decreta prodidit, etiam antequam Valentinus apud Theodosium Imperatorem sese intercessorem interponeret, sicuti constat ex litteris ad Theodosium, ad Pulcheriam Augustam, ad Julianum Episcopum Coensem, ad S. Flavianum, & ad alios ab eo datis. Scripsit enim Leo has litteras 3. Idus Octobris, & Valentinianus nonnisi circa festum Principis Apostolorum anni sequentis Romam venit. Decretis Leonis omnis Ecclesia Occidentalis obsequentiſſime paruit; verum ne hoc idem faceret etiam Orientalis, Theodosius impediēbat, bene quidem in Eutychetem, male autem in Flavianum animatus. Hinc Summus Pontifex nullam rationem omisit ad publicum Ecclesiæ bonum procurandum, ut ejus sibi favorem conciliaret; semper tamen, quamvis non exaudiretur, suprema, qua erat præditus, usus potestate fuit.

In multis sane epistolis S. Doctoris, evidentissimum hujus rei testimonium habemus. Hic nonnulla tantum eorum commemorabimus, quæ S. Leo ad Anatolium scripsit, quem propter Marciani, & Pulcheriæ preces Constantinopolitanum Episcopum probavit. Ea enim totam Flaviani causam complectuntur, & certum argumentum supremæ cujusdam auctoritatis præferunt (1). “ De fratribus vero (inquit) „ quos & epistolis tuis, & legatorum nostrorum relatione, „ communionis nostræ cupidos esse cognovimus, eo quod „ doceant, se contra potentiam, contraque terrores non „ tenuisse constantiam, sed alieno scelere præbuisse consensum, quum eos ita formido turbasset, ut in damnationem „ Catholici, & innocentis Antistitis, & in receptionem detestabilis pravitatis trepido famularentur obsequio; illud „ quidem, quod præsentibus, & agentibus nostris, constitutum est, approbamus, ut suarum interim Ecclesiarum „ essent communionem contenti: sed cum legatis nostris, „ quos misimus, participata tecum sollicitudine, volumus „ disponatur; quatenus hi, qui plenis satisfactionibus male „ gesta condemnant, & accusare se magis eligunt, quam

P p 2

„ tueri,

(1) Juxta eandem edit. epist. 61.

„ tueri, p̄acis, & communionis nostræ unitate latentur :
 „ ita ut digno prius anathemate, quæ contra fidem Catho-
 „ licam sunt recepta, damnentur “. Ex his autem compe-
 rimus, eos, qui propter metum in damnationem Flaviani
 consenserant, sua eos communione Leonem privasse, voluisse-
 seque, ut interim communione tantum suarum Ecclesiarum
 potirentur : si tamen plena satisfactione male gesta condem-
 narent, seque magis accusare, quam tueri eligerent ; tunc
 sane illos etiam suæ communionis compotes fecit. Theodo-
 sio regnante, isti Episcopi in sui pœnitentia criminis patienter
 siluerunt : Ephesinum namque latrocinium ipse confirma-
 verat, nullasque contra illud precès admittebat. At vero ad
 regni gubernacula Marciano admoto, aliter sese res habuit.
 Tunc sane plurimi istorum Episcoporum suum errorem con-
 fessi fuerunt ; & primo a Juliano Episcopo Coensi, & Legato
 S. Leonis, deinde a S. Leone, indulgentiam sui lapsus, at-
 que infirmitatis petierunt, rogantes, ut in communionem
 Romanæ, ac propterea universalis Ecclesiæ, reciperentur.
 Leo tunc annuit votis eorum, & dicto ab eis in Eutychia-
 nam perfidiam anathemate, in communionem Ecclesiæ uni-
 versalis recepit, indeque factum fuit, ut in Chalcedonensi
 Concilio, sicut ii, qui nullo amplius crimini obnoxii essent,
 admissi fuerint.

Qua ratione agi debeat cum Dioscoro Patriarcha Ale-
 xandrino, Juvenali Hierosolymitano, & Eustatio Berytensi
 in prima Phœnicia Episcopo, S. Leo in eadem epistola profe-
 quitur. Constituit ergo nomina eorum, quoniam in Flavia-
 num singulariter sævisissent, in sacro altari non misceri no-
 minibus Sanctorum : “ De nominibus autem Dioscorig. (in-
 „ quit) Juvenalis, Eustatii ad sacrum altare non recitandis Di-
 „ lectionem tuam hoc decet custodire, quod nostri ibidem
 „ constituti faciendum esse dixerint, quodque honorandæ
 „ S. Flaviani memoriæ non repugnet, & a gratia tua animos
 „ christianæ plebis non avertat. Nam iniquum nimis est,
 „ atque incongruum, eos, qui innocentes, & catholicos
 „ sua persecutione vexarunt, Sanctorum nominibus sine
 „ discre-

„ discretionem misceri, quam damnatam impietatem non de-
 „ serentes, ipsi se sua pravitate condemnent: quos conve-
 „ nit, aut percelli pro perfidia, aut laborare pro venia “.

Quid de Flaviano S. Leo decreverit, restat, ut ad totius causæ complementum nunc videamus. Ita ergo habet S. Leo in epistola ad Placidiam (1) “ Scripsimus de hac re
 „ (hoc est Actis Ephesini latrocinii, & Appellatione S. Flaviani) ad gloriosissimum Principem, ut fidem, in qua re-
 „ natus per Dei gratiam regnat, nulla sinat novitate cor-
 „ rumpi, quoniam Flavianus Episcopus in nostra omnium
 „ communione persistit, atque hoc, quod factum est sine
 „ consideratione iustitiæ, & contra omnem canonum disciplinam, ratum haberi nulla ratio permittit “. Hinc etiam ad clerum, & populum Constantinopolitanum scribens, postquam eos consolatus, hortatusque fuit, ut in confessione Catholicæ fidei resisterent nequitia perfidorum, hæc superaddit (2): “ Quisquis enim incolumi, atque superstiti Flaviano Episcopo vestro, fuerit ausus sacerdotium invadere;
 „ nunquam in communione nostra habebitur, nec inter Episcopos poterit numerari “. Sustulit ergo S. Leo sententiam, quæ in Ephesino latrocinio adversus Flavianum lata fuerat, atque uti non depositum e sua sede eum habendum esse declaravit.

Hæc omnia in Synodo Occidentali Leo quidem decrevit; sua tamen, non Synodi auctoritate, uti ex ea loquendi ratione constat, qua ipse utitur: atque Synodum Occidentalem, hoc est, nonnullorum Episcoporum, vel vicinarum urbium, vel eorum, qui tunc Romæ aderant, sicuti supra exposuimus, in hac re in consilium adhibuit, non quo voto illorum ipse indigeret, sed ut eorum Pontificum morem sequeretur, qui in rebus gravioribus Episcopos in unum convocatos in consilium adhibere consueverunt, ut in definitione eorum, quæ constituebant, nihil diligentia prætermisum esse præferrent.

S. X.

(1) Juxta eandem editionem epist. 42. (2) Juxta eandem edit. epist. 46.

§. X. A latrocinio Ephesino ad Synodum Œcumenicam. Flavianus non reclamavit.

Contra sentit Quæfnellus *Dissert.* 8. *in causa Flaviani* num. 4. : suam vero opinionem inde potissimum tuetur (1), quia S. Leo post receptam appellationem Flaviani, ut Synodus Œcumenica haberetur, diligentissime curavit, atque hac de re ad Theodosium Imperatorem scripsit, deque ea curavit, ut scriberent etiam Valentinianus, & Placidia Augusta. Id urget etiam Richerius in *Hist. Concil. General.* cap. 8. num. 8., & Dupinius *Dissert.* 2. *De Antiqua Ecclesiæ Disciplina*. Samuel quoque Basnagius in *Annal. Politico - Ecclesiast.* ad an. 449. num. 21. ex quod Leo curaverit, ut in Italia Synodus Œcumenica haberetur, ad eum appellatum fuisse contendit, non ut ad Episcopum, sed ut ad partem præcipuam Œcumenicæ Synodi, quæ sententiam per se ferre non posset.

At vero non juris, sed facti habita ratione, ut Œcumenica Synodus in Italia cogeretur, S. Leo petiit. Nam ipse totam Flaviani causam expedivit, antequam de Concilio Œcumenico in Italia celebrando & per se, & per alios cum Theodosio ageret (2) : & quod ipse definivit, semper immotum, perstitit, quamvis nullum postea Concilium Œcumenicum in Italia habitum fuerit. Non jus ergo, quod ad Flaviani innocentiam vindicandam requirebatur, sed facti ratio, in qua versabatur, Leonem compulit, ut in Italia Synodum Œcumenicam haberi anniteretur. Quamvis ergo gesta Ephesini latrocinii ex se irrita forent, atque auctoritate Leonis rescissa essent; tamen Flavianus, contra obnitentibus Eutychianis, quibus Theodosius patrocinebatur, suam sedem recuperare non poterat. Huic rei illud quoque accedebat, a Leone sperandum non fuisse, ut Episcopi Orientales, qui Eutycheti adhaeserant, suis litteris ad bonam frugem revocarentur, quum paulo ante in latrocinio Ephesino Apostolicos Legatos contra reclamantes non auscultassent (3). Quoniam igitur vis, non vero jus prævalebat; alia quoque remedia præter

(1) Id, eo auctore, urget etiam Febronius *De statu Ecclesiæ Græ.* cap. 5. §. 9. num. 3. (2) Vide præced. §. (3) Vide 8. §. hujus cap.

ter illa, quæ essent juris, sapientissimus Pontifex a se adhiberi oportere existimavit. Imperator ergo ut a favore Dioscori, ejusque asseclarum averteretur, curandum esse vidit, id autem nunquam futurum, ut assequeretur, recte perspexit, nisi Episcopi Orientales, a quibus ille deceptus fuerat, insanam mentem revocarentur. Hoc autem facile contingere poterat, si illi cum Occidentalibus simul convenirent, cumque eis de actis Ephesini latrocinii, omni vi submota, agerent; quemadmodum cum Illyricianis, & Palæstinis non multo post in Concilio Chalcedonensi feliciter evenit. Ob hanc sane rationem Concilium Œcumenicum in Italia, sub aliis a Theodosio principibus, habendum esse, S. Leo sapientissime prospexit, quemadmodum unicuique compertum esse poterit, qui utramque ad Theodosium epistolam ejus legerit. Ut ergo ea ratione, quæ magis opportuna erat, malis omnibus S. Leo mederetur, Synodum Œcumenicam in Italia haberi petiit, non vero, quia, aut habita ratione appellationis Flaviani, aut ejus auctoritatis, quæ ad rescindenda acta latrocinii Ephesini requirebatur, necessariam illam esse putaverit. Hinc vero est, ut, mortuo Theodosio, quum Marcianus revocasset Episcopos Catholicos in exilium pulsos, multi-que eorum, qui lapsi fuerant, pristinum errorem detestarentur, atque epistolæ dogmaticæ Leonis ad Flavianum subscriberent; tunc sane Leo, quamvis Concilium Œcumenicum, quod Marcianus, priori ejusdem Leonis petitioni obsequens, sese indicturum significavit, recusare omnino non posset; tamen illud, uti non amplius necessarium, differendum censuit, suisque Legatis commisit, ut interim scandalis Ephesini latrocinii remedium afferrent (1).

§. XI. Flaviani appellatio ad omnes Episcopos Occidentis devoluta non fuit.

„Ad omnes Occidentis saltem Episcopos devolutam, esse Flaviani appellationem“ Quesnellus in citata Dissertatione num. 5. contendit. In quo sane cum Basnagio convenit,

(1) Vide epist. 43., & 44. S. Leonis juxta sæpe citatam edit.

nit, quum, ut vidimus (1), ipse velit, appellatum ad Leonem, ut *ad partem precipuam Œcumenici Synodi*, quæ sententiam per se ferre non posset. Flavianum itaque misisse libellum appellationis per Hilarum Diaconum non solum ad Leonem, sed etiam ad Occidentales, nos concedimus, quum id tum ex epistola S. Leonis ad Theodosium, tum ex altera epistola Placidie Augustæ ad eundem Theodosium perspectum habeamus (2). Eodem tamen consilio Flavianum hunc libellum dedisse tum ad Leonem, tum ad alios Occidentales, hoc vero est, quod negamus. Quid? anne fortasse Quesnelius contenderit, talem in Occidentalibus Episcopis auctoritatem esse, ut ipsi per se simul uniti ad suum examen judicia Orientalium etiam simul congregatorum revocare, & si ipsis visum fuerit, rescindere possint? Profecto cur id juris Occidentales in Orientales, non vero Orientales in Occidentales habeant, nemo unus unquam ostendit. Quapropter ex eo quod Occidentales cum Ecclesiæ capite conjuncti essent, ejusque auctoritatem sequerentur, de sententia lata ab Orientalibus judicium ferre poterant. Qualecumque ergo tandem hoc illorum judicium foret; tota auctoritas ejus in Supremum Ecclesiæ caput semper refundebatur. Libellum igitur appellationis Flavianus & ad Leonem, & ad Episcopos Occidentales misit: ad Leonem ita quidem, ut ab eo certum de gestis Ephesini latrocinii judicium expectaret, utpote qui propter auctoritatem Primatus, jurisdictionis quidem, atque potestatis, quo supra universam Ecclesiam præfulgebat, Orientalium quoque judiciis præfesset, eaque & suo examini subjicere, & rescindere, vel confirmare posset (3): ad Occidentales autem, ut illis quoque constaret de perfidia Dioscori, atque assecularum ejus, ac propterea suam causam apud Leonem juvarent, si contingeret eos, quemadmodum in gravioribus causis sæpe usuvenisse Flavianus noverat, simul in unum unitos gestorum Ephesini latrocinii iudices a Leone adhi-

(1) Præced. §. (2) Vide epist. Leonis 48., & Placidie epist. post hanc 48. juxta sæpe cit. edit. (3) Vide quæ lib. præced. cap. 3. discussimus.

adhiberi, quemadmodum revera plures adhibiti fuerunt, & hac de causa S. Leo ad Theodosium hæc habet (1): " Quæ
 » scripta nostra non solum Apostolicæ Sedis auctoritate, sed
 » etiam sanctæ Synodi, quæ ad nos frequens convenerat,
 » unanimitate directæ sunt ". Auctoritatem itaque Apostoli-
 cæ Sedi, Synodo autem unanimitatem S. Leo tribuit, ut in-
 nuat, in hujusmodi Synodos auctoritatem ab Apostolica Sede,
 sicuti a principio, dimanare, Patrum vero sedentium in eis
 unanimitatem attendendam esse, quatenus in cognitione, &
 judicio causæ transeunt in eandem sententiam cum suo capi-
 te, arque cum Apostolica Sede. Hinc vero est, ut Valenti-
 nianus (2) in epistola ad Theodosium, quamvis eum roget,
 ut Synodum in Italia haberi consentiat; judicium tamen cau-
 sæ, quæ definienda erat, ad Leonem deferat, cui *Principa-
 tum Sacerdotii super omnes antiquitas contulit*: " Huic (scilicet
 » Leoni) postulanti, & conjuranti (inquit) salutem nostram
 » communem annuere non negavi, quatenus ad tuam man-
 » suetudinem meam petitionem ingererem, ut prædictus Sa-
 » cerdos, congregatis ex omni orbe etiam reliquis Sacerdo-
 » tibus intra Italiam, omni præjudicio submoto, a principio
 » omnem causam, quæ vertitur, sollicita probatione cogno-
 » scens sententiam ferat, quam fides, & ratio veræ divini-
 » tatis exposcit ". Haud dissimili ratione etiam Placidia, ro-
 gans & ipsa quoque Theodosium, ut Synodum Œcumenicam
 in Italia haberi assentiretur, Sedi Apostolicæ rei judicandæ
 auctoritatem tribuit (3): " Hac iraque gratia (inquit) tua
 » mansuetudo ranis turbis resistens, veritatem fidei Catho-
 » licæ religionis immaculatam servari præcipiar, ut secun-
 » dum formam, & definitionem Apostolicæ Sedis, quam &
 » nos tamquam præcellentem similiter veneramus, in statu
 » Sacerdotii illæso manente per omnia Flaviano, ad Conci-
 » lium Apostolicæ Sedis judicium transmittatur ".

§. XII. Ab Ephesini latrocinii sententia ad judicium San-

Tom. III.

Q q

Gi

(1) Epist. 60. juxta cit. edit. (2) Juxta eandem edit. post epist.
 48. S. Leonis. (3) Post cit. epist. juxta eandem edit.

di Leonis Romani Pontificis etiam Theodoritus Cyrensis Episcopus appellavit.

Quamvis præter ea, quæ attulimus, referre quoque alia multa exempla possemus, quibus ab Orientalibus ad Apostolicam Sedem appellatum fuisse constat; tamen ne nimis in longum in ista re progrediamur, nostræ disputationi de Orientalibus appellationibus ad Sedem Apostolicam finem imponeamus, ejus appellationis demonstrata veritate, quam Theodoritus ad S. Leonem detulit. Theodoritus itaque statim ac intellexit, in latrocinio Ephesino ab Episcopali gradu se dejectum esse, a tam iniquo judicio ad Leonem provocavit. Postquam ergo illi exposuit, quam præter omnem justii judicii formam in latrocinio Ephesino sententia depositionis in se lata fuisset, eundem rogat, atque obsecrat, ut sibi ad ejus tribunal appellanti opem ferat (1): "Ego autem (inquit) Apostolicæ vestræ Sedis expecto sententiam: oro, atque obtestor Sanctitatem tuam, ut mihi rectum, ac justum tribunal vestrum invocanti, opem ferat, jubeatque ad vos venire, & doctrinam meam Apostolicis vestigiis inhærentem ostendere". In hisce verbis veram appellationis rationem inesse, nemini sane dubium esse potest. Nam ex iisdem compertum est, ad tribunal Apostolicæ Sedis Theodoritum confugisse, ejusque sententiam expectasse, paratum se reddere rationem eidem de sua doctrina, etiam voce, si Summus Pontifex jussisset. Leo autem hanc appellationem ad se delatam recepit, deque ea judicium tulit, quemadmodum ex epistola ejus ad Theodoritum habemus (2): "Sed benedictus Deus noster, (inquit) cujus invincibilis veritas ab omni hæreseos macula mundum te secundum Sedis Apostolicæ judicium demonstravit. Cui dignam retribues pro tot laboribus gratiam, si talem te, qualem probavimus, ac probamus, pro universalis Ecclesiæ defensione servaveris". Hoc autem judicio Leonis Theodoritum suæ Ecclesiæ restitutum fuisse, Judices in Concilio Chalcedonenfi testati

(1) Juxta eandem edit. post epist. 48. S. Leonis. (2) Juxta eandem edit. epist. 95.

testati fuere. Nam Act. I. (1) " Ingrediarur (dixerunt) & „ reverendissimus Episcopus Theodoritus, ut sit particeps „ Synodi, quia & restituit ei Episcopatum sanctissimus Archiepiscopus Leo ". Quum autem Acti. VIII. de fide Theodoriti nonnulli dubitarent, atque is, ut suam rectam fidem probaret, Nestorio anathema dixisset; tunc Judices pro Theodorito rogarunt Patres (2), " Ut Ecclesiam suam reciperet, „ sicut & sanctissimus Leo Archiepiscopus judicavit ". At vero Patres consentientes Judicibus dixerunt: " Theodoritus dignus est sede . . . Post Deum Leo judicavit ". Quid ultra requiri possit ad certitudinem ejus judicii, quod S. Leo de Theodoriti causa tulit, sane non video. Ab omni eum macula hæresis, de qua in Ephesino latrocinio accusatus fuerat, mundum esse, Leo pronuntiat, Episcopatum, a quo illum Dioscorus cum suis asseculis dejecerat, eidem restituit, idque Judices coram omnibus Patribus Concilii Chalcedonenensis testantur; post Deum judicasse Leonem, Patres clamant. Revera ergo Theodoritus ad Leonem appellavit, factamque ad se appellationem Leo recepit, atque de ea suum judicium tulit.

§. XIII. Refelluntur, qui negant Theodoritum revera appellasse ad S. Leonem.

Quesnellus *Dissert.* 10. *in causa Theodoriti* num. 2. & seq. ex verbis epistolæ Theodoriti ad S. Leonem, quæ nos modo in medium produximus, duo se colligere posse arbitratur: 1. a S. Leone Theodoritum quæsisisse, utrum pro pace Ecclesiæ judicio Dioscori acquiescere deberet, potiusquam ad alicujus Synodi judicium recurrere: 2. rogasse Leonem, quatenus ille tamen judicii Dioscori standum non esse arbitraretur, ut Concilium in Occidente Apostolica auctoritate convocaret, ad quod etiam ipse convenire posset, ut ab injusta sententia absolveretur. Illud prius ex iis probare contendit, quæ Theodoritus illis verbis: *Ego autem Apostolicam vestra sedis expecto sententiam*, tum præmisit, tum etiam superaddidit.

Q q 2

dit.

(1) Tom. 4. Concil. edit. Venet. colum. 874. (2) Cit. tomo colum. 1533.

dit. Præmisit vero ista: "Ante omnia autem rogo, ut sciam
 » a vobis, an injusta hac depositione me oporteat acquie-
 » scere, an non". Hæc autem alia superaddidit: "Quod
 » si in judicatis me manere jusseritis, manebo, neque ulli
 » hominum deinceps molestus ero, sed rectum Dei, Salva-
 » torisque nostri judicium expectabo". Alterum inde colligit,
 quia idem Theodoritus in epistola ad Renatum Romanæ
 Ecclesiæ presbyterum, cum rogat, ut persuadeat *Sanctissimo*
mo, ac Beatissimo Archiepiscopo, ut Apostolica utatur auctoritate,
& præcipiat ad vestrum convocare Concilium. Et in epistola ad
 Anatolium Patricium: "Tuam (inquit) magnificentiam.
 » exoro, ut hanc gratiam a triumphatore Imperatore obti-
 » neas, ut ad Occidentem accedam, ut ab illis Deo dilectis-
 » simis, sanctissimis Episcopis judicer". Hæc etiam Dupi-
 nius *Differt. 2. De Antiqua Ecclesiæ disciplina* opponit.

Verum enimvero ut hæc Quæsnelli inania effugia præ-
 cludamus, non multum sane est laborandum a nobis. Illud
 ergo primo animadvertimus, secundum vulgatam latinam
 editionem, verbum græcum *ἱκεταίῳ* ita redditum fuisse,
 ut non *appellare*, sed *invocare* significaret; tamen, sicuti etiam
 Ballerinii fratres adverterunt, atque pluribus exemplis com-
 probarunt, in *Annotat. 6.* ad citatam epistolam Theodoriti,
 verbum illud græcum ad significandam appellationem, quæ
 sit ad judicem superiorem, sæpissime acceptum fuisse, dubi-
 tari non potest. Hic autem significare *appellare*, non verò
invocare, constat ex contextu verborum. Ita enim habet
 Theodoritus etiam apud ipsum Quæsnellum: "Observo ve-
 » stram Sanctitatem, ut mihi invocanti justum vestrum, &
 » rectum judicium, opem ferat, & jubeat ad vos venire,
 » & ostendere meam doctrinam vestigia Apostolica sequen-
 » tem". Profecto dum quis invocatur ad judicium alterius, ut
 opem sibi ferat, dum paratus est coram eo fidei suæ reddere
 rationem, dum hac de causa expectat, ut ab illo vocetur,
 idque facit, postquam injuste se condemnatum esse signifi-
 cat; nihil sane aliud ille invocando petit, quam ut senten-
 tiam contra se antea latam suo examini hic alter subiciat,

novum.

novumque de ea iusticiam instituat: in quo sane consistunt iura illius, ad quem appellatio deferretur. At vero de his omnibus Leonem Theodoritus rogavit: ad eum igitur appellasse dicendum est. Inde vero prioris Quesnelli interpretationis manifesta falsitas deregitur. Qui enim scriptis consilium aliqua de re ab altero petit, non est sane, cur eundem roget, ut ipse jubeat se ad illum venire, cur illius causæ, de qua condemnatus fuerit, reddere coram eo rationem expectat, non est, cur expectet sententiam illius, atque ad ejusdem tribunal recurat, ut sibi opem ferat. Hæc Theodoritus a Leone se expectere significavit, atque sententiam illius ea de condemnatione, quæ in se lata fuerat, expectare præferulit: Theodoritus ergo ad Leonem revera appellavit, non vero ab eo tantummodo quæsit, utrum iudicio Dioscori acquiescere deberet. Ex his autem, quæ pro se Quesnellus in hanc rem affert, id unum vincitur, Theodoritum paratum fuisse acquiescere sententiæ contra se latæ, semel ac a Leone intellexisset, nolle ipsum delatam ad se appellationem recipere, deque sententia contra ipsum lata iudicium ferre. Verum id Leo non fecit, sed iudicium contra Theodoritum factum rescidit, atque eum in suum Episcopatum restituit, quemadmodum jam ostendimus (1).

In epistola autem data ad Renatum ita quidem Theodoritus habet (2): " Quam ob causam oro Sanctitatem tuam, Sanctissimo, ac Beatissimo Archiepiscopo persuadeat, ut Apostolica potestate utatur, & ad concilium vestrum advolare præcipiat; verum quæ statim superaddit, firmitatem, auctoritatemque iudicii, quod petit, in principatu Apostolicæ Sedis ab eo reponi declarant: " Habet enim, " (inquit) sanctissima illa sedes Ecclesiarum, quæ in toto sunt orbe, principatum multis nominibus, atque hoc ante omnia, quod ab hæretica tabe immunis mansit, nec ullus contraria sentiens in illa sedit, sed Apostolicam gratiam integram conservavit. Quæ a vobis fuerint iudicata, in his, qualiacumque ea erunt, iudicii vestri æquitati con-

„ fiden.

(1) Præced. §. (2) Juxta edit. Cacciaril post epist. 48. S. Leonis.

„ fidentes acquiescemus : & rogamus , ut judicium ex scri-
 „ ptis constitutur „ . Judicium ergo , & tale quidem etiam,
 quod *ex scriptis constitueretur* , Theodoritus postulavit . Ex
 hoc autem semper magis magisque patet , præter omnem rati-
 onem Quesnellum contendisse , Theodoritum illud solum-
 modo a Leone quævisse , utrum condemnationi a Diosco-
 ro contra se latæ acquiescere deberet . Judicium sane Theo-
 dorus a Leone petebat , atque in eo constituerebat firmitatem
 sententiæ illius , quam Synodus lata foret . Hinc idem
 Theodoritus in Epistola ad Archidiaconum Romæ (1) , rogat
 eum , „ Leonis zelum accendere . . . incumbentem nebulam
 „ discutere , & pro nocte obscura liquidam serenitatem effi-
 „ cere , & injuste in se patratam cædem redarguere „ .
 Quum vero Theodoritus juxta id , quod sæpius factum fue-
 rat , suam causam in Synodo definiendam esse puraret ; mi-
 randum non est , si Anatolium Patricium Constantinopolita-
 num rogaverit , ut sibi liceret *ad Occidentem accedere , & ab*
illis Deo dilectissimis , & sanctissimis Episcopis judicari . Hoc ta-
 men judicium sine auctoritate Summi Pontificis neque insti-
 tuti , neque suum robur habere potuisset (2) .

Irrita quidem esse Acta Ephesini latrocinii , S. Leo pu-
 tavit ; inde tamen inferri non potest , sicuti Quesnellus in ci-
 tata Dissertatione num. 4. fecit , revera nullum judicium
 ab eo in causa Theodoriti latum fuisse . Qua enim ratio-
 ne in causa Flaviani , quamvis sententia lata contra illum
 omnino irrita foret , judicium a se ferendum esse , & quidem
 in Synodo Romana censuit ; eadem quoque S. Leo duci po-
 tuit , ut etiam de causa Theodoriti ferret . Verum non est ,
 cur hujus rei congruentes rationes perquiramus , quando
 Leo pronuntiavit , Theodoritum declaratum fuisse *ab omni*
heresis macula mundum secundum Sedis Apostolica judicium ; quan-
 do Judices coram Patribus Chalcedonenfibus dixerunt , Ar-
 chiepiscopum Leonem Episcopatum Theodorito restituisse ;
 quando demum Patres Chalcedonenfis clamarunt , post Deum
 Leonem judicasse .

Una

(1) Cit. loco. (2) Vide hujus cap. §. 11.

Una autem cum Quenello in eadem Dissertatione num. 6. Richerius in *Hist. Concil. General.* cap. 8. num. 32. ex his, quæ de causa Theodoriti in Concilio Chalcedonenſi acta fuerunt, inferendum ducit, Theodoritum ad Leonem non appellasse, sed ad eum tantum confuſiſſe, ut ſibi opem ferret. Samuel autem Baſnagius in *Annalibus Politico-Eccleſiaſt.* ad an. 449. num. 23. nullum a Leone iudicium de Theodorito latum fuiſſe, inde coniicit, quia ſolummodo poſt Concilium Chalcedonenſe in ſuam ſedem ille reſtitutus fuit. Petrus de Marca rei veritate convictus concedit lib. 7. *De Concord. Sacerd., & Imper.* cap. 8. num. 3., Theodoritum & appellasse ad Leonem, & ab eo in ſuam communionem receptum fuiſſe; tamen illud animadvertit, Theodoritum ad Synodum Chalcedonenſem acceſſiſſe, ut in ea ſeſe defenderet, ſi quid contra illum opponeretur, quamvis auctoritate Leonis una cum aliis Patribus federit. " Unde (inquit) colligere licet, abſolutam non fuiſſe reſtitutionem Theodoriti, ſed interim tantum valituram, donec quaſtio principalis ex qua profeſta erat ejus deſcriptio, retractata fuiſſet."

Verum falluntur ſane omnes. Quod ergo juris erat, Leo conſtituit, atque definivit: ſupererat itaque tantum, ut illud exequutioni mandaretur. Hoc vero eſt, quod Patres Chalcedonenſes juxta iudicium Leonis præſtiterunt, atque poſt Deum Leonem judicaſſe pronuntiarunt. Ob duplicem vero rationem cauſa Theodoriti in Actione VIII. Concilii Chalcedonenſis propoſita fuit: primo quidem ut ſatiſfieret iis, a quibus Theodoriti fides in ſuſpicionem vocabatur. Ne ergo iſti dubitare poſſent, Theodoritum obtexiſſe ſuum errorem Apoſtolicæ Sedis, & ut ſemper magis de illius orthodoxa fide omnibus compertum fieret, potuit abſque ullo præjudicio Apoſtolicæ Sedis in Synodo Chalcedonenſi diſcuti cauſa ejus. Deinde hanc Synodum Œcumenicam eo præſertim conſilio Imperator haberi curavit, ut Epifcopi in Ephefino latrocinio deſcripti, ac in exilium pulſi per approbationem Synodi, atque ſententiam omnium Epifcoporum convenientium, Epifcopatum, & Eccle-

Ecclesias proprias reciperent (1). Quapropter Summus Pontifex annuens consilio Augustorum tam benemeritorum jam Legatos ad Synodum destinaverat, atque litteras dederat ad eandem Synodum, in quibus præscripserat, quinam Episcopi in suam sedem restituendi forent (2). Hoc igitur intervallo temporis Leo, recepta appellatione Theodoriti ad se facta, de causa quidem illius judicium tulit, eumque in suam communionem recepit, atque sedi suæ restituit, & nihil, juris habita ratione, huic judicio jam deerat; actualis tamen restitutio perficienda supererat, quæ quum Synodo commissa videretur, ea postea secundum judicium a Sede Apostolica factum a Legatis ipsius Leonis, atque ab omnibus Patribus decreta fuit (3). Diuturniori itaque illo tempore, hoc est ab anno 440. usque ad 461. quo S. Leo Magnus universæ Ecclesiæ præfuit, ab Oriente ad Sedem Apostolicam appellatum fuisse, quæ usque modo disseruimus, neminem dubitare sinunt.

C A P U T V.

DE USU APPELLATIONUM IN ECCLESIA OCCIDENTALI AD SEDEM
APOSTOLICAM POST SYNODUM SARDICENSEM,
ET ANTE TEMPORA CONCILII TRULLANI.

S. I. **C**ælestius sub Zosimo anno 417. ad Sedem Apostolicam appellavit.

Hujus rei Marius Mercatorem in *Commonitorio* cap. 1. testem amplissimum habemus. Refert enim, Cælestium, Carthagine a Paulino accusatum de quinque capitulis, ab Episcopis illius regionis Ecclesiastica communione privatum fuisse, ex eo quod illa condemnare renuisset. „ A qua sententia (inquit Marius Mercator) ad Romani Episcopi exa-
men

(1) Vide epist. Pulcheriæ Augustæ ad S. Leonem 77. juxta edit. Ballerinianam. (2) Lege epist. 93. juxta eandem editionem.

(3) Vide Ballerinos fratres tom. 2. Oper. S. Leonis in Observat. ad 10. Quæsnelli Dissert. num. 9.

men credidit appellandum : qua mox idem ipse appellatio-
 ne neglecta , Ephesum Asiæ urbem contendit “ . Non-
 multo post Cælestium se contulisse Constantinopolim , atque
 ex hac urbe ab Attico Episcopo ejectum ob errores , quos
 profitebatur , ac deinde *Romam sub sancta memoria Zosimo Epi-*
scopo tota festinatione perrexisse , tradit Marius Mercator . Tunc
 sane Cælestius suam causam contra iudicium Carthagine in se-
 larum apud Pontificem egit . Ita enim suam de eo narratio-
 nem idem auctor prosequitur : “ Ubi de actis (quorum exem-
 plaria habemus) interrogatus , quum ab illo cognitore ali-
 quatenus terreretur , crebris responcionibus , & prosequu-
 tionibus suis spem præfeminavit , condemnare se illa capi-
 tula , de quibus apud Carthaginem fuerat accusatus , pro-
 mittens . Id enim & instantius jubebatur , & ob hoc ipsum
 nonnulla illius sancti Sacerdotis humanitate dignus est ha-
 bitus ; & sic epistolam benignitatis plenam ad Afros Epi-
 scopos meruit : qua ille abusus est , vel adhuc abutitur
 ad multorum ignorantium deceptionem “ . Id intelligen-
 tes Africani Episcopi , *omnem causam , quæ apud eos facta fue-*
rat Summo Pontifici aperuerunt . Quamobrem Cælestius
 Vocatus ad audientiam pleniorē , ut quæ promiserat , se-
 stinaret implere non solum non adfuit , sed etiam ex
 memorata Romana Urbe profugit , atque ob hoc a beatæ
 memoriæ prædicto Zosimo Episcopo scriptis amplissimis , &
 longissimis perdamnatus est “ . Hæc Marius Mercator . Hac
 autem de appellatione quamvis Hieronymus , Augustinus , &
 Grosius nullam mentionem faciant , de ea tamen facit Zosi-
 mus in epistola ad Aurelium , & Episcopos Africanos , in
 qua hæc leguntur (1) : “ Cælestius Presbyter nostro se inges-
 sit examini expetens ea , quæ de se Apostolicæ Sedi , aliter
 quam oportuit , essent inculcata , purgari . Et licet multæ
 occupationes maioribus vinculis Ecclesiasticorum negotio-
 rum curam nostram , sollicitudinemque distraherent ; ta-
 men ne Fraternitatis vestræ de adventu , & discussione præ-
 Tom. III. R r „ dicti ,

(1) Apud Constantium in *Collect. epist. Rom. Pont.* , epist. 2. Zosimi
 num. 2.

„ dicti , diutius penderet expectatio , posthabitis omnibus ,
 „ die cognitionis resedimus in S. Clementis Basilica : scilicet
 „ ut ad salutiferam castigationem tanti Sacerdotis auctoritas
 „ presenti cognitioni esset exemplo . Omnia igitur , quæ
 „ prius fuerant acta , discussimus . Intromisso Cælestio , li-
 „ bellum ejus , quem dederat , fecimus recitari . Nec hoc
 „ contenti , utrum hæc , quæ scripsisset , corde loqueretur ,
 „ an labiis , sæpenumero exploravimus “ . Post nonnulla ve-
 „ ro alia num. 6. superaddit , quæ ad evitandam fraudem requi-
 „ rebantur , in judicio Cælestii servata fuisse , atque ita con-
 „ cludit : “ Quare intra secundum mensem aut veniant , qui
 „ præsentem redarguunt aliter sentire , quam libellis , &
 „ professione contexuit ; aut nihil post hæc tam aperta , &
 „ manifesta , quæ protulit , dubii Sanctitatis vestra resedisse
 „ cognoscat “ . A Paulino , uti supra ex Mario Mercatore
 „ vidimus , Cælestius coram Patribus Carthaginensibus accusa-
 „ tus fuerat . Huic ergo ut Romam se conferret Zosimus indi-
 „ xit per Basiliscum Subdiaconum , cui gesta Apostolicæ Sedis
 „ deferenda Carthaginem commiserat (1) : “ Me , licet sermo-
 „ ne , (inquit Paulinus) Basiliscus Subdiaconus a tua Beati-
 „ tudine cum gestis Sedis Apostolicæ directis Carthaginem
 „ convenit quarto nonas Novembris die , ut adessem ad Apo-
 „ stolicam Sedem , & tuæ judicio Sanctitatis “ . Ex his autem ,
 „ ut alia nunc omittamus , quæ in hanc rem a nobis afferri
 „ possent , hæc sane constant : 1. Cælestium , plurimis Episco-
 „ pis judicantibus ; Carthagine accusatum de quinque capitu-
 „ lis , & condemnatum . 2. Hoc facto judicio , eundem Cæle-
 „ stium ad Summum Pontificem appellasse a judicio contra se la-
 „ to a Patribus Carthaginensibus . 3. Cælestium ob ea , quæ
 „ promiserat , accepisse a Zosimo epistolam benignitatis plenam
 „ ad Episcopos Afros . 4. Non minus Cælestium *se ingessisse exa-*
 „ *mini* Summi Pontificis , quam Summum Pontificem in causa
 „ illius egisse partes judicis , *discussisseque omnia , quæ prius fue-*
 „ *rant acta* , atque *ad suum judicium* vocasse eos , qui de Cælestio
 „ aliter sentirent , ac ipse constituerat . 5. Patres Africanos
 „ nullo

(1) Apud Constantium inter epist. Zosimi epist. 8. num. 4.

nullo modo conquestos fuisse, Zosimum Cælestii appellacionem receperisse, atque iudicasse de causa illius; immo vero audita Zosimi sententia, *omnem causam, qua apud eos facta fuerat*, ad eundem misisse, atque tunc a Zosimo sententiam latam ab Africanis Patribus fuisse confirmatam. Hæc autem omnia neminem dubitare sinunt, non minus Cælestium ad Sedem Apostolicam appellasse, & Sedem Apostolicam de causa Cælestii jam iudicata ab Africanis Patribus sententiam tulisse, quam Patres Africanos huiusmodi appellacioni, & sententiæ nullo modo obstitisse. Illud tantum nunc observandum superest, quod a S. Augustino præmonitum habemus *Cont. duas epist. Pelagianorum* num. 5. "Profecto quidquid interca
 „ lenius actum est cum Cælestio, servata dumtaxat anti-
 „ quissima, & robustissima fidei firmitate, correctionis fuit
 „ clementissima suasio, non approbatio exitiosissima pravita-
 „ tis. Et quod ab eodem postea Sacerdote Cælestius, & Pe-
 „ lagius repetita auctoritate damnati sunt, paululum inter-
 „ misse, jam necessario proferendæ ratio severitatis fuit,
 „ non prævaricatio prius cognitæ, vel nova cognitio ve-
 „ ritatis".

§. II. Dupinii commenta de hac appellacione refelluntur.

Putat ergo ipse *Dissert. 2. De Antiq. Ecclesia Disciplina*, appellacionem Cælestii nihili factam fuisse ab Africanis Patribus, quia iudicium illud, quod an. 412. simul congregati de Cælestio tulerant, an. 416. confirmarunt. Verum annus ignorat, Cælestium, semel facta appellacione, per multos annos ab ea destitisse, ac tandem post plurimum temporis apud Zosimum de illa egisse? "Qua mox idem ipse appella-
 „ tione neglecta, (inquit Marius Mercator in *Compendio*
 „ cap. 1.) Ephesum Asiæ urbem contendit, ibique ausus est
 „ per obreptionem locum presbyterii petere. Inde post ali-
 „ quot annos sub sanctæ memoriæ Attico urbem Constanti-
 „ nopolitanam petiit, ubi in similibus detectus, magno stu-
 „ dio sancti illius viri ex prædicta alma urbe detrusus est...
 „ Prædictus tamen Cælestius etiam hinc eiectus, ad urbem.
 „ Romanam sub sanctæ memoriæ Zosimo Episcopo tota festi-

„natione perrexerit“ ibique tunc suam causam, de qua Innocentii tempore appellaverat, apud Zosimum Pontificem egit. Quare mirandum non est, Africanos Patres anno 416. confirmasse illud iudicium, quod contra Cælestium an. 412. rulerant: Nam Zosimus anno 417. ad Summi Pontificatus apicem ascendit.

Illud quoque Dupinius frustra reponit, post prius Zosimi iudicium de Cælestio, Patres Africanos an. 417. Cælestii, & Pelagii errores iterum damnasse, & Paulinum Diaconum, jussu Zosimi Romam vocatum, sese conferre renuisse. Nam de hoc Concilio ita habet S. Prosper in *Chronico*: „Concilio apud Carthaginem habito ducentorum decem & septem, Episcoporum, ad Pontificem Zosimum Synodalia decreta prolata sunt: quibus probatis, Pelagiana hæresis per totum mundum damnata est“. In hac autem Synodo Patres, quod Innocentius decreverat, se amplecti professi fuerunt. Ita (inquit idem Prosper in lib. *Cont. Collatore* cap. 5.) ad Apostolicæ Sedis Antistitem B. Zosimum sunt loquuti: „*Constituimus in Pelagium, atque Cælestium per venerabilem Episcopum Innocentium Beatissimi Apostoli Petri Sede prolatam manere sententiam*“. Dicendum ergo est, tunc sane Patres Africanos hujusmodi iudicium contra Cælestium, & Pelagium tulisse, postquam, detecta fallacia illius, a Zosimo Papa scriptis amplissimis, & longissimis perdamatus fuit, quem admodum a Mario Mercatore traditum habemus (1). Ex quo etiam illud novimus, Patres Africanos, accepta epistola a Zosimo plena benignitatis erga Cælestium, omnem causam, quæ apud eos facta fuerat, illi exposuisse.

Paulinus vero Diaconus se quidem Romam non contulit; tamen non fuit, cur se conferret. Sicuti enim in epistola ad Zosimum (2) idem Paulinus habet, nihil tunc intererat, ut ipse ad urbem accederet: „Ubi tunc (inquit) nihil agere potui, quia is, qui ad Sedem Apostolicam provocaverat, defuit: quem oportuerat utrique merita
„suz

(1) Vide locum ejus præced. §. (2) Apud Constantinum in *Collect. epist. Rom. Pont.* epist. 8. num. 4. inter epistolas Zosimi.

„ suæ appellationis adstruere , maxime quum nihil agentur
 „ appellatore , secundum etiam humanas leges , superior
 „ est semper ille , qui vicit “ .

Habita ratione Africanæ Ecclesiæ , hæc quidem sufficere possent ad illud jus adstruendum , de quo nos modo contendimus , semel ac qui contra nos sentiunt , maximum præcipuumque suæ sententiæ fundamentum in consuetudine , & decretis Africanæ Ecclesiæ non réponerent . Quapropter quum Adversarii nostri appellationibus ad Sedem Apostolicam Africanos Patres restituisse propugnent , indeque colligant , verum esse , quod ipsi volunt ; ut quoad rem istam de Ecclesia Africana diligentius inquiramus , instituti nostri ratio potestular .

§. III. Appellationum Africanarum ad Romanam Sedem S. Augustinum testem locupletissimum habemus .

Plura sane loca ex Augustino in medium adducere possemus , quibus unicuique perspectum fieret , non solum eum in appellationes , quæ ex Africa ad Sedem Apostolicam fierent , omnino consensisse , sed suo etiam iudicio illas probasse . Verum , ne diutius , quam par est , in hac re immoremur , ea solummodo , quæ habet S. Doctor in epistola ad Cælestinum data (1) , nunc commemorabimus . Quum ergo quidam Antonius , qui ut Fussalensi Ecclesiæ præficeretur , idem Augustinus curaverat , non pastoris , sed oppressoris partes ageret , cum Fussalenses ad Synodum provinciæ accusarunt de variis criminibus . Instituto itaque a Patribus de illius agendi ratione iudicio , decreverunt , ut potestas illius minueretur , & circumscriberetur , atque subtraherentur a iurisdictione ejus , uti ait Augustinus in citata epistola num. 4. *qui de intolerabili ejus dominatione , de rapinis , & diversis oppressionibus cum veritate conquesti fuerant* . At Antonius latam contra se sententiam canonibus contrariam esse clamavit , appellavitque ab ea ad Bonifacium Summum Pontificem , a quo quidem ut facilius , quod volebat , consequeretur , se apud eum a Numidiæ Primatæ commendari curavit . Ut Antonio

(1) Epist. 109. , alias 161.

tonio suæ Ecclesiæ administratio restitueretur, si tamen illi *ordinem rerum Apostolica Sedi fideliter* recensuisset, Bonifacius decrevit (1). Ex hac vita Bonifacius decessit, antequam sententia ejus executioni mandaretur. Ad Cælestinum ergo Bonifacii successorem tunc Antonius suam appellationem detulit. Hoc audito, Africani Patres, qui sententiam in Antonium tulerant, sua *Gesta* ad Cælestinum miserunt, atque hæc nomine omnium ad eum Augustinus scripsit (2): “ Col-
 „ labora, obsecro, nobiscum, pietate venerabilis Domine
 „ Beatissime, & debita charitate, venerande Sancte Papa,
 „ & jube tibi, quæ directæ sunt, omnia recitari. Vide Epi-
 „ scopatum qualiter gesserit: quemadmodum judicio nostro
 „ usque adeo consenserit, communione privatus, nisi prius
 „ / Fussalensibus omnia redderentur, jam postea ut re acta,
 „ æstimatis rebus, solidos seposuerit, ut ei communio red-
 „ deretur: quam versuta suasionem sanctum senem Primatem
 „ nostrum, gravissimum virum, ut ei cuncta crederet, quem
 „ veluti omni modo inculpatum venerando Papæ Bonifacio
 „ commendaret, induxerit: & cetera, quæ a me quid opus
 „ est recoli, quum memoratus venerabilis senex ad tuam san-
 „ ctionem universa retulerit “. Nam Africæ Primas, qui
 antea Antonium Bonifacio commendaverat, detecta fraude, Cælestino cuncta retulit, ne forte ab Antonio sibi illud pateretur (3). Illud quoque deinde Augustinus Cælestino significat (4), quod “ Judicia illis, (hoc est Fussalensibus) &
 „ publicas potestates, & militares impetus, tamquam ex-
 „ sequuturos Apostolicæ Sedis sententiam sive ipse, (An-
 „ tonius) sive rumores celeberrimi comminantur, ut mi-
 „ seri homines Christiani Catholici graviora formident a
 „ Catholico Episcopo, quam, quum essent hæretici, a
 „ Catholicorum Imperatorum legibus formidabant “. Qua-
 propter Cælestinum rogat, atque obsecrat, ne Antonium
 opponentem Ecclesiæ administrationem sibi circumscribi non
 potuisse, semel ac Episcopus illius esse persisteret, ullo mo-
 do

(1) Cit. epist. num. 9. (2) Cit. epist. num. 6. (3) Ibidem.

(4) Cit. epist. num. 9.

do audiat (1): " In illis autem (inquit) multiplicibus
 Gestis, quibus de illo nostrum iudicium continetur, ma-
 gis deberem vereri, ne tibi minus severe, quam oportere-
 ret, judicasse videamur, nisi scirem vos tam propensos ad
 misericordiam, ut non solum nobis, quia illi pepercimus,
 verum etiam ipsi existimetis esse parcendum. Sed ille,
 quod a nobis aut benigne, aut remisse factum est, in præ-
 scriptionem vertere, atque usurpare conatur. Clamat:
aut in mea cathedra sedere debui, aut Episcopus esse non debui.
 Propter hoc enim loca illa eidem dimissa, atque permissa
 sunt, in quibus & prius Episcopus erat, ne in alienam
 cathedram contra statuta Patrum translatus illicite dicere-
 tur. Aut vero quisquam ita debet esse sive severitatis, si-
 ve lenitatis exactor, ut qui non visi fuerint Episcopatus
 honore privandi, nullo modo in eis aliquid vindicetur;
 aut in quibus aliquid visum fuerit vindicandum, Episco-
 patus honore priventur ". Hujus rei exempla Augustinus
 deinde profert (1): " Existunt exempla, ipsa Sede Apostoli-
 ca judicante, vel aliorum judicata firmante, quosdam
 pro culpis quibusdam, nec Episcopali spoliatos honore,
 nec relictos omnimode impunitos. Quæ ut a nostris tem-
 poribus remotissima non requiram, recentia memorabo.
 Clamet Priscus provinciæ Cæsariensis Episcopus: aut ad
 Primatum locus, sicut ceteris, & mihi patere debuit, aut
 Episcopatus mihi remanere non debuit. Clamet alius ejus-
 dem provinciæ Victor Episcopus, cui relicto in eadem pœ-
 na, nusquam nisi in diœcesi ejus ab aliquo communicatur
 Episcopo: clamet, inquam: aut ubique communicare
 debui, aut etiam in meis locis communicare non debui.
 Clamet tertius ejusdem provinciæ Laurentius Episcopus,
 & prorsus hujus vocibus clamet: aut in cathedra, cui or-
 dinatus sum, sedere debui, aut Episcopus esse non debui.
 Sed quis ista vituperat, nisi qui parum attendit, nec inul-
 ta omnia relinquenda, nec uno modo omnia vindicanda? "
 Rem nostram modo attingamus. A iudicio in Africa contra
 se

(1) Cit. epist. num. 7. (2) Cit. epist. num. 8.

se lato ad Sedem Romanam Antonius appellavit, atque Bonifacius, qui tunc Romanæ Sedi præerat, decrevit, ut quæ illi ablata fuerat, Ecclesiæ administratio restitueretur, semel ac, prout sibi expositum fuerat, rei veritas sese haberet; & tamen Augustinus, & cum eo Patres, qui de Antonio sententiam tulerant, nihil contra opponunt, quamvis Bonifacii judicium suæ sententiæ contrarium sit; & tamen Africæ Primas suis eam commendationibus apud Bonifacium adjuvat. Solum ergo tum Augustinus, atque cum eo ceteri Patres, tum etiam Africæ Primas illud curant, ne Cælestinus fallacis, atque malis artibus Antonii in errorem se duci finat; ceterum quemadmodum appellationi factæ ad Bonifacium antea consenserant; ita huic alteri acquiescunt, quam postea Antonius ad Cælestinum detulit. Nam *hic venerabilis senex*, sicuti inquit Augustinus ad Summi Pontificis *sanctimoniam universa retulit*. Augustinus autem una cum aliis Episcopis, qui de Antonio sententiam tulerant, *multiplicia Gesta, quibus errorum judicium continebatur* (1), ad Cælestinum transiiferunt. His accedit, peractum de Antonio judicium ab Africanis Patribus Cælestini sententiæ Augustinum supponere, dum se vereri dicit, ne ei minus severe judicasse viderentur, quam oporteret. Tandem quod contra Antonium ab Africanis Patribus statutum erat, se confirmare posse Augustinus dicit pluribus exemplis, quæ quidem non alibi, quam in Africa occurrerant, *ipsa Sede Apostolica judicante, vel aliorum judicata confirmante*. Cui ista non sufficiunt, ut in eam persuasionem veniat, ab Africanis judiciis ad Sedem Apostolicam appellatum fuisse, & quidem probante etiam S. Augustino una cum aliis Episcopis, probante quoque *gravissimo, & sanctissimo senex* (2) Africæ Primate, non video sane, quid sufficere tandem possit.

§. IV. Contentiones, quæ de jure appellationum excitatæ fuerunt in Ecclesia Africana sub Zosimo, Bonifacio, atque Cælestino, nullo adjumento esse possunt Adversariis nostris.

Quæ

(1) Cit. epist. num. 7. (2) Augustinus in cit. epist. num. 3.

Quæ hac de re sub Zosimo gesta fuerunt ; nostram sententiam confirmant . Nam est jam ostensum a nobis (1), Cælestium a iudicio Patrum Africanorum appellasse , suumque huiusmodi appellationem effectum habuisse . Ad eundem Zosimum appellavit etiam Apiarius Presbyter a iudicio excommunicationis , quod Urbanus Episcopus Siccensis contra eum tulerat , Zosimusque in suam communionem eum recepit . Gravis inde orta in Africana Ecclesia contentio fuit , ex eo quod Zosimus contra canones egisse videretur . Verum Pontifex tres in Africam Legatos misit , Faustinum Potentinæ Ecclesiæ Episcopum , Philippum , & Asellum Presbyteros , qui curarent , ut Apiarius ab Africanis in sui communionem reciperetur . Hi ergo Carthaginem profecti Zosimi *Commonitorium* secum detulerunt , quod coram 217. Patribus Carthagine congregatis lectum fuit . Quatuor autem mandata eo in *Commonitorio* continebantur , sicuti ex epistola Patrum Carthaginensium ad Bonifacium data perspectum habemus (2) :

„ Unum de appellationibus Episcoporum ad Romanæ Eccle-
 „ siæ Sacerdotem : alterum ne ad comitatum Episcopi impor-
 „ tune navigent : tertium de tractandis Presbyterorum , &
 „ Diaconorum causis apud finitimos Episcopos , si a suis ex-
 „ communicati perperam fuerint : quartum de Urbano Epi-
 „ scopo excommunicando , vel etiam Romam vocando , nisi
 „ ea , quæ videbantur corrigenda , corrigeret “ . Quid ad
 hæc Patres Carthaginenses ? Ipsi per se in citata epistola de-
 clarant , quam ad Bonifacium , mortuo Zosimo , dederunt :
 „ Quoniam Domino placuit , (inquiunt) ut de his , quæ no-
 „ biscum egerunt sancti fratres nostri , Coepiscopus Fausti-
 „ nus , & Compresbyter Philippus , & Asellus , non beatæ
 „ memoriæ Episcopo Zosimo , a quo ad nos mandata , & lit-
 „ teras attulerunt , sed tuæ venerationi , qui es divinitus
 „ constitutus , humilitas nostra rescriberet , ea breviter insi-
 „ nuare debemus , quæ utrorumque concordia terminata
 „ sunt , non ea , quæ prolixis gestorum voluminibus conti-

Tom. III.

S s

„ nen-

(1) Hujus cap. 5.1. (2) Vide Codicem Canonum Ecclesiæ Africa-
 næ cap. 134. Tom. 1. Concil. edit. Harduini colum. 939.

„ nentur , in quibus , salva quidem charitate , non tamen
 „ sine parvo altercationis demorati sumus , ea gestis delibe-
 „ rantes , quæ nunc ad causam pertinent Apiarius Pre-
 „ sbyter , de cujus ordinatione , & excommunicatione fue-
 „ rat exortum non solum Siccensi , verum etiam toti Africa-
 „ næ Ecclesiæ non leve scandalum , de omnibus erratis suis
 „ veniam petens , communioni est restitutus . Prior autem
 „ Coepiscopus noster Siccensis Urbanus , quod in eo corri-
 „ gendum visum est , sine ulla dubitatione correxit . Quia
 „ vero paci , & quieti Ecclesiæ non tantum in præsens , sed
 „ etiam in posterum prospiciendum fuit , quoniam talia mul-
 „ ta præcesserant , ut vel similia , vel etiam graviora dein-
 „ cept præcaveri oporteret ; placuit nobis , ut de Siccensi Ec-
 „ clesia , retento scilicet gradu honoris sui , Presbyter remo-
 „ veretur Apiarius , & accepto epistolio , ubicumque alibi
 „ veller , & posset , Presbyteri munere fungeretur “ . Hic
 „ parumper sistamus ; reliqua , quæ in eadem epistola habent
 Patres Carthagenenses , deinde expendemus . 1. Zosimus ,
 prout etiam in causa Cælestii sese gesserat , ad se factam ab
 Apiario Presbytero appellationem suscepit , illumque in pri-
 stinum gradum restituit . 2. Mandavit Urbanum Episcopum
 excommunicandum , vel etiam Romam vocandum , nisi Apa-
 rium in communionem reciperet . 3. Tres Legatos in Afri-
 cam direxit , ut ab Africanis idem Apiarius suæ dignitati re-
 stitueretur . 4. Patres una simul numero 117. Carthagem
 conveniunt , atque etiam cum iis Apostolicæ Sedis Legatis con-
 fidentibus , *utrorumque concordia* decernunt communioni Apa-
 rium restituendum esse , atque de hac sua sententia Bonifa-
 cium certiorum faciunt . Ceterum neque conqueruntur , Zo-
 simum edixisse , Urbanum aut excommunicandum , aut Ro-
 mam vocandum , nisi Aparium in communionem reciperet ,
 neque aliquo modo renuunt suscipere Legatos , qui in illa
 causa , de qua in Africa judicium latum erat , ad se missi fue-
 rant ; quin immo non renuunt , ut illi una secum in judicio
 sedeant . Hac vero omnia demonstrant , ex contentionibus ,
 quæ sub Zosimo in Africana Ecclesia excitatæ fuerunt , non

evin-

evinci, Patres Africanos sibi persuasum habuisse, a suo iudicio ad Sedem Apostolicam appellari non posse.

Antequam autem ulterius hac in re pergamus, videamusque, quomodo Africani Patres, hoc est, Concilii VI. Carthaginensis, Bonifacio sese opposuerint, est illud præmonendum a nobis, Canones Sardicenses Africanis Patribus omnino incognitos hoc tempore fuisse, nullumque eos codicem habuisse, in quo illi reperirentur. Id sane incredibile cuipiam fortasse videri poterit, quum non solum *Gratus* Africanæ Ecclesiæ Archiepiscopus, sed etiam plures alii Africani Episcopi huic Synodo interfuerint (1), cunctaque Synodalia acta, & potissimum Canones secum detulisse, quam valde probabile sit, atque Hosius præses Concilii Sardicensis Afris valde familiaris fuerit, ideoque quin illud Afris multum commendaverit, nullo modo dubitari posse videatur. Tamen aperta confessione eorumdem Patrum omnino compertum habemus, eos in ignoratione huiusmodi Canonum fuisse versatos. Nam in citata epistola ad Bonifacium aperte affirmant, in nullo codice Nicæni Concilii se adinvenire potuisse illos Canones, quos Zosimus in *Commonitorio* incluserat ad vindicandum jus appellationum ad Sedem Apostolicam (2): „Quamvis enim (inquiunt) plures codices legerimus, sed „nusquam in Nicæno Concilio, in Latinis codicibus legimus, quemadmodum in supradicto *Commonitorio* indicata sunt. Tamen quia hic in nullo codice græco potuimus invenire, ex Orientalibus Ecclesiis, ubi perhibentur eadem decreta posse etiam authentica reperiri; magis nobis desideramus asferri. Pro qua re tuam quoque venerationem obsecramus, ut scribere etiam ipse digneris ad illarum partium Sacerdotes, hoc est, Ecclesiæ Antiochenæ, Alexandrinæ, & Constantinopolitanæ, & si aliis etiam placuerit tuæ Sanctitati, ut inde ad nos iidem Canones apud Nicæam Civitatem a Patribus constituti veniant; te potissimum hoc beneficium cunctis Occidentibus Ecclesiis in Domino conferente “.

S s 2

Hoc

(1) Vide hujus lib. c. 3. §. 1. (2) To. I. Conc. edit. Hard. col. 939.

Hoc semel præmisso, sciendum est, Patres Africanos; quemadmodum in hac eadem epistola traditur ab eis, a Faustino Episcopo, Philippo, & Asello Presbyteris, legatis Apostolicæ Sedis quæsisisse, *quod in litteris ferrent*, atque tunc legatos protulisse eis Zosimi *Commonitorium*, in quo ad vindicandum jus appellationum Apostolicæ Sedi, Canones Sardicenses descripti habebantur, quos tamen Zosimus citaverat sub nomine Nicænorum (1). Hos ergo Canones quum ignorarent Africani Patres, iisque tantum Zosimus insistere; illorum, quæ in iisdem continebantur, habita ratione; dixerunt, sicuti habetur in citata epistola ad Bonifacium: „ Nullo modo nos talia, qualia commemorare jam nolumus, „ tolerare cogemur: sed credimus, adjuvante misericordia „ Domini Dei nostri, quod tua Sanctitate Romanæ Ecclesiæ „ præsidente non sumus jam istum typhum passuri. Et servabuntur erga nos, quæ, nobis etiam non differentibus, „ custodiri debeant cum fraterna charitate . . . si forte aliter „ se habent Canones Concilii Nicæni “. His autem Africani Patres omnino sese opponere videntur juri appellationum ad Sedem Apostolicam; tamen si rem ipsam penitus inspiciamus, ita non est. Zosimus pro fundamento suæ assertionis ponebat Canones Sardicenses, qui apud Africanos incogniti erant: quapropter isti, quæ in hujusmodi Canonibus continebantur, sese pati non posse aiebant: superaddiderunt tamen: *si forte aliter se habent Canones Concilii Nicæni*, hoc est, si Canones Nicæni Concilii aliter haberent, ac Zosimus in suo Commonitorio eos retulerat. Quapropter eo intervallo temporis, quo Canones Sardicenses apud Antiochenam, Alexandrinam, & Constantinopolitanam Ecclesiam quærendi erant, se servaturos dixerunt, quod in illis continebatur: „ Quod donec fiat (inquiunt in eadem epistola) „ hæc, quæ in Commonitorio prædicto nobis allegata sunt, „ de appellationibus Episcoporum ad Romanæ Ecclesiæ Sacerdotem, & de Clericorum causis apud suarum Provinciarum Episcopis terminandis, nos usque ad probationem „ serva-

(1) Hujus lib. cap. 4. §. 1.

„servaturos esse profitemur, & Beatitudinem tuam ad hoc
 „nos adiuturam, in Dei voluntate confidimus“. Hac lo-
 quendi ratione Africani Patres, se quidem non omnino per-
 suasos esse demonstrant de jure appellationum ad Sedem Apo-
 stolicam; verumtamen & se servaturos profitentur, quæ in
Commonitorio ex Canonibus Sardicensibus sibi præscripta
 habebantur, & huic juri se acquieturos, semel ac de illo sibi
 perspectum foret ex Canonibus Sardicensibus. Quapropter
 huic eos juri absolute repugnasse, dici non potest; quin im-
 mo si ad eam rationem attendamus, qua se cum Apiario ges-
 serunt, sicuti modo animadvertimus, quæ exigit hujusmodi
 jus servasse comperiemus, ac propterea de eo saltem aliqua
 ratione sibi certum fuisse.

Quemadmodum autem Constantius monet, (1) „Satis
 „illi (Zosimo) erat, Afris, qui in Carthaginensi II. Con-
 „cilio Can. 10. profitentur, atque Codice Canonum Eccle-
 „siæ Africanæ c. 13. repetunt: a nobis *Veterum statuta serva-
 „ri debere*, Sardicensis Synodi proponere auctoritatem, ne-
 „que ipsi metuendum erat, ne decreta respuerent, quæ
 „Primates suum (adde ex Athanasio & 35. alios Episcopos
 „Africanos) vel præsentia, vel subscriptione comprobare
 „didicisset. Tantum ea de causa decretis illis, quæ Zosimus
 „Nicæna appellaret, concedere non posse epistola 2. ad Cæ-
 „lestinum num. 4. scribunt, quia, inquit, in nulla *inve-
 „nimus Patrum Synodo scriptum*. Si hoc tam gravi in Synodo
 „constitutum reperissent, eos statim Zosimi voluntati obse-
 „quuturos fuisse, quis dubitet“?

Nunc Africanorum Patrum agendi rationem expendamus,
 quam hac in re sub Cælestino tenuerunt. Apiarius ergo
 ille, quem Patres in sui communionem receperant, ob
 nova crimina a suo Episcopo depositus fuit: is vero sententiæ
 contra se latæ non acquiescens, sicuti antea in priori condem-
 natione ad Zosimum; ita in hac altera ad Cælestinum appel-
 lavit. Cælestinus & in suum locum Apiarium restituit, &
 Faustinum Legatum pro executione sui decreti in Africam
 misit.

(1) Tom. 1. *Collect. epist. Rem. an. Pont. Adnot. d. ad epist. 15. Zosimi.*

misit. Congregato itaque Africano Concilio, nihil Faustinus non egit, ut Apiario tum communio, tum pristinus gradus dignitatis restitueretur. Verum frustra. Quum enim Synodus de causa Apiarii iudicium instituisset, ex propria tandem ipsius Apiarii confessione, multis eum criminibus obnoxium esse comperit, quemadmodum Patres in sua ad Cælestinum epistola retulerunt (1): "Adveniente sane (inquiunt) ad nos
 „ sancto fratre, & Coepiscopo nostro Faustino, Concilium,
 „ congregavimus, & credidimus ideo cum illo missum,
 „ (Apiarium) quoniam sicut per ejus operam Presbyterio
 „ antea redditus fuerat; ita nunc posset de tantis criminibus
 „ a Trabacenis objectis, eo laborante, purgari". Narrant deinde, quæ in *triduano laboriosissimo agitato iudicio* sibi contigerint, ac tandem de confessione criminum ab eodem Apiario facta ita habent: "Tetriore quippe, ac putidiore obsti-
 „ natione compressa, qua tantum libidinum coenum impu-
 „ dentia negationis volebat obruere, Deo nostro ejus con-
 „ scientiam coarctante, & occulta, quæ in illius corde, tam-
 „ quam in volutabro criminum jam damnabat, etiam homi-
 „ nibus publicante, repente in confessionem multorum ob-
 „ jectorum flagitiorum dolosus negator erupit; ac tandem
 „ de omnibus incredibilibus opprobriis ultroneus se ipse con-
 „ vicit". Hanc epistolam ad Cælestinum ejus Concilii Patres dederunt, quod Africanum vulgo dicitur: diversorum autem præcedentium Conciliorum, quæ in Africa habita fuerant, quædam compilatio in eo facta fuit, iterumque in 105. titulis statuuntur, quæ in præcedentibus Carthaginensibus Conciliis, Milevitano, Hipponensibus, & aliis, jam decreta fuerant. Post ea vero, quibus Cælestinum de Apiarii sceleribus, & eorundem confessione ab ipso facta certiores faciunt, multa sane habent, quibus jus appellationum ad Apostolicam Sedem omnino sustulisse videntur: 1. Pontificem rogant, *impendio deprecamur*, inquiunt, ne ad suam communionem admitrat illos, quos ipsi communionem privarent: 2. Decretum Nicæni Concilii, quo canone 5. statutum est, *ut hi, qui abji-*
 cium-

(1) Tom. I. Concil. edit. Harduini colum. 947.

siuntur, ab aliis non recipiantur, in medium proferunt, atque illud etiam ad Episcopos extendendum esse tradunt: 3. Nicæna decreta commisisse iudicio Metropolitanorum causas tam inferiorum Clericorum, quam Episcoporum, & quoad *improba refugia* Clericorum Ecclesiæ Africanæ nulla definitione derogatum esse: 4. Quæcumque negotia eo loci definienda esse, in quo suam originem habuerunt, Patres Nicænos sapientissime prospexisse, neque existimandum, unicuique provinciæ gratiam Spiritus Sancti defuturam: 5. Iudicio transmarino testes, qui requiruntur, facile adesse non posse: nulla autem definitione Patrum constitutum esse, ut ad iudicia exercenda Legati ab urbe in Africam mitterentur, quoniam in nullis Nicænis codicibus, atque etiam in iis, quos sibi Cyrillus Alexandrinus, & Atticus Constantinopolitanus transmisserat, repererant eos canones Nicæni Concilii, quos Faustinus Episcopus in *Commonitorio* Zosimi sibi antea legerat: 6. Cælestinum rogant, ut ad se non mittat suos *Clericos exequutores*, ne seculi mos in Ecclesiam introducatur.

Ad hæc Patres in supradicto Africano Concilio congregati hunc canonem ediderunt, anno 416. in II. Milevitano Concilio cap. 20. antea promulgatum, qui in codice canonum Ecclesiæ Africanæ sub num. 125. habetur (1): “Item, placuit, ut Presbyteri, Diaconi, & ceteri inferiores Clerici in causis, quas habuerint, si de iudiciis suorum Episcoporum questi fuerint, vicini Episcopi eos audiant; & inter eos quidquid est, finiant adhibiti ab eis ex consensu Episcoporum suorum. Quod si ab eis provocandum putaverint, non provocent nisi ad Africana Concilia, vel ad Primates provinciarum suarum. Ad transmarina autem, qui putaverit appellandum, a nullo intra Africam in communionem suscipiatur”.

Sunt qui putant (2), ex his omnibus non illud quidem colligi posse, Patres Africanos iuri appellationum sese opposuisse, sed illi solummodo rationi, qua ex nimis facile, quam

par

(1) Cit. tomo Concil. colum. 934. (2) Vide Natalem ab Alexandro in Hist. Ecclesiast. sec. 4. Dissert. 18. quæst. unica prop. 3.

par erat, recipiebantur, quamvis factæ non ab Episcopis, sed etiam a simplicibus Presbyteris. Id vero colligunt ex his verbis, quæ in præcitata epistola leguntur: "Ne in sua provincia communione suspensi a tua Sacritate vel festinato, vel præpropere, vel indebite videantur communioni restitui". Hæc quidem tantum si haberentur; eandem & nos quoque opinionem amplecteremur: verum ab ea nos averunt alia sane multa, de quibus usque modo mentionem fecimus. Dicimus ergo, Patres Africanos errore facti deceptos aliquandiu ipsi juri appellationum ad Sedem Apostolicam obstitisse, statim tamen postea illud admisisse, facti errore detecto. Zosimus in suo Commonitorio jus appellationis in canonicis Sardicensibus, citatis sub nomine Nicænorum, prout tunc fieri consueverat (1), reposuerat. Patres Africani quum in suo codice Nicænorum canonum non adinvenissent illos, quorum auctoritate Zosimus utebatur, se eosdem servaturos professi fuerunt, quoad usque de iis quaesivissent ab Antiochena, Alexandrina, atque Constantinopolitana Ecclesia. Eo intervallo temporis, quod inter primam, & alteram Apiarii appellationem intercessit, Nicænos canones a S. Cyrillo Alexandrinæ Ecclesiæ Episcopo, & ab Artico Constantinopolitano Antistite receperunt, in quibus ii canones non continebantur, quos Zosimus ad adstruendum jus appellationum in medium protulerat (2). Quare illud jus impugnare instituerunt, arbitantes quidem non esse jus, sed injuriam, eo vel maxime, quia non solum Episcoporum, sed etiam simplicium Presbyterorum appellationes Romanus Pontifex susciperet, atque judicaret. Contra appellationes inde etiam valde commoti fuerunt, quia ex Apiarii manifesta confessione noverunt, eum Summo Pontifici in sua appellatione illulisse. Hinc mirandum non est, si ex Concilio Nicæno id collegerunt, quod nullo modo colligi poterat. Quod antequam ostendamus, duo præmonenda esse censemus: 1. Faustinum Legatum Apostolicæ Sedis una cum Africanis Patribus in causa Apiarii judicem-

fuisse:

(1) Hujus lib. cap. 4. §. 1. (2) Vide cit. epist. ad Celestinum.

sedisse (1) : 2. Africanos Patres *impedio deprecatos fuisse* Cælestinum, ne ad suam communionem illos admitteret, quos sua ipsi communione privassent. Hæc vero duo ostendunt, Africanos Patres, dum juri appellationum obstiterunt, simul etiam illud tum facto, tum dicto saltem aliquo modo agnovisse, sicuti contingere solet iis, qui contra conscientiam aliquid negant. Nam deprecatio si proprie accipiat, non super ea cadit; quæ secundum jura ab alio petuntur: Faustianus autem ut in causa Apiarii judex federet, nulla alia ratione Africani Patres pati potuere, nisi quia in ea Summi Pontificis legatione fungebatur.

Ita ergo se habet canon 5. Nicæni Concilii (2), cujus auctoritatem Africani Patres Cælestino opposuerunt: “De his, qui communione privantur seu ex Clero, seu ex Laico ordine, ab Episcopis per unamquamque provinciam, sententia regularis obtineat; ut hi, qui abiciuntur, ab aliis non recipiantur. Requiratur autem, ne pusillanimitate, aut contentione, aut alio quolibet Episcopi vitio, videantur a congregatione seclusi. Ut hoc ergo decentius inquiretur, bene placuit annis singulis per unamquamque Provinciam bis in anno Concilia celebrari, ut communiter omnibus simul Episcopis Provinciæ congregatis, discutiantur hujusmodi quæstiones; & sic qui suo peccaverint evidenter Episcopo, excommunicati rationabiliter ab omnibus æstimentur, usquequo vel in communi, vel Episcopo placeat, humaniorem pro talibus ferre sententiam.” Tota vis hujus Canonis in eo sane posita est, ut qui ab uno Episcopo excommunicatus fuerit, ab altero Episcopo ejusdem Provinciæ tamen, ac ille prior, ad communionem recipi non possit; ac propterea definitio Patrum Nicænorum unamquamque Provinciam singulatim acceptam respicit, ita ut solummodo voluerint; Clericum, vel laicum, qui esset a suo Episcopo communione privatus, ab altero ejusdem Provinciæ Episcopo ad communionem recipi non posse. Nam

Tom. III.

T t

per

(1) Vide initium cit. epist. (2) Tom. I. Concil. edit. Harduini colum. 323.

per unamquamque Provinciam, non vero in omnibus Provinciis, sententia regularis, decernunt, ut obtineat. Singulæ ergo Provinciæ a Nicænis Patribus divisim, non vero una simul accipiuntur. Id autem ex secunda parte Canonis magis magisque confirmatur. Nam in ea decernitur, rem in Provinciali Concilio expendendam esse, si dubium fuerit, utrum Clericus, vel laicus sui Episcopi pusillanimitate, aut contentione, vel alio quolibet vitio, a communione exclusus fuerit. Quod si in Concilio constiterit, Clericum, vel laicum contra suum Episcopum revera peccasse; tunc sane decernitur, ut *excommunicati ab omnibus rationabiliter æstimentur*, ab omnibus, inquam, qui ad illam Provinciam spectarent, quia provincialia decreta vim præcepti absolute habent in illa Provincia, in qua feruntur, quamvis de iis agatur, quæ ad disciplinam spectant. Unde illud quoque statuitur, ut Clericus, vel laicus, quos contra suum Episcopum peccasse, in Concilio Provinciali constiterit, sicuti excommunicati ab omnibus rationabiliter æstimentur, *usquequo vel in communi, vel Episcopo placeat humaniorem pro talibus ferre sententiam*. Nominè vero omnium hæc non intelliguntur omnium Provinciarum Præsules, sed illius singillatim Provinciæ, in qua Synodus habita fuerit. Totus ergo Nicænus Canon singulos cujuslibet Provinciæ Episcopos respicit, atque per eum eisdem interdicatur, ne ad suam communionem illum recipiant, quem alter ejusdem Provinciæ Episcopus excommunicaverit, sed, si necesse sit, de eo ulterius judicium institui decernitur in Synodo Provinciali, & hujus Concilii definitioni standum esse ab omnibus, qui ad eam Provinciam spectant.

De interpretatione Africanorum Patrum nunc videamus. Hi sane quod est in Nicæno Canone constitutum pro singulis Episcopis uniuscujusque Provinciæ, referunt non solum ad omnes Episcopos quarumlibet Provinciarum, sed etiam ad Supremum totius Ecclesiæ Præsulem, eoque & huic quoque facultatem ablatam volunt sententiam ferendi de iis, quæ in Africa judicata fuerint. Deinde quod in Nicæno Canone pro laicis, & Clericis constitutum est, etiam ad Episcopos

pos extendunt. Nam in sæpe citata epistola inquirunt: "De-
 ,, creta Nicæna sive inferioris ordinis Clericos, sive ipsos
 ,, Episcopos suis Metropolitanis commiserunt". Nicæni au-
 tem Patres non sanxerunt, *quæcumque negotia in suis locis,
 ubi orta sunt, finienda*, quemadmodum volunt Africani Præ-
 sules, sed solummodo ab omnibus cujuslibet Provinciæ Epi-
 scopis standum esse definitioni sui Concilii Provincialis: de
 altero autem judicio, quod fieri non possit neque a Concilio
 Œcumenico, neque a Summo Pontifice, nullam mentionem
 habent: immo illud nullo modo sese excludere, aperte in-
 nuunt, quia definitio eorum cujuslibet singularis Provinciæ
 Præsules respicit. Non existimandum autem, unicuique Pro-
 vinciæ gratiam Spiritus Sancti defuturam, etiam nos con-
 cedimus; verum anne inde fit, ut judiciorum ordo, quo ea
 ab inferioribus tribunalibus ad superiora deferuntur, per-
 verti debeat? Nimis multa in Ecclesiastica historia exempla
 occurrunt, quibus contigisse comperimus, ut quæ etiam pri-
 mis Ecclesiæ temporibus in Synodis Provincialibus judicata
 fuerant, in Œcumenicis iterum judicarentur. In judicio au-
 tem transmarino facile adesse testes non possunt; verum huic
 incommodo per authentica scripta aliunde prospicitur, ne-
 que propter illud superiorum tribunalium potestati, atque
 auctoritati unquam derogatum fuisse legimus. Nulla tandem
 definitione Patrum constitutum esse, ut a Sede Apostolica
 Legati in Africam mitterentur ad ea judicia discutienda, de
 quibus ad illam provocatum fuerat, Africani Patres cum ve-
 ritate affirmare poterant, quia quum Canones Sardicenses
 neque apud se haberent, neque a Cyrillo Alexandrino, ne-
 que ab Attico Constantinopolitano eos recepissent, putabant,
 hujusmodi Canones editos non fuisse. Propter talem igno-
 rationem tamen non fiebat, ut non injuste quererentur.
 Ex eo quod autem Africani Patres ultimo Cælestinum rogent,
 ne Clericos exequutores in Africam mittat, id sane confir-
 matur, quod nos supra præmonuimus, antequam de Cano-
 ne 5. Concilii Nicæni loqueremur.

Nunc vero de eo Canone, quod in Codice Ecclesiæ

Africanæ sub num. 125. legitur. Est ergo animadvertendum; in eodem Codice Can. 15. tum quoad Episcopos, tum quoad Presbyteros, Diaconos, & Clericos statutum esse, ut ad secularia tribunalia non audeant recurrere tam in iis causis, quæ civiles, quam in aliis, quæ criminales appellari consueverunt. Postea vero ita statuitur (1). "Hoc etiam placuit, ut a quibuscumque Judicibus Ecclesiasticis ad alios Judices Ecclesiasticos, ubi est major auctoritas, fuerit provocatum; non eis obstit, quorum fuerit soluta sententia, si convinci non potuerint, vel inimico animo judicasse, vel aliqua cupiditate, aut gratia depravati". Hic Canon desumptus est ex Concilio Carthaginensi III. Can. 10. (2) Item in codice Ecclesiæ Africanæ Can. 105. ita statutum legitur (3): "Qui cumque autem non communicans in Africa, in transmarinis ad communicandum obreperit, jacturam clericatus excipiat". Hic quoque Canon desumptus est ex Concilio Milevitano Can. 18. (4) "Quum obreptum (sicut Natalis ab Alexandro in *Hist. Ecclesiast.* sec. 4. Dissert. 28. quæst. unica prop. 3. recte monet) ex Ulpiano idem sit, quod mendacio, & dolo impetratum: hujus Canonis genuinus sensus est: si quis excommunicatus in Africa mendaciis, & dolis impetraverit communionem a Romana Sede, Clericatu privetur. Verum eos non percellit Canon iste, qui legitimæ appellationis suffragio ad Sedem Apostolicam confugerit". Et re quidem vera qua tandem ratione eos percellere potest, si Canone 15. decretum legitur, ut non obesset eis, qui judicium tulissent, dum tamen convinci non possent judicasse, vel inimico animo, vel aliqua cupiditate, aut gratia depravatos, non obesset, inquam, quando a quibuscumque Judicibus Ecclesiasticis ad alios Judices Ecclesiasticos, ubi est major auctoritas, fuerit provocatum? At Can. 105. a Patribus ita absolute pronuntiatur: "Ad transmarinam autem qui putaverit appellandum, a nullo intra-

,, Afri-

(1) Tom. 1. Concil. edit. Harduinii colum. 874. (2) Cit. tomò colum. 962. (3) Eodem tomò colum. 923. (4) Eodem tomò colum. 1220.

„ Africam in communionem suscipiatur “. Verum si hoc ita se habet, quomodo a quibuscumque Judicibus Ecclesiasticis ad alios Judices Ecclesiasticos, ubi est major auctoritas provocari potest? quomodo statutum tantum de iis, qui in transmarinis ad communicandum obreperint, ut iacturam Clericatus accipiant? Ne ergo Patres, quæ inter se pugnant, simul constitui dicamus, illa ultima verba Canonis ita legenda arbitramur: „ Ut Clerici, qui ad transmarina, non ad Primates suos provocaverint, in communionem non recipiantur “ quemadmodum in eo codice legitur, quem Hadrianus I. Carolo Magno dedit. Unde Africanis Clericis non illud quidem vitio vertebatur, quod ad transmarina provocarent, sive ad tribunal Romani Pontificis, sed quod, uti iniquiunt, per saltum provocarent, contemptis judiciis suorum Primatum, & Africæ Conciliorum (1). Hac sane ratione fit, ut in definitionibus Patrum Africanorum nihil pugnans occurrat, atque etiam simul illud constat, Canone 125. nihil ab eis statutum fuisse, quod adversetur juri appellationum ad Sedem Apostolicam. Nam eo jure appellationum, quod habet Apostolica Sedes, non impeditur, quin in Concilio Provinciali ea judicia discurantur, quæ ab Episcopo contra Clericum, vel laicum lata fuerint.

Quod autem de ea ratione diximus, qua ultima verba canonis 125. legi debent, ex facto ipso Africanorum magis magisque confirmatur. Nam & in Cælestii appellationem ad Sedem Apostolicam æquo animo antea consenserant (2), & postea sub Pontifice Cælestino in appellationem Antonii Fussalensis consenserunt (3), sequentibusque temporibus in eadem sententia perstiterunt. Ut enim plura nunc exempla referre, omittamus, quibus ab Africa ad Sedem Apostolicam tempore S. Gregorii Magni appellatum fuisse constat, quorum sane infra mentionem faciemus, Diaconum Donadacum Victoris Episcopi sui iudicio dejectum e gradu dignitatis, ad S. Gregorium appellasse, Sanctumque Gregorium Columbo Episcopo

(1) Vide Natalæm ab Alexandro cit. loco. (2) Hujus cap. 5.2.

(3) Hujus cap. 5.3.

po Numidiæ commisisse, ut sollicitè de causa Donadaci inquireret, ne ipse, quam debebat, pœnam non lueret, ex lib. 12. Indict. 5. epistola 8. compertum habemus.

Quapropter ut paucis rem istam totam concludamus, aliquando quidem Africani Patres decepti errore facti, hoc est, putantes non esse constitutum canonibus Sardicenfibus; quod eis, & quidem unicum tantum, ad vindicandum jus appellationum ad Sedem Apostolicam Zosimus opponebat, idem jus impugnarunt; verum, quemadmodum jam explicavimus, ad rem eorum non faciebat, quod ex Nicæno Concilio desumptum sibi favere arbitrabantur. His accedit, graviter fuisse commotos ad impugnandas appellationes ob factum Apiarii, quem ex ipsius confessione Cælestino illuisse noverunt, quemque Faustinus Legatus Apostolicæ Sedis impensus defendebat, & in causa ejus advocati potius, quam judicis partes tuebatur. Tamen dum hoc facere persequere, de jure appellationum ad Sedem Apostolicam se aliquo modo persuasos esse, simul ostenderunt. Nam simul cum eis in Concilio Carthagine congregato confedentibus Legatis Apostolicæ Sedis, *utrorumque* concordia Apiarius communioni restitutus fuit, neque Africani conquesti fuere, Zosimum decrevisse, Urbanum Episcopum, a quo Apiarius a communionē exclusus fuerat, aut excommunicandum, aut Romam evocandum, si illum in communionem non reciperet. Quo autem tempore sub Cælestino ob errorem facti, uti dicebamus, appellationes ad Sedem Apostolicam acrius impugnasse videntur, & Faustigum Legatum Apostolicæ Sedis una simul secum judicem sedere in causa Apiarii consentiunt, & deprecatione cum Cælestino utuntur, ut eum avertant tam a suscipiendis Africanis appellationibus, quam a mittendis Clericis exequutoribus in Africam. Est ergo compertum, quod nos volebamus, contentiones, quæ de jure appellationum excitatæ fuerunt in Africana Ecclesia sub Zosimo, Bonifacio, atque Cælestino, nullo adjumento esse posse Adversariis nostris. Singillatim vero nos, atque per partes explicanda esse duximus, quæ hac de re in Africana Ecclesia sub Zosimo,

Boni-

Bonifacio, atque Cælestino contigerunt, quia Petrus de Marca *De Concord. Sacerd., & Imper.* lib. 7. cap. 17. num. 5. & seqq., ac deinde alii, novissimeque Febronius *De Statu Eccles.* cap. 5. §. 6. num. 5., Africanæ Ecclesiæ auctoritate, quod contra nos modo volunt, manifeste se evicisse arbitrantur.

S. V. Quæ sub Leone Magno in causâ Celidonii gesta fuerunt, de Gallicanis ad Sedem Apostolicam appellationibus, neminem dubitare sinunt.

Celidonium ergo appellasse ad Sedem Apostolicam a judicio Hilarii contra se lato, Leonem de hoc judicio ab Hilario contra Celidonium lato sententiam tulisse, decreto autem Leonis tum Hilarium, tum Episcopos Gallicanos acquievissæ tria sunt, quæ a nobis ostendi debent, ut de eo, quod nunc volumus, omnibus perspectum esse possit. Quia tamen Quæsnellus Dissert. 5. Apologetica pro S. Hilario Arelarenfi Episcopo contra nos pugnat auctoritate ejus, qui vitam S. Hilarii scripsit, quem ipse esse putat S. Honoratum Massiliensem Episcopum, & S. Hilarii Discipulum, est id primo discutendum a nobis, cuinam potissimum hac in re, de qua agimus, fides adhibenda sit, utrum S. Leoni, an auctori vitæ S. Hilarii (1). Leoni sane potius, quam auctori vitæ S. Hilarii fides ut adhibeatur, vera critices ratio omnino suadet. Hic ergo nos auctoritatem Leonis cum Hilarii auctoritate non comparamus, qua enim ratione in hoc toto negotio Hilarius sese gesserit, traditum memoriæ posterorum ab eo non habemus: id tamen a Leone ea in epistola accepimus, quam ad Viennensis provinciæ Episcopos dedit. Quapropter non est, cur quispiam calumietur, Hilarii auctoritatem deprimi a nobis, Leonis autem nimis extolli: tunc enim esset, cur de hoc quispiam quereretur, quando in iis, quæ de se referret, nullam Hilario fidem, omnem autem Leoni haberemus, dum Hilarii gesta commemoraret. Comparatio ergo non inter Leonem, & Hilarium, sed inter Leonem, & Auctorem vitæ S. Hilarii a nobis

(1) Vide hanc vitam adnexam Operibus S. Leonis in edit. Parisien. an. 1675.

a nobis instituitur, & istam illi in hac re, de qua agimus, longe præferendam esse dicimus. Quandoquidem ea critices sanioris prima regula est, ut, si cetera paria sint, iis potissimum scriptoribus fides adhibeatur, qui narrant, quæ suo tempore contigerunt, non ita autem facile aliis, qui referunt, quæ ab aliis didicere. Hæc autem regula longe tutior evadit, si non solum suo tempore, sed etiam a se gesta memoriæ posterorum quispiam tradiderit, eaque neque privatim gesserit, neque latere voluerit, sed dum publicum judicium exerceret, quod omnibus, atque iis potissimum, quorum maxime intererat, perspectum esse voluerit. Hæc omnia profecto in S. Leone unita simul habemus, non vero in Auctore vitæ S. Hilarii. Leo enim non solum quæ suo tempore contigerant, sed quæ ipse quidem non privatim, sed in Patrum Concilio egerat, in epistola data ad Episcopos provinciæ Viennensis distincte narrat, sua eis decreta indicit, Celidonium a se absolutum, Hilarii vero iudicium rescissum commemorat, & non solum indicat eis rationem gestorum omnium, sed etiam *chartis* rerum ordinem ostendit. “ Quæ igitur (inquit) ” apud nos in causa Celidonii Episcopi gesta confecta sint, & ” quæ Hilarius dixerit, dum cum eodem, præsentem supradictum Episcopo, audiretur, inditus chartis rerum ordo demonstrat “ (1). Auctoris vitæ S. Hilarii testimonium nunc expendamus. Illud ergo nos depressum non velle profiteretur, sed solummodo in hac potissimum re, de qua agimus, testimonio Leonis apud unumquemque longe inferius esse debere contendimus. Neque enim quæ ipse viderit, aut fecerit, de suo magistro narrat, sed quæ audiverit, atque ab aliis noverit. Discipulus Hilarii deinde fuerat: unde mirandum non est, si ea potissimum litterarum mandare monumentis fatigerit, quæ in sui magistri decorem cedere possent, alia vero tacitus præterierit, cuiusmodi illud est, de quo nunc agimus, Romæ videlicet a Leone rescissum fuisse iudicium, quod ille de Celidonio tulerat. Unde merito Pagius ad an. Christi 445. num. 14. “ Verum (inquit) Papebrochius longe rectius

” ita

(1) Juxta edit. Baller. epist. 10. cap. 3.

statuit, potiore in hujus causæ narratione esse auctoritatem S. Leonis, quam Auctoris vitæ S. Hilarii: quia Leo tam Sanctus fuit, ut mentiri noller, tam antiquus, ut nemo propinquior haberi possit testis hujus rei, cui interfuit, quamque ipse ut iudex gessit. Præterquamquod Auctori vitæ S. Hilarii injuria magna non fieret, si diceretur in iis, quæ Romæ gesta erant anno 445. in auditu, & relatu Arcelensis Cleri post annos viginti, aut triginta narrandis scripsisse minus vera: magna autem fieret S. Leoni, si vera dubitaretur scripsisse in epistola ad Episcopos Viennensis provinciæ. Quum enim istum possit excusare bona fides audita referentis; Leo non posset non damnari impudentissimæ calumniæ falsa scribens. Quis, obsecro, intelligens, quam Sanctus vir Leo fuerit, huic dubitabit dare fidem; illi, quamvis Sancto, contraria scribenti derogare? Hæc Papebrochius. Profecto qui animum attendit ad ea, quæ pluribus Sanctis Viris contingere in iis referendis, quibus ipsimet præsentibus non fuere, S. Honoratum in iis, quæ Romæ in causa Celidonii coram S. Leone gesta fuerant, male edoctum fuisse putabit. Affert autem Pagius exemplum S. Aviti scribentis ad Gundabodum Burgundiæ Regem, tumultuum, qui Constantinopoli orti fuerant seculo sequenti sub Imperatore Anastasio, causam fuisse Macedonium Patriarcham Constantinopolitanum. " Porro Avitus (inquit Pagius) ad Principem suum non alia scripsit, quam quæ ab aliquo Episcopo, aut Viro illustri, aut sanctitate claro ex Oriente acceperat: neque enim verosimile est, Episcopo natalibus, pietate, & scientia conspicuo, cum aliis, quam cum hujusmodi Viris, fuisse litterarum commercium. Honorato itaque Massiliensi Episcopo idem, quod Avito Viennensi Metropolitæ accidit; & quemadmodum hic de Macedonii causa, sic & ille de causa Leonis (scu Celidonii) relationem parum sinceram habet. "

At quid? Nonne quæ Auctor vitæ S. Hilarii de eodem S. Hilario in cap. 17. habet (quæ sane a Quæfnello nobis opponuntur) cum iis recte conciliari possunt, quæ apud S. Leo-

Tom. III.

Vu

nem

nem in epistola 10: (1) ad Episcopos provincie Viennensis legimus? Semel enim ac ponamus (quod sane improbabile non est) Auctorem vitæ S. Hilarii suum magistrum defendendum sibi proposuisse quoad eam totam rationem, quam ille servavit, dum de causa Celidonii apud Sedem Apostolicam ageretur, quæ tum ipse, tum S. Leo de S. Hilario tradunt; inter se consentiunt. Nam S. Leo de eo affirmat (2), B. Apostolo Petro se subicere noluisse: Beatissimi Petri reverentiam verbis arrogantioribus minuisse: eum non habuisse aliquid rationabile, quod in sanctorum Concilio Sacerdotum respondere posset: ad ea se occulta cordis ipsius transtulisse, quæ nullus Sacerdotum dicere, nullus Laicorum posset audire: gessisse tumorem mentis: insolentibus sermonibus vulnere suæ animæ infixisse: & se ipsum suis responsionibus innodasse, ac tandem improvisum abscessisse, cursu celeri multa itinera conficientem. Contra Auctor vitæ S. Hilarii in capite 17., Hilarium commendat, quia solus tantos sustinuit, nequaquam minantes expavit, inquirentes, edocuit, altercantes vicit, potentibus non cessit, in discriminis vitæ positus communioni suæ, quem cum tantis viris damnaverat, conjugii nullatenus acquievit, & custodibus appositis, hyemis rigore faviente, quos ratione non flexerat, credidit relinquendos. Hæc sane sunt, quæ Quesnellus *Dissert. 5. Apologetica* pro S. Hilario par. 1. cap. 1. iis opponit, quæ a S. Leone in epistola ad Episcopos provincie Viennensis tradita habemus. Auctori autem vitæ S. Hilarii potius, quam S. Leoni, fidem adhibendam esse statuit. Præter omnem rationem tamen, sicuti modo ostendimus. Nunc quod volumus. Profecto semel ac duo de aliqua re gesta diversa ratione sentiant, & unus eorum præclare, & fortiter ab aliquo rem illam gestam fuisse tueatur, alter vero non præclare, sed præter omne jus, & cum obstinati animi pervacacitate; ille sane ejus, qui rem gessit, fortitudinem, & animi firmitatem commendabit, alter vero condemnabit fractionem legum cum obstinatione animi conjunctam. Hoc sane est, quod in S. Leone, & Auctore

(1) Juxta Ballerin, edit. (2) Cit. epist. cap. 2. & 3.

ore vitæ S. Hilarii usuvenisse dicendum est, semel ac Auctorem vitæ S. Hilarii ipsum Hilarium in eo, quod gefit in causa Celidonii, commendare sibi proposuisse statuamus, sicuti cum omni probabilitate statui potest, immo & debet, quum S. Leoni potius, quam illi, hac in re fides adhibenda sit. Quapropter dum Auctor vitæ Hilarii eundem commendat, " Quod solus tantos sustinuit, quod nequaquam minantes expavit, quod inquirentes edocuit, quod altercantes vicit, quod potentibus non cessit "; Leoni non opponitur, qui Hilarii tumorem mentis depingit, arrogantiam exponit, quamvis nihil habuisset, quod in Concilio Sacerdotum responderet, atque turpem fugam ejus commemorat. Contraria ergo est tum in Auctore vitæ S. Hilarii, tum in S. Leone sentiendi ratio, atque sententia, si ad rem istam attendamus, non vero contrarius est loquendi modus.

Illud quidem ab Auctore vitæ S. Hilarii traditum habemus, ipsum Hilarium, dum causa ejus Romæ ageretur, in discrimine vitæ fuisse, aufugisseque Roma, custodibus appositis; nullo autem modo id a Leone accepimus. Verum quisnam unquam crediderit, quod Auctor vitæ Hilarii refert, quum ex S. Leone noverimus (1), *improvisum* Hilarium abscessisse, & *curfu celeri itinera multa conficientem*, ut de *scurrili velocitate* potius, quam de *Sacerdotali moderatione*, gloriam captaret? Si Hilarius aufugisset, e manu custodiarum sese eripiens, habuisset sane Leo, cur de eo gravius conquereretur. Deinde quandonam unquam illis Episcopis, qui ad dicendam causam suam Romam veniebant, custodiæ apponebantur? quomodo Hilarius ad hunc finem Romæ degens in vitæ periculo fuit, si Leo in epistola ad Episcopos provinciarum Viennensis testatur, omnem se cum eo benignitatem adhibuisse, ut suum errorem recognosceret?

Auxiliaris Præfecti auctoritate Auctor vitæ S. Hilarii cap. 17. confirmat, quod ipse de constantia Hilarii prædicavit, atque ex eo rem eandem suadere contendit etiam Quesnellus; verum eodem modo tum Auctorem vitæ Hila-

(1) Cit. epist. cap. 5.

rii, tum Auxiliarem Præfectum probasse rationem, quam idem Hilarius tenuit, dicendum est, atque etiam auctoritatem tum Auxiliaris Præfecti, hominis secularis, tum etiam Auctoris vitæ S. Hilarii supra auctoritatem Leonis prævalere non debere. Quæ enim, hac de re si loquamur, in Leonem cadunt, eadem quoque cadere in Auxiliarem Præfectum ne fingi quidem potest. Illud quoque cum Christiano Lupo (1) quispiam non falso autumaverit, “ Auxiliaris verba
 „ esse afflictæ senis, infirmi, ac magni Episcopi consolatoria, ideoque non per fallacem adulationem, scripta tamen
 „ per dispensatoriam commiserationem: ut omnia viderentur agere de sola reparatione Celidonii. Absit, ut tantus
 „ Romani imperii minister contra suorum Principum avitam fidem, & perpetuam in novissima etiam contra Hilarium
 „ lege professionem, laudarit, aut probarit impugnari, ac
 „ everti Romanas appellationes. Fuiſſet crimen læsæ etiam
 „ humanæ majestatis “.

Nunc autem, hoc semel statuto, fidem Leoni potius, quam Auctori vitæ S. Hilarii adhibendam esse; illud primo ostendamus, Celidonium a judicio Hilarii contra se lato ad Sedem Apostolicam appellasse, Leonem vero hujusmodi appellationem suscepisse, atque de sententia lata ab Hilario contra Celidonium judicasse. Celidonium ergo Episcopus accusatus fuerat apud Hilarium Episcopum Arelatensem, sicuti tradit Auctor vitæ S. Hilarii cap. 17., *cum interruptam suo adhibuisse consortio, & sæculi administratione persunctum capitali aliquos condemnasse sententia*. Hisce ergo de rebus ab Hilario una cum aliis probatissimis Sacerdotibus examine instituto, decretum fuit ab eis, ut Celidonium ab Episcopatu *voluntate propria se removerere deberet*. Huic judicio Celidonium non acquievit, sed ab eo ad Summum Pontificem provocavit, Romamque se contulit, ut ibidem suam causam defenderet. Id audiens Hilarius, & ipse quoque Romam petiit, ut iudicium semel a se latum tueretur. In Concilio itaque Episcoporum,

(1) Tom. 8. Oper. ejus Dissert. 1. De Gallicana Eccl. Romanis Appellat. cap. 2.

porum, præfente S. Leone, tum Celidonius, tum Hilarius suam causam egit : Hilarius *rationabile, quod in sanctorum Concilio Sacerdotum posset respondere, non habuit* : Celidonius vero *se injuste Sacerdotio fuisse dejectum, manifesta testium responsione coram Hilario monstravit, ita ut Hilarius, quod contra opponeret, non haberet*. Remotum hac de causa fuit illud iudicium, quod prolatum in hac sententia legebatur : *quod tamquam vidua maritus Sacerdotium tenere non posset* (1). Hic sane Quesnello nihil occurrit, quod contra reponere possit. Nam neque suus ille Auctor vitæ S. Hilarii, neque Auxiliaris præfectus in eadem vita, cujus auctoritatem tanti ipse facit, Hilarium & Romam se contulisse, & suam causam in Concilio defendisse negant ; quin immo hac de re Hilarium cum Leone tractatum habuisse, ejus vitæ Auctor commemorat. Aliunde autem S. Leo, quæ Romæ in Concilio Sacerdotum gesta fuerant, publicis litteris significavit Episcopis provinciæ Viennensis, inter quos sane Hilarius connumerabatur. De facti ergo veritate nemini dubium esse potest, sicuti neque etiam. Quesnello fuit. Hoc autem in facto nihil eorum defuisse, quæ ad veram appellationem requiruntur, æque manifestum est. Iudicium, quod in Galliis una cum aliis Sacerdotibus Hilarius de Celidonio tulerat, ad Sedem Apostolicam delatum fuit : de eo examen Apostolica Sedes instituit : tam Celidonium, qui condemnatus fuerat, quam Hilarium, qui illum condemnauerat, audit : Celidonium absolvit, Hilarii autem iudicium jam factum rescidit. Hic autem plura animadvertenda in rem nostram occurrunt. 1. Non esse existimandum, Celidonium id consilii cepisse, quod nihil sibi prodesse posset : parum enim ad condemnationem ejus intererat, si ab Apostolica Sede sententia in eum lata rescinderetur, semel ac, uti Quesnellus ait *Dissert. 5. Apologetica* pro S. Hilario par. 1. cap. 14. " Si quis ad extraneos iudices veller per appellationis libellum confugere ; is Episcoporum concordiam coherentem collidere, unitatemque scindere merito putabatur ". 2. Non fuisse sane, cur Hilarius appellation-

(1) Vide epist. 10. S. Leonis juxta edit. Balletin. cap. 3.

tionem a suo judicio delatam ad Sedem Apostolicam tanti faceret, ut propter eam tam longum iter aggrederetur, atque Romam se conferret, multoque minus erat, cur suam coram Summo Pontifice, & Patribus simul congregatis causam diceret, sui que judicii rationem redderet, semel ac quæ in Gallia judicia lata fuissent, Romæ ad examen revocari non posse, sibi persuasum habuisset. 3. Hilarium in hac causa, quam tanto æstu defendebat, id pro se asserere neglexisse, quod per se obvium multum illi prodesse poterat, quidnam unquam arbitratus fuerit? Nam si Gallicana judicia apud Apostolicam Sedem expendi non posse putavisset, immo, ut vult Quesnellus, a primis Ecclesiæ temporibus usque ad illam ætatem id semper servatum in Gallia fuisset, ut judicia ejus Romæ non expenderentur, quidnam ei ad sui defensionem promptius efficaciusque occurrere poterat, quam ejusmodi jus, aut consuetudinem in medium proferre? Id autem Hilarium fecisse, non solum a S. Leone, a Valentiniano in sua *Novella*, & ab Auctore vitæ S. Romani, quos sibi adversari Quesnellus fatetur, traditum non habemus, sed neque etiam ab Auctore vitæ S. Hilarii, neque ab Auxiliari Præfecto in epistola ad Hilarium apud Auctorem vitæ ejus; quos tamen sibi suffragantes Quesnellus agnoscit. Nam Auctor vitæ Hilarii cap. 17. illud quidem refert, Hilarium cum humilitate depoposcisse, “ Ut Ecclesiarum statum more solito (Leo) ” ordinaret: adstruens aliquos apud Galliam publicam merito ” excepisse sententiam, & in Urbe sacris Altaribus interesse. Rogat, atque constringit, ut si suggestionem suam libenter excepit, secrete jubeat emendare, & se ad officia, non ad causam venisse; protestandi ordine, non accusandi, quæ sunt acta suggerere. Verum ex his illud tantum evincitur, Hilarium, antequam de sententia ejus in Concilio ageretur, rogasse Leonem, ut sicuti antea etiam in Urbe uti damnati habitus fuerant, qui justam in Gallia damnationem subierant; ita etiam cum Celidonio idem servaretur, quatenus de justitia sententiæ in eum latæ non dubitabat. Ceterum quoad rem istam jus aliquod Leoni opposuisse

fuisse non legimus; & quamvis se non venisse dixerit, ut accusatoris partes ageret; venisse tamen affirmavit, ut protefteretur, atque suggereret, quæ acta erant, & hæc quoque superaddidit: " Porro autem si aliud (Leo) velit, se non, » futurum esse molestum ". Hæc autem cadere in eum non posse, qui judicia lata in Gallia examini, & sententiæ Apostolicæ Sedis subiecta non esse putaverit, nemo non videt. S. Leo non privatim, sed in Concilio coram Patribus Hilarii iudicium post institutum de eo examen rescidit, deque hoc Episcopos provinciæ Viennensis, apud quos sane usum appellationum interdictum fuisse, Quesnellus contendit, suam per epistolam ad eos datam certiores fecit, illosque monuit: *remotum fuisse iudicium, quod prolatum in hac sententia legebatur: & redditum Ecclesiæ suæ, & huic, quam amittere non debuerat, dignitati, Coepiscopum Celidonium, sicut gestorum series, & post decursam cognitionem sententia, quæ a nobis est prolata, testatur* (1). Dubitari ergo a nemine potest, quin Celidonium a iudicio contra se lato in Galliis ad Sedem Apostolicam appellaverit, eam appellationem Sedes Apostolica receperit, sententiæque latam in Galliis resciderit.

Decreto autem Leonis tum Hilarius, tum Gallicani Episcopi obsequi fuerunt, contra ac Quesnellus in citata Apologia tuetur. Ejus enim par.3. cap.2. Hilarium sententiæ Leonis non acquievisse inde autumat, quia ab Auctore vitæ illius cap.17. traditum habemus, Hilarium scripsisse *Apologias*, postquam ab urbe recessit, atque in suam sedem sese restituit. At verba Auctoris vitæ Hilarii, quem tantopere commendat, omnibusque præponendum tuetur, in eum sensum detorquet, quem idem Auctor nullo modo patitur. Hæc ex Auctore vitæ S. Hilarii, eademque idem Auctor revera habet, Quesnellus refert: " In civitatis recessu totum » se ad placandum animum S. Leonis inclinata humiliter, » convertit, misso primum S. Ravennio tunc Presbytero, » postmodum proprio successore; deinde S. Nectario, San- » ctoque Constantio, præcipuis Sacerdotibus. Et quia quan- » tum

(1) Vide epist. 10. juxta edit. Ballerin. cap.3.

„ tum in hac causa dictaverit, nulla possum ratione conne-
 „ ere; Auxiliaris &c. “ Hoc profecto loci Auctor vitæ Hila-
 „ rii commemorat, quæ idem Hilarius scripsit, postquam in-
 „ clinata humilitate se totum convertit ad placandum animum
 S. Leonis, atque in hunc finem suos ad eum Legatos primo
 Ravennium, deinde Nectarium, & Constantium misit. Bella
 sane fuisset ratio placandi animum S. Leonis, si quod Romæ
 degens fecerat idem Hilarius, ad sua reversus, apologetica
 oratione defendere instituisset, eaque refellere judicium a
 S. Leone contra se latam! Deinde ubinam Auctor vitæ Hila-
 „ rii dicit, Hilarium scripsisse *Apologias*, postquam ad suam Ec-
 „ clesiam rediit? Multum sane illum dictasse ea occasione tra-
 „ dit, qua suos Legatos ad placandum animum Leonis Romam
 misit: quæ ergo dictavit, talia fuisse dicendum est, ut ad
 placandum animum Leonis conducere.

Verum Quesnellus, ut aliis suadeat, quod sibi propo-
 suit, non solum Auctoris vitæ Hilarii verbis falsum sensum
 affingit, sed etiam eadem parte dissertationis cap.3. ad ad-
 struendum decreto S. Leonis Hilarium non obtemperasse,
 quæ ab Auctore vitæ Hilarii ad illud tempus referuntur, quo
 Hilarius Romæ degebat, & in discrimine vitæ positus illud fe-
 liciter evasit, ipse transtulit ad aliud tempus, quo Hilarius
 mortuus fuit: ita enim eo loci habet: “ Nunquam tamen
 „ refiliit Hilarius (a pristina sententia:) sanctæ post mortem
 „ memoriæ ab ipso Leone appellatus, & ut testatur laudarus
 „ toties ejus vitæ scriptor, etiam in *discrimine vitæ positus*
 „ *communioni ejus, quem cum tantis viris damnaverat, con-*
 „ *jungi nullatenus acquievit* “. At Auctor vitæ Hilarii cap.17.
 hæc quidem de Hilario habet, quod ipse “ In *discrimine*
 „ vitæ positus *communioni suæ, quem cum tantis viris dam-*
 „ *naverat, conjungi nullatenus acquievit* “; verum ista de
 Hilario habet, dum ille Romæ commoraretur, ibique suam
 causam defenderet. Unde post nonnulla alia, quæ tum in eo-
 dem 17. capite, tum in sequenti 18. de Hilario tradit, &
 illud potissimum, quod *in civitatem regressus totum se ad pla-*
candum tunc animum S. Leonis inclinata humilitate convertit;
 cap.19.

cap. 19. describit mortem illius. Pervertit ergo Quesnellus narrationem Auctoris vitæ S. Hilarii, ut Hilarium id fecisse ostendat, quod ipse sibi confinxit. Et re quidem vera, si, quemadmodum ipse animadvertit, Hilarius sanctæ post mortem memoriæ ab ipso Leone appellatus fuit; id omnibus evidenti argumento esse debet, Hilarium decreto Leonis usque ad mortem non obstisse. Sed quomodo usque ad mortem, decreto Leonis obstare potuit, si Valentinianus sua Constitutione missa in Gallias decretum Leonis præcepit, ut servaretur, nominatimque Hilario interdixit, ne illi contraire auderet (1) ? “ Quid enim (inquit Valentinianus) „ tanti Pontificis auctoritati in Ecclesiis non liceret? Sed „ nostram quoque præceptionem hæc ratio probavit, ne „ ulterius nec Hilario, quem adhuc Episcopum nuncupari sola mansueti Præfulis permittit humanitas, nec cui „ quam alteri Ecclesiasticis rebus arma miscere, aut præceptis Romani Antistitis liceat obviare... Hac perenni sanctione censemus, ne quid tam Episcopis Gallicanis, quam „ aliarum provinciarum contra consuetudinem veterem liceat sine venerabili Papæ urbis æternæ auctoritate tentare. „ Sed hoc illis, omnibusque pro lege sit, quidquid sanxit, „ vel sanxerit Apostolicæ Sedis auctoritas: ita ut quisquis „ Episcoporum ad iudicium Romani Antistitis evocatus venire neglexerit, per moderatorem ejusdem provinciæ ad „ esse cogetur “.

Nunc de Gallicanis Episcopis videamus. Etiam istos obstisse decreto Leonis citatæ Dissertationis par. 1. cap. 8. Quesnellus censet. Ita vero censet, quia Ravennius, qui S. Hilario in sede Arelatensi successit, Metropolitica dignitatem obtinuit, qua juxta decretum Leonis Hilarius spoliatus fuerat, eamque Episcopo Viennensi S. Leo detulerat. Verum enim vero illud a Quesnello falso supponitur, non solum Hilarium, sed etiam Ecclesiam Arelatensem Metropolitica dignitate a S. Leone privatam fuisse. Quemadmodum.

Tom. III.

X x

enim

(1) Vide hanc Constitut. post citatam epist. 10. S. Leonis juxta edit. Ballerin.

enim Ballerini fratres in *Obferuat.* in cap. 2. par. 3. Differt. 5. Quæfnelli num. 2. animadverterunt, non in Ecclefiam Arclatenfem, fed folummodo in Hilarium S. Leo fententiam dixit; idque, præter alia, quæ in epiftola 10. leguntur, hæc verba capitis 3. manifefte probant: „ Nec ultra Hilarius conven-
 „ tus audeat indicere Synodales. Non ergo interfit ulli ordi-
 „ nationi: non ordinet. Noverit fe non folum ab alieno jure
 „ depulfum, fed etiam Viennenfis provinciæ, quam male
 „ ufurpaverat, poteflate privatum “. At tantum abeft, Gal-
 „ licanos Præfules obftitiffe decreto Leonis, ut fua agendi ra-
 „ tione maximam illi fubjectionem hac in re præfulerint.
 Nam, monito a fe Leone de unanimi Ravennii electione in
 Epifcopum Arclatenfem, eundem rogarunt, ut Metropoli-
 ticam dignitatem, qua Hilarium privaverat, ex eo quod pie-
 tatem ejus offendiffet, conferre dignaretur: ita enim Epi-
 fcopi comprovinciales Metropolis Arclatenfis in ea epiftola
 habent, quam hac de re ad S. Leonem dederunt (1): “ Un-
 „ de præmiſſis officiis, quæ Apoftolatui veftro jure debentur,
 „ fuggeltionem noſtram, quæ juſtitia partibus fungitur,
 „ audiendam a corona veſtra minime dubitamus: quippe
 „ quum non aliqua nova inſtitui, fed priſca per vos opta-
 „ mus, & antiqua reparari. Nec enim juſtum eſt, ut hono-
 „ rem ejus, quem, ut probavimus, impenſe diligitis, illa
 „ res minuat, qua pietatem veſtram alter offendit. Et ſane
 „ manuſcriptum eſt, Eccleſiæ Arclatenſi Divinæ gratiæ favorem
 „ adefſe, cui talem habere contigit Sacerdotem, per quem
 „ privilegia dignitatis antiquæ, quæ dolebat ſibi pro tempo-
 „ re diminuta, gauderet in perpetuum, recentioribus Apo-
 „ ſtolica Sedis auctoritatibus reformata “. Illuſi ſibi ergo
 Quæfnellus, aut aliis illudere voluit, non minus dum affir-
 mavit, Hilarium ſemper reſtitiffe decreto Leonis, quam
 quando hoc idem aſſeruit de Gallicanis Præſulibus.

Uſque modo hac de re. Quamvis enim præter ea, quæ
 ſoluta ſunt a nobis, nonnulla quoque alia pro ſe Quæfnellus
 in medium adducat; his tamen nos diutius immorandum non
 eſſe

(1) Juxta edit. Ballerin. 65. cap. 1.

esse arbitramur, quum illa refutaverimus, quæ aliquid contra nos valere posse videbantur, remque totam in suas partes divisam ita explicaverimus, ut de ea omnibus compertum esse possit. Quid enim? Anne, *ut uno exemplo utar*, illud quispiam magni fecerit, quod non solum ad minuendam, sed etiam omnino abolendam auctoritatem S. Leonis Quesnellus Dissert. 5. Apologetica pro S. Hilario par. 3. cap. 3. affert, hoc est: *Omnibus in re propria dicendi testimonii facultatem jura submoverunt*, quemadmodum Valens, Gratianus, & Valentinianus ad Gracchum Præfectum Urbis scripserunt (1)? Nam ea verba sunt sane referenda ad eos, qui judicio subsunt, quales profecto in causa nostra erant Celidonius, & Hilarius, non ad alios, qui illud exercent, qualis S. Leo fuit. Deinde Quesnelli interpretatione semel admissa, inde consequeretur, ut Principes per se, vel per alios sua jura in judicio tueri non possent, quia *omnibus in re propria dicendi testimonii facultatem jura submoverunt*. Tandem causa Celidonii contra Hilarium in Concilio discussa, atque finita fuit; & nisi dicamus, Leonem mentitum fuisse, quod nullus ne leviter quidem suspicatus fuerit, in eo Hilarius nihil rationabile habuit, quod responderet. At hac de re plus quam satis.

§. VI. In causa Episcopi Projecti, non secus ac in Celidonii, clarissimum Gallicanarum appellationum ad Sedem Apostolicam testimonium habemus.

De duobus in causa Projecti Hilarium apud Sedem Apostolicam accusatum fuisse, ex S. Leone in epistola ad Episcopos provinciæ Viennensis novimus (2): 1. adhuc vivente Episcopo Projecto, substituisse in locum ejus Pratoclum, non servato ordine, quem in hujusmodi electione juxta regulas canonicas servari oportebat: 2. quod non habebat, in aliena provincia jus sibi usurpasse. Quod ergo Hilarius hoc in negotio fecerat, S. Leo in Concilio Episcoporum ob Projecti ad se delatas querelas, lacrymabilesque litteras civium, qui

X x 2

pro-

(1) Codicis Theodosiani lib. 2. tit. 2. (2) Juxta cit. edit. epist. 10. cap. 4.

Projecto Episcopo suberant, omnino rescidit, atque decrevit, ut Episcopus Projectus in suo Sacerdotio permaneret, & submoveretur, qui in locum ejus superordinatus fuerat (1): „ Nos tamen (inquit) quod vobis credidimus, Deo iudice, „ placiturum, in commune cunctis fratribus consulentes, „ & male ordinatum submoveri, & Episcopum Projectum in „ suo Sacerdotio remanere debere decrevimus: id statuentes, ut si quisquam statum nostrorum in quacumque provincia decesserit, is sibi ordinationem vindicet Sacerdotis, „ quem illius provincie Metropolitanum esse constiterit“. Hoc decretum una cum precedenti de Celidonio in sua epistola ad Episcopos provincie Viennensis S. Leo misit, & fuit illud, non secus ac alterum, Valentiniani Constitutione firmatum. Quæ supra initio §. præcedentis disseruimus de fide S. Leoni præstanda in iis, quæ de Celidonii causa ipse tradit, eadem hac quoque in causa Projecti valent, quum etiam ipsa in eodem judicio agitata, atque definita fuerint. Non est ergo, cur Quæsnellum in 2. par. suæ Apologeticæ Dissertationis cap. 1. & seqq. contra hujusmodi iudicium Leonis multaturbantem, tum Hilarii jurisdictionis, tum Projecti Episcopatus habita ratione, nunc moremur. Ballerinii fratres hac quoque in re illum confutando *Observationum* par. 2. Quæsnellianæ Dissertationis Apologeticæ pro S. Hilario, suam præclare operam locarunt.

§. VII. Tempore S. Gregorii Magni ab Ecclesiis Occidentibus ad Sedem Apostolicam appellatum fuisse, multa exempla demonstrant.

Quamvis ad eam facti veritatem, quam nunc propugnamus, nihil amplius desiderari posse videatur; tamen ad eandem semper magis magisque adstruendam facere non possumus, quin nonnulla exempla earum appellationum commemoremus, quæ tempore S. Gregorii Papæ ad Sedem Apostolicam factæ fuerunt. Nam, ut utar verbis Petri de Marca *De Concord. Sacerd. & Imper.* lib. 7. cap. 18. num. 3. „ Inter „ omnes Pontifices nemo peritior fuit iurium Sedis Apostoli-

„ cæ

(1) Cit. epist. cap. 3.

ex quoad appellationes, quam Gregorius Magnus. Rebus
 ille gerendis admotus per multos annos Ecclesiæ Orientalis
 mores introspexerat, quum Sedis Apostolicæ Apocrisarium
 ageret Constantinopoli. Quatuor ergo tantum diversa-
 rum appellationum, quæ ad Gregorium Magnum factæ fue-
 runt, nunc mentionem faciemus, ne longiores simus.

1. Felicissimus, & Vincentius Diaconi, gravi injuria
 a suo Episcopo accepta, ad judicium S. Gregorii ex Africa
 recurrerunt, illeque constituit, qui ordo in judicio hujus
 causæ servari deberet.

Id constat ex epistola S. Gregorii (1) ad Hilarium Mona-
 chum Africæ: "Felicissimus, atque Vincentius (inquit San-
 ctus Gregorius) Diacones Ecclesiæ Lumigenis, oblata pe-
 titione, quæ tenetur in subditis, suggererunt ab Argen-
 tio ejusdem civitatis Episcopo gravem se injustitiam pertu-
 lisse, & accepto præmio, Donatistas in Ecclesia fuisse
 præpositos, cumque inter alia non leve aliud facinus,
 quod dici nefas est, commisisse, commemorant. Propte-
 rea experientiæ tuæ præsentis præcepti pagina duximus in-
 jungendum, quatenus præfatum Episcopum idoneæ satis-
 factioni committere non omittas, tuaque instantia in lo-
 cis illis fiat ex more Concilium, & omnia secundum obla-
 tæ petitionis textum canonice coram positis partibus sub-
 tili indagatione perquirantur. Et quæcumque eorum judi-
 cio fuerint terminata: te exequente, modis omnibus com-
 pleantur". In his autem, quæ ex S. Gregorio accepimus,
 duo potissimum animadvertenda occurrunt: 1. hanc causam
 in *prima instantia*, ut dicunt, judicio Apostolicæ Sedis subje-
 ctam fuisse, deque ea jussisse Gregorium, ut judicium in
 Africa fieret, prout a se præscriptum habebatur; hoc est,
 Hilario, uti Legato Apostolicæ Sedis Concilium indicente,
 Patres simul convenirent, *ut omnia secundum oblata petitionis
 textum canonice coram positis partibus subtili indagatione perqui-
 rerentur*, quodque illorum fuisset judicio definitum, Hila-
 rins exequendum curaret. Decreto 5. canonis Sardicensis
 Gre-

(1) Lib. 1. Indict. 9. epist. 84., alias 82.

Gregorii determinatio consona fuit : in eo enim constitutum erat , esse in potestate Summi Pontificis , ut iudicium causæ ad se delatæ vel committeret Episcopis finitimæ provinciæ , vel aliquem mitteret , qui una cum iisdem iudicio interesset .

2. Felicissimum , & Vincentium fuisse Diaconos . Erat autem primo in Milevitano , deinde in Africano Concilio sancitum , ut Clerici ad Primates suos recurrerent , eisque culpæ tribuebatur , si *per saltum* , ut inquirunt , & omittis Metropolitibus , ad iudicia transmarina appellarent (1) . Quapropter dicendum est , jam ab hoc tempore decretum illud in Africa servari non consuevisse .

2. Ex Illyrico Hadrianus Thebarum Episcopus ad iudicium S. Gregorii appellavit .

Hadrianus Thebanus in Thessalia Episcopus ob quædam crimina degradatus fuit a Joanne Episcopo Larissæ suo Metropolitæ , Joanne , & Cosma Diaconis illum accusantibus . Ab hoc iudicio Hadrianus ad Joannem Episcopum primæ Justinianæ , Vicarium Apostolicum appellavit ; qui quidem sententiam Episcopi Larissæ ratam habuit . Neque etiam iudicio istius Hadrianus acquievit , sed suam ad Gregorium causam detulit , atque Romam accessit . Gregorius autem in epistola ad Joannem Episcopum primæ Justinianæ (3) , postquam se relegisse testatus fuit , quæ tam coram Joanne Episcopo Larissæ , quam coram illo in hac causa acta fuerant , primo Joannem Episcopum primæ Justinianæ de injusto iudicio arguit , deinde eum graviter reprehendit , ex eo quod ad Sedem Apostolicam non misisset aliquos , qui peracti a se iudicii rationem redderent , semel ac ad eam appellatum fuisse novit : postremo Hadrianum absolvit a iudicio utriusque Joannis , ac Joannem Episcopum primæ Justinianæ spatio triginta dierum sacra communione privat : “ Sed tantum ” (inquit) Fraternitas tua nescio quo mentis motu , Divi-
” no humanoque jure contempto , abruptam protulit in-
” ejus damnatione sententiam : quæ licet non esset appella-
” tione

(1) Hujus lib. cap. 3. §. 5. (2) Vide hujus cap. §. 5. (3) Epist. lib. 3. Inuic. 11. epist. 6.

„ tione suspensa, contra leges tamen canonesque prolata,
 „ ipsa non poterat jure subsistere. Postquam autem ex abun-
 „ danti appellationem tibi constat esse porrectam, mirati su-
 „ mus, cur nec homines tuos secundum cautionem Hono-
 „ rato Diacono nostro per responsales tuæ Ecclesiæ exposi-
 „ tam, qui tui judicii rationem possent reddere, transmissi-
 „ sti. Quod factum te vel de contumacia, vel de conscientiæ
 „ trepidatione redarguit. Si igitur hæc, quæ nobis obla-
 „ ta sunt, veritate vallantur: quoniam occasione vicium
 „ nostrarum consideramus vos injusta præsumere: de his alias
 „ secundum id, quod a nobis deliberatum fuerit, Christo
 „ auxiliante, decernemus. Quod vero ad præsens attinet,
 „ cessatis prius, atque ad nihilum redactis prædictæ senten-
 „ tiæ tuæ decretis, ex B. Petri Principis Apostolorum aucto-
 „ ritate decernimus, triginta dierum spatio te sacra com-
 „ munionem privatum“. In epistola quoque ad Joannem La-
 „ rissæum eundem graviter increpat de ea agendi ratione,
 „ quam cum Hadriano tenuerat (1); & quamvis, uti ipse in-
 „ quit, humanius decernendo Dominici communionem corporis
 „ eum privatum esse non velit, statuit tamen, ab illa omni po-
 „ testate excidisse, quam in Hadrianum, ejusque Ecclesiam.
 „ habebat.

Hic autem illud animadvertendum esse censemus, præ-
 „ ter omnem rationem sane agere Petrum de Marca, dum
 „ lib. 7. *De Concord. Sacerd., & Imper.* cap. 21. num. 1. & 2.,
 „ facta mentione duarum Constitutionum Gregorii IV., & Leo-
 „ nis IV., in quibus sancitum legitur, *ut post auditionem*
 „ *Primatuum diæceseos* liceat Episcopo appellare ad Sedem Apo-
 „ stolicam, atque interim nullus de causa illius judicet, aut
 „ judicare præsumat, id acceptum esse affirmat num. 3. „ Ex
 „ „ more usurpato a Gregorio Magno; qui tamen Gallias, &
 „ „ Africam distinguebat ab aliis Provinciis, & diverso pror-
 „ „ sus modo se gerebat cum aliis“. Nam de usurpato more
 „ eum Gregorium accusat, quem *inter omnes Pontifices neminem*
 „ *fuisse peritorem* confitetur *jurium Sedis Apostolicæ quoad ap-*
 „ *pella-*

(1) Cit. loco epist. 7.

pellationes, quem ita sæpius se protestatum fuisse novimus (1):

„ De Ecclesiasticis vero privilegiis, quod vestra fraternitas
 „ scribit, hoc, postposita dubitatione, teneat: quia sicut
 „ nostra defendimus; ita singulis quibusque Ecclesiis sua ju-
 „ ra servamus. Nec cuilibet, favente gratia, ultra quam
 „ meretur, impertior, nec ulli hoc, quod sui juris est,
 „ ambitu stimulante, derogo; sed fratres meos per omnia,
 „ honorare cupio, sicque studeo honore singulos subvehi,
 „ dummodo non sit quod alteri jure ab altero possit appo-
 „ ni “ (2). Illud quoque Petrus de Marca falso affirmat, alia
 „ ratione, ac cum aliis, cum Afris, & Gallis S. Gregorium
 „ sese gessisse. Nam cum Afris quoad rem istam idem servasse,
 „ ac cum omnibus aliis, jam ostendimus; idem vero etiam
 „ cum Gallis servaturum fuisse, si occasio tulisset, esse inde
 „ omnibus perspectum debet, quia Apostolicæ Sedi *jure compe-*
 „ *tere aliorum sententias retractare*, uti rem certam habuit (3).

3. Etiam in Florentio Episcopo Epidaurensi Illyricianæ
 appellationis ad Sedem Apostolicam sub Gregorio Magno ha-
 bebamus exemplum.

Hac in appellatione Epidaurenses cives actores fuerunt,
 sibi que restitui petierunt a Summo Pontifice suum Episcopum
 Florentium, quem Natalis Salonitanus Episcopus, & Metro-
 polita Dalmatiæ iniqua sententia ab Episcopatu dejecerat.
 Quapropter Gregorius Sabinianum Jaderæ Episcopum mo-
 nuit, ut de causa Florentii se certiore faceret, si quid de
 ea novisset; si autem non novisset, inquireret, & sibi cun-
 cta manifestaret, ut de illa certum judicium ferre posset (4):
 „ Præterea (inquit) habitatores Epidaurensis civitatis Flo-
 „ rentium, quem suum esse dicunt Episcopum, sibi a nobis
 „ restituendum studiosissime poposcerunt, asserentes frustra
 „ eum ad solam tantummodo voluntatem Natalis Episcopi
 „ detrusum exilio. Et ideo si quid de ejus causa fraternitas

„ VC-

(1) Epist. lib. 2. Indict. 10. epist. 47., alias 39. (2) Legatur epist.
 53. ejusdem lib. & epist. 29. & 30. lib. 3. (3) Legatur epist. 29., alias
 30., ad Constantium Mediolanensem Episcopum lib. 10. Indict. 3.

(4) Epist. lib. 8. Indict. 1. epist. 10., alias 22.

„ vestra cognovit, nobis suis subtiliter epistolis innotescat.
 „ Si autem necdum cognovit, requirat, nobisque renuntiet;
 „ ut quidquid de eo statuendum sit, certi deliberare, ad-
 „ jutore Domino, valeamus “.

4. Ex epistola S. Gregorii (1), seu Capitulari 1. ad Joannem Defensorem, ab Hispania appellatum fuisse ad Sedem Apostolicam, compertum habemus.

Hac in epistola S. Gregorius Joanni Defensori, quem in Hispaniam legatum miserat, in hunc modum rationem præscribit, quam servare deberet in examine, & judicio causæ Januarii Episcopi Malacitani, ac cujusdam Presbyteri, nec non Stephani Episcopi: 1. mandat Presbyterum ab exilio revocari, & suæ Ecclesiæ restitui, si res ita se haberet, quemadmodum Januarius Episcopus illius exposuerat. Si autem Presbyterum conscium esse alicujus criminis deprehensum fuisset; tunc, ipso præsentē, seque defendente, tum de crimine; tum de probationibus illius a Joanne requirendum statuit, ut videret, quid de eo decernendum esset. Ad Januarii Malacitanum Episcopum deinde venit, atque hæc in ejus discussione causæ Joanni servanda præcipit: cum, qui in locum ejus superordinatus fuerat, sacerdotio privatum, ab omni Ecclesiæ ministerio repellendum mandat, si contra Januarium, nulla *criminalis causa, quæ exilio, vel depositione, digna sit, mota, sive probata fuerit*. Episcopis autem, qui illum ordinaverant, vel ordinationi consenserant, Dominici Corporis, & Sanguinis per sex menses communione privatos, pœnitentiam in Monasterio agere debere decernit: iis tamen pœnitentiæ tempus minuendum esse constituit, si in hoc scelus metu compulsi consenserint. Tandem ad Stephani Episcopi causam descendit: quia ergo Stephanus Episcopus in sui odium quædam crimina conficta, & nihil secundum ordinem gestum, atque injuste se condemnatum querebatur, quid in examine causæ illius servari debeat, ut rei veritas perspicua fieri possit, Joanni præscribit, atque Stephano suam Ecclesiam restitui mandat, semel ac compertum

Tom. III.

Yy

habea-

(1) Epist. lib. 13. Indiç. 6. epist. 45., alias 111.

habeatur, nec *solemniter* omnia acta fuisse, nec *causam probatam*, quæ exilio, vel *depositione digna sit*. Hæc postea superaddit: " Quod si forte aliqua de objectis contra memoratum, "
 " Stephanum Episcopum probata sunt, aliqua vero doceri "
 " minime potuerunt: cauta omnino consideratione pensan- "
 " dum est, utrum leviora capitula, an certe graviora pro- "
 " bata sint, ut ex eis qualiter definitionem tuam formare "
 " debeas, possis scire Si autem talem culpam antedi- "
 " ctum Episcopum commisisse constiterit, quod absit, ut "
 " constet eum non irrationabiliter fuisse depositum; eadem "
 " ejus depositio confirmetur, & Ecclesiæ res suæ omnes re- "
 " stituantur, quæ ablatae claruerint ". Quam in causa Ste- "
 " phani Episcopi, & commemorati Presbyteri Joannes Defen- "
 " sor Apostolica auctoritate sententiam tulerit, ignoramus: est "
 " tamen ex ipso perspectum, quid in causa Januarii Episcopi "
 " Malacitani decreverit: hujusmodi enim fuit judicium illius (1): "
 " Dum igitur ex deputatione Beatissimi, atque Apostolici "
 " Domni mei Papæ Gregorii, ego Joannes Defensor inter "
 " Januarium Episcopum Malacitanæ civitatis, atque inter il- "
 " los, & illos Episcopos cognitor resedissem, necesse habui "
 " causam prædicti Januarii interna inquisitione discutere, & "
 " a partibus subtiliter quærere veritatem, si ut petitio ejus "
 " continet, transmissis Clericis, a memoratis Episcopis una "
 " cum hominibus gloriosi Comitoli de Ecclesia fuerit violent- "
 " ter abstractus. Qui dum multa contra se invicem, sicut "
 " gesta testantur, objicerent, ad conclusionis hunc utraque "
 " partes aliquando terminum pervenerunt, petentes me de "
 " agnitis debere judicare. Unde sollicitè relegens, quæ acta "
 " sunt, & veritatem diligenti investigatione perquirens, "
 " nullam in antedicto Januario culpam, quæ exilio, vel de- "
 " positione digna esset puniri, sed magis illum ejectum de "
 " Ecclesia violenter inveni. Et quamvis hujusmodi temeri- "
 " tatem legum censura districtissime feriat; ego tamen le- "
 " gum vigorem Sacerdotali moderatione temperans, mediis "
 " „ sacro-

(1) Hæc sententia in edit. Maurina legitur post citatam epist. S. Gregorii.

„ sacrosanctis Evangeliiis , quibus præsentibus ab initio in-
 „ hoc cognitor resedi iudicio , ea , quæ contra eum statuta
 „ sunt , licet jure non teneant , nec alicujus sint momenti ,
 „ injusta tamen , & infirma esse pronuntio “ . Alia deinde
 contra eos decernit , qui ad Januarii condemnationem con-
 currerant . Hisce vero omnibus nihil magis expressum desi-
 derari potest non solum ad illud jus adstruendum , quod pe-
 nens Apostolicam Sedem inesse propugnamus , sed etiam ad
 evincendum apud Hispanos ejusdem juris , quæ debebatur ,
 habitam fuisse rationem .

Petrus de Marca *De Concord. Sacerd. , & Imper.* lib. 7.
 cap. 18. num. 11. quoad appellationem ad Sedem Apostoli-
 cam duorum Episcoporum Stephani , & Januarii nobiscum
 consentit ; tamen num. 12. hujusmodi judicii rationem haud
 æquo animo tulisse Hispanos , inde se suspicari autumat , quia
 in Concilio IV. Tolctano can. 28. Hispani Præsules ita sanxe-
 runt : “ Episcopus , Presbyter , Diaconus , si a gradu suo
 „ injuste dejectus , in secunda Synodo innocens reperciatur ,
 „ non potest esse , quod fuerat , nisi gradus amissos recipiat
 „ coram Altario de manu Episcopi “ . Verum anne fortasse
 juri appellationum adversatur , alterum judicium Episcopo-
 rum in ipsa provincia de re judicata institui , atque in eo ab-
 solvi illum , qui in priori judicio condemnatus erat , si ejus-
 dem detecta , atque probata innocentia fuisset ? Nullo enim
 Sardicensi canone vetitum legimus ; ne post unum Episcopo-
 rum Comprovincialium judicium de crimine alicujus Episco-
 pi alterum quoque ab Episcopis vicinioribus fieret , si
 qui in priori judicio damnatus fuerat , de injusta sententia
 conquerebatur (1) . Hoc vero est , quod Tolctani Patres non
 constituunt , sed præsupponunt , decernuntque tantum ,
 cum , qui in altero judicio absolvitur , in pristinum statum
 restitui non posse , nisi gradum amissum recipiat coram Alta-
 rio de manu Episcopi . Quapropter ob hujusmodi decretum
 Concilii Toletani Episcopos Hispanos haud æquo animo tu-

Y y 2 lisse

(1) Vide hujus lib. cap. 3. §. 3. & seq.

lisse eam judicii rationem, quam Gregorius servari præcepit, nemo unquam dixerit.

Usque modo tam in præcedenti, quam in isto capite de appellationibus tum ab Oriente, tum ab Occidente factis ad Sedem Apostolicam post Concilium Sardicense usque ad tempus Trullanæ Synodi, hoc est, ab anno 347. usque ad annum 688., vel 692., ac propterea, habita ratione facti, nullus non videt, Petrum de Marca falso putasse, post Synodum Sardicensem usque ad tempus Synodi Trullanæ ab Oriente ad Sedem Apostolicam appellatum non fuisse. Solum ergo nunc superest, ut Febronium refutemus, qui Stephanum Baluzium potissimum sequutus, longius etiam, quam Petrus de Marca, progressus fuit.

§. VIII. Febronius contra apertam, atque evidentem historię veritatem exordium appellationum ad Sedem Apostolicam a collectione Decretalium repetit.

„ Sacrum illud jus (inquit *De Statu Ecclesiæ* &c. cap. 5. §. 6. num. 6.) quaecumque causam terminandi intra provinciam haud dubie mansisset integrum, nisi infausta illa Isidori collectio, referta falsis epistolis decretalibus totam Ecclesiasticę disciplinę faciem sus deque vertisset. His etenim appellationes ad Sedem Apostolicam in quacumque etiam levissimi momenti causa sunt propositę, immo & jus tributum Summo Pontifici, ut de causis in quocumque loco enatis in prima instantia cognoscere vellet, & judicium ferre“. Hac in re Febronius Baluzium sibi sequendum constituit, virum alioquin maxima eruditione præditum, qui tamen in isto doctrinę capite non solum gravissime erravit, sed etiam & minori moderatione præ Febronio usus fuit, & Ecclesiam occasione Decretalium a pristina, & antiqua doctrina deviasse, novamque fuisse sequutam, affirmare non erubuit. Hęc enim ille habet in Præfatione ad Antonium Augustinum *De Emendatione Gratiani* num. 1. „ Nam tum (scilicet tempore Caroli Magni) quasi aliqua fatali necessitate quum mutarentur regna, mutatum quoque est jus Ecclesiasticum,

„ id est,

„ id est , antiquo jure , quod per septingentos amplius an-
 „ nos valuerat , successit jus novum ex supposititiis sanctissi-
 „ morum Romanæ urbis Episcoporum epistolis ab impuden-
 „ tissimo illo nebulone Pseudo-Isidoro prolatis compactum ,
 „ & ex novellis eorum constitutionibus , qui post Caroli tem-
 „ pora Sedem Apostolicam occuparunt “ . Num. 2. “ Jus
 „ istud novum , quo exarmata sunt jura , ut Tertulliani ver-
 „ bis utamur , introductum fuisse diximus ævo Caroli Magni ,
 „ favorabili videlicet , si unquam alias , tempore , ob ma-
 „ gnam confusionem , quæ in politiam ecclesiasticam invecta
 „ erat ex stupenda , & miserabili Episcoporum , reliquorum-
 „ que Clericorum inscitia , & vetustorum canonum ignoran-
 „ tia “ . Post alia tandem hæc num. 3. superaddit : “ Consti-
 „ tuto namque hoc novo jure , eo deinceps omnes uti cœ-
 „ pere , qui transalpinæ potestatis amplificationem affecta-
 „ bant , & qui rerum omnium impunitam libertatem tenere
 „ cupiebant : qui nisi sacrosancti juris antiqui prudentiam ,
 „ & usum ab Ecclesia expulissent , obtinere non poterant li-
 „ centiam cupiditatum suarum . Sed quum æterno , si superi
 „ paterentur , supplicio maceratum esset illud jus , quo uti
 „ Ecclesiam voluerunt , qui eam fundavere , lata est quo-
 „ dam modo lex impunitatis , aditu videlicet reformato , ja-
 „ nuaque patefacta appellandi in omnibus causis Sedem Apo-
 „ stolicam , & Pontificem Romanum “ .

Si hanc loquendi rationem in ignoto aliquo auctore
 deprehenderemus , facile foret , ut quid ille prosteretur ,
 conjiceremus . Hic tamen nos Baluzium quoad hæc omnia
 refutandum non aggredimur : neque enim id instituti nostri
 ratio patitur . Eminentissimus Aguirrius in *Collect. Concil. Hi-
 spania* tom. 1. in Præfatione Isidori ad Concilia Dissertatio-
 ne 5. Patres , & Romanos Pontifices a nota *stupenda* , & *mi-
 serabilis ignorantia* luculentissime vindicavit . Dissertatione 6.
 ostendit , tempore Nicolai I. , hoc est , post annum 858. ,
 inventum in Ecclesia non fuisse jus appellationum ad Apostoli-
 cam Sedem occasione epistolarum Isidorianæ collectionis ,
 ipsiusque Nicolai æquitatem in causis Rothadi , & utriusque

Hinc

Hinc mari contra Baluzii calumnias defendit. Tandem in 7. Dissertatione palam fecit omnibus, qui manifestè evidenterque veritati repugnare nolint, jus appellandi ad Sedem Apostolicam, quod tribuitur Episcopis in epistolis Isidorianæ collectionis, neque novum esse, neque contrarium antiquis Canonibus, ac propterea dici non posse seculo 8., aut 9. in Ecclesiam introductum fuisse. Hoc vero est, quod nos æquo jure contra Baluzium, & Febronium urgere possumus. Quod antequam faciamus, illud paucis animadvertendum censemus, hoc, quod Baluzius affirmat *de fatali necessitate*, quæ jus Ecclesiasticum mutatum est, & novum antiquo successit, sententiæ Novatorum effluentium, Ecclesiam a sua pristina sanctitate, & puritate defecisse, affine esse. In veteri namque ecclesiastico jure non solum plura spectantia ad disciplinam tradita habemus, sed etiam multa alia, quæ sunt dogmata fidei. Hinc rectè Aguirrius Dissertatione 5. Excursu 1. num. 5. & 6. : “ Sane (inquit) quotquot Romani Pontifices,
 „ quotquot Concilia, & Patres longe ante tempora Caroli
 „ Magni, fidem, & rectam doctrinam in Ecclesia Romana
 „ non defecturam collegerunt ex pollicitationibus Christi
 „ Petro factis, & crediderunt, portas inferi non prævalituras
 „ adversus eam, . . . horrerent, si audirent, venturum
 „ tempus, & quasi *fatalem necessitatem*, ut tota Ecclesia re-
 „ geretur novo aliquo jure, contrario iis sacris Canonibus,
 „ & orto ex farragine, ac quisquiliis alicujus impudentissimi
 „ nebulonis. Expendant, quæso, omnes viri docti, & pii,
 „ quotquot intra sinum suum Romana Ecclesia complectitur,
 „ an in ea opinione, & verbis lædatur ipsius honor, quam-
 „ vis idem auctor revera Catholicus nihil minus cogitaverit.
 „ Sed forte religioni non duxit ita scribere, aut abductus
 „ immoderata crisi, qua excedunt recentiores aliqui circa
 „ sacra quælibet antiquitatis monumenta, aut præoccupatus
 „ nimio Gallicanarum libertatum amore, qui vel Catholicos,
 „ & eruditos homines exerrare facit, & quodammodo obli-
 „ visci Sedis Apostolicæ, quam se colere testantur iis thesi-
 „ bus, & supremorum Parlamentorum aliquot decretis in-
 „ Gal-

„ Gallia editis, quæ (teste Marca ipso, Archipræsule eruditissimo, & Regio Ministro, in libello Barcinone edito anno 1646.) *Catholica Ecclesia dignitatem summopere ledunt* “.

Verum a Baluzio, &, eo magistro; etiam a Febronio falso obtrudi: *mafacto antiquo jure, januam patefactam appellandi in omnibus causis Sedem Apostolicam*, hoc sane est, quod modo volumus, & jure quidem meritoque volumus. Nam pluribus est jam ostensum a nobis, longe ante tempora Concilii Sardicensis ab Ecclesia tum Orientali, tum Occidentali ad Sedem Apostolicam appellatum fuisse. Habita autem Sardicensi Synodo, hoc de jure manifesta decreta edita legimus, & ad Apostolicam Sedem Ecclesiam Orientalem, & Occidentalem appellasse usque ad illud tempus, quo S. Gregorius Magnus universæ Ecclesiæ præfuit, jam demonstravimus⁽¹⁾: idemque etiam quoad sequentia secula a nobis facile confici poterat: nisi hac in re, quam par erat, longiores esse timuissimus.

Ex his autem etiam Bohemeri calumnia refellitur: nam ipse quoque in *Jure Ecclesiastico Protestantium* lib. 1. tit. 29. §. 4. non solum originem illius juris, quo ad Sedem Apostolicam appellatur, repetit a collectione Decretalium Isidori; sed etiam lib. 2. tit. 28. §. 1. effutit, quod “*Fraudibus variis, usi sunt Pontifices, ut appellationes ad se traherent* “. Finigi ne quidpiam audacius hujusmodi calumnia potest?

§. IX. Adversarii nostri irritò conatu contra nos pugnant auctoritate Canonis 2. Concilii Constantinopolitani I.

Concilium Constantinopolitanum I. eo tempore habitum fuit, quod a Sardicensi Concilio usque ad Trullanum interfluxit. Quapropter quum hoc in capite jam consecerimus a Synodo Sardicensi usque ad Trullanam ab Ecclesia tum Orientali, tum Occidentali ad Sedem Apostolicam appellatum fuisse, nunc superest, ut ostendamus nihil contra evinci ex Canone 2. Constantinopolitani I. Concilii, quem Adversarii⁽²⁾ nobis oppo-

(1) Vide hæc duo ultima capita. (2) Inter alios Quesnellus videatur Dissert. 5. Apologetica pro S. Hilario par. 1. cap. 15., & Dupinius *De Antiqua Ecclesiæ disciplina* Dissert. 2. cap. 1. §. 1. & seq.

opponunt. Hæc ergo sunt verba Canonis (1): " Qui sunt su-
 " per Diocesim Episcopi nequaquam ad Ecclesias, quæ sunt
 " extra præfixos sibi terminos, accedant; nec eas hac præ-
 " sumptione confundant, sed juxta Canones Alexandrinus
 " Antistes &c. Non vocati autem Episcopi ultra suam Diocce-
 " sim non accedant propter ordinationes facendas, vel pro-
 " pter alias dispensationes Ecclesiasticas. Servata vero, quæ
 " scripta est de gubernationibus regula, manifestum est,
 " quod illa, quæ sunt super unamquamque Provinciam,
 " ipsius Provinciæ Synodus dispenfer, sicut Nicæno constat
 " decretum esse Concilio ". Dupinius (2) Christianum Lu-
 " pum falso arbitratur dicit, hoc 2. Canone Concilii Con-
 " stantinopolitani non 5., sed 6. Canonem Nicæni Concilii
 " explicari, atque tradit in priori quidem parte Constantino-
 " politani Canonis haberi rationem 6. Nicæni Canonis, in
 " altera vero 5. At hoc ad se parum referre affirmat, dum il-
 " lud adducitur, " Constantinopolitani Synodi Patres existi-
 " massè, omnem administrationem, ac proinde judicia Epi-
 " scoporum pertinere ad Synodum Provinciæ secundum re-
 " gulam, ac mentem Nicænorum Patrum ".

Paucis quod ego puto de respectu habito non ad 5.;
 sed ad 6. Canonem Nicænum in Canone 2. Concilii Con-
 stantinopolitani. Canone 5. Nicæni Concilii præscribitur,
 qua ratione Episcopus se gerere debeat erga illos, qui vel
 ex Clero, vel ex laico ordine communionem privati fuerint;
 Canone autem 6. tum Patriarcharum, tum Metropolitanorum
 fines jurisdictionis præscribuntur. Hoc quoque in 2. Constan-
 tinopolitano Canone jurisdictio Episcoporum definitur, præ-
 cipiturque, ne Episcopi accedant ad illas Ecclesias, *quæ
 sunt extra præfixos sibi terminos*. Inde vero consequabatur,
 ut, *constituta hac regula de gubernationibus*, negotia, quæ
 in aliqua Provincia occurrere poterant, a Synodo ejusdem
 Provinciæ componenda essent, quemadmodum in altera par-
 te Canonis 2. Constantinopolitani sancitum legimus. Quare
 cum

(1) Tom. 1. Concil. edit. Harduini colum. 809. (2) Loco mox
 citato.

cum Christiano Lupo tom. 8. Operum ejus, Differt. 1. *De Gallicana Ecclesia Romanis appellationibus* cap. 10. sentiendum arbitror, Canonem 2. Constantinopolitanum ad 6. Nicænum Canonem referri. Verum ad rem quoque nostram id parum spectat.

Nunc de vero sensu 2. Constantinopolitani Canonis. Eo sane tendit determinatio ejus, sicut unicuique legenti ex se constat, ut Episcopi non excedant terminos suæ jurisdictionis, ac nemo eorum in Diocesi alterius aliquid auctoritatis exerceat. Quemadmodum vero unus Episcopus ultra, quam par est, suam auctoritatem extenderet, si alterius Episcopi jurisdictionem invaderet; ita etiam si Episcopi unius Provinciæ simul uniti negotia alterius Provinciæ propria auctoritate definire vellent, alienum jus invaderent. Hoc vero est, quod vetant Constantinopolitani Patres, & quemadmodum in priori parte Canonis decreverunt, ne unus Episcopus, quæ spectant ad jurisdictionem alterius Episcopi, sibi subiceret; ita in hac altera statuere, ne Episcopi unius Provinciæ jura alterius Provinciæ invaderent; idque faciunt, *sicut Nicæno constat decretum esse Concilio*, hoc est Canone 6. "Altera Canonis pars (Concilii Constantinopolitani, inquit Christianus Lupus in scholiis ad eundem Canonem) idem statuit, quod prima pars tertiæ Sardicensis. Horrendum grassabatur alienarum præsertim ordinationum invasio. Etenim, ut Eusebii Vercellensis Episcopi, Luciferi Calaritani, & Eusebii Samosatensis pios labores taceam, Apollinarius, Laodicensis hæresiarcha, ut scribit Facundus Hermianensis Episcopus ex S. Petro Alexandrino, in Patriarchalem Antiochenam Cathedralam intruserat suum disceptulum Vitalem, ei soli ab omnibus communicari mandans, Paulinum autem verum istuc Episcopum anathematizari. Ab eadem factione intrusos Episcopos in varias Cappadocum Ecclesias, testatur Gregorius Presbyter in vita S. Gregorii Nazianzeni. Etiam Macedonius, atque Eudoxius, Constantinopolitani Pseudo-Episcopi, ita fuerant in jura aliena grassati. Etiam Synodus Seleuciensis,

Tom. III. Z z ejecto

„ ejectione Eudoxio, Antiochenis dederat Anianum Episcopus, quomodo olim Antiochena Alexandrinis Gregorium, de quo Julii Pontificis querelas quis ignorat? ...
 „ Hæc ergo omnia ne fiant deinceps, Canon compescit. „
 „ Toto itaque cœlo Adversarii nostri a veritate aberrant, dum auctoritate 2. Canonis Constantinopolitani jus appellatum ad Sedem Apostolicam sublatum fuisse contendunt.

Eodem modo falluntur etiam, dum ad auctoritatem Canonis 9. Concilii Chalcedonensis confugiunt. Ita vero habet hujusmodi Canon (1): „ Si quis Clericus adversus Clericum habet negotium, non deserat proprium Episcopum, & ad secularia judicia recurrat: sed prius actio ventiletur apud Episcopum proprium, vel certe consilio ejusdem Episcopi, apud quos utræque partes voluerint, judicium obtinebunt. Si quis autem præter hæc fecerit, canonicis correctionibus subiacebit. Quod si Clericus habet causam adversus Episcopum proprium, vel adversus alterum, apud Synodum Provinciæ judicetur. Quod si adversus Provinciæ Metropolitanum Episcopus, vel Clericus habet querelam, petat aut primatem diœceseos, aut sedem regis urbis Constantinopolitanæ, & apud ipsam judicetur. „
 „ Hisce similia statuta leguntur etiam in Canone 17. At vero judiciorum, quæ *prime instantia* dicuntur, Patres Chalcedonenses in hisce Canonibus rationem habuerunt, constitueruntque, ut Clericus contra Clericum ad Episcopi, Clericus contra Episcopum ad Synodi Provinciæ, Episcopus, vel Clericus contra Metropolitanum ad Primatis, seu ad sedis regis urbis judicium recurreret, nullusque auderet (& hac sane de causa, uti constat ex initio Canonis, descriptis judiciorum ordo stabilitus fuit) ad secularia judicia accedere. Hoc sane scandali genus ab Ecclesiasticis remove Patres Chalcedonenses contenderunt, indeque etiam Canone 12. ab iisdem sancitum fuit, ut qui *convolarunt ad potestates, & per pragmaticam formam in duo provinciam unam dividerunt* contra Ecclesiastica statuta, ne in posterum sub poena *amissionis gradus proprii* quidquam tale auderent. CA-

(1) Tom. 2. Concil. juxta edit. Harduini colum. 606.

CAPUT VI.

DE EO FUNDAMENTO, QUOD APPELLATIONES AD SEDĒM
APOSTOLICAM IN JURE DIVINO HABENT.

§. I. **J**Us appellationum ad Sedem Apostolicam ab ejus suprema legislativa potestate proxime profisciscitur.

Etiam antequam in Sardicensi Concilio lex ulla conderetur de appellationibus ad Apostolicam Sedem, sæpius ad eam tum ab Orientali, tum ab Occidentali Ecclesia appellatum fuisse, jam ostendimus (1). Appellationes autem ad se factas Apostolica Sedes recepit, deque iis, de quibus appellabatur, judicium tulit. Hanc potestatem Julius in epistola ad Eusebianos ad consuetudinem revocavit (2): ad decreta Synodi Sardicensis (3), atque simul ad consuetudinem ex Traditione proficiscentem revocavit etiam Innocentius I. in epistola 2. ad Victricium (4) inquires num. 5. " Si quæ
" autem causæ, vel contentiones inter Clericos tam superioris ordinis, quam etiam inferioris, fuerint exortæ, ut
" secundum Synodum Nicænam, congregatis ejusdem provincie Episcopis, jurgium terminetur, nec alicui liceat
" (sine præjudicio tamen Romanæ Ecclesiæ, cui in omnibus
" causis debet reverentia custodiri) relictis his Sacerdotibus,
" qui in eadem provincia Dei Ecclesiam nutu Divino gubernant, ad alias convolare provincias ". Ita prosequitur Summus Pontifex num. 6. " Si majores causæ in medium
" fuerint devolutæ, ad Sedem Apostolicam, sicut Synodus
" statuit, & beata consuetudo exigit, post judicium Episcopale referantur ". Quæ ex priori loco præter omnem rationem expuncta vellet Quæsnellus, Coustantius animadvertit (5): quæ autem ex altero Febronius *De statu Ecclesiæ* cap. 4. §. 1. num. 1. Ballerini fratres (6). S. Leo quoque hujus-

Z z 2

modi

(1) Hujus lib. toto cap. 2. (2) Vide locum ejus hujus lib. cap. 2. §. 6. (3) Vide quæ animadvertimus hujus lib. cap. 4. §. 1. (4) Apud Coustantium in Collect. epist. Rôm. Pontif. (5) In Adnot. hujus epist. (6) Tom. 3. Oper. S. Leonis colum. 207.

modi potestatem in consuetudine positam affirmavit epist. 10. cap. 2. (1): " Nobiscum itaque (inquit ad Episcopos provincie Viennensis) vestra fraternitas recognoscat, Apostolicam
 " Sedem pro sui reverentia a vestra etiam provincie Sacer-
 " dotibus innumeris relationibus esse consultam, & per di-
 " versarum, quemadmodum vetus consuetudo poscebat,
 " appellationem causarum, aut retractata, aut confirmata
 " fuisse judicia; adeo ut, servata unitate spiritus in vinculo
 " pacis, commeantibus hinc inde litteris, quod sancte age-
 " batur, perpetuè proficeret charitati: quoniam sollicitudo
 " nostra non sua quærens, sed quæ sunt Christi, dignitatem
 " divinitus datam nec Ecclesiis, nec Ecclesiarum Sacerdoti-
 " bus abrogabat ". Tandem, ut alios omitamus, hanc
 potestatem, de qua loquimur, in quodam jure, & in Cano-
 nibus reposuit Gelasius Papa in epistola 7. ad Episcopos Dar-
 danie (2): " Cuncta (inquit) per mundum novit Ecclesia,
 " quoniam quorumlibet sententiis ligata Pontificum Sedes
 " B: Petri Apostoli jus habeat resolvendi: utpote quod de
 " omni Ecclesia fas habeat judicandi, neque cuiquam de ejus
 " liceat judicare judicio: siquidem ad illam de qualibet mun-
 " di parte Canones appellari voluerunt, ab illa autem nemo
 " sit appellare permissus ". Principium ergo hujusmodi tum
 consuetudinis, tum juris investigandum nunc aggredimur,
 dicimusque proxime proficisci ab illa suprema legislativa po-
 testate, quam Summus Pontifex super universam Ecclesiam
 habet.

Supremum jus legislativæ potestatis, semel ac illud sit
 vera supremum, & non secundum nomen, necessario exi-
 git, ut in eo genere, in quo supremum est, & nullum su-
 pra se habeat, & etiam nullum ei subiectum non sit: supre-
 mum enim dicitur, tum quia aliud admitti non debet super
 illud, tum quia undequaque extenditur, si eorum ratio ha-
 beatur, quæ sub eo cadere possunt. Summus autem Ponti-
 fex supremam legislativam potestatem super universam Ec-
 clesiam

(1) Juxta edit. Ballerin. (2) Tom. 2. Concil. edit. Harduini col-
 lum. 905.

elefiam habet (1): omnia igitur, quæ sub hujusmodi legislativa potestate cadere possunt, hoc est, omnes Ecclesiasticæ leges, judicia, atque decreta, ab illius suprema legislativa potestate subtrahi neque possunt, neque debent. At vero multa sane omnino subtraherentur, semel ac a judiciis, vel decretis ab alia quavis Ecclesiastica potestate editis, nullus appellandi locus ad Sedem Apostolicam reliquus foret: hæc enim judicia, aut decreta, quamvis lata ab Ecclesiasticis illi nullo modo subderentur: igitur jus appellationum ad Sedem Apostolicam ab ejus suprema legislativa potestate proxime proficiscitur.

§. II. Jus appellationum ad Sedem Apostolicam ob ejus supremam legislativam potestatem ex ipso jure naturæ perspectum est.

Appellatio res est, quæ ex principiis legis naturæ derivatur, atque cum ipsa appellatione necessario conjungitur, ut ille, ad cujus judicium provocamus, sua supra alterum, a quo provocatur, quoad eam judicii rationem, de qua agitur, auctoritate valeat (2): semel ac ergo Apostolica Sedes supremam legislativam potestatem habeat, atque hac de causa qui judicia Ecclesiastica ferre possunt, illi subjecta esse debeant (3), inde consequitur, ut de jure appellationum ad Sedem Apostolicam ob ejus supremam legislativam potestatem ex ipso jure naturæ perspectum sit.

§. III. Ipsa ratio supremæ legislativæ potestatis facit, ut ad Apostolicam Sedem appellari possit, etiam omisso ordine judicium inferiorum.

Ipsa natura appellationum non exigit, ut ab uno iudice provocetur ad alterum, qui proxime sequitur secundum ordinem auctoritatis, deinde ad alios juxta eundem ordinem, quousque ad supremum iudicem perveniatur (4); sed cum ipsa appellatione necessario conjungitur, ut ille, ad cujus judicium provocamus, sua supra alterum, a quo provocatur, quoad illam judicii rationem, de qua agitur, auctoritate

(1) Lib. 19. cap. 3. (2) Hujus lib. cap. 1. §. 2. & seq.

(3) Præced. §. (4) Hujus lib. cap. 1. §. 7.

ritate valeat (1): igitur semel ac de suprema auctoritate agatur, quæ in hoc, vel illo ordine judiciorum dari potest, ad eam appellandi locus semper esse debet, etiam omisso ordine judicum inferiorum: ipsa ergo ratio supremæ legislativæ potestatis facit, ut ad Apostolicam Sedem appellari possit, etiam omisso ordine judicum inferiorum.

Id autem confirmatum habemus quotidiana experientia, qua novimus, in civili quoque regimine supremo Principi offerri libellos, omisis inferioribus iudicibus, contra sententiam latam ab aliquo iudice iisdem adhuc inferiorem, ac supremum Principem quod decretum definitumque fuit, rescindere.

§. IV. Jus appellationum ad Apostolicam Sedem in Primatum auctoritatis, & jurisdictionis ultimo refunditur, atque ab illo, uti a suo primo principio proficiscitur, ex eo quod a suprema legislativa potestate ipsum proxime derivetur.

Suprema legislativa potestas, quam Summus Pontifex super universam Ecclesiam obtinet, a Primatu auctoritatis, & jurisdictionis, quem super eandem Ecclesiam ipse habet, omnino proficiscitur (2): ad supremam autem legislativam potestatem proxime consequitur hoc jus appellationum, de quo nunc agimus (3): jus igitur appellationum ad Sedem Apostolicam in Primatum auctoritatis, & jurisdictionis ultimo refunditur, atque ab illo, uti a sui primo principio proficiscitur, ex eo quod a suprema legislativa potestate ipsum proxime derivetur. Hinc S. Leo jura Primatus ab Hilario violari conquestus fuit epist. 12. cap. 2. (4), dum ille appellationi Celidonii sese opponere videretur: & Valentinianus epist. 55. (5) ad Theodosium inter jura Primatus retulit *generalem potestatem de fide*, & *Sacerdotibus* (id est Episcopis) *judicare*. Leonis ergo doctrinæ, sanctitati, atque auctoritati nimis il-liberaliter Quesnellus detrahit, dum affirmare audet Differ. 5.

Apo-

(1) Cit. loco §. 3. (2) Lib. 19. cap. 3. §. 1. & seqq. (3) Hujus cap. §. 1. & seq. (4) Juxta edit. Ballerin. (5) Juxta eandem editionem.

Apologetica par.3. cap.3. illum in præjudicata opinione fuisse, ex eo quod putaverit, *auctoritati, & splendori sedis sue* deberi, ut appellationes ad eam deferrentur, ac propterea *novum jugum Gallicanis Ecclesiis, & Sacerdotibus illarum parasse, quod nec illi, nec eorum Patres portare potuerunt.*

§. V. Jus appellationum ad Sedem Apostolicam etiam ab illius perfecte monarchico regimine proxime dimanat.

Ratio regiminis perfecte Monarchici in eo posita est, ut unus præsit omnibus, sive simul, sive singulatim acceptis, ita ut nulla sit societas, sive hominum cœtus, nullusque item homo singularis, quavis tandem dignitate præfulgeat, qui illi non subjiciatur. Unus tantum super omnes in regimine perfecte Monarchico sua præfulgere non solum dignitate, sed etiam auctoritate, atque potestate debet(1). Ex hac vero ratione regiminis jus appellationum ad supremum imperans proxime consequi, nemo non videre debet. Nam in appellatione qui est alicujus, aut etiam quorundam ad id simul unitorum judicio damnatus ad superius tribunal provocat, suasque in eo rationes contra sententiam semel acceptam experitur. Hoc autem superius tribunal si penes eum non sit, qui omnino præest eum illis, contra quos sententia lata fuit; tum aliis, qui munus judicis obierunt, penes nullum alium esse poterit. Quum igitur in regimine perfecte Monarchico unus præsit omnibus sive simul unitis, sive singulatim acceptis; hoc in regimine jus appellationum ad supremum imperans necessario admittatur oportet. At Ecclesiæ regimen perfecte monarchicum est (2): ergo in regimine ejus jus appellationum ad supremum imperans admittatur oportet: jus itaque appellationum ad Sedem Apostolicam etiam ab illius monarchico regimine proxime dimanat.

§. VI. Quia Ecclesiæ regimen est perfecte Monarchicum ad ejus Supremum imperans appellandi locus semper esse debet, habita ratione judiciorum, atque etiam poenarum, quæ in ipsis judiciis infliguntur.

Publi-

(1) Vide quæ lib. 20. cap. 3. hac de re disseruimus. (2) Cit. lib. cap. 4.

Publica jurisdictio ad publica judicia requiritur, quemadmodum nemini compertum non est. Semel ac autem in regimine perfecte Monarchico publica aliqua jurisdictio admittatur, non subiecta auctoritati, & potestati illius, qui ipsum Monarchicum regimen tenet, actum sane est de ratione ipsius Monarchici regiminis, quia tunc una tantum non esset suprema potestas (1). Hæc vero jurisdictio in Ecclesiæ regimine, quod perfecte Monarchicum est (2), admittitur, dum a judiciis latis ab Ecclesiasticis potestatibus Suprema inferioribus ad ipsam Supremam nullus appellandi locus relinquitur. Tunc enim hujusmodi inferiores potestates in suis judiciis, quæ sine publica jurisditione exerceri non possunt, Supremæ potestati nullo modo subjacerent. Si igitur ad ipsam rationem judiciorum attendatur, Monarchicum Ecclesiæ regimen exigit, ut ad ejus Supremam imperans semper sit appellandi locus.

Idem dicendum est, si poenarum, quæ in judiciis infliguntur, ratio habeatur. Nam in alios publicam poenam decernere, ejus tantum est, qui publica jurisditione in republica potitur. Hæc autem publica jurisdictio in regimine perfecte monarchico, & una, & suprema omnium non esset, quemadmodum necessario requiritur, si admittatur alia publica jurisdictio, quæ independenter ab illa publicas poenas in peccantes decernere possit. Quum ergo Ecclesiæ regimen perfecte Monarchicum sit (3); dicendum sane est, ad ejus Supremum imperans appellandi locum semper esse debere, si ad ipsam rationem poenarum attendatur.

§. VII. Ipsa ratio regiminis perfecte Monarchici facit; ut ad Apostolicam Sedem appellari possit, etiam omisso ordine judiciorum inferiorum.

Ipsa natura appellatum non exigit (4), ut ab uno iudice provocetur ad alterum, qui proxime sequitur secundum ordinem auctoritatis, deinde ad alios juxta eundem ordinem, quousque ad Supremum iudicem perveniatur: aliun-

(1) Lib. 19. cap. 3. §. 1. & seqq. (2) Cit. lib. cap. 4. (3) Citatis in locis. (4) Hujus lib. cap. 1. §. 7.

aliunde vero si de regimine perfecte Monarchico agatur, iudicio supremi imperantis non minus subiectum est, quod ab inferioribus iudicibus, quam quod a superioribus decernitur; immo ipsi quoque iudices tum inferiores, tum superiores illi æque subduntur (1). Quum ergo Ecclesiæ regimen sit perfecte Monarchicum (2), ipsa ratio regiminis illius facit, ut ad Apostolicam Sedem appellari possit, etiam omisso ordine iudiciorum inferiorum.

§. VIII. Jus appellationum ad Sedem Apostolicam in Primatum auctoritatis, & jurisdictionis ultimo refunditur, atque ab illo, uti a suo primo principio profisciscitur, ex eo quod ab ipsa ratione Monarchici regiminis illud proxime derivetur.

Regimen Ecclesiæ perfecte Monarchicum ad ipsum Primatum auctoritatis, & jurisdictionis consequitur, atque cum eo certo quodam nexu conjungitur (3): ab hoc autem Ecclesiæ regimine perfecte Monarchico jus appellationum, ad Sedem Apostolicam proxime consequitur (4): jus igitur appellationum ad Sedem Apostolicam in Primatum auctoritatis, & jurisdictionis ultimo refunditur, atque ab illo, uti a sui primo principio profisciscitur, ex eo quod ab ipso Ecclesiæ regimine perfecte Monarchico proxime derivetur.

§. IX. Etiam Primatus auctoritatis, & jurisdictionis super universam Ecclesiam in se spectati habita ratione, constat de jure appellationum ad Apostolicam Sedem.

Primatus auctoritatis, & jurisdictionis, ex eo quod non nomine tenus, sed re ipsa talis sit, atque super universam Ecclesiam extendatur, ea omnia in se complecti debet, in quibus potestas, & jurisdictio Ecclesiastica exercetur. Id enim si non habeatur, non erit sane verus Primatus auctoritatis, & jurisdictionis, qui totam Ecclesiam in sui regimine contineat. At vero in judiciis, quæ hac, vel illa de re a sacris Præsulibus sunt, potestas, & jurisdictio Ecclesiastica exercetur: ratio igitur Primatus auctoritatis, & jurisdictionis,

Tom. III.

A a a

nis,

(1) Lib. 19. cap. 3. §. 1. & seqq. (2) Cit. lib. cap. 4. (3) Lib. 20. cap. 4. (4) Hujus cap. §. 5. & seqq.

nis, qui super universam Ecclesiam extenditur, ex sui natura exigit, ut illa sibi subiecta sint, ejusque supremæ auctoritati subdantur. Hæc autem subiectio omnino tolleretur, habita ratione judiciorum, quæ a sacris Præsulibus de hac, vel illa re fierent, si ab iis ad sententiam ejus appellari non posset, qui Primatum auctoritatis, & jurisdictionis super universam Ecclesiam habet. Quum igitur Summus Pontifex ille sit, qui Primatum auctoritatis, & jurisdictionis super universam Ecclesiam habet (1), inde sane consequitur, ut Primatus auctoritatis, & jurisdictionis super universam Ecclesiam etiam in se spectati habita ratione, constet de jure appellationum ad Sedem Apostolicam.

§. X. Ab ipsa ratione Primatus auctoritatis, & jurisdictionis super universam Ecclesiam proficiscitur jus appellationum ad Sedem Apostolicam, etiam quando agitur de rebus ad disciplinam spectantibus.

Ecclesiæ Præsules, auctoritate, quam habent, procul dubio utuntur, etiam dum illa constituunt, quæ ad disciplinam spectant: si ergo Primatus auctoritatis, & jurisdictionis, qui ad universam Ecclesiam extenditur, ut sit reverentialis, & non secundum nomen, necessario requirit, ut sub se ea omnia complectatur, in quibus potestas, & jurisdictio Ecclesiastica exercetur, inde sane consequitur, jus appellationum ad Sedem Apostolicam de rebus quoque ad disciplinam spectantibus proficisci ab ipsa ratione Primatus auctoritatis, & jurisdictionis super universam Ecclesiam. “ Siquidem Romanus Pontifex (inquit Natalis ab Alexandro in *Hist. Ecclesiast.* sec. 4. Dissert. 28. qu. unica proposit. 3.) videtur Primatus, quem agnoverunt, & venerati sunt, non minus tutor est, & vindex, & exequutor Canonum per universam Ecclesiam, quam judex controversiarum fidei: nec minus est Ecclesiasticæ promotor, & judex disciplinæ, quam assertor, & conservator fidei, Unde non solum in causis fidei, verum etiam in causis disciplinæ consulere semper Sedem Apostolicam totius orbis Christiani Episcopi, & relationes ad eam miserunt “. §. XI. Jus

(1) Lib. 18. cap. 1., & lib. 19. cap. 2.

§. XI. Jus appellationum ad Apostolicam Sedem suum primum fundamentum in jure Divino habet, ac propterea illud esse quamdam *transfusionem* ejus potestatis, quæ compete-
bat Imperatoribus, non sine evidentissima falsitate dici potest.

Petrus de Marca lib. 7. *De Concord. Sacerd., & Imper.* cap. 3. num. 6. non illud tantum tueretur, Sardicensi Concilio *deberi primam originem juris Summi Pontificis quoad judicia canonica*, quod quidem jus ab ipso reponi non in *appellatione*; sed in quadam *revisione* cum confutando jam animadvertimus (1); sed illud quoque contendit (2), hanc potestatem concedendi revisionem illorum quoque judiciorum, quæ in Synodis Provincialibus lata fuissent, quamdam *transfusionem* esse juris illius, quod in hanc rem habebant Imperatores, illudque Pontifices assequutos fuisse non sine detrimento Imperatoris auctoritatis.

Verum sicuti in aliis doctrinæ capitibus, ita in hoc quoque ille fallitur, atque ex ipso facto constat de errore ejus. Nam ex iis Ecclesiasticis legibus, in quibus de appellationibus ad Sedem Apostolicam agitur, novimus hujusmodi jus deductum fuisse a propria potestate Romani Pontificis, quam ipse per se antea obtineret, illudque etiam compertum habemus, Imperatores hoc de jure sibi ablato cum Sardicensibus Patribus nunquam fuisse conquestos. His accedit, longe ante tempora Concilii Sardicensis, & etiam antequam Constantinus Christianæ religioni nomen daret, ad Sedem Apostolicam appellatum fuisse (3). Si ergo hoc jus appellationum ad Sedem Apostolicam a jure Imperatorum vel derivatum, vel subtractum haberemus, dicendum sane foret, illud profectum fuisse ab ea auctoritate, quam Imperatores ethnici super Ecclesiam habebant. Deinde Summi Pontifices dum de hoc jure appellationum ad Sedem Apostolicam loquuti fuere, illud vel in consuetudine, vel in alio jure repositum esse affirmarunt (4). At neque in alio jure,

A a a 2

neque

(1) Hujus lib. cap. 3. §. 5. (2) Eodem cap. nu. 1. (3) Vide quæ differimus hujus lib. cap. 2. §. 1. & seqq. (4) Vide hujus cap. §. 1.

neque in consuetudine reponere potuissent, si ab Imperatoribus subtractum in eos transfusum esset. Postremo in jus Divinum eam consuetudinem, atque illud jus, de quo Summi Pontifices loquuti fuerunt, dum de appellationibus ad Sedem Apostolicam ageretur, referri oportere, jam conficimus (1).

§. XII. Jus appellationum ad Sedem Apostolicam non pendere ex jure Primatus, non solum non evincitur ex iis locis, quæ Febronius pro se in medium adducit, sed etiam ex iisdem omnino constat, hoc alterum jus ab illo priori derivari.

De statu Ecclesiæ cap. 5. §. 6. Concilii Lugdunensis habiti anno 567. auctoritatem primo loco nobis opponit, in quo ita sancitum legitur: " Ut si quid inter Episcopos ejusdem
 „ Provinciæ contentionis emerferit, Metropolitanus sui, &
 „ comprovincialium Episcoporum judicio sint contenti: quod
 „ si diversæ Provinciæ fuerint, convenient Metropolitanum
 „ duo, atque communi fratrum studio res judicetur ". Ita Patres in 2. Canone (1); quo etiam pœnam in eos statuerunt, qui se ab hac conditione quacumque calliditate subtraherent. At vero anne fortasse Patres Lugdunenses hoc decreto omnem potestatem appellandi ad Sedem Apostolicam sublatam voluerunt? Id si voluissent, auctoritas illorum hac in re nihili fieri deberet, quum præscribendi jura Summi Pontificis nullam auctoritatem haberent. Non voluerunt tamen, quemadmodum ex facto ipso novimus. Nam hoc in Concilio, quemadmodum Gregorius Turonensis tradit lib. 5. *Hist.* cap. 21. Salomnius, & Sagittarius Episcopi dignitate Episcopali ob plurima sua flagitia privati fuerunt. Verum isti, uti habet Gregorius,
 „ Accedentes coram Papa Joanne, exponunt se, nullius rationis existentibus causis, dimotos. Ille vero epistolas ad
 „ Regem dirigit, in quibus locis suis eosdem restitui jubet.
 „ Quod Rex sine mora, castigatis illis verbis multis, implevit ". Hanc autem Synodum, teste S. Gregorio, Rex Guntramnus cogi præcepit, ut in ea de Salonio, atque Sagittario judicium fieret. Semel ac ergo in ea ad Apostolicam Sedem appel-

(1) Præced. §. (2) Tom. 3. Concil. edit. Harduini colum. 353.

appellandi locus sublatus fuisset, pati ipse non debuisset, ut Salonijs, & Sagittarijs ad eam appellarent, multoque minus ferre, ut sententia illius absoluti evaderent, atque ipse uti absolutos, præcipiente Summo Pontifice, habendos juberet. Quapropter Patres Lugdunenses in 2. Canone id tantum spectasse dicendum est, ut Episcopi in iis contentionibus, quæ inter se orirentur, Metropolitanorum suorum judicio acquiescerent, atque ita inter se divisi non persisterent.

2. Febronius opponit in Capitulis, quæ Hadrianus Papa tradidit Ingilramno Mediomatricæ urbis Episcopo capitulo 12. hæc legi: " Prudentissime, justissimeque Nicæna, sive Africana decreta definierunt, quæcumque negotia in suis locis, ubi orta fuerint, finienda: maxime quia unicuique concessum est, si judicio offensus fuerit cognitorum, ad Concilium suæ Provinciæ, vel etiam universale provocare. Hæc sane in citato capitulo leguntur. Verum cap. 3., antequam statuatur, quæ ratio in judiciis, singularum Provinciarum habito respectu, servari debeat, ita statutum legitur (1): " Salvo Romanæ Ecclesiæ in omnibus Primatu, manifestum est, quod illa, quæ sunt per unamquamque provinciam, ipsius provinciæ Synodus dispenset, sicut in Nicæno constat decretum esse Concilio. " Cap. 20. " Nam si ipse (Episcopus) Metropolitanum, aut judices suspectos habuerit, aut infestos senserit, apud Primate[m] Diocæseos, aut apud Romanæ Sedis Pontificem judicetur. " Cap. 23. " Placuit, si Episcopus accusatus appellaverit Romanum Pontificem, id statuendum, quod ipse censuerit. " Cap. 28. " Quod si adversus ejusdem provinciæ Metropolitanum Episcopus, vel Clericus habuerit querelam, petat Primate[m] Diocæseos, ut apud ipsum judicetur, aut apud Sedem Apostolicam. " Tandem cap. 42. " Ut Provincialis Synodus retractetur per vicarios Romani Pontificis, si ipse decreverit. " Anne ista pro Febronio faciunt? Anne ipso capitulo 9. explicatum non habemus, quo sensu 12. capitulum accipi debeat?

3. Ex

(1) Tom. 3. Concil. edit. Harduini colum. 1065.

3. Ex Concilio Francofordiensi hunc Canonem in medium adducit: " Statutum est a Domino Rege, & Sancta Synodo, ut Episcopi iustitias faciant in suis parochiis. Si non obedierit aliqua persona Episcopo suo de Abbatibus, Presbyteris, Subdiaconibus, Monachis, & ceteris Clericis, vel etiam aliis in ejus parochia, veniant ad Metropolitanum suum, & ille dijudicet causam cum suffraganeis suis. Comites quoque nostri veniant ad iudicium Episcoporum. Et si aliquid est, quod Episcopus Metropolitanus non possit corrigere, vel pacificare; tunc tandem veniant accusatores cum accusato cum litteris Metropolitanis, ut sciamus veritatem rei ". Ut cetera nunc omittamus, de quibus nunc differendum non est a nobis, sistamusque tantum in iis, de quibus nunc contra Febronium disputamus, dicimus, ex citato Canone Concilii Francofordiensis nihil minus colligi posse, quam quod Febronius vellet. Quid? anne cum jure appellationum repugnat, ut a iudicio Episcoporum appellatio fiat ad Metropolitanum? Hoc vero est, quod in isto Canone decernitur. Nihil igitur in eo occurrit, quod opponatur juri appellationum ad Sedem Apostolicam. Verum enim vero hujusmodi jus uti res certa præsupponitur in Canone 8. ejusdem Concilii, in quo ita definitum legimus (1): " De altercatione Viennensis Episcopi & Elifanti Arelatenfis Episcopi lectæ sunt epistolæ B. Gregorii, Zosimi, Leonis, & Symmachi, quæ definierunt, eo quod Viennensis Ecclesia quatuor suffraganeas habere sedes deberet, quibus illa quinta præmineret; & Arelatenfis Ecclesia novem suffraganeas habere deberet, quibus ipsa præmineret. De Tarentasia vero, & Ebreduno, sive Aquis, legatio facta est ad Sedem Apostolicam, & quid quid per Pontificem Romanæ Ecclesiæ definitum fuerit, hoc teneatur ". Verum Febronius hunc Canonem fortasse non animadvertit.

4. Nritur Febronius auctoritate Hincmari Archiepiscopi Remensis, qui ad Nicolaum I. ita scribit apud Flodoardum.

Hist.

(1) Tom. 4. Concil. edit. Harduini colum. 905.

Hist. Ecclesie Remensis lib. 3. cap. 13. " Absit a nobis, ut privi-
 „ legium prinæ, & summæ Sedis Sanctæ Romanæ Ecclesiæ
 „ Pontificis pro sic parvo pendamus, ut controversias, & jur-
 „ gia tam superioris, quam etiam inferioris ordinis, quæ
 „ Nicæni, & ceteri sacrorum Conciliorum Canones, & In-
 „ nocentii, atque aliorum Sanctæ Romanæ Sedis Pontificum
 „ decreta, in Synodis Provincialibus a Metropolitanis præ-
 „ cipiunt terminari, ad vestram summam auctoritatem sati-
 „ gendam ducamus ". Post hæc vero omnia valde profecto
 efficacia ad probandum, quod sibi proposuerat, ita Febro-
 nius pronuntiat: " Hæc sufficiunt, & perpetuo sufficissent
 „ ad excludendas appellationes Romanas, nisi Isidorianis de-
 „ cretis tanta Ecclesiæ, & Traditionis monumenta obscurata,
 „ & quodammodo convulsa fuissent ". Verum jus appellatio-
 num non pendere ab Isidorianis decretis satis est ostensum a
 nobis (1): quæ ipse Febronius superius in medium adduxit,
 nullo modo pugnare contra jus appellationum ad Sedem Apo-
 stolicam, jam demonstravimus. Nunc pauca de Hincmaro
 Archiepiscopo Remensi. Hic ergo apud Flodoardum in eo
 ipso loco, quem Febronius citat, proxime post ea, quæ ille
 excripit, ista superaddit: " At si forte de Episcopis causa
 „ nata fuerit, ut & certa, & expressa in sacris regulis non
 „ habeamus judicia; & ob id in Provinciali, vel in Com-
 „ provinciali nequeat examine definiri, ad Divinum Ora-
 „ culum, id est, Apostolicam Sedem, nobis inde est recur-
 „ rendum. Si etiam de majoribus causis a Provinciali Episco-
 „ po ad electorum judicium non fuerit provocatum, & in
 „ aliqua causa idem Episcopus fuerit judicatus, id est, a gra-
 „ du suo in Comprovinciali Synodo dejectus; & putat se bo-
 „ nam causam habere, & appellaverit, qui dejectus est, &
 „ confugerit ad Episcopum Romanæ Ecclesiæ, & voluerit se
 „ audiri: si justum putaverit, ut renoveretur examen, scri-
 „ bendum est ab his, qui causam examinarunt post judicium
 „ Episcopale, eidem Summo Pontifici, & ad illius disposi-
 „ tionem secundum septimum Sardicensis Concilii capitulum
 reno-

(1) Hujus lib. cap. 2. & seqq.

renovabitur examen . . . Is enim est (Pontifex,) qui secundum Ezechielem Prophetam moratur in gazophylacio, quod respicit viam meridianam, & excubat in custodiis templi. Et nos Metropolitani ad comparationem illius sumus, qui in ministerio altaris; quod est ante faciem templi, in quo carnes incenduntur, servimus, & controversias carnalium in Synodis Provincialibus laborantes dirimimus, & de majoribus, ac majorum causis ad examen summæ Sedis Pontificis post judicium referre curamus. Anne ista cum sententia Febronii aliquo modo conciliari possunt? anne eam omnino non destruunt? Jus ergo appellationum ad Sedem Apostolicam non pendere ex jure Primatus non solum non evincitur ex iis locis, quæ Febronius pro se in medium adducit, sed etiam ex iisdem constat, hoc alterum jus ab illo priori derivari.

§. XIII. Quamvis jus appellationum ad Sedem Apostolicam Divinum sit, non repugnat, ut illud, mandante Apostolica Sede, per alios exerceatur.

Inter jura distinguatur oportet: nonnullorum exercitium aliis committi non potest, quorundam vero potest: illa non in exteriori solummodo exercitio versantur, sicuti ista, sed suum intrinsecum habent in ipsa dignitate personæ fundamentum, cum ea necessario connexum. Hujus profecto conditionis non est jus appellationum, quum usus illius in exteriori tantum actione consistat, ac propterea etiam aliis communicari potest: igitur quamvis jus appellationum ad Sedem Apostolicam Divinum sit, non repugnat, ut illud mandante Apostolica Sede, per alios exerceatur.

§. XIV. Expedit aliquando ut hoc jure, licet Divino, Sedes Apostolica non utatur.

S. Bernardum sequuti ita putamus, illiusque auctoritate explicamus, quando id non expediat. Hæc enim ille habet lib. 3. *De Considerat. ad Eugenium* cap. 2. num. 10. "Et si hinc mea quærat, vel potius curetur sententia, dico, appellationes ut non contemnendas, sic nec usurpandas omnino. . . . Fateor grande, & generale mundo bonum esse appella-

pellationes : idque tam necessarium , quam solem ipsum mortalibus . Revera quidem sol justitiæ est , prodens , ac redarguens opera tenebrarum . Prorsus fovendæ , & manu tendæ sunt : sed quas extorsit necessitas , non calliditas adinvenit . Usurpatoriæ sunt hujusmodi omnes , non subvenientes in necessitate , sed opitulantes iniquitati . Quidni veniant in contemptum ? Quânti ut talibus quoque deferrent , etiam de proprio cessere jure , ne longo , & casso itinere fatigarentur ? Plures tamen sua amittere non ferentes , appellationes minus opportunas , & celsa nomina importunius contempserunt . Si ergo conditionis hominum ratio habeatur , ob quam videmus , nonnullos eo quoque abuti , quod salubriter institutum est , dubitari non potest , quin aliquando sit maxime expediens , ut Sedes Apostolica judicio aliorum aliquas causas finire patiatur , de quibus ultimo decerni sua tantum sententia posset .

Febronius *De Statu Ecclesiæ &c.* cap. 5. §. 7. num. 4. etiam hunc Bernardi locum nobis opponit : verum injuria id sane facit . Abusum namque appellationum hoc loci S. Bernardus condemnat : ceterum appellationes in se spectatas fatetur esse grande , & generale mundo bonum , idque tam necessarium , quam solem ipsum mortalibus . Quoniam vero , sicuti supponi potest , hunc Bernardi locum Febronius legerat , illud sane advertere contra se debuisset , S. Bernardum ejusdem cap. num. 6. hæc ad Eugenium scribere : “ Appellatur de toto mundo ad te . Id quidem in testimonium singularis Primatus tui . ” Quum ergo Febronius in citato cap. §. 6. contendat , *Romano Pontifici ex natura , & jure Primatus non competere jus appellationum* ; Sanctus autem Bernardus affirmet , consensione totius orbis fieri , ut in testimonium Primatus suas ad Sedem Apostolicam appellationes omnes deferant , inde consequitur , ut nullus sit magis Febronio contrarius , quam ipse Bernardus .

Ad *usurpatorias* autem appellationes S. Cyprianus epist. 55. respicit , dum ita habet : “ Oportet utique eos , quibus præsumus , non circumcursare , nec Episcoporum concordiam cohærentem sua subdola , & fallaci temeritate collide-

Tom. III.

B b b

re

„ re , sed agere illic causam suam , ubi accusatores habere ;
 „ & testes sui criminis possent “. De Fortunato enim , & Felicissimo , aliisque nonnullis , qui se consociaverant cum illis , hac in epistola S. Cyprianus agit , quorum sane criminum nimis manifesta erant , & evidenti iudicio jam convicta .

CAPUT VII

DE EO FUNDAMENTO , QUOD APPELLATIONES AD SEDEM
 APOSTOLICAM HABENT IN JURE CIVILI PRIORUM SECLORUM .

§. I. **C**onstat de jure appellationum ad Apostolicam Sedem ex Rescripto Gratiani .

Anno Christi 378 . , lata imperiali lege (1) , Gratianus constituit , “ Quod si vel Metropolitanus Episcopus , vel cujuscumque Sacerdotis iniquitas est suspecta , aut gratia ; ad Romanum Episcopum , aut Concilium quindecim Episcoporum finitimorum accersitum liceat provocare “. Illud quoque idem Gratianus antea edixerat , quod “ Si in longinquiribus partibus (ab urbe Roma) alicujus ferocitas talis emerferit , omnis ejus causæ cognitio ad Metropolitanum in eadem provincia deducatur examen , vel si ipse Metropolitanus est , Romam necessario , vel ad eos , quos Romanus Episcopus judices dederit , sine dilatione contendat “. In his autem Gratianus duo statuit : 1. ut quis appellare possit ad Sedem Apostolicam a iudicio Metropolitanæ , vel cujuscumque Episcopi , quando iniquitas illorum , aut gratia suspecta est : 2. ut causæ Metropolitanorum vel deferantur ad Apostolicam Sedem , vel iudicio illorum discutiantur , quos Romanus Episcopus determinaverit . Ex utroque autem eo de jure , de quo nunc contendimus , omnibus constare debere arbitramur .

§. II. Anno 445 . Valentinianus III. sua Constitutione ius appellationum ad Sedem Apostolicam amplissime confirmavit .

Occasione sententiæ illius , quam S. Leo in Hilarium Arelatensem tulerat , Valentinianus Constitutionem edidit ,
 quam

(1) Apud Constantinum in *Collect. epist. Rom. Pont.* epist. 8. Damasi , seu Rescriptum Gratiani .

quam simul cum epistola Leonis data ad Episcopos provincie Viennensis ad Patricium Magistrum utriusque militiae misit. In ea ergo multa habet, quæ confirmant jus illud, de quo nunc agimus. Hæc itaque Valentinianus primo præmittit (1):

„ Quum igitur Sedis Apostolicæ Primatum S. Petri meritum,
 „ qui princeps est Episcopalis coronæ, & Romanæ dignitas
 „ civitatis, sacra etiam Synodi firmavit auctoritas, ne quid
 „ præter auctoritatem Sedis istius inlicitum præsumptio at-
 „ tentare nitatur “. Commemorat deinde, quæ Hilarius usus
 ea potestate, qua non poterat, in Ecclesia turbaverat,
 postea vero de sententia in ipsum lata ita habet: “ His talibus
 „ & contra imperii maiestatem, & contra reverentiam Apo-
 „ stolicæ Sedis admissis, per ordinem religiosi viri urbis Papæ
 „ cognitione discussis, certa in eum de his, quæ male ordi-
 „ naverat, lata sententia est. Erat quidem ipsa sententia per
 „ Gallias etiam sine imperiali sanctione valitura. Quid enim
 „ tanti Pontificis auctoritati in Ecclesiis non liceret? Sed no-
 „ stram quoque præceptionem hæc ratio probavit, ne ulte-
 „ rius nec Hilario, quem adhuc Episcopum nuncupari sola
 „ mansueti Præsulis permittit humanitas, nec cuiquam alte-
 „ ri Ecclesiasticis rebus arma miscere, aut præceptis Romani
 „ Antistitis liceat obviare Nec hoc solum, quod est ma-
 „ ximi criminis, submovemus; verum ne levis saltem inter
 „ Ecclesias turba nascatur, vel in aliquo minui religionis di-
 „ sciplina videatur; hac perenni sanctione censemus, ne
 „ quid tam Episcopis Gallicanis, quam aliarum provinciarum
 „ contra consuetudinem veterem liceat sine viri venerabilis
 „ Papæ urbis æternæ auctoritate tentare. Sed hoc illis, omni-
 „ busque pro lege sit, quidquid sanxit, vel sanxerit Aposto-
 „ licæ Sedis auctoritas: ita ut quisquis Episcoporum ad judi-
 „ cium Romani Antistitis evocatus venire neglexerit, per
 „ moderatorem ejusdem provincie adesse cogatur “. Nihil
 sane luculentius hisce omnibus desiderari potest ad confirma-
 tionem juris illius, de quo nunc certamus.

B b b 2

Ne-

(1) Vide epist. 11., seu Constitutionem Valentiniani III. in editione Ballerin. Oper. S. Leonis.

Neque est, cur Petrus de Marca *De Concord. Sacerdotil. & Imperii* lib. 7. cap. 19. num. 3. Valentiani III. Constitutionem nobis opponat, qua ita ab eo statutum fuisse legitur: „Diversos vero Episcopos nefarium Pelagiani, & Cælestiani dogmatis errorem sequentes per Patroclum sacrosanctæ legis Antistitem præcipimus conveniri“. Hæc ille haberi dicit in Theodosiano codice lege 47. *De Episcopis, & Clericis*, quemadmodum in duabus diversis editionibus Operum illius animadverti. Verum ea in lege nihil tale habetur, in alia tamen lege ejusdem codicis sub eodem titulo id haberi non nego. Verum etsi habeatur, quidnam tandem ex eo colligi potest contra jus appellationum ad Sedem Apostolicam? An fortasse huic juri repugnat, ut Episcopi, qui de fide recte non sentiunt, a suo Metropolitano in judicium vocentur? Patroclus enim jus Metropoliticum in provincia Viennensi receperat, quamvis illud postea ab eo sublatum fuerit (1). Quod ergo Petrus de Marca veller, ex lege Valentiniani nullo modo colligi potest.

§. III. Ob legem Justiniani Imperatoris juri appellationum ad Sedem Apostolicam nullo modo derogatur.

Febronius *De Statu Ecclesiæ* &c. cap. 5. §. 6. *Novellam* 123. cap. 22. nobis opponit (id ante ipsum etiam Petrus de Marca (2) fecerat) ait enim, „Quod Imperator omnes judiciorum Ecclesiasticorum instantias, scilicet Episcopi cum sua Synodo, Metropolitani, & congregati cum eo Provincialis Concilii, dentum Patriarchæ, seu Primatis recenset, & de hoc in fine addit: *nulla parte ejus sententia contradicere valente*“. Verum enim vero ut nunc non dicamus, Justinianum nimis, quam par est, & præter id, quod illi conveniebat, suam curam in res Ecclesiasticas extendisse, nimiamque scientiam affectasse in rebus Theologicis, tum Febronio Petri de Marca auctoritatem, quæ sane ei displicere non poterit, tum ipsi Petro de Marca primo opponimus; qua sane efficitur, non obesse juri appellationum, si quid a Justiniano eidem

(1) Vide epist. 10. S. Leonis cap. 4. juxta ediq. Ballerin.

(2) Cit. lib. cap. 19. num. 4.

eidem contrarium constitutum haberetur . Hæc ergo Petrus de Marca habet lib. 2. *De Concord. Sacerd. & Imper.* cap. 11. num. 6.: " Quæri solet de legibus , quæ de causis Ecclesiasticis latæ canonibus adversantur , quem locum obtinere debeant . In eam rem extat Valentiniani III. , & Marciani Constitutio edita anno CDLIV. , a qua discedere non licet : " *Omnes sane pragmaticas sanctiones , quæ contra canones Ecclesiasticos , interventu gratia , & ambisionis elicitæ robore suo , & firmitate vacuatas cessare præcipimus .* Hoc suum propositum Marcianus per suos judices Synodo Chalcedonenſi expresserat , quæ solitis acclamationibus justam sententiam excepit , & in eas voces erupit , quæ in Acti. IV. Concilii Chalcedonenſis continetur , ut nullæ pragmaticæ leges adversus canones vim habeant , quemadmodum uberius dixi superiori cap. 8. " Tum in isto capite , tum in illo hoc quidem dixit ; verum se ipsum sibi opponit , dum auctoritate civilis legis contra id pugnat , quod est etiam jure canonico constitutum .

At vero ea in lege Justinianum nihil constituisse , quod adversaretur juri appellationum ad Apostolicam Sedem , facile ostendi potest . Nam Justinianus in suo *Editto fidei* (1) qua ratione Nicæni , etiam Concilii Sardicenis auctoritatem commendat . Eodem Justiniano vivente , atque vidente , Pontifex Agapethus Constantinopoli degens , ut cum illo causam Theodati Regis Gothorum ageret , quum comperiisset post Epiphani Patriarchæ obitum , Anthimum , agente Theodora , addicta Eutychianis , quorum princeps erat idem Anthimus , ex Trapezuntino Episcopatu ad Constantinopolitanum translatum fuisse , Sacerdotio eum , & Christiana communione privavit , ejusque in loco Mennam reposuit , atque consecravit , quamvis Principes ab Agapetho peterent , ut Anthimum in suam communionem reciperet : " Petentibus Principibus , (inquit " Liberatus in suo *Breviario* cap. 21.) ut Anthimum Papa in salutatione , & communione susciperet , ille fieri , inquit , posse , si se libello probaret orthodoxum , & ad Cathedram suam reverteretur . Impossibile esse ajebat , translaticium

" ho-

(1) Tom. 6. Concil. edit. Venet. colum. 394.

» hominem in sua sede permanere. Augusta autem clam.
 » promittente munera multa, & rursus Papæ minas intentan-
 » te, in hoc Papa perstitit, ne ejus audiret petitionem..
 » Anthimus vero videns se sede pulsum, pallium, quod ha-
 » buit, Imperatoribus reddidit, & discessit, ubi cum Augu-
 » sta suo patrocínio tueretur. Tunc Papa Principis favore
 » Mennam pro eo ordinavit Antistitem, consecrans eum ma-
 » nu sua in Basilica S. Mariæ “. Contra Anthimum vero sup-
 » plicem libellum Agapetho dederunt Marianus Presbyter, &
 » Primas Monachorum regis civitatis, ac ceteri Archimandri-
 » tæ ejusdem civitatis, Archimandritæ quoque, & Monachi
 » Hierosolymorum, nec non Episcopi orthodoxi Orientales,
 » in quo de sententia, quam contra Anthimum jam tulerat,
 » cum eo collatantur, illumque simul ita exorant Orientales
 » Episcopi (1): “ Rogamus etiam, Sanctissime, finem perpe-
 » tuum imponere divinæ, ac vestræ sententiæ contra Anthi-
 » mum paternis vestris decretis convenientem, ut omne de
 » medio extingatur scandalum a parvulis in Dominum cre-
 » dentibus, & optatam vocem audietis ab omnibus nobis “.

Non multo post quam Anthimum Sacerdotio, & Chri-
 » stiana communione privaverat, Agapethus obiit, quum ad
 » reditum Italix sese pararet. Post mortem vero illius Synodus
 » Constantinopolitana sub Menna habita fuit, in qua consti-
 » tutum habemus, ut quæ Romanus Pontifex contra Anthi-
 » mum, & Accephalos decreverat, inconcussa permanerent, at-
 » que executioni mandarentur, sicuti ex Synodi sententia
 » constat (2): “ Quumque in his omnibus (ita Patres) ad con-
 » versionem adducere non potuerimus (Anthimum,) aper-
 » tam hanc ipsius hæresis demonstrationem accipientes, se-
 » quentesque ea, quæ a Beatissimo Papa examinata sunt,
 » conspiciamus (si hoc vobis adstaret) omnino ipsum, tam-
 » quam membrum inutile, & putridum abjici de corpore
 » sanctarum Dei Ecclesiarum, & extra Episcopatum Trape-
 » zuntinum esse, & alienum ab omni sacra potestate, & di-
 » „ gni-

” (1) Vide citatos libellos tom. 2. Conc. edit. Harduini col. 1203.
 & seqq. (2) Tom. 2. Conc. edit. Harduini colum. 1258.

„gnitate, & ipsius Beatissimi Papæ sententiam a Catholica
 „appellatione“. Sicut autem vivente, & vidente Justinia-
 no, Agapethus Anthimum e sede Constantinopolitana dejecit,
 & Catholicâ communione privavit; ita etiam Synodus Con-
 stantinopolitana Agapethi decretum sub eodem Justiniano se-
 quuta fuit; & tamen Justinianus Agapethi decreto, atque
 Patrum Constantinopolitanorum non solum sese non oppo-
 suit, sed illud confirmavit, sicuti in *Novella* 42. legitur. In
 hac autem *Novella* similia his habet Justinianus, quæ in Co-
 dice decreverat lib. 1. tit. 1. *De Summa Trinitate* lege 7. ad
 Epiphanium Patriarcham Constantinopolitanum: “Divinum
 „antehac promulgavimus edictum, quod & tua novit San-
 „ctitas, per quod hæreticorum furores reprehendimus, ita
 „ut nullo quovis omnino immutaverimus, immutemus, aut
 „prætergressi simus eum, qui nunc usque, coadjuvante Deo,
 „servatus est, Ecclesiasticum statum, quemadmodum & tua
 „novit Sanctitas, sed in omnibus servato unitatis statu san-
 „ctissimarum Ecclesiarum cum ipso Sanctissimo Papa veteris
 „Romæ, ad quem similia hisce perscripsimus. Nec enim
 „patimur, ut quidquam eorum, quæ ad Ecclesiasticum spe-
 „tant statum, non etiam ad ejusdem referatur beatitudi-
 „nem, quum ea caput sit omium Sanctissimorum Dei Sacer-
 „dotum, vel eo maxime, quod quoties in his locis hæretici
 „pullularunt, & sententia, & recto judicio Sedis illius ye-
 „nerabilis coerciti sunt“.

Ex his vero omnibus unicuique perspectum esse potest,
 quo sensu in citata *Novella* 123. cap. 22. Justinianus consti-
 tuerit, ut nemo illorum, quos commemorat, sententiæ in
 se latæ contradicere valeat. Vetavit ergo, ne contradiceret,
 quatenus lato in se judicio obtemperare deberet, nullosque
 prætextus interponere, quibus ab ejus se observatione exi-
 meret.



LIBER XXIII.

DE INFALLIBILITATE ROMANI PONTIFICIS.

N Unquam futurum, ut portæ inferi contra Ecclesiam prævaleant, eamque propterea cujusvis erroris permanfuram semper expertem, Catholici omnes profitentur. Inde vero consequitur, ut Supremum caput illius, quod Primatum non solum ordinis, & dignitatis, sed etiam auctoritatis, ac jurisdictionis super eam habet, suprema auctoritate legislativa potitur, supremumque Monarchicum regimen obtinet, atque Ecclesiæ Præsulibus simul etiam congregatis & præest, & sua doctrina ita præluceat, ut ab eo judicia illorum suam ultimam firmitatem acquirant, in fidei judiciis infallibile esse debeat, & dum quæ fidei sunt, cœtui Fidelium credenda proponit, nullo modo errori sit obnoxium. Hæc enim duo simul consistere non possunt, hoc est, Ecclesiam in sua fide infallibilem esse, non esse autem Supremum caput illius, a quo in sua fide regitur. Quum ergo in libris superioribus ea omnia huic Supremo capiti, hoc est, Romano Pontifici, tribuenda esse ostenderimus, cum quibus infallibilitas illius in rebus fidei necessariam connexionem habet, de illa modo in hoc libro distincte agendum est a nobis. Quemadmodum autem facile possimus, quosdam Romanos Pontifices ab illis erroribus, in quos eos impegisse nonnulli contendunt, ut inde colligant, privilegium infallibilitatis etiam, quoad res fidei eisdem tribui non oportere, vindicandos in hoc libro non aggredimur. Semel ac enim quænam judicia Romani Pontificis infallibilia sint, quæve cadant sub hujusmodi judiciis, distincte explicatum fuerit, nobis etiam tacentibus, evanescunt illæ omnes difficultates, quibus infallibilitatem Romani Pontificis nonnulli impetere contendunt, argumento ab iis judiciis desumpto, quæ a quibusdam Romanis Pontificibus edita fuisse legimus. Hac ergo de re in 1. hujus libri capite agemus, in 2. ostendemus, infallibilitatem in Romano

mano

mano Pontifice a Primatu illius proficisci, in 3. de infallibilitate disputabimus, quatenus est in singulis Romanis Pontificibus, & non tantum in serie Pontificum, in 4. quatenus est in Romanis Pontificibus, & non tantum in sede eorum, in 5. de eo consensu, quem nonnulli requirunt ad infallibilitatem Romani Pontificis.

CAPUT I.

DE EA DIVERSITATE, QUÆ INTER JUDICIA ROMANORUM
PONTIFICUM INTERCEDIT, DEQUE IIS JUDICIIS,
QUÆ INFALLIBILITATEM HABERE TUEMUR.

§. I. **E**xplicatur discrimen, quod inter Pontificia judicia intercedit.

Sicuti Imperatorum, Regum, & quorumvis hominum, qui aliqua potestate præditi sunt super alios, non omnia dicta, aut facta referri possunt, aut debent ad eam Præfecturam, quam habent; ita quoque etiam in Romano Pontifice id attendatur oportet. Quæ ipse dixerit, vel egerit, non usus sua suprema potestate, ad ipsum referri debent, quatenus est homo privatus: quæ autem judicia protulerit, quatenus est Pontifex, referenda sunt ad eam auctoritatem, qua præditus est.

Hæc tamen judicia non sunt omnia unius ejusdemque generis: quædam enim illorum juxta regulam 45. juris in 6. Decretalium: *inspicimus in obscuris, quod est verisimilius, vel quod plerumque fieri consuevit*, ab iisdem feruntur, ductis opinione, quam probabiliorem certioreque esse arbitrantur, magisque etiam tam locis, & temporibus, quam personis accommodatam. In censum autem hujusmodi judiciorum plura sane Summorum Pontificum decreta veniunt, quæ rem, aut personam singularem respiciunt, vel etiam circa quædam dubia de re universali illis proposita versantur, nullum tamen dogmaticæ definitionis, quæ fidem universorum attingat, argumentum præferunt. “Respondent enim sæpe Pontifices” (inquit Melchior Canus *De Locis Theologicis* lib. 6. cap. 8.

Tom. III.

Ccc

„ ad 7.)

» ad 7.) ad privatas hujus, aut illius Episcopī quæstiones,
 » suam opinionem de rebus propositis explicando, non sen-
 » tentiam ferendo, qua Fideles obligatos esse velint ad cre-
 » dendum“. Ita, sicuti Petrus Ballerinius advertit *De Potest.*
Ecclesiast. Sum. Pont., & Concil. General. cap. 8. num. 3. “Mul-
 » tæ sunt apud Catholicos quæstiones, quæ ad fidem referun-
 » tur, ut sunt exempl. gr. illæ, quæ ad sacramentorum for-
 » mam, materiam, aut ministrum pertinent.... In his quo-
 » ad inter Catholicos controvertuntur, & Concilia, & Pon-
 » tifices non facile dogmaticum judicium proferunt, & quo-
 » usque res planè eliquata non sit, si statuunt aliquid, quod
 » ex circumstantiis expedire videatur in bonum Ecclesiæ, id
 » non statim, nec semper dogmati, ac definitioni est accen-
 » sendum“. Quamvis enim Summi Pontifices hujusmodi ju-
 » diciis aliquid statuerint; nihil tamen secundum Catholicam
 » fidem credendum decreverunt, nihilque etiam uti ab ea aliq-
 » num damnarunt. Quum enim vidissent, ad fidei unitatem
 » non referre, ut fidei dogma pronunciarent de hac, vel illa
 » re, de qua ab ipsis quærebatur, interrogati responderunt,
 » quod sibi moraliter certum videbatur.

Tamen hæc quoque omnia recensita judicia Romanorum Pontificum magni fieri debent, uti profecta ab eo, qui maxima auctoritate, atque potestate in Ecclesia supra omnes præcellit. Si quid igitur difficultatis in eis occurrat, explicari debet, & omnem suspensionem erroris ab illis amoveri, si quam præferant. Ea tamen quum Summi Pontifices ediderint, suam opinionem, uti dicebamus, sequuti, & quod sibi probabilius, atque certius videbatur, non vero Ecclesiæ doctrinam se proponere in eis arbitrati fuerint; mirandum non est, si quandoque quæ a prioribus Pontificibus hac ratione decreta fuerunt, a posterioribus, novis supervenientibus rationibus, mutata novimus.

Alia vero sunt judicia Romanorum Pontificum, quæ respiciunt credenda, atque agenda, iisque Pontifices, uti suprema Ecclesiæ capita, quibus divinitus datum est, pascere totum ovile Christianum, & fidei doctrinam credendam de-
 cer-

cernunt, & contrarium errorem ita quidem proscribunt, ut a Catholica fide, & communione sejunctum declarent, anathemate percellant, atque uti hæreticum illum habeant, qui suis definitionibus assentiri renuerit. Hæc profecto judicia sunt veræ, & proprie dictæ fidei definitiones. Tales sane fuerunt antiquis temporibus definitiones Innocentii I. contra Pelagianos, Cælestini I. contra Nestorium, Leonis I. contra Eutychetem, Agathonis I. contra Monothelitas, aliæque omnes subsequen- tibus temporibus, quibus variæ hæreses a Romanis Pontificibus proscriptæ fuerunt. Quapropter quatuor notæ constituendæ videntur, quibus de fidei definitionibus editis a Summis Pontificibus omnino constat: 1. si quidpiam expresse, & proprie a Fidelibus firmiter credendum, aut tamquam dogma Catholicæ fidei accipiendum dicatur, & contrarium ejus Evangelio, aut doctrinæ Apostolorum opponi affirmatur, non quidem ex opinione, sed certo firmoque judicio: 2. Si contrarium asserentes pro hæreticis habeantur: 3. Si sententia excommunicationis feratur in illos: 4. Si a Catholica communione eos excidisse pronuntietur. Hæc si in Summorum Pontificum definitionibus occurrant, dubitari non potest, quin illæ ad fidem pertineant.

Libere quoque, nullaque vi cogente, fidei definitiones editæ sint oportet: si quæ enim verba fidei contraria ab invito extorqueantur, quamvis a culpa ille excusari non possit; tamen iisdem non exprimitur vera sententia ejus, & fides interior. Quapropter quum Summi Pontifices in definitionibus fidei suam sententiam, quam animo jam præconceptam cum tota judicii maturitate habent, omnibus Fidelibus; uti dogma fidei, tenendum proferant, atque simul constituent; id omne ab hisce definitionibus prorsus abesse debet, quod aliquo modo libertatem lædere posset.

§. II. Si quæ Summus Pontifex judicia promit, sunt veræ, ac proprie dictæ definitiones fidei, eum *ex Cathedra* locutum fuisse, recte dici consuevit.

Ex illis verbis *Matt. cap. 23. v. 2. Super cathedram Moysæ sederunt Scribæ, & Pharisei*, acceptum fuisse videtur, ut Sum-

mus Pontifex tunc *ex Cathedra* loqui diceretur, quando agens ipsam personam Summi Pontificis fidei definitiones ederet. Moyſes enim fuit unicus, atque Supremus Judaici populi legislator, & e cathedra Moyſis idem populus accepit ea omnia, quæ in se lex Vetus complectebatur. “ Cathedra (inquit » S. Thomas in *Matt.* 23. cap.) proprie est magistrorum, & » ideo illi super cathedram dicuntur sedere, qui sunt successores Moyſi: *Ecclesiast.* 24. 23. *Legem mandavit Moyſes in » præceptis justitiarum.* Unde illi, qui Moyſis legem docebant, sedebant super cathedram Moyſi. Et in lege quædam continebantur ad fidem pertinentia, & quædam ad bonos mores. Ad fidem pertinentia erant ea, in quibus præfigurabatur Christus: unde ipse dicit *Joannis* 5. 46. *Si » crederetis Moyſi, crederetis forsitan & mihi.* Item continebantur præcepta moralia: *Ecclesiast.* 24. 33. *Legem mandavit Moyſes in præceptis justitiarum.* “ Quum ergo Summus Pontifex dum edit fidei definitiones, quæ sane ad totam, quæ late patet, Ecclesiam extenduntur, & obligant omnes Fideles in fidei unitate simul conjunctos, eo potissimum munere, quod sibi proprium est, in fide confirmandi omnes, fungatur; ideo accepta similitudine a cathedra Moyſis, cui datum erat, ut Judaicum populum informaret in iis omnibus, quæ ad veterem legem spectabant, *ex Cathedra* eum loqui, merito dici consuevit. “ Quid enim in cathedra (inquit » S. Gregorius Magnus lib. 19. *Moralium* num. 16.) nisi magisterii auctoritas designatur “ ?

§. III. In quibusnam judiciis infallibilitas Summo Pontifici tribui debeat, explicatur, atque constituitur.

In judiciis, quæ sunt definitiones fidei, infallibilitas Summo Pontifici tribui debet, non item in aliis. Christus promisit, nunquam futurum, ut portæ inferi adversus Ecclesiam prævalerent. Id autem fecit, dum de confessione fidei ageretur. Quæſivit enim antea ab Apostolis (1), quem se homines esse dicerent, & auditis variis opinionibus, quæ circumferebantur, ab iisdem rursus petiit, quemnam vero ipsi eum esse

(1) *Matt.* cap. 16.

esse crederent: aliis autem tacentibus, quum respondisset Petrus: *tu es Christus filius Dei vivi*: tunc sane Christus supra Petrum, veluti supra suum fundamentum Ecclesiam ædificandam dixit, futurumque prænuñciavit, ut portæ inferi adversus eam non prævalerent. Quibus verbis Christus non minus in Ecclesia, & in Petro, quam in ejus successoribus fidem nunquam defecturam promissit (1). Christus Patrem, etiam rogavit (2), ne fides Petri deficeret, & hujus rei, quam petendo procul dubio consequutus fuit, habita ratione, Petro deinde præcepit, ut fratres in fide confirmaret. Ex quo sane consequitur, ut tum a Petro, tum ab ejus Successoribus fratres in fide confirmandi fuerint, quemadmodum ut in fide Petrus non deficeret, Christus Patrem rogaverat. Si ergo tum ad eam promissionem attendamus, qua Christus futurum prædixit, ut portæ inferi adversus Ecclesiam non prævalerent, postquam ipsius Ecclesiæ fundamentum supra Petrum posuit, tum ab altera; qua Petri fidem nunquam defecturam spondit, id sua prece a Patre assequutus, indeque Petro præcepit, ut fratres in fide confirmaret; infallibilitatem iis tantum judiciis Romanorum Pontificum adjudicandam esse consequitur, quæ sunt definitiones fidei. Et re quidem vera Christus Primatum in Ecclesia instituit ad unitatem fidei factam testamque servandam (3): hæc autem fidei unitas in dissidiis, atque contentionibus, quæ exoriuntur, sancta testatur, dum Summus Pontifex publico judicio edit definitionem fidei, qua quid ab omnibus credendum sit, edicit, & errores fidei contrarios condemnat. Ipsa ergo unitas fidei, ad quam servandam Primatus institutus fuit, necessario exigit, ut si de fidei definitionibus agatur, Summi Pontifices sint infallibiles; alioquin unitati fidei per Primatum rectè consultum non foret.

Unde vero constat, iis judiciis Romanorum Pontificum, quæ sunt definitiones fidei, infallibilitatem tribui oportere, est etiam perspectum, aliis judiciis, quæ inter definitiones fidei recenseri non debent, hoc privilegiū tribuendum non esse;

(1) Lib. 19. cap. 2. §. 6. (2) Luca 22. (3) Lib. 18. cap. 2. §. 9.

esse. Nam ad fidem, ac propterea ad ea omnia, quæ cum ipsa necessario conjunguntur, non vero ad alia, quæ cum ipsa fide tam stare, quam non stare possunt, Christus respexit, dum Ecclesiæ fundamento supra Petrum semel posito, Ecclesiam nunquam defecturam prædixit; dum pro fide Petri rogavit, illique præcepit, ut fratres confirmaret; dum Primatum ad fidei unitatem tuendam in Ecclesia iussit. Hinc vero est, ut judicia illa Summorum Pontificum, quæ sunt definitiones fidei, semel edita, nunquam mutata fuerint, quamvis si ad tempora, loca, & personas attendamus, plurimum mutationis accesserit: contra vero ob hujusmodi mutationes aliud genus judiciorum, quod inter definitiones fidei referri non potest, non solum diversa ratione dispositum, sed etiam aliquando omnino sublatum fuerit.

§. IV. Ad fidei definitionem referri debent, non solum quæ Summi Pontifices omnibus credenda, sed etiam quæ servanda definiunt, & præcipiunt, sive quæ spectant ad mores.

Iis de moribus nunc loquimur, qui ad salutem necessarii sunt. Istorum enim præcipue habita ratione, Summus Pontifex & suo Supremo magisterio utitur, & ea potestate, quam habet super omnes Fideles. Definitiones ergo circa hoc genus morum ad fidei definitiones referendas esse dicimus. Fidei enim assensum nostrum non modo iis præceptis præbere, illaque uti divinitus revelata suscipere debemus, quibus juxta Divinum verbum scriptum, aut traditum aliquid nobis credendum mandatur, quam aliis, quibus ex eodem principio quidpiam faciendum, vel omittendum constituitur, atque ita non minus hæreticus est ille, qui priori generi præceptorum assentiri obstinate repugnat, quam qui alteri pervicaciter obstitit. Hac vero de causa si quispiam mœchetur, non tamen tueatur, hujusmodi facinus ab Evangelica lege vel permitti, vel non reprobari; gravissime quidem peccat, hæreticus tamen nullo modo dici potest: si autem etiam tueatur, tam grave malum a lege Evangelica permitti, aut non reprobari; nullum dubium supererit, quin sit hæreticus. Definitiones, quæ credenda respiciunt, in eo quidem distinguuntur

guuntur ab aliis definitionibus, quæ versantur circa mores, ut illis præcipiatur, quod interius præstare, istis autem quod exterius prosequi, aut averfari debemus: verum utroque genere definitionum vel id præcipitur, quod sub ipsa fide Evangelicæ Legis continetur, vel condemnatur, aut prohibetur, quod eidem fidei opponitur. Quapropter semel ac iis definitionibus, quæ spectant ad mores, id faciendum, vel omitendum constitueretur, quod Divino verbo scripto, vel tradito contrarium esset, error in fide eodem modo committeretur, ac si quidpiam contra idem Divinum verbum fidem tenendum definiretur: sicut opposita ratione non minus consentaneæ ad rectam fidem decernitur, dum juxta Divinum verbum credenda, quam facienda, vel non facienda definiuntur. Est igitur manifestum ad fidei definitionem referri debere, non solum quæ Summi Pontifices omnibus credenda, sed etiam servanda definiunt, & præcipiunt, sive quæ spectant ad mores.

Idem vero existimandum non est de aliis judiciis, quæ privatas personas, & facta particularia respiciunt. Sicuti enim habet S. Thomas in *IV. Sentent. Distinct. 27. qu. 1. art. 2. quæstion. 4.* " Si quis probatur per verba de præsentem in aliam, quam consensisse, cogitur excommunicationis sententia, ut eam habeat in uxorem, quamvis dicat consensum mentalem defuisse; etiamsi postea cum alia contraxerit consensum suum mentali verbis expresso ". Dicendum enim, sicuti ipse superaddit in responsione ad 3. " Quod in tali casu Ecclesia compellit eum ad standum cum prima uxore, quia judicat secundum ea, quæ foris apparent; nec decipitur in justitia, quamvis decipiatur in facto ". Hujus autem rei veram, & idoneam rationem Innocentius III. attulit in cap. *A nobis De sententia excommunicat.* in hæc verba: " Judicium Dei veritati; quæ non fallit, nec fallitur, semper innititur: judicium autem Ecclesiæ nonnunquam opinionem sequitur, quam & fallere sæpe contingit, & falli: propter quod contingit interdum, ut qui ligatus est apud Deum, apud Ecclesiam sit solutus: & qui liber est apud Deum, Ecclesiastica sit sententia innodatus ". Quam-

Quamvis autem dum Summus Pontifex cathalogo Sanctorum aliquem adscribendum decernit, de facto singulari, singularique etiam persona agatur; tamen illorum sententia certa mihi est, qui hac in re judicium Summi Pontificis infallibile esse, & ad fidei definitionem illud revocandum arbitrantur. Nam in hoc negotio de doctrina morum, & quidem communi, agitur, quum ut eo cultu, quo Sancti coli consueverunt, quempiam prosequendum esse, omnibus Fidelibus indicetur. Semel ac autem Summus Pontifex omnibus Fidelibus legem ferret de colendo sancto, quem colere, si sanctus non esset, & cum ratione, & cum Evangelio repugnaret, in doctrina morum procul dubio erraret: quod fieri non potest. "Ne igitur tantus error in Ecclesia sit (sicuti inquit Melchior Canus loco supra citato) Deus peculiariter providere credendus est, ne Ecclesia, quamvis hominum testimonia sequatur, in Sanctorum canonizatione erraret. Cujus peculiarissimæ providentiæ abunde magnum argumentum est, quod nunquam infirmata est fides ab humanis testibus semel in hujusmodi judiciis suscepta. Quod in casibus civilibus sæpe accidit". S. Thomas Quodlibeto 9. art. 16. postquam dixit Ecclesiæ judicium falli non posse in iis, quæ spectant ad fidem, posse vero in aliis, quæ singularia facta respiciunt, hæc superaddit: "Canonizatio vero Sanctorum medium est inter hæc duo: quia tamen honor, quem Sanctis exhibemus, quædam professio fidei est, quæ Sanctorum gloriam credimus, pie credendum est, quod nec etiam in his judicium Ecclesiæ errare possit".

§. V. Ad fidei definitiones ea quoque Summorum Pontificum judicia spectant, quæ facta dogmatica respiciunt.

Non de illis definitionibus nunc agimus, quæ aliquod fidei caput in se spectatum respiciunt: istæ enim ad jus referri debent; sed de aliis, quæ doctrinam alicujus hominis, siue sententiam expressam scriptis, aut verbis, pro sui objecto habent, ac propterea circa factum dogmaticum versantur: circa factum quidem, quatenus facti rationem in se continet, quod quispiam doctrinam aliquam vel voce,

vel

vel scripto defenderit : dogmatis vero ; quia cum hujusmodi facto etiam dogma conjungitur . Hinc , Jansenianæ causæ habita ratione , si illud tantum quæretur , utrum quinque propositiones jure merito proscriptæ fuerint , controversia circa jus tantum versabitur : si autem ulterius inquiratur , utrum illæ propositiones jure merito in eo sensu proscriptæ sint , quem in ipso libro Jansenii præferunt ; erit quidem quæstio facti , sed tamen dogmatici , quia in hoc facto de dogmate inquiritur : demum si disquisitio fiat , utrum liber inscriptus *Augustinus Jansenii* sit revera Jansenii opus ; factum quidem , non tamen dogmaticum , sed personale , erit objectum hujus quæstionis . Ita si de Arii causa agatur . 1. quæri potest , utrum quod contra Arium definitum fuit , jure merito definitum sit : 2. utrum in scriptis Arii verbi consubstantialitas impugnetur : 3. utrum illorum scriptorum Arius revera auctor extiterit : si primum habeatur ; quæstio erit tantum juris : si alterum ; facti dogmatici : si tertium ; facti personalis . Ecclesiæ judicium , seu definitio Supremi Ecclesiæ capitis factum non personale , sed dogmaticum respicit , semel ac agatur de condemnatione alicujus erroris , quem quispiam scripto propugnaverit , atque expendatur , utrum in hoc , vel illo libro , aut scriptis error fidei contrarius contineatur , & quidem secundum eum sensum , quem liber , aut scripta in suis verbis præferunt , non vero secundum alium , quem ad sui arbitrium , & contrarium obviæ significationi verborum , ipse auctor in mente habere potuerit . Nam hic sensus Ecclesiæ innotescere non potest , semperque jure merito ea præsupponit , auctorem loquutum esse juxta illum sensum , quem verba ejus omnino præferunt .

Semel ac autem constiterit , errorem contra fidem in aliquibus scriptis , aut libris contineri , eorum quoque auctorem Ecclesia nominatim condemnat , atque illum a Catholica communione expellit , sicuti Nicæni Patres contra Arium fecerunt (1) , & in Ephesino Concilio Patres pronuntiarunt ,

Tom. III.

D d d

Ne

(1) Gelasius Gyzicenus in Hist. Concil. Nicæni lib. 3. cap. 25.

Nestorium Episcopali dignitate privatum, & ab universo Sacerdotum consortio, & cœtu alienum (1).

Quoniam vero qui facta dogmatica infallibili judicio non subesse pugnant, nunquam non opponunt, si de facto agatur, infallibile de eo judicium ferri non posse; nunc diligenter explicandum est a nobis, qua ratione etiam de factis dogmaticis judicium Romani Pontificis infallibile sit, ac propterea ad fidei definitionem referendum, quamvis ratio ipsa facti in eo interveniat. Ac primo quidem illud eis opponimus, etiam Deistas, ut e medio tollant certitudinem Sacrarum Scripturarum tum Veteris, tum Novi Testamenti, ad ipsum factum recurrere, atque objicere nobis, quoddam factum esse, quod Sacrae Litterae ad nos usque devenerint, ac propterea de veritate illarum merito dubitari posse (2). “Est ergo
 „ res magna, ac diligenti contemplatione dignissima, (ut
 „ cum Melchiori Cano loquar lib. 6. *De Locis Theologicis* cap. 8.)
 „ non illud modo ad Doctrinam Catholicam pertinere, quod
 „ Apostolis expresse revelatum est; verum hoc etiam, quod
 „ ex altera propositione revelata, & altera certa in lumine
 „ naturali, syllogismo, collectioneque evidenti conficitur“. Id autem nunc pluribus ostendendum est a nobis, eorum quoque habita ratione, quæ etiam ab Adversariis nostris in dubium non revocantur, nec revocari possunt. Dogma fidei est, quas nunc Sacras Litteras tum Veteris, tum Novi Testamenti habemus, esse illas, quas Auctores divinitus inspirati conscripserunt, quum eas uti divinitus inspiratas nobis Ecclesia proponat, quam sane in hoc judicio falli non posse, certa fide credimus. Quæro nunc ego, utrum in hujusmodi Ecclesiae judicio sit aliqua propositio certa in lumine naturali, syllogismo, collectioneque evidenti confecta? utrum ipsum factum suum locum habeat? Utrumque sane adest. Nam evidentissima argumentatione conficitur, Sacras Litteras, & quidem
 inte-

(1) Tom. 3. Concil. edit. Venet. colum. 1078. (2) Vide quæ contra eos differuimus *Theol. Revelata* lib. 2. in initio, & qu. 2. art. 2., lib. 3. q. 3. art. 1. & seq.

integras; atque incorruptas ad nos devenisse, quales a sacris Scriptoris editæ fuerunt (1); & in hoc sane cujusdam facti ratio consistit. Quæ autem sacri Auctores divinitus inspirati conscripserunt, semper servata in Ecclesia fuisse, res quædam est, quæ cum illo dogmate de infallibili Ecclesiæ judicio circa libros divinitus inspiratos, necessario connectitur. Nam semel ac incertum esse ponatur, utrum quæ sacri Auctores conscripserunt, ad nos pervenerint, Ecclesiæ quoque judicium, quo constituitur de sacris Libris divinitus inspiratis, incertum sit oportet.

Idem autem tam in Divino verbo scripto, quam in tradito contingit. Nam Divinæ fidei ea esse, quæ communi consensione Sanctorum Patrum tradita habemus, nullus Catholicorum dubitat. At vero in hoc quoque infallibili principio ipsum factum suum locum habet. Nam traditiones Apostolicas, prout ab Apostolis acceperant, Fideles custodi custodivisse, easque, prout illi custodierunt, longo licet spatio annorum interveniente, pluribusque Ecclesia quassata tempestatibus, ad nos pervenisse, quoddam factum est cum infallibili principio de Traditionibus ita connexum, ut istud frustra infallibile censeatur, semel ac illud perspectum non sit ob moralem certitudinem, de qua evidentissime ratiocinatione constat.

» Concilium Nicænum (sicuti Melchior Canus loco supra citato animadvertit) in fide non errasse, aut Chalcedonense, aut Ephesinum, nec in sacris Libris, nec in Apostolorum Traditionibus explicatum est: sed id solum, Concilia in Spiritu Sancto legitime congregata errare non posse. At quod Concilium Nicænum, Chalcedonense, Ephesinum legitime fuerint coacta ex Divina revelatione non creditur; creditur tamen ex humana fide, & traditione historiæ, fide digna, per quam habemus, eas Synodos, indicentibus, & confirmantibus veris Ecclesiæ Pastoribus, ex universo orbe convenisse. Unde licet earum rerum certitudo, ac veritas, quæ in ejusmodi Conciliis definitæ sunt, ex duobus quasi principiis pendere videatur, quorum alterum revelatum a

D d d 2

» Deo

(1) Vide loca supra citata ex nostra *Theol. Revelata*.

„ Deo est, Concilia videlicet legitime congregata certissimæ
 „ veritatis esse; alterum vero sola certitudine naturali creda-
 „ tur per ea, quæ Scriptores graves, & incorrupti memoriæ
 „ prodidere: at hæreticus erit, qui negarit earum Synodorum
 „ scita, atque decreta, non aliter ac si negaret Evangelium“. Quapropter, ut cum Thomassino concludam *Dissert. 19. in V. Synodum Œcumenicam* num. 87. „ Qui dissentire in istiusmodi
 „ factis ab Ecclesia Catholica pertendet, illum vir doctissimus
 „ (hoc est Canus, cujus verba & ipse quoque in medium
 „ protulit) illum experientia ipsa docet, non cervicosum mo-
 „ do, aut superbum, aut insanum, sed hæreticum habitum
 „ iri. Quod hac tergiversatione dogma ipsum quasi per cu-
 „ niculos impeti sentiat Ecclesia“. Si ergo de eo agatur, quod ab infallibili principio profisciscitur, est illud infallibile censendum, quamvis non solum ab hujusmodi principio deriveretur, sed etiam ab altera propositione non revelata, verum certa solummodo juxta naturale lumen, & propter moralem evidentiam, quæ ex evidenti ratiocinatione habeatur. Nam ad Dei singularem providentiam spectat, ut faciat, ne etiam quoad istam partem aliquis error occurrat eo in judicio, quod infallibile esse, Deus ipse constituit. Hinc merito Melchior Canus *De Locis Theologicis* lib. 3. cap. ult. solvens illam difficultatem, quæ contra Divinas Traditiones ab earum incertitudine petitur, ita inquiebat: „ Quod si Christi providentia
 „ Ecclesiæ Christianæ deest, tum vero nec Traditiones adser-
 „ vatas ego defendo, nec certam Scripturæ auctoritatem.
 „ Utraque enim juxta res sine Dei procuratione non constat,
 „ quam si tollas, neque Traditio, neque Scriptura vindica-
 „ tur. Sed si Christo curæ Ecclesia sua est, jam non erit am-
 „ biguum, quin quemadmodum Evangelium illa in sensu po-
 „ tius, quam in littera custodit; ita & ceteras custodiat Tra-
 „ ditiones, quas ei Apostoli tantopere commendarunt“.

Mirandum itaque non est, si tum antiquis, tum subsequen-
 tib; temporibus Ecclesia non solum Auctores errorum, sed etiam scripta, in quibus errores defendebantur, condemnave-
 rit: „ Porro sciendum est, (inquit Socrates *Eccles. Hist.* lib. 1.

„ cap. 19.)

cap. 19.) Arium de opinione sua librum quemdam composuisse, quem Thalam inscripsit quem quidem librum tunc temporis etiam Synodus condemnavit¹. Sozomenus *Ecclesiast. Hist.* lib. 1. cap. 22. inquit: "Sed & verba, quibus opinionem suam explicabat, & librum de eodem argumento compositum, quem ille Thalam inscripserat, condemnarunt". Hinc idem Sozomenus ibidem refert, præcepisse Constantinum, ut *si quod illorum scriptum*, hoc est Arii, & sectatorum illius, *inveniretur, traderetur incendio*. Innocentius I. epist. 31. num. 5. (1) de Pelagio loquens: "Librum sane (inquit) qui ejus esse diceretur, a nobis vestra charitate transmissum evolvimus: in quo multa contra Dei gratiam legimus esse scripta, multa blasphema, nihil quod placeret, nihil pene, quod non penitus displiceret: a quovis damnandum, atque calcandum Anathemet ergo iste, quæ sensit: ut illi, qui ejus sermonibus fuerant præceptisque collapsi, quid tandem habeat fides vera, cognoscant". Concilii V. Patres Collatione 8. (2) Theodorum, Theodorum, & Ibam, atque scripta eorum hisce verbis cum ceteris hæreticis damnarunt: "Condemnamus autem, & anathematizamus una cum omnibus aliis hæreticis Theodorum, qui Mopsueptix Episcopus fuit, & impia ejus conscripta: & quæ impie Theodorus conscripsit contra rectam fidem, & contra duodecim capitula S. Cyrilli, & contra Ephesinam primam Synodum, & quæ ad defensionem Theodori, & Nestorii ab eo scripta sunt. Super hæc anathematizamus & impiam epistolam, quam dicitur Ibas ad Marim Persam. conscripsisse. Prædicta igitur tria capitula anathematizamus: id est, Theodorum impium Mopsuestenum cum nefandis ejus conscriptis, & quæ impie Theodorus conscripsit, & impiam epistolam, quæ dicitur Ibas, & defensores eorum: & qui scripserunt, vel scribunt ad defensionem eorum, vel recta ea dicere præsumunt, vel omnino impietatem eorum nomine Sanctorum Patrum, aut Sancti Chalcedo-

(1) Apud Constantinum in Collect. epistol. Rom. Pont.

(2) Tom. 3. Concil. edit. Harduini col. 193.

„cedonenſis Concilii defenderunt, aut defendere conantur.“
 Neque enim deerant, qui auctoritate Concilii Chalcedonenſis, & Sanctorum Patrum abuterentur in defenſionem trium capitulorum, quemadmodum ex eadem Collatione novimus. Concilium Lateranenſe an. 649. ſub Martino *Secretario* V. cap. 18. ita ſtatuit: (1) “ Si quis ſecundum Sanctos Patres
 „conſonanter nobis, pariterque fide non reſpuit, & anathe-
 „matizat anima, & ore omnes, quos reſpuit, & anathema-
 „tizat nefandiſſimos hæreticos cum omnibus impiis eorum,
 „conſcriptis uſque ad unum apicem Sancta Dei Eccleſia Ca-
 „tholica, & Apoſtolica . . . hujusmodi condemnatus ſit “. Non minus ergo hæretici, quam omnes libri, & ſcripta eorum, in quibus hæreſis continebatur, condemnationi ſubjiciuntur. Martinus V. in Concilio Conſtantiensi in ſuis litteris ad omnes Archiepiſcopos, Epicoſcopos, & Inquiſitores dum conſtituit, quænam conſeſſio expetenda ſit ab iis, qui de erroribus in Concilio damnatis ſuſpecti erant, inter alia hæc habet (2):
 „Item, utrum credat, quod condemnationes Joannis Wicleff, Joannis Hus, & Hieronymi de Praga, factæ de perſonis eorum, & libris, & documentis per ſacrum generale Conſtantiense Concilium, fuerint rite, & juſte factæ, & a quolibet Catholico pro talibus tenendæ, & firmiter aſſendæ. Item, utrum credat, teneat, aſſerat, Joannem Wicleff de Anglia, Joannem Hus de Bohemia, & Hieronymum de Praga, fuiſſe hæreticos, & pro hæreticis nominandos, & deputandos, & libros, & doctrinas eorum, fuiſſe, & eſſe perverſos, propter quos, & quas, & eorum pertinacias, per ſacrum Concilium Conſtantiense pro hæreticis ſunt condemnati “. Tandem Leo X. in Bulla Apoſtolica *Exurge Domine* contra errores Martini Lutheri, & ſequacium, peracta condemnatione triginta quinque articulorum, quos diſtincte recensuit, poſt alia ita habet (3): “ In ſuper quia errores præfati, & plures alii, continentur in libellis, ſeu in ſcriptis cujuſdam Martini Lutheri; dictos
 „libel-

(1) Cit. tomo colum. 924. (2) Tom. 8. Concil. edit. Harduini colum. 314. (3) Tom. 9. Concil. ejusdem edit. colum. 1896.

„ libellos , & omnia dicti Martini scripta , seu prædicationes ,
 „ in latino , vel quocumque alio idiomate reperiantur , in
 „ quibus dicti errores , seu eorum aliqui continentur , simi-
 „ liter damnamus , reprobamus , atque omnino rejicimus ,
 „ & pro omnino damnatis , reprobatis , ac rejectis , ut præ-
 „ fertur , haberi volumus “ .

Alia multa in hanc rem superaddere possemus ; verum-
 ista sufficere arbitramur . Et re quidem vera est sane infallibilis
 Ecclesia , dum definit , quinam sit sensus Divini verbi scripti ,
 & traditi ; alioquin tota ipsa religio laberetur , quum quoad
 dogmata fidei Divino verbo scripto , & tradito nitatur : oportet
 igitur , ut infallibilis quoque sit , dum de sensu contrario
 ipsi Divino verbo scripto , & tradito pronuntiat . Nam hac
 sine infallibilitate pronuntiare posset eum sensum esse contra-
 rium , aut conformem Divino verbo scripto , aut tradito ,
 qui revera contrarius , aut conformis non esset : igitur ne-
 que esset infallibilis , dum statuit de sensu Divini verbi scripti ,
 & traditi : dum enim quispiam sensum aliquem alteri sensui
 conformem , aut contrarium esse pronuntiat , qui revera illi
 non est , cum illo altero conjungit , quod cum eo conformi-
 tatem , aut ab eodem separat , quod contrarietatem non ha-
 bet , ac propterea etiam de illo altero sensu non sine errore
 pronuntiat . Quid ? Nonne Ecclesiæ judicium , dum ex ipsa
 Traditione , tamquam ex principio , aliquid definit , infalli-
 bile est ? Qua autem ratione Traditio innotescit Ecclesiæ ?
 Fortasse ex Divina revelatione ? Nihil minus : innotescit sane
 ex scriptis Sanctorum Patrum : ejus ergo judicium de hujus-
 modi scriptis infallibile esse debet , quamvis ratio ipsa facti
 in eo occurrat , & divinitus revelatum non habeamus , Eccle-
 siæ judicium , dum decernit de sensu Patrum , infallibile esse .
 Eadem ergo ratione infallibile esse debet judicium illius , dum
 sententiam fert de sensu illorum auctorum , qui rectæ fidei
 opponuntur , quamvis in hoc & ratio facti habeatur , & di-
 vinitus revelatum non sit , hujusmodi judicium infallibile esse .
 Quandoquidem ad rectam fidem non solum refert , ut vera
 dogmata fidei ex Traditione eruantur , sed etiam ut falsa di-
 scer-

scernantur, & universæ Ecclesiæ uti rectæ fidei contraria credenda, & habenda proponantur. Postremo hac opinandi libertate semel admissa, qua ejus judicii veritas a Summo Pontifice editi de factis dogmaticis ob ipsam facti rationem in dubium revocatur, nemo hæreticorum erit, qui injuste se condemnatum esse, conqueri non possit. Ariani, Nestoriani, Pelagiani, Eutychiani, Lutherani, Calvinistæ, & ceteri omnes, se nihil nisi Sacræ Scripturæ consentaneum tradidisse dicent: quod autem Ecclesia aliter censuerit, nihil referre, quia hæc in re judicium ejus falli potest; ac propterea immerito se ab Ecclesia expulsos fuisse, tamquam si de errore illorum ex infallibili judicio constaret. Verum hac de re usque modo, quoniam satis ostendisse confidimus, ad definitiones fidei spectare ea quoque judicia Summorum Pontificum, quæ facta dogmatica respiciunt (1).

§. VI. Ad rem nostram illa multa errata non faciunt, quæ Adversarii in medium adducunt, ut ex iis evincant, Summum Pontificem infallibilem non esse.

Quemadmodum in principio hujus quæstionis monuimus, nobis in animo non est, Summos Pontifices vindicare ab iis erroribus, in quos nonnulli illos impegisse contendunt, ut inde colligant, infallibilitatem Romano Pontifici tribui non posse. Breviori via nunc contra eos insistendum arbitramur, atque ostendere aggredimur, quamvis nonnulli Pontifices etiam in illos incidissent errores, qui ab Adversariis nostris commemorantur, & ea etiam ratione incidissent, qua ipsi volunt; tamen ex iis nullum argumentum æquo jure duci posse contendimus ad evincendum Summum Pontificem infallibilem non esse. Rem istam haud multis nos ita conficimus. Illa judicia Romanorum Pontificum sunt veræ, & proprie dictæ definitiones fidei, in quibus dogma fidei credendum ab omnibus proponitur, atque decernitur, & contrarium ejus Evangelio,

(1) Prorsus inania subterfugia Adversariorum inter alios nostris temporibus detexerunt Bertius *De Theologicis Disciplinis* lib. 17. cap. 6. & Billuarius in Tractatu *De Fide* Dissert. 3. art. 7. Ex iis quoque, quæ nos disceimus, de eorum inanitate constat.

gelio, aut doctrinæ Apostolorum opponi, certo iudicio affirmatur, ac propterea qui huiusmodi definitionibus assentiri repugnant; habentur pro hæreticis, & sententia excommunicationis ferrur in illos (1). Etiam ipse Maimburgus, qui Pontificiam infallibilitatem acrius impugnavit, hac in re non dissentit a nobis in suo illo Tractatu historico *De Statu, & Prærogativis Ecclesiæ Romanæ illiusque Episcoporum*. Si enim verba ejus latine reddamus, ita habet: "Quæstio in hoc sita est, num quando Papa in Cathedra Romana loquitur, ut Fidelium omnium magister, & doctor: Christianos docet, universos, definit, proponitque toti Ecclesiæ per bullam, seu constitutionem, quid credendum sit; num, inquam, ita pronuncians Romæ Pontifex, sit infallibilis, nec ne". In hoc etiam Bossuetius nobiscum consentit. Nam *Defensionis &c.* lib. 3., alias 7. cap. 1., postquam hæc Odorici Raynaldi (2) probavit: *Neque enim decreta fidei condunt Pontifices, nisi expresserint, & de necessitate credenda proposuerint*; ita ipse colligit: "Ex quibus id habemus: Pontificum Romanorum decretis propositis, duo adhuc quæri oportere: alterum; an sit res ad fidei, & morum essentialia pertinens, idque per se, & proxime, non accidentario, & remote: alterum; an expressum sit, id de fide credendum". Iis autem judiciis Romanorum Pontificum est tribuenda infallibilitas, quæ sunt fidei definitiones, non vero aliis, quæ inter definitiones fidei nullo modo recenseri possunt (3): igitur in quoscumque tandem errores personales Romani Pontifices prolapsi fuerint, semel ac non constat, dum in illos impegerunt, *defuisse, & proposuisse toti Ecclesiæ per bullam, seu constitutionem, quid credendum sit, & expressisse, quid de fide tenendum*, ex huiusmodi erroribus Summum Pontificem fallibilem esse, præter omnem rationem colligitur. Id tamen colligit Bossuetius, colligunt alii omnes, qui hac in re cum ipso sentiunt. Bossuetius enim, ut in ipso tantum nunc sistamus, *Defensionis &c.* lib. 9., alias 14., a cap. 33. usque ad 45. in eo maxime laborat, ut ostendat,

Tom. III.

Ecc

dat,

(1) Hujus cap. §. 1. (2) Tom. 15. an. 1324. num. 2.

(3) Hujus cap. §. 3.

dat, plures Pontifices in varios errores incidisse: Hac in re ultra sane, quam par est, progreditur, & quandoque etiam, quæ revera non sunt, uti errata Summorum Pontificum traducit, quemadmodum Cl. Orsius *De Romani Pontificis auctoritate* lib. 3. cap. 33. & seqq. ostendit. Verum de hoc nobis modo quæstio cum illo non est: illud solummodo miramur, quæ ratione ex hujusmodi erratis colligere se posse putaverit, Summum Pontificem infallibilem non esse, quando ipse quoque, dum ea recenset, nunquam tradit, quemadmodum revera nullo modo poterat, Summos Pontifices in suo errore quidpiam definiisse, atque constituiisse credendum, & tenendum ab omnibus Fidelibus? quando, de Pontificum Romanorum, non dicam, lapsibus, sed etiam decretis propositis, id quærendum superesse, ipse quoque affirmat: *an expressum sit, id de fide credendum?* Est ergo omnino compertum, quemadmodum nos volumus, ad præsentem disputationem nostram, nihil facere ea exempla Romanorum Pontificum, qui jure, vel injuria in aliqua re errasse, aut suo muneri defuisse culpanitur, quorum lapsus, & errata dum Adversarii nostri ultra modum extollunt ad ostendendum Summum Pontificem infallibilem non esse, ipsi sibi contradicunt, atque ad fidem referunt, quod ipsi quoque referendum non esse constituunt. Hinc merito Serryus in priori Dissertatione *De Romano Pontifice* cap. 1. num. 3. " Quid enim (inquit) si Petrus Romanorum
 " Pontificum primus Christum (quod objicere illi solent) in
 " passione se nosse negavit? Quid si Marcellinus Pontificum
 " alter, in publica persecutione suppliciis victus, tunc ido-
 " lis adoleverit? Quid si Liberius exilii radio superatus Ari-
 " næ tandem perfidiæ, & S. Athanasii damnationi subscri-
 " psit? Quid si Vigilius trium capitulorum damnationi diu
 " obstitit? Quid si Honorius, datis ad Sergium epistolis, Mo-
 " nochelitarum errori favere visus est, aut etiam favit? Quid
 " si Joannes XXII. in errorem de visionis beatæ dilatione pro-
 " pendere visus est, propendissetque re ipsa? Ita ne iis in-
 " casibus, aliisque jactari solitis, judicium solemne aliquod,
 " quale ipsimet late describunt, tulere laudati Pontifices, ut
 " ad

ad quæstionem, quæ nobis in manibus est, exempla hujusmodi trahi possint? A præsentī igitur instituto longe abeunt, tot illa errantium, ut ajunt, in fide Pontificum exempla, si quo sensu debet, ipsique volunt, de Pontificum infallibilitate quæstio ventiletur.

CAPUT II.

DE INFALLIBILITATE PONTIFICIORUM DE FIDE JUDICIORUM,
EJUS FUNDAMENTI HABITA RATIONE, SUPRA QUOD
ECCLESIA A CHRISTO EXTRUCTA FUIT.

§. I. **C**hristus tum Ecclesiæ, tum Romano Pontifici promissit privilegium infallibilitatis.

Illud hic monendum arbitramur, non solum hujus capituli, sed etiam duorum sequentium habita ratione, uti certum nunc a nobis æquo jure supponi posse, quæ Christus Petro promissit, atque revera contulit, etiam Romanorum Pontificum propria esse. Quandoquidem Romanos Episcopos succedere in Episcopatu, & in omni jurisdictione, & auctoritate S. Petro, jam ostendimus, atque Sanctorum Patrum traditione comprobavimus, quæ Christus habet *Matt. cap. 16. v. 18. & seq.*, *Luca cap. 22. v. 32.*, *Joannis cap. 21. v. 15. & seq.*, non minus pertinere ad Petrum, quam ad Romanos Episcopos successores illius (1).

Nunquam ergo futurum, ut in fide falleretur, Christum Ecclesiæ promississe *Matth. cap. 16. v. 18.*, nemo Catholicorum negat. Tantum autem abest, ut inde erui possit, quemadmodum nonnulli faciunt, quos postea refutabimus, Pontificia de fide judicia ab Ecclesiæ consensione mutuare firmitatem infallibilitatis, quin potius manifesto sequatur, eandem de infallibilitate promissionem etiam ad Petrum factam fuisse (2). Quandoquidem si ad eam necessariam connexionem attendatur, quæ inter totum ædificium, & fundamentum, supra quod illud erigitur, necessario intercedere debet, ipsum ædificium firmum, atque immotum persistere non

E e e 2

po-

(1) Lib. 19. cap. 2. §. 5. & seq. (2) Lib. 19. cap. 2.

potest, nisi etiam fundamentum ejus firmum, & immobile persistat. Ex quo sane consequitur, ut firmitas, & stabilitas ædificii frustra promissa esse videatur, si etiam de fundamenti firmitate, & stabilitate eadem promissio facta non fuerit. Petrum sane illud unicum, præcipuumque fundamentum a Christo institutum esse, supra quod structura totius Ecclesiæ erigitur, tum Divina Oracula, tum unanimis traditio Patrum neminem dubitare sinunt. Rem istam totam pluribus jam prosequuti fuimus (1). Nunc ergo ne jam dicta repetamus, uti certum assumimus, quod & Evangelica verba, nisi præter omnem rationem, communemque loquendi modum alio eætrahere quispiam velit, ipsa per se produnt, & unanimis expositio Patrum confirmat, Petrum esse petram illam, supra quam Christus suam Ecclesiam singulariter ædificaturum promisit. Quia ergo Petrus moralis ædificii fundamentum futurum erat, & moralis ædificii sustentandi regendique ratio intelligendi, & solvendi potestate potissimum continetur, singulariter ei Christus omnem ligandi, & solvendi potestatem, promisit. Qua sane promissione S. Petro, uti præcipuo, & singulari totius Ecclesiæ fundamento, universum orbem terrarum commissum fuisse, eundemque totius Ecclesiæ pastorem, & caput constitutum, a Sanctis Patribus traditum accepimus (2). Quapropter si S. Petrus totius Ecclesiæ fundamentum est, quia super eum Christus singulariter suam Ecclesiam extruxit, eundemque universæ Ecclesiæ Supremum Pastorem fecit, atque ob connexionem, quæ inter ædificium, & fundamentum ejus necessario intercedit, firmum, atque stabile persistere ædificium non potest, nisi etiam fundamentum ejus in firmitate, & stabilitate persistat; consequens inde fit, ut sicut Christus Ecclesiæ promisit, nunquam futurum esse, ut portæ inferi adversus eam prævalerent, eandem quoque promissionem Petro fecerit: alioquin ad illam tandem absurditatem devenimus, ut firmum, & stabile quidem ædificium esse concedamus, non tamen fundamentum ejus, sed

nutare

(1) Lib. 18. cap. 1. §. 1. & seqq. (2) Vide testimonia Patrum cit. loco.

nutare posse. Est ergo dicendum, Christum tum Ecclesiæ, tum Romano Pontifici promississe privilegium infallibilitatis.

§ III. Illa promissio, qua Christus futurum affirmavit, ut portæ inferi nunquam adversus Ecclesiam prævalerent, primo Romanum Pontificem, deinde vero Ecclesiam respiciunt.

Suam firmitatem, atque stabilitatem ædificium a fundamento mutuatur, non vero fundamentum ab ædificio, frustra quæ ædificium firmum, & stabile futurum esse expectaretur, si fundamenta ejus nutarent. At vero illa Ecclesia, cui Christus nunquam futurum promisit, ut portæ inferi adversus eam prævalerent, supra Petrum, uti supra suum fundamentum, superextructa fuit: igitur etiam fundamentum id firmitatis habeat oportet, quod est in Ecclesia, atque ita quidem, ut non ipsum ab Ecclesia, sed Ecclesia ab ipso firmitatem recipiat. Ea itaque promissio, qua Christus nunquam futurum esse affirmavit, ut portæ inferi adversus Ecclesiam prævalerent, Romanum Pontificem primo respicit, deinde Ecclesiam. Hinc recte Melchior Canus tradidit (1), quod Petrus « Aliis confirmandis solidam fidem proponeret, nec » in fidei judicio deficeret, Ecclesiæ publicum privilegium » erat «.

§ IV. Est etiam ex ipsa traditione Patrum compertum, promissionem illam, qua Christus futurum prædixit, ut portæ inferi adversus Ecclesiam non prævalerent, primo ad Petrum, deinde ad Ecclesiam spectare.

Variis multiplicibusque modis Sanctorum auctoritate Patrum hanc nostram propositionem comprobare possemus; tamen ne in longum nimis progrediamur, atque ut utamur iis, quæ manifesta ex ipsa Traditione jam fecimus, unico principio nixi ostendere conabimur, quod modo volumus. Hujusmodi vero principium reponimus in communi consensione Patrum, a quibus traditum accepimus, Petrum esse illud primum præcipuumque fundamentum, super quod Ecclesia ædificata fuit.

Illā itaque verba Evangelii: *Et super hanc petram ædificabo*

(1) Lib. 6. De Locis Theologicis cap. 8. in respons. ad 11. arg.

bo Ecclesiam meam, ad Petrum referenda esse, Sancti Patres unanimi consensione tradiderunt, quemadmodum lib. 18. cap. 1. §. 1. & seqq. jam ostendimus. In eo ergo tantum nonnulli Patres hac in re inter se differunt, ut quidam eorum, singularem Petri confessionem intelligi velint, qua Christum Filium Dei esse confessus fuit, quidam autem ipsam personam Petri. Non desunt tamen inter eos, qui utramque explicationem amplectantur. Ex eo autem quod non omnes conveniant in explicatione Evangelici textus, habita ratione vel personæ, vel fidei ipsius Petro, nemo inde inferre potest, Patres non consentire, Ecclesiam supra Petrum ædificatam esse, quemadmodum in citato loco monuimus. Qui ergo nomine petræ confessionem Petri intelligi volunt, ii sane tradunt: & supra petram confessionis ejus Ecclesiam ædificatam: & petram fidei illius uti fundamentum Ecclesiæ positum: & de fide Petri dictum, quod portæ mortis adversus eam non prævalerent: & Domini fidem, veluti suo fundamento, inniti Petro, supra quem modis omnibus Ecclesia ædificata fuit: & in fide Petri collocatum firmamentum Ecclesiæ: & confessionem Petri positam veluti basim, & firmamentum Ecclesiæ, aliisque similibus loquendi rationibus utuntur, quibus fidem, confessionemque Petri totius Christianæ fidei fundamentum esse, apertissime docent (1). Si ergo fides totius Ecclesiæ fidem Petri pro suo fundamento ita habet, ut illa firmitati istius innitatur, ex hoc non illud tantum consequitur, tum Ecclesiæ, tum Petri fidem errori subjectam non esse, sed etiam hanc immunitatem ab omni errore primum Petri, deinde Ecclesiæ fidei convenire. Fides enim Petri ea est, cui Ecclesiæ fides innititur, non vero fides Petri pro sui fundamento Ecclesiæ fidem habet.

Qui vero Patres nomine petræ ipsam personam Petri intelligunt, unanimi consensione affirmant: & Petrum fuisse illam unicam Petram, supra quam Christus suam Ecclesiam ædificaturum promisit: & eam Ecclesiam, adversus quam, portæ inferi futuri non erant, ut non prævalerent, supra Petrum

super-

(1) Vide loca Patrum cit. cap. §. 3.

superextructam : & Petrum a Petra congrua similitudine a Christo vocatum , quia de petra haberet soliditatem constantiæ , & fidei firmitatem (1). Quapropter ex omnium auctoritate Patrum idem semper consequitur , hoc est , infallibilitatem fidei primum convenire Petro , deinde Ecclesiæ . Nam Petrus est ejus Ecclesiæ columen , sustentaculum , & fundamentum , adversus quam portæ inferi prævalere non possunt , quomodo autem id muneris Petrus sustinere posset , si infallibilitatem ea ipse ratione non haberet , qua convenit illi , qui est fundamentum infallibilitatis in alio existentis ? Petro itaque primum , deinde vero Ecclesiæ convenire infallibilitatem , ex traditione Patrum omnino perspectum habemus .

§. V. Illud ratiocinium , quod in hoc negotio ex ipsa fundamenti ratione petitur , Bossuetius eludere frustra conatur .

Dicit ergo 1. *Defensionis &c.* lib. 10. , alias 15. , cap. 2. fundamentum quoque corrumpere posse . Quis id negat , si de fundamento in se spectato loquamur : solum volumus illud fundamentum , quod tale est , si attendatur ad infallibilitatem ejus , quod sustentat , primo ipsum infallibile esse oportere . 2. Tradit a Christo positum fundamentum , & extructum ædificium , atque utrumque contineri invicta virtute illius . Et in hoc quoque neminem sibi repugnantem habet : tamen semper verum est , Christum suam Ecclesiam , quæ est infallibilis , extruxisse supra Petrum , sicut etiam infallibilitatem tum in Petro , tum in Ecclesia a Deo esse , in Petro tamen primo , quia Petrus Ecclesiæ fundamentum est . 3. Hæc superaddit : si Ecclesiæ firmitas a suo fundamento penderet ; requireretur , fundamentum non solum infallibile , sed etiam immortale esse : non rueret ædificium , si in fundamento sit aliquis defectus : tandem quod sicut “ Compages fundamentum , 10 sustentatur , sic fundamentum compage protegitur “ . Quod de perpetuitate fundamenti dicit , verum esset , si non haberetur , qui Petro succederet , & loco ejus fundamentum Ecclesiæ foret . Hinc , quemadmodum Melchior Canus tradit ,

(1) Vide cit. loco testimonia Patrum : vide etiam alia testimonia Patrum in ejusdem cap. §. 6.

dit (1), " Mortuo Summo Pontifice , una sine dubio Eccle-
 „ sia manet, & manet in ea Spiritus veritatis : sed manca ,
 „ & imminuta sine Christi Vicario , & Ecclesiæ Catholicæ
 „ uno Pastore , relinquitur ". *Ædificium* autem male se ha-
 bet ea ratione , qua fundamentum illius : ruit ergo , si etiam
 fundamentum ejus ruat , partium autem ejus mutua connexio
 alicubi tantum dissolvitur , si in fundamento idem contingat .
 Compago autem suam in fundamento firmitatem habet , non
 fundamentum in compagine : hinc si fundamenti firmitas nutet ,
 etiam compaginis nutet oportet ; non est tamen necesse , ut
 nutet fundamentum , si compago nutet , quia id compages ab
 aliqua alia causa habere potest absque præjudicio fundamenti .

§. VI. In hoc quoque Bossuetius fallitur , dum ex eo quod
 Petrus , ejusque successores sunt fundamentum Ecclesiæ , con-
 sequi negat , privilegium infallibilitatis eidem adjunctum esse .

Fundamenti ergo officium Petro datum fuisse Bossuetius
 concedit , non tamen ut sui infallibilitate illud exqueretur (2).
 „ Qua ex re (inquit) si quis sequi putat , Romanum Pontifi-
 „ cem commissi officii gratia fundamento comparatum , ideo
 „ in exponenda fide esse infallibilem , fallitur : aliud enim
 „ est , ut ei aliquid officii injungatur ; aliud , ut illud procul
 „ omni dubio præstiturum esse constet ". Si igitur Bossuetium
 audiamus , tale Christus Ecclesiæ fundamentum posuit , quod
 fundamenti officium simul haberet , & non haberet . Quan-
 doquidem fundamenti officium haberet , sicuti ipse concedit :
 non haberet autem , quia fundamenti officium est , si veram
 fundamenti rationem habeat , superpositum sibi ædificium sub-
 stentare , indeque in eo id omne inesse , quod ad substantiationem
 ædificii requiritur . Hoc autem in Ecclesiæ fundamento
 non haberetur , semel ac illud falli posse admittatur . Effet
 enim infallibilis Ecclesiæ fallibile fundamentum : igitur in se
 id non haberet , quo Ecclesiam , qualis est , scilicet infallibi-
 lis , substantiare posset : veram ergo fundamenti rationem non
 habe-

(1) Lib. 4. *De Locis Theologicis* cap. ult. in respons. ad 12.

(2) *Defensionis* lib. 10. , alias 15. , cap. 2. :

haberet: tale igitur Christus Ecclesiæ fundamentum posuit, si Bossuetium audiamus, quod pro ea veri fundamenti munere fungi non posset. In cuiusnam tandem mentem id venerit? Profecto S. Leo, quem, uti modo videbimus, nominatim una cum aliis Patribus Bossuetius pro se laudat, ita fundamentum Ecclesiæ in Petro positum a Christo fuisse tradit, ut per ipsum in Ecclesiam sua dona diffunderet: inquit enim (1):

„ Sed huius muneris sacramentum ita Dominus ad omnium,
 „ Apostolorum officium pertinere voluit, ut in Beatissimo Petro
 „ Apostolorum omnium summo principaliter collocaret,
 „ ut ab ipso quasi quodam capite dona sua velut in corpus
 „ omne diffunderet: ut extorem se magisterii intelligeret
 „ esse Divini, qui ausus fuisset a Petri soliditate recedere.
 „ Hunc enim in consortium individue unitatis assumptum,
 „ id, quod ipse erat, voluit nominari dicendo: *Tu es Petrus,*
 „ & *super hanc petram edificabo Ecclesiam meam:* ut æterni
 „ templi ædificatio mirabili munere gratiæ Dei in Petri soliditate
 „ consisteret“. Quomodo autem ædificatio templi, hoc est,
 „ Ecclesiæ, quæ est infallibilis, in Petri soliditate consistere
 „ posset, si ipse quoque non esset infallibilis? Bossuetius ergo
 „ quam maxime fallitur, dum ex eo quod Petrus, illiusque
 „ successores sunt fundamentum Ecclesiæ, consequi negat, privilegium
 „ infallibilitatis eisdem adjunctum esse.

§. VII. Falso illud etiam Bossuetius contendit, non minus auctoritate Divinarum Scripturarum, quam Sanctorum Patrum, promissionem infallibilitatis ad Ecclesiam tantum pertinere.

Defensionis &c. lib. 10., alias 15., cap. 2. „ Attenden-
 „ dum superest, (inquit) cui rei Christi æternæ stabilitatis
 „ promissionem adjecerit: an ipsi Pontifici? an vero Eccle-
 „ siæ? Ecclesiæ certe, ut verba declarant, & *porta*, inquit,
 „ *inferi non prevalebunt adversus eam*, Ecclesiam scilicet, ut
 „ & verborum docet ipsa connexio, & Leo, atque alii Pa-
 „ tres luculentissime profitentur“. Hæc ille. Nulla tamen
 „ loca Patrum in medium adducit.

Tom. III.

Fff

„ Tu

(1) Epist. 10. cap. 1. juxta edit. Cacciatii.

„ Tu es Petrus, inquit Christus *Matth. cap. 16. v. 18.*
 „ & super hanc petram ædificabo Ecclesiam meam, & portæ
 „ inferi non prævalebunt adversus eam “. Inde ergo nun-
 quam futurum, Christus affirmat, ut portæ inferi adversus
 Ecclesiam prævaleant, quia supra Petrum eam est ædificatu-
 rus: primo enim Ecclesiæ fundamentum, quod in Petro po-
 nendum esse dicit, commemorat, deinde futurum prænun-
 tiat, ut portæ inferi adversus Ecclesiam non prævalerent.
 Quare quum Christus, Ecclesiæ fundamento semel constituto,
 nulloque ad alia habito respectu, infallibilitatem promit-
 tat Ecclesiæ, dicendum sane est, si verborum connexio at-
 tendatur, hujusmodi infallibilitatem ad fundamentum retulisse,
 ac propterea significasse, infallibilitatem primo tribuen-
 dam esse fundamento. Hinc Origenes dum hæc Evangelii
 verba explicat in *Matthæum* tomo 12. num. 11. ita habet:
 „ Quam autem, eam? An enim petram, supra quam Chri-
 „ stus ædificat Ecclesiam? Ambigua quippe loquutio est.
 „ An quasi unam eandemque rem, Petrum, & Ecclesiam?
 „ Hoc ego verum esse existimo: nec enim adversus petram,
 „ supra quam Christus Ecclesiam ædificat, nec adversus Ec-
 „ clesiam portæ inferi prævalebunt “. Ejusdem autem tomi
 num. 14. Petro ideo traditas fuisse claves regni cælorum affir-
 mat, quia ei Christus promiserat, nunquam futurum, ut
 contra ipsum portæ inferi prævalerent: inquit enim: “ Post
 „ hæc videamus, quomodo dictum sit Petro, & cuilibet qui
 „ Petrus est: *Dabo tibi claves regni cælorum*. Et primum exi-
 „ stimo his verbis; *Portæ inferi non prævalebunt adversus eam*,
 „ convenienter esse subnexum: *Dabo tibi claves regni cælo-
 rum*. Nam qui contra inferi portas munitus est, ut adver-
 „ sus eum non prævalerent, dignus est, qui ab ipso verbo
 „ claves regni cælorum accipiat “. Unde etiam S. Hilarius
 laudans fidem Petri lib. 6. *De Trinit.* cap. 37. “ Hæc fides (in-
 „ quit) Ecclesiæ fundamentum est. Per hanc fidem infirmæ
 „ adversus eam sunt superbæ inferorum portæ “. S. Ambro-
 sius *De Incarnatione* cap. 5. num. 34. contra fidem Petri, quam
 Ecclesiæ fundamentum esse affirmat, nunquam futurum tra-
 dit,

dit, ut hæreses prævaleant, quia contra eam neque etiam portæ inferi prævalere possunt: " Non enim (ait) de carne Petri, sed de fide dictum est, quia portæ mortis ei non prævalebunt ". S. Augustinus in *Psalmo contra partem Donatistæ*, facta mentione Romanorum Pontificum, qui Petri Cathedram tenuerunt, inquit: " Ipsa est petra, quam non vincunt superbæ inferorum portæ ". S. Cyrillus Alexandrinus lib. 4. *De Trinitate* exponens hunc Matthæi locum: *Tu es Petrus, & super hanc petram edificabo Ecclesiam meam*, ita habet: " Petram, opinor, nihil aliud, quam inconcussam, & firmissimam Discipuli fidem vocavit, in qua Ecclesia ita fundata, & firmata esset, ut non laberetur, & esset inexpugnabilis inferorum portis ". Quum ergo contra Ecclesiam portas inferi prævalere non posse, S. Cyrillus inde affirmaverit, quia supra fidem Petri Ecclesia fundata est, potiori jure & contra fidem Petri easdem prævalere non posse, existimare necessario debuit. Simplicius Papa epist. 3. ad Zenonem Augustum eandem promissionem tum ad Petri, tum ad Successorum ejus fidem refert: (1) " Perstat enim (ait) in Successoribus suis hæc, & eadem Apostolicæ norma doctrinæ, cui Dominus.... se usque ad finem seculi minime defuturum, cui portas inferi nunquam prævalituras esse promisit ". S. Gelasius in *Commonitorio* ad Faustum: (2) " Cogitantes (ait) Christi vocem non esse superfluum, quæ confessioni B. Petri Apostoli inferni portas nunquam prævalituras asseruit ". Non ergo Patres quod Bossuetius velle, sed contrarium ejus *luculentissime profitentur*. Idem vero manifeste perspectum est etiam ex iis, quæ supra jam disseruimus (3).

At Leo tamen repugnat: (nominatim enim ad hunc tantum ex multis Patribus Bossuetius appellat; nullum vero indicat locum illius) ita ne verò? Iis, quæ ex Leone in medium jam protulimus (4); hæc alia ad plenioram confutationem ejus, quod Bossuetius affirmat, nunc superaddamus ex serm. 3. in *Anniversaria die sue Assumptionis*. Nam hujus sermonis

Fff. 2

cap. 2.

(1) Tom. 5. Concil. edit. Venet. colum. 98. (2) Ibidem col. 197.

(3) Hujus cap. §. 4. (4) Præced. §.

cap. 2. (1) explicans illa verba : *Beatus es Simon Bar-Jona*, quia caro, & sanguis non revelavit tibi, sed Pater meus, qui in calis est, ita habet : “ Id est, ideo beatus es, quia Pater meus te docuit, nec terrena opinio te fecellit, sed inspiratio cælestis te instruxit : & non caro, & sanguis, sed ille me tibi, cujus sum Unigenitus Filius, indicavit. Et ego, inquit, dico tibi : hoc est, sicut Pater meus tibi manifestavit Divinitatem meam ; ita & ego tibi notam facio excellentiam tuam. Quia tu es Petrus ; id est, quum ego sim inviolabilis petra ; ego lapis angularis, qui facio utraque unum ; ego fundamentum, præter quod nemo potest aliud ponere ; tamen tu quoque petra es, quia mea virtute solidaris, ut quæ mihi potestate sunt propria, sint tibi mecum participatione communia. Et super hanc petram ædificabo Ecclesiam meam, & porta inferi non prævalebunt adversus eam. Super hanc, inquit, fortitudinem æternum extruam templum, & Ecclesiæ cælo inferenda sublimitas in hujus fidei firmitate consurget. Hanc confessionem portæ inferi non tenebunt, mortis vincula non ligabunt “.

CAPUT III

DE INFALLIBILITATE PONTIFICIORUM DE FIDE JUDICIORUM ;
HABITA RATIONE EORUM, QUÆ Luca cap. 22. v. 31.
& seq. CHRISTUM AD PETRUM DIXISSE LEGIMUS.

§. I. **V**erba Evangelii Luca cap. 22. v. 31. & seq. ad unum tantum Petrum referri possunt.

Christus ergo, facta cœna, quum Apostolis futurum promississet, ut ederent, & biberent super mensam suam in regno suo, & sederent super thronos judicantes duodecim tribus Israel, adstantibus iisdem Apostolis, ita Petrum alloquutus fuit : “ Simon, Simon ecce Satan expetivit vos, ut cribraret sicut triticum : ego autem rogavi pro te, ut non deficiat fides tua : & tu aliquando conversus confirma fratres tuos “ . Petrum igitur Christus proprio nomine compellat,

(1) Juxta supra cit. edit.

pellat, eumque, præsentibus aliis Apostolis, certiores facit, futurum, ut omnes eos, ne ipso quidem Petro excepto, Satan expeteret, ut cribraret illos, sicuti triticum: usque modo ergo Petrus, si ad Satanæ tentationem attendatur, nihil supra alios Apostolos habet, sed ipse quoque, non secus, ac ceteri, est illi eodem modo subiectus. Verum anne fortasse Petrus ejusdem semper conditionis quoad rem, istam cum aliis Apostolis? Minime certe: *Ego autem* (inquit Christus semper Petrum compellans, quem proprio nomine vocaverat) *rogavi pro te, ut non deficiat fides tua: & tu aliquando conversus confirma fratres tuos*. Duo itaque hic habemus, quæ unum tantum Petrum respiciunt: 1. quod Christus pro Petro singulariter oraverit, ne deficeret fides illius: 2. quod Petro demandatum fuerit, ut fratres in fide confirmaret. Unde habita ratione tentationis, quæ erat communis omnibus Apostolis, ne ipso quidem Petro excepto, Christus & singulariter oravit pro fide Petri, ne deficeret, & eidem Petro præcepit, ut fratres confirmaret. Si hæc omnia ad ipsum Petrum singulariter referri non debeant, non video sane, neminemque videre posse arbitror, quænam tandem ad unum aliquem hominem singulariter referri possint.

§. II. Prædicta Evangelii verba ad Petrum referri debent, quatenus erat Supremum Caput Ecclesiæ.

De Suprema præfectura S. Petri in universam Ecclesiam non minus constat ex iis, quæ *Matthæi* cap. 16. leguntur, de quibus in præcedenti capite disseruimus, quam ex his aliis *Lucæ* cap. 22. *Ego autem rogavi pro te, ut non deficiat fides tua: & tu aliquando conversus confirma fratres tuos* (1). Nam, quod Christus *Matthæi* cap. 16. promiserat, in hoc *Lucæ* capite confirmavit. Inde autem necessario consequi, verba *Lucæ* ad Petrum referri debere, quatenus erat Supremum Caput Ecclesiæ, nemo non videat oportet. Quid? Nonne Christus, facta mentione ejus periculi, quod ex parte Satanæ omnibus Apostolis imminabat: quo sane cœtu nullus præstantior in Ecclesia haberi potest, se pro Petro singulariter rogaf.

(1) Lib. 18. cap. 1. §. 7.

rogasse dixit, ne deficeret fides illius? nonne inde Petro præcepit, ut suos fratres confirmaret? In fide autem confirmare Apostolos, certe nemini alteri convenire potest, quam Supremo totius Ecclesiæ capiti. Tandem semel ac uni præcipiatur, ut alios in fide confirmet; hi profecto illius institutioni subjiciuntur: quapropter si dicamus, quemadmodum revera dicendum est, Christum tale præceptum Petro dedisse, quod vellem, ut exequutioni mandaretur, id etiam affirmetur oportet, Apostolos ejus institutioni subjecisse. Eo vel maxime, quia idem Christus antea monuerat, Satanam expectasse, ut omnes cribraret, sicuti triticum, atque omnes in eo periculo, in quo versabantur, uno Petro excepto, reliquit. Esse vero ejus, qui præest, habere alios suæ institutioni subiectos, nemo sane negare potest. Ex his vero omnibus unicuique compertum esse debere arbitramur, Evangelii verba de quibus, nunc agimus, ad Petrum referri oportere, quatenus erat Supremum Caput Ecclesiæ.

§. III. Ex prædictis Evangelii verbis certo consequitur, S. Petrum privilegium infallibilitatis in his, quæ sunt fidei, adeptum fuisse.

Ex illis novimus, Christum pro Petro rogasse, ne deficeret fides illius: quare vel assequutus fuit Christus, quod a Patre petiit, vel non fuit assequutus: assequutus sane fuit, quum Apostolus *Hebræor. cap. 5.* affirmaverit, quod *exauditus est pro reverentia sua*: & ipse Christus alloquens Patrem *Joannis cap. 11. v. 42.* dixit: *Ego autem sciebam, quia semper me audis.* Hinc Augustinus lib. *De Corrept., & gratia* num. 17.
 » Quum Christi (inquit) inanis esse non posset oratio, quid
 » aliud oravit, nisi ut haberet Petrus in fide liberrimam,
 » fortissimam, invictissimam voluntatem? Si ergo Christus
 oravit pro Petro, ne deficeret fides illius, & oratio Christi exaudita fuit, inde necessario consequitur, ut Petri fides deficere non potuerit: esse autem aliquem in his, quæ sunt fidei, infallibilem, & fidem ejus deficere non posse, unum idemque sunt. Ex prædictis itaque Evangelii verbis necessario consequitur, S. Petrum in his, quæ sunt fidei, privilegium infal-

infallibilitatis adeptum fuisse. "Vide namque (inquit S. Joannes Chrysostomus in *Acta Apostolorum* Homilia 3. num. 3.) centum viginti erant, & unum postulat ab omni multitudine; & jure quidem primus auctoritatem habet in negotio, cui omnes commissi fuissent. Huic enim Christus dixerat: *Et tu aliquando conversus confirma fratres tuos*". S. Leo Serm. 3. cap. 3. (1) "Commune erat omnibus Apostolis periculum de tentatione formidinis, & Divinæ protectionis auxilio pariter indigebant, quoniam diabolus omnes excitare, omnes cupiebat elidere: & tamen specialis a Domino Petri cura suspicitur, & pro fide Petri proprie supplicatur, tamquam aliorum status certior sit futurus, si mens Principis victa non fuerit. In Petro ergo omnium fortitudo munitur, & Divinæ gratiæ ita ordinatur auxilium, ut firmitas, quæ per Christum Petro tribuitur, per Petrum Apostolis conferatur".

§. IV. Prædicta Evangelii verba eodem modo, quo ad Petrum, spectant etiam ad successores illius, ac per ea iisdem tribuuntur omnia, quæ S. Petro tributa fuere.

Prædicta Evangelii verba eodem modo, quo ad Petrum, pertinere etiam ad Successores illius, est sane pluribus jam confectum a nobis, atque longa traditione Patrum ostensum, non minus spectasse ad Petrum confirmare in fide fratres, quam nunc spectet ad Romanum Pontificem (2). Ex hoc autem certo colligitur, ut quemadmodum ad Petrum ea verba referri debent, quatenus erat Supremum Caput Ecclesiæ (3), atque ex iisdem certo consequitur, S. Petrum privilegium infallibilitatis in his, quæ sunt fidei, adeptum fuisse (4); ita etiam ad Romanos Pontifices referri debere, quatenus sunt Supremum Ecclesiæ Caput, & ob illa eos esse infallibiles in his, quæ ad fidem spectant.

§. V. Verum sensum illorum verborum: *Rogavi pro te: & Confirma fratres tuos*, Bossuetius pervertit.

Defensionis &c. lib. 10., alias 15., cap. 3. In his *Lucæ* verbis

(1) Juxta edit. Cacciarrii. (2) Lib. 19. cap. 2. §. 7.

(3) Hujus cap. §. 2. (4) Præced. §.

verbis cap. 3. v. 3. 2. *Rogavi pro te, & Confirma fratres tuos* officium Petri a Christi promissione distinguit: ad officium Petri illa verba pertinere affirmat: *Confirma fratres tuos*; ad promissionem autem ista alia: *Rogavi pro te*. In quo sane nihil reprehensione dignum habet, dum tamen dicatur, ea promissione Petrum securum evasisse, nunquam futurum, ut fides illius deficeret. Quod deinde superaddit, hoc vero est, quod nullo modo probatur a nobis. Nam, inquit, ex officio habere Petrum, habere quoque Successores illius, ut fratres in fide confirmet, non vero ut *ei officio nunquam defuturi sint*. Hanc vero rei istius rationem affert: quia si jubendo Christus id præstaret, ut ipsum præceptum impleretur, omnes impeccabiles forent. Unde, ait, quod Petro ejusque Successoribus *singulari titulo* attributum fuerit, confirmare fratres, „ Efficit quidem, ut præ ceteris, ut erga ceteros, atque „ etiam erga fratres, & Apostolos, illud facere jubeantur: „ non autem ut id certissime præstent“. Neque est, ipse prosequitur, cur reponatur, *adjunctam Papatui, perpetua Dei benignitate, singularem gratiam*, quia „ Gratiam singularem non „ propterea sequitur semper accipientis certa fidelitas: alio „ quin nunquam in eo officio peccaretur, quod est falsissimum „.

Ut autem ostendat ipsa voce confirmandi non significari indeclinabile judicium, eamque auctoritatem, qua nulla inajor esse possit, in medium adducit hæc Apostoli verba 1. *Thesalon.* cap. 3. v. 2. *Misimus Thimotheum . . . ad confirmandum vos, & illud Apocalypsis* cap. 3. v. 2. *Esto vigilans, & confirma cetera, quæ moritura erant*.

At hisce omnibus nihil sane dici potest, quod a sensu verborum Evangelicorum, & quidem obvio, atque manifesto unicuique, magis abhorreat. Omnes profecto satan expetierat, ut cribraret. Christus ergo ut occurreret illi malo, quod inde evenire facile poterat, pro fide Petri rogavit, ne unquam deficeret, atque procul dubio consequutus fuit, quod petiit a Patre. Inde autem Petro præcepit, ut fratres confirmaret, atque hac ratione periculo illi prospexit, quod

ob

ob Satanæ tentationem imminebat: cui certe non prospexisset, si non habuisset Petrus, ut sine periculo erroris fratres confirmaret. Quapropter Petri infallibilitas non ad præceptum confirmandi referri debet, sicuti Bossuetius retulit, ac propterea ad rem nostram non facit, quod ipse opponit, hoc est, jubendo Christum non præstare, ut præceptum impleatur; sed ad promissionem a Christo factam Petro, qua ipse Petrus certior evasit, nunquam futurum, ut in fide deficeret, dum fratres confirmaret. Est ergo Petro, atque Successoribus illius *singulari titulo* attributum munus confirmandi fratres, quia promissio Christi æque ad illum, ac ad istos referri debet (1), ac propterea Summi Pontifices dum fratres in fide confirmant, in errorem duci non possunt. Quoad rem ergo istam talem singularem gratiam Papatui ratione Christi adjunctam tuemur, quæ non pendet a fidelitate accipientis. Data enim illa fuit ob Ecclesiæ bonum, atque utilitatem, & muneri, non vero personæ annexa est, sive est annexa personæ, quatenus fungitur suo munere confirmandi fratres.

Ad rem vero nostram non faciunt illa exempla, quæ in medium adducit, ut evincat, ipsa voce confirmandi non significari indeclinabile judicium. Ea enim confirmatione, de qua sermo fit *Lucæ* cap. 22. v. 32. indeclinabile judicium significari contendimus, quia cum præcedenti promissione a Christo facta conjungitur, cum qua sane conjuncta non est altera, quæ *Thessalon.* cap. 3. v. 2., & *Apocalypsis* cap. 3. v. 2. commemoratur.

§. VI. Verum sensum illorum verborum: *Rogavi pro te, ut non deficiat fides tua*, Bossuetius turbare pergit, dum explicat qua singulariter ratione ad Petrum ea referri debeant.

Citati libri cap. 4. tradit, Petrum tripliciter considerari posse: 1. quatenus erat homo singularis: 2. quatenus universæ Ecclesiæ personam gerebat: 3. quatenus suos Successores in Primatu, eorumque curæ commissam peculiarem Ecclesiam, hoc est, Romanam, repræsentabat ob singularem rationem. Quatenus Petrus erat homo singularis, ad ipsum solum

Tom. III.

G g g

præ-

(1) Lib. 19. cap. 2. §. 7.

prædicta verba referenda esse affirmat: " Quo sensu (inquit)
 „ promissio solum Petrum spectat, non autem Successores,
 „ quos in fide confirmatos, nemo credo, nisi insipientissimus
 „ dixerit ". Si autem de Petro sermo sit juxta alteram accep-
 tionem, verbis illis: *Non deficiet fides tua*, idem significatum
 contendit, ac si diceretur: " Non deficiet Ecclesiæ Catholi-
 „ cæ fides, cujus tu figuram, atque personam propter Prima-
 „ tum geris; ac jubetur postea confirmare fratres, qui, Pri-
 „ matu imposito, tantam personam induerit ". Tandem si
 Petrus accipiat, prout accipi posse tertio loco constituit, ei
 ideo dictum affirmat: *Non deficiet fides tua*! " Quum nunquam
 „ futurum sit, ut Petri Successores, eorumque universa se-
 „ ries, atque successio, sedesque, cui præsent, atque Eccle-
 „ sia, quam docendam, & regendam susceperint, a vera fide
 „ evellantur ". In sequenti cap. 5. explicat, qua ratione in-
 telligi debeat, nunquam futurum, ut Successores Petri a ve-
 ra fide evellantur. Nos postea hujusmodi explicationem refu-
 tabimus. Nunc de eo, quod ipse doctrinæ ordo postulat.

Prædicta itaque verba Evangelii ad Petrum referri debe-
 re, quatenus erat Supremum Ecclesiæ caput, si non minus
 attendatur ad traditionem Patrum, quam ad illum finem, pro-
 pter quem Christus singulariter oravit pro fide Petri, ne un-
 quam deficeret, jam ostendimus (1). Nunc ergo illud tantum
 superest, ut Bossuetium sibi manifeste contradicere animad-
 vertamus. In sermonibus *de Christo*, *appropinquante cœ-*
na (2) die 79. ita ipse habet latine redditus: " Quoniam
 „ (Christus) in cohibenda suorum Apostolorum ambitione
 „ ita erat loquutus, ut ab iis, qui ejus verba non satis expen-
 „ dissent, credi potuërit nullum Primatum fuisse relictum,
 „ quin & diminutum fuisse illum, quem Petro tradiderat;
 „ hoc loco perinde affatur, ut oppositum palam demonstret.
 „ *Satanas*, inquit, *expetivis vos: ut cribraret omnes: ego au-*
 „ *tem, Petre, rogavi pro te*; pro te in particulari, pro te di-
 „ stincte: non quod alios neglexerit, sed ut Patres exponunt,
 „ quod

(1) Hujus cap. 5. 2. (2) Continentur hi Sermones tom. 9. Opé-
 rum ejus edit. Parisien. an. 1749.

„ quod, firmato capite, impedire voluit, ne membra nuta-
 „ rent. Propter hoc igitur ait: „ *Rogavi pro te*, non vero ro-
 „ gavi pro omnibus“. Bossuetio itaque docente, Christus ad
 confirmationem ejus Primatus, quem Petro contulerat, præ-
 sentibus Apostolis, ad Petrum dixit, quoniam jam *Satanas* ex-
 petierat cribrare omnes, se rogasse pro eo, ne deficeret fides
 illius, ut, ita firmato capite, membra non nutarent. Ipso
 itaque sentiente, falsum est, prædicta Evangelii verba ad Pe-
 trum referenda esse, quatenus erat homo singularis, ita ut
 promissio iisdem expressa ad illum solum spectaret, non vero
 ad Successores ejus. Primatus enim est procul dubio Petro
 deferendus, quatenus supremam præfecturam super univer-
 sam Ecclesiam Christus illi contulerat: semperque etiam ne-
 cessarium erat, ut membra ob confirmationem capitis nutare
 non possent. In eodem loco ita Bossuetius pergit, explicans
 illa verba: *Tu es Petrus &c.* „ Ego Simonis nomen mutavi in
 „ nomen Petri ob significandam soliditatem, quam tibi volo
 „ communicare non solum pro te, verum etiam pro tota mea
 „ Ecclesia, quia super hanc petram volo illam ædificare. Vo-
 „ lo in te collocare modo eminenti, & peculiari prædicatio-
 „ nem fidei, quæ erit ejus fundamentum: *Et porta inferi non*
 „ *prævallebunt adversus eam*; id est, illa firma consistet adver-
 „ sus omnes satanæ conatus, adeo ut concuti non possit:
 „ quod quid est aliud, nisi id, quod Christus repetit: *Satan*
 „ *expetivit vos, ut cribraret sicut cricum: ego autem, Petre, roga-*
 „ *vi pro te, ut non deficiat fides tua: & tu confirma fratres tuos*“ ?
 Prædicatio itaque fidei modo eminenti, & peculiari Petro
 commissa, cui, uti fundamento, Ecclesia innititur, indeque
 portæ inferi adversus eam prævalere non possunt, illis verbis
 designatur: *Ego autem rogavi pro te, ut non deficiat fides tua*:
 hæc igitur verba juxta Bossuetium ad Petrum, non quatenus
 persona singularis, sed quatenus erat fundamentum Ecclesiæ
 referri debent. Quis ergo Bossuetium sibi manifeste contra-
 dicere non videat? Advertendum ergo superest, quandonam
 sit potius illi adhibenda fides; utrum quando verba Lucæ ad
 Petrum, uti singularem hominem, an quando ad Petrum,

quatenus erat fundamentum Ecclesiæ, referenda affirmat. Tunc procul dubio, quando ea ad Petrum pertinere dicit, quatenus erat caput Ecclesiæ. Nam etiam Patres in hunc sensum acceperunt (1), & quando ipse quoque Bossuetius accepit, tunc nullo præjudicio tuendi opinionem suorum præoccupatus tenebatur, sed populos in recta fide instituere sibi proposuerat.

Non solum autem falsum est, quod *nemo nisi insipientissimus dixerit, Successores Petri in fide confirmatos*, quin potius insipientissimus ille sane habendus esset, qui id negaret. Nam est procul dubio insipientissimus, qui communi traditioni Patrum sese opponit: at verba *Luca: Ego autem rogavi pro te, ut non deficiat fides tua: & confirma fratres tuos*, non minus ad Petrum, quam ad Successores illius referenda esse, a Patribus nos traditum habere, & ea ratione, qua ad Petrum pertinent, quatenus erat Ecclesiæ caput, pertinere etiam ad Successores illius, jam ostendimus (2). Nonne idem ipse Bossuetius in Ecclesia semper Petrum adesse debuisse statuit, qui suos fratres in fide confirmaret? Nonne id colligit ex illis verbis, quibus hujusmodi munus Christus Petro demandavit? In sermone enim diei 72. (3), cujus titulus hic est: *Fides S. Petri est fides Ecclesiæ Romana, vel centrum Catholica unitatis*, ita habet:

» Hæc verba: *Confirma fratres*, non sunt præceptum, quod
 » S. Petro singulariter fiat, sed munus, quod Christus vult
 » esse, & instituit in sua Ecclesia in omnia secula ... Ab eo
 » tempore, quo Simon constitutus fuit caput Apostolorum,
 » vocatus Petrus, & Jesus Christus in eo posuit fundamen-
 » tum suæ Ecclesiæ ob fidem, quam nomine omnium prædi-
 » care debebat; posuit etiam, seu designavit primatum Ec-
 » clesiæ in persona S. Petri, dicendo Apostolis: *Ecce ego vo-*
 » *biscum sum omnibus diebus usque ad consummationem seculi*.
 » Ostendit enim formam regiminis, quam constituerat, sem-
 » per perseveraturam. Æterna successio ut Petrum conse-
 » queretur, sicuti etiam ceteros Apostolos, statutum fuit:

» Debe-

(1) Lib. 18. cap. 1. §. 7. Vide etiam in seq. §. Gregorii locum.

(2) Lib. 19. cap. 2. §. 7. (3) Vide supra citatum locum.

„ Debat semper in Ecclesia adesse Petrus, qui suos fratres
 „ confirmaret in fide. Id remedium erat opportunum, ut
 „ sententiarum unitas servaretur, quam Salvator omnium,
 „ maxime expetebat; & hæc auctoritas, tanto magis neces-
 „ saria erat Apostolorum successoribus, quanto horum fides
 „ minus erat firma, quam illa ipsorum Apostolorum “. Se-
 „ mel ac autem admittatur, sicuti revera admitti debet, Pe-
 „ trum in Ecclesia semper adesse oportere, qui suos fratres in
 „ fide confirmet, & id remedium esse opportunum, ut senten-
 „ tiarum unitas servetur, quam Salvator omnium maxime ex-
 „ petebat; inde consequitur, Petri Successores, dum fratres
 „ in fide confirmant, falli non posse.

Nunc de Bossuetii explicatione altera, qua tradit, illis
 verbis: *Non deficiet fides tua*, significatum, nunquam defe-
 cturam fidem Ecclesiæ Catholicæ, cujus figuram, & perso-
 nam Petrus propter Primatum gerebat. Ut autem res ista to-
 ta in bono lumine ponatur, animadverti debet, hæc verba:
Non deficiet fides tua, etiam ad fidem Ecclesiæ Catholicæ re-
 ferri posse, quamvis ea spectent ad fidem Petri, quatenus
 erat Supremum Ecclesiæ Caput. Ad fidem ergo Ecclesiæ Ca-
 tholicæ referri ea possunt, quatenus Ecclesiæ Catholicæ fi-
 des fidei Petri adhæret, qui, uti ait Bossuetius, jubetur con-
 firmare fratres, & Primatu imposito, tantam personam su-
 stinet. Nam in fide confirmatos ab eo principio pendere, a
 quo hujusmodi confirmationem recipiunt, ex se perspicuum
 est. Hinc S. Petrum, dum super universam Ecclesiam juris-
 dictionem accepit, Ecclesiæ figuram, & personam gessisse
 propter Primatum, quem in discipulis habuit, seu, propter Apo-
 stolatus sui Primatum S. Augustinus in *Psal.* 108. num. 1, & Tra-
 ctatu 124. in *Joan.* num. 5. affirmat. Quapropter ipse unus Pe-
 trus totam Ecclesiam representavit, quatenus super omnes
 positus cum auctoritate fuit, atque ad ipsum spectabat uni-
 versam Ecclesiam regere. Hoc autem munus tunc potissimum
 impletur, dum fratres in fide confirmantur, hoc est, dum
 quæ credi, aut non credi debent, universæ Ecclesiæ publi-
 ca auctoritate denuntiantur. Ad Petrum autem, & ad Suc-

cessores

cessores illius promissio Christi facta illis verbis: *Non deficiet fides tua*, ita pertinet, quatenus Supremum Magisterium super universam Ecclesiam cum suprema auctoritate habent, eorumque est super eam gerere Primatum tam honoris, & dignitatis, quam auctoritatis, & jurisdictionis. Unde, quem admodum Cl. Orsius animadvertit in lib. 4. *De Romani Pontif. Auctorit.* cap. 35., sicuti illis verbis *Non deficiet fides tua*, singularis personæ Petri fides interior, & in ea usque ad obitum perseverans voluntas illius designari potest; ita etiam significatur indeficiens ipsius Petri fides, quatenus universæ Ecclesiæ personam, & figuram ille gerebat: attamen hic duplex intelligendi modus, qui apud nonnullos Patres occurrit, ei interpretationi nullo modo opponitur, quæ hæc indeficiens promissio fidei ad eundem Petrum refertur, quatenus in sua cathedra præsidet, supremum cum auctoritate magisterium super universam Ecclesiam habet, & in suis successoribus adhuc vivit, & fidei oracula pronuntiat. Unanimem enim in hanc rem Patrum traditionem habemus (1). Hujusmodi vero interpretatio est illa, quæ Bossuetio displicet, eamque præter omnem rationem e medio sublatam vellet, ne quam tuemur, Summi Pontificis infallibilitatem fateri cogatur.

Sibi vero Bossuetius non constat, dum affirmat, Petro dictum fuisse: *Non deficiet fides tua*, quatenus „ Successores „ in Primatu suos . . . singulari titulo representabat “. Nam dum iisdem verbis singularem personam Petri designari dicit, cum S. Augustino in *fide liberrimam, fortissimam, inviolissimam, perseverantissimam voluntatem* ipsi Petro tribuit: dum tradit eadem verba pertinere ad Petrum, quatenus universæ Ecclesiæ personam gerebat, illis idem significatum contendit, ac si diceretur: non deficiet Ecclesiæ Catholicæ fides: ergo etiam dum vult dictum Petro: *Non deficiet fides tua*, quatenus representabat suos Successores in Primatu, inde necessario consequitur, ut Petri Successores dum eo munere funguntur, quod a successione habent, sint infallibiles. Quandoquidem illa non deficientia fidei, quæ promittitur, innixa est orationi

(1) Cit. loco.

tionem Christi, quæ procul dubio exaudita fuit: ergo ob eam fides indefectibilis esse debet tam in singulari persona Petri, & universa Ecclesia, quam in Petri Successoribus. Quum ergo hanc indefectibilem fidem in Romanis Pontificibus Bossuetius non admittat (1), inde sequitur, ut sibi non constet, dum tradit, verba illa: *Non deficiet fides tua*, ad Petrum dicta fuisse, quatenus Successores suos singulari titulo in Primatu representabat.

At inquit Bossuetius (2), « Accipiendi Romani Pontifices tamquam una persona Petri, in qua nunquam fides penitus deficiat; atque ut in aliquibus vacillet, aut concidat, non tamen deficit in totum, quæ statim revictura sit. Nam & Petrus negavit, & incredulus fuit, postquam etiam audivit illud: *Rogavi pro te, ut non deficiat fides tua*; sed statim exurgit confirmaturus fratres, atque omnium nomine communem prædicaturus fidem, sicut in Actis legimus. Sit ergo in Leone, sit in Agathone, sit in aliis egregiis Pontificibus Petrus fratres confirmans: sit etiam in Liberio, sit in Honorio Petrus ad horam nutans, & negans. Id ergo ei nos ultero libenterque damus, Romanos Pontifices accipi posse sicuti unam personam Petri, qui & in sua Cathedra adhuc sedeat, & in suis Successoribus vivat: at vero ut in aliquibus Petri Successoribus in Primatu fides vacillet, aut concidat, dum ejusdem Primatus munere funguntur, nullo modo pariuntur illa Evangelica verba: *Non deficiet fides tua*, si ad Petrum referantur, quatenus *Successores in Primatu suis* representabat. Nam nunquam futurum, ut Petrus, dum fratres confirmaret, Christus simpliciter, & Successorum ejus nulla distinctione facta, affirmavit: si igitur Romani Pontifices haberi debent sicuti una persona Petri, qui in sua adhuc Cathedra sedeat, omnes profecto ob promissionem Christi, nemine excepto, sunt æque Successores Petri: omnes a Petro æque representantur: æque omnibus dixit Christus in persona Petri non deficiet fides tua. « Petri fides (inquit Bossuetius in titulo citati

(1) Cap. præced. §. 5. & seqq. (2) *Defensionis* &c. lib. 10., alias 15., cap. 5.

„ tati capitis) in Petri Sede, & in Successorum serie non de-
 „ ficit “. At in serie Successorum æque omnes Pontifices,
 nullo dempto, continentur: sibi ergo contradicit, dum affir-
 mat, in aliquibus vacillare, aut concidere posse.

Petrus Christum quidem negavit; attamen quatenus,
 non secus ac ceteri Apostoli, qui, *relieto eo, fugerunt*, priva-
 tus homo erat, & munere confirmandi fratres nullo modo de-
 fungebatur; ac propterea frustra Bossuetius exemplum illius
 opponit ad evincendum, quod veller. Unde apposite ad rem
 nostram sane Cl. Orsius *De Romani Pontificis Auctoritate*,
 lib. 4. cap. 4. ita habet: “ Deinde nec illud, ut omnes facile
 „ intelligunt, probare possumus, quod Petri exemplum non
 „ modo ex injuncto sibi divinitus munere fratres confirman-
 „ tis, verum & ad horam vacillantis, Christumque negantis,
 „ ad Romanos Pontifices in Petri Cathedra sedentes, inde-
 „ que universam Ecclesiam solemniter, & ex officio docentes
 „ accomodetur. Non enim Petrus universam Ecclesiam ex of-
 „ ficio docebat, aut quidquam ab omnibus credendum decer-
 „ nebat, quum Christum in atrio Principis Sacerdotum igna-
 „ viter negavit. Sit ergo in Liberio, sit in Honorio Petrus ad
 „ horam nutans, & negans: at eandem in eis personam agat,
 „ quam & ipse agebat, quum primum negavit, & vacillavit,
 „ nimirum privati hominis, non Pontificis “. At illud quo-
 „ que non est prætereundum, Primatum totius Ecclesiæ nondum
 Petro collatum fuisse, quando Christum negavit. Nam *Matth.*
 cap. 16. se quidem suam Ecclesiam supra Petrum ædificaturum
 Christus promissit; verum tunc non ædificavit. *Lucæ* autem
 22. cap. pro fide Petri, ne unquam deficeret, Christus ora-
 vit; verum an ne ut tunc temporis fratres in fide confirmaret,
 Petro commisit? *Et tu aliquando*, inquit Christus, *conversus*
confirma fratres tuos. Quando ergo Christus post suam resurre-
 ctionem a mortuis oves, & agnos pascendi curam, sicuti *Jo-*
annis cap. 21. legitur, Petro commisit; tunc sane Primatum
 super universam Ecclesiam illi contulit, adimplevitque, quod
Matth. cap. 16. promiserat, & *Lucæ* cap. 22. confirmaverat.
 Ex quibus sane illud semper magis magisque constat, quam
 præ-

præter omnem rationem ex negatione Petri deducatur, Romanos Pontifices tunc etiam in fide labi posse, quando munus obeunt confirmandi alios.

Quomodo autem, & qua ratione Bossuetius dicat, Ecclesiam Romanam, quam Summi Pontifices docendam, & regendam susceperint, nunquam a vera fide avellendam, infra cap. 5. expendemus.

Ex his autem, quæ tam in hoc capite, quam in duobus præcedentibus disseruimus, constare arbitramur, quam longe a vero Febronius aberraverit, dum *De Statu Ecclesiæ &c.* cap. 1. §. 10. affirmavit, *varios textus, & loca Patrum*, quæ a Transalpinis, sicuti ipse dicit, ad probandam, & adstruendam infallibilitatem etiam soli Romano Pontifici in medium adducuntur, *in alium*, eumque *Catholicum sensum apte exponi* posse, & *de facto a plerisque Sanctis Patribus, & a celeberrimis Galliarum Theologis* exponi. Duo autem præmonenda quoad rem istam a se censet: "Primum: quod cadente Romani Pontificis Monarchia sacra, cui omnis antiquitas Ecclesiastica repugnat, etiam prætensa ejus infallibilitas nutet. Secundum: quod assertio Pontificiæ inerrantiæ parum practicæ utilitatis in Ecclesia habeat", quia sunt multi, qui in contraria sententia versantur.

Quod ergo spectat ad illum sensum ab ipso deprehensum in variis textibus, & in locis Patrum, eumque omnino diversum ab eo, quem ad adstruendam infallibilitatem Romani Pontificis Transalpini tuentur; est distinguendum: si enim velit, uti revera vult, nullo autem modo ostendit, Sacræ Scripturæ loca, ex quibus Transalpini certo, evidenterque colligunt, sicuti etiam nos fecimus, diversa ratione juxta sententiam Sanctorum Patrum intelligi oportere, ac iidem ipsi Transalpini intelligunt; uti certum assumit, quod omnino falsum est, sicuti constat ex iis, quæ in medium allata sunt a nobis. Si autem contendat, locorum Sacræ Scripturæ atque etiam Sanctorum Patrum expositionem aliam a nostra esse, quam celeberrimi Galliarum theologi dederunt; ei non repugnamus: in illo tamen repugnamus, istiusmodi ex-

Tom. III.

H h h

possi-

positionem obvio sensui Sacrarum Scripturarum, & interpretationi Sanctorum Patrum accomodatam esse. Nam inter hos celeberrimos Theologos Bossuetius est sane recensendus. Totam vero rationem illius, qua ad hanc rem spectantia Sacra Scriptura loca interpretatur, esse omnino alienam & ab eo sensu, quem ipsa ex se præferunt, & in quo Sancti Patres acceperunt, jam confecimus. Sacra autem Monarchia Romani Pontificis non solum neque cadit, neque nutat, sed firmissimo fundamento innititur, hoc est, Divino verbo tum scripto, tum tradito (1), ac propterea una cum illa etiam infallibilitas firmissime consistit.

De eo autem, quod Febronius superaddit, hoc est, ad practicam utilitatem Ecclesiæ, parum referre Pontificiam inerrantiam, nunc ita paucis. Ea semel posita, constat Summum Ecclesiæ Caput uti eo jure, quo revera potitur, dum nulla aliorum expectata consensione, suas de fide definitiones certo, firmissimeque credendas iudicat, atque a cœtu Catholicorum eos avulsos declarat, qui eisdem assentiri noluerint: constat loco hæresis sine ulla dubitatione id habendum esse, quod ipse hæreticum esse pronuntiaverit: constat eo Capite Ecclesiam in fide sua regi, quo duce, nullo modo falli possit: constat demum ad cognoscendam firmitatem infallibilitatis eorum, quæ fidei sunt, neque valde laborandum, neque longum tempus impendendum, sicuti valde laborari, & multum temporis ne cessario impendi deberet, si de ea perspectum esse non posset, nisi simul Ecclesiæ consensus perspiceretur (1). Contrà vero si inerrantia, de qua loquimur, non admittatur, constat, Summum Pontificem non uti eo jure, quo revera potitur, dum, nulla aliorum expectata consensione, suas de fide definitiones certo, firmissimeque credendas iudicat, atque a cœtu Catholicorum eos avulsos declarat, qui eisdem assentiri noluerint: constat loco hæresis sine ulla dubitatione id haberi non debere, quod ipse hæreticum esse, nullo aliorum expectato consensu, pronuntiaverit: constat, non

(1) Lib. 20. cap. 4. (2) Rem ista infra hujus lib. cap. 7. uberius explicamus.

non eo Capite Ecclesiam in sua fide regi, quo duce, nullo modo falli possit: constat demum ad cognoscendam firmitatem infallibilitatis eorum, quæ fidei sunt, & multum laborandum, & plurimum temporis impendendum esse. Annæ hæc omnia utrum priori, an hac altera ratione sese habeant, ad practicam utilitatem Ecclesiæ parum referunt? Febronius sane dicit; cum eo tamen nullus alius, qui utilitatem Ecclesiæ probe expenderit, sane dixerit.

CAPUT IV.

DE INFALLIBILITATE PONTIFICIORUM DE FIDE JUDICIORUM,
HABITA RATIONE EORUM, QUÆ Joannis cap. 21. v. 11. & seqq.
LEGUNTUR.

§. I. CUM Suprema præfectura, quam Petrus a Christo super universam Ecclesiam per hæc verba recepit: *Pasce oves meas: Pasce agnos meos*, ea, de qua nunc loquimur, infallibilitas necessario conjungitur.

Petrum a Christo recepisse Supremam præfecturam super universam Ecclesiam, dum ei Christus præcepit, ut tam oves, quam agnos pasceret, & apud omnes Catholicos compertum est, & pluribus nos jam ostendimus (1). Ex hoc autem consequi, ut in Petro fuerit, sit in Romanis Pontificibus (nam eodem modo ad eos, ac Petrum verba Joannis referri debent) (2) ea infallibilitas, de qua nunc contendimus, nemini non perspicuum esse debet. Quandoquidem semel ac Petrus in doctrina fidei falli potuisset, semel ac idem, in successoribus ejus contingere posset; tunc procul dubio universa Ecclesia ab ipso sui initio habuisset, & nunc quoque haberet, talem Supremum moderatorem, atque gubernatorem, a quo in errorem induci posset. Suæ vero Ecclesiæ Christum ita non consuluisse, ut ab omni periculo erroris longè abesset, atque in fide deficere non posset, quisnam unquam dixerit? Cum Suprema ergo præfectura, quam Petrus a Christo super universam Ecclesiam per hæc verba recepit: *Pasce*,

H h h 2

agnos

(1) Lib. 13. cap. 1. §. 8. & seq. (2) Lib. 19. cap. 2. §. 8.

agnos meos: Pasce oves meas, ea, de qua nunc loquimur, infallibilitas necessario conjungitur.

§. II. Quamvis etiam ceteris Apostolis, & successoribus illorum, datum sit Ecclesiam Dei regere; tamen propter id non oportet, ut privilegium infallibilitatis eisdem tribuatur.

Hoc discriminis inter ipsum Petrum, quatenus Supremum Ecclesiæ Caput ipse erat, & ceteros Apostolos intercedit, quod Petro datum fuit Suprema cura nemini subiecta, pascendi tam oves, quam agnos, Apostolis vero, ut ubique omnes populos, Successoribus autem eorum, ut singularem sibi commissum gregem pascere. Hæc autem potestas Apostolorum fuit, sicut etiam nunc est eorum, qui illis succedunt, ipsius Petri Supremæ potestati, quæ tum oves, tum agnos complectitur, omnino subiecta⁽¹⁾. Quapropter periculum erroris imminere quidem universæ Ecclesiæ potest, semel ac Supremus rector illius, atque gubernator errori obnoxius sit, non vero si sint errori obnoxii, qui sub ipso Petro Ecclesiam regunt. Quamvis ergo etiam ceteris Apostolis, & successoribus illorum datum sit, Ecclesiam Dei regere; tamen eis privilegium infallibilitatis non oportet, ut tribuatur.

§. III. In iis, quæ sunt fidei, non vero in aliis, prænunciatur indefectibilitas illis verbis: *Pasce oves meas: Pasce agnos meos*.

Etiam definitiones morum ad fidem referri oportere, jam animadvertimus⁽²⁾. Est igitur attendendum, Ecclesiam in fide indefectibilem esse debere: hæc vero indefectibilitas facile infringi posset, semel ac Supremus Pastor illius tale ei doctrinæ pabulum non repugnaret, ut præberet, quod aliquo errore refertum foret. Dum autem vera fides persistit, etiam ipsa Ecclesia non deficit, & illud principium semper perseverat, qua aliæ virtutes, si extinctæ quodammodo sint, reviviscere possunt, ac propterea quoad istas quoque Supremum gubernatorem illius infallibilem esse nullo modo requiritur. In iis ergo, quæ sunt fidei, non vero in aliis, prænunciatur indefectibilitas illis verbis: *Pasce oves meas: Pasce agnos meos*.

§. IV. In-

(1) Lib. 18. cap. 2. §. 8. (2) Hujus lib. cap. 1. §. 4.

§. IV. Infallibilitas Petri infallibilitati Ecclesiæ, & infallibilitas Ecclesiæ infallibilitati Petri, non solum non opponitur, sed est etiam quam maxime conformis.

De priori inde constat, quia ad infallibilitatem Ecclesiæ requiritur etiam infallibilitas illius Supremi Capitis, sicuti jam ostendimus (1): de altero etiam perspectum est, quia infallibilitas corporis non solum non adversatur infallibilitati sui Capitis, sed ad eam valde conducit. Stat ergo simul utraque infallibilitas, sibi que invicem conformis est, atque ad firmitatem Catholicæ fidei quam maxime confert. Capiti tamen est tributa infallibilitas non propter se, sed propter corpus, corpori autem propter se. Ex his autem, quæ usque modo disseruimus de ea falsa suppositione constat, qua Febronius *De statu Ecclesiæ* cap. 1. §. 9. laborat, dum infallibilitatem a Romano Pontifice amovere contendit. Nam postquam multis ostendit, Ecclesiam infallibilem esse, atque huiusmodi donum habere a Deo, inde colligit, infallibilitate Ecclesiæ semel posita, e medio tolli non solum *ideam status Monarchici in Ecclesiâ, quæ inde a detestata Isidorianarum Decretalium plurimum vacillat*, sed etiam *unius irreformabile iudicium in materiis fidei*. Ideam Monarchici status ab Isidorianis Decretalibus nulla ratione pendere, sed suum fundamentum, omnino fixum, atque stabile eam habere in Divino verbo tum scripto, tum tradito, est jam confectum a nobis (2). Nunc ergo tantum de falsa suppositione, qua Febronius laborat. Uti enim nemo non novit, in hac sua argumentatione falso supponit, fieri non posse simul, ut Ecclesiâ sit infallibilis, & in ea unius irreformabile iudicium in materiis fidei etiam habeatur. Id autem tam longe a veritate abest, ut contrarium ejus, quod ipse vellet, ex infallibilitate Ecclesiæ omnino colligi debeat. Nam quemadmodum jam ostendimus, quia Ecclesiâ est infallibilis, Caput quoque ejus, & fundamentum, supra quod extructa est, infallibile sit oportet, eique etiam, quia unicum Caput, atque unicum fundamentum est, ratio Monarchici regiminis tribui debet.

§. V. Ni-

(1) Hujus cap. §. 1. (2) Lib. 20. cap. 4.

§. V. Nihil periculi in eo inest, quod infallibilitas in rebus fidei, quæ universam Ecclesiam attingunt, Summo Pontifici, qui unus tantum est, tribuatur.

Usque modo ostensum est a nobis, promissionem ejus infallibilitatis, quam in Summo Pontifice propugnamus, a Christo Domino esse, qui in S. Petro suæ Ecclesiæ fundamenta posuit, pro eo oravit, ne in fide deficeret, illique tam præcepit, ut suos fratres in fide confirmaret, quam ut & oves, & agnos pasceret. Semel ac autem de eo timendum sit, quod ex Christi promissione habemus, non video sanè, de quonam tandem timeri non debeat. Unus ergo est Romanus Pontifex; tamen simul est etiam fons, & origo illius unitatis, qua Ecclesia continetur. " Nam (inquit Cyprianus » epist. 73.) Petro primum Dominus, super quem ædificavit » Ecclesiam, & unde unitatis originem instituit, & ostendit, potestatem istam dedit, ut id solveretur in coelis, quod » ille solvisset in terris ". Epist. 70. Baptisma est unum, ait, unus Spiritus Sanctus, " Et una Ecclesia a Christo Domino » super Petrum origine unitatis, & ratione fundata ".

Tunc ergo certissimum totius Christianæ fidei periculum adest, si vel unus Romanus Pontifex infallibilis non habeatur, dum quæ credenda sunt, statuit, atque decernit, contra ac Bossuetius sentit, qui *Defensionis &c.* lib. 10., alias 15., cap. 5. affirmat, fidei non obfuturum, " Si aliquot Pontifices officio » defuerint, atque a vera fide, eique conjuncta fidei professione, aut prædicatione aliquando aberravint ". Nam tunc vera fides, dum sua ipsa membra regeret, in capite nutaret: membra autem errori obnoxia esse, semel ac ea a capite in errorem inducantur, nemo non perspicit. Neque est, cur Bossuetius dicat: " Stare Romanam fidem ab eorum Antecessoribus stabilitam, ab eorum Successoribus statim vindicandam ": nam quomodo factum fuisse datur, ut aliquot Pontifices officio defuerint, atque a vera fide, eique conjuncta fidei professione, aut prædicatione aliquando aberrarint; non absimili ratione contingere potest, ut idem quoque alius, & alius faciat. Neque est potior ratio, cur in uno, & non in alio, promissiones Christi fallantur. CA-

CAPUT V.

DE EA DISTINCTIONE, QUÆ A NONNULLIS PONITUR INTER SEDEM,
CATHEDRAM, VEL ECCLESIAM ROMANAM, ET PONTIFICES,
UT SUAM FALSAM OPINIONEM TUEANTUR.

§. I. **S**edes Apostolica, Cathedra, & Ecclesia Romana secundum aliquam acceptionem a Romano Pontifice distingui possunt.

Inter alios (1), Bossuetius *Defensionis &c.* lib. 10., alias 15., cap. 5. Sedem a sedente distingui debere affirmat, & contrariam sententiam dicit esse errorem multis jam veterum testimoniis sublatum, atque S. Leonem epist. 80., alias 53. dicentem: *Aliud sunt Sedes, aliud Presidentes*, in medium adducit. Unde in sequentibus capitibus totus in eo est, ut ex ipsa traditione evincat, Patres non de Romano Pontifice, sed de Romana Ecclesia, & Sede Apostolica nunquam defectura fuisse loquutos, dum quæsierunt illud immotum in fide, quod Ecclesia principali, Romana scilicet, inesse necesse sit. Hoc enim semel posito, & illo altero simul constituto, Sedem a sedente distingui, duo se confecisse arbitratur; hoc est, & Summum Pontificem infallibilem non esse, & nihil contra evinci posse ex illis Patrum testimoniis, quæ ad adstruendam infallibilitatem Summi Pontificis afferri solent. Nunc ergo ut omnis confusione locus tollatur, in quo Sedes a sedente distingui possit, & debeat, videamus.

Nomine Sedis, prout hic de ea loquimur, locus ille intelligi potest, in quo sedet, qui ceteris præest, dum sui regiminis munere fungitur. Hac autem acceptione si sumatur Sedes, distingui a Romano Pontifice Sedem Apostolicam, nemo non novit. Cathedræ quoque acceptio talis esse potest, ut per eam intelligatur ille locus, in quo sedet cum præmi-

nentia

(1) Alliaccensis hujus opinionis auctor fuisse videtur in *Tract.*, seu *Apologia ad Papam, & Cardinales* tom. 1. Oper. Gersonis edit. Antuerpien. Eam deinde sequuti sunt, qui infallibilitatem in rebus fidei Summo Pontifici denegarunt. Videatur Orsius *De Romani Pontif. Auctorit.* lib. 4. cap. 13. art. unico.

nentia ceterorum, qui personam magistri gerit. Quia vero magisterii Sedes idem non est cum magistro in ea sedente; ideo etiam Cathedra juxta hunc sensum a Romano Pontifice distinguatur oportet. Ecclesiæ vero nomine, si illud latiori sensu accipiat, universa Ecclesia Catholica unitate fidei, & communionis cum Romano Pontifice, sicuti cum suo capite confociata, intelligitur, quæque propterea etiam Romana vocatur; vel accipitur Ecclesia secundum minus latam significationem; & tunc nomine Ecclesiæ veniunt Episcopi alicujus nationis una cum Clero, & plebe sibi subjectis, vel designatur aliquis singularis Episcopus una cum Clero, & plebe commissis regimini illius. Sicuti ergo juxta hanc significationem, quævis Ecclesia non est aliquid idem cum suo Episcopo; ita etiam Ecclesia Romana non est aliquid idem cum Romano Pontifice.

§. II. Sedes Apostolica, Cathedra, & Ecclesia Romana idem sunt cum Romano Pontifice, si ad judicia, definitionesque fidei attendamus.

Sedem Apostolicam, Cathedram, & Ecclesiam Romanam a Romano Pontifice distingui debere, etiamsi de judiciis, definitionibusque fidei sermo sit, ii omnes Theologi censuere, qui *Cleri Gallicani causam defendendam* susceperunt (1). Contra communem tamen notionem nos esse tuemur, ut habita ratione doctrinæ, Sedes a sedente, Cathedra a Præceptore, Ecclesia a suo Episcopo distinguatur. Neque enim a Sede, sed ab eo, qui in illa quiescit, dum alios docet, doctrinæ præcepta proponuntur. Ille sane est, qui refutat errores, dubia explicat, difficultates resolvit, doctrinæ veritatem proponit, atque statuit, quid sentiendum tenendumque sit. Hæc vero omnia etiam ad Sedem, sensu tamen minus proprio, referuntur, & ipsius sedentis habita semper ratione. Neque etiam Cathedra disputat, longas ratiocinationes instituit, aliorum placita refert, illa rejicit, aut amplectitur, quidque verum sit, determinat: sed, qui Cathedræ onus sustinet, ille profecto est, qui hæc omnia perficiendo laborat, quique laboravit, ut ea

(1) Vide Orsium *De Rom. Pontif. Auctorit.* lib. 4. cap. 13. art. unico.

ut ea recte perficere posset. Cathedræ ergo quæ doctrinæ præcepta tribuuntur, non ob eam tribuuntur, sed propter illum, qui eandem regit, atque moderatur. Pastorum tandem esse in Ecclesia docere, nemo ignorare potest. Hinc est, ut qui in Ambrosiana, qui in aliis Ecclesiis singulares ritus servantur, ritus quidem Ambrosianæ, aut alterius Ecclesiæ esse dicuntur; eorum tamen institutio non ad plebem, vel Clerum referri debet, sed ad Præsules earundem Ecclesiarum. Quondam Africana Ecclesia, vel saltem quædam pars illius eo in errore fuit, ut baptizatos ab hæreticis esse iterum baptizandos censuerit: at a quibusnam hic error suam originem habuit, & propagatus, atque propugnatus tanta animorum contentione fuit? Ab iis profecto, qui Africæ Ecclesias regebant, & moderabantur. Hic ergo ritus, hæc doctrina illius, aut alterius Ecclesiæ esse dicitur, quia iisdem adhærent illi omnes, qui ad eas Ecclesias pertinent, quatenus tamen eorum doctrinam sequuntur, quibus ipsi subesse debent. Nam juxta præceptum Apostoli Pauli (1) quemadmodum ceterorum Fidelium est, obedire suis Præpositis, & subjacere eis; ita est etiam Præpositorum (2), attendere lectioni, exhortationi, & doctrinæ, ac (3) prædicare verbum, instare opportune, importune, arguere, obsecrare, increpare in omni patientia, & doctrina.

Et re quidem tota ratio doctrinæ instar cujusdam somnii habenda erit, semel ac dum de ea agitur, Sedes, Cathedra, & Ecclesia unum quid esse non accipiantur cum sedente, Doctore, & Præsule, ita ut ob sedentem, Doctorem, & Præsulem. Sedi, Cathedræ, Ecclesiæ doctrina non tribuatur. Somniare enim illum recte diceremus, qui ab ipsa Sede, vel Cathedra, in qua magister tradit doctrinæ præcepta, plura se didicisse affirmaret. Si vero in hac sua insipientia persisteret, jam non solum eum somniare, sed etiam ineptissime insipientem esse affirmaremus, & de insipientia illius occasionem ludendi fortasse accipientes, ab eodem quæreremus, quo tempore Sedes, vel Cathedra disputat, quo vero silet, qui-

Tom. III.

I ii

nam

(1) *Hebraeor. cap. 13. v. 17.* (2) *1. ad Timot. cap. 4. v. 13.*(3) *11. ad Timot. cap. 4. v. 2.*

nam sit sonus vocis illius, quænam copia differendi, aliaque multa hujus generis ab eodem eo usque peteremus, quo de stultitia ejus jocum sumere vellemus. Ecclesiæ autem nomine vel universalis, vel singularis unaquæque Ecclesia intelligitur: si de universali loquamur, eam componunt omnes Fideles, qui professione ejusdem Christianæ fidei, & eorumdem communionis sacramentorum sub regimine legitimorum Pastorum, & præcipue Romani Pontificis inter se colligati sunt: singularem vero singuli Fideles alicui peculiari Pastori subiecti constituunt. Si quis ad omnia membra Ecclesiæ tam universalis, quam singularis doctrinam universalis, vel singularis Ecclesiæ ita referat, ut vel a Supremo Præsule universalis, vel a peculiari Præsulibus singularum Ecclesiarum, suum eam principium habere, propagari, & diffuere in alios nolit, atque contendat membrorum tam universalis, quam singularis cujusque Ecclesiæ propriam esse doctrinam; hic profecto membris tribueret, quod eis secundum se spectatis nullo modo convenit, sed solummodo propter caput, cui conjunguntur, ac propterea non aliter, ac ille, qui Sedem, vel Cathedram docentem faceret ob doctrinam præceptoris, membra docentia constitueret ob doctrinam sui capitis. Ex his vero omnibus nemini non perspectum esse debere arbitramur, Sedem Apostolicam, Cathedram, & Ecclesiam Romanam idem esse cum Romano Pontifice, si ad judicia, definitionesque fidei attendamus. "Secreta enim (sicuti inquit Thomassinus *Disser.* 20. in *Synodum VI. Œcumenicam* num. 18.) a Pontifice, & Pontificio Clero sedes inane figmentum est, vacuumque simulacrum, & sine mente sonus".

§. III. Nomine Sedis, Cathedræ, & Ecclesiæ Romanæ Romanos Pontifices intellexerunt Patres, dum vel de doctrina fidei, vel de iis, quæ ad illam spectant, sermonem haberent. Eadem etiam recentiorum auctorum sententia fuit.

Patres Synodi Sardicensis in epistola ad Julium I. (1):
 „Hoc enim optimum (inquiunt) & valde congruentissimum
 „esse videbitur, si ad caput, id est, ad Petri Apostoli Se-
 „dem,

(1) Apud Constantium in *Collect. epist. Rom. Pont.* epist. 3. num. 1.

dem, de singulis quibusque provinciis Domini referant Sa-
cerdotes “. Episcopi Africani in priori Synodo Carthagi-
nensi ita habent in epistola ad Innocentium I., dum illum cer-
torem faciunt de iis, quæ a se constituta erant (1): „ Hoc
itaque gestum, Domine Frater sancte, charitati tuæ inti-
mandum duximus, ut statutis nostræ mediocritatis etiam
Apostolicæ Sedis adhibeatur auctoritas, pro tuenda salute
multorum, & quorundam perversitate etiam corrigenda “. Patres Concilii Milevitani, dum eidem Innocentio exponunt
errorem inimicorum gratiæ Christi, ita habent (2): “ Hæc ad
Sanctitatem tuam de Concilio Numidicæ scripta direximus,
imitantes Carthaginensem Ecclesiam, & Carthaginensis
provinciæ Coepiscopos nostros, quos ad Sedem Apostoli-
cam, quam beatus illustras, de hac causa scripsisse compe-
rimus “. Episcopi Tarraconenses in epistola ad Hilarium
Papam successorem S. Leonis de ordinatione Episcopi per Sil-
vanum Calaguritanum Episcopum contra regulas Patrum fa-
cta (3): “ Etsi (inquiunt) nulla extaret necessitas disciplinæ
Ecclesiasticæ, expetendum revera nobis fuerat illud privi-
legium Sedis vestræ, quo, susceptis regni clavibus post re-
surrectionem Salvatoris, per totum orbem Beatissimi Petri
singularis prædicatio universorum illuminationi prospexit
Proinde quia his præsumptionibus, quæ unitatem dividunt,
quæ schisma faciunt, velociter debet occurrere: quæsumus
Sedem vestram, ut quid super hac parte observari velitis,
Apostolicis affatibus instruamur Erit profecto vester
triumphus, si Apostolatus vestri temporibus, quod S. Petri
Cathedra obtinet, Catholica audiat Ecclesia, si novella,
zizaniorum semina fuerint extirpata “. Gallicani Patres in
II. Arausicano Concilio congregati ad condemnationem erro-
rum Fausti Rejenfis ita habent (4): “ Unde id nobis secundum
admonitionem, & auctoritatem Sedis Apostolicæ, justum,
ac rationabile visum est, ut pauca capitula ab Apostolica

I i i 2

nobis

(1) Apud eundem epist. 15. num. 1. inter epist. Innoc. I. (2) Apud
eundem epist. 27. num. 3. (3) Tom. 1. Concil. edit. Harduini co-
lum. 787. (4) Apud Sirmondum tom. 1. Concil. Gallicæ.

» nobis Sede transmissa, quæ ab antiquis Patribus de sancta-
 » rum Scripturarum voluminibus in hac præcipue causa col-
 » lata sunt, ad docendos eos, qui aliter, quam oportet, sen-
 » tiunt, ab omnibus observanda proferte, & manibus nostris
 » subscribere deberemus“. Cum Patribus in Conciliis con-
 » gregatis etiam Summi Pontifices eandem loquendi rationem
 » quod rem istam tenerant (1). „Quamvis (inquit Zosimus)
 » Patrum traditio Apostolicæ Sedi auctoritatem tantam tri-
 » buerit, ut de ejus judicio disceptare nullus auderet, id iuc
 » per canones semper regulasque servaverit, & currens ad-
 » huc suis legibus Ecclesiastica disciplina Petri nomini, a quo
 » ipsa quoque descendit, reverentiam, quam debet, exsol-
 » vat. Tantum enim huic Apostolo canonica antiquitas per
 » sententias omnium voluit esse potentia, ex ipsa quoque
 » Christi Dei nostri promissione, ut & ligata solveret, & so-
 » luta vinciret; par potestatis data conditio in eos, qui Sedis
 » hæreditatem, ipso annuente, meruissent. . . . Quum ergo
 » tantæ auctoritatis Petrus caput sit, & sequentia omnium
 » majorum studia firmaverit, ut tam humanis, quam Divinis
 » legibus, & disciplinis omnibus firmeretur Romana Ecclesia,
 » cujus locum nos regere, ipsius quoque potestatem nominis
 » obtinere, non later vos“. Bonifacius in epistola ad Ru-
 » fum (2) Sedem Romanam affirmat consultam fuisse, dum Ro-
 » mani Pontifices consulti fuerunt: „Sed quia res postulat (in-
 » quit) approbandum documentis est, maximas Orientalium
 » Ecclesias in magnis negotiis, in quibus opus esset discepta-
 » tione majori, Sedem semper consuluisse Romanam, &
 » quoties usus exegit, ejus auxilium postulasse. Sanctæ me-
 » moriæ Athanasius, & Petrus Alexandrinæ Sacerdotes Ec-
 » clesiæ, hujus Sedis auxilium postularunt. Quum Antioche-
 » na Ecclesia per multum temporis laboraret, ita ut fierent
 » illinc propter hoc ipsum sæpe discursus, primo sub Meletio,
 » postea sub Flaviano, Apostolicam Sedem manifestum est esse
 » consultam. Ad cujus auctoritatem post multa, quæ ab Ec-
 » cle-

(1) Apud Constantinum in *Collect. epist. Rom. Pont.* epist. 12. num. 1.

(2) Apud eundem epist. 15. num. 16.

„clesia nostra gesta sunt, nemini dubium est, Flavianum com-
 „munionis gratiam recepiſſe“. Tandem Caeleſtinus in epi-
 ſtola ad Populum Antiochenum (1); quæ erga S. Athanaſium
 a Romano Pontifice geſta fuerant, a Sede Apoſtolica geſta
 fuiſſe dicit: „Denique (ait) hic ei redintegratus eſt ſtatus, &
 „in hac Sede requiem communionis invenit, a qua ſemper
 „Catholicis ſubvenitur“. S. Hieronymus vero in epiſt. 15.
 ad Damaſum, alias 57., num. 2. ipſum rogans, ut ſibi ſigni-
 ficaret, utrum tres hypotheſes in Deo dicendæ eſſent, vel ta-
 cendæ, ita habet: „Ideo mihi Cathedram Petri, & ſidem Apo-
 „ſtolico ore laudatam cenſui conſulendam; inde nunc meæ
 „animæ poſtulans cibum, unde olim Chriſti veſtimenta ſu-
 „ſcepi. Ego nullum primum niſi Chriſtum ſequens, Beatitu-
 „dini tuæ, id, Cathedræ Petri, communionem conſocior“.

Ad recentiores auctores nunc descendamus, qui ſunt
 propugnatores huius diſtinctionis inter Sedem, & Romanum
 Pontificem. Petrus de Alliaco in *Propoſit. facta in Conſiſtorio con-
 tra M. Joannem de Monteſono* num. 1. (2): „Non ignoramus
 „enim, (ait) ſed firmiſſime tenemus, & nullatenus dubita-
 „mus, quod ſancta Sedes Apoſtolica eſt illa Cathedra Petri,
 „ſupra quam eodem Hieronymo teſte fundata eſt Eccleſia ...
 „De qua Sede in perſona Petri Apoſtoli in ea ſedentis dictum
 „eſt: *Petre, rogavi pro te, ut non deficiat fides tua*“. Qua-
 propter & ipſe quoque concedit, quod de Petro dictum fuit,
 etiam de Sede, & Cathedra dictum fuiſſe. Unde etiam paulo
 ante proſitetur, id omne, quod ſcripturus eſt, „Totum cor-
 „rectioni, & iudicio Sedis Apoſtolicæ, & ſedentis in ea Sum-
 „mi Pontificis humiliter“ ſubmittere. Quid? etiam ipſe
 Boſſuetius ipſius rei evidentia quodammodo perſtrictus, nolens
 omnem diſtinctionem abſtulit inter ſedem Romanam, & Ro-
 manum Pontificem. Nam *Deſenſionis &c.* lib. 10., alias 15.,
 cap. 5. dum Sedem a Sedente diſtinguit, ſimul etiam inter Se-
 dem & ſedentem, doctrinæ habita ratione, omnem diſtinctio-
 nem

(1) Apud eundem epiſt. 15. num. 7. (2) Tom. 1. Oper. Geſſoni
 edit. Antuerpien. an. 1706. pag. 703.

nem tollit : “ Neque vero (inquit) distinguimus a Romano-
 ” rum Pontificum fide Romanæ Ecclesiæ fidem; quam scilicet
 ” non aliter quam a Petro primo, atque a Petri Successori-
 ” bus Romani didicerint “. Profecto, habita ratione doctrinæ
 fidei, Ecclesiam a Præsule, Sedem a sedente non distingui
 contendimus: at vero, Bossuetio consentiente, Romanæ Ec-
 clesiæ fides non distinguitur a fide Romanorum Pontificum: :
 ergo ipse quoque dum hoc idem negat, nobiscum simul con-
 tendir, Sedem a sedente non distingui. Hoc etiam confirma-
 tur ex iis, quæ in eodem capite ipse Bossuetius præmittit :
 ” Neque propterea dicimus, ipsam Sedem aliquid exercere,
 ” posse potestatis, aut jurisdictionis aliter, quam per ipsum,
 ” præsentem “. Non est ergo alia jurisdictio Sedis, alia se-
 dentis, sed una, ac eadem, immo si proprie loquamur, Se-
 dis nulla jurisdictio est, sed tota sedentis, & a sedente tota
 exercetur. Ejus autem jurisdictionis ratio hic habetur, quæ
 circa doctrinam, & fidei potissimum, versatur: semper ergo
 magis magisque constat, si ad doctrinam attendatur, Sedem a
 sedente distingui nullo modo posse.

§. IV. Etiam ex illis Patribus, quos Bossuetius in medium
 adducit ad adstruendam traditionem *de fide, & Ecclesiæ Roma-
 na, deque Sede Apostolica nunquam defectura*, manifeste constat,
 vel nomine Sedis, Cathedræ, & Ecclesiæ Romanæ Summos Pon-
 tifices esse intelligendos, vel ad Summos Pontifices primo re-
 ferenda esse, quæ ab iisdem de Sede, Cathedra, & Ecclesia
 Romana affirmantur, si agatur de doctrina fidei, vel de aliis,
 quæ ad illam aliquo modo spectant.

Defensionis &c. lib. 10., alias 15., cap. 6. hæc loca Pa-
 trum in medium adducit. S. Irenæus dum Romanam Eccle-
 siam celebrat, lib. 3. *Contra Hæreses* cap. 3. num. 2. “ Ad hanc
 ” enim Ecclesiam (inquit) propter potentiorē principalita-
 ” tem necesse est omnem convenire Ecclesiam “. Tertullia-
 nus *De Præscript. Hæreticorum* cap. 16. “ Habes Romam, unde
 ” nobis quoque auctoritas præsto est. Ista quam felix Ecce-
 ” sia, cui totam doctrinam Apostoli cum sanguine suo profu-
 ” derunt “! Cyprianus epist. 45. ad Cornelium: “ Navigare
 ” audent

audent ad Petri Cathedram, & ad Ecclesiam principalem,
 „ unde unitas Sacerdotalis exorta est “. Optatus Milevita-
 nus lib.2. *De schismate Donatistarum* cap.2. unicam, & singu-
 larem eam cathedram dicit, in qua Petrus omnium primus
 insederit *caput Apostolorum*. Concilii Aquilejensis Patres ita
 Augustos rogant: “ Totius orbis Romani caput Romanam
 „ Ecclesiam, atque illam Sacrosanctam Fidem Apostolorum,
 „ ne turbari sineret, obsecranda fuit vestra Clementia: inde
 „ enim in omnes venerandæ communionis jura dimanant “. Hieronymus epist.15., alias 57., ad Damasum *Cathedram*
Petri, & fidem Apostolico ore laudatam consulendam censuit:
 Epist. ad Theophilum 63., alias 68., scribit. “ Se Patrum
 „ non transire terminos, semperque meminisse Romanam fi-
 „ dem Apostolico ore laudatam, cujus se esse participem Ale-
 „ xandrina Ecclesia gloriatur “. Augustinus epist.43., alias
 162., num.7. veneratur Romanam Ecclesiam, *in qua semper*
Apostolica cathedra viguit principatus. Hanc celebrat Gelasius
 epist.4. ad Anastasium Imperatorem confidentissime scribens:
Quia mundo radix est Apostoli Petri gloriosa confessio. Idem con-
 firmat etiam in epist. ad Euphemianum. Stephanus Metropoli-
 ta Larissæus ad Bonifacium II., & Synodum Romanam hæc
 habet: “ Dixi, quia auctoritas Sedis Apostolicæ, quæ a
 „ Deo, & Salvatore nostro summo Apostolorum data est,
 „ omnibus sanctarum Ecclesiarum privilegiis antecellit, in
 „ cujus confessione omnes mundi requiescunt Ecclesiæ “. Huc quoque spectat illud Gelasii: “ Præstans Sedi, (Petrus)
 „ quam ipse benedixit, ut portis inferi nunquam pro Do-
 „ mini promissione vincatur, omniumque sit fluctuantium
 „ tutissimus portus “.

Ad hæc omnia non multis. Irenæus lib.13. *Cont. Hære-*
ses cap.3. num.1. affirmat, Apostolos *latenter a reliquis* plura
 tradidisse iis, quos *successores relinquebant, suum ipsorum locum*
magisterii tradentes. Quia vero, inquit num.2. ad investigan-
 das traditiones nimis longum esset, enumerare successiones
 omnium Ecclesiarum, id præstare se velle dicit quoad Roma-
 nam tantum Ecclesiam, ut hac ratione omnes de suo errore

con-

confusi, & convicti remaneant, quoniam ad hanc Ecclesiam propter potiorē, vel potentiorē principalitatem necessē est convenire eos, qui sunt undique Fideles, quum in illa conservata sit traditio, quæ est ab Apostolis. Hoc autem semel constituto, Episcopos, qui Petro successerunt usque ad Eleutherum num.3. recenset, atque ita concludit: "Hac ordinatione, & successione ~~cap.~~ quæ est ab Apostolis, in Ecclesia traditio, & veritatis præconatio pervenit usque ad nos. Et est plenissima hæc ostensio, unam, & eandem vificatricem fidem esse, quæ in Ecclesia ab Apostolis usque nunc sit conservata, & tradita in veritate". Quæro nunc ego, ad quodnam tandem caput doctrinam Ecclesiæ Romanæ, quæ habet potiorē, vel potentiorē principalitatem, & ad quam omnes convenire debent, Irenæus revocat? Ad Petrum sane, & Successores illius.

Quæ autem Irenæi eadem & Tertulliani ratio fuit. Præmiserat Tertullianus, Ecclesias Apostolicas percurrendas, ut de Apostolica traditione constare posset, quoniam in eis suam Apostoli doctrinam deposuerant. Superfluum tamen censet, immorari in singulis Ecclesiis, sed in una Romana sistit, eamque illis verbis, quæ Bossuetius refert, quam maxime extollit. In Ecclesia autem Romana Apostolica dogmata servata fuisse, non secus, ac Irenæus, ex successione Episcoporum recte conjicit: quæ quidem quum hæretici destituti sint, non minus recte infert cap.36. eos habendos uti extraneos, atque interpretes falsæ doctrinæ. Unde Tertullianus semper Irenæum sequutus Romanæ Ecclesiæ doctrinam ad Petri Successores in Episcopatu, uti ad suum Caput, atque fundamentum revocavit.

Cyprianus quum dicit: *navigare audent ad Petri Cathedralam*, de quibusnam loquitur? De Felicissimo sane, atque aliis cum eo una simul in scelere consociatis. Isti autem ad quemnam tandem navigaverant? Ad Cornelium profecto, Cornelius enim Felicissimum una cum sociis a se ejecit, & ab Ecclesia expellendum mandavit (1). Vult ergo Cyprianus nomine cathedræ Pontificem ei insidentem intelligere.

(1) Legatur initium cit. epist.

Opta-

Optatus Milevitanus lib. 2. cap. 2. " In urbe Roma Petro
 „ primo Cathedram Episcopalem esse collatam, in qua sede-
 „ rit omnium Apostolorum caput Petrus: in qua una cathedra
 „ unitas ab omnibus servaretur, " non alia profecto ra-
 „ tione dixit, nisi quia unus Petrus in ea Cathedra sedit, de-
 „ inde Successores illius, quos sicuti Irenæus, & Tertullianus
 „ fecerat, deinde enumerat. " Ergo (inquit) Cathedra uni-
 „ ta, quæ est prior de dotibus. Sedit prior Petrus, cui suc-
 „ cessit Linus &c. " Unde ad Petrum, & Successores illius
 „ eam unitatem refert, quam ab omnibus servandam dicit.

Patres Concilii Aquilejensis ab Ecclesia Romana jura
 communicationis proficisci affirmant, quia huic Ecclesiæ præ-
 est, qui Petro succedit (1).

Cujusnam vero sententiam Hieronymus exquirat, dum
 Cathedram Petri, & fidem Apostolico ore laudatam consulit?
 Damasi profecto: ab eo sane quærit, quid de tribus hyposta-
 sis sentiendum sit. Unde in fine epistolæ num. 5. ita habet:
 „ Quamobrem obtestor beatitudinem tuam per crucifixam,
 „ mundi salutem, per homousian Trinitatem, ut mihi epi-
 „ stolis tuis sive tacendarum, sive dicendarum hypostaseon
 „ detur auctoritas. " Quo autem sensu S. Hieronymus Petri
 Cathedram consulit, etiam se meminisse dicit, Romanam
 fidem Apostolico ore laudatam.

In Romana Ecclesia semper Apostolicæ Cathedræ vigui-
 se principatum, Augustinus quidem affirmavit: attamen in
 lib. *Contra epistolam Fundamenti* num. 5. ait, quod inter alia se
 in Ecclesia Catholica teneret, " Ab ipsa Sede Petri Aposto-
 „ li, cui pascendas oves suas post resurrectionem Dominus
 „ commendavit, usque ad præsentem Episcopatum successio
 „ Sacerdotum. " Quibus hæc alia affinia sunt, quæ habet
 S. Doctor in libro *De Utilitate credendi* num. 35. " Dubitabi-
 „ mus nos ejus Ecclesiæ condere gremio, quæ usque ad con-
 „ fessionem generis humani ab Apostolica Sede per successio-
 „ nes Episcoporum, frustra hæreticis circumlatrantibus...
 „ culmen auctoritatis obtinuit. " Ex quibus constat, Augu-

Tom. III.

K k k

stinum

(1) Vide epist. tomo 3. Concil. edit. Harduini col. 837.

stinum referre auctoritatem Sedis ad Petrum, & ad non interruptam seriem Successorum illius.

Gelasius dum, sicuti æquo jure poterat, Petri confessionem celebrat, simul Imperatorem ceteriore facit, se curare, ut hujusmodi confessio *nulla rima pravitatis, nulla prorsus contagione maculetur* (1), & in fine epistolæ eadem sibi, ac Sedi Apostolicæ tribuit. In epistolæ autem ad Euphemianum Sedis Apostolicæ auctoritatem refert ad eam potestatem ligandi, & solvendi, quam a Christo Petrus accepit, atque affirmat a Pontificibus, & præcipue a B. Petri Vicario cognosci debere, quæ Divina sunt (2).

Stephanus Larissæus dicit quidem, auctoritatem Apostolicæ Sedis omnium Ecclesiarum privilegiis antecellere; verum eam a Deo, & Salvatore datam affirmat *Summo Apostolorum* (3), atque ad Bonifacii auctoritatem confugit, ut sententiam injuste contra se latam rescindat. Unde hæc quoque antea habet ad eundem Bonifacium scribens (4): " Quia Domino dicente tertio: *Amas me? pascere oves meas*; tradidit prius vobis mandatum ostendens, & per vos deinde omnibus per universum mundum sanctis Ecclesiis condonavit. Denique per hoc quia venerabiles effecti ante vos, & quanti illam sanctam Sedem habere meruerunt, corpore quidem in Romana gloriosa degentes civitate, spiritu autem ea, quæ agebantur, omnia ornantes, & transgressi; ac plurimi ex corpore Ecclesiæ ab inimicorum calumniantium violentia sunt liberati a Deo, & venerabili Apostolica Sede "

Gelasius epist. 8., sive in Tractatu (5) hæc habet, quæ quidem omnia etiam a Bossuetio referuntur: " Duodecim, certe fuere Apostoli, paribus meritis, parique dignitate suffulti. Quumque omnes æqualiter spiritali luce fulgerent, unum tamen principem esse illis voluit Christus, eumque dispensatione mirabili in dominam gentium Romam direxit, ut in præcipua urbe, vel prima primum, & præcipuum
" diri-

(1) Tom. 2. Concil. edit. Harduini colum. 894. (2) Cit. tomo colum. 879. (3) Cit. tomo colum. 1116. (4) Cit. tomo col. 1111.

(5) Apud Sirmondum in Append. Cod. Theodos.

„ dirigeret Petrum. Ibiq̃ue sicut doctrinæ virtute sublimis
 „ emicuit; ita sanguinis gloriosa effusione decoratus, æter-
 „ no hopitio conquiescit, præstans sedi, quam ipse benedi-
 „ xit, ut a portis inferi nunquam pro Domini promissione
 „ vincatur, omniumque sit fluctuantium tutissimus portus“. Tutissimus, inquam, portus: ministerio tamen, & auctori-
 „ tate eorum, qui succedunt Petro, qui, uti antea inquit Ge-
 „ lasius, & auctoritate *Matt. cap. 16. v. 18.*, *Lucæ cap. 22. v. 32.*
Joannis cap. 21. v. 17. confirmat, fuit caput omnium constitu-
 „ tus, ut schismatis tolleretur occasio, „ Et una monstraretur
 „ compago corporis Christi, quæ ad unum caput gloriosissi-
 „ ma dilectionis societate concurreret.“

Bossuetius citati lib. cap. 7. libellum illum commemorat, quem Hormisdas misit ad Ecclesias Orientales, & istæ ad illum sub-
 „ signatum remiserunt. In isto ergo libello hæc leguntur:
 „ Prima salus est, rectæ fidei regulam custodire, & a Patrum
 „ traditione nullatenus deviare; quia non potest Domini no-
 „ stri Jesu Christi prætermitti sententia dicentis: *Tu es Petrus,*
 „ & *super hanc petram adificabo Ecclesiam meam*. Hæc, quæ di-
 „ cta sunt, rerum probantur effectibus; quia in Sede Apo-
 „ stolica immaculata est semper servata religio“. Post hæc ita
 Bossuetius: *ergo ut semper servaretur, ad hæc Christi promissa*
referunt. Postea hæc alia ex eodem libello superaddit: „ Un-
 „ de sequentes in omnibus Apostolicam Sedem, & prædican-
 „ tes ejus omnia constituta, spero, ut in una communione
 „ vobiscum, quam Sedes Apostolica prædicat, esse merear,
 „ in qua est integra, & vera Christianæ religionis soliditas“.

Ut ergo religio in Sede Apostolica semper immaculata
 servaretur, ad promissa quidem Christi refertur, quemadmo-
 dum etiam Bossuetius contendit: verum cuinam Christus hu-
 „ jusmodi promissionem fecit? an fortasse Ecclesiæ Romanæ?
 Petro sane dixit: *Tu es Petrus, & super hanc petram adificabo*
Ecclesiam meam. Id autem probatur effectū, quia in Sede Apo-
 „ stolica semper conservata est immaculata religio. Petrus ergo
 ejusque Successores sunt illud principium, propter quod in-

Sede Apostolica religio semper conservata est immaculata; igitur quod de conservatione immaculatæ religionis in Sede Apostolica affirmatur, est primo tribuendum Petro, deinde Apostolicæ Sedi, ac propterea propter Petrum est in Apostolica Sede integra, & vera Christianæ religionis soliditas.

Cap. 8. animadvertit idem Bossuetius in Synodo Lateranensi sub Martino I. *Secretario* 2. lectas fuisse litteras Episcoporum Cypriorum ad Theodorum Papam, in quibus iidem Præfules ita habent: " Firmamentum a Deo fixum, & im-
 » mobile, atque tituli formam lucidissimam fidei, vestram
 » Apostolicam Sedem constituit Christus Deus noster, dicens:
 » Tu es Petrus &c. ". In litteris vero Patrum Africanorum, lectis in eodem *Secretario* hæc habentur: " Magnum, & inde-
 » ficientem omnibus Christianis apud Apostolicam Sedem,
 » consistere fontem nullus ambigere potest, de quo rivi pro-
 » deunt affluenter, latissime irrigantes orbem Christianum ". Stephanus Episcopus Dorensis, ut occurreret perturbationi inductæ in Oriente a Sergio, Pyrrho, & Paulo, se ad Sedem Apostolicam accessisse in eodem Concilio testatur, quoniam Petrus Princeps Apostolorum claves a Deo sortitus fuit, & curam primus omnium pascendi oves: " Et ipse præcipue, ac
 » specialiter firmam præ omnibus habens in Dominum Deum
 » nostrum fidem, convertere aliquando, & confirmare exa-
 » gitatos consortes suos, & spirituales meruit fratres, utpo-
 » te dispensative super omnes ab ipso, qui propter nos incar-
 » natus est Deus, potestatem accipiens, & Sacerdotalem au-
 » thoritatem ". *Hoc igitur fundamento posito, subdit*, inquit Bossuetius: " Quod utique sciens beatæ memoriæ Sophronius
 » quondam Patriarcha sanctæ Christi Dei nostri civitatis
 » alligavit me vinculis insolubilibus dicens quantocius
 » ergo de finibus terræ ad terminos ejusdem deambula, do-
 » nec ad Apostolicam Sedem, ubi orthodoxorum fundamen-
 » ta existunt, pervenias &c. ". Superaddit Bossuetius, Agathonem ad VI. Synodum hæc scripsisse, quæ Synodi VI. Patres venerati fuere: " Quod Petro adnitante, Apostoli-
 » ca

ca ejus Ecclesia nunquam a veritate deflexa sit: quod ejus
 „ auctoritatem, & doctrinam Catholica Ecclesia, & Œcume-
 „ nicæ Synodi semper amplexæ sint; quod eadem Ecclesia
 „ semper illibata permanferit propter eam Christi promissio-
 „ nem: *Rogavi pro te, ut non deficiat fides tua*“. Ultimo tan-
 „ dem Bossuetius Benedictum XII. hæc habentem postquam san-
 „ ctis, & animabus nulli pœnæ amplius obnoxiiis visionem bea-
 „ tificam asseruit (1): “Pro qua (Ecclesia) ut in se ipsa subsistens
 „ alios informaret, passionis suæ tempore Salvator noster Je-
 „ sus Christus Patrem exorasse perhibetur, dicens: *Simon, Sé-*
 „ *mon &c. Ego autem rogavi pro te &c.*“.

At hisce omnibus non quod Bossuetius contendit, sed
 quod nos volumus, confirmatur. Nam in primo loco unde
 repetitur firmitas, & immobilitas Apostolicæ Sedis? Ab eo
 sane quod Christus Petro dixit: *Tu es Petrus &c.* Unde Petri,
 & Successorum ejus habita ratione, forma lucidissima fidei Se-
 des Apostolica dicitur. Africani vero Patres post ea, quæ Bos-
 suetius commemorat, hæc statim superaddunt (2): “Cui etiam
 „ in honorem beatissimi Petri Patrum decreta peculiarem
 „ omnem decrevere rêverentiam in requirendis Dei rebus,
 „ quæ omnino, & sollicitè debent, maxime vero justeque ab
 „ ipso Præfulum examinari vertice Apostolico, cujus vetusta
 „ sollicitudo est, tam mala damnare, quam probare laudan-
 „ da“. A Præfulum itaque vertice Apostolico fons ille scatur,
 de quo rivuli prodeunt affluenter, latissime irrigantes orbem
 Christianum. Hinc Africani in eadem epistola ad Theodorum
 Papam hæc superaddunt: “Quocirca humillimum vestro Apo-
 „ stolico culmini persolventes obsequium, cum lacrymis sug-
 „ gerimus &c.“. Quæ in libello Stephani Episcopi Dorensis
 habentur, & a Bossuetio in medium adducuntur, sunt omnia
 comparata ad ostendendum potestatem Apostolicæ Sedis esse
 potestatem Summi Pontificis, & eam propter Summum Pon-
 tificem tribui Sedi Apostolicæ. Id non solum ea, quæ Bossue-
 tius refert, manifeste evincunt, sed etiam hæc alia, quæ præ-
 cedunt.

(1) Apud Raynaldum an. 336, num. 2. (2) Tom. 7. Concil. edit.
 Venet. colum. 131.

cedunt (1) " Quippe quoniam hoc potestative olim, & ab antiquitus facere per Apostolicam, sive canonicam consuevit auctoritatem, dum aperta lucubratione non solum claves regni celorum traditæ sunt ei, atque ipse tantummodo ad aperiendum eas fidelibus quidem digne, minime autem, Evangelio credentibus iuste claudere magnus secundum veritatem, & Princeps Apostolorum meruit Petrus: sed etiam & pascere primus iussus est oves Catholicæ Ecclesiæ, quum Dominus dicit: *Petre amas me? pascere oves meas*". Sicuti ergo Bossuetius inquit, *hoc fundamento posito*, Sophronius Patriarcha dicit, apud Sedem Apostolicam orthodoxorum dogmatum fundamenta existere.

Agatho in epistola ad Augustos, Petro adnitente, quoniam Petro a Christo dictum fuit: *Confirma fratres tuos*, Ecclesiam Apostolicam nunquam a veritate deflexisse dicit. Unde superaddit (2) " Consideret itaque vestra tranquilla clementia, quoniam Dominus, & Salvator omnium, cujus fides est, qui fidem Petri non defecturam promissit, confirmare, cum fratres suos admonuit, quod Apostolicos Pontifices meæ exiguitatis prædecessores confidenter fecisse semper, cunctis est cognitum: quorum pusillitas mea licet impar, & minima, pro suscepto tamen Divina dignatione ministerio, pedissequa cupit existere".

Benedictus XII. Christum effecisse dicit, ut Ecclesia Romana in se ipsa subsistens alios informaret, quia ad Petrum ait: *Simon, Simon &c. Ego autem rogavi pro te &c.* Ad Petrum igitur eam virtutem retulit, quam Ecclesia Romana habet, ut in se ipsa subsistens alios informet.

§. V. Bossuetium minus recte sentire de fide Romanæ Ecclesiæ ostenditur ex iis, quæ ad extollendam auctoritatem Romanæ Ecclesiæ supra auctoritatem Summi Pontificis ipse in medium adduxit.

Defensionis &c. lib. 10., alias 15., cap. 6. hunc titulum apposuit: *Traditio Patrum de fide, & Ecclesia Romana, deque Sede Apostolica nunquam defectura &c.* Hoc autem in capite, sicuti

(1) Cit. tom. colum. 107. (2) Cit. tom. colum. 662.

sicuti etiam in sequenti id probare sibi constituit, quod Patres “ Dum quærunt illud immotum in fide, quod Ecclesiæ „ principali, Romanæ scilicet, inesse necesse sit; non Romanum Pontificem doctorem publicum . . . sed ipsam Romanam Ecclesiam, ac Romanam fidem, ipsam Petri Cathedralam, ac Sedem Apostolicam uno ore commemorant “. Cap. 14. ejusdem libri distincte explicat, quo sensu ipse velit, fidem Ecclesiæ Romanæ nunquam defecturam: “ Certiora (inquit) cogitent oportet, qui Ecclesiæ Romanæ, Sedisque Apostolicæ inviolabilem statum, fidemque prædicent: nempe id eventurum nunquam, ut quemadmodum Ecclesiæ, ex. gr., Constantinopolitanæ, Alexandrinæ, & nunc Anglicanæ, Danicæ; ita Ecclesiæ Romanæ error in hæreat; quem contumace proposito tueatur, & a veræ Ecclesiæ se abrumpat sinu “. Errorem ergo, quem *contumaci proposito* tueatur, sicut fuit, & est error Anglicanæ Ecclesiæ, ab Ecclesia Romana excludit, non vero absolute errorem, quem *contumaci proposito* non tueatur. Unde in eodem capite superaddit, se credere unam Ecclesiam Catholicam, & Synodum Œcumenicam eam esse, *in quam circa fidem nullus unquam obrepit defectus neque per contumaciam, neque per imprudentiam*. Tamen cap. 12. dum urget distinctionem, quam ipse ponit inter sedem, & sedentem, auctoritate Patrum contendit, *illud immotum in fide*, de quo ipse quærît, Romanæ Ecclesiæ, non Summo Pontifici tribuendum, atque etiam superaddit, mirum non esse, “ Aliquid convenire sedi, quod sedenti non conveniat; nempe ut sedes deficere non possit, quum sedens sit deviabile etiam in judicio de fide “. Aliorum nunc ego iudicio relinquo, utrum hæc inter se cohæreant: *illud immotum in fide* Romanæ Sedi tribuendum: Sedi Romanæ convenire *indefectibilem* esse; & in ea errorem in hæcere posse, quem *contumace proposito* non tueatur. Nunc quod volumus. S. Irenæus affirmat, ad Ecclesiam Romanam propter potiorē, vel potentiorē principalitatem ejus necesse esse, omnem Ecclesiam convenire: totā doctrinam Apostolos cum sanguine suo Romanæ Ecclesiæ profudisse, Tertullianus tradit,

dit, & S. Cyprianus, Ecclesiam Romanam esse principalem, ex qua unitas sacerdotalis exorta est: Patres Concilii Aquilejensis Romanam Ecclesiam totius orbis Romani Caput esse, & ab ea venerandæ communionis jura manare, in Augustorum memoriam revocant: Hieronymus Cathedram Petri, & fidem Apostolico ore laudatam, ut suam ipse fidem inter fluctuantes opiniones ex certo principio hauriret, consulendam censuit: Principatum Apostolicæ Sedis semper viguisse, mundo radicem esse Apostoli Petri gloriosam confessionem, atque Petrum suæ Sedi præstitisse, ut portis inferi nunquam pro Domini promissione vinceretur, Gelasius pronuntiat: Stephanus Metropolitæ Larissæ auctoritatem Apostolicæ Sedis antecellere asseverat omnibus Sanctarum Ecclesiarum privilegiis, & in confessione ejus requiescere omnes Ecclesias mundi. Hæc sane sunt loca Patrum, quæ Bossuetius *Defensionis &c.* lib. 10., alias 25., cap. 6. (1) in medium adducit, eaque ad Romanam Ecclesiam referenda esse dicit. Anne hæc omnes loquendi rationes in eam Ecclesiam conveniunt, quæ in errorem contra fidem, quamvis *sine contumaci proposito*, cadere potest? Profecto tunc necesse foret, ut nonnulla tantum urgeamus, omnem Ecclesiam ad eam Ecclesiam convenire, quæ errori subiecta esset: errare posse Ecclesiam principalem, ex qua unitas sacerdotalis exorta est, jura communionis manant, & in confessione ejus omnes Ecclesiæ mundi requiescunt. In cujusnam tandem mentem hæc venire possunt? Sed cetera prosequamur.

Orientales publica confessione profitentur ob promissionem, quam Christum Petro fecisse legimus, in Sede Apostolica religionem semper servatam fuisse, atque in ea esse integram, & veram Christianæ religionis soliditatem: Episcopi Cyprii firmamentum a Deo fixum, & immobile a Christo constitutum, Apostolicam Sedem ajunt, quia Christus Petro dixit: *Tu es Petrus &c.* Apud Sedem Apostolicam consistere fontem, ex quo rivi prodeunt, latissime irrigantes orbem Christianum, Africani asserunt: Stephanus Episcopus Dorensis ad Sedem Apostolicam accurrit ad tollendam perturbationem in Oriente natam,

& Pa.

(1) Vide preced. §.

& Patriarcha Sophronius orthodoxorum dogmatum fundamenta apud Sedem Apostolicam existere profitetur: Agatho, & eo tradente, Synodi VI. Patres Apostolicam Sedem nunquam a veritate deflexisse pronuntiarunt, ejus vero auctoritatem, & doctrinam a Catholica Ecclesia, & Conciliis Œcumenicis susceptam fuisse, atque ideo hanc Ecclesiam illibatam permanisse, quia Christus pro fide Petri rogavit, ne unquam deficeret: ad hanc promissionem etiam Benedictus XII. Ecclesiæ Romanæ firmitatem retulit. Hæc Bossuetius, quem admodum vidimus (1), ad Ecclesiæ Romanæ firmitatem in fide commendandam in medium protulit. Nunc quod contra eum volumus. Profecto non solum error, qui *contumaci proposito* defendatur, sed nullus omnino contra fidem in eam Ecclesiam cadere potest, quæ conservationem suæ religionis acceptam refert a promissione Christi, quæ nunquam falli potest: quæ habet rationem fixi, & immobilis fundamenti ob ipsum Petrum, cui Christus dixit: *Tu es Petrus &c.*: quæ est fons, unde rivi profluunt Christianum orbem latissime irrigantes: quæ orthodoxorum dogmatum fundamenta continet: cujus auctoritatem, & doctrinam Ecclesia Catholica, & Concilia Œcumenica susceperunt, & ideo ea illibata semper permansit, quia Christus pro fide Petri rogavit, ne unquam deficeret. Si ergo ad ea solummodo attendamus (nam multis sane aliis res eadem a nobis comprobari posset) quæ Bossuetus protulit ad extollendam Romanæ Ecclesiæ auctoritatem supra auctoritatem Romani Pontificis, nemo non videt, eum haud recte de Romanæ Ecclesiæ fide sensisse.

§. VI. Qui Romanæ Ecclesiæ, non autem Romano Pontifici infallibilitatem in rebus fidei tribuunt, etiam ipsis consentientibus, non habent, in quo hujusmodi privilegium Ecclesiæ Romanæ reponant.

Quamvis Bossuetius *Defensionis &c.* lib. 10., alias 15., cap. 14. eum tantum errorem ab Ecclesia Romana excludat, quem *contumace proposito* tueatur, idque faciat contra auctoritatem illorum Sanctorum Patrum, qua utitur ad determi-

Tom. III.

LII

nandum

(1) Præced. §.

nandum *illud immotum in fide*, de quo quærit (1); tamen ipse quoque, sicuti jam animadvertimus (2), non solum affirmat, *illud immotum in fide* spectare ad Romanam Ecclesiam, sed etiam hoc discrimen inter Sedem Romanam, & in ea sedentem intercedere tradit, *ut sedes deficere non possit, quum sedens sit deviabile etiam in judicio de fide*. Unde ipse quoque absolutam infallibilitatem Romanæ Ecclesiæ tribuit; quam quidem ut tribueret, illa loca Patrum, quæ ejusdem libri cap. 6., & 7. commemorat, cum cogeant, quemadmodum modo ostendimus. Neque vero aliam ab eo rationem ii omnes inierunt, qui Romanos Pontifices in definitionibus fidei haud infallibiles esse contenderunt. Explicaturi enim quædam testimonia Patrum, in quibus sermo est de oratione Christi pro fide Petri nunquam defectura, illa accipienda esse affirmant de Sede Petri, non vero de Successoribus illius, atque ita ob orationem Christi Ecclesiæ Romanæ, non vero Romani Pontificis sedem infallibilem esse, ex Sacris Litteris, & traditione Patrum constare contendunt (3).

Est illud quoque animadvertendum a nobis, Adversarios nostros in eo inter se consentire, ut Romana Ecclesia sit infallibilis, uti caput, mater, & magistra ceterarum haberi debeat, & nunquam in ea error prævalere possit, quia Petrus in illa semper loquitur, hoc est, quia Summum Pontificem, sui Præsulem, atque Moderatorem ipsa habet. Neque enim aliter arbitrari ullo modo possunt: nam æque Romanæ, ac ceteris Ecclesiis nullas promissiones singulares a Christo factas fuisse legimus. Bossuetius ergo, ut unius tantum, atque alterius hac de re sententiam referamus, in eo sermone, quem in Gallicano conventu an. 1682. habuit, quique, eo cooperante, publici juris factus fuit, hæc de Romana Ecclesia tradit (4):
 „ Nec quispiam dicat, ministerium S. Petri cum eo finem ha-
 „ buisse: quod esse debet sustentaculum Ecclesiæ æternæ,
 „ nullum finem habere potest. Petrus semper in sua Cathedra
 „ dra

(1) Præced. §. (2) Eodem §. (3) Videatur Cl. Orsius *De Roman. Pontif. Auctorit.* lib. 4. cap. 13. art. unico. (4) Apud Orsium cit. loco.

„ dra loquetur, sicuti confirmant sexcentum Episcopi Conci-
 „ lii Chalcedonenfis. S. Paulus quum e cælo descendisset, ve-
 „ nit videre Petrum, ut daret formam seculis futuris, quæ
 „ semper stabilita remaneret. Sit aliquis quantumlibet do-
 „ ctus, aut sanctus, sicut alius Paulus, Petrus tamen videat-
 „ ur oportet. Roma prædestinata ut esset caput Religio-
 „ nis, & Ecclesiæ, ob hanc rationem esse debebat propria
 „ Ecclesia S. Petri. Fuit etiam posita, & constituta Romæ Ca-
 „ thedra æterna. Hæc Ecclesia Romana, quæ docet in perso-
 „ na Petri, & Successorum ejus expers est omnis hæresis.
 „ Est etiam Ecclesia Romana semper virgo, & fides Romana
 „ est semper fides Ecclesiæ. Credit semper, quod semel cre-
 „ didit, eundemque loquendi modum retinet pro omnibus,
 „ & Petrus in suis Successoribus esse persistit fundamentum,
 „ Fidelium. Christus hoc dixit: Cælum, & terra potius transi-
 „ bunt, quam verba ejus“. Gersonius autem *De Potestate Ec-
 „ clesiæ Considerat.* 7. animadvertit, „ Quod Ecclesia Romana est
 „ illa diocesis, provincia, vel sedes, quæ peculiariter habet
 „ regi per auctoritatem Papalem, & eam completur: sic
 „ veritatem habet vulgaris vox: ubi Papa, ibi Roma. Nec in
 „ dubium verti debet, quin isto modo Romana Sedes, & Ec-
 „ clesia sit caput, mater, & magistra ceterarum, quia supre-
 „ mam Petri potestatem includit“. Quia ergo Petrus semper
 „ in sua Cathedra loquitur, & Ecclesia Romana docet in perso-
 „ na Petri, & Successorum ejus, est illa expers omnis erroris,
 „ atque virgo, & fides Romana est semper fides Ecclesiæ: cre-
 „ didit semper, quod semel credidit, atque ita & Petrus in suis
 „ Successoribus esse persistit fundamentum Fidelium, & Eccle-
 „ sia Romana est caput, mater, & magistra ceterarum, quia
 „ supremam Petri potestatem includit. Nunc paucis, quod con-
 „ tra Adversarios nostros ostendere constituimus. Volunt ipsi il-
 „ lud privilegium infallibilitatis, de quo constat ex sacris Litte-
 „ ris, & Traditione Patrum, Romanæ Ecclesiæ tribuendum es-
 „ se: ita enim se eludere posse arbitrantur illud argumentum,
 „ quo ex Divino verbo tum scripto, tum tradito evincitur, Ro-
 „ manum Pontificem in definitionibus fidei infallibilem esse: il-

lud quoque volunt, & non velle non possunt, Romanam Ecclesiam infallibilem esse, eamque uti caput, matrem, & magistram ceterarum habendam, quia Petrus in suis Successoribus in ea loquitur: ergo dum Romanæ Ecclesiæ, non vero Romano Pontifici infallibilitatem in rebus fidei tribuunt, non habent sane, in quo hujusmodi privilegium Ecclesiæ Romanæ reponant.

Quapropter " Si de errore (ut cum Melchiori Cano lo-
 " quar lib. 6. *De Locis Theologicis* cap. 8. in resp. ad 1. argum.)
 " in fidei judicio, atque decreto loquimur, ut vere loquimur,
 " nullum ego discrimen inter Apostolicam Sedem, & Apo-
 " stolicæ Sedi insidentem invenio. Primum, quoniam quum
 " ad Sedem Apostolicam accedimus fidei oracula postulaturi,
 " non singulos Romanæ Ecclesiæ Fideles interrogamus, nec
 " Ecclesiam ipsam Romanam in Concilium cogimus, sed Pon-
 " tificis Maximi judicium quærimus, ejusque sententiam ex-
 " pectamus. Rursus quia non Populus Romanus est, qui Ec-
 " clesiam universalem docet ea, quæ ad fidem attinent, sed
 " Romanus Episcopus. Nec potestas judicandi de causis fidei,
 " ligandi, solvendi, pascendi, in Populo Romano est, sed in
 " Romano Pastore Vicario Jesu Christi Atque illud etiam
 " animadverto, quod, omnibus simul Episcopis docentibus
 " errores falsos, necesse esset sane, totam Ecclesiam vario er-
 " rore versari; ita si Pastor Ecclesiæ Romanæ errorem fidei
 " contrarium decerneret, oves quoque, errante pastore,
 " dispergerentur ".

§. VII. Dum infallibilitas Romanæ Ecclesiæ tribuitur, ejus autem simul, & totius Ecclesiæ Supremo capiti denegatur, præter omnem rationem membra ponuntur esse & præcellentioris dignitatis, & securioris regiminis, quam caput.

Nemo negare potest ad præcellentiorē quamdam spectare dignitatem, ita esse de veritate securum, ut, dum quidpiam decernitur, aut definitur, nullus locus errori subesse possit. Hoc vero est, quod Romano Clero, aut plebi tribuitur, capiti autem illius denegatur, semel ac admittamus, Romanam quidem Ecclesiam infallibilem quoad ea esse, quæ fidei

fidei sunt, Romanum autem Pontificem non esse infallibilem. Membra ergo præcellentioris dignitatis esse ponuntur, quam sit illorum Supremum caput.

Illud etiam consequeretur, si Romana Ecclesia esset infallibilis, non vero Romanus Pontifex, ut Romanæ Ecclesiæ regimen in rebus fidei certius securiusque esset, quam regimen Romani Pontificis. Dubitari namque non potest, eam formam regiminis certiorē securioremque esse, quæ errori obnoxia esse non potest. Talis vero esset forma regiminis Ecclesiæ Romanæ, non vero Romani Pontificis, ex eo quod ipse esset huiusmodi infallibilitate destitutus; ac propterea certior, & securior esset forma regiminis in rebus fidei Romanæ Ecclesiæ, quam Romani Pontificis. Membra autem præ suo capite & præcellentioris esse dignitatis, & securioris regiminis, quisnam tandem repugnare non videat? " Ut Pontifex erreret, " (inquit Thomassinus *Dissert. 20. in Synodum VI. Œcumenicam* num. 18.) at errare sedes negetur, quia plebs, & Romanus Clerus abhorret ab eo errore, præposterum id quidem est: quum ita plebi, & Clero, hoc est, membris, plus indatur sapientiæ, quam capiti. Quum ex adverso si quæ sunt dotes corporis, & membrorum egregiæ a capite illæ derivari censendæ sint: & fidei Romanæ Pauli elogio consecratæ, sanctis Patribus honori, & miraculo habitæ, gloria principalis, & palma ipsi Pontifici, ut magistro, præ Clericis, & Laicis, hoc est, præ discipulis, necessario adseratur.

§. VIII. Inter Sedem, & in ea sedentem, sive inter Cathedram, & Doctorem etiam ab aliquibus Sanctorum Patrum factam fuisse distinctionem, omnino frustra constringitur.

Bossuetius *Defensionis &c.* lib. 10., alias 15., cap. 5. una cum aliis, qui Sedem a sedente distinguendam esse censent, illud S. Leonis ex epistola 81. (1) cap. 5. ad Anatolium Constantinopolitanum Episcopum: *aliud enim sunt Sedes, aliud præfidentes*, in suæ causæ defensionem nobis opponit: at omnino præter mentem S. Doctoris id sane facit. Hanc ergo epistolam S. Leo ea occasione dedit ad Anatolium Constantinopolitanum

Epi-

(1) Juxta edit. Cacciarri.

Episcopum, qua hic locum secundæ sedis in Synodo Constantinopolitana sibi deferendum curavit contra decreta Nicænorum canonum, quibus statutum erat, ut secundus locus Alexandrinæ Ecclesiæ deferretur. Primo itaque S. Leo Anatholio significat, nullo modo se assentiri posse cupiditati illius: „Ab-
 „ sit enim (inquit) conscientia mea, ut tam prava cupiditas
 „ meis studiis adjuvetur; ac potius & meo, & omnium, qui
 „ non alta sapiunt, sed humilibus consentiunt, opere sub-
 „ ruatur“. Quia vero Anatholius, nacta occasione depositionis Dioscori Episcopi Alexandrini in Constantinopolitano Concilio factæ, curaverat, ut sibi ea dignitas deferretur, quæ juxta Nicænos canones Alexandrino Episcopo conveniebat; ideo S. Leo, postquam urgere non destiterat, servanda esse jura Primatus, & non auferenda privilegia, quæ a Patribus Nicænis collata essent, illud quoque reposuit, nihil de dignitate Alexandrinæ Sedis detractum esse, ex eo quod Dioscorus tantæ impietatis reus evaserat, quia aliud sunt Sedes, aliud præsidentes: „Nihil (ait) Alexandrinæ Sedi ejus, quam per Sanctum Marcum Evangelistam Beati Petri discipulum meruit,
 „ pereat dignitatis, nec, Dioscoro impietatis suæ pertinacia
 „ corrue[n]te, splendor tantæ Ecclesiæ tenebris obscuretur
 „ alienis. Antiochena quoque Ecclesia, in qua primum, prædicante B. Petro Apostolo, Christianum nomen exortum
 „ est, in paternæ constitutionis ordine perseveret, & in gradu tertio collocata, nunquam se fiet inferior. Aliud enim
 „ sunt sedes, aliud præsidentes“. Inter merita ergo præsidentis, & dignitatem sedis distinguendum esse S. Leo affirmat, & hac de causa nihil de dignitate Alexandrinæ sedis inde detractum esse affirmat, quia Nestorius in impietatem deciderat. Qua de causa idem S. Leo epistola 94. (1) ad Maximum Episcopum cap. 3., dum eum monet, ne ob exiguitatem suorum meritorum de dignitate suæ sedis aliquid detrahi patiatur, in eandem, ac in epistola ad Anatholium, sententiam ita habet:
 „ Etsi enim diversa nonnunquam sunt merita Præfulum; ta-
 „ men jura permanent sedium: quibus etsi possint æmuli per-
 „ tur-

(1) Juxta eandem edit.

„turbationem aliquam fortassis inferre, non tamen possunt
 „minuere dignitatem“.

Etiā Bernardum nobis Bossuetius opponit *Declaratio-
 nis* &c. lib. 10., alias 15., cap. 15., verum quam præter
 omnem rationem id faciat, ex ipso Bernardo videamus. Ita
 ergo S. Bernardus habet in Præfat. epist. 190. ad Innocen-
 tium II., seu *Tractatus contra quedam capitula errorum Abae-
 lardi*: “Oportet ad vestrum referri Apostolatū pericula quæ-
 „que, & scandala emergentia in regno Dei, ea præsertim,
 „quæ de fide contingunt. Dignum namque arbitror ibi po-
 „tissimum resarciri damna fidei, ubi non possit fides sentire
 „defectum. Hæc quippe hujus prærogativa sedis. Cui enim
 „alteri aliquando dictum est: *Ego rogavi pro te, Petre, ut non*
 „*deficiat fides tua*. Ergo quod sequitur a Petri successore cxi-
 „gitur: *Et tu aliquando conversus confirma fratres tuos*. Id qui-
 „dem modo necessarium tempus est, ut vestrum agnoscatis,
 „Pater amantissime, Principatum, probetis zelum, ministe-
 „rium honoretis. In eo plane Petri impletis vicem, cujus
 „tenetis & sedem, si vestra admonitione corda in fide fluctuan-
 „tia confirmatis, si vestra auctoritate conteritis fidei corru-
 „ptores“. Hæc præfatus Bernardus impia dogmata Abae-
 lardi Innocentio II. deinde recenset: quod dum facit, non se-
 di, sed Pontifici omnia repræsentat. Verum in eis tantum si-
 stamus, quæ in hac præfatione habet, quoniam iisdem Bossue-
 tius nititur. Ad Apostolatū ergo non sedis, sed Innocen-
 tii II., referenda esse pericula, & scandala, quæ in regno
 Dei emergunt, & ea præsertim, quæ fidem respiciunt, S. Ber-
 nardus affirmat. Hujus autem rei rationem inde deducit, quia
 dignum arbitrat, *ibi potissimum resarciri damna fidei, ubi non*
possit fides sentire defectum. Fidem ergo non posse sentire defe-
 ctum in Apostolatu Innocentii II. Bernardus docet; indeque
 ait: *hæc quippe hujus prærogativa sedis*. Explicat ulterius, quid
 intelligat nomine sedis. Quod ergo fides non possit sentire
 defectum, dicit esse proprium ejus sedis, ad quam recurrit,
 quia Christus rogavit, ut fides non sedis, sed Petri, non
 deficeret, atque inde colligit ad Successorem Petri pertinere,

ut

ut conversus fratres suos confirmet. Quapropter Innocentium monet advenisse tempus, in quo & suum principatum agnosceret, & zelum probaret, & ministerium honoraret: in hoc sane vices Petri, cujus Sedem tenebat, impleturum eum esse superaddidit, si admonitione ejus fluctuantia in fide corda firmarentur, atque auctoritate corruptores fidei contererentur. Profecto si hisce omnibus apertissime explicatum a Bernardo non est, quid ipse intelligat nomine sedis, nihil satis distincte explicari posse arbitror. Ex eo quod ergo Bossuetius etiam Bernardum suæ sententiæ patronum fecerit, illud inde colligo, de humana imbecillitate quam maxime metuendum esse, semel ac ducti æstu passionis sententiam aliquam propugnare instituerimus.

CAPUT VI.

DE CONSENSU ECCLESIAE ROMANÆ, QUEM NONNULLI REQUIRUNT AD INFALLIBILITATEM PONTIFICIORUM
DE FIDE JUDICIORUM.

§. I. SEmel ac a Summo Pontifice quidpiam ad fidem spectans definitum habeatur, dubitare non licet, utrum omnem diligentiam ante hujusmodi definitionem ille præmiserit.

Melchioris Cani verbis rem istam totam nos conficiemus. Ita ergo ille lib. 5. *De Locis Theologicis* cap. 5. in resp. ad 1. argum. "Deus suaviter disponit omnia, simulque prospicit & finem, & media ad finem necessaria. Si enim promitteret cuique æternam vitam, mox conferret etiam illi bonarum gratiarum actionum, quibus eam vitam consequeretur. Videlicet quos glorificavit, eosdem & justificavit, & vocavit, ut *ad Romanos* 8. cap. dicitur. Sic omnino, quum Ecclesiæ fidei firmitatem fuerit pollicitus, deesse non potest, quo minus tribuat Ecclesiæ preces, ceteraque præsidia, quibus hæc firmitas conservatur.... Itaque præstat semper Pontifex, quod in se est, præstatque Concilium, quum de fide pronuntiant: caditque causa, si quis e nostris aliter existimat.

mat.

mat. Quemadmodum enim si Christus Petro diceret : Ego
 rogavi pro te , ne deficiat charitas tua ; certo certius in-
 telligeretur , diligentiam , curas , vigilias , preces , cete-
 raque auxilia opportuna illi impetrasse , quæ sunt ad chari-
 tatis conservationem necessaria : ita quum dixit : *Ego ro-*
gavi pro te , ne deficiat fides tua , procul dubio intelligimus,
 id a Patre suo consequutum , ut quæ ad rectum de fidei
 quæstione judicium oporterent , ea adessent Petro omnia ,
 sive a Deo , sive ab homine expectarentur ... Ac si semel
 hæreticis hanc licentiam permittimus , ut in quæstionem
 vocent , num Ecclesiæ judices eam diligentiam , & curam
 exhibuerint , quæ opus erat , ut quæstio via , & ratione fi-
 niretur ; adeo cæcus est , qui non videat , omnia mox Pon-
 tificum , Conciliorumque judicia labefactari ? Porro si illud
 in quæstionem veniat , nec certis argumentis confirmari
 possit : at hæc res tamen Theologis constituta sit , ac defi-
 nita , Concilia , quoquo modo se habeant , si a Summo Pon-
 tifice confirmata sunt , errare in fide non posse . Quamquam
 me quidem iudice , absurdum est , ad finem aliquem nisi per
 consentanea media perveniri . Ita nunquam ego admittam ,
 aut Pontificem , aut Concilium diligentiam aliquam neces-
 sariam quæstionibus fidei decernendis omisisse . Id , quod
 privato cuicumque alteri homini accidere potest , nec dili-
 gentem navet operam ad disquirendam veritatem , & ut na-
 vaverit , integrumque sese in ea re præstiterit , erret adhuc
 tamen , quamvis error sine culpa sit . Error autem , vel in-
 culpatus , ab Ecclesia Dei longissime abest , quemadmodum
 libro superiori constituimus . Quæ res abunde magno argu-
 mento est , ut nec Pontifex , nec Concilia necessarium quid-
 quam in deliberando prætermiserint . Fac enim quidpiam
 ex necessariis omisissum esse : tunc rogo , an Fideles his , qui
 de fidei quæstione judicarunt , tantisper parere debeant ,
 dum illorum negligentia innotescit Ecclesiæ ? Parere de-
 bent , ajunt . Jam igitur eo tempore , errantibus iudicibus ,
 errabit Ecclesia . Sine vitio suo , inquis , Ecclesia tunc er-
 rabit . Agnosco . Sed , ut dictum est , nec hunc quidem

Tom. III.

M m m

,, erro-

„ errorem admittere in Dei Ecclesia debemus . Quid ? Quod
 „ si semel de diligentia judicum dubitamus , novum examen,
 „ judiciumque semper recens postulabitur , ut diligentia ad-
 „ hibita , vel non adhibita censeatur . Concedamus ergo ju-
 „ dicibus a Deo in Ecclesia constitutis nihil eorum deesse pos-
 „ se , quæ ad rectum , verumque judicium sunt necessaria “ .
 Ita solide sane pro suo more , & apposite ad rem nostram vir
 iste Cl. Quare , sicut Orsius *De Romani Pontificis Auctoritate*
 lib. 4. cap. 15. art. 2. sapientissime monet , “ Sive cum Roma-
 „ nis , sive cum Græcis , aut Gallicis , sive cum multis , sive
 „ cum paucis , sive ipse solus Romanus Pontifex Petri Sucef-
 „ sor , universam informaturus Ecclesiam , & in fide adversus
 „ grassantes hæreses confirmaturus , fidei decretum concin-
 „ net , perinde adversus eum portæ inferi minime prævale-
 „ bunt , sed de hæresibus , & erroribus triumphabit “ .

§. II. Ab auctoritate Summi Pontificis nullo modo alienum est , ut antequam ex cathedra quidquam ille definiat , aliorum sententiam exquirat .

Hujus rei veritas perspecta est , semel ac eam differen-
 tiam animadvertamus , quæ inter Sacros Scriptores , & Sum-
 mum Pontificem , atque etiam Patres in Concilio Œcumeni-
 co congregatos intercedit , sicuti enim animadvertit Melchior
 Canus *De Locis Theologicis* lib. 5. cap. 5. in resp. ad 1. inter Sa-
 cros Auctores , & Summum Pontificem , Patresque Concilii
 hoc discriminis intercedit , “ Quod Auctores Sacri ex proxi-
 „ ma Dei vel revelatione , vel inspiratione scribunt Catho-
 „ lica dogmata . Nec enim egent exteris ad scribendum in-
 „ citamentis , aut humana ratiocinatione ex scripturis aliis
 „ argumentantur , disquirunt , colligunt . At Concilium , &
 „ Pontifex humana via incedunt , rationemque sequuntur :
 „ atque argumentando verum a falso discernunt . Non enim
 „ existimandus est Summus Pontifex eam habere facultatem ,
 „ quæ in Apostolis , Prophetis , & Evangelistis inerat , ut pro-
 „ posita unaqualibet de fide quæstione , protinus dignoscere
 „ possit , utra quæstionis pars vera , falsæ sit . Sed adhibere
 „ prius consilium necesse est , & expendere utriusque partis
 „ argu-

„ argumenta: tum deinde sequetur auxilium Dei, quod videlicet opus est, ut Summus Pontifex in recta fide contineatur“. Quam maxime autem conferre ad recte expendenda argumenta utriusque partis consultationem aliorum, nemo sane negaverit. Nullo igitur modo alienum est ab auctoritate Summi Pontificis, ut antequam ex Cathedra quidquam ille definiat, aliorum sententiam exquirat.

§. III. Non solum non contrarium, sed etiam quam maxime consentaneum est auctoritati Summi Pontificis, ut antequam quidquam ex Cathedra definiat, aliorum de eo sententiam exquirat.

Illam verba Christi: *Ego rogavi pro te, ut non deficiat fides tua: & tu aliquando conversus confirma fratres tuos*, certum quidem Romanum Pontificem faciunt, nunquam futurum, ut in fide deficiat, dum suos in ea fratres confirmat; non tamen omni humana diligentia cum liberant, qua illi perceptum fieri possit, quid Divino verbo scripto, aut tradito magis conforme sit. Inde autem consequitur, quod nos volumus, hoc est, quam maxime consentaneum esse auctoritati Summi Pontificis, consulere alios, antequam quidpiam ex Cathedra definiat. Ita enim in eo sibi prospicit, quod ex Divina revelatione non habet.

§. IV. Quæ ad investigandam veritatem media in Summo Pontifice requiruntur, ab eo neglecta fuisse, absolute dici non potest, etiamsi aliorum non exquisita sententia, quidpiam ex Cathedra definiisse præsupponatur.

Quandoquidem de re aliqua consultatio non alia de causa cum quibusdam instituitur, nisi ut eorum opera perspectum fiat, quod non videbatur. At nonne fieri potest, ut Summus Pontifex & tanto ingenii acumine polleat, & ita in theologicis canonicisque disciplinis versatus sit, & tantam Divini verbi, tum scripti, tum traditi, cognitionem habeat, ut ipse per se solus quæstionis etiam profundioris difficultates solvere possit, dubia detegere, quæque in Divino verbo, tam scripto, quam tradito continentur, aut ex eo necessaria connectione deducuntur, evidentissime videre? Tunc sane Pontifex

M m m 2

quam-

quamvis ad detegendam veritatem eorum, quæ a se definienda sunt, aliorum opera non utatur; ipse tamen per se id sibi præstat, quod ab aliis ei præstari posset. Immo hunc Pontificem, si ad humana media attendamus, (omnibus enim Christus æque promisit, nunquam futurum, ut laberentur, dum suos fratres in fide confirmarent) magis paratum ad veritatem dignoscendam præ alio Pontifice esse contendo, qui, antequam quidquam definiat, consulat alios, ipse tamen neque in theologicis disciplinis sit valde instructus, neque in Sacris Litteris fatis eruditus, neque in lectione Sanctorum Patrum, atque Conciliorum plurimum versatus. “ Ego porro
 „ non video, (inquit Cl. Orsius *De Romani Pontificis Auctori-*
 „ *tate* lib. 4. cap. 15. art. 2.) cur Pontifex optimo ingenio præ-
 „ ditus, jam inde a puero Ecclesiæ Romanæ innutritus, theo-
 „ logicis studiis egregie subactus, sacris Litteris eruditus,
 „ in veterum Patrum, Conciliorum, & Ecclesiasticæ histo-
 „ riæ lectione versatus, qui principis Ecclesiæ mores, & ri-
 „ tus, & caeremonias apprime calleat: ego, inquam, certe
 „ non video, cur talis Pontifex aut suo tantum privato stu-
 „ dio, aut privatis aliquot consiliariis adsitis, non melius
 „ comparatus sit ad percipiendam Ecclesiæ suæ, vel Ecclesiæ
 „ Catholicæ, de aliquo non admodum obscuro, aut difficili
 „ dogmate traditionem; ac proinde non melius etiam com-
 „ paratus videri possit ad illud rite sanciendum, quam Pon-
 „ tifex, qui nulla, vel admodum levi rerum Theologicarum
 „ notitia perfusus, & afflatus aura, ad aliquod ex difficilio-
 „ ribus, & obscurioribus dogmatibus definiendum, aliquot
 „ adhibitis e Purpuratorum Patrum senatu, aggrediatur “. Quamvis igitur præsupponatur, in definitione alicujus dogmatis consilium aliorum non exquisivisse, non tamen inde putandum est, Summum Pontificem debita diligentia usum non fuisse.

S. V. Privilegium infallibilitatis, dum a Summo Pontifice aliquid ex Cathedra definitur, non iis, qui antea consulti fuerint, sed ipsi Romano Pontifici tribui debet.

Quamvis, ea non adhibita diligentia, quæ ad rem tantam requirebatur, nihil unquam a Summis Pontificibus

ex Cathedra definitum fuerit; tamen non semper ab iis unam, atque eandem in consulendis aliis rationem servatam fuisse, ex Ecclesiastica historia novimus, illudque etiam compertum habemus, olim in more positum fuisse, ut Romanorum Pontificum litteris fides præscriberetur (1). Hæc ergo, sive illa ratio in ea consultatione servetur, quæ præmitti solet, antequam a Summo Pontifice aliquid ex Cathedra definiatur, unius, aut alterius cœtus sententia antea exquiratur; semper tamen infallibilitatem Summo Pontifici tribuendam esse, non vero his, aut aliis, qui ab ipso in consilium adhibentur, antequam quidquam ex Cathedra pronuntiet, hoc sane est, quod nunc ostendere aggredimur. Id autem unicuique evidenter constare posse arbitramur ex iis, de quibus hujus libri cap. 2. 3. & 4. fuisse egimus. Quandoquidem ex eo quod Ecclesia supra Petrum ædificata fuerit, quemadmodum ex Divino verbo tum scripto, tum tradito novimus (2), habita ratione ejus necessariæ connexionis, quæ inter fundamentum, & ædificium intercedere debet, cap. 2. evicimus, eadem ratione, qua Christus Ecclesiæ promisit, nunquam futurum, ut portæ inferi adversus eam prævalerent, promississe etiam, nunquam futurum, ut prævalerent adversus Petrum; immo Vero promissionem Christi primo ad Petrum, ejusque Successores, quum verba Christi æque ad Petrum, ac ad illos spectent (3), deinde ad Ecclesiam referendam esse. Cap. 3. confecimus, Christum singulariter rogasse pro fide Petri, ne unquam deficeret, illique mandasse, ut confirmaret suos fratres, quatenus eorum, simul & Ecclesiæ totius Supremum Caput constitutus erat, indeque Petrum privilegium infallibilitatis consequutum fuisse, sicut etiam Summi Pontifices consequuntur, dum in edocendis universam Ecclesiam Catholicis dogmatibus Pontificis partes agunt, quia quæ *Luce* cap. 22. de oratione facta a Christo leguntur, & de mandato, quod Petro dedit, confirmandi fratres, eodem modo ad Petrum, ac ad

(1) Vide Thomassinum in Dissert. 12. Appendice ad Synodum Chalcedonensem. (2) Vide lib. 18. cap. 1. §. 1. & seqq. (3) Vide lib. 19. cap. 2. §. 6.

ad Succēssōres ejus pertinent (1). Denique cap. 4. ostendimus, infallibilitatem necessārio conjungi cum ea suprema praeſectura, quam Christus Petro super universam Ecclesiam dedit illis verbis: *Pasce oves meas: Pasce agnos meos*; Petro, inquam, & ejus Succēssoribus, quum aequē etiam ad illos Christi verba pertineant (2). Ex his autem omnibus, ne alia nunc superaddamus, sicuti facile possemus, nemo non videat oportet, atque fateatur, privilegium infallibilitatis, dum a Summo Pontifice aliquid ex Cathedra definitur, non iis, qui antea consulti fuerint, sed ipsi Romano Pontifici tribui debere.

§. VI. Ex eo quod veritas, & certitudo eorum, quae ex Cathedra definiuntur, a Summi Pontificis auctoritate, & infallibilitate pendeant, non necessārio requiritur, ut Summus Pontifex de eo, quod est ex Cathedra definiturus, hos, vel illos potius, quam alios, hunc, vel illum cœtum prae alio antea consular.

Dum hæc, aut illa potius media, quam alia, non habeant, ut singulariter in aliquem determinatum effectum influant, ita ut effectus ab his potius, aut illis, quam aliis determinatis mediis omnino non pendeat; hæc, vel illa determinata media non sunt singulariter necessaria prae aliis mediis ad præintendum effectum consequendum: quum ergo infallibilitas eorum, quae a Summo Pontifice ex Cathedra definiuntur, ab eodem Summo Pontifice omnino pendeat (3); inde consequitur, ut ad hanc infallibilitatem nullo modo requiratur, ut Summus Pontifex aliquid ex Cathedra definiturus hos, vel illos potius, quam alios, hunc, vel alterum cœtum prae alio, consulere debeat. Nam tam illis, quam aliis hominibus, tam huic singulari cœtui hominum, quam alteri, nulla est promissa infallibilitas, solumque fieri potest, ut ad detegendam veritatem, de qua inquiritur, nonnulli quandoque prae aliis majorem capacitatem habeant, hic potius hominum cœtus, quam alter, sit magis aptus, & quidem non semper, sed habita ratione eorum, de quibus quaestio instituitur. Quamvis ergo auctoritati Summi Pontificis non solum non opponatur, sed

(1) Cit. loco §. 7. (2) Cit. loco §. 8. (3) Præced. §.

sed etiam valde conforme sit, ut antequam quidquam ex Cathedra definiat, aliorum sententiam exquirat (1); tamen est illi contrarium, eam in hujusmodi consultatione ita alligatam velle, ut istam ab his, & non aliis, ab hoc cœtu, & non alio, petere debeat. Ita enim sit, ut infallibilitas non sit amplius absoluta, sed alligata singulari determinatæque consultationi. Absolutam eam vero esse, & determinatæ consultationi non alligatam, & ex Sacris Litteris novimus (2), & etiam ex ipsa ratione perspectum habemus, qua concedet, ut Summus Pontifex, antequam quidquam ex Cathedra definiat, consultationem cum aliis ineat.

§. VII. Semel ac ponatur, certitudinem eorum, quæ a Summo Pontifice ex Cathedra definiuntur, ab ejusdem Summi Pontificis infallibilitate pendere, repugnat, ut prævia consultatio, quam Summus Pontifex cum aliis habuerit, necessario esse debeat consensionis, adhesionis, & approbationis.

Quando doctrinæ veritas, seu certitudo ex magistri doctis auctoritate, atque infallibilitate pendet, præcedens consultatio, quam doctor cum aliis quibusdam habuerit, medium quidem est, quod ad faciliorem cognitionem veritatis secundum humanam, & eam quidem prudentem, rationem adhibetur; non tamen in ipsam certitudinem veritatis per se influit, multoque minus efficit, ut certissimam veritatem id habeat, quod a supremo doctore decernitur, atque definitur. Si ergo quæ a Summo Pontifice ex Cathedra definiuntur, ab ipsius infallibilitate suam omnem certitudinem habeant, repugnat sane, ut prævia consultatio, quam Summus Pontifex cum aliis habuerit, necessario esse debeat consensionis, adhesionis, approbationis, atque consensus. Tunc enim hujusmodi consultatio in certitudinem veritatis ex Cathedra definitæ æque influeret, ac infallibilitas ipsius doctoris ex Cathedra definientis. Deinde semel ac Cathedra sit unius, non vero multorum, ita ut unus tantum munere doctoris fungi debeat alii autem omnes in numerum auditorum veniant, repugnat sane, ut doctor nihil ex Cathedra definire possit, si

(1) Hujus cap. §. 2. & seq. (2) Præced. §.

in illud auditores antea consulti non consenserint. Tunc enim Cathedræ magisterium iis quoque communicaretur, qui inter auditores computari debent, quia sua consensione facerent, ut aliquid ex Cathedra revera prolatum dici posset. Tandem omnem suam vim, atque auctoritatem non ab auditoribus, sed a doctore, & ab ipsius Cathedræ moderatore ea omnia habent, quæ ex Cathedra prolata esse dicuntur; atque qui Cathedram regit, ille unus est, qui docendi auditores omnem potestatem habet, alioquin magna confusio inter doctorem, & auditores oriretur: at vero si præsupponatur auditores in illa assentiri debere, quæ a doctore ex Cathedra pronuntiantur, ut ea revera ex Cathedra pronuntiata esse, dici possit; tunc sane quæ ex Cathedra pronuntiantur, suam vim, & auctoritatem non minus a doctore, quam ab auditoribus inuenerentur. Ex his autem semper magis magisque constat, quod nos modo volumus. Nam ii, quos Summus Pontifex, antequam quidquam ex Cathedra definiat, inter auditores, ipsius Summi Pontificis habita ratione, computari sane debent; alioquin contra promissionem Christi neque supra unum Petrum uti primum, atque præcipuum omnium Caput, Ecclesia ædificata foret, neque ipsi solummodo a Christo dictum fuisset, ut, nemine excepto, fratres in fide confirmaret, & omnes, item sine ulla exceptione, tum oves, tum agnos pasceret, & privilegium infallibilitatis non tantum proprium Romanorum Pontificum, sed etiam commune iis esse deberet, quorum consilium exquireretur, ne si ipsi in falsitatem aliquam assentirentur, tota Ecclesia erraret.

§. VIII. Præhabita consultatio cum Ecclesia Romana, vel cum EE. Cardinalibus absolute necessaria non est, ut aliquid, sicuti infallibile, a Summo Pontifice ex Cathedra definitum, dici possit.

Contrariam sententiam Serryus tuetur tum in priori Dissertatione *De Romano Pontifice*, tum in altera Dissertatione *Apologetica*, quam in defensionem prioris elucubravit. In priori suam sententiam explicans de Pontificia infallibilitate cap. 1. num. 4. ita habet: ¶ Pontifices e sacro tribunali solemniter

» pro-

pronuntiantes, hoc est, præhabita Ecclesiæ intra urbis ambitum constitutæ consultatione (seu ut præsens habet usus, adhibitis ad consultationem EE. Cardinalibus, qui Romanum hodie Clerum constituunt) in causa fidei judicantes errare omnino non posse, ceterosque in errorem inducere, ineluctabiliter demonstramus. In principio autem *Apologetica* Dissertationis art. 1. num. 1. fatetur, se in priori Dissertatione docuisse: "Pontificem tunc tantum indeficientiæ privilegio potiri ... dum is, præmissa Ecclesiæ Romanæ, pe-
 ritorum, sapientum, & maxime Cardinalium, Matricis hujus Ecclesiæ Clerum constituentium consultatione, habitoque consensu, in materia morum, & fidei, ex sacro tribu-
 nali pronunciat". Fallitur ille tamen. Quandoquidem licet non solum contrarium non sit, sed etiam valde conforme auctoritati Summi Pontificis, dum aliquid ex Cathedra definit, ut sententiam aliorum antea exquirat (1); tamen & quæ ad investigandam veritatem media in Summo Pontifice requiruntur, ab eo neglecta fuisse, absolute dici non potest, etiam si aliorum non exquisita sententia, quidpiam e cathedra eum definitiisse præsupponatur (2), & privilegium infallibilitatis, dum a Summo Pontifice aliquid ex Cathedra definitur, non iis, qui antea consulti fuerint, sed ipsi Romano Pontifici tribui debet (3). Ex hoc autem illud sane consequitur, non necessario requiri, ut Summus Pontifex de eo, quod ex Cathedra definiturus est, hos, vel illos potius, quam alios, hunc, vel illum cœrum præ alio consulat (4). Igitur neque etiam præhabita consultatio cum Ecclesia Romana, aut cum EE. Cardinalibus, absolute necessaria est, ut aliquid sicuti infallibile a Summo Pontifice ex Cathedra definitum dici possit. Et re quidem vera, sicut animadvertit Cl. Orsius *De Romani Pontificis Auctoritate* lib. 4. cap. 15. art. 2. "Non alia ratione, aut alia de
 causa requiritur ea Purpuratorum Patrum, aut Romani Cleri consultatio, quam ut eorum studio Pontifex, pro humanæ industriæ modulo, adsequatur avitam, ductamque ab
 Apostolis Ecclesiæ suæ in urbis ambitu constitutæ, aut,
 Tom. III. N n n „ quod

(1) Hujus cap. §. 2. & seq. (2) Seq. §. (3) Seq. §. (4) Seq. §.

„ quod perinde est, Ecclesiæ Catholicæ traditionem . Quis
 „ porro negare audeat, aut Vigilium Constantinopoli deten-
 „ tum, aut S. Martinum I. in Chersonesum exsilio deporta-
 „ tum, aut Innocentium II. in Galliis degentem, etsi nulli
 „ eis Romani Clerici adfuissent, adhibitis tamen ad consul-
 „ tationem, aut in urbe regia ex toto fere Oriente degenti-
 „ bus Episcopis, aut iis, si quos aliquo numero Martinus
 „ exsilio comites habuisset, aut totius Galliæ Antistibus, aut
 „ Theologis, eos adsequi potuisse de aliqua Nestoriana pro-
 „ positione in libris Theodori Mopsuesteni, aut de nefario
 „ Monothelitarum dogmate, aut de erroribus Petri Abaelar-
 „ di, Ecclesiæ Catholicæ, adeoque & Sedis Apostolicæ sen-
 „ sum; ut non proinde temere ii Pontifices egisse judicaren-
 „ tur, si in Theodori libros, aut in Constantis typum, aut
 „ in errores Abaelardi solemnita anathemata pronuntiassent?
 „ Si enim Episcopi Africani in Sardinia exsules, & a suis Ec-
 „ clesiis, suisque Presbyteriis, Clericisque sejuncti; attamen
 „ suarum Ecclesiarum, immo & totius Ecclesiæ Catholicæ de
 „ Christi Gratia, & Incarnatione doctrinam satis perspectam
 „ habere potuerunt, ut non temere, & inconsulte ad eam
 „ exponendam aggredierentur: cur de Romano Pontifice lon-
 „ ge ab Ecclesia sua, & Sede Apostolica abducto, & in exsi-
 „ lium cum aliis Episcopis deportato, quin idem cum iis illu-
 „ stribus Confessoribus præstare valeat, temere inficias ibi-
 „ mus? Quandoquidem hac in hypothese Summos Pontifi-
 „ ces ea Apostolica auctoritate, quam super universam Ecclesiam
 „ habent, uti potuisse, quispiam negat, aut concedit: si negat;
 „ inde sane consequitur, ut etiam velle debeat, hujusmodi Pon-
 „ tifices Supremum Ecclesiæ Caput tunc esse desiisse: quod sane
 „ nemo dedit: si autem concedunt; habemus, quod volumus,
 „ atque unusquisque fateri debet, Romanos Pontifices suam
 „ Pontificiam, atque Apostolicam auctoritatem exercere posse,
 „ nulla etiam præhabita cum Romanis Clericis, seu cum Pur-
 „ puratis Patribus, consultatione.

„ Id autem ita a me statutum intelligi volo, non quasi pu-
 „ tem, ut cum Cl. Orsio loco citato loquar, “ Quod Purpurati

„ Pa-

Patres habendi non sint tamquam Romani Pontificis Consiliarii, quos in rebus magni momenti, & gravioribus, ac difficilioribus causis, cujusmodi imprimis sunt causæ fidei, consulere ipse debeat. Nam fidei regulam Romanus Pontifex antequam edat, nihil omittere debet eorum, quæ humana industria præscribit, ut perspectam, & exploratam habeat vigentem in Ecclesia Catholica velut Apostolorum de controverso dogmate traditionem. Nemo autem negat, quod S. Irenæus, aliique Patres docent, nullam ad id adsequendum expeditiorem esse viam, quam ut Ecclesiæ Romanæ traditio præ oculis habeatur, quoniam cum illa propter potiorē ejus principalitatem necesse est, omnem Ecclesiam in fidei rebus, ac dogmatibus convenire. Hujus porro traditionis qui magis idonei testes reperiri possunt, quam Eminentissimi Patres, ut ex eis, aliisque Urbicariis, ut ita dixerim, ut Suburbicariis Episcopis constata quædam veluti familiaris, jugiterque adhærens Romano Pontifici, Synodus, aut conventus? Hos ergo imprimis consulere, Pontifex debet, ut Ecclesiæ suæ traditionem perspectam, & exploratam habeat... At quod nullo casu accidere possit, ut Romanus Pontifex quidquam solemniter definiat, non prius adhibitis ad consultationem Eminentissimis Patribus, id vero est, quod non absolute affirmandum existimamus.

§. IX. Serryus falsa ratione ductus putavit, necessario præhabendam esse a Summo Pontifice consultationem cum Ecclesia sua Romana, seu cum Eminentissimis Cardinalibus, ut quod definit, ex Cathedra definitum esse, dici possit.

Recte quidem ipse noverat, traditum a Patribus; Romanam Ecclesiam omnium Ecclesiarum matrem, & magistram esse: centrum unitatis Ecclesiasticæ, ad quam omnes Ecclesias necesse sit convenire: ad quam perfidia habere accessum non possit: quam non vincunt superba inferorum porta: in qua semper Apostolorum est servata traditio: unde Sacerdotalis unitas omnis exorta est (1). Quia Ecclesiæ Romanæ hæc omnia Patres tribuerunt;

N n n 2

Sum-

(1) Hæc ille ex Patribus, quorum loca laudat in priori Dissert. De Rom. Pontifice cap. 1. num. 4.

Summum Pontificem errori subiectum non esse colligit, dum sequitur consilium illius, sed iudicium, quod de fide tulerit, infallibile esse; ac propterea, sicuti ipse inquit, “ Ex Eccle-
 „ siæ Romanæ infallibilitate, quam retro tota novit antiqui-
 „ tas, Romani Pontificis infallibilitas necessaria consequutio-
 „ ne demonstratur “.

Verum enim vero illorum & ipse quoque falsa opinione ducitur, qui sedem a sedente distinguendam esse arbitrantur, & sedi, non vero sedenti, infallibilitatem tribui oportere contendunt. Hos autem jam refutavimus, ostendimusque, Patres, dum vel de doctrina fidei, vel de iis, quæ ad illam spectant, sermonem habuerunt, nomine Sedis, Cathedræ, & Ecclesiæ Romanæ Romanos Pontifices intellexisse, atque illud quoque confecimus, etiam ex illis Patribus, quos Bossuetius in medium adducit ad adstruendam traditionem, *de fide, & Ecclesiæ Romanæ, deque Sede Apostolica nunquam defectura*, manifeste constare, vel nomine Sedis, Cathedræ, & Ecclesiæ Romanæ Summos Pontifices esse intelligendos, vel ad Summos Pontifices primo referenda esse, quæ ab iisdem Patribus de Sede, Cathedra, & Ecclesiæ Romanæ affirmantur (1). Quasi ergo supra Ecclesiam Romanam Christus Ecclesiam universam ædificandam esse statuisset, pro ea orasset, ut nunquam deficeret fides illius, atque eidem præcepisset, tam ut fratres in fide confirmaret, quam ut omnes oves, & agnos pasceret, Patresque in hæc omnia consentirent, immo nihil aliud adstruendum sibi proponerent, dum Romanam Ecclesiam, & quidem jure merito, omnium Ecclesiarum matrem, & magistram faciunt; ex Romana Ecclesiæ in Romanum Pontificem, non autem ex Romano Pontifice in Romanam Ecclesiam derivari infallibilitatem, Serryus falso contendit, atque ita inaudita prorsus ratione facit, ut in Ecclesiæ Romanæ, contra ac in aliis Ecclesiis ex Christi præcepto servatur, oves Pastorem in fide, ne in ea deficere possit, regant, non autem a pastore regantur. Unde deinde non minus falso colligit, tunc tantum infallibilia esse iudicia Romani Pontificis ex Cathedra
 præ-

(1) Libri hujus cap. 5. §. 3. & seqq.

prolatā , quando antea a Summo Pontifice consultatio cum Ecclesia sua Romana , vel cum Eminentissimis Cardinalibus , præhabita fuerit . In quo tamen sibi ipsi non constat . Nam in *Dissert. Apologetica* art. 7. §. 4. ut solvat , quod sibi objectum fuerat quoad absentiam , fugam , & defectionem omnium Cardinalium , quæ fieri potest , ut contingat , cum Sylvestro Prierate respondet , ex arbitrio Summi Pontificis pendere , ut in consilium adhibeat Petrum , vel Joannem , galeros , vel mitratos : “ Quod autem (inquit) Cardinalium omnium absentiam , fugam , defectionem possibilem , dicunt osiores nostri , quos idcirco consulere nequeat Pontifex ; aliter etiam est a Sylvestro Prierate occupatum laudato jam loco (1), dum ait : “ *Quoscumque Papa bona fide accersit pro consilio* (tamen hic adnotante Serryo , *urgente necessitate*) *sunt pro tunc Cardinales re , & actu , etsi non nomine , vel habitu . Nam quod Papa habeat in arduis assidentes , est de jure Divino : quod autem sint Petrus , vel Joannes , galerati , vel mitrati , est ex Pontificis arbitrio* “. Nam si est in arbitrio Pontificis *quoscumque accersere pro consilio* , consultationemque habere tam cum Petro , quam cum Joanne , tam cum galeratis , quam cum mitratis , undecumque sane isti accipi possunt , quamvis Cleri Romani membra non sint .

In *Dissert. Apologetica* art. 4. plura Scriptorum Ecclesiasticorum loca in medium adducit , ut evincat , *omnino necessariam* esse consultationem , maxime vero *Cardinalium assensum , minus omnium , at saltem plurimorum necessarium* , antequam a Summo Pontifice quidpiam ex cathedra definiatur : verum quum ipse quoque hoc loci fateatur , esse sane multos , “ Qui eam peritorum , atque sapientum , seu Cardinalium consultationem *honestam* , & *congruentem* dumtaxat existimant , ut prudenter judicet Pontifex ; non tamen *necessariam* , ut definiat infallibiliter : petendumque consilium , non tamen obtinendum necessario eorundem assensum opinantur “ ; horum nos sententiam , si ad auctoritatem Scriptorum Ecclesiasti-

(1) Lib. 1. *De Juridica , & Inrefragabili Veritate Romana Ecclesia , Romanique Pontificis* cap. 15.

fialticorum attendatur, sequi dicimus. Illud tantum nunc superaddimus, plerisque locis Scriptorum Ecclesiasticorum, quæ ipse pro se in medium adducit, nihil aliud evinci, quam virorum sapientum, & quam maxime Eminentissimorum Cardinalium consultatione expendi, par esse, quæ ex cathedra a Summo Pontifice definiuntur. Id autem nos ostendere nunc omitimus, quia paucis præstari non potest; aliundeque sufficit nobis, non solum multos Ecclesiasticos Scriptores sentire nobiscum, sed etiam quod nos cum iisdem sentimus, sacris Litteris, & Traditioni Patrum omnino conforme esse.

§.X. Præhabita consultatio cum Ecclesia Romana, vel cum Eminentissimis Cardinalibus, necessario esse non debet consensionis, adhesionis, atque approbationis, ut aliquid a Summo Pontifice ex cathedra definitum, ac propterea infallibile dici possit.

Serryus in Dissertatione *Apologetica* art. 4. contrariam sententiam, quam in priori Dissertatione *De Romano Pontifice* tenuerat, rursus tuetur, atque contendit, præviam consultationem Sapientum, & maxime Cardinalium, qui Romanum hodie Clerum constituunt, esse debere consensionis, adhesionis, approbationis, atque consensus. Verum in errore ille versatur, indeque versatur, quia, uti jam vidimus (1), illorum & ipse quoque falsa opinione ducitur, qui sedem a sedente distinguendam esse arbitrantur, & sedi, non vero sedenti, infallibilitatem tribui oportere contendunt. Verum sicuti Cl. Orsius *De Romano Pontifice* lib. 4. cap. 15. art. 2. recte animadvertit, est sane dicendum, "Indeficientis fidei prærogativam non ab Ecclesia Romana in Pontificem, sed a Pontifice in Ecclesiam Romanam velut a capite derivari. Inhæret enim Ecclesiæ Romanæ isthæc prærogativa, quatenus ipsa Pontifici proxime, & indivulse conjuncta est". Et re quidem vera semel ac constituitur, sicuti oportet (2), privilegium infallibilitatis, dum a Summo Pontifice aliquid ex Cathedra definitur, non iis, qui antea consulti fuerint, sed ipsi Romano Pontifici tribui debere, inde repugnare consequitur, ut prævia consultatio, quam

(1) Præced. §. (2) Hujus cap. §. 5.

quam Summus Pontifex cum aliis habuerit, necessario esse debeat consensionis, adhæſionis, & approbationis (1): igitur ut aliquid a Summo Pontifice ex Cathedra definitum, ac propterea infallibile, dici possit, præhabita consultatio cum Ecclesia Romana, vel cum EE. Cardinalibus, haud necessario esse debet consensionis, adhæſionis, atque approbationis.

Quid? Nonne si ponatur, hanc consultationem, de qua loquimur, esse necessario debere consensionis, adhæſionis, atque approbationis, ut quod a Summo Pontifice ex Cathedra definitur, infallibile sit; tunc infallibilitas non minus ad Summum Pontificem, quam ad eos, quos ille in consilium adhibuerit, referri debet? Nam propter hujusmodi consensum, evadit infallibile, quod sine illo non fuisset: insluit ergo iste consensus in infallibilitatem: infallibilitas itaque tam ab iis, qui in consilium adhibiti fuerint, quam a Summo Pontifice derivabitur, atque in eo tantum Summus Pontifex excelleret supra illos, quod ipse indiceret omnibus, quid credi, vel servari oporteret, non tamen propria auctoritate illud definiret, atque constitueret. Qua sane re nihil absurdius dici potest. Tunc enim cum hæreticis Ecclesiæ regimen, saltem quoad hanc partem, Aristocraticum esse, affirmari deberet. Nam, dubitari non potest, quin Summus Pontifex suprema auctoritate utatur, dum ex Cathedra definit, quid credendum, servandumque sit: illud quoque certum est, Aristocratiam in co positam esse, ut imperii summa majestas sit penes aliquos, qui genere, vel dignitate, vel virtute, præcellunt supra ceteros, & quod est servandum ab omnibus cum eorum consultatione, atque approbatione constitui debet (2): semel ac igitur demus, quemadmodum Serryus contendit, Summum Pontificem, ut quod ab eo ex Cathedra definitur, infallibile sit, & Ecclesiam Romanam, seu EE. Patres consulere debere, & hujusmodi consultationem esse oportere consensionis, & approbationis, nihil aliud, saltem quoad hanc partem, ad regimen Aristocraticum expecti posse videtur.

Neque est, cur Serryus in Dissertatione *Apologetica* art. 7.

§. 2.

(1) Hujus cap. §. 8. (2) Lib. 10. cap. 2. §. 1.

§.2. num.2. reponat, ex sua sententia non consequi, " Clerum Romanum, consensu suo judiciis Pontificiis dato, infallibilitatis complementum Pontificibus dare "; sed solummodo hujusmodi consensum esse medium, & conditionem, quibus dumtaxat positus, Deus indeficientiæ privilegium subinde largitur, " Eo plane modo, quo Ecclesiæ Sacramenta, virtutem, & efficaciam ad gratiam suscipientibus conferendam a Ministrorum intentione, uti causa effectrice minime suscipiunt, sed a solo Christo Sacramentorum auctore, media tamen illa ministrorum intentione, ab ipso Christo uti conditione præfinita ". Non est, inquam, cur hæc reponat. Nam Sacramenta Christus a ministris conficienda præscripsit, atque ita quidem, ut dum ea conficerent, humano modo agerent, atque etiam exterius sese exhiberent, uti Sacramentorum ministri. At universam Ecclesiam in fide regendam non Romano Clero, sed uni Petro, & Successoribus illius tradidit. Ministri deinde Sacramentorum nullam ex sui natura virtutem habere possunt ad gratiam conferendam: ex sui autem natura in semel latam definitionem illi influunt, quorum consultatione simul, & consensione effectum est, ut hujusmodi definitio id roboris haberet, quod esse in ea debet. Tandem ministerium hominum ipsam virtutem Sacramentorum non attingit; decreta autem, & definitiones vim suam ab iis habent, qui ad ea sua consultatione, & consensione necessario concurrere debent.

CAPUT VII.

DE CONSENSU TOTIUS ECCLESIE, QUEM NONNULLI AD INFALLIBILITATEM PONTIFICIORUM, DE FIDE JUDICIORUM REQUIRUNT.

§.I. **E**xplicatur, qua ratione nonnulli contendant, etiam in quæstionibus fidei judicium Summi Pontificis *firmum, & indeclinabile robur* non habere, nisi consensus Ecclesiæ accesserit.

Nullum ergo etiam in quæstionibus fidei Summi Pontificis judicium *irreformabile* esse, nisi Ecclesiæ consensus accesserit,

ferit, ii omnes tuentur, qui recipiunt, & defendunt, quod in cap. 4. Gallicanæ declarationis an. 1682. statutum fuit. Isti ergo quamvis censeant, in fidei quæstionibus præcipuas partes esse Summi Pontificis ob Primatum, quem super universam Ecclesiam habet; tamen illius decreta fidei in se spectata *irreformabilia* non esse, neque habere *firmum*, & *indeclinabile robur*, sed & *irreformabilia* evadere, & *firmum*, ac *indeclinabile robur* tunc acquirere tuentur, quando Ecclesiæ consensus ad ea accesserit. Qua vero ratione de hoc consensu Ecclesiæ constare debeat, non omnes inter se conveniunt. Ut alios hic non commemorem, de isto consensu ex duobus Scriptoribus celebrioribus, Petro de Marca, & Bossuetio nunc videamus. Petrus de Marca *De Concor. lia Sacerdotii, & Imperii* lib. 5. cap. 8. num. 3. loquens de Leone Summo Pontifice ita suam sententiam aperit: " Noverat prudentissimus ille Pontifex definiendi auctoritate, qua vigeat, Episcopos, populumque Christianum, non adstringi tamquam indubitata fidei regula, nisi accederet per Provincialium Episcoporum subscriptiones universalis Ecclesiæ consensus, vel recusantibus plerisque unius confessionis concordiam, Synodi Œcumenicæ publica confessio Pontificis definitionem amplecteretur ". Juxta sententiam igitur illius, vel subscriptio Episcoporum, vel Œcumenica Synodus, si plerique Episcopi subscribere renuant, efficit, ut *indubitata fidei regula* sit, quod Summus Pontifex ad fidem spectans definierit. Bossuetius *Defensionis &c.* lib. 9., alias 14. cap. 1. hæc quoad rem istam habet: " Quum ergo Petri Successor ita ex communi Traditione pronuntiat, ut in ejus sententia *recognoscant omnes fidei sui sensum*, ut in Leonis epistola quondam Gallicani Patres; tum sit illa consensus, quæ judiciis Pontificiis firmum, & indeclinabile robur conciliet ". Antea vero in rem suam animadvertit, plures hæreses tam sine Conciliorum Œcumenicorum, quam sine Summi Pontificis decreto damnatas fuisse, & a singularibus Ecclesiis rejectas; neque tamen inde inferri posse, singulares Ecclesias *ineluctabili auctoritate* gaudere, sed esse inferendum, " Vim illam ultimam, & ineluctabilem unitate, & con-

Tom. III.

O o o

,, sensio-

„fensione constare, id quoque valere, quomodocumque se
 „illa consensio declaraverit, sive Concilia congregentur, si-
 „ve non congregentur“.

Nicolaum autem Dubois, aliosque urgentes, hujus
 consensionis publica instrumenta querenda fore, nuncios ad
 eam explorandam ubique mittendos, aut litteras saltem dan-
 das ad omnes gentes, ita contemnit: *ne*, inquit, *vani sunt*.
 Quapropter sicut in aliis regnis de multis rebus, ita in regno
 Christi de hac consensione absque ulla ope publicorum instru-
 mentorum, tabellionum, atque litterarum constare posse as-
 firmat. “ Quis enim nesciat, (ait) id, quod a nobis jam di-
 „ctum est, ut in omnibus regnis, ita in regno Christi, id va-
 „lere vel maxime, quod nullo instrumento consignatum, po-
 „pulorum omnium usu, consensuque constet? Sic in succes-
 „sione omnium per orbem Principum sue leges: apud nos
 „Salica, alix apud alios, ipsa populorum consensione obti-
 „nent; irritique essent, qui earum legum peculiaria instru-
 „menta reposcerent. Sic ipsum jus gentium, sic illa de bel-
 „lo, ac pace, deque legatis sacrosancta jura, aliaque id ge-
 „nus, nullo alio instrumento, quam publica generis humani
 „voce vigent“. Ex his autem Ecclesiam sub Rege Christo
 deterioris conditionis, ac hujus mundi regna, futuram infert,
 si ad hujusmodi consensionem explorandam, quæ sui Adversarii
 vellent, requirerentur. Quapropter ita prosequitur: “ Et
 „quidem quum Augustinus, quum Vincentius Lirinensis,
 „quum alii omnes Patres hæreticis, ac schismaticis commu-
 „nem universalis Ecclesiæ fidem; quum consuetudines, quum
 „dogmata toto Catholico orbe vigentia toties objecerunt;
 „quis ab eis poposcit, quos misissent nuncios, quas accepis-
 „sent litteras, aut quæ consensionis ejus, quæ legis instar
 „haberi volebant, instrumenta proferrent? Nempe hæc no-
 „stro ævo deliria servabantur. Sunt enim profecto quædam
 „tam clara, tam aperta, ut ea pernegare ne contumaces
 „quidem audeant. Est quædam Ecclesiæ Catholicæ vox, quæ
 „quocumque locorum diffunditur, quam etiam ante omnem
 „dictam sententiam Catholici audiunt, novatores contremi-
 „scunt.

seunt. Quanto magis quum prolatum iudicium ab altissima
 Petri sede ad omnes perlabitur Ecclesias ? Desinant igitur
 sibi que, & nobis illudere, agnoscantque consensum illum,
 quem Galli cum tota Ecclesia prædicant, quum prolata a
 Romanis Pontificibus dogmata, reclamante nullo, ipsa tra-
 ditionis vi, ipsa, ut ille dicebat (1), *consanguinitate doctri-
 ne*, in corpus Ecclesiæ coalescunt “.

De consensione ergo Ecclesiæ tunc constare Bossuetius contendit, quando nullus contra prolata dogmata a Romanis Pontificibus reclamationat, sed ductus ipsa vi traditionis assentitur iis, quæ a Romanis Pontificibus uti dogmata fidei definita fuerint. Quia ergo recensitæ rationes detegendi consensionem Ecclesiæ ceteras omnes, quæ excogitatæ sunt, vel excogitari possunt, completi videntur; eas nunc diligenter expendamus, ut ex illarum vel absurditate, vel repugnantia primo constet, quam præter omnem rationem ad infallibilitatem eorum, quæ a Summo Pontifice ex cathedra definita fuerint, Ecclesiæ universalis consensum nonnulli requirant.

§. II. Nihil absurdius dici potest, quam de universali consensione Ecclesiæ constare debere vel ex subscriptione Episcoporum provincialium, vel ex Concilio Œcumenico, ut quod a Summo Pontifice ex cathedra definitur, infallibile sit.

Hoc semel posito, dicendum esset, Summum Pontificem præter omnem rationem assumere personam Supremi Judicis quoad ea omnia, quæ ad fidem spectant, iniquiusque etiam agere, dum, nullius alterius consensionis habita ratione, quod ex cathedra definit, uti necessarium ad salutem credendum, omnibus indicit. Neque enim Supremus Iudex ille est, cujus sententia, ut plenam vim habeat, & obligationem omnem, inducat in eos, quibus fertur, aliorum suffragio, aut subscriptione indiget; neque ille agit secundum jura, qui suam tantum auctoritate uti omnino certum, & infallibile decernit, quod revera non est, nisi aliorum quoque multorum fuerit subscriptione firmatum.

Neque est, cur dicatur, suffragio, seu subscriptione

Episcoporum. O q u o 2

(1) Tertullianus *De Præscript. Hæret.* cap. 32.

Episcoporum

Episcoporum non firmari, quod a Summo Pontificè definitum fuerit, sed universalis Ecclesiæ consensionem manifestari: quandoquidem hæc subscriptio si habeatur; infallibile evadit, quod a Summo Pontifice definitum fuerit: si non habeatur; fallibile esse perseverat. Nam Episcopos, populumque Christianum Pontificiis definitionibus non adstringi, tamquam indubitata fidei regula, nisi accesserit per provincialium Episcoporum subscriptiones Ecclesiæ consensus; hoc vero est, quod Petrus de Marca contendit: subscriptio igitur Episcoporum illa est, quæ infallibilitatem decretis Pontificiis conciliat. Sine ea igitur Summus Pontifex certa fide, ac propterea uti infallibile credendum proponeret, atque indiceret omnibus, quod revera non est; indeque sibi semper id potestatis tribueret, quod revera non habet. Nam suas definitiones de dogmatibus Catholicis certa fide, ac propterea uti infallibiles, suscipiendas ab omnibus, atque retinendas Summos Pontifices semper statuere, idque dum fecerunt, nemo unquam Catholicorum contra opponere ausus fuit, illud jus, quod non haberet, Summum Pontificem sibi tribuisse. Quod itaque Petrus de Marca hac in re opinatur, semel ac admittamus, tota fere Catholica fides pervertitur, quum inde illud consequi, nemo non videat, Supremum Ecclesiæ caput ea potestate, quam non habebat, semper usum fuisse, semperque etiam eandem Ecclesiæ consensione fuisse probatam.

Deinde, ut hanc subscriptionem, quam Petrus de Marca requirit, pressius attingamus, ea sane nonnisi post multum temporis ab ipsa fidei definitione, quam Summus Pontifex protulerit, haberi potest. Nam de consensu Ecclesiæ ex hujusmodi subscriptione provincialium Episcoporum constare debet. Quamvis ergo demus, non omnium provincialium Episcoporum subscriptionem ad id necessariam esse; tamen sane multorum, etiam ex regionibus longe distitis, requiri, nemo negaverit, quum ea universalis Ecclesiæ consensus manifestari debeat. Hoc ergo intervallo temporis quod Summus Pontifex sub certa, & infallibili fide ab omnibus teneri præceperit, sub ea tenendum non erit, sed saltem quoad omnem

cfr-

certitudinem, & infallibilitatem Fideles suam assensionem sustinere debebunt, quoad usque sit eis de provincialium Episcoporum subscriptione perspectum. Unum ergo Summus Pontifex præcipiet omnibus, contrarium tamen ejus Fideles servare debebunt: Pontifex certa, & infallibili fide aliquid tenendum definiet, atque mandabit: non ut certa, & infallibili fide a Fidelibus illud tenendum erit. Primatus igitur, contra ac sentiunt ii quoque, qui hac in re nobis adversantur, non erit amplius jure Divino institutus ad tuendam fidei unitatem (1): Romana Sedes non oportebit, ut amplius habeatur, sicuti centrum fidei: Apostolicæ Cathedræ Principatus in ea amplius non erit (2): immo, ut paucis omnia completamur, Petri amplius non erit confirmare in fide fratres, sed ab iisdem confirmari debebit.

Deinde qua ratione omnibus Fidelibus hujusmodi subscriptio perspecta erit? Nam, ea semel habita, omnes tunc Fideles uti infallibile habere debent, quod a Summo Pontifice definitum fuerit. Anne a suis singularibus pastoribus hac de re certiores fieri poterunt? Verum quandonam unquam ii de illa commoneri consueverunt? immo quandonam unquam vel ipsos Episcopos commonitos fuisse legimus? Aliunde autem quamvis singularis quisque Episcopus in rem a Summo Pontifice definitam sua subscriptione consentiat; tamen ex ea de communi consensione Ecclesiæ constare illi non poterit. Dicendum itaque erit, hac semel posita necessitate subscriptionis, non solum omnes plerumque Fideles, sed etiam ipsos Ecclesiæ Præsules, quibus depositum fidei commissum est, in multorum ignoratione versaturos, quæ certa, & infallibili fide teneri debent.

Quid vero si pars maxima Episcoporum quod Summus Pontifex certa, & infallibili fide tenendum esse definierit; sua subscriptione confirmare recusaverit? Nam semel ac subscriptio Episcoporum æquo jure requiratur, dum ipsi aliter,

(1) Lib. 18. cap. 2. §. 9. (2) Vide hujus lib. cap. 5. §. 4. loca Patrum, quæ etiam Bossuetius congegit ad adstruendum Apostolicæ Cathedræ Primatum.

ac Summus Pontifex, de re definita judicaverint, suam subscriptionem citra ullam injuriam denegare poterunt. Fideles tunc sane, vel saltem præpositi Ecclesiarum moneantur oportet, ne ea teneant certa, atque infallibili fide, quæ Romanus Pontifex, uti Summus Judex sicuti certa, & infallibilia publice pronunciaverit, atque ita fiet, ut tam oves, quam agni suum pastorem non solum pascant, sed etiam contra eum insurgant.

At enim universale Concilium tum cogi debet, ut *publica confessione Pontificis definitionem amplectatur*. Tamen dum cogitur, tam oves, quam agni contra suum pastorem insurgere, eique adversari poterunt. Deinde anne est res facilis, atque expeditior Œcumenici Concilii convocatio, & non potius multis obsepta difficultatibus, quæ nonnisi longiori tempore, & aliquando vix, ac ne vix quidem superari possunt? Sunt ne ad id fortasse opportuna ea tempora, in quibus aliquid a Summo Pontifice definitum confirmari requireretur? Habent ne Œcumenica Concilia potestatem suo judicio subji-
ciendi, quæ Summus Pontifex definierit (1)? Verum etiamsi hæc præsupponerentur, & esset convocatio Conciliorum res levis momenti, quæ & facile expediri, & quovis tempore posset quorumnam ergo sit, in Concilio sedere ut Judices, nunc ego quæro: Episcoporum profecto: ii ergo Episcopi, qui divisim accepti Pontificiis definitionibus subscribere renuerunt, etiam simul congregati renuent, ac propterea totum fere Concilium renuet, quia Episcopos majori ex parte Decreta Pontificia sua subscriptione confirmare noluisse, nunc supponimus. Nam qua semel falsa ducti ratione Episcopi divisim accepti definitionem Summi Pontificis suscipere recusarunt, esse etiam recusaturos simul unitos, & fortasse etiam facilius, quia in se simul unitis plus auctoritatis inesse vident, merito conjicere possumus. Ex his vero omnibus undequaque id constare arbitramur, quod ostendere constituimus, hoc est, nihil absurdius dici posse, de universali Ecclesiæ consensione constare debere, vel ex subscriptione Episcoporum Provincialium, vel ex Concilio Œcumenico, ut quod a Summo Pontifice ex Cathedra definitur, infallibile sit.

§. III. De-

(1) Vide lib. 21. cap. 3.

§. III. Definiendi auctoritate, qua Summus Pontifex pollet, non adstringi Episcopos, & populum Christianum tamquam indubitata fidei regula, Petrus de Marca colligere ex auctoritate Leonis frustra, atque omnino immerito contendit.

Quia ergo S. Leo in suis litteris tam Theodosium, quam Pulcheriam Augustam rogavit, ut generalem Synodum in Italia convocari juberet, Petrus de Marca ita inferendum duxit (1): "Quare, licet nullo pacto Summus Pontifex Leo de doctrina fidei dubitaret, quam epistola sua luculenter exposuerat, attamen Synodi necessitatem agnovit, si aliquot Episcopi suæ definitioni refragarentur". Verum si expendamus, qua de causa S. Leo a Theodosio, & Pulcheria Augusta petierit, ut, iisdem jubentibus, Synodus in Italia haberetur, Petri de Marca conjecturam omnino inanem esseprehendemus. Quia ergo in II. Ephesino Concilio, quod *Predatorium* vulgo dicitur, non multo ante tempore, jubente Theodosio, habito, astutia, & perfidia Alexandrini Antistitis omnia turbaia fuerant, & *commissum erat impietate paucorum*, sicuti inquit S. Leo in epistola ad Theodosium (2), *quod universam Ecclesiam vulneraret*, quemadmodum se novisse testatur, ex non incerto nuncio, *sed fidelissimo rerum, qua gesta sunt, narratore Hilario Diacono*; ideo idem S. Leo tum Theodosium, tum Pulcheriam Augustam rogavit, ut alteram in Italia Synodum celebrari juberent, quæ, sicuti inquebat Leo (3): "Omnes offensiones ita aut repellat, aut mitiget, ne aliquid ultra sit, vel in fide dubium, vel in charitate divisum: convenientibus utique Orientalium Provinciarum Episcopis, quorum si qui superati minis, atque injuriis a veritatis tramite deviarunt, salutaribus remediis in integrum revocentur, ipsique, quorum est causa durior, si consiliis melioribus acquiescant, ab Ecclesiæ unitate non excidant". Etiam in epistola ad Pulcheriam Augustam rem eandem ita commemorat (4): "Et quia dissensionis scandalum non abstulisset, Ephesina Synodus, sed auxisset; habendo intra Italiam Con-

„ cilio,

(1) Loco supra cit. num. 3. (2) Juxta edit. Cacciarli 41. cap. 1.

(3) Cir. epist. cap. 3. (4) Juxta eandem edit. 42. cap. 2.

„ cilio, & locus constitueretur, & tempus, omnibus quere-
 „ lis, & præjudiciis partis utriusque suspensis: quo diligen-
 „ tius universa, quæ offensionem generaverunt, retractentur,
 „ & absque vulnere fidei, absque religionis injuria, in pacem
 „ Christi redeant,* qui per impotentiam conscribere coacti
 „ sunt Sacerdotes, & soli auferantur errores“. Ut ergo re-
 „ medium aliquod iis malis afferretur, quæ propter Synodum
 Ephesinam in universam Ecclesiam inuenta fuerant, ut nullus
 esset violentiæ locus, quemadmodum in Synodo Ephesina con-
 tingerat, ut qui erraverant, libere respicere possent; Sy-
 nodum in Italia haberi, Augustos a se rogandos esse, S. Leo
 duxit, non vero quia suam ad Flavianum epistolam dogmati-
 cam auctoritate Episcoporum confirmandam esse censeret.
 Quid? Nonne S. Leo epist. 79. ad Marcianum cap. 3., 80. ad
 Pulcheriam Augustam cap. 3., 81. ad Anatolium cap. 4. (1),
 quod Canone 28. in Concilio Chalcedonensi constitutum erat,
 ut post Romanam primus locus sedi Constantinopolitanæ tri-
 bueretur, omnino irritum declaravit? Hoc quidem Leonem præ-
 stitisse „ Non tam superiori quadam in Synodum jurisdictione,
 „ & auctoritate, quam reverentia Nicænis Canonibus debita“,
 Petrus de Marca contendit *De Concordia Sacerdotii, & Imperii*
 lib. 3. cap. 7. num. 7.: verum utrumque Concilium, hoc est,
 Nicænum, & Chalcedonense, æque Œcumenicum erat. Quo-
 modo ergo unius, ita etiam alterius auctoritate juxta senten-
 tiam Petri de Marca Leo tenebatur. Unde quum res contraria
 duorum Œcumenicorum Conciliorum auctoritate constituta
 esset, ejus profecto non erat, probare, quod in uno, reji-
 cere autem, quod in altero decretum fuerat, si hujusmodi
 Conciliorum definitionibus, uti Petrus de Marca contendit, ipse
 quoque subijciebatur. At rejectit, quod decretum erat in Chal-
 cedonensi, confirmavit, quod in Nicæno constitutum habe-
 batur: fieri ergo non potest, ut id S. Leo ea ductus ratione,
 fecerit, quam Petrus de Marca statuit. S. Leonem itaque non
 putasse, suas definitiones Episcoporum, etiam simul congre-
 gatorum, auctoritate confirmari oportere; ex eo, quod hac
 in re gessit, manifeste colligitur.

S. IV. Pe-

(1) Juxta eandem edit.

§. IV. Petrus de Marca immerito contendere pergit auctoritate V. Synodi Œcumenicæ fidei definitionibus Romani Pontificis non adstringi Episcopos, & populum Christianum, tamquam indubitata regula fidei.

Lib. 5. *De Concordia Sacerdotii, & Imperii* cap. 8. num. 3. in confirmationem suæ falsæ opinionis illud commemorat, in Collatione 7. Synodi Œcumenicæ V. a Sanctis Apostolis recte servatum fuisse dici, ut communi consensione definiretur quæstio exorta de illis Ethnicis circumcidendis, qui Christianam religionem amplecterentur. Verum anne nos fortasse contra eum, aut quemlibet alium contendimus, utile Ecclesiæ non esse, ut Concilia habeantur, atque in eis insurgentes quæstiones definiantur? Fidei ergo definitionibus a Romano Pontifice editis, sicuti indubitata regula fidei, adstringi Episcopos, ac Christianum populum, nulla etiam interveniente subscriptione Episcoporum, aut Œcumenici Concilii, hoc vero est, quod contra ipsum volumus. Cum hoc autem nullo modo pugnat, ut Concilia Dioecesana, Provincialia, vel Œcumenica habeantur, atque in eis ad falsitatem magis magisque profligandam illud quoque definiatur, quod a Summo Pontifice jam definitum fuerit. Verum hac de re in sequenti libro, Unum tantum & alterum hic ex Thomassino Dissertatione 19. in V. Synodum Œcumenicam num. 98. & seq. contra Petrum de Marca animadvertenda ducimus, quoniam hujus Concilii auctoritatem nobis opponit. Ita ergo habet vir Cl. certis Ecclesiasticis monumentis fretus: "Contra autem nusquam, " evidentiùs patuit, (sicuti in hac Synodo) quam a nutu, " atque inclinatione primæ sedis propenderent huc, vel illuc, " definitionum, & Synodorum Ecclesiæ monumenta. Nam, " ut Facundus auctor est lib. 4. cap. 4. violento Principis jussu " coactus Menas subscribere Capitulorum damnationi: *se nihil* " *acturum sine Apostolica Sede promiserat*: quumque subscripsisset, Stephano Romanæ Ecclesiæ Diacono *sub ea conditione* " *cessisse, & juratum sibi fuisse respondit, quod chirographum suum* " *reciperet, si hæc Romanus Episcopus non probaret*: Item Zoilus, " Alexandrinæ Ecclesiæ Antistes *quum Romanum Episcopum ve-*

Tom. III.

PPP

n nire

„ nire cognosceret, obviam illi ad Siciliam misit, conquerens se
 „ necessitate ad ipsius decreti affirmationem fuisse compulsum. Ce-
 „ teri Episcopi post subscriptionem eidem Stephano Romano Diacon-
 „ no libellos dederunt, Sedi Apostolica transmittendos, consentientes
 „ in eis, quod a Constantinopolitano Episcopo eoacti subscriberent.
 „ Vides ut tamen potestate Imperatoria in præceps raperen-
 „ tur, a nutu tamen se profiterentur pendere Vigilii. Et ibi-
 „ dem cap.3. Hoc est autem mirabile, ut postquam horum condem-
 „ nationem fecerunt, dicerent, quod Ecclesiam Romanam consue-
 „ lerent, & sententiam Vigilii ejus Præsulis expectarent... Quid
 „ quod Vigilii ipse, ut ait Gregorius lib. 2. epistola 36. In
 „ urbe Regia constitutus contra Theodoram Augustam, & Acepbalos
 „ damnationis promulgavit sententiam? ... Venio ad ipsam Sy-
 „ nodum, cujus Actio I. extat Sacra Justiniani, quæ Vigi-
 „ lium consensisse damnationi trium Capitulorum ex ipsis ejus
 „ epistolis probat, ut eadem compellat & Synodum. Extat &
 „ mox epistola Eutychii Vigilium ad Synodum invitantis, ut,
 „ ipso Præsidente de Capitulis inquiratur. Illud sane præfati
 „ suscipere se, & amplecti epistolas Præsulum Romana Sedis Apo-
 „ stolica, tam aliorum, quam Leonis, de fide scripta. Quid ipsa
 „ legatio ad Vigilium missa omnium Patriarcharum, & septen-
 „ decim Metropolitanorum, singularis membrorum in Caput
 „ suum venerationis significatio quam elegans est? Alia quo-
 „ que multa in rem eandem Thomassinus singulari eruditione
 „ congeffit, quæ nemini ullum dubitandi locum relinquunt, hu-
 „ jus Synodi Patres non in ea quidem sententia fuisse, ut quod
 „ esset a Summis Pontificibus ad fidem spectans definitum, ipsi
 „ probarent, sed a Summo Pontifice probaretur, quod ipsi simul
 „ congregati decrevisset.

§. V. Si cum Bossuetio dicatur, firmum, & indeclinabile
 robur conciliari Pontificiis de fide decretis, quando omnes in
 eis fidei suæ sensum recognoscunt; tunc quod pastori debetur,
 ovibus, & agnis supra pastorem tribuitur.

Quod vult Bossuetius, si semel ponamus, inde fit, ut
 magisterium fidei ovibus, & agnis supra pastorem tribuatur.
 Nam dum dicitur, tunc Pontificiis de fide decretis firmum,
 & in-

& indeclinabile robur superaccedere, quando omnes in iisdem fidei suæ sensum recognoscunt; illud sane consequitur, & esse penes omnes examen Pontificiorum Decretorum instituere, ut videant, utrum in eis fidei suæ sensus contineatur: hoc enim æne examine videri non potest; & omnes velle posse doctrinam fidei Supremi Pastoris suæ accommodatam, quia semel ac in illa suæ fidei sensum recognoscant, uti dicit Bossuetius, tunc eidem firmum, & infallibile robur superaccedit, quod antea non habebatur; ac propterea supervenit illa certitudo, quæ in rebus fidei inesse debet. At pastoris est de fide ovium, & agnorum videre, illiusque fidei ovium, & agnorum fides conformata esse debet, quemadmodum ipsa tum pastoris, tum ovium, & agnorum conditio necessario exigit: igitur, si Bossuetius audiatur, quod pastori debetur, ovibus, & agnis supra pastorem tribuitur.

Eo vel maxime, quia si propter consensum omnium, qui Pontificiis de fide definitionibus superaccedat, iisdem firmum, & indeclinabile robur conciliatur; tunc Pontificiæ definitiones ultimam, supremamque auctoritatem ab huiusmodi consensu sequitur, ut habeant: nam ante omnium consensum firmo, & infallibili robore destituta erant, acquirunt autem illud, superveniente consensu omnium. Si autem ultima, atque suprema auctoritas in huiusmodi firmitate, & infallibilitate roboris non consistat, non video sane, in quo consistere possit. Dum ergo ponitur, ob omnium consensum firmum, & indeclinabile robur Pontificiis de fide decretis superaccedere, ab hoc consensu ultima, & suprema illorum auctoritas repetitur. Suprema vero auctoritas in regendo pastori supra, oves, & agnos, non ovibus, & agnis supra pastorem, magistro supra discipulos, & non discipulis supra magistrum, est procul dubio tribuenda, semel ac rerum ordinem e medio sublatum non velimus, quemadmodum nemo non videat oportet. De eo igitur, quod modo contra Bossuetium contendimus, semper magis magisque constat.

§. VI. Gallicani Patres in sua epistola ad Leonem Bossuetio non solum hac in re non favent, sed oppugnant sententiam illius.

P p p 2

Omnes

Omnes ergo in Pontificiis definitionibus, ut iisdem firmum, & infallibile robur accedat, fidei suæ sensum recognoscere debere, ut in Leonis epistola quondam Gallicani Patres, Bossuetius contendit. Verum Gallicani Patres suæ fidei sensum in epistola Leonis agnovisse testantur uti in quodam symbolo fidei, ac propterea quæ in illa continebantur, cordis tabulis se inscripsisse, ac tenaci memoriæ mandasse, ut inde paratior fierent ad refellendos errores hæreticorum: ita enim ad Leonem scribentes habent (1): “ Quæ Apostolatus
 „ vestri scripta, ita ut symbolum fidei, quisquis Redemptio-
 „ nis sacramentum non negligit, tabulis cordis adscripsit, &
 „ tenaci, quo ad confundendos hæreticorum errores paratior
 „ sit, memoriæ commendavit “. Se ergo recipere firmum, & infallibile robur a Pontificia definitione Gallicani Patres profitentur, non vero hoc firmum, & infallibile robur in Pontificiam definitionem a sua consensione derivari, quemadmodum Bossuetius veller. Unde ita prosequuntur: “ Multi
 „ itaque in ea gaudentes pariter, & exultantes, recognove-
 „ runt fidei suæ sensum, & ita se semper ex paterna traditio-
 „ ne tenuisse, ut Apostolatus exposuit, jure lætantur “. Quapropter epistola Leonis fuit Gallicanis Patribus veluti lydius lapis, cum quo facta comparatione eorum, quæ ex paterna traditione tenuerant, gaudentes, & exultantes fidei suæ sensum in ea recognoverunt, ac propterea lætati fuere, se sensisse semper, quemadmodum Apostolatus exposuit. Adhuc ita pergunt Gallicani Patres: “ Nonnulli sollicitiores facti,
 „ Beatitudinis vestræ admonitione percepta, modis omni-
 „ bus se gratulanter instructos, datamque sibi occasionem
 „ gaudent, qua libere, & fiducialiter, suffragante etiam
 „ Apostolicæ Sedis auctoritate, eloquantur, & asserat unus-
 „ quisque quod credit. Quis autem Apostolatus vestro pro
 „ hoc tanto munere, quod non solum Gallias, sed totum
 „ mundum veluti quibusdam pretiosissimis gemmis ornavit,
 „ dignas æstimet gratias posse persolvere? Doctrinæ post Deum
 „ vestræ debet fidelis, ut constanter teneat, quod credebatur
 „ debe-

(1) Epist. Synod. post 71. S. Leonis juxta editionem Cacciaril.

debebit etiam infidelis, ut a sua perfidia, agnita veritate, discedat, & Apostolicæ institutionis luce perfusus, erroris sui tenebras derelinquat, magisque sequatur, & credat, quod per os vestrum Dominus noster Jesus Christus de sacramento Incarnationis suæ docet, quam id teneat, quod diabolus humanæ salutis, & veritatis inimicus instillat. Anne hi interiores animi sensus cum Bossuetiano systematè conveniunt, & non potius illud omnino evertunt, atque destruunt? Qua ergo ratione Bossuetius uti rem certam, atque indubitatam assumere potuerit, quod ipse de omnium consensione tradit esse comprobatum ex eo, quod fecerunt Gallicani Patres, accepta epistola Leonis, sane non video, neminemque videre posse arbitror.

§. VII. Dum Bossuetius inter ea comparisonem instituit, quæ a singularibus Ecclesiis definita fuere, & quæ a Romana definiuntur, indeque infert, *vim illam ultimam, & ineluctabilem consensione constare*, tam sibi contradicendo, quam contradicentibus illi Patribus, Ecclesiam Romanam facit ejusdem auctoritatis cum ceteris Ecclesiis.

Defensionis &c. lib. 10., alias 15., cap. 6. & seq. traditione Patrum ostendit, Ecclesiæ Romanæ proprium esse, ut illud habeat, quod *immutum in fide* dicitur, & nunquam deficere possit (1). Libro autem 9., alias 14., cap. 1. ut evincat, ea non habere *ultimam, & ineluctabilem vim*, quæ auctoritate Summi Pontificis sine examine Œcumenici Concilii definita fuerint, illud opponit, tam sine Conciliis Œcumenicis, quam sine singulari definitione Romani Pontificis plures hæreses damnatas, atque profligatas omnino fuisse, singularibus Ecclesiis eas solummodo proferibentibus. Inde vero non illud esse colligendum animadvertit, hujusmodi Ecclesiis *ineluctabilem* auctoritatem adfuisse, sed *vim illam ultimam ineluctabilem unitate, & consensione constare*, quacumque tandem ratione, sive per Concilia, sive sine Conciliis, hujusmodi consensio manifestetur. Ex his vero infert, etiam quod Pontifex ex communi traditione pronuntiat, tunc habere *firmum, & infallibile*

le rō.

(1) Vide hujus lib. cap. 5. §. 4. & seq.

le robur, quando illud consensione omnium firmatum fuerit : Quod ergo Præfulibus aliarum Ecclesiarum, quodque aliis Ecclesiis, etiam Præsuli Romano, etiam Ecclesiæ Romanæ ipse tribuit. Nam, si eum audiamus, quemadmodum proscriptio hæresum facta ab aliis Ecclesiis non ob auctoritatem earum, sed ob consensionem omnium *ineluctabilem*, & *ultimam vim* acquisivit ; ita etiam eodem modo *ineluctabilem*, & *ultimam vim* acquirit, quod a Romana Ecclesia proscritur. Ubi ergo in ea illud *immutum in fide* sanctorum auctoritate Patrum comprobatur ? Ubi illa indefectibilitas, quam ipsa habet ? Pugnare enim hæc inter se duo : immutum in fide, indefectibile esse, in fidei rebus ineluctabile, & ultimam vim non habere.

Contendit sane Bossuetius, *illud immutum in fide* Ecclesiæ Romanæ, non vero Summis Pontificibus fuisse tributum : verum & ex multis aliis, & etiam ex illis testimoniis sanctorum Patrum, quæ ipse in medium adduxit, ut Romanæ Ecclesiæ *illud in mutum in fide* esse tribuendum evinceret, nos ostendimus (1), quod a sanctis Patribus hac in re de Romana Ecclesia affirmatur, affirmandum quoque esse de Romanis Pontificibus, immo ad Romanos Pontifices referri oportere.

Illud quoque Bossuetius tradidit, ab Ecclesia Romana non omnem errorem excludendum esse, sed eum tantum, quem *contumace proposito* tueatur : at id & contra auctoritatem sanctorum Patrum, quibus usus fuerat ad extollendam auctoritatem Romanæ Ecclesiæ supra auctoritatem Romani Pontificis, & non sine contradictione fecit (2). Quum ergo interpositus error, interpositaque contradictio in eo, quod alteri opponitur, illius cum altero oppositionem non tollat, semper dicendum erit, Bossuetium, tam sibi contradicente, quam contradicentibus illi Patribus, Ecclesiam Romanam fecisse ejusdem auctoritatis cum ceteris Ecclesiis, dum comparisonem eorum instituit, quæ ab aliis Ecclesiis definita fuere, & a Romana definiuntur, indeque infer, *vim illam ultimam, & ineluctabilem consensione constare*. Quapropter, sicuti C. L. Orsius

De

(1) Hujus lib. cap. 5. §. 3. & seq. (2) Cit. cap. 5. §.

De Romani Pontificis Auctoritate lib. 3. cap. 1. recte animadvertit , “ Et quilibet Episcopus , & quælibet particularis Synodus quum ita ex communi traditione pronuntiat , ut in ejus sententia *recognoscant omnes fidei sua sensum* ; statim adest illa consensus , quæ illius judiciis firmum , & ineluctabile robur adjungit . Ita in Cyrilli Alexandrini ad Nestorium epistola statim ac Ephesini Patres recognoverunt fidei suæ sensum , illa ineluctabilis auctoritatis robur obtinuit . Ita in litteris Tarasii , & Orientis Patriarcharum ad ipsum , statim ac VII. Synodi Patres recognoverunt fidei suæ sensum , & ipsæ in summæ auctoritatis arcem invaserunt . Quid ergo singulare , & eximium Romano Pontifici , præ aliis Episcopis tribuitur , præter verba in adversariorum libris sensu , & spiritu vacua , & solum ad faciendum fucum idonea “ ?

§. VIII. Difficultates , quæ occurrunt in pervestigando omnium consensu quoad rem aliquam , nullo modo contemni possunt , sicuti Bossuetius fecit .

Quum ergo ad ostendendum quam præter omnem rationem Bossuetius infallibile robur definitionibus Pontificiis ex consensu omnium conciliari contenderet , nonnulli ei objecissent , valde difficile esse , ut de hoc communi omnium consensu constaret ; hujusmodi difficultatem Bossuetius primo contempsit , aliqua deinde superaddidit , quibus suadere conatus fuit , eam facile superari posse (1) . Quædam nunc ergo contra eum dicemus de gravitate hujusmodi difficultatis , cetera in sequentibus expenduntur a nobis .

Profecto ut de omnium consensione in rem aliquam , perspectum esse possit , etsi hujusmodi res non sit recenter definita , nullius gentis , populi , aut nationis auctoritas contineri potest . Nemo sane est , qui , instar avis , præcipiti volatu de una commeare in aliam , atque aliam regionem possit , atque ita per se videre , aut exquirere , quinam communis sensus hominum sit hac , vel illa de re . Superest ergo , ut de ea quis vel per litteras , aut nuncios exquirat , vel si id non possit , noscat ab hominibus eruditioribus , aut ex lectione li-

bro-

(1) Vide hujus cap. §. 1.

brorum certior fiat . Omnium quidem expeditissima ea ratio foret, qua ab eruditis viris, atque in omni genere litterarum versatis, hac de consensione quaereretur . Verum anne suppetit tanta copia hujusmodi hominum, quæ ad institutionem imperitorum sufficiat ? anne ubique tales homines præsto esse possunt, quemadmodum necessitas postularet ? Nam ubique gentium non solum longe majorem numerum imperitorum, quam sapientiorum, esse novimus, sed etiam inter illos totum fere genus hominum recenseri posse, ac propterea etiam futurum, ut omnino paucissimi ex lectione librorum assequantur, quinam sit aliqua de re communis hominum sensus .

Si autem, uti dicebamus, licet agatur de re aliqua non recentem invecta, sed pervulgata, tamen ut de ea consensus gentium perspectus habeatur, tam multis difficultatibus impedimur ; quid dicendum erit, si non quidem de novo articulo fidei : hoc enim fieri non potest ; sed de nova aliqua definitione fidei agatur ? Tunc sane, ut quænam de ea hominum consensio sit, investigetur, longe plures gravioreque difficultates ob ipsam rei novitatem occurrant oportet . Hoc vero est, quod necessario contingere debet, dum iste consensus, de quo nunc loquimur, exquiritur . Novum quidem articulum fidei Summus Pontifex non constituit, sed aliquid, sicut in Dei verbo scripto, aut tradito contentum, ad fidem pertinere declarat, dum ex cathedra definit, atque quod definit, omnibus credendum indicit . Si cum Bossuetio admittatur, hoc ipsum a Summo Pontifice ex cathedra definitum, atque propositum omnibus ad credendum, dum in se spectetur, non habere *indeclinabile robur*, sed acquirere illud, quando *ita ex communi traditione pronuntiatum* constiterit, ut *in ejus sententia recognoscant omnes fidei sue sensum*, inquirendum supererit, quid de eo communis sensus hominum habeat . Hujusmodi igitur inquisitio præter omnes alias difficultates involvet quoque illam, quæ ab ipsa novitate rei proficiscitur, propter quam longe difficilior evadit, investigare communem consensum hominum in rem aliquam recentem invectam, quam in antiquam, atque pervulgatam . Quapropter

non

non erat sane, cur Bossuetius hac loquendi ratione: *Ne illi vani sunt*, contemneret eos, qui has illi difficultates objecerant; ac propterea dicendum est, difficultates, quæ occurrunt in exquirendo communi consensu quoad rem aliquam, nullo modo contemni posse, quemadmodum Bossuetius præter omnem rationem fecit. Unde nodum non solvit, sed secat, dum objectam sibi difficultatem contemnit; ac propterea ex ea semper constat, non solum quam longe a vero, sed etiam ab omni apparentia veritatis abhorreat, quod ipse in hac questione de suo illo consensu omnium affirmat, etiam si ad rationem tantum attendamus, qua de eodem nobis perspectum esse potest.

§. IX. Bossuetius pro sua sententia illud frustra reponit, non minus in republica Christiana, quam in civili, ex solo usu, atque consensu omnium constare de multis rebus (1).

Plura ergo ab ipsa consuetudine primum introducta, accedente consensu legislatoris, ullo sine alio adjumento obtinuit vim legis, & nos fatemur: neque etiam negamus, multa ex communi consensione, nulla intercedente promulgatione legis, constituta fuisse, quæ servantur ab omnibus, atque ad jus gentium pertinere dicuntur: illud quoque profiteamur, multa sacra dogmata fidei ulla sine scriptura in Ecclesia servata, deque iis ex Ecclesiarum consensione constare (2). At vero sicuti nulla consuetudo, quæ apud populum in more sit, obtinet vim legis, nisi consensus legislatoris accedat, & hoc interveniente, quam non habebat, rationem legis assequitur (3); ita etiam consensione omnium fieri non posse debet, ut ab ea suam ultimam auctoritatem habeat, quod a Supremo Ecclesiæ Legislatore definitum fuit (4). Ad ea autem, quæ juris gentium esse dicuntur, non solum una cum gentibus, & nationibus etiam earum Legislatores consenserunt, sed etiam sua consensione effecerunt, ut ea dici possent jura gentium, & revera essent: unde hæc quoque jura non a gen-

Tom. III.

Q q q

tibus,

(1) Vide hujus cap. §. 1. (2) Vide lib. 15. cap. 4. §. 7. (3) Vide lib. 7. cap. 7. §. 1. & seqq. (4) De Suprema legislativa potestate Summi Pontificis lib. 19. cap. 3. §. 1. & seqq. egimus.

tibus, seu nationibus tantum, sed etiam a Legislatoribus suam ultimam firmitatem habent (1). Idem est ergo dicendum etiam de illis, quæ a Supremo Ecclesiæ Legislatore proficiuntur. Tandem plura dogmata fidei in Ecclesia ob solam traditionem servata fuisse tuemur: verum undenam de iis nobis comperit? Ex Ecclesiis sane Apostolicis (2), non vero ex communi consensu omnium: vel ex una Ecclesia Romana, quæ propter sui *potiorem principalitatem* ceteris præest (3). Quæ igitur Ecclesia Romana, hoc est, Summus Pontifex nobis a Deo tradita esse definierit, ad sui ultimam firmitatem consensum omnium non requirunt; immo repugnat, ut iste consensus ad hunc effectum requiratur. Præter hæc autem ea difficultas contra Bossuetium semper facit, quæ necessario occurrit, dum de investigando consensu omnium in rem aliquam agitur. Nam quemadmodum nonnisi post longum tempus, quo incœperit, vim legis consuetudo obtinet; sicuti etiam jura, quæ gentium dicuntur, pederentium constituta fuere; ita multo potiori jure nonnisi post longum tempus, atque pederentium omnium consensus de re aliqua, & potissimum de nostra, cognosci potest: talis enim ea est, ut non veniat in usum hominum, sicuti illa, quæ a consuetudine, vel jure gentium proficiuntur, sed in mente eorum plerumque lateat. Unde quamvis aliquis omnem diligentiam impendat ad hunc consensum omnium investigandum, licet illi nihil eorum desit, quæ ad hunc finem requiruntur: quod sane difficile est, & unus tantum, aut alter id habere potest; ramen nonnisi post multum temporis eum nosse poterit, ac propterea diutius fluctuabitur, longe diuturniori tempore, si non omni eo, quo circumscribitur vita hominis, cuncti alij fluctuabuntur, utrum hoc, vel illud dogma certa, & infallibili fide tenendum sit.

At & illud quoque nunc videamus, quam diversa sit ratio, quam Irenæus sequutus fuit, dum ageretur de iis, quæ certa, & infallibili fide teneri debent, ab illa, quam Bossuetius tenendam constituit. Irenæus ergo *Cont. Hæreses* lib. 3. cap. 3.

(1) Lib. 6. cap. 1. §. 7. (2) Vide Tertullianum in lib. *De Præscript.* cap. 22. (3) Ita S. Irenæus eo loco, quem mox laudabimus.

cap. 3. n. 1. dicit, traditionem Apostolorum *respi-ci posse ab omnibus, qui vera velint videre*. Verumtamen inquit num. 2. " Quoniam
 " valde longum est in hoc tali volumine omnium Ecclesiarum
 " enumerare successiones; maximæ, & antiquissimæ, & omni-
 " bus cognitæ, a gloriosissimis duobus Apostolis Petro, &
 " Paulo Romæ fundatæ, & constitutæ Ecclesiæ, eam, quam
 " habet ab Apostolis Traditionem, & annuntiatam hominibus
 " fidem, per successionem Episcoporum pervenientem usque
 " ad nos, indicantes, confundimus omnes eos, qui quoquo
 " modo vel per sibi placentia, vel per vanam gloriam, vel per
 " cœcitatē, & malam sententiā, præter quam oportet
 " colligunt. Ad hæc enim Ecclesiam propter potiorem prin-
 " cipalitatē necesse est omnem convenire Ecclesiam, hoc
 " est, eos, qui sunt undique Fideles ". Omnino autem con-
 " traria ratione Bossuetius agit: nam quæ est annuntiata fides
 " a maxima, antiquissima, & omnibus cognita Ecclesia, ad quam
 " propter potiorem principalitatē necesse est omnem conveni-
 " re Ecclesiam, hoc est, omnes, qui sunt undique Fideles, si
 " ipsum audiamus, consensione omnium, qui sunt undique Fi-
 " deles, probari debet, ut suum ultimum infallibile robur asse-
 " quatur. Irenæo, quamvis de eo ageretur, quod in Ecclesia
 " Catholica non recēter definitum erat, sed profectum ab Apo-
 " stolis, una cum ipsa Ecclesia suam originem habebat, semper-
 " que constantissime retentum fuerat, nimis longum visum fuit,
 " omnia Ecclesiarum successiones enumerare, sed ad hæreses
 " plene confutandas satis habuit, in Romana Ecclesia sistere, &
 " annuntiatam ab ea fidem, ut rem certissimam indicare omni-
 " bus, quæ non solum ad sui ultimam firmitatem consensione
 " cunctorum non indigeret, sed ad eam nemo Fidelium non con-
 " formari deberet. Bossuetio autem, quamvis de eo agatur,
 " quod in Ecclesia Catholica est recēter inventum; (uti enim
 " monuimus, res quidem definita semper in Ecclesia retenta fuit,
 " definitio autem hæc, vel illa a Supremo Ecclesiæ capite sub-
 " inde proficiscitur) tamen ipsi longum non videtur, immo vult
 " etiam, ut nemini longum videatur, omnium Ecclesiarum enu-
 " merare successiones, neque ad hæreses plene confutandas,

contrariamque definitionem certa, & infallibili fide recipiendam. satis habet in Romana Ecclesia sistere, & annuntiatam ab ea fidem, uti rem certissimam, & infallibilem habere, sed ad ultimam firmitatem ejus consensum omnium exquirat. Anne fortasse dici potest, Irenæi rationem improbandam, Bossuetii vero sequendam? Sed cetera prosequamur.

§. X. Quod ab Augustino, Vincentio Lirinensi, & aliis Patribus contra hæreticos, & schismaticos servatum legimus, ad Bossuetii causam non facit (1).

Longa traditione, quæ cum ipsa Ecclesia originem habuerat, & apud singulas Ecclesias, cunctosque Fideles certi, atque infallibilis principii loco tenebatur, Patres, & rectè quidem, tam contra hæreticos, quam contra schismaticos usi fuerunt. Testimonio ergo non minus valido, atque firmo, quam omnino pervulgato apud omnes Ecclesias, atque Fideles contra illos usi fuerunt, non autem incerto, minus noto, aut tali, quod circa rem aliquam versaretur, in quam omnes recenter tantum consentire potuissent, & ob definitionem, quæ non multo ante tempore facta esset, suam illi consensionem adjungere. Provocabant ergo ad communem totius Ecclesiæ fidem, quæ apud omnes Catholicos, videntibus etiam hæreticis, atque schismaticis, ubique insonabat, firmiterque tenebatur, eam vero hæretici, & schismatici respuebant, indeque ab Ecclesia Catholica se separatos noverant. Quapropter sicuti Patres communem Ecclesiæ fidem hæreticis, & schismaticis objecerunt non ducti inani rumore vulgi, non unius, aut alterius consensione gentis, sed testimonio omnium Ecclesiarum, omnium Catholicorum, & eo quidem tam evidenti, tam pervulgato, tam manifesto, ut ne hæretici quidem ausi fuerint ab eis quærere, quos misissent nuncios, quas acceperant litteras; ita nos quoque ejus communis consensionis, quæ definitionibus Summi Pontificis a Fidelibus adjungitur, testimonium omnium Ecclesiarum, certum, evidens, atque omnino pervulgatum apud omnes requirimus. Ab hac enim consensione, si Bossuetius audiatur, non pendet res levis

(1) Vide §. I.

vis momenti, sed maximi sane, atque omnium gravissimi, quum ea fiat, ut omnino firma, atque infallibili fide tenendum sit, quod Summus Pontifex definierit. Ut hujusmodi vero testimonium habeatur, anne illæ difficultates, quas commemoravimus, semper non obstitunt? Diximus sæpe, semperque dicemus, de re nova agi, tam si spectemus, non quidem rem definitam, sed definitionem, quam si ipsum omnium consensum attendamus. Communis autem Ecclesiæ fides, quam Patres opponebant hæreticis, atque schismaticis, nullo ex capite nova erat, sed una cum ipsa Ecclesia stabilita fuerat, cum ea adoleverat, in omnium cordibus inhærebat.

§. XI. Aliqua tam manifesta esse, ut ne contumaces quidem ea negare audeant, falso Bossuetius putat, indeque hinc consensum, de quo nunc agimus, nullo negotio exploratum unicuique esse posse, non minus falso colligit (1).

Illud ergo primum a Bossuetio quaerimus, qua ratione sibi persuadere potuerit, quædam tam clara, tanque manifesta esse, ut ea ne contumaces quidem negare audeant: quandoquidem nonne ab hæreticis id quoque pervicaci obstinatione negatum novimus, quod in Dei verbo apertissime traditum habemus? Quænam sint dogmata Protestantium ipse sanctorum omnium maxime novit: varios quoque, multiplicesque errores Socinianorum perspectos habuit. Quid vero non evidentissimum, non apertissime traditum in Divino verbo vel scripto, vel tradito isti non negarunt? Quapropter si consensionem de qua nunc agimus, facile perspectam esse inde velit, sicuti revera vult, quia aliqua tam manifesta sunt, ut ea ne contumaces quidem negare audeant, incerto se fundamento niti, ipse quoque fateatur oportet. At vero anne omnia, quæ ad Catholicam fidem spectant, eandem perspicuitatem habent, aut eodem modo manifesta sunt? "Sed & id postremo considerandum (inquit Melchior Canus lib. 6. *De Locis Theologicis* cap. 8.) est enim res magna, & diligenti contemplatione dignissima, non illud modo ad Catholicam doctrinam pertinere, quod Apostolis expresse revelatum est,

„ VC=

(1) Vide §. 1. hujus cap.

„ verum hoc etiam, quod ex altera propositione revelata, &
 „ altera certa in lumine naturali, syllogismo, collectioneque
 „ evidenti conficitur. Christum Dominum habere voluntates
 „ duas, duosque intellectus, utriusque item actiones, &
 „ creatam, & increatam, aut Christum etiam ridere suapte
 „ natura, ut homines ceteros, posse, in sacris forte Litteris
 „ non habetur expressum. Sed quoniam traditum in illis est,
 „ Filium Dei esse hominem, & naturali ratione constat omnem
 „ hominem habere voluntatem, intellectumque creatum,
 „ operationesque utriusque potentiae etiam creatas, omnem
 „ item hominem ut flere, ita ridere quoque posse: qui utrum
 „ quodlibet eorum negaverit, is hæreticus judicabitur: pro-
 „ pterea quod negando consequens, scilicet Filium Dei ha-
 „ bere intellectum, intellectumque creatam, negat pro-
 „ inde antecedens, ex quo illud colligebatur, hoc est, Fi-
 „ lium Dei esse hominem“. Ita Canus, qui hoc loci alia duo
 „ exempla in eandem rem affert, & præter ea alia quoque plu-
 „ ra afferri possent. Anne hæc etiam ita manifesta esse Bossue-
 „ tius contendit, ut ea ne contumaces quidem negare audeant,
 „ si ipsa experientia compertum habemus, illa quoque ab hu-
 „ jusmodi hominibus negata fuisse, quæ ita evidenter in Divino
 „ verbo tradita recepimus, ut ipsum animum legentis statim fe-
 „ riant, & in certam Catholicorum dogmatum cognitionem addu-
 „ cant? Et sane qua tandem de causa a Patribus, dum simul in
 „ Concilio congregati forent, tam diligenter perpensum fuit,
 „ quid ex Divino verbo consequeretur, quid vero non conseque-
 „ retur, si quæ ad fidem Catholicam spectant, ab omnibus sum-
 „ ma facilitate intelligi possent, & ne pervicaces quidem nega-
 „ re auderent? Spectant ergo ad fidem Catholicam etiam quæ
 „ non sunt tam clara, atque manifesta, & hoc etiam Bossuetius
 „ concedit, quum dicat, *quædam* tam clara, atque manifesta
 „ esse, ut ea ne contumaces quidem negare audeant. Si igitur
 „ ipse contendit, quamvis falso, sicuti ostendimus, omnium
 „ consensionem perspectam esse quoad aliqua, quæ sunt clara,
 „ atque manifesta, quoad alia, quæ non sunt clara, & manife-
 „ sta, idem contendere non potest. At hæc quoque ad fidem
 „ Catho-

Catholicam spectant, & super ea etiam, immo præcipue, Summorum Pontificum definitiones cadunt: de his ergo Bossuetius consensum omnium manifestum esse nullo modo præsumere potest, sicut de aliis claris, atque manifestis præsumit. Eorum igitur communem consensum ut quispiam assequatur, quamvis eum aliunde id in se habere supponamus, quod ad rem tantam requiritur, eas difficultates superare debet, quas Bossuetio objectas fuisse legimus (1). Aliqua ergo tam manifesta esse, ut ne contumaces quidem ea negare audeant, falso Bossuetius putat, indeque hunc consensum, de quo nunc agimus, nullo negotio unicuique exploratum esse posse, non minus falso colligit. Ultimam ergo certitudinem fidei dogmatum a Summo Pontifice definitorum ab eo principio repetit, quod omnibus plerumque ignotum esse debet, ab aliquibus autem, immo paucissimis, non sine maxima, gravissimaque difficultate, & nonnisi post longum tempus, investigari potest.

§. XII. Bossuetius & contra se facit, & difficultatem non effugit, dum emollire contendit, quod de suo illo consensu ad infallibilitatem dogmatum a Summo Pontifice semel definitorum requisito tradiderat.

Dicit ergo Bossuetius (2), quamdam in Ecclesia vocem esse, "Quæ quocumque locorum diffunditur, quam etiam, ante omnem dictam sententiam Catholici audiunt, Novatores contremiscunt". In hoc ei non repugnamus, dum tamen hujus nomine vocis unitas illa fidei intelligatur, quam omnes cum Supremo Ecclesiæ capite conjunguntur, quum Primatus auctoritatis, & jurisdictionis ad fidei unitatem tuendam sit institutus (3). Prosequitur Bossuetius: "Quanto magis (hoc est, Catholici audiunt, Novatores contremiscunt) quum prolatum judicium ab altissima Petri sede ad omnes perlabitur Ecclesias"? Igitur, ipso sentiente, si omnes Fideles audiunt, omnes hæretici contremiscunt Ecclesiæ vocem, etiamsi nullum judicium prolatum fuerit, longe potiori jure & omnes Fideles audire, & omnes hæretici eandem vo-

cem

(1) Cit. §. (2) Cit. §. (3) Lib. 18. cap. 2. §. 9.

cem contremiscere debent, quando ab altissima Petri sede judicium prolatum habeatur. Fidelium ergo omnino est audire, hæreticorum autem timere judicium ab altissima Petri sede prolatum. Verum hoc & nos quoque profitemur, atque propugnamus. Si autem Fidelium omnino sit audire judicium ab altissima Petri sede prolatum; eorum amplius esse non poterit, sua consensione ultimam firmitatem hujusmodi judicio tribuere. Verumtamen Bossuetius ultra pergit, & *desinant* inquit *sibi*, & *nobis illudere*: consensus iste, qui requiritur, tunc habetur, quando nullus reclamatur, & omnes ipsa *vi traditionis in corpus Ecclesia coalescunt*, atque ita omnes difficultates se dissipasse putat, quæ ad illum consensum investigandum subeundæ forent. At si qui revèra sunt Fideles Ecclesiæ vocem, etiam nullo prolato judicio, audiunt, si potiori jure audiunt, quando judicium ab altissima Petri Sede prolatum fuerit; eorum esse non debet, neque potest, reclamare, ac propterea etiam juxta principia Bossuetii si non reclamaverint, illi judicio, quod ab altissima Petri Sede prolatum fuerit, infallibilitas non accrescet. Nam si reclamaverint; suo Capiti, & quidem Supremo, rebelles extiterunt: si autem non reclamaverint; prælitere, quod debebant. Quid deinde? Anne fortasse, licet consensum omnium in eo ponamus, quod nullus reclamaverit, sunt inde sublatae difficultates, quæ ad investigandum hujusmodi consensum superari debent. Profecto semel ac inquirendum sit, utrum omnes in re aliqua non dissenserint, sive non reclamaverint, quæ novo, recentique judicio definita sint, eadem profecto difficultates superari debent, ac si consensus omnium, sive singularis approbatio in rem illam investiganda foret, uti nemo non videt. Bossuetius igitur & contra se facit, & difficultatem non effugit, dum emollire contendit, quod de suo illo consensu ad infallibilitatem dogmatum a Summo Pontifice semel definitorum requisito traderat.

§. XIII. Difficultatibus locus non præcluditur, si satis esse dicatur, ut hic consensus, de quo nunc agimus, sit antecedens, vel consequens, vel subsequens.

Nata-

Natalis ab Alexandro *in Hist. Ecclesiast.* 7. seculi Differ. 2. Proposit. 2. dum explicat sententiam Sacræ Parisiensis Facultatis, requirentis consensum Ecclesiæ ad infallibilitatem Pontificiorum judiciorum, satis esse tradit, ut hujusmodi consensus sit vel antecedens, vel concomitans, vel subsequens : „ Potissimum signum (inquit) quo innotescit Fidelibus acquiescendum esse, & firmiter inhærendum judicio a Romanis Pontificibus de controversiis fidei in Ecclesia emergentibus, est Ecclesiæ consensus, vel antecedens, vel concomitans, vel subsequens. Antecedens, quum variis Conciliis nationalibus eliquatam veritatem Romanus Pontifex universæ Ecclesiæ ut dogma Catholicum credendum proponit ... Concomitans adest, quum Romanus Pontifex Concilio Œcumenico, ut caput membræ, per se præsidens controversias fidei judicat, & finit, sacro approbante Concilio ... subsequens demum Ecclesiæ consensus est, quum Romanus Pontifex de fidei quæstione judicat, & suam deinde sententiam mittit ad Œcumenicam Synodum per Legatos, qui ipsius nomine sacro totius Ecclesiæ conventui præsent; vel absque universali Synodo, quam necessariam tunc non judicat, ad orbis universi Episcopos. Si enim Episcoporum major, aut sanior pars (sanior autem est, quæ Ecclesiæ Romanæ ceterarum matri, & magistræ, & Summo Pontifici Christianorum omnium Patri, & Doctori fidei depositum tuenti adheret) illius definitionem, ac sententiam, ut ore S. Petri prolatam receperit, dubium esse debet nemini Catholice sentienti, quin Romanus Pontifex in ea ferenda fidei regulas sequutus sit, quum errare non possit Ecclesia, quæ est columna, & firmamentum veritatis “.

Consensum antecedentem primo expendamus. Accessione profecto consensus Ecclesiæ, non illius, aut istius singularis, puta Gallicanæ, aut Hispanicæ, sed universalis, Adversarii nostri fieri autumant, ut judicia de fide a Summo Pontifice edita ultimum robur acquirant, atque infallibilia evadant. Universæ enim Ecclesiæ divinitus promissum habemus, nunquam futurum, ut a recta fide deficiat, non vero singularibus,

quarum multas ab ea revera defecisse, utinam non nossemus. Hoc semel constituto, quod certum est apud omnes, ita nunc ego. Consensus antecedens tunc habetur, quando Summus Pontifex veritatem eliquatam in pluribus Conciliis nationalibus uti dogma Catholicum universæ Ecclesiæ credendum proponit: hæc autem nationalia Concilia universam Ecclesiam profecto non repræsentant, eorumque consensione de universæ Ecclesiæ consensione non constat: quæ igitur consensione illorum firmata fuerint, universæ Ecclesiæ consensione firmata esse, dici non potest. At vero communis universæ Ecclesiæ consensus ille sane est, quo fit, etiam Adversariis nostris fatentibus, ut judicia de fide a Summo Pontifice edita ultimū robur acquirant, & infallibilia evadant: consensus ergo antecedens talis non est, ut ab eo illud præstari possit, quod Adversarii nostri volunt, ac propterea dum eum requirunt ad ultimam firmitatem judiciorum a Summo Pontifice de fide editorum, quam falsum sit, quod tuentur, ipsi per se produnt.

Deinde ad ultimam firmitatem conciliandam hujusmodi judicii Ecclesiæ consensum profecto requirunt: oportet igitur, ut in hujusmodi consensu id auctoritatis inhæreat, quod in Summo Pontifice non inhæret, etiam dum fidei judicia profert. Hæc enim judicia si consensu antecedenti destituantur, infallibilia non sunt: infallibilia autem evadunt, si illum habeant. Quum ergo huic consensui tunc sit locus, quando veritas in variis Conciliis nationalibus eliquata fuerit, inde necessario consequitur, in nationalibus Conciliis plus auctoritatis, & quidem habita ratione rei omnium gravissimæ, quæ universam Ecclesiam attingit, inesse, quam in Supremo totius Ecclesiæ capite. Id autem nunquam etiam in Adversariorum nostrorum mentem venit, aut in alicujus, qui Supremum caput in Ecclesia agnoscat, atque revereatur, aliquando venire posse arbitror.

Tandem ex nationalibus Conciliis in se spectatis, hoc est, si Romani Pontificis auctoritate confirmata non fuerint, probabile quidem argumentum accipitur ad suadenda dogmata fidei, non tamen omnino certum, atque infallibile:

le (1) : & dum eorum de fide decreta a Summo Pontifice , aut ab universæ Ecclesiæ auctoritate confirmantur , certam firmitatem acquirunt . Quomodo ergo fieri poterit ; ut quia veritas in iisdem eliquata fuerit , illud ultimum robur acquirat , quod aliunde ex Summi Pontificis auctoritate non haberet ? Alia in rem istam superaddere possemus ; verum hæc sufficere arbitramur .

Consensus concomitans plura sæpissime impediunt , ne habeatur , ex eo quod sine Concilio Œcumenico nobis de illo compertum esse non possit . Œcumenicorum Conciliorum conventus ut habeatur , quam graves sæpe difficultates impediunt , sicuti nemo non novit . Inde vero est , ut ab exordio Christianæ reipublicæ ad hæc usque tempora non multi habiti fuerint huiusmodi conventus , & si haberi voluissent , non potuissent . Aliunde etiam non postulat Ecclesiæ necessitas . ne frequentius habeantur ; alioquin hoc necessario adiumento Ecclesiæ per plura secula destituta fuisset . Semper autem contra rectam fidem novi errores insurgunt , opinionum portentia disseminantur , uti divinitus traditum defenditur , quod sacræ Traditioni adversatur , & quandoque etiam inter eos , qui religionem Catholicam ex animo profitentur , graves quæstiones exardescunt , quæ tangunt dogmata fidei , quemadmodum ipsa experientia omnium seculorum compertum habemus . Semel ac autem concomitans consensus Ecclesiæ in Œcumenico Concilio manifestatus necessario requiratur , ut sit infallibilis auctoritatis , quod Summus Pontifex , prout utilitas , immo necessitas Ecclesiæ exigebat , contra , vel secundum rectam fidem esse definierit , atque omnibus indixerit ; nemo inde consequi non videt , futurum esse , ut qui in fidei errore versantur , eo usque infallibili auctoritate se victos non esse , prætereundum possint , quo aliquod Œcumenicum Concilium habeatur , in quo Ecclesiæ consensus manifestus fiat . Interim ergo quamvis gravissima , non tamen infallibili auctoritate damnati , de suo errore non omnino convicti , deque contraria veritate non omnino persuasi remanebunt , ac propterea in errore ,

R r r 2

quem

(1) Vide Melchiorem Canum *De Locis Theolog.* lib. 5. cap. 4. concl. 6.

quem semel propugnandum susceperunt, persistere quodammodo posse sibi videbuntur. Eo vel maxime, quia infallibilis iudicii auctoritate proponantur oportet, quæ ad fidem spectant; alioquin quæ fidei sunt, quoad sui certitudinem cum aliis sane multis comparari possent, quæ nullo modo fidem attingunt. Deinde nonne est Summus Pontifex Suprema legislativa auctoritate præditus, quæ ea vel maxime, atque præcipue attingit, quæ fidei sunt (1)? Nonne ejus Supremæ legislativæ potestati sese subjecisse novimus Præsules Ecclesiarum simul unitos in cœtibus, omnium, qui dari possint, præstantissimis, atque celeberrimis (2)? Nonne regimen Summi Pontificis absolute Monarchicum est, quod nullam contemperationem patitur, quæ ab Aristocratia proficiscatur (3)? Nonne Summo Pontifici tribui jus veræ, & propriæ dictæ confirmationis in ea debet, quæ in Conciliis Œcumenicis decreta fuerint (4)? Nonne hoc de jure ex ipsis Conciliis Œcumenicis perspectum habemus (5)? Nihil autem magis his omnibus adversari potest, quam consensus ille concomitans, qui ab Adversario nostro ad infallibilitatem Pontificiorum de fide iudiciorum requiritur. Unde non erat sane, cur ipse Patres Aurelianensis V. Concilii celebraret, quia in primo Canone, in quo Nestorii, & Eutychetis sectatores anathematizantur, mentionem fecerint ejus iudicii, quod Sedes Apostolica protulerat, non vero commemorarint iudicium latum a Synodo Ephesina, & Chalcedonenſi, satis rati, quum de fidei dogmatibus ageretur, si suam de eis Sedes Apostolica sententiam protulisset. Nam *Hist. Ecclesiast.* seculo 7. cap. 5. art. 18. loquens de Canonibus in V. Aurelianensi Concilio editis ita habet: “ Hi præ ceteris notandi videntur. *Primus*, quo Nestorii, & Eutychetis secta cum earum auctoribus, & sectatoribus anathematizatur, secundum Sedis Apostolicæ iudicium. *Quas etiam sectas*, inquit, *Sedes Apostolica condemnat*. Hæreses illas in Synodo Ephesina, & Chalcedonenſi damnatas non ”

(1) Lib. 19. cap. 2. §. 1. & seqq. (2) Cit. loco §. 10. (3) Lib. 20. toto cap. 4. (4) Lib. 21. cap. 3. §. 17. & seqq. (5) Cit. loco §. 20. & seqq.

ignorabant Ecclesiæ Gallicanæ Patres; tamen Apostolicæ
 „ tantum Sedis in suo decreto meminerunt, rati satis esse,
 „ quum de fidei dogmatibus ageretur, si sanciretur constitu-
 „ tio, quæ Romanæ Sedis niteretur auctoritate, cui refraga-
 „ ri nullus deberet“. Adeo certum est, quod veritas aliquan-
 do assensum extorqueat etiam ab invitis.

Consensum Ecclesiæ consequentem duplici ratione in-
 notescere posse, tradit Natalis ab Alexandro: 1. quidem quan-
 do in Synodo Œcumenica confirmatur, quod jam a Summo
 Pontifice definitum fuerit: 2. quando Summus Pontifex suam
 definitionem fidei ad Episcopos mittit, atque ab eorum *majo-
 ri, aut saniori* parte probatur, quod ille definierit. Contra
 priorem rationem eæ semper difficultates recurrunt, quas ex-
 posuimus, illaque semel posita, facile consequeretur, ut Fi-
 deles, & ii quoque, qui vitam longissimam ducerent, nun-
 quam infallibili iudicio certi esse possent, utrum Summus Pon-
 tifex dum fidei definitionem tulit, fidei regulam sequutus fo-
 ret. Nam per integra secula, nemo non novit, nulla Conci-
 lia Œcumenica habita fuisse. In multis ergo, quæ ad fidem
 spectant, toto vitæ suæ tempore Fideles aliquando, saltem
 aliqua ratione, quia infallibili iudicio destituti erant, fluctuas-
 sent, & nunc quoque, sequentibusque temporibus, facile
 fluctuare possent. Esset ne inde Ecclesiæ recte provisum?

Contra alteram vero rationem idem ipse Adversarius
 noster facit, dum hujusmodi consequentem consensum expli-
 cat, quem requirit ad infallibilitatem eorum, quæ a Summo
 Pontifice definiuntur. Si Episcoporum major, aut sanior pars,
 inquit ille, definitionem, aut sententiam Pontificis recepe-
 rit; tunc sane nemini Catholicorum dubitare licet, quin Ro-
 manus Pontifex, dum eam tulit, fidei regulas sequutus sit.
 Vel majoris ergo, vel sanioris partis Episcoporum est assen-
 sione contentus: semel ac ergo una ex duabus hisce assensio-
 nibus habeatur, vel majoris partis, licet non sanioris, vel sa-
 nioris partis, quamvis non majoris. tunc sane perspectum est,
 Summum Pontificem in suis definitionibus fidei regulas se-
 quutum esse: admittit ergo etiam consensione partis, licet
 major.

majoris, non tamen sanioris, fieri, ut infallibile robur Pontificiis decretis accedat: igitur minus sani, dum sint numero plures, id infallibiliter firmare poterunt, quod ad Ecclesiæ universalis fidem spectat. Anne hoc in alicujus mentem venire potest? Et re quidem vera neque etiam in Adversarii nostri mentem venit, quamvis omnino ex illa disjunctione consequatur, quam inter utramque consensionem ipse posuit. Nam eò, & recte quidem, sentiente, est sane pars illa sanior, » Quæ Ecclesiæ Romanæ, ceterarum matri, & magistræ, & » Summo Pontifici Christianorum omnium Patri, & Doctori » fidei depositum tuenti, adhæret. Pars ergo non sanior, licet major, a Romana Ecclesia ceterarum matre, & magistræ, atque a Summo Pontifice Christianorum omnium Patre, & Doctore, averſa erit. Nisi ergo Adversarius noster velit: quod tamen se velle nunquam præſetulit, immo contrarium semper omnino tueretur; judicio eorum, qui averſi sunt ab Ecclesia Romana ceterarum matre, ac magistræ, atque a Romano Pontifice Christianorum omnium Patre, & Doctore, fidei depositum tuente, id fieri, ut infallibile robur editis a Summo Pontifice definitionibus superaddatur; necessario consequitur, & quidem etiam juxta principia illius, consensum consequentem, majoris tantum partis habita ratione, ab eo quoque rejici oportere, uti omnino contrarium illi fini, propter quem posuit.

De consensu saniorum nunc videamus. Sunt ergo illi saniores, etiam Adversario nostro, & recte quidem, definiente, qui Romanæ Ecclesiæ, ceterarum matri, & magistræ, ac Summo Pontifici Christianorum omnium Patri, & Doctori, fidei depositum tuenti, adhærent. Adhæſio ergo illa, qua Romanæ Ecclesiæ ceterarum matri, & magistræ, qua Summo Pontifici Christianorum omnium Patri, & Doctori nonnulli conjunguntur, argumentum est illius majoris sanitatis, quæ in una parte præ altera sit, ita ut pars hæc altera, in qua hujusmodi adhæſio non est, dici sanior nullo modo possit. Sanitas autem, si de rebus fidei loquamur, in eo sane posita est, ut nullus error locus subesse possit: ergo si qui adhærent Romanæ Ecclesiæ ceterarum matri, & magistræ, atque Summo Pon-

tifici Christianorum omnium Patri, & Doctōri, sanitatem acquirunt super alios, sanioresque dici debent, atque revera sunt, ipsi ex hac sua adhæsione habent, ut in fide errare non possint, non vero Romanæ Ecclesiæ, Romanoque Pontifici tribuunt, ut iudicia eorum infallibilia evadant. Illos ergo dicendum est, fidei regulam fuisse sequutos, ex eo quod Romanæ Ecclesiæ, Romanoque Pontifici adhæserint, non autem Romanam Ecclesiam, Romanumque Pontificem fidei regulæ instituisse, quia eisdem illi adhæserunt. Hoc vero alterum est illud, quod Adversarius noster vult una cum aliis: vult ergo quod repugnat, & etiam omnino opponitur notioni ab ipso traditæ partis sanioris. Qui ergo consensum Ecclesiæ consequentem ad infallibilitatem Pontificiorum iudiciorum requirunt, nolentes admittunt, cum Fideles sequi regulam fidei, quando Romanæ Ecclesiæ, Romanoque Pontifici adhærent, non vero Romanum Pontificem fidei regulam sequutum esse, inde colligi debere, quia Fideles assentiuntur ejus definitionibus. Hoc autem semel posito, si non omnino tollitur, quod ad infallibilitatem Pontificiorum iudiciorum ipsi requirunt, id nunquam tolli posse arbitror.

§. XIV. Quod a nonnullis traditur de consensione requisita ad infallibilitatem eorum, quæ Summus Pontifex uti certa fide ab omnibus tenenda definierit, juri etiam politici regiminis adversatur.

Illi Supremo juri, quod in legislatore revera inest, ferendi eas leges, quas ipse ad utilitatem boni communis magis opportunas esse judicaverit (1), non solum opponitur, ut lex pendeat ab acceptatione populorum (2), sed etiam ut lex sine illa acceptatione, seu consensione, suam ultimam firmitatem, ultimumque robur non habeat. Nam id quoque si semel debetur, hoc est, pendere legem quoad sui ultimam firmitatem ab acceptatione, seu consensione populorum, inde sane consequitur, & in se non habere homines evidens testimonium, ejus obligationis, ob quam humanis legibus parere debent; & eos, qui communitati cum auctoritate, & jurisdictione sibi pro-

(1) Lib. 18, cap. 1. (2) Eodem lib. cap. 7.

propria præfunt, plenam ferendi leges non habere facultatem, ac propterea in lege ab eis condita non omnino perfectam veræ legis rationem inhærere; immo non esse secundum naturam hominum simul unitorum, ut sit inter eos, qui supremam legislativam potestatem habeat, qua ipsi regantur: quæ omnia falsa sunt, & jam refutata a nobis (1), iisque semel positis, regimen politicum omnino perverteretur. At vero Adversarii nostri suo illo consensu, quem requirunt, ut lex fidei a Summo Pontifice edita suam ultimam firmitatem, ultimumque suum robur habeat, hæc omnia conjungunt cum suprema illa potestate legislativa, quam Summus Pontifex super universam Ecclesiam obtinet (2): igitur id contendunt, quod etiam juri politici regiminis adversatur. Ad consensum autem illum prædicta omnia consequi, ita ostendimus. Summus Pontifex dum sua definitione aliquid certa fide tenendum omnibus indicit, ita indicit, ut de veritate ejus, atque omnimoda certitudine dubitandi locum nemini relinquat, sed vult, ut omnes suæ definitioni sese humiliter submittant, & eo modo recipiant, quo eam a cunctis Fidelibus, ut prorsus certam, atque omni firmitate præditam, recipiendam esse statuerit: dum ergo Adversarii ponunt ad infallibilitatem eorum, quæ Summus Pontifex ad fidem spectantia definierit, Fidelium consensum requiri, hæc simul ponunt: & non habere homines in se evidens testimonium ejus obligationis, propter quam humanis legibus parere debeant: & Summum Pontificem, qui universæ Ecclesiæ cum auctoritate, & jurisdictione sibi propria præest, plenam sancienti leges facultatem non habere, quia suum illæ ultimum complementum a consensione Fidelium in hæc suppositione recipere, ac propterea legem ab eo conditam non omnem veræ legis habere rationem: immo secundum naturam hominum simul unitorum non esse, ut sit inter eos, qui Supremam legislativam potestatem habeat, a qua ipsi omnino regantur.

Hæc

(1) Lib. 16. cap. 3. §. 1. & seq. lib. 1. cap. 3. §. 2. & seq. lib. 16. cap. 1. §. 1. & seq. (2) Lib. 18. cap. 2. §. 1. & seq. lib. 19. cap. 3. §. 1. & seqq.

Hæc vero omnia consequuntur, quivis tandem Adversariorum nostrorum explicandi modus recipiatur. Nam si cum Petro de Marca quispiam velit, de consensione Ecclesiæ constare debere vel ex subscriptione Episcoporum Provincialium, vel ex Concilio Œcumenico; tunc sane vel de Episcopis Provincialibus divisim acceptis, vel de Episcopis in Concilio Œcumenico simul unitis, dicendum erit, quod modo animadvertimus, indeque fiet, ut nobilior Fidelium cœtus erga Supremum universæ Ecclesiæ legislatorem sese habere non debeat, prout ipsa Suprema potestas legislativa postulat. Si autem Bossuetius audiatur, dicaturque firmum, & ineluctabile robur conciliari judiciis Pontificiis, quando in sententia illius recognoscunt omnes fidei suæ sensum; tunc Supremo Ecclesiæ capiti ferenti leges pro omnibus Fidelibus, possent omnes Fideles ea, qua supra innuimus ratione, obsistere, indeque fieret, ut quod pastori debetur, ovibus, & agnis supra pastorem tribueretur (1). Tandem quum juxta sententiam Natalis ab Alexandro de consensu antecedente constet ex variis Conciliis Nationalibus, in quibus illa veritas eliquata fuerit, quam Summus Pontifex uti dogma Catholicum universæ Ecclesiæ credendam proponit, de concomitanti ex Concilio Œcumenico, in quo Summus Pontifex fidei controversias, eodem Concilio approbante, finit, de subsequente ex confirmatione eorum, quæ Summus Pontifex decreverit, facta vel a Concilio Œcumenico, vel ab Episcopis orbis universi, semper æque compertum est, nobiliorem cœtum Fidelium contra Supremum Legislatorem peccare in iis omnibus, quæ supra commemoravimus. Quod ergo a nonnullis traditur de consensione requisita ad infallibilitatem eorum, quæ Summus Pontifex uti certa fide ab omnibus tenenda definierit, juri etiam politici regiminis adversatur.

§. XV. Contra certum doctrinæ caput, quod ipsi quoque cum aliis omnibus tuentur, Adversarii nostri faciunt, dum ad infallibilitatem eorum, quæ Summus Pontifex certa fide tenenda definierit, consensum requirunt vel Fidelium,

Tom. III.

S s s

vel

(1) Hujus cap. §. 5.

vel Episcoporum, sive isti divisim accipiantur, sive etiam in Concilio Œcumenico simul congregati.

Doctrinæ caput, de quo nunc loquimur, istud sane est: Fideles omnes unitate fidei cum Romano Pontifice, & Romana Ecclesia conjunctos esse oportere. Hoc est, quod ab omnibus Patribus traditum habemus, atque omnium veterum communi consensione a primis usque Ecclesiæ temporibus constitutum, & firmatum, sicuti lib. 24. nos evincere conabimur, sed ii quoque tuentur, qui voluerunt, tunc infallibile robur Pontificiis de fide decretis superaccedere, ea quæ ultimam in se habere firmitatem, quando consensu illo, quem ipsi requirunt, confirmata fuerint. Dudum id luculenter ostendit Petrus Ballerinius *De Vi, ac Ratione Primatus Roman. Pont.* cap. 14. §. 1. & seqq., & eorundem testimoniis in medium allatis, effecit, ut nullus hac de re dubitandi locus superesset. Nos vero, ut brevitati consulamus, rem eandem nunc conficiemus, Petri de Marca, Bossuetii, & Natalis ab Alexandro, quos supra refutavimus, habita tantum ratione, deinde vero, quod modo contra eos volumus, colligemus. Petrus itaque de Marca *De Concordia Sacerdotii, & Imperii* lib. 2. cap. 2. num. 2. unitatem communionis cum Romana Sede omnibus adeo necessariam esse affirmat, ut “ Nulli licuerit, nec ipsis etiam Apostolis, Episcopatum tenere alienum a communione, & consortio unitatis, quæ viget in Cathedra Petri “. Numero autem 6. una cum unitate communionis jungendam quoque esse fidei unitatem, hisce verbis tradit: “ Commune hoc officium communionis cum Ecclesia Romana, cui impendendo cum ceteris Provinciis Gallia adstringitur, cognoverat ante omnes vetustissimus ille Lugdunensium Antistes Irenæus, qui unus scripsit, quod omnes sentiebant: *Ad Romanam Ecclesiam, inquit, propter potentiorē principalitatem necesse est omnem convenire Ecclesiam*: quasi diceret juxta sinceriores verborum illorum interpretationem, eam esse vim unitatis, quæ principatum, & originem a Petri Sede trahit, ut cum ea sentiendi necessitatem ceteris imponat “. In Dissertatione autem *De Discrimine Clericorum, & laicorum* cap. 3. num. 2. 3. 11.

14. & 21.

14. & 21. in eandem sententiam multa tradit, quæ nunc omittimus, atque hæc alia tantum exscribemus, quæ ejusdem cap. num. 24. ipse habet: Petro itaque præ ceteris Apostolis tributum affirmat, " Quod esset caput unitatis, adeoque tenerentur Apostoli particulares Ecclesias subdicere huic unitati, ut docuit Optatus, cujus specialis custodia in universa Ecclesia erat penes Petrum. Uno verbo res ista comprehendendi potest. Pares Apostoli inter se, & in Apostolatu: sed ratione habita ad unitatem Ecclesiarum servandam, Petrus eximio jure, & præcipuo erat caput unitatis, adeoque sub illo respectu erat caput Apostolorum cum eximio jure; & præcipuo ad unitatem Ecclesiarum servandam ".

Boissuetii, non secus ac Petri de Marca, tam multa sunt in hanc rem testimonia ubique sparsa in tam variis, atque multiplicibus operibus illius, ut qui omnia in medium adducere vellet, patientia lectoris procul dubio abuteretur. Nonnulla ergo tantum exscribemus. In *Expositione Doctrina Catholica*, in qua ea tradit, quæ apud omnes Orthodoxos certa esse debent, cap. 21. affirmat, Petro Primatum traditum fuisse ad tuendam, atque confirmandam unitatem fidei, inquit enim: „ Dei Filium, quum suam Ecclesiam unam esse, & supra unitatem firmiter ædificatam vellet, tuendæ, ac firmandæ unitati S. Petri Primatum instituisse, Sedemque Apostolicam „ hujus unitatis centrum, & radicem esse “. In 1. *Pastorali* epistola *De promissis Jesu Christi factis Ecclesie* contra hæreticos, qui visibilem Ecclesiam in fide deficere posse obrudunt, ex Christi promissionibus demonstraturus Ecclesiæ indefectibilitatem in doctrina fidei n. 3 2. *unitatis signum exploratissimum* constituit in *communione cum Cathedra S. Petri*, in qua sola affirmat, utens, sicut ipse ait, *SS. Patrum formulis*, quod *unitas ab omnibus servata est*. Unde inquit: *Si ergo firme adharebimus huic Cathedra, tuti erimus ex Jesu Christi promissis*. Hoc autem inde confirmat, quia Petrus prædicatione fidei constitutus fuit Ecclesiæ firmissima petra, cui omnes inniterentur, atque firmissime adhærerent. Ob Ecclesiæ vero bonum in Petro id deficere non debuisse colligit, sed in ejus Successoribus perseverare debe-

re, ac propterea inquit: *In Pontificibus subsistit Primatus, ac totius Ecclesie fundamentum*. Quid? Nonne etiam in illo Opere, in quo tenet eam sententiam, quam nos oppugnamus, confirmat ex traditione Patrum, Primatum S. Petro, & Romanis Pontificibus ad Ecclesie unitatem traditum fuisse? " Ne quid
 " (inquit *Defensionis &c.* lib. 10., alias 15., cap. 1.) tam ne-
 " cessariæ disputationi desit, placet exponere luculentius illud
 " immotum, quod in fide Petri omnis ab origine novit anti-
 " quitas. Id duplici modo a Patribus intellectum: primum,
 " ut Ecclesia Catholica in Petri fide immota consistat, tum
 " ut immotum aliquod, & invictum in Ecclesiam quoque pe-
 " culiarem Romanam, ac Sedem Apostolicam Petri fide, præ-
 " dicatione, sanguine, auctoritate, ac successione transla-
 " tum fuerit. Et quidem illud, quod a Petri fide in univer-
 " sam Ecclesiam diffundatur, SS. Patres deducunt ab illa egre-
 " gia S. Petri confessione: *Tu es Christus*, & deinde subse-
 " quuta Christi sententia: *Tu es Petrus*. Petrus enim Apосто-
 " lus jam primus Apostolorum a Christo constitutus, jam a
 " Christo *Petrus* dictus, atque his causis omnium primus ab
 " Evangelistis appellatus, quod ipse textus Evangelii prodit
 " legentibus, quum Christus quæreret; *quem me esse dicitis?*
 " omnium nomine confessionem hanc edidit (1), qua fidei
 " Christianæ summa continetur: *Tu es Christus Filius Dei vi-
 " vi*. Quæ quum Petrus dixisset, statim audivit a Christo:
 " *Tu es Petrus; & super hanc petram edificabo Ecclesiam meam*.
 " Quibus verbis Christus, qui suam maxime unam volebat
 " Ecclesiam, creavit magistratum amplissima præ ceteris po-
 " testate, ac majestate præditum, qui omnes moveret ad uni-
 " tatem maxime in fide "

Natalis ab Alexandro, ut cetera nunc prætereamus, Dis-
 fert. 4. in *Hist. Ecclesiast.* seculi 1. §. 2., in quo agit de Primatu
 auctoritatis, & jurisdictionis Romani Pontificis, num. 7. ad
 ostendendum hujusmodi Primatum auctoritatis, & jurisdic-
 tionis, Ecclesiam Romanam *ceterarum omnium Radicem, & Ma-
 tricem*

(1) Quo sensu dici possit, Petrum nomine omnium confessum fuisse, Christum esse Dei Filium, vide lib. 18. cap. 1. §. 5.

tricem esse, Romanum vero Pontificem, uti *vinculum Sacerdotalis collegii & unitatis centrum* haberi oportere, ex S. Cypriani auctoritate in epistola 42. ad Cornelium recte adstruit. Pluribus autem in locis illud quidem, & recte sane, tuerur (1), ultimum de rebus fidei iudicium spectare ad Summum Pontificem.

Nunc ergo de eo, quod ex hoc capite doctrinæ contra istos Auctores æquo jure colligi potest, immo necessario debet. Semel ac Fideles ad servandam eam unitatem, quæ principatum, & originem traxit a Sede Petri, cum eadem Sedē Petri *sentiendi necessitatem* habeant: semel ac Petrus *eximio jure*, & *precipuo* constitutus sit caput unitatis, ut in Ecclesia unitas servaretur, inde necessario consequitur, omnes cum Sede Petri sentire debere, omnesque dum in unitate Ecclesiæ persistere velint, cum capite ipsius unitatis divinitus instituto ad unitatem in Ecclesia servandam in tota suæ fidei ratione conjungi oportere. Illa duo priora vult Petrus de Marca; ergo hæc etiam alia duo; quæ ex illis necessario consequuntur, velle debet: sed hisce semel positis, repugnat, ut consensus Fidelium, sive Ecclesiæ requiratur ad conciliandam ultimam firmitatem Pontificiis de fide definitionibus; quia tunc conjunctio in fide quoad suam ultimam firmitatem non esset membrorum cum capite, sed capitis cum membris, & membra sentiendi necessitatem cum capite amplius non haberent, ac propterea caput esse divinitus institutum ad servandam unitatem amplius dici non posset: id igitur, quod Petrus de Marca de ista consensione tuerur, aperte sane facit contra illud doctrinæ caput, quo non solum apud ipsum, sed etiam apud omnes est ex ipsa traditione compertum, cunctos Fideles cum Summo Pontifice in unitate fidei conjungi debere.

Et re quidem vera, si de fidei unitate loquamur, infallibilitas potissimum attendatur oportet: nam semel ac quæ fidem tenemus, certa, & infallibili fide non teneamus, non est amplius vera nostra fides, quia fidei nulla falsitas subesse possit debet,

(1) Inter ceteras vide Dissertat. 8, in *Hist. Ecclesiast.* 11., & 12. seculi num. 21.

bet, quum veritatibus ejus assentiamur, quia a Deo revelatæ sunt (1). Verum centrum igitur unitatis fidei nostræ erit sane principium illud, ex quo nobis constat de infallibilitate credendorum. Duo igitur Bossuetius ponit, quæ simul stare nullo modo possunt, hoc est, & Dei Filium, quia suam Ecclesiam supra unitatem firmiter ædificatam volebat, ad eandem unitatem tuendam, atque firmandam Primatum instituisse, Sedemque Apostolicam esse centrum, ac radicem unitatis, & ultimum robur, ultimamque firmitatem judicia de fide a Summo Pontifice edita non ab ipso, sed a consensu omnium habere. Rursus: ultimo, atque omnino firmiter illi principio in fide nostra oportet, ut adhæreamus, ex quo habemus, quod falli non possumus: sibi ergo Bossuetius contradicit, dum vult nos tutos esse ex Jesu Christi promissionibus, si firme Petri Cathedræ adhæreamus, & simul etiam contendit, infallibilitatem credendorum non pendere a Cathedra Petri, sed a consensione Fidelium. Item: fundamentum totius Ecclesiæ, quæ profecto est infallibilis, in eo principio subsistere debet, a quo habetur infallibilitas: at juxta Bossuetium fundamentum totius Ecclesiæ propter Primatum subsistit in Summis Pontificibus: ergo dum infallibilitatem consensui omnium tribuit, non Romanis Pontificibus, sibi contradicit. Postremo immotum illud, quod in fide Petri omnis ab origine novit antiquitas, sentiente Bossuetio, & recte quidem, duplici modo intelligitur a Patribus: 1. ut Ecclesia Catholica in fide Petri *immota* consistat: 2. ut *immutum* aliquod; & *invictum* in Ecclesiam, quoque Romanam singulariter ob fidem Petri, atque successionem translaturum fuerit (2). At vero hoc immotum in fide in illo principio reponi debet, a quo habetur ultimum robur, atque ultima firmitas: hanc ergo ultimam firmitatem, ultimumque robur dum in consensu omnium reponit, contra se facit, & quidem affirmantem juxta traditionem Patrum Ecclesiam

(1) Videatur S. Thomas 2. 2. qu. 1. art. 1., & 3. (2) Vide quæ ratione Patres intelligendos esse nos exposuerimus cap. præced. §. 3., quando infallibilitatem Romanæ Ecclesiæ tribuunt. Nunc ergo tantum de eo, in quo Bossuetius sibi contradicit.

siam Catholicam in fide Petri *immutam* consistere, & *immutum* aliquod, atque *inviolatum* ob Petri fidem, & successionem in Romanam Ecclesiam translatum fuisse.

Quæ usque modo disseruimus, etiam contra Natalem ab Alexandro æque faciunt. Nam si Ecclesia Romana est ceterarum omnium *Radix, & Matrix*; si Summus Pontifex est *vinculum collegii Sacerdotalis, & centrum unitatis*; quum rami a radice, & non radix a ramis suam firmitatem habeant, & non mater a filiis, sed filii a matre sui status conditionem sortiantur, atque vinculo collegii Sacerdotalis proprio uniri debeant omnes, qui ad collegium Sacerdotale spectant, sicut etiam in centro lineæ omnes uniuntur; est sane inde consequens, omnes Ecclesias cum Romana, sicut ramos cum radice, & filios cum matre unitas esse debere, atque cunctos ad collegium Sacerdotale spectantes cum Romano Pontifice conjunctos, sicut in vinculo conjunguntur, quæ eodem colligata detinentur, & in centro lineæ. Anne hæc omnia cum eo stare possunt, quod Natalis ab Alexandro de ea ultima firmitate tradit, quæ ex consensu Provincialium Conciliorum, aut Episcoporum, vel seorsim, vel in Concilio Œcumenico ii simul uniti accipiantur, superaccedat judiciis de fide a Summo Pontifice editis? Hoc certe, quod vult ipse, si ponatur, Ecclesia Romana *Radix, & Matrix* ceterarum amplius non erit: non erit sane Summus Pontifex *vinculum Sacerdotalis collegii, & centrum unitatis*, quia si alicui unquam principio ista conveniunt, ei vel maxime, atque potissimum convenire debent, a quo ultima firmitas, ultimumque robor, ac ipsa infallibilitas proficiscitur. Ipse ergo etiam eodem modo, ac alii, ex eodem principio est contradictione implicatus.

§. XVI. Quia Summus Pontifex quam super universam Ecclesiam auctoritatem, & jurisdictionem habet, ab ipsa Ecclesia non habet, repugnat, ut judicia ejus de fide a consensione Ecclesiæ acquirant firmitatem infallibilitatis.

Ex his, quæ *Matthæi* cap. 16., *Lucæ* cap. 22., & *Joannis* cap. 21. leguntur, exque unanimi consensione Patrum tum in expositione hujusmodi locorum, tum etiam passim in aliis

corum-

eorumdem operibus, nemini non omnino perspectum esse debet, Summos Pontifices a Deo omnem illam potestatem, & jurisdictionem acceptam habere, quam supra universam Ecclesiam obtinent. De hoc doctrinæ capite fusc jam egimus in lib. 18. cap. 1., neque est, cur ad ea nunc alia superaddamus. Tantummodo ergo quod consequitur, ex illo, expendemus. Summus Pontifex, quando edit decreta fidei, omnibusque credendum indicit, quod ipse definierit, ea profecto auctoritate, atque jurisdictione utitur, quam super universam Ecclesiam a Deo recepit: quum igitur nulla auctoritas non solum dari, sed ne excogitari quidem possit, quæ suum ultimum robur, ultimamque firmitatem ei auctoritati conferat, quæ a Deo est; inde consequi nemo non videt, actum omnino esse de illo ultimo robore, deque firmitate illa ultima, quam ex consensione Ecclesiæ fidei definitionibus a Summo Pontifice editis Adversarii nostri superaddi volunt. Deinde semel ac potestas Summi Pontificis sit supra universam Ecclesiam, non vero potestas universæ Ecclesiæ sit supra Summum Pontificem, quia tunc repugnaret, ut potestas Summi Pontificis supra universam Ecclesiam foret; aliundeque firmitas infallibilitatis haberi debeat ut quid præstantissimum omnium, quod in definitionibus circa fidem dari possit; repugnat omnino, ut hæc firmitas a consensione Ecclesiæ habeatur. Verum est igitur, sicuti nos contendimus, repugnare, ut judicia de fide a Summo Pontifice edita a consensione Ecclesiæ firmitatem infallibilitatis acquirant, ex eo quod Summus Pontifex, quam super universam Ecclesiam auctoritatem, & jurisdictionem habet, ab ipso Deo habet. At etiam cum aliis sane multis, quæ nunc omitimus, Adversariorum nostrorum sententia pugnat.

§. XVII. Suprema legislativa potestas, quæ in Summo Pontifice inest, non patitur, ut ejus de fide judicia ab Ecclesiæ consensione infallibilitatem acquirant.

Supremam ergo potestatem legislativam in Summo Pontifice inesse, nostro quodam jure hic supponere possumus, quum lib. 19. cap. 3. jam evicerimus, hujusmodi potestatem legislativam illi tribui oportere, camque agnovisse etiam Patres in-

Con-

Conciliis Œcumenicis congregatos . Supremi itaque Legislatoris , semel ac non nomine tenus , sed revera omnium Supremus ille sit , ea conditio esse debet , atque potestas , ut leges , quas ipse tulerit , ab eo suam omnem firmitatem habeant . Si enim ex aliorum quoque consensione pendeat , ut ab ipso promulgatæ leges suam ultimam firmitatem acquirant ; Legislator is quidem dici poterit , Summus autem , atque Supremus nullo modo poterit . Summum namque , & Supremum in eo genere , in quo tale est , non solum quid superius sed nullo modo patitur , sed neque etiam æquale , & ejusdem conditionis , ac ipsum sit . Si ergo Summus Pontifex Supremam legislativam potestatem habet , ut ejus de fide judicia ex consensu Ecclesiæ acquirant firmitatem infallibilitatis , procul dubio repugnat . Quandoquidem tunc potissimum Summus Pontifex sua legislativa potestate utitur , quando publico judicio decernit , quid ad fidem pertineat , vel non pertineat , quodque ipse hoc judicii genere decreverit , omnibus Fidelibus certa fide tenendum indicit .

Illud etiam advertatur oportet , immunitatem ab errandi periculo quid præstantissimum eorum omnium esse , quæ in legibus humanis adinveniri , aut excogitari possint . Ob illam enim sit , ut humanæ leges Divinis quodammodo assimilentur . Quapropter semel ac ponamus Pontificia de fide judicia ex consensu Ecclesiæ acquirere immunitatem ab errandi periculo , dicendum sane erit , ex consensu Ecclesiæ Pontificiis de fide judiciis id superaccedere , quod omnium præstantissimum est . Pontificia igitur de fide judicia id potissimum , quod in se habebunt , non a Summo Pontifice Supremo Legislatore , sed ab Ecclesiæ consensione habebunt . Dum autem quod est in legislatione supremum , atque omnium potissimum alicui tribuitur , ei quoque præcipuè in legislatione partes tribui debent . Non solum ergo Summus Pontifex Supremam potestatem legislativam non haberet , si ejus de fide judicia ex consensu Ecclesiæ immunitatem a periculo errandi acquirerent , sed neque etiam æqualem cum eo principio , a quo

Tom. III.

T t t .

hujus

hujusmodi immunitas proficeretur . Suprema ergo legislativa potestas, quæ in Summo Pontifice inest, non patitur, ut ejus de fide judicia a consensione Ecclesiæ firmitatem infallibilitatis habeant.

§. XVIII. Est contra rationem regiminis perfectæ Monarchici, quale Summus Pontifex super universam Ecclesiam habet, ut ejus de fide judicia ex consensu Ecclesiæ acquirant firmitatem infallibilitatis.

Istud quoque uti certum nostro jure nos sumere possumus, hoc est, perfectæ Monarchicum illud regimen esse, quod Summus Pontifex super universam Ecclesiam habet. Id enim lib. 2. r. cap. 4. pluribus jam evicimus. Ipsi ergo Principatus vis, atque suprema auctoritas in potestate legislativa potissimum consistit, quæ propterea nemini alteri a Principe communicatur (1): quale igitur est regimen, talis quoque legislativa potestas sit oportet. At vero regimen Monarchicum, necessario exigit, ut unus tantum præsit omnibus, atque tum singuli, tum universi simul ei subjiciantur (2): igitur etiam legislativæ potestati, quæ est propria Monarchici regiminis, omnes tam seorsim, quam simul accepti, omnino subesse debent. Qui autem legibus subesse debent, iisdem firmitatem infallibilitatis suo consensu conciliare nullo modo posse debent: repugnat ergo, si ad rationem Monarchici regiminis attendatur, quale Summus Pontifex super universam Ecclesiam habet, ut ejus de fide judicia ex consensu Ecclesiæ acquirant firmitatem infallibilitatis.

§. XIX. Etiam Primatui auctoritatis, & jurisdictionis, quem Summus Pontifex super universam Ecclesiam habet, omnino opponitur, ut ejus de fide judicia firmitatem infallibilitatis ex Ecclesiæ consensione assequantur.

Primum auctoritatis, & jurisdictionis Summo Pontifici super universam Ecclesiam tribui oportere, auctoritate Divini verbi non minus scripti, quam traditi, nos supra lib. 18. cap. 1. confecimus. Eorum ergo habita ratione, quæ

Mas-

(1) Lib. 2. cap. 3. §. 3. (2) Lib. 20. cap. 3. §. 2. & seqq.

Matthæi cap. 26. v. 19. & seqq. habentur, in quibus legimus, Christum futurum promississe, ut suam Ecclesiam supra Petrum ædificaret, singulariterque claves illi daret, quibus quidquid solveretur, aut ligaretur in terris, solum, aut ligatum esset & in coelis, Supremam Præfecturam super universam Ecclesiam Petro collatam fuisse, etiam Adversariis nostris consentientibus, primo loco ostendimus, evicimusque, tam si ad litteralem sensum verborum, quam ad unanimum consensum Sanctorum Patrum attendatur, Petrum illam petram esse, supra quam Christus suam Ecclesiam ædificandam promissit (1). Ex his ergo nunc ad rem nostram ita. Diximus sæpe, semperque dicemus, si quid unquam maximum, atque potissimum in humanis legibus desiderari, vel excogitari potest, esse sane firmitatem infallibilitatis, quam illæ in se habeant. Quid enim Divinum in eis inesse, ex hoc sane consequitur. Igitur hæc firmitas, si fidei decreta nos spectemus, cum quibus tantum infallibilitas conjungi potest, & ab eo fundamento habeatur oportet, supra quod Ecclesia ædificata est, & ab ipsa Ecclesia supra fundamentum ejus nullo modo haberi potest. Quandoquidem Ecclesia est visibilis, ac propterea visibile Caput habere debet, & revera habet, a quo regatur, atque gubernetur (2). Id autem nullus Catholicorum negare potest, & revera a nemine eorum negatur. Ecclesiæ visibile caput fuit omnium primus S. Petrus: illum enim cum Suprema Præfectura auctoritatis, & potestatis Christus super suam Ecclesiam constituit, atque fundamentum posuit, supra quod sua Ecclesia extrueretur: ergo semel ac Ecclesiæ sit visibilis, visibilique capite cum Suprema auctoritate, atque jurisdictione regatur, & quidem in iis, quæ ad fidem spectant, quæ sunt potissima omnium; inde consequi nemo non fateatur oportet, dum tamen evidenti veritati repugnare nolit, ut infallibilitas decretorum ad fidem spectantium ab hoc capite repeti debeat, nullo autem modo a consensu Ecclesiæ

T t t 2

clesiæ

(1) Vide §. 2. & seqq. cit. cap., & lib., in quibus contra opinantium inanes conjecturas refutavimus. (2) Lib. 17. cap. 1. §. 1. & seqq.

clesiæ repeti possit, quatenus hæc sua consensione in infallibilitate prævaleat supra suum caput. Nam si hoc alterum quispian velit, non solum quod potissimum est ab eo capite subtraheret, quod ipsam Ecclesiam cum Suprema auctoritate, atque jurisdictione regere habet, sed etiam ei, cujus est regi, non regere, in alio, non in se, fundamentum habere, visibili capiti subesse, non vero capitis agere partes, illud tribueret, perverteretque eum totum ordinem, qui inter rectorem, atque eos, qui reguntur, necessario intercedere debet.

Alter locus, ex quo constat de Suprema Præfectura S. Petri super universam Ecclesiam, ille est, quem *Luca* cap. 22. v. 31. & seq. habemus, in quo legimus, primo Christum singulariter pro Petro orasse, ne deficeret fides illius, deinde autem ei præcepisse, ut fratres in fide confirmaret (1). Nam ne vera Ecclesiæ fides deficere posset, oportebat sane, ut caput illius, a quo cum Suprema auctoritate, & jurisdictione regenda erat, in fide firmaretur, ipsumque propterea alios omnes Fideles sine periculo erroris in fide confirmare posset, atque id efficere, illius proprium esset. Profecto si confirmatio fidei in firmitate infallibilitatis eorum, quæ ad fidem spectant, præcipue, atque potissimum non reponatur, non video certe, nec quemquam videre posse arbitror, in quo reponenda sit. Semper enim contra eum, qui repugnare vellet, illud urgeremus, firmitatem infallibilitatis omnium præstantissimum esse, quod in his legibus dari possit. Firmitas ergo hujuscemodi infallibilitatis & ab eo principio repeti debet, pro quo Christus singulariter rogavit, ne deficeret fides illius, eique præcepit, ut ceteros omnes, ne iis quidem exceptis, quibus datum erat, ut aliquo modo Ecclesiæ fundamentum essent, in fide confirmaret, & nullo modo eadem firmitas repeti potest a consensione eorum, qui confirmandi sunt. Illud vero negant, hoc autem illi volunt, qui firmitatem infallibilitatis in fidei decretis a Summo Pontifice editis ex se non inesse

(1) Lib. 18. cap. 1. §. 7.

in esse contendunt, sed ab Ecclesiæ consensione eam repetunt. Negant ergo, quod ex Lucæ verbis omnino consequitur, volunt autem, quod cum iisdem nullo modo conciliari potest. Deinde ab eo sane omnes firmitatem infallibilitatis in rebus fidei petere debent, qui singulariter in fide confirmatus fuit, atque ita quidem confirmatus, ut ipse unus alios omnes, nemine quovis modo excepto, in fide confirmaret: hic profecto unus solusque Petrus fuit: ergo Summus Pontifex, in quem verba Christi eodem modo, ac in Petrum, cadunt (1), illi unus solusque sit oportet, a quo, si de rebus fidei agamus; firmitas infallibilitatis peti debet. Ob oppositam vero rationem ea firmitas supra ipsum Summum Pontificem nullo modo ab Ecclesiæ consensione peti debet, quia tunc Fideles illum confirmarent, a quo confirmandi sunt: adeoque & ipsi, ejusdem rei habita ratione, simul confirmarent, & confirmarentur: quod, nemine non vidente, omnino repugnat.

Tandem quod sibi a Christo promissum habuit *Matthæi* 16. cap., & confirmatum *Lucæ* cap. 22., S. Petrus assequutus fuit, dum Christus, sicuti habetur *Joannis* cap. 21. tum omnes oves, tum omnes agnos ei pascendos commisit (2). Quapropter Petrus oves, atque agnos tunc pascendos recepit, sicuti ille, supra quem Ecclesia singulariter ædificanda erat, singulariterque etiam omnes fratres in fide confirmandi, quia singulariter pro fide ejus, ne unquam deficeret, Christus rogaverat, illique præceperat, ut fratres confirmaret. Pascendas ergo oves, & agnos Petrus ita recepit, ut omnium congregatio ovium, & agnorum supra ipsum, sicuti supra suum fundamentum niteretur, ut ipse esset Divina virtute in fide confirmatus, Divinoque præcepto totam congregationem ovium, & agnorum in fide confirmare deberet. Unum igitur ex hisce duobus dicamus oportet: vel Christum talem Ecclesiæ suæ pastorem præfecisse, supra quem ipsa Ecclesia, uti supra certum, firmum, & infallibile fundamentum, niti non posset; vel hujusmodi pastorem præfecisse, sicuti revera præfecit,


(1) Lib. 19. cap. 2. §. 7. (2) Lib. 13. cap. 1. §. 8. & seq.

fecit, supra quem Ecclesia, quæ est infallibilis, absque ullo errandi periculo niteretur, atque ita conditioni ipsius Ecclesiæ omnino proportionatum foret: illud a nemine dici potest hoc autem nullus non affirmare, constantissimeque tenere debet: cum igitur Pastorem universæ Ecclesiæ Christus præfecit, supra quem ipsa in tota fidei suæ ratione absque ullo periculo erroris niteretur: infallibilis ergo hujusmodi pastor sit oportet, dum pro universa Ecclesia decreta fidei edit. Rursus. Petrus oratione Christi aut assequutus fuit, ut in fide deficere non posset, aut non fuit assequutus; vel Christus illi præcepit, ut fratres, nemine excepto, in fide confirmaret, vel non præcepit: Christus sane, sicut ait Apostolus *Hebraeorum*, cap. 5. v. 7. *exauditus est pro reverentia sua*: Petrus igitur ob orationem Christi acquisivit, ut in fide deficere non posset. Qui autem contenderet, Petro Christum non præcepisse, ut fratres in fide confirmaret; is sane omnia Evangelica præcepta eodem modo negare posset. Talem ergo Christus ovibus, atque agnis pascendis pastorem præfecit, qui ipse in se haberet, dum hoc suo munere fungeretur, unde falli non posset: talis itaque universæ Ecclesiæ Supremus Pastor divinitus constitutus fuit, qui uti Pastor spectatus, ab omni errandi periculo procul abesset, dum fidei decreta ederet: ejus igitur fidei decreta semel ac edita fuerint, infallibilia sunt, & repugnat, illius supremæ curæ super universam Ecclesiam habita ratione, ut ex consensione Ecclesiæ, quam in se non habebant, infallibilitatem recipiant. Prædictis ergo tribus præcipuis Sacræ Scripturæ locis, & quidem secundum communem Traditionem Sanctorum Patrum acceptis, quibus constat de Primatu auctoritatis, & jurisdictionis, quem Summus Pontifex super universam Ecclesiam habet, omnino adversatur, quod Adversarii nostri in hac re, de qua nunc agimus, tenent, atque tuentur, ac propterea id ipsum cum Primatu auctoritatis, & jurisdictionis, quem ipsi quoque profitentur, nullo modo conciliari potest, immo illi omnino opponitur.

Et re quidem vera Primatus auctoritatis, atque jurisdi-
ctio-

tionis vel ea quoque complectitur, quæ a Fidelibus credenda sunt, vel non complectitur: si non complecti dicatur; tunc ab eo excluditur illud, quod potissimum est in Christiana religione, & in quo præcipue, sicuti experientia omnium temporum docet, regi, & gubernari Fideles quam maxime indigent. Nisi ergo velimus, esse Primatum fere inanem, atque vacuum; dicendum est ad illa quoque, & quidem potissimum, extendi, quæ fidei sunt. Est vero Ecclesia in sua fide infallibilis: ergo etiam qui Primatum auctoritatis, & jurisdictionis super eam gerit, infallibilis sit oportet. Verum hac de re satis multa.

IN-

FINIS TOMI TERTII.

INDEX

RERUM MEMORABILIU M

Quæ in hoc Tomo continentur .

- A**fricanum Concilium in causa Apiarii . 326. seq. Errore facti obfistit iurisdictionum ad Sedem Apostolicam . 327. seq. Canonis 5. Nicæni Concilii interpretatio data a Patribus Africanis . 329. seq. De canone 125. codicis Ecclesiæ Africanæ . 331. seq.
- Agapethus Papa Anthimum Sacerdotio privat . 381.
- Agatho Papa . Hujus consensu Synodus Œcumenica VI., seu Constantinopolitana III. convocata . 39. Cui ille per suos Legatos præfuit . 104. Non autem Imperator . 106.
- Anthimus ab Agapetho Papa Sacerdotio privatur . 381. Idque ratum habet Synodus Constantinopolitana sub Menna . 382.
- Antiocheni Concilii epistola ad Julium Romanum Pontificem . 237. seq. Canon 15. non attribuit supremam auctoritatem Conciliis Provincialibus . 243. seq.
- Antonius Fussalensis Episcopus ad Sedem Apostolicam appellat . 317. seq.
- Apiarius Presbyter ad Zosimum P. M. appellat , a quo communioni restituitur . 321. seq. Deinde ad Cælestinum , a quo etiam restituitur . 325. Cui illud . 334.
- Appellationum jus Summo Pontifici Eusebiani omnium primis denegarunt . 199. Acaciani deinde , alique , qui recensentur . *ibid. seq.* Appellatio quid sit ? 201. A principiis legis naturæ derivatur . *ibid.* & 365. Appellandum est ad judicem præstantem majore auctoritate . *ibid.* & 218. Alioquin pervertuntur jura rationis . 202. Multo magis ex parte judicis , si appellationem ille suscipiat . *ibidem seq.* Appellationis est duplex effectus , suspensivus , & devolutivus . 203. In appellationibus necessarium non est , ut provocetur ad proximum auctoritate judicem . *ibid.* Ad Summum Pontificem appellari potest , prætermisiss inferioribus judiciis . 204. 365.
- Appellationes institutæ in beneficium ejus , qui se gravatum sentit . 205. Ante Concilium Sardicense habitæ ad Sedem Apostolicam . *ibid. seqq.* Neque illarum initium repellendum est a collectione decretalium . 356. Appellatio Marcionis ad eandem Sedem . *ibid.* Privati Episcopi Lambesitani . 209. f. q. Fortunati Episcopi Carthaginensis . 211. f. q. Basilidis Asturicensis . 20. f. q. In causa S. Athanasii . 218. seqq.

Ap-

Appellationum canones a Concilio Sardicensi constituti. 351. seqq. Horum interpretationes a Petro de Marca traditæ refelluntur. 258. seqq. Et a Richerio, & a Van-Espen. 264. seqq. & a Balsaglio. 266. seqq.

Appellatio dicenda est, non autem Revisio causæ, quæ Romano Pontifici canonibus Sardicensibus vindicatur. 258.

Appellationes Orientalium, spectantes cum ad fidem, tum ad disciplinam, ad Sedem Apostolicam ante Trullani Concilii tempora. 275. seqq. Eustathii Episcopi Sebasteni. 276. Joannis Chrysostomi, & Theophili Alexandrii. 277. Bubalii, & Tauriani. 286. Eurychetis. *ibid.* S. Flaviani. 296. Theodoriti Cyrensis. 306.

Appellationes Occidentalium ad Sedem Apostolicam post Concilium Sardicense. 312. seqq. Cælestii. *ibid.* Antonii Fustalensis. 317. Apianii Presbyteri. 321. Celidonii. 335. Projecti. 347. Felicissimi, & Vincentii Diaconorum. 349. Hadriani Thebani Episcopi. 350. Florentii Epidaurensis. 352. Januarii Malacitani & aliorum. 353. Juri appellationum sese non opposuit Ecclesia Africana. 320. seqq. Eidem juri non opponitur Canon II. Concilii Constantinopol. 1. 361. Neque Canon IX. Conc. Chalcedonen. 362.

Appellationum jus ad Sedem Apostolicam ab ejus suprema legislativa potestate profectum. 363. Etiam a Monarchico regimine. 367. Refunditur in Primatu. *Tom. III.*

matum auctoritatis, & jurisdictionis. 369. Suum primum fundamentum habet in jure Divino. 371. Non autem in jure transfuso ab Imperatoribus. *ibid.* Febronii objectiones quoad jus appellationum derivatum a Primatu solvuntur. 372. seqq. Idem jus, etsi divinum, exerceri per alios potest, mandante Sede Apostolica. 376. Expedit tamen, ut Sedes Apostol. eo jure aliquando non utatur. *ibid.* Appellationum eandem jus in Civili quoque jure constitutum. 378. Idque constat ex rescripto Gratiani. *ibid.* Et Valentiniani III. 379. Et Justiniani. 380.

Arelatensis Ecclesia dignitate Metropolitanica privata non fuit a S. Leone. 345.

S. Athanasius calumniis Eusebianorum ab Episcopatu depositus. 219. Ab iis calumniatoribus, atque ab Athanasii defensoribus ad Julium Rom. Pont. appellatum. *ibid. seqq.* Ille Romæ strenue suam causam defendit. 222. Abolvitur, suæque sedi restituitur. 226. seqq. Auctoritate quidem ejusdem Pontif. non autem Concilii. 228. seqq.

B

Allerini laudantur. 21 L. 214. 262. 272. 294. 297. 597. & aliis in locis.

Baluzius a collectione Decretalium initium Appellationum ad Sedem Apostolicam repetens fallitur. 356.

Basilides Episc. Asturicen. ad Stephanum Rom. Pont. appellatur, ut in Episcopatum restitueretur. 216. Fraude id impetrat. 217.
Vu u Balsi-

Basilii Aug. Hadriani II. Rom. Pontif. iussu Concilium Constantinopolit. IV. convocavit.

45. Eique præfuit. 57.

Basnagius Samuel, atque Jacobus contendentes, spectare ad Principes convocacionem Conciliorum, refelluntur. 11, 17. Hosius Nicænæ Synodo præfuit.

74. S. Cyrillus Ephesinæ. 85.

Legati Sancti Leonis Chalcedonensis. 91. Jacobus Basnagius, Vigilium non fuisse vocatum ad Concilium, uti supremum Ecclesiæ caput, scribens fallitur.

100. Pugnantque, Imperatorem, ut supremum caput, præ-

fuisse Synodo VI. Oecumenicæ. 106. Tarasium Patriarcham Synodo VII. 110. alios, præter

Legatos Summi Pontificis Synodo VIII. 116. Constantinum Imp. confirmasse Synodum Nicænæ. 159. Sardicensium Canonum tradita a Basnagio interpretatione refellitur.

266. Samuel Basnagius ad S. Leonem,

non ut ad Episcopum, appellatum fuisse a Flaviano pugnant fallitur. 302. Ac Leonem eundem de Theodorito Cyrensi iudicium non tulisse. 311.

S. Bernardus docet, aliquando expedit ut Sedes Apostolica jure appellationum non utatur, earumque abusum damnat. 376.

seq. Illius de prærogativa Sedis Romanæ locus explicatur. 455.

Bertius laudatur. 400.

Billuartius laudatur. 400.

Bohemerus originem Appellationum ad Sedem Apostolicam a collectione Decretalium ducens fallitur. 359.

Bossuetius Nicænæ Synodum ab

Apostolica Sede confirmatam non fuisse falso putat. 158. Neque Ephesinam. 164. Chalcedonensem vero a S. Leone quadam assensione confirmatam fuisse. 169.

Rursum fallitur pugnant, Constantinopolitanam III. non fuisse confirmatam a Sum. Pontifice. 177. seq. Neque Nicænæ II. 182. Non indigni se Constantinopolit. IV. confirmatione Sedis Apostolicæ. 185.

Ratio confirmationis a Bossuetio tributa Summo Pontifici rejicitur. 187. seqq. Bossuetius negans infallibilitatem Romani Pontificis refellitur. 401. 407.

seq. Eamque contendens promissam Ecclesiæ tantum. 409. seq. Pervertit sensum verborum Christi ad Petrum: *Regavi pro te. Confirma fratres tuos.* 415.

seq. Sibi manifeste contradicere in eisdem explicandis. 418. seq. De tradita ab eo distinctione inter Sedem Apostolicam, & Romanum Pontificem. 431.

Sed ipse nolens eam distinctionem abstulit. 437. Minus recte sentire videtur de fide Rom. Ecclesiæ. 446. seq. Infallibilitatem tribuens Rom. Ecclesiæ, non autem Rom. Pontifici, reprehenditur. 439. seqq. Consensum Ecclesiæ requirens ad infallibilitatem Pontificiorum de fide judiciorum refellitur. 473. seqq. 507.

C

Ælestinus Papa Synodi Ephesinæ convocacionem comprobavit, suosque ad eam Legatos misit. 26. seq. In his S. Cyrillus Alexandrinus. 81.

seq. Quas ob causas post Cy-

rillum

rilum tres Legatos misit. 86.
Ejusdem Synodi acta confirma-
vit. 161. Apiarium commu-
nioni restituit. 325. Africani
Patres ad Cælestinum ea de re-
stitutione scribunt. 326.

Cælestius Ecclesiastica commu-
nitione privatus appellat ad
Zosimum P. M. 312. Dupinii
objecta solvuntur. 315.

Canonizatio Sanctorum ad fidei
definitionem referenda est. 392.

Canus Melchior multis in locis
laudatur, ac præsertim. 452.
456. 458.

Cardinales S. R. E. Horum con-
sultatio in definiendis fidei re-
bus necessaria non est Pontifici
Maximo. 464. seqq. Congruens
tamen. 469.

Carlomannus decreta Concilii Li-
pripensis non confirmavit. 136.
seq.

Carthaginensis VI. Concilii Pa-
tres juri Appellationum ad Se-
dem Apostolicam sese non op-
ponunt. 323. seqq.

Cathedra. Romanus Pontifex lo-
quitur ex Cathedra, cum judi-
cia ad fidem pertinentia pro-
mit. 387. seq. Cathedra Ro-
mana distinguenda non est a
Romano Pontifice, cum de ju-
diciis fidei agitur. 432. 453.
Ut Patres intellexerunt. 434.
Et recentiores quoque aucto-
res. 437. Idipsum constat ex
illis Patribus, quos Bossuetius
laudat. 438. seqq.

Celidonius appellat a judicio San-
cti Hilarii ad S. Leonem P. M.
335. seq.

Chalcedonensis Synodus Ecume-
nica IV., suadente S. Leone Pa-
pa, a Marciano, & Valentinia-

no Imperat. convocata. 39. seq.
Cui per Legatos S. Leo præfuit.
88. seq. Adversariorum argu-
menta soluta. 91. seqq. Eadem
Synodus confirmata a S. Leo-
ne. 167. seq.

Clerus. Quomodo ad Clerum
spectat confirmatio decretorum
Conciliorum. 150.

Childeberto Regi jus non tribu-
tum convocandi Concilia. 15.

Clotarius Rex suam deliberatio-
nem una cum Episcopis in Con-
cilio Parisiensi V. edidit. 139.

Concilia Ecumenica. Jus ea con-
vocandi est penes Romanum
Pontificem. 2. seqq. Quod sane
jus distingui debet a facto. ibid.
46. seqq. Non suo Principes ju-
re illa indixerunt. 3. seq. Quas
ob causas convocentur. 5. De
convocatione octo primorum
Conciliorum. 17. seqq. Vide
Nicanum, Constantinopolitanum,
&c. Bona ex Conciliis convo-
catis, assentientibus Romanis
Pontificibus, contra vero ma-
la. 51. seq. Vide *Confirmandi,*
& Presidendi jus.

Confirmandi jus. Confirmationis
genus quadruplex. 122. Quæ
vera sit confirmatio. 123. seq.
Jus proprie dictæ confirmatio-
nis decretorum Conciliorum
Ecumenicorum Imperatores
non habent. 125. seqq. Utile
Ecclesie est, ut ea quantum ad
executionem confirmet. 126.
seq. Et politico regimini salu-
tare. 128. Quam confirmatio-
nem ab Imperatoribus Partes
Concilii Nicæni, Constantino-
politani, &c. petierunt. 140.
seqq. Confirmatio latissimo mo-
do sumpta, sive assensio, spe-

V u u 2 stare

324. INDEX RERUM MEMORABILIUM:

Etare ad Episcopos, Clerum,
& plebem potest. [148. seq.](#)

Confirmandorum decretorum a
Patribus in Conciliis Œcumenicis editorum jus est penes
Summum Pontificem. [152. seqq.](#)

Idque ex Concilio Nicæno im-
primis perspectum est. [154. seq.](#)

Ex Chalcedonensi. [167.](#) Con-
stantinopolitana III. [174.](#) Ni-
cæna II. [181.](#) Constantinopoli-
tana IV. [183.](#) Ratio confirma-
tionis tributa a Natali Alexan-
dro, & a Bosueto Summo Pon-
tifici rejicitur. [187. seq.](#)

Constantinopolitan. Concilium I.
a Damaso Papa convocatum
non fuit. [21. seq.](#) Nihil inde
detrahitur de auctoritate Pon-
tificis Maximi in convocandis
Conciliis Œcumenicis. [24.](#) Il-
lud Concilium initio Œcumeni-
cum non fuit. *ibid.* Ex canone
II. nihil contra jus Appellatio-
num ad Sedem Apostoli. [359.](#)

Constantinopol. Concil. II. initio
Œcumenicum non fuit. [34.](#) De-
inde approbatum a Vigilio Pa-
pa. [35.](#) Atque a Pelagio. [37.](#)
Præfuisse ei Concilio Vigilius,
si adesse voluisset. [99.](#) Jacobi
Barnagii objecta solvuntur.
[100. seq.](#)

Constantinopolit. Concilium III.
Œcumenicum VI. convocatum
a Constantino Pogonato Imp.
consentiente Pontifice Max. [39.](#)
Cui is, scilicet Agatho, per
suos Legatos præfuit. [104. seq.](#)
Non autem Imperator. [106.](#)
seq. Illius acta Leo II. P.M. con-
firmavit. [175.](#)

Constantinopolit. Concilium IV.,
Œcumenicum VIII., jussu Ha-
driani II. Rom. Pontificis, &

Basilio Aug. convocatum. [45.](#)
Cui ille per suos Legatos præ-
fuit. [112. seqq.](#) Ejusque acta
confirmavit. [183.](#)

Constantinopolitana Synodus sub
Menna confirmata ab Impera-
tore non fuit. [137. seq.](#)

Constantinus Imp. suo jure Nicæ-
nam Synod. non convocavit.
[17. seqq.](#) Aliquanto plus, quam
laico Principi conveniret, sibi
in negotiis Ecclesiasticis vindicavit.

[18.](#) Cur Constantino ea
convocatio tribuatur? [19. seq.](#)
Is Imperator laudatæ Synodo
præfuit prærogativa dignitatis,
non autem potestatis. [55. 61.](#)

Non confirmavit Nicæne Syn-
odi decreta. [159.](#)

Constantinus Pogonatus Imper.
convocavit Concilium Œcu-
menicum VI., consentiente
Pontifice Max. [39.](#) Sese non ha-
buit instar supremi moderato-
ris, ut vult Jacobus Barnagius.

[41.](#) Eidem Concilio præfuit
prærogativa dignitatis, non
autem potestatis. [56. 106. seq.](#)

Constantinus, & Irenæ Conci-
lium Nicænum II., consentien-
te Romano Pontifice, convoca-
runt. [43.](#) Eique præfuerunt,
non ut suffragium ferrent. [57.](#)

Consultatio præhabita a Pontifice
Maximo in rebus fidei non est
necesse, ut sit consensionis, ad-
hæensionis, & approbationis.

[463. 470.](#) Neque ulla cum Ec-
clesia Romana, vel cum S.R.E.
Cardinalibus necessaria est, ut
ut voluit Serryus. [464. seq.](#)

Consultatores. Pontifici Maximo
desinienti in rebus fidei non
autem Consultoribus tribuen-
da est infallibilitas. [460.](#) Quos
vult

- vult Pontifex consulit. [462.](#)
 Convocatio Conciliorum pertinet ad Romanum Pontificem, [2. seqq.](#) Vide *Concilium*.
 S. Cornelius Rom. Pont. suis ad S. Cyprianum epistolis conqueritur, se ab eo non fuisse factum de causa Fortunati certiorum &c. [212.](#) Ex iis colligitur ad eum spectasse ejusdem causae cognitionem. *ibid.*
 S. Cyprianus. Hujus ex epistolis ad Cornelium, & Stephanum Romanos Pontifices colligitur, judicia Ecclesiastica provinciae cujusque non fuisse supremae auctoritatis, cum in causa Fortunati. [211. seq.](#) Tum Basilidis. [216. seq.](#) Usurpatorias appellationes damnat. [377.](#)
 S. Cyrillus Alexandrinus Caelestini Papae Legatus in Synodo Ephesina. [81. seq.](#) Contra pugnant Basnagii, quorum argumenta solvuntur. [85. seq.](#) Accusatus apud Theodosium Imp. [87.](#) Post adventum aliorum Legatorum non desit praesse Synodo. *ibid.* [163.](#)

D

- Damasus Papa Constantinopolit. Concilium non convocavit. [22. seq.](#) Nihil inde illius de auctoritate Conciliorum Oecumenicorum convocandorum detractum. [24.](#)
 Decreta Conciliorum. Vide *Conferendi jus*.
 Decretales. A tempore collectionis illarum non est repetendum initium Appellationum ad Sedem Apostolicam. [356.](#)
 Dexteram prae laeva dignior. [77.](#)
 Dionysius Exiguus quare canones Sardicenses Latine edidit. [272. seq.](#)

- Disciplinae canones obligandi vim a Principum confirmatione non sumunt. [139.](#)
 Dogmatica facta ad fidei definitiones pertinent. [292. seqq.](#)
 Dubois Nicolaus publica instrumenta &c. ad consensum Ecclesiae dignoscendum, requirens, a Bossuetio contemnitur. [474.](#)
 Dupinius pugnans, S. Athanasium fuisse absolutum, suaeque sedi restitutum, Concilii auctoritate, non autem Julii Rom. Pont., refellitur. [228. seq.](#) Ejusdem de appellatione S. Joannis Chrysostomi opinio. [283.](#) Ac S. Flaviani. [302.](#) Et Caelestii. [315.](#) De canone II. Concilii Constantinopolitani [I. 360.](#)

E

- Ecclesiae consensus ad infallibilitatem Pontificiorum de fide judiciorum a Petro de Marca, & a Bossuetio requisitus. [472. seqq.](#) Quem ille consensum in subscriptione Episcoporum vel in Oecumenica Synodo collocat. [473.](#) Is vero ait, tunc constare Ecclesiae consensum, quum nemo contra decreta Pontificia reclamaret, sed iis vi traditionis assentiret. *ibid. seq.* Irridetque Nicolaum Dubois aliosque publica ad eandem infallibilitatem instrumenta requirentes. [474.](#) Petri de Marca opinio refellitur. [475. seqq.](#) Et Bossuetii. [482. seqq.](#) Difficultates in pervestigando consensu. [487.](#) Ratio, quam sequutus fuit Sanctus Irenaeus in iis, quae ad infallibilitatem pertinent. [490.](#) Rejicitur consensus antecedens vel concomitans, vel

vel subsequens, quem Natalis Alexander *posuit*. [496. seq.](#) Consensus requisitus adversatur juri politici regimini. [503. seq.](#) Et huic certo doctrinæ capiti: Fideles omnes unitate fidei cum Romano Pontifice, & Romana Ecclesia conjunctos esse oportere. [506. seq.](#) Et auctoritati, & jurisdictioni, quam Summus Pontifex habet super universam Ecclesiam. [511.](#) Et supremæ ejus legislativæ potestati. [512.](#) Et regimini perfectæ Monarchico. [514.](#) Et Primatui auctoritatis, & jurisdictionis. *ibid. seq.*

Ecclesiæ infallibilitas non opponitur infallibilitati Petri. [429.](#) Summiq; Pontificis. [430.](#) Vide *Romanus Pontifex*, *Petrus*, *Romana Ecclesia*.

Ephefinum Concilium Œcumenicum III. convocatum a Theodosio Imp., annuente atq; poscente Cælestino Rom. Pontifice. [25. seq.](#) Eique idem Cælestinus per suos Legatos præfuit. [81. seqq.](#) Contraria Basnagiorum argumenta soluta. [85. seq.](#) A Cælestino Summo Pontifice confirmatum. [161.](#) Rejicitur Bossuetii hac de confirmatione opinio. [164.](#)

Ephefinum latrocinium Synodus Ephefina II. appellata. [28.](#) Damnatum a S. Leone. [298.](#)

Episcopi jus in aliorum diocesis non habent, ex canone II. Concilii Constantinopolitani [I. 361.](#)

Eusebiani calumniis S. Arhanasium ab Episcopatu deponunt. [219.](#) Romam a Julio P. M. vocati. [222.](#) Atque damnati. [226. seq.](#)

Conventiculum celebrant, illumq; Sardicense Concilium vocant. [233.](#) *Scribunt* ad Julium Romanum Pontificem. [236.](#) Varil eorum conatus contra Athanasium. [237.](#) Canones Concilii Sardicensis contra eodem. [251. seqq.](#)

Eustathius Sebastenus. Hujus ad Sedem Apostolicam appellatio. [276.](#)

Eustathius non fuit Synodi Nicænæ præses. [76. seq.](#) Etsi in dextera parte primum locum obtineret. [77.](#)

Eutyches ad S. Leonem appellat. [286.](#) Eorum, qui appellasse negant, argumenta solvuntur. [290.](#)

F

Febonius Justinus. Hujus opinio de jure Imperatorum convocandi Concilia Œcumenica, refellitur. [6. seq.](#) [17. seq.](#) [24.](#) De appellatione S. Joannis Chrysostomi ad Sedem Apostolicam. [283. seq.](#) De exordio Appellationum repetendo a collectione Decretalium. [356.](#) Argumenta contra jus Appellationum ex Primatu derivatum. [372.](#) Falso nititur legi Justiniani. [380.](#) Febronii infallibilitati Sum. Pontificis contraria opinio. [425. 429.](#)

Feliciſſimus, & Vincentius Diaconi ad judicium S. Gregorii Magni appellant. [349.](#)

Fideles conjungi debent unitate fidei cum Rom. Ecclesia, Romanoque Pontifice. [506.](#)

Fides Ecclesiæ Catholicæ etiam iis verbis: *Non deficiet fides tua*, quæ ad Petri fidem pertinet, significatur. [421.](#) Ad fidei definitiones referri debet doctrina

morum . 390. Non autem iudicia , quæ respiciunt privatas personas , & facta particularia . 391. Sed facta dogmarica . 392. Quorum multa numerantur . *ibid. seq.* Vide *Rom. Pontifex , Rom. Ecclesia .*

S. Flavianus Eurychetem damnat , atque ad S. Leonem de eodem scribit . 186. *seq.* Ad eundem S. Leonem appellat a sententia depositionis a Dioscoro contra se lata . 296. De Flaviani causa epistola S. Leonis . 299. S. Flavianus non appellavit ad Synodum Œcumenicam . 302. Neque illius causa devoluta fuit ad omnes Episcopos Occidentis . 303.

Florentius Episc. Epidaurum appellat ad Sedem Apostolicam . 351.

Fortunatus Episcopus Carthaginensis . ad S. Cornelium Roman. Pontif. appellat . 213.

Francfordiense Concilium non opponitur juri appellationis ad Sedem Apostolicam . 374.

G

Gallicanarum Ecclesiarum appellationes ad Sedem Apostolicam in causa Celidonii . 315. *seq.* In causa Projecti . 347. *seq.*

Gallicani Patres suæ fidei sensum in epistola S. Leonis se agnovisse testantur . 484.

Galliarum Concilia etsi convocata fuerint a Regibus , inde tamen non sequitur , penes Reges jus fuisse illorum convocandorum . 13. *seq.* Ab his non fuerunt confirmata . 135.

Gratiani ex Rescripto jus constat Appellationum ad Sedem Apostolicam . 378.

Gratianus quare in Conciliis Œcumenicis Sardicense non recensetur . 273.

S. Gregorius Magnus . Illius epistola ad Brunichildem non probat , Reges habuisse jus convocandi Concilia . 15. Nemo peritior Gregorio jurium Sedis Apostol. quoad appellationes . 348. Recipit ille appellationes Felicissimi , & Vincentii Diaconorum . 349. Hadriani Episc. 350. Florentii Episc. 352. Januarii Malacitani , & aliorum . 353.

Gregorius II. Pont. Max. non assentitur Leoni Isauro petenti , ut Concilium Œcumenicum celebretur . 49. *seq.*

H

Hadrianus I. P. Max. præfuit Concilio Nicæno II. per suos Legatos . 109. Illudque confirmavit . 181.

Hadrianus II. P. M. per suos legatos præfuit Synodo Œcumenicæ VIII. 112. *seq.* Illiusque acta confirmavit . 183.

Hadrianus Episc. Thebarum appellavit ad S. Gregorium Magnum . 350.

S. Hilarius Arelatensis Episcopus damnat Celidonium . 335. *seq.* Acquivit decreto S. Leonis P. M. 345. *seq.* Damnatur Projectum . 347.

Hincmari Remensis locus ad appellationes pertinens explicatur . 262. *seq.* & 374.

Hispaniarum Ecclesiarum appellationes ad Sedem Apostolicam . 353. 355.

Hispaniarum Concilia quod a Regibus convocata sint , jus illorum convocandorum penes Reges

ges non offendit. [13. seqq.](#) Ab his non fuerunt confirmata. [135.](#)
 Hofius una cum Vitone, & Vincentio, locum obtinens S. Sylvestri Papæ, præfuit Synodo Nicænæ. [70. seqq.](#) Non modo ratione honoris, sed etiam potestatis. [73.](#) Contraria Samuelis, & Jacobi Balsagiorum argumenta solvuntur. [74. seqq.](#)

I

I Anuaris Episcop. Malacitanus appellat ad Sedem Apostolicam. [333.](#)

Imperatores non suo jure Concilia indixerunt. [3. seq.](#) Jus eam indicendi in politica illorum potestate non continetur. [5.](#) Neque acceptum ii habuerunt a Deo. *ibid.* Ex ratione domini jus illud penes ipsos non esse ostenditur. [6. seq.](#) Ex convocatione [690](#) primorum Conciliorum Œcumenicorum spectare ad eisdem eam convocationem coliigi non potest. [17. seqq.](#) Ad factum pertinent, quæ illi gesserunt. [47. seqq.](#) Vide *Concilia. Præsidentis jus. Confirmandi jus.* Quam ob causam Imperatores sint appellati *Sacerdotes*. [64. seq.](#)

Infalibilitas Romani Pontificis. Vide *Romanus Pontifex, Petrus, Romana Ecclesia.*

Innocentius I. Rom. Pon. Ad eum appellationes S. Joan. Chrysostomi, & Theophili Alexandrini. [278. seqq.](#) Bubalii, & Tauriani. [286.](#)

S. Joannes Chrysostomus. Illius ad Innocentium I. Pont. Max. appellatio. [277.](#) Objectiones Petri de Marca, Dupinii, aliorumque solutæ. [287. seqq.](#)

Joannes Defensor legatus missus

in Hispaniam a S. Gregorio Magno. [353.](#)

S. Irenæus. Ratio, quam ille sequutus est in iis, quæ ad Fidei infallibilitatem pertinent. [492.](#)

Judex majore auctoritate non præstans pervertit jura rationis, si appellationem suscipiat. [292.](#)

Judicia Ecclesiastica uniuscujusque Provinciæ non fuerunt Supremæ auctoritatis. [210. seqq.](#)

Julius Romanus Pontifex. Hujus factum in causa S. Athanasii argumentum supremæ ejusdem jurisdictionis fuit. [221. seq.](#) Consuetudo scribendi ad Rom. Pon. quam Julius memorat, non debet referri ad Alexandrinam tantum Ecclesiam. [224. seq.](#) Julii ejusdem auctoritate, non autem Concilii, Athanasius suæ sedis restitutus. [228. seq.](#) [242](#) Illius responsio ad epistolam Concilii Antiocheni. [240. seq.](#)

Jus convocandi Synodos Œcumenicas distingui debet a facto. [2. 47. seqq.](#) Vide *Præsidentis jus, Confirmandi jus.*

Justinianus Imp. Synodum Constantinopol. II. indixit, initio consentiente, deinde repugnante Vigilio Papa. [32. seq.](#) Illius Novella [123.](#) non obest juri Appellationum ad Sedem Apostolicam. [380. seqq.](#)

L

L Aici. Ad eos quomodo spectet Decretorum Conciliorum confirmatio. [150.](#)

Lapsi. Horum reparandorum duplex forma; per dispensationem gratiam, & per justitiam. [208.](#) Iis in extremo mortis periculo absolutio numquam denegata. [209.](#)

Lau-

Launiojus solius Constantini Imp. auctoritate Nicenam Synodum fuisse convocatam contendens fallitur. 17. seqq. Ac non esse Cypriani epistolam 67. ad Stephanum. 315.

Legati Summi Pontificis ad Orientalia Concilia. Duplex illorum genus: alii interni, & domestici, alii externi. 78. seq. Duplexque legationis modus. ib. 86. Quando in Conciliis censeantur agere potestate delegata. 155. seq.

Leo Isaurus Imp. petit a Gregorio II. Pont. Max., ut Concilium Œcumenicum habeatur. 30.

S. Leo I. Papa cur petit a Theodosio, & Pulcheria, ut Synodus in Italia haberetur. 27. 479. Eodem S. Leone suadente, convocata fuit Synodus Chalcedonenfis. 39. 60. Cui ille præsuit. 88. Ejusque acta confirmavit. 168. Quæ confirmatio non fuit quædam assensio. 169. Ad eum appellatio Eutychetis. 186. seq. Eorum, qui ad Synodos appellasse pugnant, argumenta solvuntur. 190. De S. Leonis epistola ad Flavianum. 187. 194. De Flaviano ad eundem appellante contra Dioscori sententiam. 196. De Leonis ad Anatolium epistola, in qua Flaviani tota causa continetur. 199. Quæ causa devoluta non fuit ad omnes Episcopos Occidentis. 203. De Theodorito Cyrensi appellante ad eundem S. Leonem. 306. seqq. Deque Celidonio. 315. seqq. S. Leoni magis, quam auctori vitæ S. Hilarii fides adhibenda est in causa Celidonii. ibid. Ejusdem decreto

Tom. III.

Hilarius, & Gallicani Episcopi obsequuti fuerunt. 343. seq. De appellatione Projecti ad Sanctum Leonem. 347. Hujus ad Anatolium epistolæ locus de distinguendis sedibus a præsidentibus. 453.

S. Leo II. P. M. confirmavit acta Concilii Œcumenici VI. 175. seqq.

Libri, in quibus errores defendebantur, ab Ecclesia damnati. 396. seq.

Liptinenfis Concilii decreta genuina. 136.

Lugdunenfis Concilii Canon II. non opponitur juri appellationum ad Sedem Apostolicam. 372.

M

Amachius F. Thomas Mariæ laudatur. 77.

De Marca Petrus. Illius argumenta, quibus probare nititur, jus convocandorum Conciliorum ad Reges spectasse, soluta. 12. seqq. Et confirmandorum Canonum disciplinæ. 129. siqq. Ejusdem opinio de origine appellationum ad Sedem Apostolicam refellitur. 206. seqq. De iis, quæ fecit Julius Rom. Pont. in causa S. Athanasii. 221. seqq. De absoluto Athanasio Orientalium Episcoporum auctoritate, non autem Julii Rom. Pontificis. 231. seq. De regula Orientalium disciplinæ. 235. seq. De restitutis Athanasio aliisque Episcopis suis sedibus a Julio Rom. Pont. non directæ, sed per consequentiam. 242. De Canonibus Concilii Sarchensis ad appellationes pertinentibus. 258. seq. De appellationum usu

Xxx

apud

apud Orientales post Concilium Trullanum tantum . 275. *seq.* De appellatione S. Joan. Chrysostomi . 283. Eurychetis . 290. Theodoriti Cyrensis . 311. De usurpato a S. Gregorio more quoad appellationes . 350. Deque Can XXVIII. Concilii IV. Tolerani . 355. De jure appellationum transfuso ab Imperatoribus in Pontifices Maximos . 371. De lege Valentiniani . 380. Et Justiniani . *ibid.* De consensu totius Ecclesie ad infallibilitatem adstruendam Pontificis de Fide judiciis . 473. *seqq.* 506.

Marcianus Imp., suadente S. Leone Papa, Concilium Chalcedonenſe convocavit . 30. Cui præfuit ad tumultus impediendos . 60. Ut facilius decreta executioni mandarentur . 61.

Marcion ad Sedem Apostolicam appellavit . 205. *seq.* Ab aliquo Romanorum Pontificum post Hyginum in communionem receptus . 207. Per dispensationem gratiam . 208. Non fuerat rejectus quia mœchus . *ibid.* *seq.*

N

Natalis Alexandri argumenta ad probandum, spectasse ad Reges jus convocandorum Conciliorum, soluta . 12. *seqq.* Ratio confirmationis decretorum Conciliorum ab eo tributa Summo Pontifici rejicitur . 187. *seqq.* Opinio de necessitate consensus Ecclesie vel antecedentis, vel concomitantis, vel subsequentis ad infallibilitatem Pontificiorum judiciorum in controversiis Fidei refellitur . 497. *seq.*

Nicænum Concilium I. solius Constantiniani Imp. auctoritate convocatum non fuit . 17. *seqq.* Cui is Imp. præfuit prærogativa dignitatis, non autem potestatis . 55. 61. Præfuit vero cum potestate S. Sylvester Papa . 70. *seq.* Per suos Legatos Hosium, Bitionem, & Vincentium . *ibid.* Illiusque acta confirmavit . 156. *seq.* Non autem Constantinus Imp. 159. *seq.* Nicæni Canones dicti sunt Canones Sardicenses . 173. Etiam a S. Leone . 297. Canon quintus . 329. Hujus interpretatio tradita a Patribus Concilii Africani . 330.

Nicænum II. Concil., Œcumenicum VII., consentiente Pontifice Romano, convocatum . 43. Cui Hadrianus I. per suos Legatos præfuit . 109. Non autem Tarasius Patriarcha Constantinop. 110. Illiusque acta Hadrianus confirmavit . 181. *seq.*

O

Œcumenici nomen tributum Patriarchæ Constantinopolitano Hadrianus reprehendit .

42. Orientalium Ecclesiasticæ disciplinæ regula a Petto de Marca falso admissa . 235. *seqq.* Orsius S. R. E. Cardinalis laudatur . 155. 156. 209. 402. 424. 431. in not. 450. in not. 458. 460. 465. *seqq.*

P

Parisienſis Concilii V. nulla decreta a Clotario Rege mutata . 139. S. Petrus Apostolus . Infallibilitas judiciorum in rebus fidei ei a Christo promissa . 412. *seq.* Ad eum tantum referuntur verba

Rega-

Rogavi pro te, ut non deficiat fides tua &c. ibid. Ut ad supremum Ecclesiæ caput. [413.](#) Et ad illius Successores. [415. 420. seq.](#) Petrus Christum negavit, ut homo privatus, non autem ut munere confirmandi fratres fungens. [424.](#) Eadem infallibilitas ostenditur ex verbis: *Pasce oves meas.* [427. seq.](#) Quæ non opponitur infallibilitati Ecclesiæ. [429.](#) S. Petrus unitatis caput, radix, centrum. [506. seq.](#) Pipinus Concilii Sveitionensis decreta non confirmavit. [137.](#) Præsidentis jus in Conciliis Œcumenicis. [53. seqq.](#) Præsidentis ratio duplex, orationis, & potestatis. *ibid.* Vera præsidentis ratio proprie convenit interiori potestati. [54.](#) Imperatores ordinis, seu dignitatis ratione Concilii præfuerunt. [55. seqq.](#) Præscripserunt id, de quo agi deberet, non ramen sibi iudicii rationem tribuerunt. [58. seq.](#) Potestatis quandoque rationem habuerunt ad sedandos tumultus. [62.](#) Ut decreta facilius executioni mandarentur. [61.](#) Liori modo Conciliis præfuerunt. [63. 117. seq.](#) Præsidentis jus in Conciliis Œcumenicis, quod sit veræ potestatis, est penes Summum Pontificem. [68. seqq.](#) *Ratione* supremæ Præfecturæ. *ibid.* Supremæ legislativæ potestatis. [69.](#) Monarchici regimini. *ibid. seq.* Iisdem præfuerunt cum potestate Summi Pontifices. [70. seqq.](#) Princeps. *Vide Imperatores.* Privatus Lambecitanus Episcopus primum appellavit ad Episcopum Carthaginensem, deinde

ad S. Fabianum Romanum Pontificem. [209. seq.](#) Et ad Clerum Romanum. *ibid.*

Projectus Episc. ad Sedem Apostolicam appellat. [347.](#)

Quesnellus. Hujus opinio de origine appellationum ad Sedem Apostolicam refellitur. [205. seqq.](#) Contra Eutychetis appellationem. [290. seq.](#) De appellatione S. Flaviani ad Synodum Œcumenicam. [302.](#) De appellatione Theodoriti Episcopi Cyrensis ad S. Leonem. [307.](#) Et Celidonii ad eundem. [335. seq.](#)

R

Revisio causæ dicenda non est, sed Appellatio, quæ Sardicenfibus canonibus Rom. Pontifici vindicatur. [258.](#)

Riccardus Rex Hispaniæ non confirmavit acta Concilii Tolentani. [136.](#)

Richerii interpretatio canonum Concilii Sardicenfis ad appellationes pertinentium refellitur. [264. seqq.](#) Ejusdem de Sardicensi Concilio non recensito a Gratiano objectio. [279. seq.](#) Contra appellationem Eutychetis argumenta. [290.](#) Ac S. Flaviani. [302.](#) Et Theodoriti Cyrensis Episcopi. [311.](#)

Romana Ecclesia non distinguitur in rebus fidei a Romano Pontifice. [432. seqq.](#) Idque ex Patribus constat. [434. seqq.](#) Objecta a Bolluetio Patrum testimonia solvuntur. [438. seqq.](#)

Romana Ecclesia infallibilis, quia infallibilis Romanus Pontifex. [450. seq. 485.](#) Alioquin præstantiora essent membra, quam caput. [452.](#) Non est necessaria Pontifici Maximo consultatio

X x x 2 cum

cum eadem in definiendis fidei rebus . [464. seqq.](#) Vide *Consultatio* . Cum Ecclesia Romana Fideles omnes coniungi debent unitate fidei . [506.](#) Romana Ecclesia unitatis centrum , caput , radix . *ibid. seq.*

Romanus Clerus. Appellatio Marcionis ad illum . [206.](#) Privati Episcopi Lambesitani . [209.](#)

Romanus Pontifex solus habet ius indicendi Concilia Œcumenica .

[8. seqq.](#) [17. seqq.](#) [47. seqq.](#) In iis ratione veræ potestatis prædendi . [68. seqq.](#) Eorumque decreta confirmandi . [152. seqq.](#) Quæ confirmatio triplici ratione a Summis Pontificibus habita fuit . [154. seqq.](#) Non est autem tribuenda eis ratio confirmationis , quam Natalis Alexander , & Bossuetius volunt . [187. seqq.](#) Vide *Appellationes* .

Romanus Pontifex infallibilis. Diversitas iudiciorum illius . [385.](#) Notæ ad dignoscenda iudicia , seu definitiones spectantes ad fidem . [387.](#) Recte dicitur , Romanum Pontificem loqui ex Cathedra , cum fidei definitionem edit . *ibid. seq.* Infallibilitas tribuenda est iudiciis ad fidem spectantibus , secus aliis . [388. seq.](#) Spectantibus quoque ad mores . [390. seq.](#) Et ad facta dogmatica . [392. seqq.](#) Errores personales nonnullorum Pontificum infallibilitati non obstant . [400. seqq.](#) Infallibilitas a Christo promissa cum Ecclesiæ , tum Romano Pontifici . [403.](#) *Portæ inferi* non prævalebunt primo adversus Romanum Pontificem , deinde Ecclesiam . [405. seqq.](#) Non Ecclesiæ tantum p. promissa infal-

libilitas a Christo fuit . [409. seqq.](#) Promissa S. Petro Apostolo , ad quem tantum verba *Luce Simon, Simon, ecce satan &c.* referuntur .

[412. seqq.](#) Eadem infallibilitas ostenditur ex verbis : *Pasce oves meas* . [427.](#) Sed omnibus Apo-

stolis tributa non fuit [428.](#) Eaque non opponitur infallibilitati Ecclesiæ . [421.](#) De distinctione inter Sedem , Cathedram , Ecclesiam Romanam , & Pontificem . [431.](#) A Romano Pontifice , Sedes &c. non distinguuntur . [432. seqq.](#)

Romanus Pontifex ubi quidpiam ad fidem spectans definit , certum est omnem ab eo præmissam fuisse diligentiam . [456. seqq.](#) Neque vero alienum ab illius auctoritate est , ut aliorum sententiam exquirat . [458.](#) Immo vero eidem est quammaxime consentaneum . [459.](#) Dicitur numquam potest , neglecta ab eo fuisse media ad investigandam veritatem in rebus fidei . *ibid.* Etiam si aliorum consilium non exquisiverit . [460.](#) Ipsi Pontifici , non autem consultiis , tribuenda est infallibilitas . *ibid.* Eidem liberum est consulere quos vult , non autem illos potius , quam alios . [462.](#) Ac consultatio quidem prævia non est necesse , ut sit consensionis , adhesionis , & approbationis . [463.](#) [470.](#) Necessaria non est neque cum Ecclesia Romana , neque cum S. R. E. Cardinalibus . [464. seqq.](#) Vide *Ecclesiæ consensus* . Cum Romano Pontifice omnes Fideles coniungi debent unitate fidei . [506.](#) Romanus Pontifex unitatis caput , radix , centrum . *ibid. seqq.*

Russi-

Ruffini loca de convocata Syno-
do Nicæna a Constantino Impe-
ratore. [19. seq.](#)

S

Sacerdotes Imperatores quan-
doque appellati. [64. seqq.](#)

Sardicenf Concilium. Ante tem-
pora hujus Concilii appellatio-
nes factæ ad Sedem Apostoli-
cam. [305.](#) ad [244.](#) Quid actum
in eo Concilio. [232. seq.](#) Quo-
nam decreta, habita ratione
appellationum. [245. seqq.](#) Ecu-
menicum hoc Concilium fuit.
ibid. Neque obstat separatio Eu-
sebianorum a ceteris Patribus.
[248. seq.](#) De Canonibus hujus
Concilii ad appellationes perti-
nentibus. [251. seqq.](#) Eorum in-
terpretationes traditæ a Petro
de Marca, Richerio, Van-Es-
penio, Basnagio refelluntur.
[258. seq.](#) Si Canones uti Ecu-
menici habiti ab Orientalibus. [268.](#)
Et a Latinis. [270.](#) Conjecturæ
hac de re contrariæ [solutæ. 271.](#)
seq. Sardicenses Canones Nicæ-
ni dicti. [273. seq.](#) [297.](#) Ignoti
Patribus Carthaginen. VI. Con-
cilii. [323.](#)

Sardicenf Pseudo-Concilium Eu-
sebianorum. [233.](#) [248.](#)

Sedes Apostolica non distinguitur
a Rom. Pontifice in judiciis Fi-
dei. [432. seqq.](#) [453.](#)

Serryus laudatur. [402.](#) Hujus
opinio de consultatione præha-
benda a Pont. Max. in defini-
endis Fidei rebus refellitur. [464.](#)
seqq.

Sigebertus Galliz Rex vult fieri
certior de habenda Synodo,
non autem constituit, jus sibi
esse illius indicendæ. [16.](#)

S. Stephanus Pont. Max. quid in

causa Fortunati egerit. [214.](#)

Atque Basilidis. [217.](#)

Stephanus Episc. ad S. Gregorium
Magnum appellat. [353.](#)

S. Sylvester Nicenam Synodum
congregavit. [20. seq.](#) Illi accla-
matum a Patribus VI. Conci-
lii Ecuemenici. *ibid.* Præfuit il-
la cum potestate eidem Synodæ,
in persona Hosii, Bitonis, &
Vincentii. [70. seqq.](#) Cujus acta
confirmavit. [156. seq.](#)

T

Tarasius Patriarcha Constanti-
nopolit. non præfuit Conci-
lio Nicæno II. [110.](#)

Theodoricus Rex convocat Con-
cilium III. Rom., sed Patres
obstant, ne quidquam decer-
natur, nisi ad illius convocata-
tionem accedat consensus Pon-
tificis Max. [50. seq.](#)

Theodorus Cyrensis Episc. ad
S. Leonem P. M. appellavit. [306.](#)
Objectiones solvuntur. [307. seqq.](#)

Theodosius Imp. Synodum Con-
stantinopol. I. convocavit. [22.](#)

Quæ initio Ecuemenica non
fuit. [24.](#) Convocavit etiam
Ephesinam, poscente Cælestino
Papa. [25. seq.](#) Præscripsit etiam
id, de quo agendum esset, non
tamen sibi tribuit judicii ratio-
nem. [58. seq.](#) Præfuit ad tumultus
comprimendos. [60.](#) Ut fa-
cilis decreta exequutioni man-
darentur. [61.](#)

Theophilus Alexandrinus ad Se-
dem Apostolicam appellat. [277.](#)
Tolerani IV. Concl. ii. Can. XXVIII.
non adversatur juri appellationi-
um. [355.](#)

Trullana Synodus. Vide *Constanti-
nopolit. III.*

Valen-

Valentianus III. Imp. confirmavit jus Appellationum ad Sedem Apostolicam . 378.

Van-Espen . Hujus interpretatio Canonum Concilii Sardiceni de appellationibus refellitur . 264. *seq.*

Vigilius Papa principio annuit , ut Synodus Constantinopol. II., Œcumenica V. , haberetur . 33. Deinde repugnat . *ibid.* Quam ob causam ? *ibid. seq.* Eandem

postea Synodum approbavit ? 35. Prudens Vigilius dispensatio in trium Capitulorum damnatione . 37. 99. *seq.*

Zosimus P. M. Cælestii appellationem recepit , deque illius causa judicavit . 313. *seq.* Contra sentiens Dupinius retellitur . 315. Apiarii appellationem Zosimus recipit , illumque communioni restituit . 321. *seq.*

ERRATA

FINIS TOMI TERTII.



ERRATA CORRIGE.

Pag.	V lin.	8	proprius	proprius .
	18	28	Christus	Christum .
	157	12	vera	verum .
	203	8	oportere	oportere .
	217	10	ad Cornelium	ad Stephanum .
	302	12	ex quod	ex eo quod .
	336	23	Hillarii	Hilarii .
	347	29	Pratoclum	Patroclum .
	376	16	appellationenum	appellationum .
	395	16	custodi-custodivisse	custodivisse .
	452	8	cum Melchiori	cum Melchiore .



